

FRANCISCI
VALLESII,
DE IIS QV AE

SCRIPTA SVNT PHY-
sicè in libris sacris, siue de 40421
Sacra Philosophia.

LIBER SINGVLARIS.

*Cui, propter argumenti similitudinem, adiuncti sunt duo
alij. Nempè LEVINI LEMNII de plâis sacris:
Et FRANCISCI RVEI de Gemmis, ante qui-
dem editi, sed nunc emendatiùs expressi.*



LUGDVNI,
Sumptibus Sib. à Porta.

M. D. LXXXVIII.



1900





FRANCISCVS
VALLESIVS CO-
VARRVBIANVS.

AD PHILIPPVM SE-
cundum Hispaniarum, Indiarum
Regem potentissimum dominum
suum.



*VM tibi me meaꝑ omnia
debeam (Rex potentissi-
mè) non possum librum
quempiam in lucem emis-
surus, de ullo alio patrono
cogitare. Nam cum me tua
maiestas deterret, ea benignitas, & beneuolen-
tia, quam in primis expertus sum, inuitat. Tan-
to igitur nomini dicatum volo librum de Sacra
Philosophia. Videbitur certè, estꝑ munusculum
tenue, tamen argumentum non indignum, est*

enim de ijs quæ in sacris libris occurrunt, quæ
ad Philosophiam pertinent: quo solo nomine
quæ tua est in res omnes sacras pietas recipere
non dedignaberis. Ponderis mei humeris impar
esse scio, tamen conatus tales haudquaquam
possunt esse inutiles. Nam si quàm maximè vi-
debor in re tanta parum præstitisse, hac ipsa cau-
sa alios prouocabo ut in argumento optimo &
nouo, tractato tenuiter laborent fælicius. quod
etiam mihi debebitur quodammodo, qui quam
alijs percurrerent, viam indicauerim. Ergo Rex
potentissimè & bonorum studiorum unicū præ-
sidium faue his inceptis, atque, si res exiget, e-
tiam auctoritate defende.

FRAN-



FRANCISCI VALLESII

De iis,

*QVAE SCRIPTA SUNT
Physicè in libris sacris, siue de sacra
Philosophia.*

PROOEMIUM.



V A m plurima occurrunt in libris sacris ad naturam pertinentia, quæ plerique sic censent accipienda, quasi sanctissimus Dei spiritus, nihil ad naturam pertinens nobis voluerit interpretari; sed omnia ad salutem animarum referens, iuxta humanas sententias, Philosophorum, aut etiam vulgarium hominum, proposuerit. Veterum Philosophorum plerique, ad quorum manus sacri hî libri peruenerunt, eos legebât velut alia quævis Philosophica monumenta: atque adeo ipsa Iudæorum & Christianorû dogmata, velut singularis cuiusdam scholæ Philosophorum, examina bant, certabântq; de eorum probabilitate, conferêtes cum aliis dogmatis: quæ fuerût innumera. Ego diuina hæc eloquia, minimè ad naturæ interpretationem scripta esse, à viris Dei amicis, sancto afflatis spiritu, mihi persuadeo. quia vt testatum reliquit Ecclesiastes ca. i. naturæ arcana noluit De⁹ reuelare nobis (quòd ad vi-

*Sacri
bri
scripti.*

tam æternam obtinendum, quàm quis de natura teneat opinionem, indifferens est) sed *hanc occupationem pessimam*, Philosophandi, *dedit Deus filiis hominum ut occuparentur in ea*. Tamen, cum quædã in ipso sermonum ductu texantur naturalia, ea omnia verissima esse, existimo, utpote quæ, à summè vero Dei spiritu, dictata sint, & ab ipso naturæ autore fluxerint, quem latere nihil potuit. Velut profectò, contexta sunt in his libris quàm plurim, pertinētia ad historias, quæ & ipsa aliorum spectant, quàm ut antiquiorum facta, & gesta prælia, homines nouerint. Nemo tamen pius, & catholicæ ecclesiæ filius, putauerit, vel latum vnguem à veritate deuiare, aut rem, aliter ac narretur, gestam esse. Cur non ergo, eodem modo censeas de historia naturali? Nollit enim nos Deus naturales rerum causas, & ortus docere, utpote, quas, nos certò scire, non adeo referat ad æternam salutem: atque ob id, de illis ne edisserat, sed cum obiter aliquid attingit, cur nos decipiat? Certè decipi non potest, neque decipere: siquidem summè sapiens, & bonus est. Atqui naturales rerum causas scire, ut non est ad salutem æternam necessarium ita neque quidquam lædit. Quapropter, ut neque nobis Deum aperire, ita neque cælare fuit necessarium. Ob hæc ego mihi persuadeo atque omnibus persuasum volo, ut omnem aliam doctrinam, quæ vera sit, ita naturalem, in his diuinis libris contineri: adeo, ut disciplinās omnes quàm plurimum iuuari posse sperem, si doctissimi viri, aliis perlustratis, in eis præcipuè laborent, sua quique tractantes. Nā veterrimi Philosophi, horum lectione sunt plurimum adiuti. proinde ego, perfectis iam in omnes auditorios Aristotelis de natura, & quàm plurimos Hippocratis, & Galeni de re medica, libros, commentariis, quod

Deus

Deus concesserit vitæ reliquum, statui in his philosophari. cum quoniam nulla alia ratione censeo certi quippiam de naturalibus haberi posse, tum quia nescio quo modo eorum lectio, etiam historica, aut physica, animum pietate imbuat latenter. Quare huic lectioni, consecrare senectutem, equum est, putare, scripta esse mihi hæcenus Philosophica, ad opinionem, hæc autem scribi ad veritatem. Horum enim autor ipse est Deus, qui quoniã totius naturæ est principium & causa, constat interpretationem naturæ non aliunde posse melius incipere, quàm ab ipso. Volo tamen hæc in Dei gloriam, potius quàm mei nominis celebritatem, scripta, atque rei tantæ difficultatem, & humanæ mentis debilitatem agnoscens, testor ante omnia, nihil me in hoc aut vlllo alio meorum operum asserere, nisi quatenus probetur à sancta Romana Ecclesia, penes quam veritas est, & sapientia. quæ, vt dicitur Proverbiorum. *9. misit ancillas suas*, hoc est, naturales scientias, vt vocarent in arcem. vt me nunc naturalis Philosophia vocat in arcem, & ciuitatis mœnia, hoc est, lectionem sacrorum, in quibus tamen ita versabor, vt à physicis quàm minimum recedam; mihi enim magno pere probatur illud: *ne sutor ultra crepidas*.

Autori
p. otestat

CAPVT PRIMVM GENESEOS.

IN principio creauit Deus cælum & terram. Terra autem erat inanis & vacua, & tenebræ erant super faciem abyssi, & spiritus domini ferebatur super aquas. Dixitque Deus, fiat lux. Et facta est lux. Et vidit Deus lucem quòd esset bona: & diuisit lucem à tene-

bris appellauitque lucem diem, & tenebras noctem; factumque est vespere & mane dies vnus. Dixit quoque Deus fiat firmamentum in medio aquarum; & diuidat aquas ab aquis. Et fecit Deus firmamentum, diuisitque aquas, quæ erant sub firmamento, ab his quæ erant super firmamentum. Et factum est ita. vocauitque Deus firmamentum, cælum; & factum est vespere & mane dies secundus. Dixit verò Deus congregentur aquæ, quæ sub cælo sunt, in locum vnum; & appareat arida & factum est ita. Et vocauit Deus aridam, terram; cōgregationesque aquarum appellauit maria. Et vidit Deus quòd esset bonum & ait germinet terra herbam virentem, & facientem semen, & lignum pomiferum faciens fructum iuxta genus suum, cuius semen in semetipso sit super terram. Et factum est ita. Et protulit terra herbam virentem, & facientem semen iuxta genus suum, lignumque faciens fructum, & habens vnumquodque sementem secundum speciem suam. Et vidit Deus quòd esset bonum, & factum est vespere & mane dies tertius. Dixit autem Deus, fiant luminaria in firmamento cæli, & diuidant diem ac noctem, & sint in signa, & tempora, & dies & annos, vt luceant in firmamento cæli & illuminent terram; & factum est ita. Fecitque Deus duo luminaria magna; luminare maius vt præesset diei, & luminare minus, vt præesset nocti: & stellas & posuit eas Deus in firmamento cæli, vt lucerent super terram & præessent diei ac nocti, & diuiderent lucem ac tenebras. Et vidit Deus quod esset bonum; & factum est vespere & mane dies quartus, Dixitque etiam Deus, producant aquæ reptile animæ viuentis, & volatile super terram sub firmamento cæli creauitque Deus cete grandia; & omnem animam viuentem atque motabilem quam produxerant aquæ in species suas, & omne volati-

le secundum genus suum. Et vidit Deus quod esset bonum, benedixitque eis, dicens, crescite & multiplicamini, & replete aquas maris; auesque multiplicentur super terram. Et factum est vespere & mane dies quintus: Dixit quoque Deus, producat terra animam viuentem in genere suo, iumenta, & reptilia, & bestias terræ, secundum species suas; factumque est ita. Et fecit Deus bestias terræ, iuxta species suas, & iumenta, & omne reptile terræ in genere suo. Et vidit Deus quod esset bonum, & ait: faciamus hominem ad imaginem & similitudinem nostram, & præsit piscibus maris, & volatilibus cæli, & bestiis vniuersæque terræ, omnique reptili, quod mouetur in terra. Et creauit Deus hominem ad imaginem & similitudinem suam; ad imaginem Dei creauit illum, masculum & fæminam creauit eos. Benedixitque illis Deus, & ait, crescite & multiplicamini, & replete terram & subiicite eam & dominamini piscibus maris, & volatilibus cæli, & vniuersis animantibus, quæ mouentur super terram. Dixitque Deus, Ecce dedi vobis omnem herbam afferentem semen super terram, & vniuersa ligna, quæ habent in semetipsis sementem generis sui, vt sint vobis in escam, & cunctis animantibus terræ omnique volucris cæli, & vniuersis, quæ mouentur in terra & in quibus est anima viuens, vt habeant ad vescendum, & factum est ita. Viditque Deus cuncta, quæ fecerat, & erant valde bona, & factum est vespere & mane dies sextus.

Nihil magis controuertitur inter veteres Philosophos, quàm sit ne corporeus & aspectabilis mundus, principio temporis carens, fueritq; semper qualis nunc esse cõspicitur itaq; semper fuerint, hæc Luna, hic Sol, hæc Astra, & aliæ omnes mundi partes, quæcunque videntur esse incorruptibiles reliquarum verò species,

*Philos. de
mundi e-
xordio o-
piniones.*

æterna vicissitudine, seruata sint, & nunc seruentur: an
 aliquando incæperit, cùm aliquando omnino non ex-
 titerit. rursùm, an ab aliquo factus, incæperit, an per se
 ipsum casu constiterit. Atqui profectò, optimum id
 hi esse videtur totius physicæ exordium, si quis velit
 resolutiũm tenere ordinem, qui discensionum naturæ
 magis se accommodat, & petitionibus minus indiget,
 quia incipit à postremis, de quibus primum omnium
 naturaliter contingit dubitare. Nihil autem est, quod
 prius homines natura dociles. cùm primũ ex pueri-
 li ignoratione incipiunt emergere, dubitent, & per se
 ipsos dubitando contédant inuestigare, Deo arbitror
 ita volente, quia nulla disquisitio citius fert in Dei op-
 timi maximi, mundi scilicet opificis, cognitionem. Pla-
 to & Pythagoras, factum esse mundum hunc aliquan-
 do à Deo, censent. atque à nullo alio, quàm ab ipso met
 Deo, à quo factus est, posse ad interitum deduci, inter-
 iturũ verò nunquam: sed Dei voluntate perseuera-
 turũ. ita tamen factum, vt non ex nihilo, sed ex rudi
 quadam materia, in qua sine ordine, omnia mundi hu-
 ius exordia latitauerint. eam verò materiam factam
 esse nunquam, sed extitisse semper, & aliquando exor-
 natam esse. Aristoteles vt nullus est futurus interitus
 mundi, ita nullum fuisse temporalem mundi ortum,
 sed æternam quandam à prima causa emanationem, &
 dependentiam. Epicurus, cœpisse mundum, interitu-
 rũque rursùm, atque vtrumque sæpe, fortuitò, nunc
 coeuntibus aptè, nunc discedentibus corpusculis. Ana-
 xagoras, temerario etiã congressu, sæpe dissolutis, quæ
 ineptè coierant, aliquando aptè coniuncta esse corpu-
 scula homogenea, bonasque rerum formas non am-
 plius dissolui, sed successiua generatione æternum ser-
 uari. Deus optimus maximus, in in initio corũ, quos
 per

*De mundi
 ortu philo-
 sentetia.*

*Mundi
 perpetua
 emanatio.*

per eos quos elegit in Prophetas, ad homines habuit sermones, nobis reuelat mundum hunc à se factum esse, neque extitisse semper. vt piis iam hominibus dubitandi nullus relictus locus sit. Vt verò, naturalis etiam philosophia, & ipsa per sese humana mens, ad cōtemplandam Dei veritatem, suam exiguam conferat supellectilem, enitendum nobis est eorum quæ in his libris videbuntur ad eam, aliqua ex parte, pertinere, naturales inuenire rationes. Præstabo quod potero certò sciens, id ipsum, quātuncunq; erit, ab ipso esse Deo. Sententia Platonis, hoc solum dissidet à veritate: quòd ponit materiam æternam, à qua sit factus mundus tēporalis. Cætera enim omnia vera sunt, & rationi congruentia, mundum scilicet hunc factum esse à Deo, ac proinde à nulla alia causa dissolui posse, quam ab ipso Deo, ab eo verò posse, vt factus est, corrūpi. Plato dicit dissolui in ea, ex quibus est compactus: nos verò dicimus posse à Deo in nihilum deduci, vt ex nihilo est factus. Itaque in principio, id est, cū nondum vllum fuisset tempus, neque vlla rerū corporearum extitisset, Deus, hoc est, prima causa, æterna, & immutabilis, fecit ex nihilo cælum, & terram, hoc est, totū hunc mundi aspectabilis, & corporalis, orbem; qui etiam in nihilum reduci ab eodē Deo posset, seruabitur verò in æternū, eadem bonitate, qua factus est. Verū quādoquidem multas continet assertiones propositus sermo, satius est sigillatim disputentur, Mundum hunc non esse ab æterno, sed incepisse aliquando, cōstare videtur posse. Nam eius sunt partes duplices (de solis agitur hīc corporibus. ne de insensibilibus disputatio incertas reddat monstraciones) quædam natura incorruptibiles quæq; eodē numero persistunt, vt cœlestia corpora quædā corruptibiles & quæ similiū successio-

*Platonis
& verita-
tis de mun-
di ortu di-
scrimen.*

*Mundi
partes du-
plices.*

ne seruantur, alioqui defecturæ, vt homines, equi, arbores, ac denique omnia, quæ intra cælum oriuntur. Res corruptibiles non possunt ab æterno esse; sunt verò necessaria mundi partes: ergo neque mundus omnino potest ab æterno esse. Propositio indicatur, quia res corruptibiles seruantur multitudine singularium ordine succedentium: multitudo verò non potest esse infinita actu, sed potentia; non potest ergo ea successio ab æterno venire (possit verò si Deus velit in æternum abire) nam nullum corruptibile potest durare nisi tempus finitum: ex finitis verò numero, & magnitudine, non potest constare nisi finitum: tēpus verò ab æterno veniens, necessario fuisset infinitum. Ergo necesse esset, quodcunq; corruptibile venire ab infinitis numero similibus. fuisset igitur infinitus numerus singularium, numerū verò infinitū esse actu, continet contradictionem; igitur fieri non potest, vt corruptibiliū generatio veniat ab æterno. Vt verò in eternū abeat, non repugnat, quia multitudo, adiectione finitorum, & si adiectio nunquam cesset, nunquam fit infinita, nisi potentia: hoc est, quod nunquam finiatur neq; cesset adiectio: vt continuum potest diuidi diuisione nunquam finienda; tamen confectione singulorum, nunquam posset, esset congesta multitudo infinita. Ea dem ratione monstratur, neq; corpora cœlestia ab æterno esse (nisi forte fuerunt æternum quiescentia, & cæperunt aliquando moueri) nam etsi neq; oriantur, neq; intereant, mouētur semper successiuis circuitionibus. adiectione verò circuitionū constat earum numerus: quare esset iam numerus infinitus. Itaq; cōstat posse dierum successiua continuatione, ordinem durare in æternum si velit Deus, tamen venire ab æterno non posse, continētque re vera contradictionem, eternum

*Infinitum
actu impos-
sibile.*

*Continui
diuisibilitas.*

num & principio carens esse, quod vnquam mutabile sit. Sed fortê quispiam monstrationem nō intelliget, & proteruiens dicet, non posse esse numerum certum & infinitum, tamē posse esse multitudinem incertam infinitam. aut rursum, non posse esse infinitam multitudinem rerum simul existentium, posse tamen esse ordine præteritarum. Ob hanc enim causam, sunt qui dicant, repugnare, mundū ab æterno esse, & hominum animas immortales, timentes scilicet, ne infinitæ iam animæ, æterna hominū generatione, collectæ sint. Sed hi debiliter admodum intelligūt, quam cōtradictionem contineat, numerum esse infinitum. nō enim, refert, res, quarū est numerus, sint, an fuerint, nisi forte censent, ob id non posse esse eam rerum multitudinē infinitam, quod non sit locus quo capiantur, aut quibus nutriantur cibi. certē repugnantia in ipsius numeri natura est, qui si numerus est, non potest nō esse numerabilis, par aut impar, atque ob id finitus. neq; potest esse numerus, qui nō fiat adiectione vnitatis maior, infinito verò nihil maius, neque minus est numerus rerum præteritarū, quàm præsentium. verè enim idem est numerus dierum præsentis anni, & superioris. neque verò locus est dicendi. multitudinem esse quæ nō sit numerus. multitudo enim omnis diuisibilis. & quanta: quanta verò quantitate discreta: quantitas verò discreta, & numerus, eadem res est: quapropter, multitudo, & si mihi possit esse incerta & innumerabilis, simpliciter verò, & in sese nulla potest esse, nisi certa & numerabilis. Verū propter imperitos, & proteruos, mōstretur hoc idē, ducēdo ad incōueniēs: hæc enim ratio, facilius reuincit minus perspicaces. Pone contrarium, puta, ab æterno esse hunc Solem, & circa terram volutari, necesse est diem hodiernam ab

Infinito nihil maius.

infinitis diebus, ordine succedentibus, fluere. quapropter à superiorū dierum aliquibus, distabit hæc, tempus finitum, ab aliquibus, infinitum. nam si ab omnibus distaret finitum, totus ipse mundus habuisset initium: ab omnibus verò nō distat infinitum (neque enim ab hesternā) si igitur fuerunt dies à quibus hæc distat, infinitum tempus, ab illarū quacūq; incepit dierum numerus, qui aditione vnitatum factus fuerit infinitus. quare si ab ea die cepisset fieri, ita vt singulis diebus pars proportionalis decederet, perfecta iā esset cōtinui diuissio: si quidē facta esset diuissio infinita: atque eadem ratione, qui ab hodierna die inciperet numerus aliquando esset euasurus infinitus, fieretque infinitum ex finito additione finitorum: & esset infinitum inter duos fines, hanc scilicet diem, & illam à qua hæc distabat infinitum. Dices, non potest indicari dies, à qua hæc distaret infinitum: à te certè non possit. sed rogo, an fuerit aliqua? si enim nulla fuit, neque mundus fuit ab æterno. sin autem fuit, ab illa incepit numerus. tam quæcūque vnitas, quæ non est vltima, inchoat numerū. Dices, continent cōtradictionem hæc, atque ob id non potest intelligi dies quidam, à quo hic distauerit infinitum. Certè si fuerunt plures, in multis non potuit non esse aliquis. quare si posito mundo ab æterno, sit necessariò vt plures dies fuerint, à quibus hic distet infinitum, & multis existentibus sit necessariò, vt eorum quiuis fuerit, aliquis, à quo hic distet infinitum. & dato aliquo tali, sequuntur absurda, & contradictionem continentia, sit necessario, vt id quod primò ponebatur, puta mundum ab æterno existere; contineat contradictionem, & censeatur impossibile. nam ob absurdum, quod colligitur, tolli debet quod primum ponebatur, non quæ

*Mundum
esse ab æ-
terno con-
tradicit.*

quæ fiebant. nam si concedis id quod accipiebatur, & tollis aliquid eorum quæ fiebant, cogeris concedere duas assertiones contradicentes. quia non potes non concedere, quod fit ex eo quod admittis; quia verò hoc idē tollis, cōcedes oppositū, & contradicens. Mū-
 dus igitur nō potuit esse ab æterno. Sed hæctenus pro-
 cessit mōstratio ex corruptibilib. mundi partibus, aut
 saltem mutationes aliquas subeuntibus. Sed si quis af-
 firmet ortus & interitus, atque omnino omnes muta-
 tiones, aliquando incēpisse, tamen fuisse ab æterno, &
 ante omnem mutationem, æterna cœlorum corpora,
 quiescentia, aut etiam corpora elementorū, ob cœlo-
 rum quietem ab omni mutatione vacantia. itaque, præ-
 cipuas mundi partes, esse nunquam, moueri verò cæ-
 pisse aliquando, atque inde cœpisse initium ortus &
 interitus. qui, inquam, ita diceret; nunquid convinci
 posset? posset certè, hac ratione. Aut corpora illa, quæ
 æternum quieuerunt, fuerunt facta ab æterno, aut om-
 nino non fuerant facta: neutrum verò esse potest ve-
 rum: ergo neque omnino potuerunt esse ab æterno.
 Nā si facta omnino non sunt, fit vt sint per sese ab æter-
 no, & esse proprio existentia. Quapropter nullum il-
 lorum ab alio pendeat, aut alio posterius sit, sed per se
 se sint, & operētur ab æterno (cū operatio procedat
 à cuiusq; rei natura, & proprio esse) quare nulla illis
 prior causa sit (si enim hæc effecta ab alio nō sunt, non
 sit vlla eorū causa) quapropter mundus hic vniuersus,
 neq; vnus erit, neq; totus, neq; perfectus, cū nō pen-
 deat totus ab vnica virtute & causa, neq; causæ omnes,
 in vnā omnium primā, referantur: sed sint multæ
 mūdi partes, à quibus non procedatur ad vllam aliam
 superiorem, & priorem, hoc verò fieri nō potest. nam
 aut illæ partes habent aliquam naturam siue essentiam

*Operatio
 procedit à
 natura
 esse.*

communem, aut omnino habent nihil commune. Ex
adeo diuersis, vt nihil commune dicatur de illis, nulla
ratione potest conflare vnum: nam neque ordo esse po-
test inter omnino diuersa. ordo enim secundum ali-
quid commune est, dicimus enim inter Petrum & Frā-
ciscum ordinem quēdam esse. iunioris, & senioris, quā
Doctores sunt, quia hic antiquior, ille recentior est, &
quā homines, quia hic iunior, ille senior, tamen quā
Petrus homo, & Franciscus doctor, aut quā Petrus do-
ctor, & Franciscus Burgensis, nullus ordo est. quia ho-
minis, & doctoris: aut doctoris, & Burgensis, non est
vlla communis ratio. si igitur dicas, illas partes à nulla
causa pendentes, neque vlla posteriores nihil habere
commune, tollis omnino mundum, quo sublato, nihil
est: nam mundus, neque vnitae causae primae, neque v-
nitae essentiae, neque ordinis, erit vnus. si verò nulla ra-
tione vnus est, neque est omnino, quia ens, & vnum, con-
uertibiliter dicuntur. Si eò velis procedere stupidita-
tis, vt concedas mundum non esse ens, sed entia diuer-
sa omnino, & æquiuocè dicta. mūdum ponis rem om-
nium imperfectissimam: præterquam, quòd sensus
ita dicere prohibet, cum vnica & omnium perfectis-
sima totius figura, & partium positio, esse cernatur. Si
verò concedis partes illas mūdi habere aliquā essentia
communē, constat, quandoquidē non sunt omnino ea-
dē, habere eas aliquid commune, & aliquid diuersum.
Est autem quod commune vnum: quæ diuersa mul-
ta. illud ergo commune, prius erit illis omnibus di-
uersis: si quidem ex eo constant, hæc non: ergo erant
illæ partes, suo quæque ordine, primæ causæ, sed pen-
debant illæ omnes ab aliqua priori causa, à qua da-
ta erat eis communis illa essentia. Nullatenus er-
go fieri potest, quin corpora omnia facta sint. Si verò
facta

facta sunt, non certè ab æterno tempore, sed aliquando. nam quod fit, ex non ente fit, quod ergo factum, ex non ente est factum. Ergo antequam esset ens, fuit non ens, seu nō fuit ens, nō ergo fuit sēper, & ab æterno ens, sed aliquādo ens aliquando non ens. quod enim sēper fuit, nunquā est factū, quia quod fit non est. Neq; certè aliud est facere, quā ei quod nō est, esse tribuere. Verūm hoc ita habere, hoc modo melius intelliges. Nemo dicet Solē nunc fieri à Deo, quia nūc Sol non fit. Si verò Sol ab æterno est, nunquā fiebat, magis quā nunc fit, quia nunquam erat minus, quā nūc est. nullo ergo modo potest esse ab æterno, quod factum est. Siquidem ergo satis monstratum est mundum esse factum, constat non esse ab æterno, sed in principio temporis, simul scilicet cum corporibus incipiente motu, & cum motu nascente tempore. Itaque in principio facta sunt cælum & terra. Si verò facta sunt in principio, aut facta sunt à se ipsis sponte naturæ orientia, aut ab alio: à se ipsis non potuerunt: quia quod facit, est actu, quod fit, non est actu. nō magis ergo potest aliquid facere se ipsum, quam esse simul & non esse. superest facta esse ab alio. illud verò aliud, aut erat factum, aut æternum. si factum, illud rursus fuerit factum ab alio, & illud ab alio, pervenietur ergo ad aliquod æternum, à quo sint facta omnia, aut ibitur in infinitum. Si permittis ire in infinitum, redibunt omnia argumenta, quibus monstrabatur non potuisse infinitas rerum generationes antecedere: ergo necesse est ponere æternum aliquod, & primum, à quo facta sint omnia, quæ facta sunt. illud verò quia æternum, sit primum, quia primum, simplex, & vnum, quod verò eiusmodi, omnes homines Deū esse dicūt. Deus igitur est, qui in principio fecit cælum &

*Non ens,
entis p^{ri}ncipium.*

*Cælum
& terra
facta sūt
non à se-
ipsis sed ab
alio.*

Latini di- terram. Sed quo pacto fecit? Latini nolunt legere, fe-
cunt mun- cit, sed creavit, significātes hoc verbo, fecisse ex nihilo.
dum fuisse quod etiā ipsum, videtur mihi monstrari posse eisdem
se creatū argumentis. nā si fecit ex aliquo, aut illud aliquid factū
non factū fuit, aut non: si factū fuit, rursum rogabo an ex nihilo,
 an ex aliquo: si ex aliquo, de illo rogabo rursum, ibi-
Mundus tūq; iterum in infinitū, & redibunt argumēta nume-
ex nihilo ri infiniti: sin aliquando capit rerum fabrica ex nihilo,
factus. hoc est quod asseritur: si verò illud nunquā est factum,
 redeunt argumenta eadem quæ de incorruptibilibus
 mūdi partibus proferebantur eisdē igitur argumētis,
 quibus indicauimus, mundū esse factum, indicatur
 factum esse ex nihilo. Adeo ridere lubet præstantissi-
 mos illos Philosophos, qui ante mundi ortum, pone-
Philoso- bant alij corpuscula, quæ in immēso spatio sine ordi-
phorum ne volutarentur: alij hæc ipsa corpora, velut in contur-
ignorātia bata miscella latitantia. quid hi faciebant lucri? vt sci-
de ortu licet mundus ab æterno fuisset deformis, & aliquādo
mundi. exornaretur. an minus est absurditatis & repugnātiæ,
 in infinita multitudine motionū inordinatarū, quàm
 ordine succedentium, & in æternitate corporis defor-
 mis quàm pulchri? an nō satius erat pulchrū ab æter-
 no ponere? nā perfectio & pulchritudo prior est
 ipsi esse: imperfectio & deformitas, ipsi nō esse. Ego
 certè hac in re laudo Aristotelē, quòd cū impossibili-
 tatem (vt ita dixerim) æternorum motuum, & corpo-
Laudatur rum, non præuiderit, maluit ab æterno esse pulchram
Aristo- hanc mundi faciem, quàm aliquando ex æterna defor-
teles ab mitate emeruisse. oportuit verò ipsum æternitatem il-
Autore. lam temporis mēditari, reperisset si quidem, vt neque
 in corpore, neq; in loco (hæc enim ille demonstrauit)
 ita neq; in tempore infinitatem esse potuisse: si quidē
 est etiam tempus quantum, vt & corpus, & locus. si
 igitur

igitur omnia quanta finita, tempus quoque totū finitum est, & erit. quare factus est aliquando mundus ex nihilo. Porro fieri aliquid album est, fieri quale, fieri septipedale, est fieri quantum, huic loco accedere, est fieri hīc, fieri verò hominem, aut equum, est fieri hoc: fieri mundū, est simpliciter fieri, aut fieri ens: quia neque est fieri hoc aut illud, neq; quantū, neque quale, sed fieri simpliciter. vt ergo quale sit ex nō tali, vt album ex non albo, quantum ex non tanto, vt tripedale ex nō tripedali; sic, ex non hīc existente: velut Cōpiutū venit, qui erat Toleti: hoc aliquid, ex nō hoc, vt homo ex non homine. ita necesse est fieri simpliciter, ex simpliciter nō ente; atq; ita ex nihilo. respondebis fortasse Platonice, factū esse mundum ex nō ente simpliciter, non tamen proinde ex nihilo. Sed neq; hoc dici potest. nam si ponis illud, ex quo mundus est factus, quodq; ab æterno erat, qualē materiam primam fingimus, ea ne intelligi quidē sine omni forma potest, nedū esse. Si enim ea, mera potētia, omni actu vacua, erat, non poterat existere actu (nulla enim existentia sine essentia est) sed potētia, potēs virtute diuina educi ex nihilo, vt ex ea corporales formæ virtute naturali educerentur: interim tamē, nihil existeret, præter ipsū Deū, qui in principio fecit cōelū & terrā, ex nulla materia. Sed quo pacto fecit? iubēdo fieri. Hoc quoq; deridebāt sumi illi, & admirādi Philosophi censentes Deū, velut fabrū quendā, aut figulū esse, neque aliter, quā quēdā contorquēdo, quēdā producēdo, quēdam pinscendo, & alia quēdā machinando, sua opera effecisse: & quēdā eorū per se, quēdā per minores Deos. Verū, si, vt mōstratū est, fecit Deus omnia ex nihilo, cōstat, Deū ipsam per sese fecisse omnia, quia potētiē infinite est ex nihilo facere, & ob id nulli finite virtu-

*Materia
mera po-
tentia.*

*Existentia
sine essen-
tia nulla.*

*Deus po-
tentia in-
finita.*

ti poterat demādari. nō potest verò esse virtus infinita nisi vnica, eāq; prima & summa. neq; enim in infinitis est maius. Si igitur fecit Deus ipse per sese omnia ex nihilo, non potuit facere aliter, quam iubendo: nō enim educendo ex materia vlla, neque aliquid machinando circa materiā, quę erat nulla: neq; erat quod operi repugnaret; neque quę se minus ductilē pręstaret, materia, quā elaboraret. nihil aliud esse potuit, illud facere, quā ex sua infinita fœcūditate, bonitate, potentia, & sapiētia infinita, quę in eo vnica & simplicissima res est, iubere, vt res fierent. esse autē primæ causæ fœcunditatē infinitam, Hoc est facultatem faciendi ex nihilo; neque indigere, vt faciat, materia vlla; idque ponere, ob ipsius mundi integritatem & perfectionē, necessarium esse, in Phisicis quæstionibus monstrauimus: neque pigebit nunc repetere. Certè non est perfectus & pulcher mundus, nisi omne quod sit pulchrum, sit aliqua bonitas quę velit; & omne quod scibile, sit sapientia quę sciat; & quod possibile potentia quę possit. Nam quā aliquid possibile non potuit, aut scibile ignorauit, aut pulchrum uoluit, vel inuidit, mancum & imperfectum exierit opificiū, ipsum verò pulchrum, aut scibile, nemo definit ad bonitatē volentis, aut scientiam scientis. Sed pulchrū est, quod rei cui accidit, ad propriam bonitatem obtinendam, perfectionem adiicit; & scibile, quod in sese habet principium, vnde sciri possit: igitur neque possibile, quod simpliciter dicitur & nō ad aliquid, definiri debet ad potentiam. sed simpliciter possibile, est illud, quō factō & posito, nulla repugnantia sit, aut contradictio. tunc enim res per sese fuerit impossibilis, cum in ipsa est (vt ita dicamus) impossibilitas. externum verò quiddam fuerit, si ob id solum dicatur impossibilis,

Causa primæ fœcunditatis.

Mundi perfectio.

Possibile quid sit.

lis, quòd non sit causa quæ possit facere. Oportet igitur sit in rebus causa aliqua, quæ possit, quidquid in sese repugnantiam nullam continet. At verò fieri ex nihilo, non est simpliciter impossibile, sed impossibile cuidam virtuti finitæ, puta naturali. qua virtute esse aliam superiorem, & potentio-rem, non est impossibile. Si igitur esse aliam virtutem maiorem omni natura, quæ possit facere ex nihilo non est impossibile, est possibile: Si verò est possibile, est etiam necessarium. quia, vt Aristoteles acutissimè dicit. in æternis idem est quod possibile & quod necessarium. necesse est igitur esse Deum, eumq; per sese fecisse in principio temporis cælum & terram, iubendo vt ex nihilo fierent. neq; est quod quiempiã perturbent aniles dubitationes, quid facerèt Deus solus, in illa æternitate otiosus? cur non fecerat hæc corpora multò antea? nã qui omnia, habet intra se eminenter, nulla vnquam re caret, qui sibi est sufficientissimus, nunquam est otiosus. Iam verò mundus si quidem factus est in principio temporis, ~~cum in æternitate neq; sit prius neq; posterius, non potuit fieri antequam factus est, nisi ab æterno fieret. fieri verò non potuit ab æterno, ob contradictionem, quam aperuimus. non est ergo quod queramus non esse factum antea. Sed relicta æternitate, accipies interrogationem à tempore, in quo est plus & minus, prius & posterius, rogabisq;, cur vt est nunc mundus sex mille annorum, non est etiam decem mille, vt esset factus mundus quatuor millibus annorum, antequã factus est? ego te rursus rogo, an si ita esset factus, non esset hæc tua dubitatio? neq; ro- gares cur non esset factus prius? certè esset eadẽ, quid si centum mille nunc esset annorum mun-
 dus, vt ali- quando erit, nisi intercipiatur tempus? esset certè ea-~~

*Fieri ex
 nihilo ni-
 hil à fini-
 to potest.*

*Deus qui
 ante mū-
 dum.*

*Mundus
 cur no-
 prius fa-
 ctus.*

*Creare
quid.*

*Homo ex
terra.*

*Homo ex
elementis
actus.*

*Creare du-
plex est.*

*Substantia
quomodo
fiat.*

dē. quid si centies millenis mille? tunc quoq; si igitur
nisi ab æterno fieret, non posset abesse hæc dubitatio;
ab æterno verò fieri non potuit, ad quem potius per-
tineret momentū creationis indefinitum definire, ad
te qui dubitas, an ad Deum qui fecit? meritò ergo fe-
cit in principio. idque temporis principium fuit, cum
ipso creationis. Videri possit, verbum illud, creare, nō
habere eam vim, quā diximus, sed esse vtcunq; facere.
si quidem dicitur, creauit Deus hominem. at verò nō
fecit eum ex nihilo, sed ex limo terræ. sed neque alia
viuentia fecit nisi ex terra, aut aqua. Diuus Augustinus
censet, omnia esse creata simul eodē momento, seu in
eodem nunc; illam verò partitionē dierum, nō signi-
ficare partes tēporis, sed distinctionē, & gradus quos-
dam naturæ rerū: atque factū esse hominem ex terra,
non actu præexistente, sed existente potentia in ipso,
velut quiuis dicitur nostrum, verè factus ex quatuor
elemētis, tametsi nulla terra, aut aqua, erat actu id, ex
quo facti sumus, sed semen & sanguis. Itaq; vt vnico
intuitu totā facies, & eius omnes partes, in speculo ex-
primuntur, ita vnica Iussione Dei, constitisse, to-
tam hanc corpoream molem, & in ea refulsisse il-
lum diuinitatis fulgorem, quem vocamus naturam.
cæterum quia non omnes sancti hoc ita intelli-
gunt, alia responsione est opus. De verbo, creare,
ego ita censeo, creare duplex esse, alterum & præci-
puum, ex nihilo facere: alterum sine materiæ dis-
positione facere. nam substantia non videtur ali-
ter fieri posse, quam generatione, aut creatione.
generatio verò non est nisi in materia disposita, quæ
igitur sine materiæ dispositione est, creatio vocari
debet. Quapropter siue ex nihilo omnia, siue
ex nihilo quædam, quædam ex materia non
dispo-

disposita, sed iubēdo fecit, omnium est Deus effector & creator. Fecit verò Deus, omnia quę fecit, valde bona. id est, suis singula formis perfecta: quia ipse valde bonus est: & bonus omnia vult bona esse: quia nulla vnquam de re inuidia tangitur. voluit ergo omnia fieri valde bona, quoniam bonus; sciuit verò quęcunq; voluit; & potuit quęcunq; sciuit & voluit, quia vt est summè bonus, ita & summè sapiens & potens. Tria i- *Tria, verū principia.*
gitur sunt omnium rerum principia; potentia, sapiētia & bonitas, quę in prima causa vnicum, & idem principium est. Innumera alia continet præscriptum caput, de quibus, quia scio non posse me pro dignitate dicere, tacere malo, ac relinquere enarranda Theologis, quib. dedit Deus, in hoc sanctarum scripturarū paradiso liberius versari. Apponam verò quam mihi Deus dederit, sex dierum enarrationem, hinc capto initio. *Vidit* (inquit) *Deus quod esset bonum, & ait, germinet terra herbam virentem, & facientem semen, & lignum pomiferum, faciens fructum iuxta genus suum, cuius semen in semetipso sit super terram, & factum est ita. & protulit terra herbam virentem, & facientem semen iuxta genus suum, lignumq; faciens fructum, & habens vnumquodque sementem iuxta speciem suam.*

Videtur his verbis significari, nullam omnino esse herbam, neque plantam, quę semen nò proferat: siquidem omnia quę terra producit, videntur esse creata à Deo. at verò nihil videtur Deus iussisse vt germinaret terra, præter ea quę semē proferunt. omnia ergo quę terra germinat, semen proferūt. at verò videtur, huic assertioni experimentum repugnare: si quidē in *Deplanta- rum semi- nibus quæ- stio.*
arborib. Sális, Ulmus, Populus, & Fraxinus, & huiusmodi alię, nullū videntur habere semen. minutulæ & annuæ herbulæ, quibus prata omnia conuestiuntur,

*Genera-
tio à simi-
li & dis-
simili.*

*Genera-
tionis ani-
malium &
plantarum
triplex
modus.*

spontè nascuntur sine vlllo semine, & fungorū omnia genera, quā & ipsi nutrimentum & ortū ex terra capiunt. filici etiam nullus flos, nullus fructus est, teste Dioscoride, sine quibus semen nullum esse possit. Quid ergo, an hæc non sunt creata à Deo? certè creata sunt omnia à Deo, sed vt arbitror (nisi tamē aliter sancta censet Ecclesia, ita enim facile assentiar) nō omnia eodē modo. nā rerū, quæ ortui & interitui sunt obnoxie, quædā non aliter generari possunt quàm à suo simili: vt homo ab homine: equus ab equo; quædā verò dissimiliū causarū concursu generantur per accidēs, vt quæ generantur per putrescentiā, aut etiā per cōcoctionē, aut per alterationes quasdā quarū rerū generationes, nō tam referūtur in vllā facientē causam, quæ proxima sit, quàm in materiæ dispositionem: velut aurum non gignitur ab auro, aut argentum ab argento, aut omnino metallorum vllum ab eiusdem speciei alio; neque lapis vllus à lapide. his enim rebus nulla seminalis virtus est, vt neque vllis earum, quæ vegetabilem non habent naturam. Plantarum etiam & animalium multis accidit, vt per accidens, neque à sui similibus generentur. atque in vtrisque (plantis inquam & animalibus) est triplex differentia. quædam enim (quæ scilicet sunt perfectissima) nō aliter quàm per se, & à sibi similibus generari possunt, vt homo, equus, bos, & elephas, & nux, prunus, & palma, & pomifera omnia: quædā (quæ scilicet sunt viliissima) semper generantur per accidens; vt pediculi, & vermes, & fungi, & alga. quædam sunt inter hæc, perfectione etiam media, quæ cum à similibus, & seminali vi generentur, spōte etiam nasci possunt; vt mures qui habēt vtranque generationem, & vesparum, & locustarum, ac scarabeorum genera. Herbas etiam aliquas, earum quæ

quę semen afferunt, sponte nasci, ac sine semine posse, *Quędam*
 omnes existimāt, inde capto argumēto, quod quibus- *herba na*
 dā in terris: visę sint denū, atque vbi nullę vnquā ta- *scantur si-*
 les fuerint innasci. velut Theophrastus, ca. 5. primi, de *ne semi-*
 causis plantarum, narrat, laserē aliquando in Apturea *ne.*
 ortum esse ex imbre quodam crasso, cū in ea mundi *Laseris or*
 parte fuisset nunquam: atque ibidem siluam quādam *tus.*
 ingentem profiluissē aliquādo, vbi nulla antea fuisset. *Ortus in-*
 quanquam non desunt, qui horum etiam euentuum *gētis siluę.*
 quærunt feminalē causā, velūt Anaxagoras, qui
 censet ipsum aērem deferre ex aliis in alia loca semi-
 na, hincque fieri, vt hominibus id non sentientibus,
 fiant generationes quędam alicubi, quę videantur ef-
 se spontaneę, cum tamen non sint. alij causantur inū-
 dationes cōfluxusq; aquarū, dicentes amniū diggres-
 sionibus fieri, vt semina ex aliis in alias partes deferā-
 tur. Sed & si hęc nō ineptē dicātur, mihi videtur mul-
 to probabilius, si quidē in animalīū genere sunt nō-
 nulla quę vtrunq; habēt ortū, esse in plātis quā pluri-
 mas. nā ex semine solum posse consistere, neq; vllū
 habere accidentalem ortum, perfectioni tribuitur. at
 verò genus animalīū perfectius multo, quā plantarū
 est. plantę ergo plures habēt nascēdi modos, neq; tā
 tenētur conditione nascēdi ex semine, quā anima- *Semina-*
 lia. quod rursus vel hoc argumento cōstat, quod ani- *lis vis in*
 malia perfecta, nō aliter quā ex semine nasci possūt *plantis.*
 plantę verò etiā hę, quę maximē semen proferūt, na-
 scuntur etiā insitione, & plātatione, & germinatione,
 suntq; illis omnes hę productiones per se. itaq; nō est
 quod videatur inopinabile, plantas plerasq; earū, quę
 ex semine nascuntur, nasci posse spontē ex terrę & a-
 quę fœcūditate solum, cū id accidere videamus a-
 nimalīū non paucis. quin potius existimo, quę omni

careant semine, esse perpaucas: quæ possint spontè na-
 sci quàm plurimas, nam, vt Theophrastus rectè cen-
 set latitare potius quàm nō esse feminis naturā, est ar-
 bitrandum. velut in thimo est semen, quod sensu per-
 cipi nequit, & in salice, & vlmo & eiusmodi aliis. sunt
 etiam quibus seminalis vis est in lachryma, vt iridi. at
 que generatim, vt Theophrastus inquit, ea facilius, at
 que ex minori principio valent generari, quæ imper-
 fectiora sunt. quamquam ergo verisimile sit, quàm
 plurimas, & herbas & arbores, quæ carere videantur,
 habere semina, vt de salice, & vlmo, dicebamus: non
 tamen proinde, negandum, esse multas, quæ omnino
 non habeant & nonnullas earum, quæ habent, sponte
 etiam oriri posse: cum illa triplex nascendi differentia
 notetur in animalibus, quæ genere quidem sunt per-
 fectiora. ex dictis constat res quasdam esse, quibus (ni
 si illas Deus in illo mundi exordior fecisset) necessa-
 riò esset semper mundus cariturus, aliàs verò, quæ, &
 si à principio factæ non essent, possent deinceps,
 ex ipsis mundi elementis naturaliter oriri. Nam ele-
 mentorum, si vel vnum tollas. necesse tolli omnia, ac
 cum illis etiam concreta corpora. quia cum primæ
 contrarietates, primò insint elementis, sintque ipsæ
 elementorum naturæ, sublati elementis, toleren-
 tur contrarietates primæ, atque his sublati tolle-
 rentur rerum omnium generationes. cum hæ omnes
 agantur per alterationes mutuas, quæ nascuntur à
 contrarietatibus. quòd verò sublato eorum quocun-
 que, necesse sit tolli omnia elementa constat: quo-
 niam si frigus omnino non est, neque calor sit. si qui-
 dem si calfactio nulla esse potest, neq; calor omnino
 est at verò si omnino non frigus, neque calfactio vlla
 est: neq; refrigeratio, nisi calor: si quidē omnes cōtra-
 sunt

*Thimi, fa-
 licis & vl-
 mi semen.*

*Facta ne
 cessariò in
 principio*

*Cōtrariis
 sublati ge-
 neratio
 tollitur.*

*Frigore su-
 blato tolli-
 tur calor.*

rij motus, sunt inter eosdē terminos, cōtrario modo: *Motus contrarij inter que.*
 vt calfactio à frigido in calidum; refrigeratio à calido in frigidum. Necessē est igitur, quocunque eorum sublato, alterum tolli. eadem ratio est humidi & sicci. Porro hæ duæ contrarietates, calidi & frigidi: humidi & sicci relationem quandam habent ad sese, sunt enim primæ actiæ, secundæ passiuæ. quapropter utræque sine aliis, ad generationes rerum essent otiosæ & inutiles. omnes ergo necesse est in mundi exordio extiterint: quare, & prima corpora, quorum primæ illæ, seu virtutes, seu qualitates, sunt. necessario ergo si modo futurus erat mundus creata fuerint in initio elementa. quo autem modo postea dicemus. Iam verò cœlestia corpora multo magis, & propter sese; & propter alias mundi partes. propter sese; quandoquidem nisi diuina virtute essent in initio creata, cum nullum habeant ortum aut interitum naturalem, nunquam deinceps oriri possent: propter alia verò, quoniam cum omnis aliarum rerum virtus ab illis gubernetur, nullæ prorsus naturalium mutationum sine illis esse possent. *Corpora cœlestia quorsum.*
 Necesse etiam est fecerit Deus ab initio ea omnia animalia, atque omnino viuentia, quæ ex solo semine, aut germinatione generationem habent. nisi enim in initio diuina virtute essent facta, nunquam deinceps oriri possent. vt neque modò, si omnes homines, aut equi, aut leones morerētur, esset vnde rursus oriri possent nimirum non habēt aliam generationem quàm ex semine. Ita etiam arbitror, si nuces omnes, cum toto nucum semine, perirent, mundus esset in posterū ea planta cariturus. at verò metalla, & lapides, & ea, siue animantia, siue plantas, quæ putrescentia quadam generari

Facta necessario in principio.

possunt, non par necessitas est, ut Deus fecerit ab initio: possent enim ipsa postea, ex rebus aliis naturaliter oriri. velut nunc gignuntur mures & vermes, ubi nulli antea fuerint, atque metallum quodcunque, solis virtute, gignitur ex terra & aqua. quapropter, ne mundus his careret, minus videtur necessarium fuisse, ut Deus creandi vim apponeret, cum naturalis esset futura satis. atqui fortasse propositæ dubitationi iam respondimus, atque ob hanc causam, non simpliciter dixit Deus, *producat terra herbam virentem, sed virentem, & facientem semen, & lignum pomiferum faciens fructum iuxta genus suum*: ac repetiit, *cuius semen in semetipso sit super terra*, hoc est, quod non aliter oriri ex terra possit, quam ex suo semine. fortasse etiam hanc ob causam,

*Fusillium
& gemmarum nulla
mentio in
creatione.*

in tota mundi creatione, nulla fusillium, neque gemmarum, facta mentio est, sed tantum elementarium corporum, & coelestium, & animalium natantium, & volantium, & terrestrium, & plantarum, quarum semen in semetipsis sit super terram, ac postremo hominis. quasi ex initio creatis, reliqua essent naturaliter eruptura. neque verò huic sententiæ repugnat, quod 8. ca. Ecclesiastici dicitur, *Deus qui semper est fecit omnia simul.* verè enim fecit omnia simul in illo mundi initio, non tamen omnia eodem modo, sed alia quidem ipsa per se se, alia in suis principiis. Extiterunt à principio omnes rerum formæ, aliæ quidem actu, aliæ potentia. quoniam iam inde omnes, aut erant actu, aut poterant naturaliter oriri. neque quidem hoc durum videri cuipiam debet, quod in quibusdam exemplis videtur posse demonstrari. cum enim sint quædam animalcula, quæ non aliam, quam ex hominis morbis, ac excrementis, generationem habent, ut pediculi, lētes, & acarus, animalculum inquam illud omnium minimū,

Facta simul omnia.

*Actu aut potentia
semper formæ sunt.*

Animalia ex excrementis.

quod

quod scabiei est initium (aratorem vocant vulgò, & vulgares chirurgi syronem) & lûbrici, tam lati, quàm rotundi, & ascarides vocati, & quædam alia animalcula innominata, quæ in quibusdam abscessibus, & in ossium carie reperta sunt, constat ea ab initio nō extitisse: cùm Adamus sine vlllo morbo creatus à Deo sit, atq; adeo perstiterit vsq; dum peccauit. quòd perfectà iam mundi creatione, euenit. Itaque res quasdā vilissimas, & quæ putrescentia tantùm fiunt, cuiusmodi quæ dicta sunt animalcula, & algæ, quæ putrescente aqua in lacunis gignitur, quæq; sordes potius dicuntur quàm res, vt inquit Arist. non dubito post exactā mundi creationē pullulasse. an verò res aliæ, quæ adeo viles non sunt, poterat tamē naturaliter oriri, vt metalla, lapides, & viuētia, quæ vtrunq; ortum habent, ex semine inquam, & spontaneū, intra sex primos dies ornādi mundi gratia extiterint, an nō, sed postea orta sint: haud habeo quòd affirmē. Illud tamē mihi videtur probabilissimū, ea si in ipso mundi initio extiterunt, nō tā creatione, quàm properata generatione esse facta. nā receptissimum est illud Philosophorū axioma, naturā (multo magis Deū) nihil frustra facere. frustra verò apponeretur creatio, vbi generatio naturalis esset satis. poterat verò Deus optimus Maximus, exornādi statim, ac perficiēdi mūdi gratia, earum omnium rerū ortum, alioqui naturālē, properare adeo, vt statim erumperēt, cū creandis, & si non eodē ortus genere. neque verò proinde non esset ille naturalis ortus, quia aucta celeritas nō mutat speciem motus. si enim lapis descēderet, eadē celeritate qua sol fertur, aut etiā prima sphæra, celeritas quidē illa, maior esset quàm pro lapidis natura, motus verò nihilominus naturalis. vt ergo tria rerum genera esse diximus, ita nūc tria earū initia ponimus. quædā enim

*Adamus
sine morbo
creatus.*

*Natura
nihil fru-
stra facit.*

*Motus ce-
leritas nō
mutat spe-
ciem.
Tria rerū
initia.*

initio creata esse, factaq; ex nihilo aut sine materiae dispositione: quædam postea succreuisse; quædam, inter hæc, extitisse quidē in initio: ortu tamē naturali. Moses verò ea tantum videtur narrasse, quæ primo modo extiterunt, creata scilicet per sese, ac non solum per sua principia. nam primo die fecit elementorum corpora, & lucem. secundo fecit firmamentum, hoc est corpus illud totū cœleste, quod constat multis orbibus: tertio separavit aquam à terra, colligensq; aquam in locum vnum fecit maria, terræque detecta creavit omne genus plantarum, quæ ex semine habent generationem: quarto fecit, Solē, Lunā, & Stellæ, & posuit in firmamento (ex eadem, arbitror, firmamenti substantia, non aliter ac hominem fecit ex terra) quinto fecit animalia omnia, natatilia & volatilia: sexto terrestria, cum quibus & hominem. At verò præter hæc, constat esse in mundo res quàm plurimas, quæ intra sex primos dies non extiterunt. vinum enim non esset, cum nulla antecessit vindemia: neque oleum, cum nondum tuse oliuæ: neq; mel, cum nondum apes melificassent. nimirum hæc, & huiusmodi alia, creata sunt in suis principiis, ex quibus deinceps orta naturaliter sunt, vt etiā ex terra & aqua, fuentibus ea cœlestib. corporibus, aut intra ipsos sex dies, aut postea, orta sunt metalla, & lapides, & bitumina, & herbæ sponte nascentes, ac denique alia omnia, quæ non habent seminalem ortum, neque fiūt à similibus, sed concursione aliarum causarum, per accidens, producuntur. Videtur neque ignis facta esse, in hac narratione, mentio. quapropter existimare videtur quispiam posse, ne omnia quidem elementa facta esse in illo mundi exordio, sed tria tantum, ignē verò postea, concursione aliarum causarum, ortum esse. Iuuabit hanc opinionem antiquitas, quæ, vt aliarum

Creata sex diebus.

Creata in suis principis.

Ignis ante quādo creatus.

rum rerum quam plurimum, ita etiam huius, quærit in-
 uentorem, quasi ignis non sit à principio in rebus,
 sed alicuius hominis industria postmodum factus: sci-
 licet, ut & vinum. Plinius narrat, ignem è filice, pri-
 mum inuentum esse à Pyrode, Cilicis filio: idem autor
 affirmat, primum esse inuentum in Pyrpile. Si igitur
 inuentum hominum ignis est, non videtur à princi-
 pio mundi extitisse. sed quo pacto potuit hic mundus
 constare, præstantissimo & efficacissimo carens ele-
 mento? Cum sint duæ mundi partes, altera humilior *Mundi*
 ac imperfectior, corporibus constans ortui & interi- *partes du-*
 tui obnoxia: altera sublimior ac perfectior, constans *plices.*
 corporibus incorruptibilibus. humiliorem & igno-
 biliolem, oportuit primò fieri, quasi fundamentum,
 & mundi exordium. natura enim ita comparatum est,
 ut principia sint viliora, atque ad perfectiora, in tu- *Ignobilio-*
 ius rei opificio, procedatur. atque illam quidem, *ra primo*
 oportuit primo fieri impolitam & incultam, postea *creata.*
 exornari. ita enim & natura & ars procedit, ab obscu-
 rioribus quibusdam & rudibus delineamentis, ad exa-
 ctiorē formam. neque verò non est hoc optimum ar-
 gumentum: nam ut ars naturam imitatur, ita natura *Ars na-*
 diuinitatem, à qua fluxit. ut ergo artificialia opera imi- *turam imi-*
 tantur naturalia, ita est rationi consonum, naturalia *tatur.*
 imitari diuina opificia. Quapropter ex eo ordine, *Artis &*
 quem rerum natura tenet, rationem diuini opificij *natura pro-*
 volentes inuestigare, haud quaquam errabimus: ipse *gressus.*
 enim Deus est naturæ parens. Proinde primo die, fa-
 cta est tota generabilium & corruptibilium sphaera,
 constans elementorum corporibus, terra inquam, a-
 qua, aere, & igne: illis verò, neque puris, & syncerissi-
 mas naturas retinentibus, neque seorsum positis, & *Elemento-*
 ordine collocatis, neque illustratis vllò cœlesti lumi- *rum impa-*
 ritas.

*Elemento-
rum confu-
sio.* ne, sed intra obscurum aërem aqua & terra permistis,
atque intra hæc omnia, igne inuisibiliter incluso, qui
inter cætera, fouebat aquas, reddebátque fluxiles, ne
frigore concreverent, móxque, ac Canos hoc extitit,
fecit Deus lucem, per quam reddita sunt corpora illa
aspectabilia, factúsque est dies primus. verùm vt hæc
distinctius eloquamur, oportet quædam, de elemen-
torum naturis, enarremus. Elementa prima, principiis
rerum naturalium, materiæ inquam & formæ adeo
proxima sunt, vt per sese, & omni mistione vatantia,
nullibi munda sint, aut fuerint vnquam, aut etiam es-
se possint. nam cum eorum naturæ definiantur per
*Qualita-
tes elemen-
torum for-
ma.* summas qualitates, & consistentia corporis, mistu-
ram quandam desideret, & contrarij misturam, quia
mera humiditas nullam consistentiam haberet, me-
ra siccitas nullam compactionem & continuitatem,
nihil penitus syncerum existere in corporibus po-
test. Quapropter elementa prima intelliguntur, de-
finitis seorsum eorum naturis, suntque potentia in
rebus concretis, actu verū nullibi: quod quia intelle-
*Elementa
actu nulli-
bi.* xit Galenus, in com. primi de natura humana, elemen-
tis primis nullas formas substantiales attribuit, sed pro
his, qualitates primas, affirmans ea constare ex mate-
ria prima, & calore, frigore, humore, aut siccitate, aut
harum binis qualitatibus. itaque terra hæc quam inco-
linus, & aqua qua vtimur, aërque quem inspiramus, e-
lemēta mera nō sunt, sed corpora, simplicissima eorū,
quæ extant, & proxima elementorum naturis. quo fa-
ctū est, vt eorū nomina dētur ipsis elemētis, quę men-
te potius intelligūtur, quàm re vera subsistunt. aut cer-
*Elemento-
rū nomina* tē, si simplicium elementorum sunt illa nomina, prio-
ra hæc corpora, quæ videmus, non sunt appellāda hæc,
sed, vt Plato dicit in Timeo, talia. nimirum non terra,
sed

sed terreum corpus: non aqua, sed aqueū: ita & aereū,
 & igneum. ridiculum enim quod quidā pueriles Phi-
 losophi affirmant, oportere, ut quodcunq; elemētum
 sit alicubi purum, in propriis scilicet regionibus. Vbi
 enim talis sit aqua? an in mari, vbi falsissima, & piscibus
 scatens? Elementa itaque prima, potentia sunt in cor-
 poribus, actu nusquam. neq; verò expedit: ob cōcreta
 enim sunt illa necessaria: per se se nihil esset inutilius.
 Verūm & si elementa actu non sint, maximè viget eo-
 rum natura in his elementis, quibus utimur, terra in-
 quā, aqua, aere, & igne, quę ordinem eum amant natu-
 raliter, ut sint crassa sub tenuibus. atque proinde, sicu-
 bi confusa ac conturbata sunt, mox in imum mergitur
 terra, aërque emergit, & interfluit aqua. Ignis quoque,
 ut maximè communis Philosophorū opinio fert, ef-
 fertur naturaliter in supremum locum, atq; proinde
 proximum cōlo locum tenet: aut, ut ego existimo, is
 solus inter omnia corpora, nullum potius locum præ
 alio amat, neque in vllum fertur, nisi per accidēs, motu
 materiæ, quam occupat, aut tractus à lumine (ab hoc
 enim naturaliter trahitur) sed velut quædam mundani
 huius corporis anima, totum occupat, permeans per
 omnia, ut omnia fœcūdet, ac quodammodo viuificet.
 Nam cum omnes naturales ortus agantur cōcoctione
 quadam, quod caloris est opus, constat sine eo omnia
 futura sterilia: aquā præcipuè, quæ ab omnib. ferè Phi-
 losophis cēsetur esse primū frigidorū. ut verò ortus tri-
 buūtur calori, ut efficiēti causę, ita tribuuntur humidi-
 crassiori, qualis aquea est, ut materiæ. atq; hac ratione
 efficitur, ut aqua ob humiditatem crassam, qua abun-
 dat, sit velut mater omnis generationis: ignis verò pa-
 ter per calorem. Rerum ergo generationes, maximè
 adscribi debent aquæ ab igne fœcundatæ. ita sit, ut

*Ignis mo-
tus.*

*Ignis ani-
ma mūdi.*

*Concoctio
à quo.*

*Aqua
principiū
frigidorū.
Aqua ge-
nerationis
mater, i-
gnis pater*

Mare fecundissimum.

Aqua principium frigidorum.

Ignis per omnia sua. Ignis est spiritus ille iucumbens aquis.

Aqua cur fluxilis.

nisi hæc duo adhibeantur principia, omnia steriliscant: velut terra, nisi irrigetur primum, ac deinde concalescat. Ipsum quoque mare, quod omnium mundi partium est fecundissimum, ut mirabilis rerum, tam viventium, quam vita carentium, quæ in eo gignantur, differentia indicat, si calore destitueretur, futurum esset penitus generationis ineptum, & concretum frigore. quin & tota mundi aqua, nisi, à quo concalescit, igne funderetur, futura esset glacies. Si enim primum frigidorum esse recte dicitur, nulla frigiditas potest illi esse præter naturam. videmus verò eam aliquando concrefcere frigore: haberet ergo id secundum naturam semper, nisi aliquid accederet, quod funderet. quid verò aliud potius sit, quàm ignis, qui caloris omnis principium cum sit, fouet, atque fecundat, facitque, animalium & aliarum rerum ortui & conseruationi, idonea: nam qui consentaneum est censere, aquam per hyemem, absentia ignis, potius cōcrefcere, quàm præsentia frigidi aëris, ut putant, qui aërem statuunt primum frigidorum, verum in eam, adeo diffidentem à cōmuni sensu opinionem incidunt, quia hanc ignis, per res omnes delationem non assecutus. Ignis itaque per omnia permeat, alimentum ab illis accipiens (quia sunt illi omnia substrata ut materia, ut mirus dixit Aristoteles) aque verò ab eo accipiunt calorem genitalem, & motum, ac fluxilitatem. Itaque igne fouente & incubante aquas, rerum omnium aguntur generationes. Hæc verò disertissime docuit Hippoc. li. I. de dicta his verbis. *constituuntur quidē igitur tū animantia omnia alia, tū homo ipse, ex duobus, differētibus quidē facultate, cōcordibus verò & cōmodis usu, igne inquā & aqua. hæc autē ambo simul sufficientia sunt, tū aliis omnib. tū mutuo sibi ipsis. vtrūvis verò seorsū, neq; sibi ipsi, neq; ulli alteri sufficiēs est. vim igitur*

igitur ac facultatē vtrūq; ipsorū talem habet, ignis enim omnia per omnia mouere potest; aqua verò omnia per omnia nutrire. particulatim verò vtrunq; superat & superatur (hoc est pugnant mutuo inter se, vtroq; eorū partim vincente, partim victo) ad summū ac minimū quantū eius fieri potest, (hoc est plus aut minus, vt quodcūq; eorū potest) neutrum enim superare penitus potest. hūc ob causam sanè, igni quidem, vbi ad extremitatem aquæ peruenerit (hoc est vbi penitus consumpta humiditas est) deficit alimentum (ita euanesceat ignis cū ventum est ad cineres) evertitur igitur eo, vnde nutriri potest. (hoc est serpit in alias materias, quarēs alimētum) aqua verò vbi ad extremitatem ignis peruenit (hoc est vbi penitus exclusit ignē) deficit motus (quia concresecit in glaciē, fitq; immobilis). vides quā disertē Hippocrates dicat, aquā accipere fluxilitatem, motum, ac fecunditatem ab igne; ignem verò ipsum ferri per omnia, atque alimentum ex omnium humiditate capere, & generationes omnes his duobus principiis attribui. hoc idē est quod hic insinuat hīs verbis; *Et spiritus Domini ferebatur super aquas*, seu incubabat aquas, ambo enim hec significat dictio hebraica. insinuat verò vtrūq;, ignē scilicet ferri per aquas, eas quē fouere ac incubare. meritò verò spiritus appellatur, quia ignis; corporū omnium maxime, videtur ad spiritualiū substantiarū naturā accedere: est enim tenuissim⁹, & visū ac omnino sensum fugiēs, nisi cū, ob materie, quā occupat, densitatem, apparēt, vt in ignito carbone, & fumo ardēte. In his enim ipsis, cum rarescūt, disparet, vt cū dissipatur fumus. cōtrā, cū ei⁹ ignis, qui intra nubē inuisibilis cōtinebatur, circūstati frigore dēfatur materia, is emicat, abiēs in fulgur, aut etiā fulmēn. itaq; est tenuissima quædā & in sensibilibus substantia, vt quædam eorū anima, per alia permeans

Ignis necessestas.

Vnde ignis alimentum capiat.

Ignis natura insensibilis.

Fulgur.

Ignis u-
sus ali-
quando
cōperit.

neque apparens, nisi cum densatur cum materia. hęc substantiam à principio fecit Deus. cū verò multo tempore homines igne non indigerent sensibili; ut pote neque carnibus vescētes, neque fructus assantes aut elixantes, eo caruerunt, vsque dum inuenerent rationem retinendi eius in materia densa, in qua apparet, fieretque utensilis. Merito itaque inter corpora omnia hic maximè dicitur spiritus. Domini verò ob magnitudinem virtutis, & præstantiæ: est enim phrasis diuinæ scripturæ, Domini, aut Dei vocari, quę magna, aut præstātia. hic igitur spiritus, hoc est hęc substantia tenuissima, ac perfectissima, ferebatur, incubās & fœcundans aquas. per hunc spiritū factæ sunt aquæ fluxiles, alioqui futuræ, ut diximus, concretæ. in quam sententiā dictum est illud Psalmi, *flabit spiritus eius, & fluent aquæ*. sed quia Physici nunquam acquiescūt ullis dogmatis, sine monstratione, hanc adhibeamus oportet, quoad nostra fieri possit, indicemúsque, ignē, nō habere ullā regionem, in quā seorsum feratur, separatus ab aliis corporibus. Primum quidē illa, quam Hippocrates adhibuit, nō levis est, procedit enim ab experimēto. siquidem videmus nullibi ignē manere, nisi illi suppetat materia vnde alatur, eaq; consumpta statim deficere, ut dissipato fumo & consumpto oleo, flammā; siccatīs vsque ad cineres lignis, prunas. at verò in sua regione seorsū ab aliis omnibus positus, omni alimēto esset destitutus. sed ex motu eius corporis, multò euidentius mōstratur, quod propositū est. si enim supremū appeteret locū, in eum ferretur naturaliter. si autē ferretur, efferret etiā secū alia, quęcūque ei essent agglutinata: atque ut lignū, quod ob naturalem raritatem, aëris nonnihil habet inclusum, ascēdit, per aquā, ita etiam quod ignitum esset, ascende-

Aqua
per ignem
facta flu-
xilis.

Ignis nul-
libi sepa-
ratus.

Lignatur
superna-
tent.

Ignis na-
tus.

ret per

ret per aërem (tanto enim leuior esset ignis aëre, quāto aër aqua) at verò non ita fit: euolarent enim ex prunariis aut foco prunæ omnes: vt scilicet magnæ etiam trabes emergunt è profundissimo flumine: tantū autē abest, vt quæ sunt imbuta igne, euolent, vt ne tātillum illis ignis ponderis detrahat. frustrum enim ferri aut lapidis ignitum, non minus deprimat lancē quā frigans, nisi quid substantiæ decisum illi sit, dūm vreretur. nō ergo ignis sursum potius fertur quā deorsum, sed materiam, sequitur, atque cū densis, lapillis, ferro, aut carbonibus, descēdit: cū exhalatione ignita, qui fumus ardens est, ascendit: comparet verò dū dēsam tenet materiam, ea extenuata, aut dissipata, dispareret. sed & ex vsu, in quē res omnes naturales semper diriguntur, constare videre posse, quod asserimus. quē enim rebus vsu præstaret ignis, supremā mundi regionem tenens, seiunctus à reliquis corporibus? non enim calorem, cum media regio frigidior quā infima esse cognoscatur, actiones verò naturales contingant per mediū: sine calore verò nihil præstare possit. at verò permeans per alia omnia, calefacit, &, vt dictum est, liquat, fundit, ac mouet: quādā alia densat, cōcoquit, atque ad ortū deducit, atque in humoribus quos elaborat, omnis naturalis ortus parēs est. At dicces, id me falsò igneo calori tribuere, quod sit solaris; igneum enim, potius vrere, ac per siccitatem in marecorem trahere omnia, & interitū. Ita est sapē, solaris calor est qui hæc præstat, ipse verò solaris calor, nihil est aliud quā calor ignis, solis fulgore, quo naturaliter trahitur, vt ita dixerim, modificatus. nam sol, cū sit corpus incorruptibile, necessario sit expers qualitatum corruptiuarū, caloris, inquam, frigoris, humoris, ac siccitatis, nō possit ergo calfacere, nisi per aliud,

Calor solis quid.

& accedente quodam. Quid verò sit illud, cuius accessu calorem inferat, potiusquam, quod à Philosophis omnibus statuitur, per se, ac primo calidum? Si enim Sol per accides calidus est, ignis verò quod primo ac per se, necesse est causam caloris illius, ad hunc referri: est verò hoc ipsius etiam ignis naturæ valde congruens. Cum enim inter elementaria corpora, igneum solum cœlestem imitetur fulgorem: ipsum verò ita, vt plurimi veterum Philosophorum, ob eam similitudinē, astra ignea esse suspicati sint, fit valde cōfessionem, vt similitudinis illius causa, facile trahatur ignis cœlesti lumine: quod etiā vestigiū quoddam, diuinitatis eius corporis, est. Maxima ergo ignis pars,

*Ignis solē
sequitur.*

cū lumine Solis circa terrā voluitur, comitaturq; circumeuntē diem. quod, indicant illa verba capituli primi Ecclesiastes. *Oritur Sol, & occidit, & ad locū suum reuertitur, ibique renascens, gyrat per meridiem, & flexit ad aquilonem. lustrans vniuersa in circuitu, pergit spiritus, & in circulos suos reuertitur.* His verbis aperte dicitur, spiritum illum, quē indicatum est esse ignē, circuire simul cum ipso Sole: nā nomine spiritus, non est verisimile, vocari Solem ipsum. nam præterquam quod esset repetitio inutilis, vocari ita nō potest: nam neque quod tenuis, neque quod inuisibilis, neque quod animatus & viuens, cū nihil horum sit. circuit itaque ignis, vt ipse Sol, estque eius cōmes. Quò fit, vt dies, atque omnino lux omnis, calida: nox, atque omnino tenebræ, frigida sint, hic ipse igitur est solaris calor, qui cū ad materiam accedit moderatus, coquit, ac nutrit: alioqui, si copiosus, atque destitutus humore accedit, etiam vrit, vt non raro messes, ante tēpus, ob pluuię inopiam, & defectum etefiarū. Vnde rursus constat, non esse aliam diuinitatem

solari

solari calori, sed eundem penitus esse & igneum. Ita multis iam argumentis probabilissimum effecimus, ignem esse illum spiritum domini, qui in ipso mundi exordio, generationum præstans initium, incubabat aquas. est verò ignis symbolum diuini amoris, qui Deus ipse est. vnde sublimior alius, qui ad me nō spectat, nascitur sensus. His positis, ad enarrationem primæ diei, videmur iam posse accedere. *In principio*, hoc est in ipso temporis initio, *creauit* (hoc est fecit de nouo ex nullis præexistētibus) *cælum & terram*. cæli nō mē, tum in tota scriptura diuina, tū in hoc ipso capite, significat aërē, aut incorruptibile illud & maximū corpus, quod superstat. Constat verò, siquidē dicitur, *dominamini piscibus maris & volatilibus cæli*. nō sunt autem volatilia, nisi in aëre. & iterum, *vocauit Deus firmamentum cælum*. Firmamentum verò nō est aër, sed firmum illud, æternum, & stabile corpus, in quo posuit Deus duo luminaria, & stellas omnes. cum autem duo hæc significare possit ea vox, in narratione diei primæ significat aërem, quia firmamentum fecit Deus in die secunda. Fecit itaque Deus in prima die aërem & terram, vt verò insinuet, nō hæc duo solum elementa facta esse in illa die, neque hæc ante alia, sed quatuor corpora simul, velut vnum Chaos: addit, *Erat autem terra inanis & vacua, & tenebræ super faciem abyssi*, hoc est aquarum: & *spiritus Domini*, hoc est ignis, ferebatur per aquas. itaque cum primum fecit cælum & terram, fecit & abyssum, & ignem erantque ea in prima illa die adeo confusa ac conturbata, vt terra commista, cū aqua intra ipsum aër esset, cū verò aquæ maior quàm terre moles sit, secūdū superficiei videbatur esse tota aqua, vt quoddam lutū atque ita erat terra inanis, hoc est nulla gignens ex sese ani-

Ignis diuini amoris symbolum.

Cælum quid.

Firmamentum quid sit.

malia, & vacua, hoc est nullis plantis ornata: & erant tenebræ super faciem abyssi, qui scilicet tenebat intra se totam terram: nam cum essent iam corpora, quæ lucem poterant recipere, nondum habebant tamen, constat esse tenebras. ignis verò inuisibiliter permeabat per aquas, fecundare iam inde eas incipiens, ac prohibens quominus concreveret, ut gelu. hæc cum ita haberent, creavit Deus lucem, per quam ea corpora in conspectum venire posse cæperunt. diuisitque Deus lucem à tenebris, quia non illuminauit totam eam molem æquæ, sed ab altera superficie apposito lumine, ab opposita corpus ipsum faciebat tenebras, ut & nunc. gyrante verò lumine totum id corpus, factus est vespere & mane dies vnus. In die secundo fecit Deus firmamentum, firmum inquam illud & solidum cæli corpus, neque diuisionem, neque raritatē, neque omnino alterationem vllam recipiens corruptiuā: posuitq; illud firmamentum in medio aquarū, fecitque ut deideret aquas ab aquis, eas scilicet quæ sunt sub firmamēto, ab iis quæ supra firmamentū. De his aquis, quæ supra firmamētū sunt, dubitatur quā plurimū. Sunt qui dicant aquas supra firmamentū, vocari eas, quæ pluendo decidunt in terram, illasque, ab his quæ supra terrā sūt, separari cælo, hoc est aëre. verū falluntur, quia & si cæli nomen de aëre, & de superno illo & incorruptibili corpore dici possit, firmamēti verò non ita. sed firmamētū illud solum est in quo sunt luminaria & stellæ. itaq; haud dubiè supra cælū sunt aliæ aquæ. sed quo pacto? supra cælū enim hoc, quod conspiciunt, nihil aliud esse potest, quā sedes Beatorū, quā quidē tāto præstantiorē, & mutationis minus participē esse oportet, quā cælū; quātō cælum ipsum quā elementaria corpora. quare
 vt ele-

Lucis
creatio.

Aque
supra fir-
mamentū

ut elementaria sunt motus & alterationis participia,
 cœlestia motus solius, ita sedem Beatorum esse oportet
 corpus purissimum, & mutationis, & omnis motus ex-
 pers. at verò si aqua esset, aut ex aqua, recipere posset
 alterationem atque à contrariis pati, siquidem frigus
 & humiditatem haberet naturaliter, & contrarias il-
 lis qualitates, posset, præter naturam, recipere: certè
 eodem argumento, quo Aristoteles monstravit, astra *Astra i-
gneæ.*
 non esse ignea, monstratur cœlū illud supremū aqueū
 non esse. sed ut fatemur, cœlū & astra ignea esse, igne
 quodam cœlesti, qui præstantioris quàm elementaris
 est nature, fulgore solum referens illum, non etiā ca-
 lore, & siccitate, ita dicemus, cœlū illud, quod pluri-
 mi hanc ob causam vocant chrysellinum, aqueum es-
 se, aqua quadam cœlesti, quæ puritate aquā referat, *Cœlū chr-
sellinum.*
 non tamen frigore aut humore. atqui nomen ignis &
 aquæ, non propriè dicuntur de vtrisque, sed ana-
 logia quadā, ut sit duplex ignis (non genere sed secū-
 dum analogiā) elementaris & cœlestis, & aqua quoque *Duplex i-
gnis.*
 duplex. Ut itaque astra vocamus æthereos ignes, ita
 quod supra firmamentū est, vocamus cœlestes aquas,
 aut aquas, quæ supra cœlos sunt, quas in psalmo inui-
 tat David ad laudes Domini. duobus itaque diebus fe-
 cit Deus elementaria corpora, & totum cœlum: duo-
 bus sequentibus exornavit: postremis duobus reple-
 vit ea animalibus: exornavit verò prius eā mundi par-
 tem, quā prius fecerat (elementarem inquit) dixit ita-
 que Deus congregentur aquæ, quæ sub cœlo sunt in locum
 unum, & appareat arida, & vocavit Deus aridam terrā,
 & congregationes aquarum maria: hæc congregatio
 aquarum in locum unū, ita ut terræ facies appareret,
 ac nūc appareat, celebratur plurimū in sacris eloquiis
 quasi argumentum maximum potentiae Dei mirum.

*Aqua &
terra glo-
bus.*

enim est, ut quod supra naturam esse videatur, terram grauiorem multo & minorem aqua, ab ea non obruitur, turgentisque & elatissimos maris fluctus, intra certos fines se se continere, neque in totam terram quæ longo interuallo subitare videtur, se se effundere. Verum hoc æquè est argumentum sapientiæ & potentiae. non enim violentia continet Deus terram supra aquas, aut cohibet aquas quominus fluant, sed ita composuit ab initio, ut naturaliter eueniat, sitque, nisi Deus disponat aliter, in æternum citra violentiam, duraturum. mirum fecit, non quidem terræ solius globum (hic enim necessario aut innataret, aut sub aqua totus anegeretur) sed ex terra & aqua globum vnicum, cuius centrum mundi etiã centrum est: non ita, ut eiusdem globi medietas altera, aut pars tertia terræ sit, reliquã aqua (ita enim etiam mergeretur terra sub aqua) sed terra & aqua ita se se continent inuicem, ut vtriusque sit idem centrum, quod & totius mundi. id verò sit terra integrum globum reddente, cum verò non solidum, sed maxima parte interius, & ad superficiem, cavitatem amplissimamque illas cavitates replente aqua. quod sit ut terræ facies & maris, eiusdem globi sint superficies, ut verò non corruat in se se tota terra, & in mundi medium subsidens, exprimat aquam; cum sit cavitatibus plena, causa est, longè maior soliditas, quã habet in profundis, quàm ad superficiem. quod iis qui aperiunt puteos, aut defodiunt mineralia, liquidò constat: cū multò infra speciem sentiatur, lapidescere, fecit ergo Deus in terra ingentes sinus, intra quos colligi iussit aquas, ut appareret arida: atque ut id ita manere posset, iecit firmissima fundamenta terræ. Postea terram exornauit herbis virētib; ac facientibus semen, & arborib; pomiferis, & omnibus quorum semen in semet ipsis est,

vt antea explicuimus, Die quarta fecit Deus duo luminaria, Solent scilicet & Lunam, & Stellas omnes, posuitque astra ea omnia in firmamento, vt diuiderent diem ac noctem, & essent in signa, & tempora, & dies, & annos. Quoniā in firmamento posita sunt astra, constat facta esse ex ipsa firmamēti substantia: alioqui necesse esset eam firmamenti partem, quæ erat vbi quodcunque astrum positum est, reddactam esse in nihilum, cum cœli partes abscedere non possent aliæ ab aliis, vt denuo nascentibus astris loco cederent, & indiuisibiles sint natura; & neque densitatem, neque rarefactionem recipere possint. at verò Deus, nihil vnquam eorum quæ fecit, redegit in nihilum. fecit ergo luminaria illa ex substantia firmamenti. Quoniam autem inquit, vt essent in signa & tempora dies & annos, qui astrologiæ iudiciariæ sunt studiosi, accipere hinc tentant argumentum certitudinis, dicentes, Deum fecisse astra vt essent in signa, hoc est significationē præberent mortalibus imminētium casuum: verum, quia ea astrologiæ pars vanitatis insimulatur, à plerisque piissimorum & sapientissimorum, satius est intelligere, dictum esse in signa & tempora, quasi in signa temporum, nimirum motus astrorum, præcipue Solis & Lunæ, definiunt tempora, vt dies est circuitio solaris: hora, vigesima quarta eius circuitio: mensis motus integer Solis per totum Zodiacum: mensis motus Solis per vnicum Zodiaci signum, aut motus Lune per totum Zodiacum: tempora etiam quatuor anni definiuntur accessu & recessu Solis, nimirum tetrapus, vt Arist. docet, est numerus qui numeratur motu: motus verò est numerus, quo numeratur tempus, vt numeratur hora per transgressionem gnomonis à lineis, ad lineas; & dies per circuitiones Solis. nō tamē quia fecit

*Astrorum
creatio.*

*Cœli &
astri differe
rentia.*

*In signa
facta.*

*103
104*

Deus astra in signa temporum, statuendum est, ut vir-
 gus Philosophorum censet, tempus ipsum esse mo-
 tum cœli, nam ut Plato inquit, tempus est imago æ-
 ternitatis, in numero fluens. quod idem aliis verbis
 dixit Aristoteles, Aeternitatem esse nunc stans, tem-
 pus verò nunc fluens. ille verò fluxus, seu illa duratio,
 quod ipsum tempus est, non aliter numerari potest,
 quàm per motum. In motibus autem, nullus tam ido-
 neus calculus est, quàm cœlestis, ac præcipue solaris,
 quia maximè omnium regularis, & incommutabilis,
 ut minimè possit calculus fallere. omnibus etiam mor-
 talibus idem conspicuus, ut nullum aliud habere pos-
 sit mundus totus, commune horologium. Scimus ta-
 men numerari etiam utcūque horas clepsydris: quin
 & menses & annos horologiò Ianeli, verum est, hæc
 omnia horologia ad primum illud referri, utpote ad
 priorem, stabiliorem, & sui similiorem: atque nisi ad
 illud referantur, non posse esse certam computatio-
 nem temporis: cum alij omnes motus sint irregula-
 res, & in subiecto corruptibili: nihilominus in quo-
 cunque motu est duratio numerabilis, quod tempus
 est. Quapropter nullam repugnantiam continet, fuisse
 ante cœlum diem, & ante Solem, res. Sed si hæc va-
 cantur luminaria, quasi luminis fontes, factaque sunt
 ut separent diem à nocte, diuidantque in dies, quo pa-
 cto potuerit esse lux tres dies ante Solem? ipsi dies
 quo pacto potuerunt numerari? Quod quidem id fieri
 potuerit, nulli videri debet dubium, quia quacunque
 potest Deus facere per causam secundam, facere po-
 test per sese. Si enim rectè monstratum est antea (ut
 certè mihi videtur) factum esse hunc mundum ex ni-
 hilo, constat Deum à quo factus est, nulla, ad quid-
 piam faciendum, indigere secunda causa: siquidem
 neque

*Cœli reg-
laritas.*

*Lux ante
solem.*

neque ad faciendum totum, indiguit vlla materia. At
verò cur ita fecerit, ac non potius Solem principio, *Sol cur nō*
per eum lucem & dies, dignum consideratione est. *primus*
primum quidem, pro hac dubitatione non est satis *creatus.*
dicere, quod multi, ii que grauissimi sacre scripturæ
interpretes, dicunt, omnes mundi partes factas esse
simul in eodem instanti. Nam etsi ita esse conce-
datur, est necesse, hac serie narrationis, ordinem ali-
quem indicari naturæ. non enim temerè hæc dicun-
tur ante illa facta, cum præcipuè etiam dierum nume-
ro distinguatur ille ordo. Si ergo quæ prius facta di-
cuntur, priora etiam esse natura oportet, nulla neces-
sitas cogit affirmare, in eodem instanti facta esse, quin
potius consentaneum magis esse videtur, mundum in
tempore futurum, temporalem habere creationem:
atque in eam, hebdomadam vnā infumi, quando-
quidem omnia sæcula, multitudine hebdomadarum, *Hebdoma*
constant. vnitas ergo hebdomadis, meritò sit princi- *darū prin*
pium multitudinis hebdomadarum, hoc est omnium *cipium.*
sæculorum. neque verò hoc vllam arguit primæ cau-
sæ debilitatem. non enim eam causam naturalem po-
nimus, quæque faciat semper quantum potest, sed li-
beram & sapientissimam, quæ facit vt maximè expe-
dit, atque omnia pulcherrima & concinna, in nume-
ro, pondere, & mensura. Quapropter verba illa ca-
pituli 18. Ecclesiastici, qui, *viuit in æternum creauit om-*
nia simul, ego ita interpretor, Creatâ esse omnia intra
illam hebdomadam, perfectumque esse mundum, ita
vt nulla eius pars princeps, quæque à creatione habi-
tura esset initium, deesset. Nam vt initio capituli secun-
di dicitur, *perfecti sunt celi, & terra, & omnis ornatus*
eorum, compleuitque Deus die sexta opus suum. quibus
verbis facile refelli potest sententia quorundam A-

*An totus
mundus
in instanti.*

*Hebdoma
darū prin
cipium.*

*Deus cau-
sa libera.*

astrologorum, qui stellam illam, quæ superiori anno
 qui erat septuagesimus tertius supra millesimum &
 quingentesimum, aparere capit in genu Casiopeæ,
 durauitque per magnam præsentis anni partem, affir-
 marunt esse nouam, creatamque denuo: non minus
 quàm deceptus est Hipparchus, nouam stellam suo
 æuo se putansprehendisse: quod narrat Plinius li-
 bro 2. cap. 2. nondum enim fuisset perfectus omnis or-
 natus cœlorum, si illa stella in hoc vsque seculum car-
 uisset mundus, essetque iam mutilus nunc, ex quo de-
 fuit apparere. Itaque fuisset nunc, & creatio, & anihila-
 tio, cum scriptum sit tertio capite Ecclesiastes, *didici*
quod omnia opera Dei perseuerent in perpetuum. du-
 rasset verò illa stella minus anno. Rem profectò fuis-
 se admiratione dignissimam, vel ex opinionibus, in
 quas viri doctissimi coniecti sunt, intelliges. Cum e-
 nim nullam stellam primæ magnitudinis, qualis ea es-
 se videbatur, ibi vnquam extitisse scirent, videretur
 verò, quicquid id esset quod appareret, supra Solem
 esse, quod nullam haberet paralaxim: alij stellam qui-
 dem esse, eamque nouam, affirmabāt: alij (facilius hoc
 rati) esse cometam genitum intra ipsum cœlum, atque
 inde agnosci, cœlum non esse alterationis incapax, vt
 censetur. sed, quia hoc mihi durissimum videtur, illud
 prorsus falsum, cenfeo stellam illam à mundi princi-
 pio ibidem extitisse, ac nunc extare, exiguam adeo; vt
 videri, nisi debiliter, non possit: tuncque visam esse in-
 crescere vsque ad primam magnitudinem, ob aliquā
 medijs mutationem: quæ tandiu durauit: cum enim cœ-
 li partes non sint æquæ crassæ, vt via lactea, & Lunæ
 maculæ & ipsa astra indicant, fieri potuit, vt ea stella,
 per proprium stelliferi motum, inciderit in partē a-
 liquam proximi cœli, densiorem reliquis: per quam

*Stella nul-
la de nouo.*

*Stella an-
ni.*

*Via la-
ctea.*

fatum lumen, maioris stellæ exhiberet speciem, de-
 inceps verò inde decedens, videretur esse minor. vt
 nunc quidem, aliquando videtur, exigua, aliquando
 nulla, vt aer habet. Facta itaq; sunt omnia simul intra
 primam hebdomadam, sed alia ante alia, vt ego exi-
 stimo, non natura solùm, sed etiam tempore. cur verò
 lux ante Solem, rursus dicere aggrediamur. Sol non
 illustrat totum hunc orbem, sed eam solùm par-
 tem, quæ motui subiecta est. nam quandoquidem in
 quarto orbe situs est, substantque illi tres tantum su-
 perstant verò plures: si quidem planetarum alij tres,
 insuperque stellatus & nona sphæra, atque qui his su-
 perstant, tanto sunt crassiores, quanto sublimiores,
 constat Solis splendorem non posse sedem Beato-
 rum attingere, aut adeo languidum, vt illa futura ef-
 set obscura. constat verò eam non posse esse lumine
 vacuam, quia cum corpus luminis receptiuum sit,
 esset in tenebris, si lumine careret. quid verò magis
 absurdum, quàm putare Beatorum sedem tenebro-
 sam esse, aut omnino parum lucidam, idque lumine
 ab imperfectiori mundi parte emendicato? cum e-
 nim sint tres mundi partes suprema, ima, & media:
 media tanto imperfectior est quam suprema, quan-
 to perfectior quàm infima. media est cælum quod
 mouetur, corruptioni verò non est obnoxium;
 suprema verò est cælum purissimum, & omni
 vacans motu, in quo sunt etiam beatam ducentia vi-
 tam, vt Aristoteles dicit, absurdum ergo illam aut lu-
 mine carere, aut ab imperfectiori emendicare. non
 est ergo ita, sed tanto est fulgentior, quàm solaris
 orbis, quanto sublimior: idque lumen à Sole non
 accipit, sed ab ipso supernæ illius ciuitatis rege Deo,
 vt scriptum est in capite penultimo, Apocalypsis vbi ita

*Lux ante
solem.*

*Solis lux
quousque
pertingat*

habetur. Et ciuitas non eget Sole neque Luna, vt luceant in ea. nam claritas Dei illuminauit illam, & lucerna eius est agnus. Sed neque in hoc mundi orbe, qui subiaceret mutuationibus, est omnis lux à Sole. nam ignis etiam effundit lucem, & animalium etiam oculi præcipuè quorundam. hoc si ita est, constat lucem priorem esse natura Sole. quia non potest esse Sol sine luce, potest tamen esse lux sine Sole, vt in sede Beatorum, & ab igne. Si igitur lux prior est Sole, & alterum ante alterum fieri oportuit, cōsentaneum erat fieri lucē ante Solem. oportuisse verò non fieri simul, hinc rursum constabit. Consentaneum est rationi, idque ordo exigit, vt in omni structura, seu opificio, procedatur ab imperfectioribus ad perfectiora. non decuit igitur Solem præstantissimum huius corporei & mobilis mundi membrum, ante alia creari: quin potius, omnem corruptibilem partem, & cælum ipsum, fieri prius. lucem verò in ipsa prima die oportuit. quia, vt dictum antea est, hæc tribuit rebus vitam ignem, generationum omnium parentem, per omnia circunducendo. Si ergo melius fuit, ab ipso principio generationis, incipere aquarum fecunditatem, ipsamque rerum naturam pullulare, quàm per tres dies esse omnia otiosa, tenebrosa, & Chæos, satius profectò fuit; in medio hebdomadæ fieri Solem, in medio astrorum, vt omnium regem collocandum, vt lucem tueretur, impertireturque aliis omnibus corporibus: lucem verò fieri à primo die, vt mundi vitam, dumque nondum erat Sol, ab ipso mūdi parente pendere: non aliter ac in hominis cuiusq; ortu (qui non hac solū in re, sed in multis aliis, similis est ortui totius mūdi) euenit, ante corrigi-^{re}gni vmbilicū & hepar, & in illis facultatē esse vitālē,^{re}pendentem

An omnis
lux à so-
le.

Lux cau-
sa vite.

pendentem à matre , tameti in animali iam integro, non aliunde quàm à corde ea facultas esse potest. ita inquam, lux quæ in mundo iam perfectò, à Sole pendet, in illo inchoato, pendebat à Parente. Vsq̃ue ad diem quartam, ita actum est. Creatis iam in quatuor primis diebus , omnibus quæ vita carent (dictum enim antea est, plâtas esse virentes, non viuentes) processum est ad viuentia: natantia, & volantia, die quinta: sexta, serpentia, & progredientia. quorum vltimus factus est homo, vt omnium rector, & dominus ; nisi ipse paulopost, veri Domini imperium detrectando, è domino fecisset seruum. Itaque duobus primis diebus fecit duas mundi partes , sphæram hanc corporũ corruptibilium, & illam incorruptibilium. neutram verò exornauit, neque perfecit. duobus sequentibus exornauit eas, eodem ordine quo fecerat, corruptibilem, separando elementa, vestiendóque terram omni fructicum genere: incorruptibilem, luminaribus , velut gemmis , exornando. duobus vltimis creauit viuentium omnia genera : aquatilia primùm : deinde terrena atqui, quoniam primis duobus diebus , nihil fecit perfectum & exornatum , cum in singulis sequentium quatuor dicat Moses , *& vidit Deus quòd esset bonum* , primo & secundo die id non dixit : scilicet, quod factum fuerat primo & secundo die, nondum erat bonum , id est perfectum , & plenè exornatum, sed imperfectum & inchoatum. Quoniam verò primo die fecit lucem, quæ, vt dictum est, natura prior est Sole, ac proinde nulla creatura corporali posterior , sed suo genere perfecta , hanc laudare oportuit. Proinde in primi diei narratione, Moses non dixit, *vidit Deus quòd esset bonum: sed vidit Deus lucem quòd esset bona.* reliquum verò eius diei opificium

*Homo
cur vlti-
mus crea-
tus.*

non laudauit, neque omnino quòd factum est die secundo. Occurrere possit hic dubitatio, cur vt totius mundi fabricam ab imperfectioribus inchoauit, non ita singulorum, & animalium & arborum, primum quidem femina creans, deinde ex illis ipsa nasci iubens. huius verò causa est, quòd semen generationis est causa, ipsum verò generare animalium perfectiorum (eadem est ratio arborum) est: quapropter naturalis ordo poscebat, vt femina post perfecta fierent animalia. est enim homo hominis causa præcipua & effectrix, semen instrumentalis & materialis. naturaliter verò prior est causa præcipua, quàm instrumentum: & effectrix quàm materia. Porro animal quodcunque, prius esse natura quàm suum semen, docet Aristoteles cap. 7. duodecimi Metaphysicorum, his verbis. *sperma namque ex aliis prioribus perfectis est, neque sperma primum est, sed quod perfectum est, veluti hominem dices priorem spermate esse, non illum qui ex eo generatur, sed alium ex quo ipsum sperma est.* hanc ipsam ob causam, factus est vir ante mulierem, vt capite vndecimo epistolæ primæ Pauli ad Corinthios dicitur. *Non enim vir ex muliere est, sed mulier ex viro. et enim non est creatus vir propter mulierem, sed mulier propter virum.* Videri possint alicui, verba hæc, physicè consideranti, improbable aliquid, & iis quæ secundum naturam eueniunt aduersum, continere. Siquidem non videtur rationi consonum, idem esse, ex quo & propter quod aliquid fiat. nam id ex quo, videtur pertinere ad materiam: propter quod, ad finem, & cuius gratia. materia verò & finis in causis, videntur plurimum dissidere. alterum enim est quid imperfectissimum, puta materia: alterum quid perfectissimum, optimum, & diuinissimum,

Animalia ante femina.

Vir ante feminam quare.

Mulier propter virum.

nissimum, puta finis. quomodo igitur colligit Diuus Paulus, vir ex muliere factus est, quia mulier facta est propter virum? imo verò videtur melius fortasse dicturus, vir factus est ex muliere, quia mulier propter virum: vt scilicet ligna congerimus propter ignem, quia ignis ex lignis fit. quapropter videtur, neque hoc dici satis physicè, neque secundum naturæ rerum conditionem effectum esse, quod cap. 2. Geneseos narratur, vt scilicet vir fieret ante fœminam: sed oportuisse, vt fœmina velut imperfectius quiddam; constaret prius, ac deinceps opificio crescente, & perfectionem consequente, ex ea fieret vir. vt scilicet, sit prius embrio, & deinde ex illo *De semi-* homo. hæc certè fuit sententia Pythagoricorum, & *ne quid* Pseusippi, qui dictis argumentis, vt narrat Aristoteles duodecimo Metaphysicorum, cap. 7. censēbant se- *Pythago-* men natura prius esse animali aut planta, quæ ex illo *ras.* fieret. quia, vt illis videbatur, quod optimum & pulcherrimum, non potest esse in principio, sed potius ex tenuibus principiis inchoatæ, res perfectiores euadunt. quapropter iuxta horum sententiam, neque arbores, arbuta, & herbas virētes, oportuit fieri in principio, sed eorum semina, atque ex eis illa deinceps: neque virum ante fœminam, sed fœminam primum, & ex ea virum deinde nasci. si enim alterum ex altero fieri oportebat, ac non ambos simul, vicem viri supplere Deum fœcundantem mulierem, vt nasceretur vir, erat magis consentaneum, quàm fœminæ, vt ex viro nasceretur fœmina. hoc enim passionis & imperfectionis est, illud efficaciæ & perfectionis. Videtur huic opinioni facere, opificium totius mûdi, quod ab inanimatis ad vtcunque viuētia, & ab his ad sentētia, & ab his ad rationalem processit creaturam, atque

*Principiū
rerū quid
optimum.*

omnino ab imperfectioribus ad perfectiora. Cur non igitur perinde in singulis rerum generibus factum sit? hæc videntur pro Pythagoricis & Pseusippo dici posse, & præscriptis verbis Diui Pauli obiici. Nihilominus Aristoteles loco citato ex Metaphysicis, contrariam statuit assertionem, scilicet, quid optimum & pulcherrimum esse rerum principium. quod quidem primum in vniuersitate manifestum est. quia non aliter quàm participatione boni, quod inest primo facta esse possunt reliqua omnia. nam, aut mundus hic totus ab æterno extat qualis nunc est, aut aliquando factus est, cum antea non extiterit. non posse esse ab æterno quippiam, eorum, quæ commutationis, aut vtcunque motus alicuius sunt receptiua, monstratum antea est. superest ergo, aut omnino nihil ab æterno esse, aut solum principium aliquod impatibile; atque immobile. vt omnino nihil fuerit ab æterno, fieri non potest. quia nulla potentia, neque actiua neque passiua præexistente, ne intelligi quidem potest, effectum esse aliquid. Quando igitur mundus hic corporalis, quem conspiciamus, est nunc, non est autem ab æterno, necesse est aliqua actiua, aut passiua, aut vtraque, ab æterno extiterint. passiua siue actiua necesse quidem potest, quia fieri non potest, quod nulla res potest facere effectiuam igitur virtutem fuisse ab æterno necesse est, siquidem factus est mundus. illi autem virtuti nihil potuit esse coæternum extra ipsam, quia essent duo per se entia diuersa natura: ita verò neque maneret mundi vnitas neque perfectio, neque omnino mundus. nulla ergo erat ab æterno futuri mundi materia, alioqui esset dualitas in principio, quod fieri non poterat. quia non potest esse dualitas, qua non sit prior aliqua vnitas.

*Æter-
num vni-
solum.*

tas. omnium ergo primum fuit quod vnum, idque fuit virtus omnium effectrix, sine vlla materia. nulla ergo ex re fecit, sed ex se ipso. constat verò quod non ex se vt ex materia, siquidem nihil habebat passiuæ potentia, sed vt ex exemplari. vtraque ergo ratione constat, illud principium esse quod summum bonum; & quia fecit omnia præcipue ex nulla materia; & quia ex se ipso vt exemplari. nam si fecit, habuit in sese actu bona omnia, quæ reliqua poterant recipere. quod enim facit, facit quâ actu habet id, quod accipit, id quod fit. si verò ex nulla materia, virtutis infinitæ erat. omnis enim finita, certæ cuiusdam materiae dispositionis necessitate tenetur. Si igitur aliarum omnium rerum habuit perfectiones omnes, & virtute infinita est, certè nullam admittit imperfectionem. quia imperfectio omnis perfectionem aliquam excludit. vbi ergo nulla perfectio deest, nulla est imperfectio. illud ergo ex quo vt exemplari, & vt effectrice causa, facta est rerum vniuersitas, omnium est optimum. si autem omnium optimum, necesse est, & omnium esse finem, siquidem finis omnium in bono est, & ipsa bonitas est ratio finis, & cuius gratia. necesse est ergo illud ipsum exemplar ex quo facta sunt omnia, fecisse omnia propter seipsum, propter bonum, scilicet. quod capite. 16. Prouerbiorum apertè dicitur, his verbis. *Omnia propter seipsum operatus est Deus.* Siquidem igitur ipse ex se ipso vt exemplari, propter seipsum fecit, verissimè dicitur cap. 22. Apocalypsis, *Ego sum a. & w. principium & finis.* Itaque in vniuersitate, constat principium esse quod optimum, atque inde reliqua deriuari. Sed in quocunque rerum genere perinde habet, estque, quod perfectius & melius, etiam prius. velut arbor & homo (ea-

Finis omnium Deus.

Perfectio imperfecto prius.

dem est ratio cuiuscunque viuentis, seu virentis cuius est semen iuxta genus suum) prior est semine: semen verò posterius quiddam. nam illud est generationis instrumentum, generatio verò est perfecti seu animalis, seu omnino vegetabilis, actio. Vt igitur natura prius est quod vitur, quàm id quo vitur, & artifex quàm instrumentum, ita ipsum animal quàm semen. hoc verò, vt posterius quiddam, ex illo deceditur. ita etiam in sexu euenit. mas enim vt perfectior, ita prior natura est quàm fœmina. nam cum eiusdem sint naturæ, solóque discreta sexu, sitque sexus fœmineus, vt Aristoteles docet. 4. de generatione animalium, læsio quædam, & quoddam detrimentum, seu, vt quis dixerit, quædam mutatio virilis sexus, constat fœminæ generationem esse velut mutilationem, & debilitationem viri. constat verò necessariò, quod integrum & perfectum, prius esse quàm debile & mutilatum. quia quod mutilatum, fit integri mutilatione. vt ergo homo sanus natura prior est quàm mancus: quia hic fit, illo hoc modo læso; ita secundam naturam effectum est, vt si quod fuit totius generis initium, id esset à mare, illo verò percusso fœmina fieret, vt debilius quiddam, necessarium tamen propter ipsum virum. nimirum vir est quod firmum, & proinde efficax, fœmina quod debile, ac proinde receptiuum, & pati idoneum. finis autem est in eo quod melius. igitur fit, vt, velut in re quacunque natura constanti: materia propter formā est, forma verò causa efficiens & finis, ita in quocunque genere cuius est sexus, mas sit causa præcipuè effectiua & finis, fœmina verò, quæ fœmina sit, passiuā. dixi quæ fœmina: quia si quæ illi vis est & efficacia, id masculinæ perfectionis inest participatione, vt fœ-

*Mas per
fectior fœ
mina.*

*Forma
finis &
efficiens
idem.*

minæ verò sola debilitas, patibilitas, & mutilatio. nimirum mas & fœmina idem animal est, facit verò fœminam defectus, quare quâ tali, nihil efficacix, sed sola passio inest. Cum igitur causarum omnium, intentione prima sit finis, effectiōis autē ordine, quæ efficit, cōstat marē naturę ordine esse priorem fœmina, quia efficit, & intentiōe, quia fœmina propter virum. Si enim solis viris posset constare humanum genus, neque indigeret sexu debiliore ad generationem, omnino nullæ factæ essent mulieres (nisi fortè per impotentiam vt monstra quædam) illud enim nostri principium, quod & summum bonū esse indicauimus, boni gratia semper operatur, bonaque omnia esse vult. si ergo fœmina facta est propter virum, vt propter optimū sui generis oportet verò principium esse quod optimum, constat appositissimè atque admòdum philosophicè dictum esse à Diuo Paulo, mulierem factā ex viro quia propter virum, maximèque congruere hæc cum Aristotelica doctrina ex. 12. Metaphysico. neque verò ex dictis difficilè sit respondere Pythagoricorū argumētis & Pseusippi. id enim quod dicūt principium scilicet rerum esse quod imperfectissimum & minimum) de materiali principio solum verè dicitur, vt fit panis ex frumento, & ex cimento domus. nos verò de principio effectiuo intelligimus & exemplari, quod idem indicatū est esse finem & cuius gratia. homo ergo factus est ex viliissimo principio vt materia, ex limo inquā terræ, tamē vt effectiuo ex diuino exemplari, per quod, & cuius gratia facta sunt omnia. fœmina verò ex viro, propter quem etiam facta est: quia nō erat bonum esse eum solum, vtpotè peritūrum nisi per debilitatem mulieris, facta conceptione similium conseruaretur. est enim, vt loco citato Diuus Pau-

lus dicit, mulier ex viro, vir tamen non sine muliere, sed per mulierem. omnino enim & à principio, foemina ex viro, deinceps autem per singulos, viri per mulieres seruantur. itaque hominis ortus (ita autem & aliarum rerum oninium natura constâtium) ex vilissimo principio materiali incepit, & effectiuo verò optimo & sui generis præstâtissimo, à quo & propter quod factus est. ita & tota rerû vniuersitas ab imperfectissimis suis partibus vt reliquorû omniû futura materia inchoata est, effecta autē est per optimū illud æternū & diuinissimum principium ex quo etiam vt exemplari, & propter quod facta sunt omnia. Neque verò (vt obiiciebatur) si fecit Deus alterum ex altero, vt foeminam ex viro, necesse est alterius vicem suppluisse. neque enim ex viri perfecti semine fieri mulierem voluit, vtpotē quam non oportuit esse filiam viri (ne deinde ex turpi congressu inciperet generatio naturalis) sed ex latere decisam, vt sociam, & alteram hominis partem, quasi vir & foemina eadem caro futura esset, & alter idem. vtrunque itaque fecit ipse Deus, nō tamen æquē primò, sed alterū ex altero, vt ex quodā principio perfectiori. & exēplari. nimirum. vt fecit virum ad imaginem & similitudinem suam, ita mulierem ad imaginē & similitudinem viri, atq; proinde, vt caput viri est Deus per Christum, ita caput mulieris est vir: atque quoniam vir ex Deo, & foemina ex viro suā accepit perfectionē, merito vir gloria Dei est, & foemina gloria viri, vt scilicet filius patris, & discipulus magistri; & optimum quodq; opificium artis; & cuiusque imaginis pulchritudo, sui exēplaris. cur igitur arbores, fructus, & herbæ, facta sint antequā sua semina, & vir ante mulierē, curq; mulier ex viri latere decisā, dicta vtcūq; est naturalis causa non

*Mulier
non ex se
mine.*

*Vir est
gloria
Dei.*

fa. non enim spero me, vel minima ex parte consequi posse, quæ in his & aliis sacrae scripturae locis latent, vel quæ ad solam naturam spectant arcana, de quibus solis est hæc commentatio. altiora enim quæ hic sunt sacramenta, perquirent Theologi, quorum altissimis, contemplationibus humiliores has nostras seruire volumus, vt viro fœminam. Succedit verò mox dictis dubitatio, cur siquidem monstratum est, sexum masculinum natura priorem esse fœminino, quod hic velut ex illo mutilato fiat, non perinde Deus in aliis animantibus efficiendis se gessit, atque in homine, masculos scilicet efficiens prius, & ex illis fœminas, sed nulla sexus distinctione, aquis terræque imperauit dicens, *Pro ducant aquæ reptile animæ viuentis, & natatile & volatile super terram sub firmamento cæli.* & rursum, *Pro ducat terra animam viuentem in genere suo, iumenta, & reptibilia, & bestias terræ, secundum species suas?* certè non in vno aut altero, sed in omni genere viuentium, quibus est sexus differentia, mas, vt perfectior, ita est natura prior quàm fœmina. nimirum vt singulorum animalium sunt duo latera, dextrū & sinistrum, quorū dextrum & perfectius, & prius est quàm sinistrū, (definitur. n. dextrum mouendi principio, sinistrum fine) ita cuiusq; generis talis est duplex sexus, masculinūsq; perfectior est & natura prior. neq; certè exemplum est valde dissimile. nam vt à dextro incipit animalis progressio, & sinistro finitur, ita generatio à mare inchoatur. & perficitur in muliere. itaq; vt dextrum sinistro, ita masculinum fœminino prius est. tamē satis fuit id in vnus, eiūsq; præstātissimi animantis ortu indicare, in aliis multo magis præstitit materialē significari naturam, nihilq; in illis esse Diuinum, & supra corporalē essentialē separabile, & immortale, vt in homine,

*Dextri de
finitio.*

sed omnia, secundum se tota, educi de potentia materia. Hoc enim significans dicit. *Producant aquæ repti-*
bile, & natatile, & volatile super terram, & terra pro-
ducat iumenta, & reptilia, & bestias. hominem verò,
 ethi ex terra fecit, nō tamen iussit terrę vt produceret,
 sed ipse apud sese Deus statuit illum facere, dicens.
Faciamus hominem. vsque adeo habent magnam ener-
 giam verba singula. Sed hic rursus dubitatio alia sub-
 dit. Cur volatilia ex aqua potius fecerit quā ex terra,
 cū præter quædam illorū genera, perpauca sint quæ
 submergantur aut natent, omnia verò terræ infideāt,
 cum cessant à volatu, ibique nidificent, dormiant, oua
 incubent, pullos excutiant. si igitur inde animantia fie-
 ri oportuit vbi viuunt, ex terra potiusquam ex aqua vi-
 dentur debuisse fieri volatilia, aut saltem ex aere: ex a-
 qua verò minimè, vtpotè in quam eorum plurima
 nunquam descendunt. maxime cū plurima eorum
 victum ex terra capiant (perpauca enim eorum sunt i-
 ethyophaga, vt aquilæ vnum genus) Hippocrates. n. &
 medici omnes vno ore affirmāt, ex eisdē nos fieri, qui-
 bus nutrimur. Præterea si substantiā eorum & tempe-
 riē cōsideres, videbūtur ex terra potius quā aqua ef-
 se facta. tametsi enim magna ex parte tenuior substā-
 tia est volatiliū quā terrestrium, tamen eorū quæ-
 dam duriorē & crassiorē habere videntur quā
 horum multa, vt vultur & accipitrū genera, quā arie-
 tes, atque adeo omnia in commune, vt sunt quā ter-
 restria tenuiora, ita & ficciora. siccitas verò plurimum
 diffidet ab aquæ natura, à terra non diffidet. Sed quo-
 niam terra vt sicca, ita & crassa est, quod tenue & siccū
 igneum potius videtur. Congruit ergo volatiliū na-
 tura cum igne maxime, cum terra aliquatenus, cum a-
 qua minimè. facta ergo fuerint, si habitaculū spectes,

*Esse ex
quibus.*

Siccitas.

*Aues
inca.*

ex aere: si temperiem, ex igne: si minus, ex terra: cum qua vtraque ratione conueniunt ex parte nimirum partim viuientia in ea, & partim illi temperie similia, secundum siccitatem scilicet: ex aqua verò nulla ratione videntur fuisse efficienda. Esse qualem diximus eorum naturam, ex Hippocrate licet discere, qui libro 6. Epidemicôn sectione sexta, inquit, *bilis vt dicebam de auibus, quod biliosa. quo pacto ergo potuerunt biliosam naturam ex aqua recipere?* Médici quoque omnes, carnes volatiliū censent esse tenuiores & sicciore. quin & ganeones testimonium tali naturæ præbent, quidam enim eorum non satis assis vescuntur, nulli verò nisi cū sunt pingues: vt scilicet læui assatione, & pinguedine, temperetur naturalis earum carnium siccitas. vnde ergo quis coniectet, aues esse ex aqua natas? Aristoteles capit. 4. libri 4. Meteororum indicauit, in igne aut aëre nullum animal gigni, sed in aqua aut terra omnia, eo quòd corpora omnia solida, ex sicci & humidi crassi commistione, generentur, quæ sunt terre: & atque atque; ita corpora omnia cōcreta, aut ad aquā, aut ad terrā pertinere, quod ad substantiæ modum attinet: Itaque tametsi ponantur elementa quatuor, corpora verò solida, ex crassis esse: ex tenuibus, aëre inquam & igne, accedere illis temperamenta & virtutes. siquidem igitur ex quocunque quatuor elementorum animalia fieri possent. aeri. vaga ex aëre fieri, fuisset cōsentaneum: cum, verò id aëris substantia non ferat, consentaneum mox è duob. crassis, ex quibus fiūt omnia, ex eo maximè facta esse quod aëri est proximum. eius modi est aqua. Nolo nunc de aëris temperie differere, neq; difficilem contentionem ingredi. Stoici enim affirmant esse summè frigidū. Peripatetici summè ferè calidum. Mihi semper visus est nihil esse insigniter, sed

In aere nihil gignitur.

Aeris peries.

Aerisma temperatum quiddam, & mediocre. sed hoc nunc ha-
teria pro- beat vtcunque. commutandi facilitate proximam esse
xima. dico aquam aëri, idque ob substantiæ modum. nam
 aqua in aërē abit extenuata, & aër in aquam densatus,
 nulla intercedente generatione, nisi fortè vaporis. fa-
 cta itaque dicimus volucra in aërem euolutura ex a-
 qua, vt ex ipsius aëris materia futura. vt etiam ex aqua
 vapores, ipsius aëris proxima materia. ita enim euo-
 lant etiam ex aqua vapores, ipsius aëris materia fu-
 turi; nisi rursus densati in pluuiam præueniant de-
 scenderet Diuus Augustinus. lib. 2. de Genesi. ad lite-
Aues in ram, addit, volatilia non volare per sublimem aërem,
qua parte qui serenus trāquillúsque est: sed per hunc turbidum
aeris vo- & crassum, terræ proximum qui excipit vapores om-
lent. nes terræ & maris, & in quo pluuiæ concresecunt. ita
 vt ea eius pars, aqua potius extenuata, quàm aër esse
 videatur. atque ita principiū ex quo sunt factæ aues, &
 habitaculum earum, simile ac ferè idem esse. insinuat
 ergo Augustinus, natatilia & volatilia facta esse ex a-
 qua: illa verò ex crassa quæ in mari fluctuat; hæc ex te-
 nui, quæ in aëre volitat. tamen corpulētia auium cras-
 sum etiam desiderat principium: iuxta id quod ex A-
 ristotele accepimus. neque verò quia non sunt volati-
 lia temperie aquæ, non sunt facta ex illa. non enim ex
 similibus res fiunt, sed ex contrariis, & ea non fiunt
 ex manente tali, sed ex alterata aqua. exemplo est sal,
 qui non solum ex aqua fit, sed etiam in eam facile e-
 mollitus soluitur, tamen temperie est siccus & calidus.
 Itaq; ex aqua facta sūt natatilia & volatilia: illa verò ex
discium minus alterata, hæc ex alterata magis: proinde pisces tē-
tempera- peramento etiam sunt similes aquæ. aues contrariæ:
mentum. tenuior verò substantia quàm terrestribus vtrisque
 est. Attestantur huic communi ortui multa, quæ pi-
 scibus

scibus & auibus communia sunt, quibus à terrestribus discrepant. vtraque enim sunt ouipara (præter pauca quædam natantium, quæ & ipsa intra sese pariunt oua) hæc viuipara. vtraque etiam vesica carent, & par-^{vesica ca-} tim nullo, partim exiguo potu vtuntur. terrestria o-^{rentia.} mnia habent vesicam, & mingunt, & vtuntur copioso potu. Porro squamæ & plumæ ad aquam videntur ^{habētia.} pertinere, præ pilis, hi verò ad terram. generationem enim his tribuunt omnes, & Physici & Medici, ex fuliginibus, quarum est terrea & exusta natura: illis verò ex pituitosis crassisque excrementis. argumento sunt quidam morbi, per quos crustæ quædam squamis similes, cuti adhærent. eæ enim in crudorum & crassorum excrementorum circa cutem putrescentiam, referuntur. squamarum verò & plumarum materiam esse aquam, quæ mingenda foret, autor est Aristoteles, vt multis aliis in locis, ita tertio de partibus animalium cap. 7. quod idem de alimento pennarum auium dixit pluries in eodem opere. Itaque non parum videtur cum rerum ipsarum naturis consonare, vt volatilia & natatilia ex aqua facta sint, velut terrestria ex terra. Inanimatorum itaque & animatorum omnium ortus primus, ita constitit.

CAPVT SECVNDVM.

¶ Ex capite secundo Geneseos.

STÆ sunt generationes cæli & terræ,
quando creata sunt in die quo fecit Dominus Deus cælum & terram, & omne virgultum agri; antequam oriretur in terra, omnemque herbam regionis, priusquam ger

minaret. His verbis, intelligit Philon Iudæus sacrificari rerum omnium ideas, & causas exemplares: quòd non aliorum videatur posse dicere, virgultum agri antequam oriretur in terra, & herbam regionis antequam germinaret, nisi vt insinuaret, factum fuisse virgultum antequam oriretur è terra, intelligibile scilicet & incorporeum, exemplarque huius materialis, quod postea è terra ortum est. ita etiam & res alias omnes, quæ corporeæ creatæ sunt, extitisse antea incorporeas, at verò si virgultum antequam oriretur in terra, significat virgulti ideam, videntur hæc verba significare, fecisse Deum virgulti (ita verò & aliarum rerum omnium) ideas, atque adeo totum mundum intelligibilem, antequam res ipsas sensibiles, deinde has, ab illis, velut ab exemplari, deduxisse. id verò falsum est. nam si exemplares causæ factæ essent, earum oporteret esse alia exemplaria, & illorum rursum alia, atque ita procederetur in infinitum, aut perueniretur ad æterna, omnique carentia principio, exemplaria. quæ si sunt, mox ab illis, citra aliorum exemplarium generationem, fieri, deducique possunt res sensibiles, & omnes mundi partes. Ideæ ergo, & exemplares rerum causæ, extra Deum nullæ sunt, sed in ipsius Dei substantia. id quod Platonem quoq; sensisse, haud dubium est, siquidem dicit, *Rursus considerandum est, an mundi faber sit imitatus exemplar: id ne quod semper*
idem & simile est. an id quod genitum fuerit, atqui si pul-
cher est hic mundus, & opifex mundi bonus, sempiternum certè exemplum maluit imitari, sin secus, quod ne dictu quidem fas est, generatum exemplar, est, pro æter-
no, sequutus. hæc Plato. ex quibus constat, exemplar rerum, quæ factæ sunt in substantia esse ipsius opificis. nihil enim Plato æternum esse censent, præ-

ter Deum. nam minores Deos, & factos, & dissolubiles, nisi benignitate Dei Optimi Maximi seruari-
 tur, esse autumat. mundi igitur intelligibilis, nulla
 temporalis Genesis est, sed tantum huius sensibilis.
 Quapropter, ponere vlla rerum exemplaria creata,
 absurdum est. alioqui fecisset Deus hominem, dein-
 de Petrum & Ioannem. id verò fieri non potest, quia
 in definitione & essentia hominis, est, vt constet cor-
 pore & anima, ac sine eis, ne intelligi quidem potest,
 nedum esse. vt neque finitas esse potest, vbi non sit
 nasus, quia in definitione finitatis est nasus, cum sit
 nasi curuitas. quo pacto ergo homo, quin sit animal?
 aut quo pacto animal, quin sit corpus? corpus autem
 non mathematicum, quia non esset sensituum: si au-
 tem corpus physicum, certè & hoc: siquidem vniuer-
 salia per materiam fiunt hæc. non potest igitur esse
 homo, qui non sit aliquis homo. sed vniuersale in re-
 bus creatis, est ratio vniuersalis in omnibus existens,
 cogitatione separabilis. exemplar verò ad quod facta
 sunt singula, est æterna illa notitia rerum omnium,
 quam Deus semper apud se habuit, ab æterno con-
 ceptam, factam autem nunquam. Constat etiam
 ex verbis his capitis octauī Prouerbiorum *Dominus
 possedit me ab initio viarum suarum antequam quid-
 quam faceret à principio.* si enim ea à Deo esset facta,
 quomodo posset à Deo possideri, antequam quidpiā
 fieret? esset enim ipsa facta. non est itaque facta. est ta-
 men eadem ab æterno concepta, siquidem addit, ab
 æterno ordinata sum, & ex antiquis antequam terra
 fieret. nondum erant abyssi, & ego iam concepta erā.
 & capite 24. Ecclesiastici dicit ipsa sapientia, *Ego ex
 ore altissimi prodiui, primogenita ante omnem creatu-
 ram.* Itaque Dei sapientia, per quam facta sunt om-

*Exemplar
 mundi æ-
 ternum.*

*Sapientia
 ab æterno.*

nia quæ facta sunt, facta esse non potest, concepta verò ab æterno, quæ est ipsum Dei verbum, Dei sapientia. hæc verò in Deo (vt & alia omnia quæ in ipso sunt) nullatenus accidentalis, sed ipsamet diuina substantia est. hanc in Deo necesse est ponere. alioqui fecisset Deus omnia, nesciens quid faceret, velut cæcatus, & temere aliquid agens: facta quæ essent omnia casu, præter intentionem agentis. hoc verò est impossibile. quia aut hæc faciens volebat alia facere, quæ non fecit, aut nihil volebat, sed necessitate hæc fecit: si primum, Deus fuerit causa per accidens mundi. quod si ita est, nō potest esse causa præcipua. quia omne quod fit per accidens, reducitur ad aliam causam per se. Mundi ergo esset, præter Deum, alia causa per se, & præcipua. illa ergo potius esset Deus. quapropter Deus non potest, ita fecisse mundum. si verò necessitate fecit, nulla causa est quod non fecerit ab æterno. at verò monstratum antea est, mundum non esse ab æterno, igitur superest Deum ab æterno habere apud sese notitiam rerum omnium creandarum, atque fecisse tales quales agnoscebat, illamque notitiam esse exemplar, per quod facta sunt omnia. atque cum illamet notitia sit ex substantia Dei, diuinitus enarrata est mundi creatio in Euangelio Ioannis, ducta scilicet ab exemplari causa, & æternis ideis. *in principio hoc est*

” *Deo, erat verbum, & verbum erat apud Deum, & Deus*

” *erat verbum, omnia per ipsum facta sunt.* Præter hoc verbum nullæ sunt ideæ, neque causæ exemplares mundi, neque in tota hac narratione mihi videtur Moses, exemplaris causæ rei vllius meminisse, præterquam hominis, de quo inquit, ad imaginationem Dei creauit illum. Propriè quidem, quia ad illud exemplar, quod est verbum Dei. id verò est imago substan-

tiæ

tia Patris. hoc ipsum fuit exemplar aliarum omnium rerum, siquidem omnia per ipsum facta sunt. fortasse satis fuit, huc exponere causam exemplarem hominis, ut eadem intelligeretur esse totius mundi. quandoquidem in substantia hominis sunt omnes mundi partes, ut nihil verius à Philosophis dictum sit, quam hominem esse microcosmum. quod non ita intelligens Philon, commentatur illud esse dictum de anima hominis, illique soli fuisse Deum ipsum exemplarem causam, corpus verò atque reliqua corporalia, facta esse ad exemplaria creata. proinde in primo capite, creationem animæ, quæ præcipua hominis pars est, atque ut censet Plato in dialogo de natura hominis, & Auicenna in mahat, solo est homo, traditæ esse, ubi dicitur, Ad imaginem Dei fecit illum: in hoc secundo capite tradi corporis creationem, ubi nulla imaginis Dei fit mentio, sed dicitur, formavit igitur Dominus Deus hominem de limo terræ, & inspiravit in faciem eius spiraculum vitæ. Verba verò Philonis in libello de opificio mundi, sunt hæc. Quod autem

in anima quoque par inerat præstantia, manifestum est. nullo enim creato exemplari, in ea facienda usus videtur, sed solo, ut diximus, suo ipsius verbo. ideoque narratur, effigiem & imitamentum fuisse, hunc hominem inspiratum in faciem. hæc Philon, quibus apertè dicit, hominem inspiratum in faciem illius statuae, quæ ex luto constitit, esse animam, eamque sine creato exemplari factam esse, effigiem & imitamentum Dei: corpus verò, atque adeo alia, facta esse ad exemplaria, quæ erant in vrbe intelligibili, quam primo die, de sententia illius, fecit. neque verò non ita sentit, quia paulò antea dixerat, mundum intelligibilem esse verbum Dei. nam non utcumque id dicit, sed mundum in-

Exemplar hominis.

Microcosmus.

An sola sit anima sit creata.

Philonis de mundi creatione somnia.

Urbs intelligibilis Philon. intelligibilem, esse verbum Dei iam facientis mundum; urbem verò intelligibilem (hæ sunt causæ exemplares) esse ratiocinationem Architecti, cogitantis iam, urbem mente conceptam, condere. Itaque ille ponit verbum Dei, idque æternum illud verò, non ab æterno, sed cum iam vellet mundum condere, (ita vt solent artifices) excogitasse intra se mundum quædam seu urbem intelligibilem, ad cuius exemplar condidit hanc visibilem. audiamus verò eius verba. *Quod si cui libeat* (inquit) *apertioribus vti vocabulis, nihil aliud dixerit esse mundum intelligibilem, quàm verbum Dei iam mundum condentis, neque intelligibilis urbs est aliud quid, quàm illa architecti ratiocinatio, cogitantis iam urbem, mente conceptam, condere.* Itaque ponit mundum intelligibilem, quod dicit verbum Dei iam condentis mundum, & in eo urbem intelligibilem, illam effigiem mundi tunc conceptam, cum iam conderetur, atque in ea vrbe fuisse exemplaria omnium, præterquam animæ, quæ non ad exemplaris vllius creati, sed ad Dei ipsius imitamentum, facta est. Ex dictis nascuntur duæ opiniones, quæ malè philosophantium Iudæorum sunt, vna, esse, sapientiam quandam creatam, quæ ante mundi opificium facta est, atque per eam alia omnia, illam scilicet mente conceptam urbem intelligibilem. Cui opinioni fauere videntur quàm maximè illa verba capitis primi Ecclesiastici, *Prior omnium creata est sapientia, & fons sapientiæ verbum Dei.* & rursus, *Vnus est altissimus & creator, omnium omnipotens, & rex potens & metuentus nimis, sedens super Thronum illius, & dominans. Deus ipse creauit illam.* Alia opinio est, mentem humanam, siquidem non ad exemplar creatum est facta, ex substantia esse ipsius Dei. in quam Philon quoque

Mundus intelligibilis.

Iudæorū opinio de sapientia.

Anima ex Dei substantia.

quoque detur lapsus, qui ita inquit. Omnis homo iuxta mentem, diuino verbo est cognatus, beatæ illius naturæ sigillum, siue particula quædam, siue splendor, & quasi radius. Verùm hæc omnia plena sunt absurditate. nam, vt monstratum est, exemplares mundi causæ, non possunt non esse æternæ, vt Deus ipse, ac proinde, neque aliud quàm ipse Deus. quare nulla vrbs intelligibilis, nulla sapientia creata esse potest, per quam omnia facta sunt, neque omnino quidquam, quod non sit ipsum verbum. nam, præter dicta, si illa vrbs intelligibilis, aut illa sapientia erat in verbo, neque ex substantia ipsius verbi, atque adeo ipsum verbum, erat profectò quiddam illi accidens, & tempore superueniens. constat verò Deum incapacem esse alterationum. nihil ergo aliud fuit per quod omnia fierent, quam ipsum verbum Dei. Atqui illa verba Ecclesiastici, de generatione æterna sapientiæ diuinæ intelligi, etsi abusiue accipiat nomen creationis, constat ex adiunctis. Hæc enim sunt prima verba capitis, *Omnis sapientia à Domino Deo est, & cum illo fuit semper, & est ante æuum.* de hac sapientia dicuntur alia omnia. super cuius thronum dicitur sedere Deus dominans, super thronum scilicet sapientiæ illi coæternæ, & consubstantialis, quæ est suum verbum, per quod facta sunt omnia. nam si velimus eo loco, nomine sapientiæ creatæ, intelligere intellectualem substantiam angelorum, ne ita quidem quadrabunt reliqua. quadrarent enim fortasse illa, Prior omnium creata est sapientia, siquidem spiritalis substantia censetur creata ante corporalem: Sed non illa. Ipse creauit illam, & effudit illam super omnia opera sua, hoc est & creauit omnia opera sua, effundens sua bona ex æterno illo sui thesauri promptuario, su-

*Philonis
reprobatio.*

Spiritualis substantiæ creatio.

Dei thronus.

Bonum.

per omnia illa. nimirum bonum est sui ipsius diffu-
 sium, atque ita summum bonum summè se effudit.
 effusione igitur illius diuinæ sapientiæ, quæ ab æterno
 est apud Deum, atque ipse Deus, facta sunt omnia,
 quapropter, vt neque animæ, ita neque corporis, ne-
 que omnino rei vllius creatæ fuit creatum exemplar,
 sed omnium increata. vt verò imitamenta non sunt
 ex substantia exemplarium, sed ad similitudinem il-
 lorum, ita neque anima facta est ex substantia Dei, sed
 ad imaginem & similitudinem, vt & totus homo, &
 aliæ omnes res creatæ, suo quæque gradu, vt bonitas
 illa, quæ exemplariter erat in verbo, plus aut minus
 in quamcunque se effudit. itaque anima rationalis, at-
 que humana mens, multo plus accepit illius bonita-
 tis, quàm aliæ animæ, non tamen ex substantia Dei est
 magis quàm illæ. atque sapientia illa, quæ prior om-
 nium creata esse dicitur, est per quam facta sunt om-
 nia. at verò per intellectualem, & incorpoream ange-
 lorum substantiam, nullæ res creatæ sunt, nisi verò e-
 tiam placeat cum Platone & Philone (ambo enim hu-
 ius sententiæ sunt) illud colloquium, *Faciamus homi-
 nem ad imaginem & similitudinem nostram*, fuisse inter
 Deum Deorū & minores Deos, hoc est angelos, allo-
 quente illos Deo, atque ad hominis opificium prouo-
 cante. Id verò est absurdum, quia cui esset communi-
 cata facultas creandi, communicata esset facultas infi-
 ta, nulli verò creaturæ infinita virtus cōmunicata est:
 atque an possit cōmunicari, meritò à Theologis dubi-
 tatur à probabiliore sentētia negāte. Nulla igitur crea-
 tura cooperata est cū Deo in creatione. quare super-
 est, vt illud colloquium intra ipsum Deū habitum sit,
 apud quem erat verbum, per quod omnia facta sunt,
 & infinita bonitas, seu amor, quo sese effudit per
 omnia

*Virtus in-
 finita in-
 communi-
 cabilis
 creature.*

omnia opera sua. Quod igitur ad causam exemplarem attinet, ita habet. neque in tota tractatione Moses illius meminit, nisi in his verbis, quibus ad imaginem & similitudinem Dei dicitur factus esse homo. neque vlla idearum, siue exemplarium, creatio, seu genesis temporalis fuit, quidquid Philon velit. Interpretemur ergo, quid sibi velint illa verba in initio huius capituli præscripta. *hæ sunt generationes cæli & terræ, quando creata sunt, in die quo fecit Dominus cælum & terram, & omne virgultum agri, antequam oriretur in terra, omnemque herbam regionis, antequam germinaret.* Aristotelicorum omnium, & partis magnæ Platoniorum, opinio est, mundum hunc à Deo factum esse, ita tamen, ut nunquam fuerit, sed factum esse ab æterno: quod ego antea refutaui, indicans fieri non posse, ut quod factum est, aliquando infectum non fuerit. huic opinioni occurrit Moses, ac ne quis falleretur, putās, & si Deus fecerit virgulta & herbas, ac denique omnia, nunquam tamen non fuisse virgulta ex terra orta, & herbam germinantem, inquit, *fecit Dominus omne virgultum agri antequam oriretur ex terra, & omnem herbam antequam germinaret.* quasi diceret, fecit Deus hæc omnia in mundi initio, cum antea nunquam virgulta essent orta ex terra, neque herba germinasset. itaque cum antea nunquam extitissent, nisi in exemplari, facta sunt denuo omnia: & rerum omnium species, quæ in priori illo seculo, hoc est in illa æternitate, erant in mundo intelligibiles, inuisibiles, visibiles in hoc temporali seculo fecit Deus apparere. quod disertissimè dixit Paulus capite vndecimo epistolæ ad Hebræos, his verbis, *fide intelligimus aptata esse secula verbo Dei, ut ex inuisibilibus visibilia fierent.*

*Mundus
æternus
& factus*

¶ Capite secundo Geneſeos.

” **I**EGIMVS. Omne enim quod vocauit A-
 ” dam anima viuētis, ipſum eſt nomen eius.
 ” appellauitque Adam nominibus ſuis cun-
 cta animantia, quæ verba non videntur
 oſcitanter prætereunda, oritur enim ex
 illis, magna illa & antiqua dubitatio, an ſint rebus
 ſua nomina, eis naturaliter congruentia, an nulla ſint
 talia, ſed conſenſione hominum, atque ad colloquen-
 tium libitum conſtent omnia. ſi enim ſuis nominibus
 appellauit Adam cuncta, videntur habuiſſe nomina
 antequam appellarentur, alioqui non vocauerit illa
 ſuis nominibus, ſed dederit illis nomina. quod ſi an-
 tequam appellarentur ab Adā habebant nomina, non
 ſunt nata ex appellatione & uſu, ſed ex rerum naturis
 naturaliter ergo congruunt rebus ſua nomina, nō vo-
 lūtate hominū. in hanc ſententiam videtur multis ar-
 gumentis ferri Plato in cratylo, ſiue de recta nominū
 ratione: Huic quæſtioni videtur eſſe coniuncta illa a-
 lia, an nominibus inſita ſit vis aliquid efficiendi, ſi-
 ue boni ſiue mali, an nihil aliud, quàm ſignificent.
 ſi enim ſunt naturales rerum imagines, non ſit
 inopinabile poſſe naturaliter aliquid efficere, vt & res
 ipſe ſi verò nihil eſt verbis cum rebus præter homi-
 num placitum, nulla illis ineſſe vis naturalis poteſt,
 ſiue facultas. ſi igitur indicari poſſit, vim ineſſe ver-
 bis aliquid efficiendi, indicatum etiam putari oportet,
 eſſe ea naturaliter coniuncta rebus, ſignificarē-
 que non ex placito ſolum, ſed naturaliter. habere
 autem verba vim talem, authoritate medicorum

eorum-

Nomina
 an ſuis re-
 bus con-
 gruentia.

eorumdémque philosophorum præstantium constare videtur posse: qui, vt pharmacis, ita etiam verbis quibusdam, ad quosdam morbos vt iubent: neq; Morborū
supersticio
se curatio
nes. verbis solum prolatis, sed & scriptis, ægroto alligatis, aut suspēsis. Plinius lib. 28. naturalis historiæ cap. 2. quæ

stionem hanc disceptans, multa narrat ad hanc partē pertinentia, velut Vlicem (narrate homero) profluuiū sanguinis vulnerata fœmine, inhibuisse carmine: Theophrasto autore sanari ischiadicis carminibus: autore Catone, luxatis mēbris auxiliari carmen: Marco Varrone, podagricis. Aëtius lib. 8. cap. 50. ita inquit
 ” ad educationem eorum quæ in tōsilas deuorata sunt, statim
 ” te ad egrum desidentem conuerte, ipsūque tibi attendere
 ” iube, ac dic, Egredere os, si tamen os, aut festuca, aut quid-
 ” quid tandem existit, quemodmodum IESVS CHRIS-
 ” TVS ex sepulcro Lazarum eduxit, & quemadmodū
 ” Ionam ex ceto. atque appræhenso ægri gutture dic,
 Blasius martyr CHRISTI dicit, aut ascende aut descen-
 de. Tralianus incantationes plurimum posse iuuare as-
 ferens, cap. 4. lib. 9. auctoritate Galeni suam senten-
 tiam confirmat, ita dicens. præterea etiam diuinissi-
 mus Galenus, qui ne esse quidem incantationes putauit,
 ” longo tempore multoque vsu plurimum ipsas posse de-
 ” præhendit. audi igitur verba ipsius, quæ de medica Ho-
 ” meri tractatione reliquit. habent autem ea in hunc mo-
 ” dum. nonnulli igitur putant incantationes anicularum
 ” fabulas esse persimiles, quemadmodum ego quoque diu
 ” existimaui, temporis autem processu ab ipsis, quæ euiden-
 ” ter apparent persuasus sum, vim ipsis inesse. nam in per-
 ” cussis ab scorpio adiumentum sum expertus, nihilo autem
 minus in ossibus gutturi infixis, quæ incantatione statim
 expuebantur ac multa præclara singulæ habēt incātationes,
 cū institutū consequuntur. hæc Tralian. ex Gal. qui licet

*Hemetri-
sei cura-
tio.*

nunc non extet, extitisse tamen verè, autoritate Tra-
liani comprobatur. Extat quidem in Galeno scriptis
libellus quidam de incantatione, is verò non est ge-
nuinus, tamen est alicuius non contemnendi auctoris.
apud Quintum serenum legimus inscriptam modo
quodam certo vocem hanc Abracadabra, & charta li-
no inclusa, atque colo suspensa, sanare hermitriteum.
multa alia huiusmodi occurrent scripta & apud Græ-
cos, & Latinos, atque apud Arabes medicos. Iam ve-
rò inter vulgares nihil magis vsu receptum, quàm qui-
busdam recitationibus Hispani vocant ensalmos mor-
bos quosdam, aut etiam omnes, curari. videtur autem
hoc ita se habere, vel hoc argumento, quod si verba
quædam sunt noxia, aut etiam mortifera, possint etiam
esse alia salutaria. at verò omnes homines videntur, na-
turaliter timere maledictiones, & impræcationes: &
venefici vtuntur diris carminibus. multaque passim
narrantur exempla morborum, per impræcationes,
fascinationes, venefica verba, & alia eiusmodi, illato-
rum. possint ergo & medici vti verbis salutaribus, ac
bene dictionibus, non minus quàm pharmacis ad
morborum curationes. si igitur verba vim habent ef-
ficiendi quippiam, velut ignis vrendi, non sint tatum
ex colloquentium placito significantia id quod quis-
piam cogitet, sed naturam quampiam habeant com-
munem cum ipsis rebus, ob quam, & ipsis congruant
naturaliter. his argumentis censent plurimi (in quibus
Platonem etiam pono) non temere his vocibus has, il-
las illis significari, sed naturaliter nomina rebus apta-
ri suis: Non tamen omnia æquè, neque quæcunque:
neque enim Hispana, neque Gallica, neque verò La-
tina, neque Græca quæcunque, sed vt Plato censet ci-
tato Homero, quibus loquuntur Dij: &, vt alij, pri-
maua

*abyssi-
ni vocu-
is in sa-*

mæua illa, quibus Adam putatur esse vsus, hoc est hebræa. eam ob causam dicunt, in Ecclesiasticis hymnis retineri semper verba quædam Hebræa, vt Alleluia, Ofania, Sabaoth, Epheta, & alia eiusmodi. quæ sanè dicuntur verterentur etiam in Latina, vt alia omnia, nisi vis quædam & efficacia illis naturaliter inesset. hanc Zoroastres princeps magorum. sequuti sunt sententiam magi, quorum princeps putatur fuisse Zoroastres rex Bactrianorum, Nini contemporaneus, qui que naturalem esse suam magiã contendunt, & inter Hebræos vocati Cabalistsæ, qui suam doctrinam iactant à secretioribus Dei reuelationibus fuisse deriuatam, promittunt se verbis & characteribus miraculosa quædam opera edituros. videtur autem his fidem etiam facere, de incantationibus, seculis omnibus concepta opinio. Si enim (vt ex Atali sententia narrat Plinius) prolata hac voce, duo, visus scorpio cohibetur, ne vibrare ictus possit. siq; (vt ait poeta) *frigidus in campis cantando rumpitur anguis*, quæ possit negari naturalis verborum vis? aut cur non poterunt rectè, apud omnes gentes adhiberi salutare incantationes aduersus morsus rabidorum canum, & venenatorum omnium ictus atque adeo aduersus ipsas feras? Neq; verò vanum esse videtur, quod de incantationibus fertur, siquidē

„ Psalmo. 57. ita cecinit regius vates. *furor illis secundum similitudinem serpentis, sicut aspidis surda & obturantis aures suas, quæ non exaudiet vocem incantantium, & veni sci incantantis sapienter.* Serpentis astutia.

Ecce vt diuino oraculo confirmari videatur, vis, & facultas incantationum, & incantatoris sapientia, & calliditas serpentis obturantis sibi aures, ne audiat vocem incantatoris. adeo igitur naturalis est verborum potentia, vt etiam ab irrationalibus naturaliter agnoscat, atque aduersus eam naturaliter sese muniant. constat verò aduer-

sus noxas, quæ naturales non essent, non fuisse naturā
 belluas armaturam, neque daturam instinctum, quo
 se ab illis tuerentur. Hieremias quoque cap. 8. ita scri-
 pfit *Ecce ego mittam vobis serpentes regulos, quibus non
 est incantatio.* videtur autem comminatio hæc innue-
 re, aliis serpentibus esse incantationes. hanc sententiā
 videtur etiam iuuare auctoritas ecclesiæ, quæ iubet
 exorcistas vti conceptis verbis, quasi illis, demones
 fugandi virtus quædam præcipuè insit. quo etiam spe-
 ctare dicat quis illud Euangelij, In nomine meo dæ-
 monia eiicient. non enim iam in ieiunio solum & o-
 ratione dicit, sed in nomine meo, quasi ipsa nominis
 I E S V prolatio, efficaciam habeat ingentem. præter-
 ea illa crebra recitatio, qua Ecclesia & fideles singuli v-
 tuntur: illæ, nunc ter, nunc quinquies, nunc quinquage-
 gesies, nunc pluries repetitæ salutationes Angelicæ,
 aut dominicæ præces, quid aliud innuūt, quàm in ipsa
 verborum Sanctorum recitatione, vim quandam esse
 animæ salutarem? alioqui si non ob ipsorum verbo-
 rum vim, sed orandi Deum gratia recitarentur, quor-
 um recitarentur eadem pluries? videtur ergo his o-
 mnibus argumentis fieri inesse verbis ipsis vim quan-
 dam naturalem, partim noxiam, partim salutarem, id-
 que nunc corpihus, nunc animabus, nunc vtrisque,
 atque ita analogiam habere cum rebus quarum sunt,
 quod præscripta Geneseos verba innuebant. Verùm
 etsi tam multa congerant vani & superstitiosi, magi, &
 Cabalistsæ, & qui se putant diuinissimos, Platonici, fal-
 sum est prorsus, & ab omni ratione alienum, vim esse
 per se vllam verbis, aut aliam, quàm significandi ex
 hominum placito. Nam, vt eidem, cui illi, viæ insista-
 mus, si verbis ipsis nihil est commune cū rebus, neq;
 ipsa quippiam sunt aliud, quàm ita diuerberatus aër,
 neque

Exorcista
 & eorum
 virtus.

Angeli-
 ca saluta-
 tio.

Magorū
 ex Caba-
 listarū re-
 prehensio.

neq; alia causa est, qua hæc has, illa illas res significet, quam hominum, ab eorundem voluntate profecta, consuetudo, nulla vis esse potest nominibus per se. Quid autem aliud est loqui, quam per quasdam linguas <sup>Lingua
vsus.</sup> motiunculas, res quasdam innuere, vt inter colloquentes constitutum est? nimirum, vt quidam (multi præcipue) consueuerunt, suas sibi mutuò cogitationes aperire varia digitorum motitatione. hoc solum interest, quod lingua, accommodatissima est omnium nostri corporis partium, ad significandum quod mente conceptum est, ob illam mirabilem mobilitatem, & quia in ipsa via spiritus posita, eius diuerberatione, sonitus edit multiplices, auditui hominis, etiam eminus, occurrentes, itaque, est hæc particula paratissima, ac maximè idonea, cui homines demandent munus innuendi inuicem, quæ mente concæperint: quia nulla tot, tamque varias motiunculas subire potest, eaque sola voces effingit multiplices, vnde & aspectabiles, & audibiles nascuntur differentia. neque quidem casu factum est, vt lingua ad hunc usum extiterit accommodata, sed ipsa natura ita est comparata, mollis scilicet, ac substantia volubilis, multis ad radicem musculis prædita, superposita laryngi, supposita palato, circumsepta dentibus, vt expiratum per laryngem aërem excipiens, & ad palatum & dentes multifariâ allidens, posset multiplices edere sonitus, quibus pro suo arbitratu, posset homo homini significare, incognoscibiles alioqui cogitationes. accommodatior ergo multò est ad innuendū lingua, quàm manus, aut pes, aut vlla alia particula. velut autē, vtcunq; tu moueas digitos, nihil intelliget alter, nisi inter ambos cōuenerit, vt hæc motiuncula huius, illa illius rei nota sit, ita neq; vtcūq; crepas ore. neque enim Hispanus Gallum, neque hic

*Infans sine
doctore
quo idio-
mate lo-
quatur.*

Germanum, neque ille Arabem, neque Latinus Græcum, neque Græcus Hebræum, loquentem intelligit. quia, scilicet, non sunt docti eundem sermonem. nimirum sermo non constat natura, sed cōsuetudine. alioqui ut est omnibus gentibus vna eadēque natura, esset idem sermo: sed non ita est, quin potius multiplex, ut & consuetudo. falsum enim ac ridiculum, quod sibi quidam philosophiæ ignari persuaferunt, si quis ab infantia nullum omnino doceretur sermonem, futurū ut loqueretur Hebraicē, sermonem scilicet, innatum hominibus. Nam si sine doctore, ut alia quā plurima, innasceretur sermo iste hominibus, innasceretur profectō, etiam si alium sermonem discerent, essentque omnes duplicis sermonis. Si enim sermo quem prius homo didicit, non prohibet quominus discat alium denuo, sed sciunt multi bisfariam, trifariam, aut etiam quadrifariam loqui: multominus prohiberi posset qui ex ipsa natura pulularet, ab eo qui esset comparatus studio. quin potius, si vllus sermo hominibus esset naturalis, non possent esse ad alios dociles. quia quod intus manet, prohibet extraneum. ut ergo natura fecit hominem prorsus inertem, ut esset ad omnes artes habilis, necesse est, fecerit omni sermone carentem, ut possit omnes discere. videmus verò plures homines, ad alios multos sermones habiliores, quā ad Hebræum. quod quidem nullatenus fieri posset. nam in id quod naturale illis est, sponte feruntur res omnes. Ex dictis igitur constat, loqui quidem naturale esse hominibus, quia natura, ut ex ipsa linguæ formatione cognouimus, in hunc vsum eam destinavit. hoc autem aut illo sermone uti, studio ac doctrina euenit, & ipsa quidem idiomatica, vñ ac tacita consensione hominū, nata sunt: præter septuaginta illa, quæ ad turrim babel,

*Homo cur
naturalis
non.*

*Sermo quo
modo na-
turalis.*

*Idiomata
origo.*

in diuisione linguarum orta sunt, quorum Deus ipse voluit esse auctor & doctor, non quod illa potius, quā quæ deinceps vsu extiterunt, cognationem vllam haberent cum natura, sed quod ad breuem & expeditam distributionem gentium, expediret esse multilingues. dilexit verò Deus, quæ ipsi placuit, ita cū hominum vitæ nihil posset esse vtilius, neque iucundius, quàm suas sibi inuicem cogitationes communicare, neque quidquam magis naturale, quàm scientiæ desiderium, & scientia comparetur docendo ac discendo: docere verò ac discere nō contingat aliter, quàm conceptionum mentis communicatione: ipso naturæ impulsu feruntur in loquelam. quia, vt indicatum est, nulla neque potior, neque facilior, excogitari potest ratio inuendi. inuenerunt igitur primū loquelam, quō verbis significarent animi conceptiones. deinde, quia sermo haberi non poterat, nisi ad præsentēs, ac statim ac emissus est, effluit, excogitata scriptura est, quasi verba missilia, & permanentia, quibus & cum absentibus, atque adeo cum posteritate loqui contingeret. loqui, inquam, hoc est verba illis significare, ac sermonem præsentare. quoniam enim scriptura, inuentione posterior est, loquela, fit vt loquela per se significet omnes conceptiones, & scriptura loquelam. nimirum hæ duæ Scripturæ, homo & anthropos, eandem rem significant, sed non per eandem vocem, lectæ enim diuersum admodum sonant, per diuersas enim voces significant eandem rem, & ingerunt menti eandem notitiam. velut etiam per diuersas Scripturas significari potest eadem vox, vt per has, ανθρωπος & ανθρωπος eodem igitur modo habent scripturæ ad voces, quo voces ad cogitata: Atqui, neque hic ordo, vt sermo discatur ante scripturam, atque proinde scriptura per

*Loquela
inuentio.*

*scriptura
inuentio.*

*Sermonis
& scripturæ
comparatio.*

*Sordi lo-
qui docti.*

vocem significet, potiusquam vox per scripturam, necessitatem habet naturalem, ita vt nullatenus possit contrà fieri, Sed ob facilitatem potius ita euenit, & quia citius sunt homines nullo sensu orbat, habiles ad loquendum, quàm ad scribendum. posse verò omnino contrà fieri, aperte indicauit Petrus Pontius, Monachus Sancti benedicti, amicus meus, qui (res mirabiles) natos surdos docebat loqui, non alia arte, quàm docens primùm scribere, res ipsas digito indicando, quæ characteribus illis significarentur, deinde ad motus linguæ qui characterib. responderent, prouocando. itaq; vt audientibus à loquela, ita auribus captis, rectius incipitur ab scriptura. neutrum igitur habet necessitatem naturalem. Sed videtur ex rei natura esse eadem ratio sermonis & scripturæ, præter maiorem loquendi facilitatem, in iis qui omnibus sensibus vtuntur. qui verò carent auditu habere possint scripturam loco sermonis. acceditq; illis rerum diuinarum notitia ex visu, vt aliis ex auditu. cuius ego rei testis sum, in discipulis illius amici mei. Itaq; est sermo, velut scriptura effluens, & scriptura velut Sermo, manens. at verò scribendi, nullam rationem constare natura, Sed vfu & arte, manifestum est. nam neq; cuiusq; hominis est scribere, neq; hominum omnino fuit semper, sed post aliquot mundi secula excogitatum, diuersum admodum apud diuersos, vbiq; magno labore discitur. ita igitur de loquela & verbis censere consentaneum est: nulla scilicet verba significare aliter, quàm ad libitum, eorum qui primùm eis vsi sunt. quod (si nihil aliud) ipsa idiomatum mutabilitas indicat. nullus enim est, qui non, vel in suo seculo, videat, vbique gentium quædam verba antiquari, quædam nouari. vt facile sit intelligere, nisi scripturæ beneficio seruata essent,

nul-

nullum omnino verborum quibus antiquissima secula vſa sunt, suam ſignificationem fuiſſe retenturum. nō igitur eorum ſignificationes natura conſtant, ſed vſu. nam præter dicta, res omnes ab eiſdem ſeruantur cauſis, a quibus fiunt. ſeruantur verò ſignificationes verborum omnium, vſu, alioqui per obliuionem peritura, igitur & natæ ſunt ex voluntate vtentium, non ex natura. neq; quidem obſtat, verba quædam, quibusdam rebus, ob quasdam cauſas, tributa eſſe (quod maximè facit Socrates in Cratilo) vt homo quia ex humo, & *ἄνθρωπος* quaſi *φῶς νόος*. nam deriuatiua deducuntur ex primitiuis, ipſa verò primitiua, & ſimplicia, non alia ex cauſa ſignificant res quarum ſunt, quam ex placito auditorum. igitur & deriuatiuorū & cōpoſitorum ſignificationes, referuntur ad voluntatem vtentium. quin & illa etiam nomina, quæ ob ſimilitudinem quandam ſonitus conſicta ſunt (grammatici vocant onomatopœiam) vt clangor, tinitus, bombus, *βρόμβος* ſignificant ad libitum vtentium. quia ſi illa eadem nomina tributa eſſent rebus longe diuerſis, aut illis eiſdem rebus nomina longe diuerſa, valeretur colloquentiū vſus, nulla neq; ſimilitudine, neque diſſimilitudine obſtante. itaque & voces omnes & ſcripturæ ſignificant ad libitum. quapropter ex ipſa natura nullam vim habent ſignificandi, nedum efficiendi quippiam: ſed ſignificāt ſolum, quia ita conuenit inter colloquētes, plures, aut pauciores. Nulla igitur naturalis ratio eſt, qua verba aut characteres poſſint morbum inferre aut ſanitatē, aut aliud quippiam efficere, eorum quæ magi pollicentur, & cabaliſtæ. quod ſi quædam nomina Hæbreæ, in Sacris hymnis retinentur incommutata, id quidem nō fit, quod Deus Sabaoth, verbi gratia, maius quippiam ſit, quàm Deus exercituum, Sed (vt Plinij vtar

Conſerua-
tio rerum.

Deriuati-
ua.

Vocum ſi-
gnificatio.

Characte-
res nihil
inferunt
morbo nec
ſanitati.

verbis) externa & ineffabilia verba audientium ani-
 mos magis mouent , semper quidali immensum ex-
 pectantes , ac dignum deo mouendo. itaque facit id
 ecclesia, vt peregrinarum vocum recitatione , magis
 animus inflammetur, quia vulgares facilè contemnun-
 tur. quo etiam fortasse consilio sanctissimus Papa no-
 ster Gregorius decimus tertius , prohibuit horarias
 preces vulgari sermone recitari , ne scilicet vulgares
 voces vulgus contemnat, quod inauditas solet demirari.
 hanc verò esse causam retinendi eas voces , non
 quòd hæbreæ sint, constat , Si quidem & græcæ reti-
 nentur quamplurimæ , vt Chirye Eleyson, o Theos,
 Athanatos. Ischyros, & alia eiusmodi. certè nihil hoc
 aliud est, quàm, quod sancta ecclesia, omni ratione cu-
 rat, secundum hominum conditionem , nos ad pieta-
 tem, & rerum diuinarum æstimationem prouocare.
 alioqui verbis ipsis nulla naturalis vis inest. Quapro-
 pter incantationes vanæ sunt, ac superstitiosæ , quæ-
 que de illis narrantur, falsa aut maligna : maligna di-
 co, quæ cacademonis interuentu fiunt: falsa, quæ cum
 non fiant, delusa, sibi persuadet vulgi credulitas. fal-
 sum est igitur, cantando rumpi angues: falsum quoque
 eos sibi obturare aures, ne audiant , quod vel Plinius
 per derisum narrat dicens, non pauci etiam (credunt
 scilicet) serpentes ipsas incantari , & hunc vnum illis
 esse intellectum, contrahique marforum cantu. Me-
 ritò ergo illa impostura damnatur diuinis oraculis,
 & interdicatur fidelibus. deuteronomij decimo octa-
 „ uo ita habetur. *Quando ingressus fueris terram , quam*
 „ *dominus Deus tuus dabit tibi , caue ne imitari ve-*
 „ *lis abominationes illarum gentium , neque inueniatur*
 „ *in te qui lustrat filium suum, aut filiam , ducens per ignē,*
 „ *aut qui ariolos sciscitetur, aut obseruet somnia, atq; au-*
 „ *guria.*

*Marfi &
 incantato-
 res serpen-
 tū repræ-
 dentur.*

„ neque sit maleficus neque incantator, neque qui pytho-
 „ nes consulat, neque diuinos, & quærat à mortuis verita-
 „ tem, omnia enim hæc abominatur dominus, & propter
 „ istiusmodi cætera delenit eos in introitu tuo. Itaque
 „ abominatur dominus incantationes, iuxta lustrationes
 „ aliorum, & pythones. vsque adeo, vt ob eas dicat se de-
 „ lenisse illas gentes. rursus paralympomenon. 2. ca. 33. Ma-
 „ iasæ crimina ita recensetur. maleficus artibus inser-
 „ uiebat, habebat secum magos & incantatores, multaque
 „ mala operatus est coram domino. Isaia. 47. venient tibi
 „ (alloquitur Babilonem) duo hæc subito in die vna, steri-
 „ litas & viduitas. vniuersa venerunt super te propter
 „ multitudinem maleficiorum tuorum, & propter duriciem
 „ incantatorum tuorum vehementem. hæc Isaïas. Si verò
 vis talis data esset verbis à Deo, non esset profectò
 incantatorum ars abominabilis ipsi, magis quàm me-
 dicina. velut enim incantator nunc vitur incantatio-
 nibus aduersus morbos & venena: nunc ad maleficia:
 ita & medicina, nunc componit medicamenta saluta-
 ria, nunc deleteria. non tamen proinde medicina est
 Deo abominabilis, sed gratissima: quoniam scilicet
 possumus ea vtiliter vti. quandoquidem igitur incan-
 tatio est Deo abominabilis, naturalis non est, sed, vt
 dixi, vana, aut maligna. Res ergo iam exigit, vt inter-
 pretemur carmina illa Psalmi. 57. quæ in subsidium,
 incantationum citata sunt. Inter alios Philosophandi
 modos quibus antiquitas ad notandum hominum
 mores, vsa est, non fuit in postremis, qui per confictas
 quasdam fabellas, aliud quiddam allegoricè signifi-
 cabant. quæ tenuerunt Aesopus, & Cyprius, & Lybicus,
 & alij multi Philosophi & Poëtæ, inter antiquos; inter
 iuniores quoque, omnes qui emblemata scripserunt.
 multa verò, quæ ab antiquissimis illis, ad innuendū fi-

Incanta-
tiones.

*Fabularū
utilitas.*

guratè aliud aliquid, conficta sunt, incautè sunt acce-
pta à posteris, & eorum sanè nonnullis eruditissimis,
quasi simpliciter, ac sine vlla figura, dicerentur. velut,
inquit Aesopus, castor præter ceteros quadrupedes
in aqua durare fertur, & eius genitalia ad artē medicā
vtilia esse. hic vbi videt se à venatoribus captū iri, ipse
genitalia præcidit, atque in sequentes proiciens, hoc
modo euadit incolumis, hæc conficta sunt, ad signifi-
candum, hominibus, prudentes si esse velint, pro adi-
piscenda salute, nullam esse habēdam rationem fortu-
narum: non defuerunt plurimi, qui affirmarent, eā es-
se, reuera, castori à natura inditam prudentiam. Ita e-
tiam factum est in fabula de serpente & incantatore.
cum enim antiquitus conficta esset, ad arguendam im-
pietatem, eorū qui à veritate auditū auertunt, nollen-
tes, neq; cōsiliis neque exhortationibus, ac multo mi-
nus repræhensionibus aures præbere, nō defuerūt qui
opinarentur, id quoq; esse verū, eāque esse serpentis
naturalem versutiē. verū re, vt habet, intellecta, pla-
nèq; perspecta, dicet Philosophus, hominē qui in nau-
fragij periculo, mercēs vestēsque, & omnē superlecti-
lem, mittit in mare, similem esse castori præcidētī sibi
testes, cum vrgetur à venatoribus. qui tamen Philoso-
phus arguendus non est, quòd affirmet, castorem sibi
testes secare. non enim affirmat, sed per moralem fa-
bulam docet homines prudētiam. tale etiam est quod
in Psalmo fecit Dauid, scilicet interpretatus est para-
bolam, ad arguēdam pertinacem intemperatiam eo-
rum, qui audire recusant veritatem, neq; quidquā au-
dire sustinent, nisi quod ad suā voluptatē spectat, pru-
riētes auribus, & ad sua desideria coacervātes sibi ma-
gistros. fabulæ itaque moralis, seu parabolæ interpreta-
tionem, continent dicti Psalmi carmina. nimirum

*Fabula
moralis.*

intem-

intemperantes homines sunt similes serpētibus, quia obturant aures suas, ne audiant voces incantatoris sapienter incantatis, hoc est, concionatoris qui docet veram sapientiam, & per hanc incantationem, incantat morbos animi. neque verò in hoc solum scripturę loco, sed in multis aliis occurrunt morales fabulę seu apologi seu parabolę, seu vtcunque vocare libet, quę allegoricę aliud innuunt, quàm litera sonet. quinimo nullus est modus utilis philosophandi, eorum qui ab hominibus ad componendos mores excogitati sunt, qui non reperiatur exactius in sacris. quis enim vnquā acutius, aut eloquentius vsus est fabula, quàm Ioathā „ ad sicheinitas ex montis vertice (narratur cap. 9. iudicum) vbi non solum inducit loquentes beluas, vt „ Aesopus, sed etiam arbores, dicens. *iuerūt ligna vt vngerēt super se regem, dixerūtq; oliuę, impera nobis, quę „ respondit, nunquid possum deferere pinguedinem meam, „ quę & Dii vtuntur & homines, & venire vt inter ligna „ promouear* (dixerūtque ligna ad arborem ficum, *veni „ & super nos regnum accipe. quę respondit eis, nunquid „ possum deferere dulcedinem meam, fructusque suauissimos, & ire, vt inter cetera ligna promouear? loquūtque „ sunt ligna ad vitem, veni & impera nobis. quę respondit „ eis, nunquid possum deferere vinum meum, quod latefcit Deum & homines, & inter cetera ligna „ promoueri? dixerūtque omnia ligna ad rhamnum, veni „ & impera super nos, quę respondit eis, si verē me „ vobis regem constituitis, venite, & sub vmbra mea „ requiescite. si autem non vultis, egrediatur ignis de „ rhamno & deuoret Cedros libani. Significatur vero his verbis, iniqua promotio Abimelech in regem. Sunt alia his similia exempla, quę tamen præteriens, redeo ad pensum. Reprehendit itaque,*

Incanta-
tiones
quid.

vt dixi, Dauid, duriciem ac pertinaciam eorū, qui non
sustinent audire exhortationes, interpretatione alle-
gorica moralis fabulæ, quam antiquissimi Philosophi
ad increpationem hominum, confinxerant. Vocari
verò incātationes, disputationes atque exhortationes
prouocantes ad virtutem, etiam à Philosophis; videre
possis in charmide, seu dialogo de temperatīa, vbi So-
crates narrans quæ audierat à quodam medico Thra-
ce, hæc scripsit. *Anima verò medelas esse dicebat incan-
tationes quasdam: eas præclaris rationibus contineri,
quibus animæ temperantia tribuitur, qua inserta, atque
præsentē, sacitæ esse sanitatem capiti, totique corpori tri-
buere.* ille igitur cū medelam incantationēsq; doceret,
iussit vt nullis precibus motus, alicui cōtra capitis do-
lorem remedium adhiberem, nisi prius animam in-
cantationibus ipsis purgandam commisisset. his ver-
bis manifesta fatis est sententia Socratis, morbos cor-
poris non curari incātationibus per se, sed morbos a-
nimi. Sed & vocari eos homines, qui magnis animi
morbis teneantur, nominibus beluarum, consonum
est dictis philosophorum. Siquidem Plato (allegoricè
fortasse alludens ad illud Psalmi. 48. *Homo cum in ho-
nore esset, non intellexit, comparatus est iumentis insipiē-
tibus, & similis factus est illis.* & ad illud Prouerbio
28. *Leo rugiens, & Vrsus esuriens, princeps impius*) in
calce dialogi de natura (præter plura quæ decimo de
republica, siue de legibus, habentur) ita reliquit scri-
ptum. *Avium autem genus ex nostro ita est aptè for-
matum, vt pro pilis pennas acciperet.* in hoc illi homi-
nes transeunt, qui simplices & innocentes cū sint,
leues tamen sunt, & frustra in rebus sublimibus cu-
riosi, quique adeo fatui sunt, vt oculorum iudicio
confisi, hæc, altissima quæque firmiter demonstrari
posse

posse non dubitent. gressilium verò ferarum genus ex his notum hominibus, quia Philosophia penitus alieni, ad cælestia nunquam penitus oculos erexerūt, eoque volutionibus illis quæ in capite peragi solent, nunquam vñ sint, sed illas animæ partes sequuti, quæ in ventre & pectore dominantur. ex his vtique studiis anteriora membra & capita, ob ipsam cognitionē humi penitus defixerunt, in longum productum, ac diuersum corporis verticem tenuerunt: quandoquidem ibi propter desidiam singulorum collisi sunt & fracti circuitus, & ideo quòd quatuor pedum, ac etiam plurius est instituta figura, & insipientioribus Deus, maiorem, ex pedibus multis, atque progressu, occasionē præstet, per quam magis etiam deflectantur ad terrā. eos autem qui horum insipientissimi erant, corpūsque in terram penitus prosternebant, quasi nisi nihil vltra pedibus opus foret, in corpora carentia pedibus, & humi serpentina permutauerunt. His, & aliis quæ deinceps sequuntur, verbis, Plato differit, homines per animorum vitia transire in corporū diuersa genera, quod plerique allegoricè dictum existimant. si verò id dicit allegoricè, quòd similes facti sint illis, constat beluarū nominibus apertissimè significari homines insipientes, & improbos, atque adeo serpētium omnium nequissimos, qui ne audire quidem sustinent sapientum cōsilia, hinc igitur haud dubie nata est illa moralis fabula, ad quā alluditur in Psalmo, serpētem obturare sibi aures, ne audiat verba incātatoris. Reuera autē incātationes nullam vim habēt aduersus naturales feras, aut serpētes, sed aduersus homines, qui ob ferinos mores, illis nominibus appellantur: neque aduersus corporis morbos per se, sed animi. Atqui, nullus est, ex plebe, qui audiens Orpheum, sua cythara solitū, serpētū &

*Anima
rum trās-
migratio.*

*Orphæi
cythara.*

ferarum omne genus ad se trahere, non intelligat, illū
 suis poëmatibus, teros homines, & seorsum decurrantes,
 velut cicurasse, atque ad humanam societatem, & op-
 pida allexisse, cū has veritates sapientes fabulis ob-
 umbrarent, insipiens vulgus non intelligens, in opi-
 nionem de morbis per incantationem curandis, & fu-
 gandis aut necandis feris & serpētibus, lapsus est. im-
 postores verò & circulatores, & vtentes in sua cōmo-
 da indocti vulgi credulitate, multa se facere huius-
 modi profitentur. re vera tamen incantationū ad so-
 los morbos animi vis est per se: atque ad hoc curādos
 eis vtitur ecclesia, cantionibus scilicet, & recitationib.
 precum pluries repetitis, velut euoluendis vocatis ro-
 sariis, & recitandis, ac canēdis hymnis, & horariis pre-
 cibus. nimirum. his pro more Ecclesiæ faciendis, præ-
 statur obsequium Deo, & auocatus ab aliis rebus ani-
 mus, ad illum liberius euolat, ea verò vis non est ver-
 borum materialium, neque characterum, sed quia re-
 rum Sanctarum sunt. vt neque ipsum sanctissimū no-
 men, I E S V, quod ad omnia est efficacissimum, vim
 eam habet materialiter, sed quia Deum significat Sal-
 uatorem. de exorcistarum etiam verbis perinde di-
 cendum nō esse scilicet vim fugandi dæmones in illis,
 quæ res quædam sunt, aut ita sonāt, aut talibus descri-
 pta figuris, sed quia ita significāt. neq; ea quidē verba
 fugare, torquere, aut premere dæmones vi vlla natu-
 rali, sed Dei concursu, cui placuit, in bonum hominū,
 ad fugandam hanc pestem, ita inuocari, & vim talē ini-
 tiatis impertiri. ex his autem omnibus nō fit, vt vlla vis
 naturalis sit verbis, neque vt aliud quippiam possint;
 quàm significare, atq; id ex hominū placito. quapro-
 pter, si magi Pharaonis infusurrendo aliquid, aut cha-
 racteres aliquos describendo (vt nunc quoque qui se
 magos

*Iesu nomi-
 nis effica-
 cia.*

*Pharao
 nis Magi*

magos profitentur, & inter Iudæos Cabaliftæ) fecerūt colubros & Ranas, & dæmonum scientiā, arcana quedam naturæ, potiusquam ad verborum vim vllam, referri debet. quid quod tot, tamque docti medici, quin & Galenus ipse, alioqui adeo rigidus Philosophus, affirmant tot morbos verbis quibusdam, & incantationibus cedere, idque sibi esse longo experimento confirmatum? certè vt ex ignoratione veri Dei, retenta solum incerta quadam diuini cultus recordatione nata est idololatria, ita ex ignoratione moralium incantationum, quas fabulis obumbrauerant antiquissimi sapientes, retenta tantum nominis memoria, natæ sunt istæ superstitiosæ incantationes, atque hoc, cum aliis multis, errore disseminato, vsi sunt homines sæpe incantationibus aduersus morbos, atque adeo confidentius non raro quam medicamentis. accedit, quod aliquando leuissimis hominibus, & qui admittunt incantatores, utilis quodammodo est sua credulitas, quia (vt inquit autor libelli de incantatione, qui est inter Galeno adscriptos) *quādo mens humana (hæc sunt ipsius autoris verba) rem amat aliquam, licet naturaliter non iuuatiuam sibi eam prodesse certificat. ex sola autem mentis intentione corpus res illa iuuat. verbi gratia, si quis incantationem sibi prodesse confidat, quālisunque sit, eum tamen iuuat.* hæc ille, quibus verbis innuit, incantationes aliquādo prodesse ad pellendos morbos ob confidentiam infirmi. nimirum vt timor & mœstitia. ac desperatio, plurimos morbos augent, & ægrotos lædunt, ita confidentia & alacritas plurimos subleuāt, & ipsa imaginatio per eos animi motus, morbos tollit, aut saltem minuit. aut. cum minimè, in eis qui vehementissimè confidunt, opinionem efficit sanitatis. verum hanc incantationum vtilitatem, constat ex acci-

Galenus
delusus.

De incan
tatione.

Imagina
tionis v
ad morbo
tollendo.

Nomina
ab Adā
mo posita.

denti esse, ob affectus animi, eius qui curatur, non per naturalem verborum potentiam. nonnulli ergo ob inscitiam, verè ac per se vtilis esse putantes: nonnulli verò etiam docti, & periti medici, hoc ægrorum stultitiæ concedentes (velut qui insaniam) incantationibus vti permittunt, etsi eas per se nihil posse certè sciant. Nomina itaq; nihil habent cum rebus præter significationem, quæ ex solo consensu, manifesto, aut tacito ipsorum hominum nascitur, neque sunt nomina rebus alia ratione sua. Adam verò dicitur appellasse res nominibus suis, idest propriis & maximè congruentibus, non omnes, sed viuentes, vt animalia omnia. quia, vt qui linguæ hebræe sunt periti optimè norunt, indidit illis nomina, quæ proprietates & naturas eorum maximè exprimerent. quæ nomina constat deriuata esse ab aliis primitiuis, quæ ad placitum Adæ sunt rebus data, & posteritatis consensu recepta, atque huc vsque, vsu, & Sanctarum scripturarum beneficio, seruata. de fascinatione seorsum dicetur alio loco.

CAPVT QVARTVM.

Ex capitibus primo & secundo Geneseos & trigésimo septimo Ezechielis.



Cum natatiliū, volatiliū, reptiliū, & progredientiū, irrationaliū tamen, animalium creationem narraret Moyses, his vsus est verbis. *Dixitque etiam Deus, producant aquæ reptile animæ viuentis, & volatile super terram, sub firmamento cæli. &*
rur-

„ rursus, Dixit quoque Deus producat terra animam vi-
 „ uentem in genere suo, iumenta, & reptilia, & bestias ter-
 „ ræ secundum species suas: cum tamen ageret de homi-
 nis creatione, inquit, formauit igitur Dominus Deus ho-
 minem de limo terræ, & inspirauit in faciem eius spiracu-
 lum vitæ, & factus est homo in animam uiuentem. quæ
 verba magnum continent naturæ arcanum: indicant
 enim apertè, illud quod tantopere inter Philosophos
 controuersum est, hominis animam non esse eductam
 ex materiæ potentia & fœcunditate, velut animas ra-
 tionalium, sed extrinsecus accessisse, natura immate-
 rialis participem: non quidem nascentem intrinsecus
 ex materia, sed diuina vi extrinsecus in illam immer-
 sam, & mirabili quodammodo ei alligatam: & substan-
 tia quædam cum sit incorporea, potens per se subsi-
 stere, factam esse corporis formam. hac de re dubitant
 multi, in suam perniciem plus satis Philosophi. nisi po-
 tius belluas dicere consentaneum magis est, eos, qui
 se belluis hac in re præstare, neque intelligunt, neque
 credunt. hinc pendet quæstio de nostræ animæ immor-
 talitate, de qua, etsi in commentariis, quæ in libros A-
 risto. scripsi, dictum mihi satis est, tamen tentandum
 nunc quoque videre iuxta præsentis operis institu-
 tum, quantum possit naturalis ratio consequi, eius
 quod Deus Opt. Max. hoc loco reuelauit per Mosem,
 vt hac saltē ratione, si fieri possit belluini Philoso-
 phi à sua impietate incipiant auocari. porrò perpen-
 dere oportet hæc verba. Inspirauit in faciem eius spi-
 raculum vitæ, & factus est homo in animam uiuen-
 tem. His verbis apertè indicatur, illud spiraculum
 quod extrinsecus inspiratum est, non esse mentem so-
 lam, & vim intelligendi, aut in omnibus hominibus
 eandem, vt censent quidam Philosophi, aut aliam in

Anima
 immorta-
 lis.

aliis, quæ superueniat homini iam sentienti, & habenti animam, sed illud ipsum esse ipsam animam, qua homo sentit, & viuit, itaque non duas, sed eandem esse in homine animam, qua sentit & intelligit. nam qua intelligit. est quæ extrinsecus accessit inspirata, vocat verò eam spiraculum vitæ, & per eam dicit factum hominem in animam viuentem. tenemur itaque asserere, hominis animam neque fluxisse ex materiæ potetia, neque ab ea esse inseparabilem, sed substantiam quandam incorpoream separabilem, & ipso æternam eandemque esse corporis formam, & animam qua homo sentit. non tamen propterea tenemur etiam dicere, eandem esse formam vegetabilem, non enim Moses more Aristotelico vocat, ea etiam, quæ tantum vegetantur, viuentia, & eorum actum animam, sed more stoico, qui & communi hominum sensui propinquior est, ea solum viuentia vocat, quæ sentiunt & mouentur, eorū formam animam, reliqua vocat virentia, & producentia fructum, ac semē secundum genus suum, non tamen viuentia. itaque Veritas Catholica non cogit nos asserere. ipsam animam qua sentimus, mouemur & intelligimus, esse in nobis principium vegetandi, nedum & formam actumque primum ipsarum partium corporis homogenearum, vt ossium, carnis, & neruorum, quod plurimi etiam affirmant, putantes absurdum esse in eadem substantia multas formas ponere. Ego verò sequutus quod & rationi magis consonum, & diuinis etiam oraculis, vt ego existimo, congruentius est, affirmo esse in nobis ante animam formas merè corporales homogeneorum, quibus ossa carnes & nerui differunt, non minus perfectò (nisi me meis sensibus credere nolunt) quam aurū argentum & plumbum: his bene temperatis accedere actum

*Animam
ex quo.*

*Formas
plures in
vno.*

*Formas
animarum
precedunt.*

re actum quendam perfectiorem : corporalem eum quoque, & velut naturā quandam meliorem (ita. n. placet vocare, potius quā animam) qua nutriuntur : omnesque hos actus educi ex potentia materie: his postremo accedere extrinsecus animam, quæ nobis vim sentiendi & intelligendi præstet. non enim intelligendū est, illud corpus hominis, in quod inspiravit Deus spiraculum vitæ, fuisse statuam, quādam luteam, eamque accessione illius spiritus factam esse carneam & osseam, sed corpus quoddam ex ossibus nervis carne & cute, non quidem aridis, sed floridis ac virentibus, immobile tamen adhuc & sensus expers: & hæc, accedente spiritu recepisse. Indicat id visio Ezechielis c. 37. cum enim vellet ei Deus ostendere resurrectionem mortuorum, dimisit in medio campi pleni aridis ossibus, quibus non statim accessit spiritus, qui virorem & reliqua omnia præstaret, sed primum quidem accesserunt ossa ad ossa, vnumquodque ad iuncturam suam, & super ea nervi & caro ascenderunt (virescentibus scilicet iam partibus) & extenta est eis desuper cutis, & adhuc spiritum non habebant, vsquedum ingressus est in ea spiritus, & reuixerunt, & steterunt super pedes suos. Itaque esse ossis, nervorum, & carnis, & cutis & earum partium viror, non præstatur ab spiritu qui extrinsecus accedit, atque immortalis est, sed à formis corruptibilibus & merè corporalibus, quæ ad animam quidem rationem habent dispositionum materia, & ob id animæ accessione, non tolluntur, sed simul cum ea manent, hac in re servientes illi, quod servant, quam ea desiderat, in corpore temperiem, & formationem. Si autem hæc sententia diuinis eloquiis est consona, cur non putetur etiam esse consona rationi? Cur velimus miseros Philosophos à fide catho-

*Adami
statua lu-
tea.*

*Homoge-
neorū for-
ma in ho-
mine.*

lica deterrere, plusquam veritas ipsa postulet impetantes credere? nihil enim est quod eos adeo conturbet, quàm substantiam separabilem & incorpoream, esse actum corporis: nam actus rei est ipsa rei essentia, seu ipsum quod quid erat esse rei. Hoc verò vix intelligi potest, quo pacto sit corporis, quod à corpore separabile. conquiescet hæc perturbatio, si his concedimus, animam non esse actum corporis quàm corpus, sed quàm sensitivum & intelligens. non enim anima corpori præstat esse corpus, neque verò ossi esse os, neque nutrirî, quod materiale etiam est & elementorum imitatur naturam, sed hæc per corporales formas habenti, præstat sensum & intellectionem, quæ spiritualis videtur esse natura. neque sanè Aristoteles animam finiens, actum corporis simpliciter esse dixit, sed adiecit potentiam vitam habentis, quod est, actum esse corporis, non quàm corpus, sed quàm potest vitales actiones edere. Colligimus itaque ex hoc sacrae scripturae loco duas assertiones, primam esse in nobis animam separabilem, & nunquam interituram: alteram, hanc ipsam esse animam qua sentimus & mouemur. Distinctionis doctrinae gratia, utrūque seorsum aggrediemur monstrare. Socrates, ut licet videre in Phædone, secundam hanc non vertit in dubium, neque in id usque tempus hominibus vlla subierat dubitatio, an esset in nobis eadem anima sentiendi & intelligendi principium. Aristoteles primus capit ab anima mentem distinguere, animæ sensum, menti intellectum tribuens, vnde accepta occasione, posteri de ea re acriter disputauerunt, censueruntque quàm plurimi, animam & mentem res esse diuersas numero, alteramque cum homine mori, alteram manere. quapropter, ut dixi, utraque quaestio erit nobis seorsum examinanda. Primæ quæ-

questionis Socrates duos articulos esse fecit. primum, an anima sit à corpore separabilis: alterum, an sit immortalis. quandoquidem Cebes dubitationem quandam ingessit, dicēs, fieri posse, vt anima diuturnior viuaciórq; esset quàm corpus, atq; aliquando maneret à corpore separata, fuissetq; fortasse antè quàm in corpus mergeretur, nō tamē ob id esset omnino immortalis, sed postremo aliquando etiā cum homine moreretur, ob hāc suspicionem Cebetis. Socrates, postquam, vt sibi videbatur, monstauerat animam diuturniorem esse corpore, & ab eo separabilem, denuo est aggressus monstrare, esse immortalem, atque geminā quæstionem esse fecit. quanquam ea, re vera, simplex est & vnica. Si enim anima substantia est à corpore separabilis, immortalis etiam necessariò est. nam ortus & interitus naturalis, corporearum tantum rerum sunt. quæ incorporeæ sunt, non habent Physicam compositionem, ac proinde dissolui non possunt, nisi ab eo solū à quo sunt colligatæ (vt inquit Plato) puta ab ipso Deo. ab eo verò per se summè bonus cū sit, nihil extinguetur, aut dissipabitur: sed eius voluntate perseuerabunt in æternum, quæcūque ab eo solo facta sunt. Hæc adeo vera sunt, vt nemo iam sit, quem timor corripiat Cebetis: quòd sibi omnes persuaferint, animā si semel possit subsistere à corpore separata, merè esse incorporeā (corpus enim nulla ratione esse potest alterius coporis actus) atque adeo immortalem. quare nobis hac de re simplex quæstio erit. atqui Socrates cū geminam fecerit, primam partem, puta diuturniorem esse animam corpore, insufficienter probauit: alteram, puta esse omnino immortalem, ei qui non considerauerit, procedere disputationem proposita priori assertionem videbitur probare etāi so-

Cebetis de
anima se-
tentia.

De ani-
ma im-
mortalita-
te.

phisticè.nam summa ratio monstrationis primæ inde pendet, quod nostrum scire reminisci quoddam sit, quod, & si probabilitatem quandam præ se fert, falsum esse monstrauit Aristoteles. Jam verò secunda est, quia corpus viuit per animam, & anima per se, necesse esse animam semper viuere; neque posse mori. Velut quia concreta corpora calida sunt per ignem, ignis verò primò ac per se, necesse est eum semper calere, neque posse refrigerari. huic argumentationi, qui ex aduerso asseret et animam nullam substantiam separabilem esse, sed formam tantum corporis viuientis, respondet, negans animam viuere primò ac per se, sed ne viuere quidem, sed esse vitæ causam vt formam, viuere verò hominem per animam; non vt est calidus per ignem, sed vt ipse ignis est calidus per calorem, qui tamen calor calidus non est. qui verò semel recepisset, esse animam substantiam quandam corpore antiquiorem, potentem per se existere, vt videbatur Socrates, cum in eam argumentationem venit, indicasse, cogeretur profectò concedere, hominem viuere per animam per se primò, atq; ideo eam mori nō posse. meritò ergo diximus, vnicam quæstionem esse hanc, & eius decisionem ex prima assertionem pendere, puta animam hominis esse separabilem à corpore. quod quia à Socrate nō satis mōstratum est, quod nostrum discere reminiscantiam esse non probetur, aliis rationibus vtar, si quæ videbuntur esse firmissimæ, in iis, quas produxerint iuniores, aut mihi nūc dederit Deus. Certè probabiles rationes sunt excogitate quā plurimæ, mōstrationi verò proxime, si quæ, ea est profectò; qua Aristot. est vsus. Silicet homo actionem aliquam habet, ad quā nullo corporali organo vtatur, eius anima incorporea est, & separabilis. nam constat animam homi-

Ignis semper calidus.

Anima quomodo causa vite.

hominis esse eius formam: forma verò cuiuscunq; rei est principium & causa actionum omnium eius. ergo anima est præcipua causa actionum omnium hominis, utitur vero organis corporeis ad eas obeundas: si quam ergo habet homo, quæ sine vilo organo corporali agatur, eam operatur anima per se. talis ergo est ea forma, ut possit aliquid agere, etiam si esset sine corpore, si verò agere, & esse, ac viuere, posset sine corpore. Dices totale, esse aliquid; quod anima existens in corpore possit facere corpore non utens, tamen extra corpus nihil posse facere, quia ne esse quidem potest. velut ego non vtor cerebro ad pulsandum arteriarum, tamen sine capite pulsare non poterò, quia neque viuere. Itaque per accidens esse corpus necessarium ad eam actionem, quæ sine organo corporali agatur, ut viuat scilicet anima. Verum hoc de illis tantum rebus dici posse constat, quæ aliis indigent ut feruentur, aliis utantur ut operentur: de anima & corpore non ita, sed si anima corpore non eget ut operetur, multo minus ut feruetur: & argumentum ita rursum procedit. si aliquid potest agere anima nullo vtens corpore, habet in sese, ac præter corpus, naturam & principium agendi illud. omnis autem vis agendi fluit ex aliquo esse, etgo principium aliquod habet in se se existendi, id ergo retinebit etiam si separetur à corpore: separari enim etiam poterit secundum illud: nam quod anima agit nullo vtens corpore, non agit qua forma corporis, forma enim rei non operatur quippiam per se, sed est principium operandi ipsi rei cuius est. si ergo anima agit aliquid per se, quia id agit non est corporis actus, sed substantia aliqua à corpore separabilis, quare & incorruptibilis. erit igitur anima gemine quodammodo naturæ, quæ corporales & per corpus exercet

*Anima si-
ne corpo-
re.*

*Natura
gemina.*

actiones, forma corporis; quā spirituales & nullo vtens corpore, substantia incorporea separabilis & immortalis. si verò est in anima aliquid immortale, constat ipsam animam immortalem esse, atque separatione corporis tantum priuari eis actionibus, quas obit per corpus, velut artifex priuatus instrumentis. Propositio ergo satis est euident. videndum verò, an re vera sit aliqua actio hominis, cuius nullum sit corporale organum. tales certè sunt duæ, intellectus & voluntas. quod ita constat: euenit hominem intelligere atque cognoscere contrarium, ei quod sensus omnes corporales, siue externi siue interni dicant, & velle contrarium ei, quod appetunt corporales omnes potentia: ergo neque intellectus, neque voluntas, ea scilicet, penes quam est liberum arbitrium, est corporalis potentia. nam nulla potentia corporalis dicat, stellam esse maiorem terra: intellectus dicat esse maiorem: ergo intellectus non est corporalis. neque vllus vnquam appetitus corporalis appetere potest dolorem, neque languorem; voluntas hominis sæpe appetit hæc (nam ieiunia & verbera) ergo voluntas hominis non est corporalis. ad intelligendum ergo aut volendum nullo corporali instrumēto vtitur anima. Porro euenit aliquando disputare de re, separata omni conditione materiali, vt de homine, nulla ratione habita loci, magnitudinis, coloris aut figuræ, aut alterius cuiuspiam conditionis corporalis & sensibilis, ergo potentia quā id agitur, nullo corporali organo vtitur. nam cū cognitio agitur aliquo organo corporali, facultas nihil aliud percipit quā organi passionem. organi verò corporalis passio, non possit esse sine corporibus conditionibus. quare neque facultas per eam perciperet, nisi accidentia corporalia: quæ igitur percipit sine corporeis

*Liberum
arbitrium.*

accidentibus, incorporea est. Præterea, adeo videtur
 euidens esse in nobis aliquam substantiam incorpo-
 ream, separabilem, & æternam, ut, vel quia in dubium
 vertitur, & vocatur in disputationem, necessarium sit
 ita esse. nam si in nobis nihil esset nisi corporeum &
 caducum, vnde orta esset nobis ea dubitatio, aut om-
 nino cogitatio de æternis & incorporeis, magis quàm
 belluis? omnis enim cogitatio, aut ab obiectis orta est *Cogita-*
 aut interius ex nobis ipsis suppullulat. immortale & *tionis*
 incorporeum nihil nobis obici potest, dū in hac vita *principiū.*
 sumus, nam & ipsæ spirituales substantiæ, si quando ho-
 minibus volunt apparere, corporales species induūt. *Angelorū*
 Si ergo in nobis nihil lateret tale, nullū omnino prin- *apparen-*
 cipium esset cogitandi de incorporeis & æternis: nam *tia.*
 finge Deum fecisse ab initio omnes homines sine ocu-
 lis, quis vnquā disputasset, an color esset fulgor qui-
 dam, an superficiæ extremitas in corpore terminato?
 vel an calor esset visibilis per species quas effunderet,
 an per facultatem, quæ ab oculis emitteretur? nunc
 vero disputatur de incorporeis substantiis, & æternis, &
 de modo quo intelligunt & operantur: est ergo in no-
 bis vis aliqua ea agnoscendi, quæ non potest esse cor-
 poreæ, sed incorporeæ & aliquid & æternum, cuius
 præcipuè ea facultas est, & vnde naturaliter suppul-
 lulat omnibus gentibus, diuinorum, immortalium, &
 incorporeorū cultus, & desiderium, igitur haud du-
 biū est esse in nobis mentem immortalem. neq; locus
 est dubitandi, an Arist. ita putauerit, putauit enim pro-
 culdubio. An verò ea mens, & anima, per quam senti-
 mus & mouemur, sint diuersæ, hæc mortalis, illa im-
 mortalis, iuxta sententiam Aristotelis, ac re vera, an
 sint partes diuersæ eiusdem animæ immortalis, id vi-
 detur posse in dubium vocari. In qua disputatione ita

*Anima
assistentis
refutatio.*

videtur procedendum. Aut illa mens (si non esset eiusdem animæ, qua sentimus pars) esset in omnibus hominibus eadem, aut in aliis alia. eadem numero in omnibus, non videtur posse. nam etsi idem homo ponatur in multis locis esse, non tamen poterit, idē cum sit, contraria habere simul, velut vno loco esse albus, alio niger secundum eandem partem, & eodem tempore, tamen humana mens quædam in hoc homine scit, quæ in alio ignorat, & est huic bona, illi mala mēs: nō est ergo eadem numero. Si verò est unicuique sua, quandoquidem ea nullo corporeo vtitur instrumēto, non sit corporis actus, neque sit in homine vt forma in materia, sed vt in nauta in naue, vel vt intelligimus esse in orbibus cœlestibus spirituales alias substantias. Si verò ita est, homo duo sit supposita diuersa, illud animal alogum, ex corpore & anima sensitiua conflatum, vt equus, & bos: aliud substantia illa per se quidem subsistens. quandoquidem si forma corporis nō est, neque corpus est illi materia, sed adest, velut caco-dæmon aliquando tenet humanum corpus. non ergo erunt eadem vtriusque, neque totius ex vtroque conflati eadem actiones, neque communes, sed vtrique suæ. sentiet sanè illud animal, intelliget illa mens, homo tamen non intelliget, magis quàm sues, in quos sunt immisi dæmones. hæc autem omnia sunt absurda. non est ergo ita: sed anima illa tota qua sentimus, mouemur, & intelligimus, substantia est incorporea, æterna, & separabilis. habet tamen mirabilem naturā præ aliis omnibus intelligentiis, quòd cum sit substantia potens per se subsistere, potest etiam corpori ita temperato & formato hære vt forma, & per corporalia organa, esse illi principium sentiendi & mouēdi: atq; intelligit, quā separabilis, scit & mouet, quā forma. qua-

*Anima
quando
imperfecta.*

ma. quare cū à corpore recedit, illud retinet, hoc amittit. atq; ideo, à corpore separata, imperfecta quodāmodo est, quia exercere nō potest multas earū viriū, quas natura habet, sentiendi scilicet & mouendi. sed dices, humanū corpus habet temperiē & cōpositionē meliorē, quā aliorū animantiū corpora, & ad viuendum accommodatiorem, ergo dum in vtero geritur, vbi primū talem temperiem & compositionē attigerit, orietur necessariò ex materiæ potentia forma sensitiva, ita vt necessariò, etsi eo momento Deus nullam rationalem immergeret, esset futurū quoddā animal, idque perfectius aliis irrationalibus. Si igitur sensitiva forma necessariò oritur ex illius materiæ potentia, frustra datur rationali animæ pars sensitiva. erit enim otiosa sensitiuarum altera, aut vtentur duæ eisdem organis. Certè nisi Deus immergeret in humanum corpus rationalem animam, illud verò nihilominus temperiem & compositionem acciperet talem, oriretur naturaliter forma aliqua sensitiva: nunc verò non oritur, quia eodem temporis momento, quo commodam compositionē corpus cōsequutum est, inspirat in illud Deus spiraculū vitæ, quod simul sensitiva & intellectiva anima est, eo verò inspirato, materia non profert aliud, vt neq; vlla alia res producit, quod productū inuenit. Itaq; nō profert quā proferret formam sensitivam, quia præuenit accedere illud spiraculum vitæ, quod non minus sensitiva anima est, quā quæ ex materiæ potētia oriretur. Monstratū itaque esse videtur animā hominis esse incorporeā, & separabilē, non ex materiæ potētia ortam, sed extrinsecus accedentem, eandēque esse in nobis sentiendi & intelligendi principium, etsi non eodem modo. Considerare autem superest, an anima

Anima antiquior corpore. antiquior sit corpore, vt Plato censet, atque creata prius, in corpus deinde immittatur, an in ipso creetur corpore, neque vnquam antea sit, quàm teneat corpus. Nullam esse arbitror naturalem rationem & viā, qua alterutrum monstrari possit. quia, vt Aristoteles dicit, post mortem non reminiscimur, hoc est scire non possumus, an nostræ animæ præextiterint, & sæpe ab aliis corporibus decesserint, quia etsi id factum esset, non possemus recordari, eò quòd omnium rerum corporalium in singulis decessibus essent deleta phantasmata: itaque Aristoteles etiam existimauit, præsentis dubitationis nullam nos posse monstrationem comparare. Sequentibus verò nobis hac in parte, quod est probabile, videtur præter rationem, ponere animā antiquiorem corpore. nam anima quā anima, forma est. formæ verò quā forma, non est aliud esse, quàm esse formam. non est ergo consentaneum esse prius animam quàm sit forma, forma verò actu non est nisi in materia, ergo non est prius quàm sit in materia, sed in ipsa creatur. Porro secundum naturæ ordinem prior est potentia, quàm actus, quia potentia via est ad actū, materia verò est potentia, forma actus, ergo materia generatim prior est quàm forma, & antiquior igitur & hæc materia, quàm hæc forma, corpus inquam quàm anima. quoniam verò corpus omne dissolubile, anima verò, vt monstratum est, immortalis, sit vt posterius, corpore corrupto anima maneat, vsquedum, Vi diuina, eidem, rursus vnita, tribuat immortalitatem. hanc ob causam Moses hominis ortum narrans, dixit. *inspirauit in faciem eius spiraculum vitæ*, hoc est, dedit illi spiritum, quo viueret. Ezechiel verò cum rationem Palingenesiæ, seu resurrectionis exponeret, dixit iussu Dei quatuor ventis, *Veni spiritus & insufla*

insufla super interfectos istos, & reuiuifcant. Iubet itaq; mortuorum spiritus, quasi separatos, & adhuc manētes, redire in sua corpora, atque à quatuor ventis uenientes congregari. Sunt itaque hæc eadem, quæ diuina tradunt eloquiā, partim naturali ratione indicata, partim confirmata probabiliter. Esse scilicet in homine vnicam animam (nam alendi principium animā non appello (eāque non oriri ex materiæ potentia, sed à Deo inspirari, nō quidem seorsum factam prius, sed creatam in ipso corpore, separabilem & eternam, atque manentem post interitum. sed, quoniam huic contemplationi coniunctum est. de brutorum animis, quid sacra innuant, adiiciamus.

CAPVT QVINTVM.

CAPITE nono Geneseos dicitur. *omne quod mouetur & uiuit erit vobis in cibum, quasi olera virentia tradidi vobis omnia, excepto quod carnem cum sanguine non comedetis, sanguinem enim animarum vestrarum requiram de manu cunctarum bestiarum.* Rursum decimo septimo Leuitici, ter repetuntur hæc verba. *Anima omnis carnis in sanguine est.* Rursum 12. Deuteronomij hoc solum caue, ne sanguinem comedas, sanguis enim eorum pro anima est, & idcirco non debes animam comedere eum carnibus. His verbis Philon, libello quod deterius potiori insidietur, intelligit dici, animam esse ipsum sanguinem. cuius sententiæ fuerunt inter Philosophos nonnulli, vt Critias, cuius meminit Aristoteles primo de anima. quoniam

*Anima
an san-
guis.*

verò secundo capite Geneseos dictum est, inspirasse Deum in faciem hominis spiraculum vitæ, atque illud esse animam qua viueret: quibus verbis apertè significatur, animam hominis esse spiritum illum inspiratum à Deo, componens hæc duo loca, dicit, esse in homine duas animas: alteram carnis per quam homo animal sit, hanc esse vt in brutis sanguinem: alteram hominis quæ homo est, hanc esse illud spiraculum incorporeum, separabile, & æternum: ob idque dicere Mosem, inspiratum esse in faciem, quòd id non sit per totum corpus, & insensatissimas etiam partes dispersum, vt sanguis, sed sublimem corporis partem teneat, quo superna cœlestiaque contempletur. Sed cùm monstratum antea sit, eandem esse vnicamque in homine animam, qua sit animal & homo, hoc est, qua sentiat & intelligat, non potest nunc hæc Philonis interpretatio probari. neque verò dicere possumus, brutorum animas esse sanguinem, hominum verò non, nam. 4. capite Geneseos dicitur, *Vox sanguinis fratris tui clamat ad me.* id verò dicitur de sanguine Abel, quasi anima Abel clamaret, & effusus sanguis. quid ergo dicemus? certè non videtur necesse intelligere, quia dicitur, *Anima omnis carnis in sanguine est*, essentiam ipsam animæ esse in sanguine, seu animam esse ipsum sanguinem. necesse tamen est, sanguini esse cum anima aliquid præ aliis corporis succis: aut sanguinem esse aliquid animæ quod alia quæ in nostro corpore continentur, non sint, cuius gratia dicatur, anima esse in sanguine, potius quàm in vlllo aliorum. id verò quid sit oportet inuestigare. Primum omnium sanguis, anima carnis non est. Anima enim est forma corporis viuientis: corpus verò non potest esse for-

Anima
due Philo-
loni.

Brutorū
anima.

esse forma corporis. forma enim & materia partes sunt rei, vt principia, non vt partes quantitatē. quapropter ex materia & forma constat res secundum se totam, neque qua forma & materia possunt esse separabiles aut dissitæ. Sed neque pars animantis propriè videtur esse posse sanguis (dico verò partem propriè esse, quæ est animata, nō vt capilli, & extremi ungues) *Sanguis nō est pars uiuentis.* nam sanguis est alimentum commune partium omnium corporis, nulla autem partium videtur parte alia animantis nutriri. neque videtur consentaneum rationi, vt inter eiusdem animantis partes ea pugna sit, vt aliæ alias conficiant. porrò sanguis non est continuatus cum solidis partibus, sed vt liquor quiuis alius in vase continetur, non facit ergo cum illis vnum per se, & vnitatem formæ. Porrò nemo hominem, minorem fieri, aut mutilari putat, cum sanguis emittitur: oportet verò si is esset pars. sed si nihil horum est sanguis, quid superest vt sit aliud quàm alimentum? non enim est excrementum. sed si id tantum, quid potius est quàm pituita, bilis, melancholia, lac, medulla ossium, semen, communis ros, quæ etiam nutriunt? Certe in ratione alimenti præstat plurimum aliis succis *Succi quo modo nutriant.* sanguis, quia solus potest nutrire partes omnes: alij verò succi, partim non nisi cum quodam sanguine misti, vt bilis vtraque, partim non nisi quasdam partes, vt pituita pituitosas, chylus vocatus ventriculum, lac mamas, medulla ossa, semen testes. est itaque antonomicè, ac ratione quadam potiori, sanguis alimentum animalium, atque ideo cum nutritione feruetur eorum vita, videtur non ineptè dici, carnis animam, hoc est vitam, in sanguine esse, hoc est, sanguine seruari. Verùm cum nutritio non sit animantium propria, sed cōmunis cum his rebus quas Moses

*Sanguis
natura fri-
gidus calo-
re seruat.*

non vocat viuentes, sed virentes, vt indicatum antea est, leue esse videtur nutritionis esse materiam, vt anima in eo esse dicatur: consentaneumque est, aliud præterea esse aliquid in eius natura, cuius gratia ita dicatur. Certè vt Galenus dicit, sanguis non tantum præstat corpori alimentum, sed calor etiam naturalis perseverantiam in eo obtinet: quia fouet, seruâtque naturalem calorem sanguine præditorum. quod vel inde intelliges, quòd effusione sanguinis refrigerantur. quamquam hoc contradictionem videtur posse accipere. siquidem Aristoteles censet (atque Hippocrates alicubi videtur eiusdem esse sententiæ) sanguinem esse subiecto frigidum, calere verò calore cordis & spirituum. atque adeo Galenus ipse, etsi subiecto calidum esse censeat, tamen eius feruorem calore cordis fieri concedis. si igitur sanguis aut subiecto frigidus est, aut saltem minus calidus quàm cor, non seruat ipse cordis calorem, nisi fortè per accidens, vt vestes aut medicamenta, quæ recalfaciunt partes, à quibus calorem acceperunt. Atque hoc quidem, vt ego existimo, consentaneè dicitur, & res ita habet, nisi sanguinis nomine intelligamus sanguinem vt in animantibus existit, spiritu scilicet plenum, eiusque admistione calentem, & fluentem. atqui oportet ita intelligere, semper enim intra sua vasa talis est, in arteriis quidem magis, in venis minus, vtrobique tamen spirituosus. quia semper cum sanguine spirituum copia effunditur, hisque evanescentibus concrescit vbi effusus est, nisi sit corruptus. spirituosus ergo est, ex quo caloris naturalis perseverantiam obtinet, & in quo anima, hoc est, vita, est. quia, scilicet, facultas vitalis, quæ viventium propria est (neque communis cum virentibus, vt nutritio) in naturali cordis calore consistit. hic verò sanguine & spiri-

spiritibus seruatur. sed dices, nondū videri hęc esse factis vt anima in sanguine dicatur esse, neq; sanè prius videri esse posse satis pro dignitate explicata hęc verba quàm indicetur animam ipsam aliquo modo in eo esse. Certè hoc quoque indicari potest. nam nisi anima in sanguine spirituoſo est, quo pacto possint in eo esse eius actiones? at verò sunt. nam quid est, quod ferueat per iram fugiat per timorem, per mœstitiā pigrescat per gaudium effundatur, per pudorem in faciem occurrat, quàm sanguis & vitales spiritus? necesse igitur est animam, cuius sunt hi affectus, in sanguine esse aliquo modo, quo in nulla alia re, earum quæ ad corpus nostrum pertinent: siquidem nulla alia ita mouetur per animæ affectiones. si verò vt indicatum est, non est sanguis ipsa anima, non est in eo animæ essentia, vt humanitas in homine, atque si ne animatus quidem est sanguis, non est anima in sanguine, vt in corde, cerebro, & aliis partibus, vt inquam in subiecto proprio: subit verò sanguis motus, qui primariò ipsius animæ sunt, est igitur in eo anima vt in instrumento proprio ipsius. dico autem vt in instrumento proprio ipsius: quia cum sint duplices motus in animante, quidam dicuntur esse corporis, vt ambulare, & clamare, quidam animi per se, vt irasci, gaudere, merere, timere, & erubescere: horum est sanguis cum spiritu fluens instrumentum proprium. atque ita anima in eo est modo quodam diuiniore, quam in vilo alio instrumento: non quidem per informationem, aut per præsentiam, sed per potentiam, & operationem, quia nulla alia in re manifestius quàm in eo operatur. quin potius videtur ipse sanguis, animæ proprias operationes operari, esseque velut alia quædam anima corporalis & manifesta, exprimens suis actionibus,

*Anima
quomodo
in sanguine.*

*Motus animalium
duplex.*

illam primam & veram animam, quæ per se est nobis ignoscibilis. Urgebis rursus dicens, fieri non posse, ut sanguis moueatur motibus animæ per se, nisi animatus sit, aut ipsamet anima, nunc verò videtur, motus illos subire per se. neque enim sanguis ita mouetur, quod trahatur, pellatur, aut mittatur ab aliquibus corporis organis, sed quod per sese sequatur imaginationem quasi percipiens animæ ipsius conceptiones. Certè hæc admiranda sympathia sanguinis cum anima est, ut hæc percipit ille mouetur. Indicat porro ea res, diuinitatem quandam in anima animantium perfectorum, quæ sanguine prædita sunt, & illos habent animi motus, maiorem, quam sit in rerum imperfectiorum formis: posse scilicet mouere, ut imaginationis, materiam deiunctam, & cuius actus ea non sit illaque uti ut instrumento proprio suorum motuum. hanc fortasse ob causam, Auicenna maiorem adhuc virtutem (ut par est) rationali animæ volens tribuere, putauit, posse eam hoc idem in materia extra corpus longèque consistente, citra omnem consistente, citra omnem contactum physicum, facere. Ea verò sententia non probatur, neque sanè sanguis ab anima, sine contactu mouetur, sed mathematicè tangitur à viuentibus partibus: physicè, hoc est per virtutem ab anima est enim, ut dictum est, anima in sanguine per operationem & virtutem. hanc ob causam, volens Deus Optimus Maximus, homines quàm maximè à cædibus, & iniuriis abstinere, curauit, ut à sanguinis effusione super terrâ, & esu, aborrerēt estq; hoc quodammodo simile symbolis Pythagoricis, quibus percipiebatur aliquid, ut aliud insinuaretur. velut iubebat ille abstinere à fabis, quo abstinerēt à comitiis.

*Sanguinis
& animæ
sympathia.*

*Anima
vis.*

tiis voluit verò Deus, vt sanguinis effusione, tantū vte-
rētur ad expiationem animarum: vt, quò ad fieri pos-
set, anima pro anima redderetur. nimirum sanguis est
quodammodo altera anima, vt explicatum est. Ex di-
ctis facilè constat (de quo Theologi solent dubitare)
animal neque perfectum, neque integrum sine san-
guine futurum. quia erit in eo anima, impos actionum
vitalium, vtpotè propriis orbata instrumentis, sangui-
ne inquam & spiritu. his de anima dictis, non intem-
pestiuè, de corporis nutritione, & vitæ tutela, disse-
remus.

*Animal
non perfe-
ctum sine
sanguine.*

CAPVT SEXTVM.

CAPITE tertio Geneseos ita habetur,
„ nunc ergo, ne fortè mittat manum suam,
„ & sumat etiam de ligno vitæ, & come-
„ dat, & viuat in æternum. emisit eum Do-
„ minus de paradiso voluptatis, vt opera-
„ retur terram, de qua sumptus est. his verbis apertè si-
gnificari videtur, si Adamus vesci potuisset fructu ar-
boris vitæ. futurum vt viueret in Aeternum. An ve-
rò id vlla ratio physica ferat, examinandum. Viuen-
tia omnia nutritione seruari, nisi nutrentur, mox in-
teritura, nutritionemque capi ex alimentis, adeo no-
tum est experimento, vt dubitent physici, an possit,
eorum salua vita, nutritio intercipi, vel momentum
temporis. Atqui, nutritio est nouæ substantiæ reposi-
tio, pro ea quæ cōtinenter absumitua; quæ causa sit re-
ius absumptionis, non adeo constat. Plurimi enim Phi-
losophi, naturalem calorem causantur, eundem scili-
cet qui nutritionis est causa: Ego calorem igneum,

*De ligno
vitæ dispu-
tatio.*

*Nutritio
quid.*

qui in nobis, leuibus ex causis, frequenter accenditur & externas causas, quæ nos perpetuò afficiunt, consumptionem nostri, facere affirmo: naturalem calorem contrà, seruare & augere. verum de hac quæstione alibi est mihi disputatum. modo nihil interest. siue enim naturalis calor veterem substantiam absumit, & nouam reponit: siue siccant corpora extreme causæ, & naturalis calor substantiam reponit, stat eadem dubitatio. *Ciborum differētia.* Afferendum enim est, corpora viuentia, accessione eius substantiæ, quam accipiunt ex cibis, seruari: & cibos alios aliis esse meliores, plus ac melius nutriendos: alios deteriores, ac nutriendos minus: & meliorum usu diutius seruari corpora, deteriorum verò, venire citius ad interitum. An verò cibi vllius bonitas sufficere possit, quò vllum viuentium, sine interitu, seruetur in æternum: an semper viuere, viuentium ex alimento naturæ repugnet: vel quòd eorum mortali vitæ, mori intimum, ac necessarium sit: vel quod ipsa ratio alimenti vim tantam non admittat, id est quod vertitur in controuersiam. si enim hoc natura rerum non fert, dicemus benedictionem fuisse in ligno vitæ, vt qui eius fructu vteretur, æternum viueret: aut illud æternum, longum potius significare, quàm nunquam finiendum, tempus. sin autem fert, dicemus fuisse naturam. primum quidem, ipsi viuentium naturæ non videtur repugnans, carere interitu. non enim nisi quia genita sunt, monstrauimus verò antea, totum quoque mundum factum esse, & posse siue interitu seruari. porrò Galenus; qui in Physicis magnæ auctoritatis censeretur, genitum omne aliquando interiturum, nullam monstrationem habere posse, affirmat, sed sola inductione probari. id verò si ita est, non repugnat ipsi geniti rationi, non mori. alioqui, illa ipsa ratio, quæ

quà non mori repugnaret, posset esse medium mon-
 strationis,quà colligeretur moriturum. Galenus me-
 minit sēphistæ cuiusdam Aegiptij,qui assererat, ho- Genita
nō necesse
est interi-
re.
 mines non mori necessitate naturali, sed ignorantia
 faciendorum,atque de ea re scribere librumcœperat,
 quasi quis nunc affirmaret, fieri posse naturaliter, vt
 homines seruantur in æternum,si fructus ligni vitæ
 darētur copia,mori verò, quòd is fructus ignoretur,
 aut iussu Dei,à Cherubim interdicatur. Multo minus
 videtur hoc repugnare naturæ alimenti: quia alimen-
 tum nomen est materiæ,atque vt Aristoteles dicit, rei
 victæ, non effectricis causæ. non enim cibus nutrit,
 quòd faciat aliquid,sed quòd mutetur in substantiam
 nutriti.in materia verò non desideratur virtus, neque
 facultas vlla,sed dispositio & copia.velut igitur ignis,
 si suppeditentur ligna ardere apta,nunquam deficiet,
 nec elychni flamma extinguetur, si suppetat oleum,i-
 ta viuere possit animal, si abundet idoneus cibus, aut
 saltem mortis causa non in ipso cibo sit. ab hoc enim
 quid petas aliud,quàm vt sit materia? Nihilominus
 videtur manifestum,naturaliter non posse non mori, Mortis ne-
cessitas.
 quod viuit ex alimento,quocunque vtatur, vql hoc so-
 lo argumento, quod nullum talium vnquam extitit,
 quod non moreretur.nam si nunquam extitit, neque
 erit quidem, nam circulo semper redeunt tempora,
 & cum circulari mutatione totus semper agatur mun-
 dus,eadē continenter abeunt & redeunt, neque est
 quippiam eorum, quæ naturaliter fiunt, quod non
 fuerit antea. quod disertissimè dixit Ecclesiastes, his
 verbis, *Quid est quod fuit? ipsum, quod futurum est.
 quid est quod factum est? ipsum quod, faciendum est.
 nihil nouum sub sole, neque valet quisquam dicere, ecce
 hoc recens est, iam enim præcessit in seculis, quæ fuerunt.*

*Futura
nunquam.*

ante nos. Itaque quod nunquam factum est, ne erit quidem (id intelligo de rebus constantibus natura, non enim perinde est de casu, aut arte factis) quod verò nunquam fit, neque potest fieri naturaliter. nulla enim est naturalis potentia, quæ nunquam ad actum deducatur. igitur Philosophi vel hac sola ratione tenentur concedere, fieri non posse, ut quod viuit ex alimento, non moriatur, quòd nunquam factum est: atque eodem argumento constat, nihil, eorum quæ naturaliter oriuntur, posse non perire. neque quidquam obstat quod de mundo dicebatur. mundus enim non est naturaliter ortus, sed factus à Deo, causa infinitæ virtutis, & libera, à qua extingui potest, seruabitur tamen eius bonitate. Natura verò, nihil eorum quæ facit, seruare potest, nisi tempus certum, quia finitæ virtutis est, neque libera causa. cæterum hoc argumento, posteriori solum, ut dicunt Dialectici, indicatur, non posse fieri id de quo quæritur: quæ tamen causa id fieri non possit, non explicatur. Quapropter, ut hoc quoque, si fieri potest, explicetur, aliud petendum principium est. Non videtur autem aptius peti posse, quàm ab eo, quod in obiectione querebatur. Cur scilicet ignis accessione materiæ possit in æternum seruari, atq; ab eo, quantum agitur in eius natura, crescere in immensum, homo autem & planta non possit, utcumque potiatur cibo, seruari, nisi certum quoddam & finitum tempus, neq; comparare, nisi certam & definitam molem. Huius si inuenta idonea ratio fuerit, simul habebitur & monstratio à priori, necessarij interitus, eorum quæ genita sunt. Constat verò, eius rei causam esse, in differentia nutritionis viuientium, & ignis. Ea est, ignem, & alia in anima, neque augeri, neque nutriri, nisi secundum par-

tes materiales: viuentia verò secundum formales: hoc est, illa nutriri accessione partium magnitudinis, diuersarum, & dissilarum à præexistentibus: hæc verò non ita, sed alimento ita in præexistentes assumpto & commutato, vt non afferat nouas, sed seruet veteres, aut etiam augeat. Atqui, per illam improprie vocatâ nutritionem, non tam seruatur idem corpus, quàm gignitur aliud & aliud, neq; aliter existēs idem, quàm fluuius: per nutritionem verò propriam durat idem. quapropter in æternum seruari non potest, ignis verò potest. vt homo specie idem, seruatur successionē multorum. sed cur idem existens, vt hic homo, aut hæc morus, non potest propria nutritione in æternum seruari, nondum diximus. incipiamus verò ab ipsius nutritionis ratione ea est, reparatio naturalis humidi quod intus perit, ex alimento, quod & commutatur, & penitissimè in partes alendas assumitur, distributum, & affigitur. itaq; humiditas naturalis continen- *Nutritio*
ter dissipatur, alioquin non indigerent corpora alimen- *quorū sit*
to: non ambigitur autem an indigeant, sed an id sufficiat, non moriantur. Itaque indigent alimento, & siccantur, siue à suo ipsorum calore, siue ab externis causis, maximèq; ab aere, qui, aut calore absunit humorem, vt in æstate, aut frigore exprimit calidum, cum quo abit & humor, vt arescunt arbores præ frigore in hyeme, & res omnes flante Borea siccantur. vtcunque de hac quæstione censeas, concedes siccari semper viuentium corpora, alimento verò fieri, ne arescât cito, velut quæ deciduntur, & radicibus abstracta, alimento priuantur, ligna. ea enim videmus, humi iacentia, breui siccari, adeo, vt non possint germinare rursus, & si humi figantur: quod eorum mortis indicium est. moriuntur ergo decisa ligna, breui siccata, non

*Corporis
exsiccatio.*

*Alteratio
duplex.*

Tapfia.

alia causa,quàm quòd priuentur alimento. non enim iugulantur,vt truncati homines, aut aliquid aliud patiuntur, quod eis moriendi causa sit(viuunt enim rami singuli,& germinant, si ante ariditatem figantur) sed arescunt, quòd priuentur alimento. alimentum ergo, reparando humidam substantiam, facit, ne arescant corpora, alioqui breui, præ siccitate, interitura. si igitur humectatio ab alimento accedens, æqualis esse potest siccationi, quæ ab aliis causis, obstare utique poterit, quominus corpus siccetur: si maior, facere vt etiam euadat humidius: si verò necessariò est maior motus, quem subit corpus ab externis, eo quem à cibo, necessariò siccabitur corpus semper, ac postremò morietur: alimentum verò, tantummodo obstabit, ne tam cito. Atqui, maiorem motum esse quem cient externa, primùm quidem, experimento constat, quia multo citius siccatur decisum lignum, & homo cibo priuatus, quam reficitur rigatū, & cibatus. deinde, multis etiam rationibus videtur id esse necessarium. nam cùm eueniat, duobus modis alterare corpus, aut simpliciter alterando, aut gignendo substantiam alteram, constat illud facilius esse, ac citius fieri, hoc difficilius, & fieri tardiùs. nam facilius siccet corpus, admouens tapfiam, aut euphorbium, aut ignem, quàm iubens vti cibus assis, & milio, aut eruo: & humectes citius balneo aquæ, quàm esu lactis aut ptisanæ: cùm ergo siccentur semper corpora externis, non ob substantiæ repositionem, sed alterata, humectentur verò à cibo, non aliter quàm repositione substantiæ, necesse est lentio rem motum cieri à cibo, quàm ab externis. porrò motus, qui incipit ab eodem ipso quod mouetur, non potest non esse tardior, quàm qui ab ipsa mouente causa incipit. quia cùm id quod

quod mouet principium mouendi accipit, ab eo ipso *Motus*
quod mouendum est, operosior, & difficilius est mo- *difficul-*
tio. velut facilius est corpora calfacere igne, quàm ta- *tas & fa-*
pisia. quia tapisia non potest vrere, anteaquam à re ipsa *cillitas.*
vrenda calfacta sit: ignis verò nihil aliunde recipiens,
statim vrit. Externæ causæ pleræque vi propria, & quâ
actu tales, siccant: alimenta non humectant, nisi con-
ficiantur prius ab ipso viuētis corpore. necesse est igitur
humectationem à cibo tardiozem motū esse, sic-
catione ab externis, atque ob id, citius aut tardius, ta-
men postremò viuētia omnia mori. Certè hæc, quæ
proposuimus, verissima sunt, puta, maiorem & cele-
riorem esse motum, qui alterando agitur, & princi-
pium accipit à facultate, quæ actu inest causæ mouēti,
quàm qui repositione substantiæ, & initium ducit ab
ipsius patientis actione, si cōferantur equales mouēdi
causæ: si verò conferantur inæquales, aliter potest eue-
nire. nam magis calescet corpus affricata tapisia, quàm
si moretur in tepente sole: & humectabitur magis,
multo esu recentium vuarum, lactis, piscium, & lectu- *Ciborum*
cæ, quàm modica lotione. nimirum conferuntur ma- *differētiis*
gnæ causæ cum exiguis. verum si conferrentur æqua-
les, eueniret semper, quod propositum est. Vnica igitur
superest dubitatio, An possit cibus vllus esse tanto
potentior humectando, quàm causæ omnes externæ
siccando, vt eius motus illarū possit motui præualere,
atq; ita seruari animal sine interitu: & an talis fortasse
fuerit fructus ligni vitæ. nō certè. nam externæ causæ,
siccando absument partem substantiæ humide, neces-
se est ergo vt dum absument tantam reliquam alterēt
secundum qualitatem, reddantque sicciorē & durio-
rem: cibus ergo aut reponet solum substantiam hu-
midam, aut reliquas etiam, & quæ supersunt, alterabit

secundum qualitatem. si substantiam tantum reponit, quantumvis reponat copiose, reddetur in dies sicciores partes animantis, atque ita quoque ibunt in interitum (ut certè fit) secundum molles partes, & quæ abundanter reficiuntur, aliquando factæ humidiores, secundum solidas verò, quæ ob siccitatem & soliditatem naturalem, siccantur multum, & reficiuntur exiguum, semper sicciscentes. sin autem cibus non reficit solum, sed qualitati etiã obsistit, non nutrit solum, sed etiam alterat, neque alimentum solum est, sed etiã medicamentum. si verò est medicamentum, corpori sano morbum faciet, morbum verò faciens, mortem attulerit citiorem: sin autẽ corpus morbosum fuerit, ita quoque morietur. nulla igitur ratio est naturalis, qua possit corpus, cibus quispiam in æternũ à morte liberare. Quid ergo dicemus de homine sèper victuro, nisi peccasset: & de fructu arboris vitæ, quo qui vesceretur, in æternum viueret? Certè homo nisi peccasset, nunquam fuisset moriturus, siquidem per peccatũ intrasse mortem sacra canunt eloquia. tamen, & si nõ peccasset, fuisset mortalis. non enim idem est; neq; per peccatũ factus est mortalis, qui mortalis non esset, sed moriturus, qui mortalis iam esset. Sed quo pacto non esset moriturus, qui esset mortalis? certè voluntate Dei sicut de toto orbe, etiam ex sententia Platonis dicebatur, extingui posse, & redigi in nihilum ex quo est factus, tamen voluntate Dei semper perseueraturum. ita quoq; homo qui mortalis erat, & redigi naturaliter poterat, in suum cinerem, voluntate Dei viueret semper, nisi peccatum obstitisset. non est itaq; per peccatum factus mortalis, sed qui cùm erat innocens voluntate Dei seruabatur, ob peccatum traditus est suæ mortalitati. quo modo mortalis cùm esset à morte præserua-

*Causarũ
externarũ
vii.*

*Immortalitatis
argumentũ.*

præserua-

præseruabatur, Deus scit, non possum apertè dicere. magnam verò partē eius præseruationis fuisse in fructu ligni vitæ, ipse dicit. duorum igitur alterum videtur consentaneum, aut fructum illum fuisse, ciborum omnium, qui vnquam extiterint, præstātissimum, atq; vim habuisse naturalem seruādi homines diutissimè, diutiùsque, quàm post peccatum, voluerit eos Deus viuere (significabit verò ita illud, in æternum, tempus longum, vt in multis aliis locis) Deumque antequā id expleretur tempus, fuisse eos in vitam æternam, translaturum: aut habuisse vim tribuendi vitam æternā, habuisse verò eam non natura, sed benedictione. nam cum antea monstratum sit, Deum habere vim infinitam, & nullis naturę legibus teneri, atque adeo ipsam naturam nihil aliud esse, quàm exiguum quendam diuinitatis fulgorē, quid obstat, quominus possit, si velit, ipsis corporibus quibus dedit naturam, facultatem aliam tribuere superiorē? vtrumuis igitur facere potuerit Deus, vtrū videatur magis cōsentaneum, disputent Theologi. excedit enim id meum institutū. Hactenus mihi de mūdi opificio, animæ immortalitate, & hominis, aliorūmq; omniū viuentiū interitu dictū est: quod ad naturales vitæ fines spectat, adiiciamus.

*Æternū
pro longo.*

CAPVT SEPTIMVM.

APITE sexto Geneseos. Non permanebit spiritus meus in homine in æternum, quia caro est, eruntque dies illius centum viginti annorum. his verbis videtur significari, à temporibus Noë hominum vitam; Dei præcepto, quod oportet esse inuiolabile, ad centum viginti annos esse contractam. reclamationem verò vita Abrahæ, qui vixit cen-

*Vita pro
ductio.*

centum septuaginta quinque; & vxoris eius Saræ, quæ vixit centum viginti septem, & eorum filij Isaac, qui vixit centū octoginta, & nepotis Iacob, qui vixit centum quadraginta septem, ac multo magis eorum, qui inter Noë & Abraham, vixerunt ferè. 400. annos omnes. hanc ob causam quidam, verba illa capitis sexti

*Explicatur
verba
supradicta.*

Geneseos, interpretantur dicta, non de singulorū hominum vita, sed de totius mundi duratione vsque ad diluuium: itaque verba illa dicta esse ad Noë, centum viginti annos ante diluuium, prædicique, non quantū posset vita cuiusque hominis produci, sed quantum superesset, vsque ad totius carnis internecionem hoc est, vsque ad diluuium. Mihi verò non probatur ea interpretatio, sed dixerim potius, vsque ad diluuiū, hominum vitas, Dei voluntate, fuisse multo lōgiores: in posterum, eiusdem præcepto, fuisse contractas ad centum viginti annos. neq; verò hoc debet Philosophos deterrere, neque censendū, aut hanc breuitatē esse naturæ morbum, aut illam vitæ longitudinem, fuisse supra naturam. si enim, vt ipsi multis argumentis, neque inevidentibus confirmant, Deus est actionum omniū naturalium causa prima, necesse est naturam rerū plus aut minus posse, vt ei Deus aspirat. Cur autem illa verba non possint, ad diluuium pertinere, dicamus. primum quidem, quia non est reuelatum Noë tanto prius. Iam enim habebat Noë filios, qui cum eo sunt ingressi in arcam, puta, Sem, Cham, & Iaphet, cum ei est reuelatio facta. siquidem hæc sunt Dei ad illum verba. *Ecce ego adducam aquas diluuii super terram, & interficiam omnem carnem, in qua spiritus vitæ est subter cælum, & vniuersa, quæ in terra sunt consumentur; ponamque fœdus meum tecum, & ingrediens arcam tu, & filii tui, vxor tua, & vxores*

res filiorum tuorum tecum. itaque cum reuelatio est facta, habebat iam filios, qui etiam duxerant uxores: at verò erat quingentorum annorum Noë, cum genuit Sem, Cham, & Iaphet, cœpit verò fieri diluuium ruptis fontibus & apertis cœli cataractis, anno sexcentesimo vitæ Noë. non ergo est prænuntiatum diluuii centum viginti annis antequam fieret. quapropter nō est illa legitima interpretatio, sed eum finē statui hominum vitæ. Cōfirmatur hoc verbis Moſis, capite trigesimo primo Deuteronomij, qui causam reddens qua illum mori oporteret, neque posset amplius viuere, dicit, Centum viginti annorum sum hodie, non possum vltra egredi & ingredi. Est itaq; Dei iussu centesimus vigesimus annus vltimus clymaſtericorum, & quo longissima vita nominis concluditur. ante hūc est centesimus clymaſtericus etiam ipse, nam decimo octauo capite Ecclesiastici dicitur, *Numerus dierum vitæ hominum, vt multum, centum anni.* neq; immeritò dixi longissima, est enim alia vitæ productio, vt plurimis communis, ita longè breuior, cuius clymaſtericus vltimus est octogesimus primus, qui numerus cōstat nouies nouem. Breuiorem & pluribus communē vitæ periodum exposuit Dauid, dicens, *Vita hominis septuaginta anni, in potentatibus octoginta.* amplius labor & dolor. quos eosdem vitæ fines, septuagesimum scilicet, & octogesimum statuisse Solonem, Diogenes Laërtius narrat. longissimam itaque periodum vitæ describit, quod modo enarramus, diuinum oraculū. Annos clymaſtericos, id est, scalares, vocauit antiquitas, quosdam; quibus, obseruatum, est, plurimorū vitas finire, quòd sint illi anni, velut gradus quidam scalæ humanæ vitæ. hi sunt quasi fatales moriendi fines, non absimiles diebus decretoriis morborum. nimi-

Anni
clymaſterici.

Morbos ætates. rum vt Plato in dialogo de natura docet (quod ab eo accepit etiam Galenus) habent morbi suas ætates, similes ætatibus hominum, atque suos etiã naturales fines.vt ergo sunt duplices morbi:alij acuti:alij chronici:quorum vtrique habent suos decretorios, nō tamen eosdem, sed acutorum decretoriij sunt dies impares,præcipuè septennarij:chronicorum vigesimi,vt sexagesimi,octogesimi,centesimi:ita sunt duplices vitæ productiones,quædam plurimis communes,quædam paucis,iisq; viuacissimis,contingentes.vtræque habent suos clymaactericos,seu maus dicere decretorios annos,prioribus quidem sunt, qui per septennia numerantur,& pernouēnia.quorū præcipui sunt, quadragesimus nonus,qui constat septē septēniis:& sexagesimus tertius,qui constat nouē septēniis: post hūc septuagesimus,quia decē septēniis:postremus octogesimus primus,quia constat nouē nouēniis. posterioribus sunt decretoriij,qui numerantur per decēnia, vt centesimus, quorū postremus est vigesimus supra centesimum.neq; certē huic numero exigua vis inest, neque vanum est in naturalibus rebus (& si quibusdā videtur) numerorum habere rationem: siquidem fecit Deus omnia, in numero, pondere, & mensura. dignitas verò dicti numeri inde est, quod constat tribus quadragenariis: quadragenarij verò quaternis decēniis: ternarius verò est primus numerus perfectus qui rationem habet, formæ,& maris, & generationis,ac perfectionis,& indiuisibilitatis.quaternarius continet denariū,quia continet ternarium, binarium & vnitatem;vno verò & duobus & tribus & quatuor fiant decem,decem autem sunt omnia.nulli enim hominū sunt,qui vltra decem numerent. itaque & quatuor sunt omnia.quare quaternarius denariorū, hoc est,qua-

Dies decretoriij.

Duplex vitæ productionis.

Ternarius perfectio.

Quaternarius vni.

est, quadragenarius, fit, totum cum toto coalescente. totum vero est quod perfectum. hoc ergo ter redeunte, completur perfectissimum tempus, tribus perfectissimis numeris conflatum ternario, & quaternario, & denario. neque verò non indicat satis aperte diuina historia, hanc esse præcipuam perfectionem huius numeri, quòd constet tribus quadragenariis, in vita Moysi. Ea enim hos habuit tres articulos. Nam quadraginta annos moratus est in Ægypto: totidem fuit in Madian, totidem duxit populum per desertum. postremus itaque finis viuacissimorum est vigesimus supra centesimum: minus viuacium octogesimus perfectus, qui finitur octogesimo primo. Non ita tamen sunt hi humanæ vitæ fines, ut necessitate naturali moriantur in illis omnes, neque possint vllò modo ulterius vivere. sed quod plurimi intra eos moriantur, atque pauci quidam ulterius viuentes nullis iam rebus gerendis sint idonei. hoc verò ita esse intelligendum constat ex ipsis diuinis eloquiis. Psalmo enim dicitur. *vita hominis sepiuaginta anni in potentatibus octoginta, amplius labor & dolor.* Moses quoque loco citato, haud dixit *centum viginti annorum sum hodie*, non possum amplius vivere, sed *non possum ultra ingredi & egredi*, hoc est, laborare, & militiam exercere. itaque Deus dicens erunt dies illius anni centum & viginti, haud quaquam ineuitabile moriendi tempus sanxit, sed viuendi fines. quasi qui iam gerendis rebus idoneus non sit, non amplius viuat, sed cum labore & dolore moriatur. neque verò quia non est statim à diluuiò contracta adeo vita, sed qui inter Noë & Abraham vixerunt, ferè omnes quatercentum, negandum est eam legem de vita non ultra 120. annos producenda, latam esse tunc. lata enim est reuera, obseruaturque atque ob-

*Pauci ex
tra 80.
annū sunt
rebus ge-
rendis ido-
nei.*

seruabitur semper, quoad homines nascentur, & interibunt. non tamen statim lata obseruari cepit, sed ob mundi necessitatem, vsque dum in eam multitudinem, quæ replere posset terram creuerunt, dispensatione diuina vixerunt diutius, vbi mundi necessitati factum est satis, lapsa est natura in constitutos à Deo fines. itaque verba illa. *erunt dies illius centum viginti annorum.* naturalem viuendi legem continent. illa verò, *Crescite & multiplicamini & replete terram.* benedictionem, & legis illius dispensationem, quæ, mundo iam hominibus pleno, cessante, manet, persistitque natura, in illa viuendi lege neque ea in re ab antiquis illis seculis mutatio fit. vt sine vlla dubitatione constare potest, legenti Hebræorum, & Romanorum, & nostro monumenta. eadem enim omnino ætatis, & iidem vitarum fines. antiquum verò est homines suum interitum deplorantes, censere cum suo seculo deterius agi, & superioribus inuidere. est verò hoc vt antiquum, ita & vulgare. nam eorum qui nullius manifesti morbi vi intereunt, perpauci non attingunt 70. annum: plerique talium attingunt octogesium, rari quidam, nunc quoque superant centesimum.

CAPVT OCTAVVM.

„ **C**APITE sexto Geneseos. Cum capis-
 „ sent homines multiplicari super terram,
 „ & filias procreassent, videntes filij Dei fi-
 „ lias hominum quod essent pulchræ, ac-
 „ ceperunt sibi vxores ex omnibus quas
 „ elegerunt. [& paulò post] Gigantes autem erant super
 „ terram in diebus illis. postquam enim ingressi sunt filij Dei
 „ ad

ad filias hominum, illæque genuerunt, isti sunt potentes à seculo, viri famosi; Aliæ sunt loci huius enarrationes non ineptæ, mihi verò multo magis arridet, vocari hîc dæmones filios Dei. nam hæc est phrasis sacrarum literarum, siquidem capite primo libri Job ita habetur. *Quadam die, cum venissent filij Dei, ut assisterent coram Domino affuit inter eos etiam iathan.* Itaque hæud dubiè vocantur in sacris filij Dei, qui apud Platonem, Dij minores, aut dæmones. ita enim inducit Plato alloquentem Deum in Timeo, *Dij Deorum, quorum opifex & pater ego sum.* itaque dæmonum patrem se vocat apud illum Deus, & illos consequens est, vocare filios Dei. quid ergo? confirmamus ea quæ in sacris habentur libris verbis Platonice, ceu antiquioribus & potioribus absit. sed suspicamur, Platonem, multos sacrorum libros legisse, indeque transtulisse multa in suam Philosophiam, eorum pleræque non benè intelligens (neque enim poterat) illam ergo filiorum Dei appellationem, arbitror eum ex his locis accepisse: ut verò induceret Deum alloquentem filios suos de rerum opificio commendantemque illis, animalium, & hominis maximè, formationem, deceptum esse illis, verbis capitis primi Geneseos. Faciamus hominem ad imaginem & similitudinem nostram. Videtur enim illic Deus alios alloqui, hortarique ad hominis fabricam. quæ tamen verba diuinissimum continent sacramentum, quod ille non est assequutus. intellixit tamen, ut mihi videtur, benè dæmones vocari filios Dei. sed si ita est, non exiguam dubitandi occasionem præbet hic locus. nam qui poterant dæmones adamare mulierum pulchritudinem, & cum illis congregari? An est illis ea natura, ut tanquam homines possint mulieribus potiri, & formosis delectari, magis quàm de for-

*Dæmones
cur dicantur
filij
Dei.*

An dæmones mulieres amant & congregantur.

mibus? quid verò & homines possunt talibus congressibus generari? aliena quidem videntur esse hæc omnia ab spiritali & incorporea substantia, & natura adeo dissidente. videntur verò affirmare eloquia diuina nō solum natos esse homines ex illis congressibus, sed eos quidem potentes Gigantes, & à seculo viros famosos, quasi Diis genitos. Omnis etiam Gentilitas celebravit Heroas, Hoc est, semideos, natos scilicet ex fœminis & Diis, aut viris & Deabus. atqui, quoniam, durabat adhuc in memoria hominum illorum, qui nō longè aberant à diluuiō Gigantum fama, viros omnes egregios censebant esse ab aliquo Deo, aut Dea genitos, vt Herculem à Ioue, Achilem à Tethyde, à Venere Æneam, deinceps & Alexandrum ab Hamone. hinc tam multæ fabulæ. hinc tam multa adulteria ad Deos referebantur. quæ, quandoquidem dæmones illi colebant pro Diis, eosque vocabant Tethydem, Phorcim, Saturnum, Rhœam Iouem, Iunonem, Cupidinem, & Venerem, vt apud Platonem legimus in Timeo, siquidem congredi cum mulieribus, & generare possunt, fortasse non erant prorsus fabulosa, & emēta: sed ex certis rerum euentibus orta. Multis etiam publicis testimoniis constat certissimò, hoc etiam seculo deprehensas esse mulieres, quæ dæmonibus sub hominum specie familiarissimè utebantur, qui cum illis rem habebant congrediebanturque frequenter, vt cum propriis vxoribus: viros quoque quibus fœminea specie succumbebant dæmones: vocanturque hæc ob causam tales dæmones alij quidem incubi, alij succubi, quos quidem ego vt dixi suspicor tam multis fabulis inter gentes dedisse principium, & incubos, quidem Deorum, succubos Dearum peperisse opinionē. sed quo pacto fieri possint hæc cōsiderādū. Platonici cense-

*Gigantum
ortus.
Heroes.*

*Dij gen-
tium.*

*De dæmo-
nibus in-
cubis &
succubis.*

censebant, dæmones animalia quædam rationalia & immortalia esse, corporum tenuium, & aëreorum, morum verò humanis similium, irasci enim & placari, atque amicitias inire, & odia cum hominibus exercere. esse enim censet Apuleius (in quem Augustinus inuehitur. 8. de ciuitate Dei) dæmones quorundam hominum osores, quorundam amatores, animo passiuo, hoc est, non tranquillo iudicio, sed ea animi affectione, quam vocamus amorem. vnde fit vt iuxta illa Philosophorum placita, sint lasciuui, & delectentur ludis scenicis, & exoptent muliebres amplexus, & cantilenas amatorias, quibus sua ipsorum crimina decantentur. horum si vera esset opinio, sublata esset è medio prima dubitatio. diceremus enim, tales cum essent, captos esse amore pulchrarum mulierum, atq; hominū more, potitos earum amplexibus, & voluptate quam inde caperent. superesset solū altera dubitationis pars, qui potuerint generare homines, homines cum non sint. Cæterum Apulei sententiam veram nō esse, neq; Philosophiæ consonam, vel ex primis eius rudimentis facillè intelligi potest. nam infra cœlestes Orbes, nulla corpora esse possunt, secundum se tota incorruptibilia. dicunt verò illi, degere dæmones in aere. præterea, si dæmones, vt illi affirmant, habent corpora ex purissimo aeris, & sereno elemento coalita, nihil terrenæ soliditatis habentia, non possint frui voluptatibus venereis. quia voluptas venerea ad tactum pertinet, tactum verò Plato æquè ac Aristo. & Empedocles, & Galenus, & alij omnes Philosophi, attribuūt terrę, vt auditū aëri, gustatū aquæ, visum igni, iuxta illud citatissimū Empedoclis carmen, sentimus terram tellure, liquore liquore, aëre aëream substantiam, ignem quoq; cernimus igne. quod igitur corpus nihil habet

An dæmones generare possint.

Voluptas venerea.

terrenæ soliditatis, neque tactu sentire potest, neque capere venercæ voluptates. Si qua voluptate, ea maxime videntur potiri posse, quæ ex musico accedit concentu, quod is sensus ad aërem pertineat. quapropter videri possit alicui consentaneum, ob id Saulem, ut narratur primo libro Regum, cum à dæmone discerneretur, pulsante Dauide cytharam, iuuari, quod dæmon suauitate concentus placatus mitesceret. cæterum neque hoc est Philosophiæ consonum, neque dæmones frui posse ulla alia voluptate corporali. nam fieri non potest auditio, quin verberatio aëris externi, in partem aliquam substantiæ sentientis transmittat (quid enim refert innumeros colores esse oppositos, nisi crystallino humore recipiantur? aut quid interest illo humore recipi, an calceo, an vnguibus extremis, aut pilis, nisi ille pars nostri esset, haberetque in sese sentiendi principium?) quod si quæ pars substantiæ dæmonis verberationem ab aëre reciperet, distrahi utique ea, discerpique posset, quare & corrumpi. non ergo secundum se totos essent incorruptibiles dæmones, quin potius essent iam olim eorum plurimi surdi, ob patiendi assiduitatem, & excellentiam multorum sensibilium: atque cum tandiu vixerint, fortasse iam essent surdi omnes. quare neque ita potiri iam possent ea voluptate. Dæmones itaque nulla corporali voluptate frui possunt, neque omnino sentire. corporum enim corruptibile est omnis sensus: maxime tactus, cuius obiecta sunt qualitates commutatrices rerum omnium natura constantium, calor inquam & frigus. quidquid enim tactu habet, vim habet discrettricem calidi & frigidi. non potest autem calorem sentire, quod non caleseat, neque frigus, quod non frigescat, calefcere autē aut frigesfcere nihil potest, quod

*Dæmones
nulla corporali
voluptate
fruantur.*

corruptibile non sit. quia mutatio temperamenti via est ad interitum. & ea solum pati possunt intemperiem, quæ ex talibus sunt concreta: concreta verò ex contrariis actiuis, dissolubilia sunt. Animalium ergo immortalium natura (si quæ essent talia) longissimè abesset à voluptatibus corporalibus, maximè à Veneris. non possent ergo dæmones talibus tangi, ne si corporales quidem essent, vt Platonici putauerunt: maximè cum omnino sint sine corporibus, vt alio loco huius operis, concedente Deo, indicabimus. quid ergo superest ex hac disputatione? Certè, nullos magis, quàm Platonicos, à dæmonibus esse, delusos: qui non intelligentes eorum vafriem, quod in nequitiam oportebat referri, in eorum naturam, præter omnes Philosophiæ leges, referebant: & putantes vera esse, quæ dæmones mentiuntur, in falsas de eorum natura opiniones, incidebant. nimirum, dæmones neque his neque illis figuris videri vnquam possunt, neque vllos mortalium amant, neque vlla corporalis pulchritudinis specie capiuntur, neque musicis concentibus delectantur, neque congregi possunt cum mulieribus, multoque minus generare. tamen hæc omnia simulant, mirisque modis ementiuntur, vt nobis sese inferant, & ita à veri Dei cultu, & legum, tum diuinæ, tum etiam naturalis, obseruatione, homines auertant. qua arte, ante diluuium, totum ferè hominum genus reddiderunt beluis immanius, & absurdus. mulieres enim demonum factæ sunt concubinæ, & omnis caro corrumperat viam suam, oblitque, vt suspicor, homines naturalis legis, præposterè congregiebantur. Sed & nunc, omnes malefici, necromantici, & maleficæ illæ, quæ styges, seu lamia vocantur (Hispanè brufas) tenentur hoc infami crimine, conuictus cum dæmone. incunt

Intemperantes.

Platonici à demonibus delusi.

Lamiorum cum demonibus famulas.

enim cum dæmonibus amicitias, (proh dolor) renuntiantes gratiæ Dei, & ignorantissimi hominum, figmentis delectantur, & sordidissimæ mulierum ex diabolicis illusionibus quærunt carnales voluptates. sed quo pacto hæc mentiantur dæmones, nondum aperuimus. præbent se conspiciendos his aut illis formis, pulchris quidem aut turpibus, vt ex vsu illis est, ad eas quibus tunc temporis parant technas, corporibus hinc inde conquisitis ex circumfluo aëre, aut, quæ in illo voluuntur, corpusculis: ac nonnunquam etiam ne id quidem faciunt, sed corporis speciem, in solis hominis intuentis oculis confingunt, vt re vera homo nullum corpus videat, sed sibi videatur videre, vt autem congregiatur ac coeat, perinde facit, fictitia conflat corpora, aut, velut oculos, ita tangendi organum deludit, passionem illi inferens talem, qualem à veris obiectis solet subire. ita verò, constat mulieris corpus easdem voluptates capturum, ac si verissimus esset corporum congressus. res enim ipsæ non sentiuntur, neque animam attingunt, nisi per passiones propriorum instrumentorum sensuum. has passiones si ementiri sciat dæmon, nihil refert ad sensus voluptatem, verarum an falsarum rerum obiectu id fiat. sed quo pacto generant? certè non generant, neque id dicitur in sacris eloquiis, sed, ingressi sunt filij Dei ad filias hominum, & illæ genuerunt. itaque illis ad eas ingressis, ipsæ genuerunt, & ex proprio semine, & ex seminibus hominum, quæ cum petulanter in illa totius carnis corruptione effunderentur, receptabantur à succubis, & in vteros earum, quæ sese illis subdebant, immittebantur, ea celeritate, vt genitiuus spiritus non dissiparetur. iam verò, vt homines potentes, famosi pariter ac superbi, & nequissimi, ex turpibus illis

*De congressu
dæmonum
cum mulie-
ribus.*

illis congressibus, nascerentur, naturali etiam causa, arbitror, euenisse. Ea verò est, quòd cum dæmones mendacissimi, hanc de sese opinionem studerent ingerere, quòd generarent, curabant omni arte, vt grandes, robustissimi, ferocissimi, superbissimi, ac nequissimi nascerentur, vt parentum similitudini imputaretur. præterquam quòd tales illi vellent esse omnes homines. quà verò id arte efficere possent, dicam, immittebant in vteros, neque qualescunque, neq; quantulumcunq; semen, sed plurimum, crassissimum, calidissimum, spiritibus affluens & feri expers. id verò erat eis facile conquirere, deligendo homines calidos, robustos & abundantes multo semine, quibus succumberent: deinde & mulieres tales, quibus incumberent: atque vtrisque, & viris inquam & fœminis, voluptatem solito maiorem afferendo. tanto enim abundantius emittitur semen, quanto cum maiori voluptate excernitur. poterant verò illi voluptatem augere, & titillando plurimum, & imaginationi plurima ad rem facientia repræsentando. maxima enim pars veneriorum motuum ab imaginatione fluit. quo fit vt religiosi viri, & Deo adeò dediti, vt imaginationem etiam compescant, eiusmodi motus non persentiscant. robusti ergo & grandes vt nascerentur, ita poterant dæmones procurare. vt verò essent pessimi, poterant magica arte corrumpere semen, atque ad eam temperiem trāsferre, vt cum robore corporis, in omne vitiorum genus pareret propensionē. nimirum, receptissimum ab omnib. illud Galeni, Animi mores corporis sequi temperaturam. his addiderint nugaces Astrologi, potuisse dæmones ad illos congressus obseruare quosdam astrorum concursus & aspectus, qui tales homines nati essēt gignere. *Fluctusque fortasse digne*

Quale semen dæmonum.

Veneris motus unde.

Gigantes cur pessimi.

rint, denegasse Deum gratiam ex adeo nefandis criminibus natis. mihi satis sit dimisso quæ ad Phisicam spectant.

CAPVT NONVM

» **C**APITE nono Geneseos. Arcum
 » meum ponam in nubibus, & erit, signum
 » fæderis inter me & terram: cùmque obdu-
 » xero nubibus cælum, apparebit arcus
 » meus in nubibus, & recordabor fæderis
 » mei vobiscum, & cum omni anima viuente, quæ carnem
 » vegetat, & non erunt vltra aquæ diluuij ad delendam v-
 » niuersam carnem. Videri possit alicui hæc legenti, ante
 diluuium, & initum fœdus cum Noë, nunquam fuisse
 eum cœli arcum, quem Iridem appellant, sed tunc pri-
 mum, in signum fœderis, positum esse. Dei iussu in nu-
 bibus. atque eo magis, quod capite tertio Ecclesiastici
 dicitur, *vide arcum, & benedic ei qui fecit illum. valde*
speciosus est in decore suo. gyrauit cælum in circuitu glo-
riæ suæ. manus excelsi apperuerunt illum. quibus verbis
 videtur significari, ipsius Dei esse opificium, potius-
 quam naturæ. Ego verò non ita cenfeo, sed apparuisse
 etiam sæpè ante diluuium (neque enim deerat vlla na-
 turalium causarum eius, cùm essent solares radij, &
 oppositæ nubes) Deum verò, cùm iniret fœdus cum
 Noë, & eius posteris, ac pacisceretur, non futurum i-
 terum, vnquam diluuium, quo inundaretur tota terra,
 Iussisse Iridem signum esse: designasse verò eam po-
 tius, quàm aliud quippiam, eorum quæ in nubium re-
 gione apparent, vocanturque meteora, quia ea natu-
 raliter mitescantium imbrum nota est. neque verò
 quia ipsa, per sese, ac sua natura talis erat, nō erat apta,

*De Iride
multa.*

*An Iridis
ante dilu-
uium fue-
rit.*

vt signum talis fœderis statueretur, à Deo, quinimò hac ratione potius fuit statuenda. Cùm enim Deus autor ipsius naturæ sit, atque adeo ea tota fluxerit ab eius voluntate, atque ea virtus, quàm vocamus naturā (vt alibi diximus) sit in rebus corporalibus quoddam velut vestigium diuinitatis, nihil magis consentaneū, quàm vt vtatur Deus ad faciendum, aut significādum aliquid, naturalibus rebus, atque hæc cū eius volūta- te & præceptis consonent. ipse enim à principio futura omnia præuidens, suo verbo totam condidit naturam. quid ergo mirū, si naturalia eo semper ductu decurrentia, quo ab illo principio dirigebantur, in illius præcepta & Iussiones semper incidant? atqui, hic est plerunque suauissimus & ordinatissimus diuinarum Iussionum concentus. tametsi aliquando (rarò quidē) vt euidentius hominibus suam diuinitatem ostendat, præter earum naturam, aliquid imperet rebus. nunc verò iuxta illius naturam iussisse, vt Iris signum esset, mundi nunquam amplius imbris delendi, ex eius naturalibus causis erit apertissimum. De cuius generatione, vt licet videre apud Galenum libello de historia Philosophica (his liber Galeni est) non admodum discrepant Philosophorum sententiæ. Nam etsi quodammodo euarient, omnes tamen postremò in hanc veniunt, esse colores quosdam apparentes, mixture splendoris Solis & oppacitatis obiectæ nubis: apparere verò circulari figura, ob figuram Solis ipsius. semper enim apparet Iris ex aduerso Solis, percussis scilicet eius radiis ab opposita nube: apparere verò tres illos colores, puniceum, viridem, & rubrū, quòd ex splendido cum maiori oppaco fiat rubrum, cū minori viride, cum minori adhuc puniceū. Igitur in exteriori ac superiori parte Iridis, quæ ad extremitatē, ac

*Quomodo
Iris gene-
retur.*

*Tres Iri-
dis colores
quando
fiant.*

peripheriam nubis spectat, pumicū apparere: quod ea parte tenuior ac minus oppaca nubes, radios minus repellat, & melius penetretur, in interiori & inferiori contrarias ob causas apparere rubrū: inter hæc, ob mediocres causas, viridem: absolui verò hic meritò totam hanc colorum differentiam triade, vt alia quæuis maioris & minoris, differētia, principio, medio, ac fine. Metrodorus cū Solis radij nubem intrarint, nubem viridē, radios purpureos apparere dicit. Sed hoc dicat vt lubet. illud inter omnes conuenit, fieri radiis solaribus nubem aliquatenus penetrantibus, aliquatenus reperiūssis. necesse est ergo apparere, vbi apparatus quidam est pluuiæ (alioqui aut nullæ sint nubes, aut eæ adeo tenues, vt more aëris penetratæ radios non repellant) is verò non adeo magnus, neq; pluuiæ ingētis. Si enim totum cœlum esset nubibus obductū, neque vlla parte pateret Sol, nulli radij in oppositam cœli partem abirent: neque si nubes obiecta, esset densa admodum, penetraretur à radiis aliquatenus, sed tota appareret atra ob oppacitatem. fit ergo Iris ab aduerso Sole? mittente radios in nubem non densam. significat ergo naturaliter, quod & Iussu Dei, imbrem nequaquam obruturum mundum. quī enim possit, cum neque cœlum totum obductum nubibus sit, neque adsunt, sunt valde densæ? verba Ecclesiastici suo loco enarrabuntur.

CAPVT DECIMVM.

” **C**APITE decimo octauo Geneleos.
 ” *Erant autem senes prouecta etatis, & de-*
 ” *sierant Saræ fieri muliebria.* de Abrahamo & Sara cū genuerunt Isac, dicuntur hæc verba, quibus significatur, eius con-

conceptionem fuisse portentosa. ratio verò qua hoc ita habet, naturalis est. nā ita est natura comparatum, ut neque senes generationi sint idonei, neque mulier, cui menstrua fluere desierint. recte autem dicitur, erat autem ambo senes propecta ætatis, & desierant Sars fieri muliebria. Si enim alter senex esset, vi scilicet, mulieri verò nō desissent fieri muliebria, aut & si desissent, nō esset vetula, sed iuenculæ adhuc desissent præter naturam, & ob morbum; non esset mirabile gignere. nam senes ex iuenculis gignerē, quotidie euenit, & si vetulas ex iunioribus, nō ita. mulieres enim quibus per ætatem defecerunt menstrua, concipere, neque ex senibus, neque ex iuuenibus possunt. quibus verò defecerunt per morbos, euenit non rarò senescentes concipere, antequam appareant. ergo senex ceterariis ex muliere nonagenaria, non poterat naturaliter generare. eius verò causa non erat in viro (ille enim plures postea filios genuit ex Cetura) sed in fœmina, cui ob senium defecerant menstrua. hæc ergo omnia Physicè dicuntur. eorum verò ratio pendet ex menstruorum natura, & eorum causis. Mēstrua vocantur euacuationes sanguinis, quæ singulis mensibus fluunt ex vulua. dicuntur hæc ipsa muliebria, quia solis mulieribus inter omnigenas fœminas fluunt: aut quia (vt inquit Aristoteles) nullis æquè atque his. huius causam esse cōstat, quia nullū animal æquè sanguineū est, atq; homo. nā & inter ipsas mulieres, quæ maximè sunt sanguineæ, illis maximè abūdāt. quod verò homo sanguine magis abūdet, meritò euenit, quādoquidē optimā præ ceteris habet tēperiē, & ideo optimo succo generādo maximè idoneā. causa itaq; talis euacuatiōnis sanguinis redūdantia est. vt autē sanguis in fœminis, plus etiā quā in viris redundet, duplex est causa.

Sars sterilitas.

Mulieres quando concipere desinant.

Menstrua quid.

Duplex causa cur sanguis plus in mulieribus redundet quam in viris.

altera necessaria, altera quæ posita est in fine. necessaria est, temperies frigida & humida, cutis densitas, & vita otiosa. temperies frigida, non quidem quod ea plus eius succi generet quàm calida, sed quòd minus dissipet, humida cum humoris redundantia semper coniuncta est. meritò ergo humida, & frigida (quæ tamen non admodum frigida sit) habet redundantiam quæ non dissipetur, ac proinde euacuatione indigeat manifesta. densa autem cutis, & otiosa vita, tollunt dissipationem succorum, & corpora replent. Causa quæ posita est in fine, est bonum prolis. nimirum oportuit talem esse mulieris naturam, ut redundaret sanguine, qui satis esset gignendo foetus, & nutriendo infanti. ea enim est materia generationis foetus, quæque sola, ut censet Aristoteles, eius materia est, viro vim tantum & efficaciam præstante per semen: ut verò censent Medici? quorum sententia hac in parte videtur probabilior, non sola maxima tamen ac præcipua: quia ea & ortum primum præbet partium carnosarum, & nutritionem deinceps omnium. atque ut vir præstat efficaciam plurimum, ita materiam minimum. foemina contra, ut minimum efficaciam, ita materiam plurimum; præstat verò ea minimum, præter sanguinem. sanguis igitur muliebris totam ferè præstat generationis materiam, & ob hanc præcipuè sunt illæ foecundæ. hoc ita esse aperte constat, quia neque gerentibus utero, neque lactantibus fluunt euacuationes menstruæ. his, quia sanguis qui alioqui redundaret, abit in lac: illis, quia infumitur in foetus generationem. neque enim causari possumus in gerentibus utero, viarum defectum. sunt enim, præter eas, quæ alimentum foetui deferunt, aliæ quædam venæ, in os uteri subeuntes, per quas citra foetuum læsionem, raris quibusdam fluunt, etiam

*Materia
generatio
nis.*

*Genera-
tionis ef-
ficacens.*

*Menstrua
quibus si
stantur.*

etiam vtero gerentibus, vel quòd ipsæ redundant plurimo sanguine, vel quòd fœtus, sint debiles. itaque fluunt menstruæ euacuationes, quibus sanguis redundat, & ea ipsa redundantia facit vt sint generationi aptæ. hinc fit necessariò, vt eo vitæ tēpore solùm fluât, quo sunt aptæ concipere; atque vt concipere aptę non sint, quibus fluere desierunt. nimirum incipiunt fluere mulieribus in initio pubertatis, quatuordecimo, *Tempus menstruum.* quindecimo, aut vsque ad decimum septimum annũ. quibusdam etiam citius, aut tardius. Ita etiam desinũt non omnibus eodem tempore, sed ferè inter quadragessimũ & quinquagesimũ annum. incipiunt itaq; cum incipiunt sanguine redundare: desinunt, cùm ob senium incipiunt laborare sanguinis penuria. vt ergo antequam fluere incipiant, concipere non possunt, quòd materiæ copiam nondũ habeant: ita neq; postquam cessauerunt, quod iam careant. eandem ob causam videmus, viragines quasdam, mulieres scilicet, tēperamento viris similes, quibus ob id mēses, aut parciſsimi, aut nulli fluunt, steriles esse. quanquam profectò, ne hę quidem adeo absunt à concipiendi potētia, quàm senes, quibus naturaliter fluere desierunt. quia iuuenes in humidius transferri posse temperamentũ quodāmodo, monstrant Medici: senes verò non posse reiuuenescere, plus satis constat. neque certè alia ratione, cui cessauerunt iam naturaliter menstrua, concipere possent; quàm reiuuenescens. nam præter causas infœcunditatis puellarum, & senum, quas in materiæ penuria posuimus, sunt aliæ nihilo minores, in ipsorum vterorum affectione. nimirum quibus nondum fluxerunt, nondum vterus dilatatus & satis capax est; quibus cessauerunt, siccus iam, contractus & durior: est verò pars neruosa, quæ naturaliter nescit

reuirefcere.igitur haud dubiè fieri non poteft , vt cui naturaliter defierunt muliebria,naturaliter concipiat, dico autem naturaliter defiffie , cui fluebant antea (quibusdam enim viraginibus , vt dixi nunquam fluxerunt)neque ob morbum vllum, fed ob fenilem ficcitatem, defierunt fluere. talem porrò fuiſſe Saram, cum ſingulari Dei beneficio concepit Ifac , conſtat cum annorum eſſet nonaginta.

CAPVT VNDECIMVM.

LRIGESIMO capite Geneſeos. Tol-
 lens ergo Iacob virgas populeas virides,
 & amygdalinas, & ex platanis, ex parte
 decorticauit eas, detractis que corticibus,
 in iis quæ ſpoliata fuerant , candor appa-
 ruit. illa verò quæ integra fuerant, viridia permanserunt,
 atque in hunc modum color effectus eſt varius. poſuitque
 eas in canalibus vbi effundebatur aqua , vt cum veniſ-
 ſent greges ad bibendum, ante oculos haberent virgas, &
 in conſpectu earum conciperent. factumque eſt , vt in ipſo
 calore coitus, oues intuerentur virgas , & parerent ma-
 culosa & varia, & diuerſo colore reſperſa. diuiſitque gre-
 gem Iacob , & poſuit virgas in canalibus ante oculos a-
 rietum, vt in earum contemplatione conciperent. quando
 verò ſerotina admiſſura erat, & conceptus extremus, nō
 ponebat eas. factaque ſunt ea quæ erant ſerotina, Laban,
 & quæ primi temporis, Iacob. Mirabilem quendam
 euentum continent verba hæc, quæ duarum nobis du-
 bitationum occasionem præbent. prima eſt, quam ob
 cauſam contemplatio virgarum variegatarum in ipſo
 calore coitus, fœtus variegatos eſſe fecerit : ſecun-
 da , cur Iacob virgas eas gregi oppoſuerit, in ma-
 tutino

in matutino potius congressu quàm vespertino. An quod in matutino congressu, quàm in vespertino, contemplatio rerum oculis obiectarum plus valeat ad similitudinem foetuum ortum: an quod is congressus fecundior sit, an ob utrunque. Nullus Philosophorum unquam, huius euentus causam, in ipsum intuitum reiecit sed in imaginationem. neque ob id factum esse, quisquam putat, quod in virgas oculorum acies intenta esset, sed quod visio internos moueret sensus, atque gregis coeuntis imaginatio circa illa variegata versaretur. Itaque censent omnes, vel hoc unico exemplo (quanquam multa alia narrantur his similia) imaginationem rei cuiuspiam in ipso congressus tempore vim magnam habere, ut foetus ei similes fiant. eius verò causa non est dictu facilis. Si enim eiusdem facultatis esset de re aliqua cogitare, & generare, aut ad eandem corporis partem pertinerent, fortasse tolleretur aliquid admirationis: nunc verò facultas cogitandi ad animam pertinet sentientem, generandi verò, aut ad aliam animam, aut ad aliam animae partem, aut ut Stoici dicebant, ne ad animam quidem, sed ad naturam. porro, facultas cognoscendi à Medicis omnibus collocatur in cerebro, gignendi in testibus, partibus adeo diffitis. itaque quod cognoscitur, concipitur sensibili animae parte, cuius sedes cerebrum est, quod gignitur, utero. quid habent hæc commune, ut iuxta mentis, aut sensuum internorum cogitationem, generatio variet? Imprimis constat imaginationem & generationem eiusdem esse animantis actiones, siue ab eadem anima fluant siue à diuersis. atqui, quia facultates, à quibus fluunt eiusdem sunt suppositi, ad quod actiones omnes referuntur primo, tanta sympathia eorum est (ut & aliarum omnium faculta-

Imaginationis vim ad formam dñi factū.

Facultatis sedes.

Facultatis sympathia.

tum, quibus gubernatur ànimal) vt mutuò sese ad actiones permoueant, & passionēs. hinc fit, vt cūm genitales partes semine redūdant, imaginatio libidinosi scateat phantasmatis, ob corporis vitium: rursum etiam, vt cūm ob morbum animi imaginatio in rebus libidinosi volutatur, genitales partes, & si alioqui non redundarent, turgeant, & irritentur. tantus est imaginationis & genetricis facultatis consensus. Porro anima, quæ nihil aliud est, quàm essentia corporis animati, vt Aristoteles dicit secundo de generatione animalium, quæ inquam tantum est actus corporis, ab eo inseparabilis, cuiusmodi est quæ sensitua vt nihil potest agere sine corporali instrumento, ita neque pati. Si enim ipsa per sese aliquam haberet siue actionem, siue passionem, secundum eam separari posset: nunc verò non potest: sed vt formæ ligni, aut lapidis, nihil euenit agere, aut pati, sed ligno ipsi: ita neq; formæ equi, aut bouis, sed equo, aut boui. tametsi ergo dicimus, animam equi cogitare, imaginari, aut omnino sentire: abusiue quodāmodo id dicimus, quia ex anima id potius quā ex materia fluit. propriè tamen dicitur, equum cogitare, imaginari, atque sentire & mouere sese. sentire, atq; vtcunq; cognoscere, iuxta eam Philosophorum sententiam, quæ maximè probatur, quoddam pati est. id verò pati, nihil est aliud, quàm animā ipsam quodāmodo fieri illud ipsum, quod agnoscitur: quapropter anima quodāmodo omnia est, quia cū omnia possit agnoscere, omnium quodāmodo speciem potest recipere. non quidem recipit ipsa per sese, sed cum corpore: vt neque sentit per se, sed cum corpore. siquidem monstrauius, nullam eam habere per se, neque actionem neque passionem. igitur ipsum animal quod agnoscit, fit quodāmodo,

*Anima
immorta-
lis quid.*

*Brutorū
pera.*

*Anima
quodāmo-
modo om-
nia.*

modo, secundum partes etiam corporales, simile ei quod agnoscitur: non quidem secundum partes corporales, quæ corporales, materialésque sunt, sed quæ sunt formaliter (vt dicunt) instrumenta sensuum. non enim oues ipsæ cum contemplarentur variegatas virgas, fiebant variegatæ corporaliter, vt cernentibus tales viderentur, fiebant tamen quodammodo (quæ scilicet secundum sensuum organa, actu cognoscebant) variegatæ. itaque animal actu cognoscens, secundum organa corporalia, fit spiritaliter simile rei quæ agnoscitur. quod autem gignit, facit sibi simile. nam hoc ipsum est gignere. si ergo quod actu agnoscit aliquid, est ei actu simile, & quod gignit simile sibi facit, quod simul cõtemplatur aliquid, & gignit, gignet aliquid simile ei, quod contemplatur, quia tale est ipsummet. hoc autem vt eueniat, necesse est vt contempletur in ipso calore coitus, vt simul & generet & contempletur. non enim animal generat simile sibi, secundum id quod fuit, aut erit, sed quod est tunc actu. sed dices, corporales species, quæ in animali cernuntur, vt magnitudinem, figuram, & colorem, meritò deferri cum femine, vtpotè materiali principio. istas verò, siue species, siue similitudines spirituales, etsi in corporibus sint, non videri posse ita deferri. certè istæ species, si quidem in organis corporalibus recipiuntur, vt indicatum est, non possunt esse omnino spirituales, ad spiritalium verò naturam magis accedunt, quàm quæ cernuntur, quia sunt sensibilibus quædam insensibiles effigies, atque cum spiritaliter quodammodo in generante sint, in eo quod gignitur, ob diuinam vim feminis, corporaliter imprimuntur. Ea vis est, vt Arist. dicit. accedendi ad omnia. quod nihil aliud est, quàm semen esse, quod vim habet efficiendi membra om-

*Cognoscen-
tu & co-
gniti simi-
litudo.*

*Fætus si-
militudo.*

*Semē quod-
dammodo
animæ.*

nia, animantis cuius est. veluti in semine humano, potentia sunt partes omnes hominis, quia omnes natum est facere, aut ex sanguine fœmineo, aut ex se ipso: in equino eadem ratione sunt omnes partes equine. neque solum est differentia seminum, secundum differentiam generis, ut ex equino equina; ex humano humana fiant, sed & singulorum, ut semen Petri ad partes Petri natum sit accedere, potiusquàm alterius. eam vim accepit ab anima generantis, potiusquàm à corpore. factiux enim omnes facultates à forma fluunt, passiuæ à materia, quod ergo effectiuum in semine, est ab anima, & quod generat, secundum animam potius generat, siquidem id facere est: generari verò à corpore formando primùm incipit, siquidem id patitur est, & accipere. transfert ergo vim effectiuam generantis, quæ animæ præcipuè est, in corpus rei generandæ. Consentaneum est ergo ut ea potius deferat ex generante, quæ illi secundum animam insunt, quàm quæ secundum corpus, eaque in corpus potius rei generandæ transferat, quàm in animam. Igitur consentaneum etiam, ut in corpore geniti corporaliter fiat, quod in generante erat spiritualiter. quapropter fiet, ut ab albo animali, nigrum cogitante, nigrum generetur, potius quàm à nigro, cogitante album. Ex dictis faciliè constat, vim hanc & efficaciam cogitationis, in brutis potius esse quàm in hominibus. hominum enim mens diuina cum sit, & separabilis, multa meditatur sine instrumento corporali atque cum corporali instrumento utitur, ut illi minus hærens, minores illi insigit affectiones. itaque hanc imaginationis vim in prole permutanda, multo magis licet experiri in animantibus mutis, quàm in nobis. quo fit, ut quod de ouibus, animalibus insensatissimis,

mis, narratur, sit naturæ rerum maximè cōformē. An
 maduertendum verò, eam vim, non maribus solū
 aut fœminis, sed vtriusque inesse, & tunc maximè tale
 aliquid euenturum, cum contigerit vtrunque, marem
 dico & fœminam, in ipso calore cōitus, de eadem re
 efficaciter cogitare, vt tunc contigit. Ita enim dicitur.
 Et posuit virgas in canalibus ante oculos arietum, &
 ouium, vt in earum contemplatione conciperent. Est
 verò hoc valde consonum illi Philosophorum sentē-
 tiæ, quæ maximè probatur, & statuit, vtrūque paren-
 tem efficientem vim & materiam conferre ad genera-
 tionem vterq; ergo cū vim faciēdi præstet. & ambo-
 rum congressu vna quædam potentior causa fiat, vis
 permutandi imaginatione fœtum, vtrique inerit ali-
 quatenus, euidenter tamen ea permutatio non fiet
 fortasse, nisi cū contigerit ambos, in eo congressus
 momento, eandem rem imaginari. Vt ergo exempla, *Exempla.*
 euentuum huic similium, multa nō sint, duplex vide-
 tur esse causa. Altera quod vtrunque in eadem imagi-
 natione fortiter hærere, non nisi fortuito & raro acci-
 dit. Altera, quòd hoc in animalibus mutis, potiusquā
 hominibus, natum est fieri: quæ non possunt nobis
 suas imaginationes narrare. sunt nihilominus nonnul-
 la exempla. Diuus Augustinus decimo octauo de ciui-
 tate Dei capite quinto, in hanc ipsam causam refert,
 quod apud Ægyptios nunquam deficeret bos qui-
 dam, maculis quibusdam candidis insignitus, quem
 Apim vocabant, & pro Deo colebant. Censet enim de-
 mones id fecisse, ad decipiendos Ægyptios phanta-
 siam talis tauri, quam solam cerneret, vaccæ concipi-
 enti ostentantes. vt libido (inquit) eius attraheret,
 quod in eius fœtu iam corporaliter appareret. quibus
 verbis nihil aliud potest Augustinus innuere, quàm

*Genera-
tionis effi-
cient.*

Exempla.

*Apim ta-
urus.*

quod ego explicui. nam libidinem vaccæ attrahere, quod in eius foetu deinceps corporaliter appareret, quid aliud sit, quàm vaccam in ipso feruore coitus spiritaliter concipere formam, & speciem, quæ deinceps in foetu corporaliter exprimeretur? Galenus quoque libello de theriaca ad Pisonem, narrat, mulierem quandam intuitu pulcherrimæ picturæ, pulchrum infantem ex deformi parente concepisse. visu (inquit) opinor, naturæ imaginem transmittente. quæ verba obscura admodum sunt: non enim explicat, quomodo visus imaginem transmittat naturæ. sed mihi dictum iam est. Quod ad alteram dubitationis partem attinet, his dictis, facilius sit explicare. videtur haud dubiè

Congressus matutinus Jacob, vtraque causa, virgas in congressu matutino, potius quàm vespertino, gregi obiecisse: quod scilicet eo congressu copiosior conceptio fiat, & quod imaginatio in eo sit efficacior. nascuntur ambo hæc, & ex animalium victu, & ex natura temporis. Ex animalium victu, quia natura comparatum est, vt animalia omnia (præter pauca quædam, in quibus, quia contrà faciunt, contrà etiam eueniet, quod nunc dicimus) noctu dormiant, interdiu vescantur, & laborent. Coitus ergo matutinus est à somno, ante cibum: vespertinus à cibo ante somnum. quapropter manè semen concoctius est, & cerebrum in quo imaginatio præcipuè viget, expeditius, liberius, & magis fulgēs. Somnus enim concoctionem ciborum maximè iuuat, & cerebri vapores absumit, vigorēq; præstat animali vocatæ à Medicis facultati, cuius opera sunt, sentire & mouere. igitur & semen, ob concoctionem meliorem, erit fecundius; & imaginandi vis, ob recentem refectionem spirituum (reficiuntur enim somno) & deonationem cerebri, erit efficacior. vesperi contra, semen (vt neq; alius suc-

cus)contóctiōnem tantā non acceperit, caput vapo-
ribus ex ventre multis & crassis grauatum, & velut ob
tenebratum sit, & facultas longa iam vigilia defatiga-
ta. euenient ergo contraria. Ex natura etiam temporis
nascitur hoc idem. Nam vt veterrimis etiam Philoso-
phis, & qui ante Hippocratem fuerunt, est celebratissi-
mum, & rationi maximè consonum, temporum dif-
ferentia plurimū valet, ad mouendum animalium
corpora, atq; adeò res omnes alterationi subiectas. at-
que cū aliorum motus, accessusq; & recessus tem-
pora varient, Sol præcipuè id facit. vnde euenit, vt diei
cuiusq; partis quatuor, mane, meridies, vespèrum, &
nox media, quatuor anni partibus respondeant, veri, *Anni pa*
æstati, autumno, & hyemi. quia vt motum, quem A- *tes.*
strologi vocant proprium, toto anno complet Sol, ita
quem vocant motum raptus, complet singulis diebus:
atq; vt motu illo accedit & recedit secundum cœli
amplitudinem, ita hoc secundum longitudinem: & vt
hyeme plurimū à nobis abest, ita nocte media: & vt *Anni pa*
estate proximus, ita in meridie: & vt autūno abit, ita ve- *tū cū di*
speri, & vt vere venit, ita mane. est ergo matutinum *partib. cō*
tempus verno, & vespertinum autumnali simile. vt er- *paratio.*
go corpora degunt vere saluberrimè, & maximè va-
lent, autumno insaluberrimè degunt, & languent ma-
ximè. ita etiam summo mane, optimè: vespèri, pessimè
habebūt, ad omnia quidem, maximè verò ad genera-
tionem. nam vere omnia oriuntur, autumno tabescūt,
& intereunt. anima itaque & corpus sunt mane vege-
tiora. quare & imaginatio erit fortior, & semen fecun-
dus. vespèri contrā.

CAPVT DVODECIMVM



Rigesimo quarto capite Geneſeos. *Ecce die tertio, quando grauiſſimus vuln-
erum dolor eſt, arreptis duo filij Iacob, Si-
meon & Leui fratres Dinæ, gladiis, ingreſ-
ſi ſunt urbem. Cur vulnere dolor-*

res, soleant esse tertio die grauissimi, ad Medicum pertinet considerare: Dubitet verò hoc loco quispiam, an vniuersum ita habeat, sitque omnis vulneris dolor die tertio grauissimus: an illorum tantum vulnerum, de quibuseo loco agebatur, præcisi inquam preputij: atque alterutrum horum sit, cur potius tertio quàm secundo aut primo, aut sequentium aliquo. Hippocrates libello de fracturis, iuxta Galeni diuisionem commentario tertio; ita reliquit scriptum. *tertio & quarto die vulnera omnia minimè sunt exagitantur, & vt in summa dicam. specilli quoque omnes ad motiones vitandæ his diebus sunt, omniâque alia quibus vulnera irritantur: in totum enim tertius & quartus dies in plerisque vulneribus exacerbationes parit, & quæ in inflammationes & sordes incitantur, & quæcunque in febres tendunt. vnde magni admodum momenti, si quod aliud, documentum hoc est. nam quæ sunt in medendi arte grauissima, quibus id non sit commune? non enim pertinet ad vlcera tantum, sed ad alios quoque morbos complures,* His verbis Hippocrates satis apertè docet, non in his aut illis, sed omnibus etiam vlceribus solere dolores tertia & quarta die fieri grauiores. nam de vlceribus, quæ cum fracturis fiunt, agens ad omnia vlcera, quin etiam ad omnes morbos sermonem transtulit: significans, vlcera omnia magna & notatu digna (exigua enim vlcera nulla solent asferre exacerbationes) solere die-

Vulnerum
dolores ter
tio die gra
uissimi.

specilli
quando vi
tandi.

Dolores
ardie ter
a granis
ni.

diebus, tertio & quarto, fieri grauiora. Causam verò huius rei proximam ipse insinuauit, dicens, Et quæ in inflammationem, & sordes incitantur, & quæcunq; in febres tendunt. nimirum, quia inflammationes & fluxiones, & febres, diebus tertio & quarto solent vulneratis partibus superuenire. prima enim die, qua quis vulneratus est, dolor tantum esse solet ex ipsa carnis diuisione, dum vulneratur, aut particula tractatur Chyrurgi manibus, à curatione verò cito conquiescit, cessante scilicet dolendi causa. quia dolor non fit cum secta iam est pars, sed cum seccatur. Cum enim dolor sit sensus rei corrumpentis, moueat verò sensum non facta iam, sed quæ sit passio, mox ac cessat externa causa, manet pars sine dolore, atq; (nisi in paucis quibusdam, quos contigit esse paratissimos) sine febre, vsque dum noua alia causa dolendi, aut febricitandi accedat: vsque dum scilicet, conuocata ad partem malè affectam fluxione, succrescat inflammatio, aut sordes multa, atque ob hæc nonnunquam etiam febris. proxima itaque dicti euentus causa hæc est. cur autem non ante tertium superueniat fluxio, aut non diutius protrahatur (quæ prima propositæ dubitationis pars est) nondum diximus: neque utrò Hippocrates dixit, neque Galenus in commentatione apposuit. nisi fortè eam Hippocrates insinuauit dicens. *Non enim pertinet ad vlcera solum, sed alios quoque morbos complures.* Nimirum eadem esse videtur causa in vlceribus, & in aliis omnibus morbis pendentibus ex materia, & habentibus exacerbationes (cum vlcera, non ob ipsam propriam essentiam, sed ob fluxiones exacerbentur) ea est, natura humorum, qui commoti, & exagitati, morbos faciunt, & augent. fiunt enim morborum circuitus, siue quotidiani, siue tertiani,

*Vlcerū ex
acerbatio-
nis causa
& tempus*

*Morborū
circuitus.*

siue quartani, cùm sunt in corpore partes quædam paratæ recipere, quædam mittere. apparatus recipientium est, dolor, aut debilitas: mittentium, multitudo succorum, aut vitiosa qualitas. vlcerata ergo particula parata est recipere, debilis enim est necessariò, neque sine dolore. nisi ergo corpus reliquum vacuissimum & purissimum esse contigerit (ita enim fortasse nunquam redibunt magni dolores) nihil deest ad humorum influxus. ipsis verò seruantibus suas naturas, influet die secundo pituita, succus mitis, moderatus, minimèque irritans; tertia die bilis flaua, succus acer, mordax, & impensè calidus, cum quo ob dolorem quem infert & calorem, necessariò accurrit sanguis, paritque phlegmones & febres, quæ cum mitescere intra diem non possint, sed cum citissimè intra viginti quatuor horas, vt quæ à causis externis ortum habent, necessariò incidunt in diem sequentem, qui est quartus ab accepto vulnere. hæc itaque est causa, qua vulnerum dolores solent die tertia exacerbari. atque eadem causa chyrgi, vt Hippocrates monet, post primam, seu admotionem labiorum, seu consutionem (vt res exiget) non debent vsque ad diem quartum vlcera irritare, neque aliter tangere, quàm leuiter, quæ inflammationem arcent, admouendo.

CAPVT DECIMVM TERTIVM.

” **A** PITE quadagesimosexto Gene-
 ” seos. *Cunctæque animæ quæ ingressæ sunt*
 ” *cum Iacob in Aegyptum, & egressæ sunt*
 ” *de femore illius, absque vxoribus filiorum*
 ” *eius sexaginta sex.* Hæc eadem verba
 ” repetuntur in initio Exodi. Egressos esse ex femore
 Iacob

Iacob dicit filios & nepotes, qui ab eo geniti sunt. Cau-
sam habet ea phrasis naturalem, in hominum & geni-
taliū partiū cōpositione. nimirū vasa seminalia, quæ
meliorem ac puriorem deferunt sanguinem in testes
vt in ipsis semen fiat, sunt venæ quædam, quæ ortæ ex
venis, quæ in lūbis discissæ in crura iam descendūt, an-
tequam in tres ramos, qui per crura decurrunt, distri-
buatur, recurrūt per femora in testes in viris, & in mu-
lieribus in vterum. nam venę quę ex caua eo ferè loco
quo siti sunt renes mittuntur in testes, sinistra quidem
venit ex emulgente vocata, quæ serosum sanguinē in
renem defert, atque ob id ipsa quoq; serosam materiā
in testem transfert: dextra verò non multò post exor-
tum emulgētis. quare ne ipsa quidem satis expurgatū
defert sanguinem, saltē non adeo, ac venæ, quæ multo
post ortæ, ex ipsis femoribus recurrunt. quas ob id est
verisimile, & si non adeo multā materiā atq; superio-
res, quia minores multò sunt, tamen præstare vtiliore
ad generationē fœcundi seminis. meritò ergo in sacris
eloquiis generatio ad femora refertur. vt & Iacob in
Iudæ benedictione dixit, nō auferetur sceptrū de Iu-
da, neq; Dux de femore eius. & hāc ipsam ob causam
quinto capite numerorū, inter adulteræ maledictio-
nes, illud præcipuè præcipiebatur sacerdos dicere. in-
grediantur aquæ multæ in ventrē tuum, & vtero pu-
trescente putrescat femur. vt scilicet, per quæ quis pec-
cat, per eadē puniatur, vt dicitur II. capi. Sapientiæ.

*Genera-
tio ad fœ-
mora re-
fertur.*

*Seminis
differen-
tia.*

*Adulte-
re m. le-
dictio*

CAPVT DECIMVMQVARTVM.

” **C**APITE tertio Exodi, aut Moses ad
” Deum. Ecce ego vadam ad filios Israel, &
” dicam eis; Deus Patrum vestrorum misit
” me ad vos. si dixerint mihi, quod est nomen
” eius? quid dicam eis? dixit Dominus ad

Dei no-
mina.

Es dupli-
citer dici
tur.

Deus in-
definibi-
lis.

Moysem, *Ego sum qui sum*, & sic dices filiis Israel. *Qui est*, misit me ad vos. Itaque rogatus Deus quod sit nomen suum, respondit. *Qui est*. David quoque secundum eundem spiritum Deum alloquutus inquit Psalmo 92. *à seculo tu es*. atque adeo IESVS servator noster, divina auctoritate, qua & deturbavit eos, respondit quærentibus se, *Ego sum*. sed cur potius dicitur Deus esse, qui est, quàm qui bonus siquidè ut ipsemet dicit in Euangelio, solus Deus bonus est? aut quàm qui sapiens, aut quàm qui fortis, siquidem hæc omnia est æquè infinitè, & æquè primò? Certè huius rei causam à nullo melius accipies, quàm à Diuo Dionysio, capite quinto de divinis nominibus, quod inscribitur de ente. illi ergo volo accepta refferri, quæ à me dicètur in hac quæstione. Cùm dicitur, *qui est*, duo licet nobis intelligere, aut simpliciter qui est, aut qui semper est. vtrouis modo intelligas, est maximè consentaneum, vocari Deum, qui est, potiusquam aliud quiduis. primò quidem modo, quia cùm Deus defini-ri, aut nominari non possit secundum substantiam & essentiam propriam, quia ea à nullo viventium agnosci potest, necesse est nominetur ex bonis, quæ creaturis communicat: quæ quidem omnia, quandoquidem creaturis non sunt simpliciter, sed quodammodo, necesse est esse in Deo modo quodam eminentiori. quoniam autem, & si sint in Deo omnia æquè perfectè, & primò, non tamen omnia equè communicantur omnibus, sed quædam pluribus, quædam paucioribus, æquum est nomen tribui Deo, ab eo quod communicat omnibus: illud verò tantum est, esse. nā intelligere tribuit paucis, sentire aliquanto pluribus, nutrirì & crescere pluribus adhuc: esse verò omnibus. secundo autem modo dicitur Deus, qui est, hoc est, semper

qui semper est, quia cum alia omnia creatis rebus tribuat habere aliquatenus, omnia enim & sunt, & bona quodammodo sunt, tamen æternum esse nulli accidit nisi soli Deo, vt monstratum mihi est in initio huius operis. Coniunctis ergo vtrisque, dicitur Deus, Qui est, quia esse omnibus rebus tribuit, & esse semper, sibi soli habet nam aliud quiduis est aliquando ens, aliquando non ens, solus verò Deus simpliciter ac semper ens. hoc etiam assequuti videntur Philosophorum optimi. nam Aristoteles capite quarto libri tertij de Physica doctrina, Diuinum & Deum, asserit dixisse plurimos Philosophos, quod æternum, immortale, & nulli interitui obnoxium. Plato quoque in dialogo de natura, ita differit de diuina essentia. dicimus de illa, est, erat, & erit, sed illi re vera solum esse competit. Quapropter garrulitatem esse puto Platoniorum quorundam, affirmare, ex sententia Platonis, vnum & bonum esse priora ente, atque adeo Deum non dici ens. quia scilicet Plato in Parmenide, in suppositione prima dicit. nullo igitur modo est ipsum vnum, & rursus. non itaque ita est vt sit vnum, esset enim iam ens & essentia particeps. verum quandoquidem ipsemet Plato loco citato ex Timæo dicit, illi re vera solum esse competit constare, illum censere Deum esse re vera, non autem esse vt reliqua, quæ non re vera, sed quodammodo sunt, in tempore scilicet, & composita. Deus vero modo quodam eminentiori, & per se est extra omne tēpus, & citra vllius essentia participationem, sed vnu & simplicissimum. quod nihil aliud est, quam quod nostri Theologi dicunt apertius, ens dici analogice de Deo & creaturis. ita verò dicuntur & alia omnia eius nomina. Vnum, verum, & sapiens: quia secun-

Ente quæ
priora.

Entis a
nalogia.

dum nullum illorum habet vllam communē essentiā cum re alia extra se, neque continetur in vlla entis categoria. Omnia enim illa dicuntur de Deo æque primo, & eminenter. quin potius sunt in eo ea omnia vnum. verū dictis de causis, quas ex Dionysio accepimus, satius est Deum nominari per ipsum esse, quod ipsius Dei testimonio hoc loco constat. Esse verò legitimam Platonis enarrationem, eā quā diximus, cuius legenti dialogum illum patebit. non enim ille aliā causam adhibet, quā vnū non dicatur esse, quā quòd esse tempus præsens contineat, & quòd ens participatione alicuius essentiæ fiat. illa verò duo nō congruūt Enti, vt vnum est, sed vt multa, quæ creata sunt. itaque Deus non est, vt sunt hæc: atque ipsum esse, vt de his & illo dicitur, non est vniucum. vt verò Deus est, nō accidit illi prius vnum & bonum quā Ens, alioqui nulla ratione minus esset vnum, quam habens quædā alia aliis priora. sed in Deo adeo non est prius & posterius, adeo omnia illa nomina significant vnū, vt, ne ratione quidē differant, nedū possint prioris & posterioris ratione differre. ita mihi videtur multi Platonicoꝝ facere, ne intelligēdo, vt nihil intelligāt, qui parū abest quin dicant cum insipiente, non est Deus.

CAPVT DECIMVMQVINTVM.

XODI decimo quinto. *At ille clamauit ad Dominum, qui ostendit ei lignum, quod cum misisset in aquas, in dulcedinem versæ sunt. Cū hoc legimus magna subit dubitatio, An lignum in aquas missum, naturali quapiam facultate dulcedinem intulerit, an id voluntate Dei, & miraculo esse.*

lo effectum sit, in figuram maioris cuiuspiam sacramenti. atqui plerisque hoc videtur probabilius: primum quidem, quia nemo, neque Medicorum, neque qui naturalem historiam scripserunt, talem facultatem vnquam videtur agnouisse. neque facile videtur dici posse, aut excogitari, quam passionem inferret id lignum aquæ, vt amaritudinem eleuaret, cum præcipue in historia scholastica, ex sententia Hebræorū, dicatur id lignum fuisse amarissimum, & mortiferum. deinde, neque si talem vim habere posset lignū, posset ea in magnum flumen, aut ingentem locum vti. habet enim modum quendā facultas omnis naturalis, eūque secundum magnitudinem eius quod facit, & accipientis. non enim si magnes trahere potest ferrum, continuò possit trahere mōtem ferreum, neque ferri exiguum quantuluscunque lapis, sed tantus tantum. omnes autem naturæ fines videtur excedere tantam aque molem, à ligno nō maiori, quā vt à Mose posset apprehendi, & in aquas mitti, tantam recipere alterationem. nihilominus videtur necessariū fateri, secundum naturalem aliquam facultatem, illud esse effectum. quandoquidem capite 38. Ecclesiastici, in confirmationem operum medicinalium, & virtutum medicamentorum, & commendationem artis dicitur, *nonne à ligno indulcata est aqua amara?* nisi autem naturali aliqua ligni facultate id factum esset, quale obsecro esset argumentum? certè tale, ac si diceret: magna vis medicinæ est, quia infusio aquæ benedictæ, & admotio Crucis, & reliquiarum Sanctorum, ad omnes morbos prodest immo verò ob hoc ipsum dicent multi, opus nō esse medicina: quod scilicet vita & mors, sanitas & morbus, penes Dei voluntatem esse videatur, non penes artem vllam. Respondent à contraria sen-

De medicina.

*Aquarū
dulcedo.*

tentia Ecclesiasticum pro ferre illud exemplum, vt ex eo quod miraculosè Deus fecit per lignum, indicaret omnia etiam illa, quæ naturaliter efficiuntur per creaturas, ad Deum esse refferenda. Mihi verò videtur id exemplum indicaturum, non solum à Deo esse tributas rebus virtutes, sed suspicionem etiam illaturum, nullas omnino esse naturales ipsarum rerū, sed à Deo ipso effici quiduis, vt immisso ligno in aquas factæ sunt dulces. quapropter cēsendum potius videtur, naturali aliqua ligni virtute effectū esse illud. iuuat plurimum hanc sententiam, quod Hæbraicæ linguæ periti dicunt, iuxta suum idioma legēdum potius fuisse, clamauit ad Dominum, qui docuit illum lignū, quod quid aliud est, quàm docuisse illum ligni facultatem, & virtutem? Certè cū Deus ostenderit Mosi lignū, quo aquas dulces efficeret, necesse est indicasse illi lignum tali præditum facultate, aut simul indicasse lignum, & illi talem facultatem indidisse, cū eam nulatenus haberet antea, aut nulla facultate data ligno, ipsum inet Deum, cum iniectū à Mose est, aquas reddidisse dulces. hoc vltimum nihil penitus haberet cū medicina, neque vllum argumentum in artis laudem, aut fidem, capi posset. nam mera Dei voluntate res esset acta. supersunt igitur priora duo. Rursum, si lignū tali præditum erat facultate, aut tali tantæque erat præditum, vt naturaliter, nihilque denuò apponente Deo, posset tantam, adeo amaram aquam, reddere potui aptam, aut eam Deus, naturalem alioqui, ligni vim, nouo quodam intuitu auxit, atque fortiozem fecit. Quod horum fecerit Deus, non possum vlla mōstratione indicare, nam his omnibus modis solet in homines beneficia conferre. atque qui dicet, Deū tribuisse ligno facultatem, qua antea caruerit, argumentum

mentum fidei artis medicæ, ita concludet. quandoquidem Deus tribuere potuit ligno facultatem adeò mirabilem, alterandi scilicet magna flumina, non est diffidendum, quin herbis, lapidibus, ac metallis, alterandi nostra corpora dederit vires, vt, scilicet, argumentum sit à maiori. multo autem firmitus argumentum, & ad rem ipsam proprius accedens, sit, ab exemplo. ita scilicet, non est contemnenda medicina, quasi magnam vim non habeat transferendi ægrotantium corpora in pristinam sanitatem. maximas enim vires habent res quamplurimæ, multis modis afficiendi res alias. Exemplo est lignum, quod aquas in Mara reddidit dulces. ob hæc mihi videtur magis consentaneum, lignum illud naturali vi aquas fecisse dulces. atq; de ea facultate dixerim ego duorum alterum, aut esse secretricem aquæ, & exustæ terræ, similem ei qua acetum findēs lac, ferū secernit) nulla enim ratione melius possit aqua ex falsa dulcescere, quàm secreto sale, atq; ita neq; ex amara, quàm secretis terræ valde exustæ partibus. talium quippè admistione fit amarus sapor) aut esse tractricem partium amararum, gratia similitudinis (si modo credimus dicentibus fuisse amarissimum lignum) atque alliciendo ad sese, imbibendóq; amaras aquæ partes, illam dulcem & potui aptam reddidisse. Crediderim sanè eam facultatem, quæcunque in ligno fuerit, plus solito tunc, annuente Deo valuisse: velut medicamenta existimo nonnunquam, plusquàm alias, valere, ob gratiam Numinis. nimirum Deus prima causarum est, quare aliarum quæcunq; ita monere poterit, vt ipse exordietur motum. ita enim euenit, in causis omnibus, quæ ordine positæ sunt.

CAPVT DECIMVMSEXTVM.

CAPITE secundo Leuitici. *Omnis oblatio, quæ offertur Domino, absque fermento fiet, neque quidquam fermenti ac melis adolebitur in sacrificio. Paulò infra, Quidquid obtuleris sacrificij sale condies.*
 & rursum, *in omni oblatione offeres salem.* Mirum est, solenne fuisse, non solum in veri Dei, sed etiam falsorum Deorum sacrificiis, sale uti, quod quidem intelliges ex Plinio libro. 31. capite septimo, ubi de salis laudibus agens, inquit, *Maximè autem in sacris intelligitur eius auctoritas, quando nulla conficiuntur sine mola salsa.* quapropter suspicor eam consuetudinem fluxisse à primis illis nascentis mundi sacrificiis, quæ Deo Optimo Maximo offerebantur, & inde in omnium gentium sacros ritus deriuatam esse. consentaneum enim est censere, falsos illos sacrorum ministros, à veris sacerdotibus accepisse eam consuetudinem, Dæmonibus id poscentibus, quoque maximè fieri posset, diuina sibi offerrentur sacrificia: potius quàm veri Dei cultores, falsorum ritus esse imitatos. Verum itaq; esse fatemur, quod Plato in dialogo de natura dicit. Sal Deo amicum corpus. quod cum præsentì loco maximè congruit. poscit enim Deus in omni oblatione offerri sibi salem, quasi sibi gratum & amicum corpus. sed quo pacto potest salis corpus esse gratum, & amicum Deo, potiusquàm fermenti & melis (quæ tamen duo respuit Deus) aut alterius cuiuspiam rei? videri possit alicui, esse vllam causam naturalem, velut fortè aliquam sympathiam, aut antipathiam diuinæ naturæ cum his, aut illis corporibus, ob quam, his delectetur, ab illis aborreat. quia & dæmones, qui sunt etiam in-
 corpo-

*Salis usus
in sacris.*

corporei, quibusdam corporibus allici, quibusdam fugari, quasi experimento confirmatum affirmat omnis antiquitas. quin & vocati exorcistæ, suffitu rerum foetidarum, vt caprini stercoreis, & admotione rutæ, & hypericonis, quæ ob hanc causam fuga dæmonum appellata est, vtuntur. Tobias quoque suffitu exusti iecoris fugauit dæmonem, idque præcepto Raphalis, eò usque procedunt nonnulli eorum, qui de dæmonibus sunt Philosophati, vt eorum quosdam affirmant rebus quibusdā delectari, quas alij habeant exosas itaq; multorum sententia est, esse rebus incorporeis cum corporeis familiaritatem, aut dissidium. vnde fieri videtur posse, vt Deus quibusdam corporibus, plusquàm aliis, delectetur. cum præcipuè quædam alia loca sacram scripturarum, hoc idem videantur innuere. nam in libro Iudicum capite nono ita est scriptum. Nunquid possum deferere vinum meum, quod lætificat Deum & homines? itaque innuunt sacra eloquia delectari Deum sale & vino, offendi verò fermento, & mele. quid sibi volunt hæc? aut quæ est causa? Dæmones quidem, ob hæc, & his similia, censebant omnes Platonici, corporeos esse, & alios terreos, alios aqueos, alios igneos, aëreos alios: quod illi huic, alij illi corpori, habeant naturam propinquiorem, & eo maxime delectetur, fiet sanè necessariò ex horum sententia, vt quia cū elementis his aut illis habent naturalē familiaritē, cū concretis etiam quibusdam habeant sympathiam, aut antipathiam. quandoquidē concretū quodcunq; corpus, ad hoc aut illud elemētū pertinet, vt multis in locis, præcipuè quarto libro meteorōn indicatū est. Aristotelis quoque placitis mihi videtur consonū, nihil esse in rebus quod per se subsistere possit omnino incorporeum, præter primam causam. quia ille

Exorcistæ
tū vii.

Deus qui
bus dele-
ctari dica-
tur.

*An Dæ-
mones ha-
beant cor-
pora.*

asserit omne, quod mouet, moueri, vsque ad primam causam, quæ sola mouet & non mouetur; & nihil moueri quod non sit diuisibile & corporeum. Ex quibus assertionibus fit, vt prima solùm causa sit incorporea. Nam si omnis causa præter primam mouetur, & omne quod mouetur est corporeum, omnis causa præter primam corporea est. Omnium ergo Philosophorum placitis videtur consonum, Dæmones esse corporeos: quanquam id profectò verum non est. Nam aut haberent corpora elementaria, hoc est naturæ corporaliū elementorum (terræ dico, aquæ, aëris, & ignis) participia, aut cœlestia, velut Aristoteles innuit secundo de generatione animalium capite tertio, de animabus, quas velut substantias quasdam separabiles eo loco imaginatur, differens his verbis. Sed enim omnis animæ seu virtus, siue potentia, corpus aliud participare videtur, idque magis diuinum, quàm ea quæ elementa appellantur. Verùm prout nobilitate aut ignobilitate animæ inter se differunt, ita & natura eius corporis differt. Inest enim in semine omnium, quod facit vt fœcunda sint semina, videlicet, quod calor vocatur, idque non ignis, non talis facultas aliqua est, sed spiritus, qui in semine spumosoque corpore continetur, & natura quæ in eo spiritu est, proportionē respondens elemento stellarum. hæc Aristoteles. Sed, si dæmones elementaria haberent corpora, pati quidem possent ab his corporibus quæ penes nos sunt, & voluptate ac dolore ab illis affici: Si verò hæc, & corrumperentur, essentque natura sua mortales, quod cuius videatur esse absurdum? sin autem haberent corpora cœlestia, aut cœlestib. hac in re similia, quòd immortalia essent, essent ita quoque inalterabilia, & voluptatis & doloris incapacia, quia dolor & voluptas sensus quidam est,

est, ille tristis, hæc iucundus: sensus verò actus, sine sensu
 sorij alteratione non est. igitur ponere corporales de-
 mones, nisi etiam ponas mortales, quò delectentur
 aut doleant obiectu rerum corporearum, superuaca-
 neum est, & insufficiens. quapropter Apuleius libello
 de Deo Socratis, cuius meminit Diuus Augustinus
 octauo de ciuitate Dei, contradictionem inuoluit in
 dæmonum definitione, dicens, eos esse genere anima-
 lia, animò passiuà, mente rationalia, corpore aërea, tē-
 pore æterna. genere enim animalia esse dicit, quòd cor-
 poribus consent & animis, animos verò eorum passi-
 uos, quòd irascantur iniuriis irritati, & donis placen-
 tur, & gaudeant honoribus, ac deniq; eisdem, quibus
 hominum animi, perturbationibus agitètur. si verò a-
 nimalia sunt, atq; ira timore, mœstitia, & gaudio affi-
 ciuntur, non possunt non habere etiam corpora pati-
 bilia. nam motus huiusmodi corporales sunt feruētq;
 cor per iram, contrahitur per timorem & mœstitiam,
 effunditur gaudio. quòd si dicas in homine esse has pas-
 siones corporales, in dæmonibus verò pertinere ad so-
 lum animum, essēq; aliud genus, iræ, timoris, mœsti-
 tiæ, & gaudiij, sit vt illorum animi nullas actiones per
 corpora exerceant (quas enim potiusquàm has?) quare
 non magis erunt illorum corporum actus, neque ani-
 malia efficient, quàm animæ intra testaceas ollas con-
 clusæ: neque ex illis corporibus & animabus consta-
 rent supposita. cum actiones non essent totius compo-
 siti: sed animæ ipsæ p se, essent supposita, corpora ve-
 rò ferrentur ab animabus, vt vasa fictilia quæ ab inclu-
 sis animalculis transferuntur. præterea, si sunt corpore
 aërea, non possunt non habere contrarietatem cū ter-
 reis, & cum omnibus elementis, ac concretis corpo-
 ribus communem materiam. quare & corruptibilia

*Sententia
 Apuleij
 demoni-
 bus.*

necesse est sint. quòd si hîc quoque fingas aliud aëris
 genus, à corruptibili hoc quo suffundimur, diuersum,
 primùm quidem non est iuxta ipsius Apulei mentem,
 siquidem quia aërei sunt dæmones, affirmat in aëre &
 infra cœlum ipsos viuere. huius igitur aëris, quem in-
 colunt, habebunt naturam, non alterius, quem non in-
 colunt. hic verò corruptibilis est, & quæcunque eo
 constant, necesse est esse corruptibilia. Porro, si alio
 aëre impatibili constant, nullum habent sensum: quia
 sensus nullus agi potest, quin proprium sentiendi in-
 strumentum patiatur à sensibilibus: insensibilia verò
 corpora non sint animalia, neque problematum, quæ
 proponebantur, quî scilicet fiat vt quibusdam rebus
 delectentur, alias habeant exosas, reddita est vlla cau-
 sa. satius ergo est existimare, incorporeos illos esse, vt
 sunt natura indissolubiles. quare Diuus Augustinus
 (vt hoc quoque dicam obiter octauo de ciuitate Dei,
 capite. 15. vbi ita scripsit. *Absit vt ista considerans ani-
 mus veraciter religiosus, & verò Deo subditus, ideo ar-
 bitretur dæmones seipso esse meliores, quòd habeant cor-
 pora meliora.* vbi, inquam, hæc dicit Augustinus, ne pu-
 tetur concedere dæmones habere corpora meliora,
 sed negare hanc consequutionem, habent corpora
 meliora, ergo sunt meliores. porro in verbis illis Psal-
 mi centesimi tertij, *Qui facis angelos tuos spiritus, &
 ministros tuos ignem vrentem,* nomina illa spiritus, seu
 aër, & ignis, significant Metaphoricè substantias in-
 corporeas magnæ virtutis, ac potentiæ, non tamen
 quòd verè aërei aut ignei sint. nam præter dicta, quan-
 tum, non est in ratione substantiæ, sed accidens quod-
 dam illius. vt igitur est in rerum vniuersitate sub-
 stantia quanta, sit etiam aliqua non quanta. ea au-
 tem non sit solùm quæ incorporea & infinita; nam
 inter

inter corporeum finitum & incorporeum infinitum, medium est incorporeum finitum, aut corporeum infinitum. Corporeum infinitum esse omnino non posse, multis evidentibus argumentis indicavit Aristoteles superest igitur ut sit incorporeum finitum. Esse verò Deum virtute infinitum, indicatum mihi est in hoc ipso opere, superest ergo præter ipsum, esse substantias aliquas incorporeas, easque finitas. Itaque censendum non est angelos esse corporeos, neque suffitu torqueri, aut bonis odoribus allici, aut rei cuiuspiam naturalis contactu dolere, aut delectari (nihil enim horum sine contactu fert natura: contactus verò corporum tantum est) sed vanum esse ac superstitiosum quidquid eiusmodi moliuntur exorcistæ, mendacissimisque dæmones hominibus illudentes, ea omnia mentiri. Multo minus quispiam possit censere, Deum Optimum Maximum vlla voluptate sensus affici, aut vlllo dolore: siquidem omnium Philosophorum consensu est incorporeus, & omnino immobilis, nullamque mutationem subiens. quæ autem opera sua sunt, omnia amat, & nihil eorum, quæ fecit, odio habet; quia omnia sunt valde bona, ut primo capite Geneseos & 38. Ecclesiastici scriptum est. Quid ergo dicemus de sale, corpore adeo Deo amico, & de vino quo latatur, & de fermento & melle quæ interdicit in sacrificiis, & de multis aliis corporibus, quæ in libris sacris dicuntur, alia gratum, alia ingratum Deo odorem expirare? Certè nihil aliud, quam substantias has corporales, res alias quasdam nobis indicare, quas partim adesse, partim abesse, oportet in sacrificiis. Nimirum sal symbolum esse videtur integritatis, & incorruptionis, ac proinde innocentia: contra fermentum, corruptionis & impuritatis: vinum,

*Dæmones
quibus
alliciuntur*

*Grata &
ingrata
Deo.*

*Sal cuius
rei symbolum.*

Mellis v- charitatis mel, voluptatis & deliciarum. quia sal, vt ex-
sus. perimento constat, atq; Aristoteles 26. sectione pro-
 blematum docet, ficeat, ac proinde incorrupta seruat
Fermen- quæcunq; eo condita reponimus. fermentum verò ni-
tum. hil est aliud, quàm massa facta acidior: constat verò
 eum saporem ex rebus antea integris, debilitatione na-
 turalis caloris, & accessione caloris alterius præter na-
 turam fieri, quæ alteratio corruptio est. Fit itaque ex
 massa fermentum, vt ex vino acetum, atq; ita fermentat
 massam, augeri & rarefcere faciens, vt acetum fer-
 mentat terram: quod opus refertur ad partes illas, quæ
 calorem præter naturam contraxerunt in illa corrup-
 tione. Adicit præterea fermentum pani saporis gra-
 tiam, quod aciditatis illius moderatæ mistione facit,
 velut idoneo quodam condimento. Rectè hæc expli-
 cuit Plinius libro 18. capite vndecimo dicens, *Fermen-*
tum fit ex ipsa farina quæ subigitur, priusquàm addatur
sal, ad pultis modum decocta, & relicta donec acescat.
vulgò verò (hic est hodie vsus) neque subferne faciunt, sed
tantum pridie asseruata materia vtuntur. hæc Plinius
 quibus docet, fermentum acore & corruptione mas-
 sæ, seu pultis fieri: salis verò admistione, prohiberi
 eam corruptionem, vt certè aliàm omnem putre-
 scentiam. Meritò ergo id, cuius natura & essentia
 constat corruptione, symbolum peccati est: quia cor-
 ruptio & putrescentia via est ad naturalem cuiusvis
 corporis interitum, vt peccatum animi; & quod natu-
 ra aptum est cohibere omnem putrescentiam, symbo-
 lum est iustitiæ, quæ tollit peccata: oportetq; hoc ad-
 desse sacrificiis, illud abesse. Huc spectat quod Deus
 dixit ad Aarònem, capite 18. Numerorum, *pactum salis*
est sempiternum coram Domino tibi, ac filiis tuis. Vo-
Pactum cat enim pactum salis, pactum sacrificiorum, quo
salis. pepi-

pepigerat scilicet Deus, in æternum se daturum ius of-
 ferendi sacrificia, Leuitis, vocat verò id pactum salis,
 id est, sacerdotij, quia à nulla oblatione aberat sal: aut,
 vt alij interpretantur, pactum salis, id est pactum per-
 petuum, quia sal tollit corruptionem, porrò mel sym-
 bolum deliciarum esse, ob dulcedinem, constat. deli-
 cias verò ingratas esse Deo, & deliciosos homines nō
 præstare Deo grata sacrificia, constat etiam, quia vt
 Aristoteles inquit secundo Ethicorum capite tertio.
 ob voluptatem res improbas agimus, & ob dolorem
 res posthabemus honestas. vnde fit, vt qui Dei sit fu-
 turus amicus, voluptatis contemptor, & doloris pa-
 tiens esse debeat, aut contemptor vtriusque, ad ample-
 xandum dolorem, & dimittendam voluptatem. a-
 mant ergo sacrificia salis incorruptionem, & morda-
 citatem: respuunt verò fermenti corruptionem, & sua-
 uitatem mellis. hæc itaque Deus verus, has ob causas,
 circa sacrificia ita disponebat: Cacodæmones autem,
 vt diuinitatem simularent, Dei æmulatores in rebus
 quibusdam efficiebantur: non tamen in omnibus: quia
 non ferebat eorum nequitia, quin atrocía quædam à
 suis miserrimis mancipiis postularêt, velut hominum
 cruorem, & viscera. Sed neque quod Tobias fecit, vt
 iecoris odore demon fugaretur, censeo esse naturale,
 sed eam benedictionem datam à Deo Iecori, vt nunc
 datur aqua. Contigisse verò illud etiā in figura, vt si-
 gnificaretur, exurendam esse concupiscentiam in san-
 ctis connubiis. Iecur enim symbolum concupiscen-
 tiæ est. huiusmodi sunt omnia legis antiquæ præce-
 pta significant enim in sensu allegorico, aliud quàm
 in literali. quem modum docendi imitati sunt multi
 veterum Philosophorum, præcipuè Pythagoras, cuius
 adhuc extant symbola multa. quale est illud quod ad

*Mel cuius
 rei symbo-
 lum.*

*Dæmones
 quibus fu-
 gentur.*

*Iecur cu-
 ius rei sym-
 bolum.*

*Pythago-
 ra sym-
 bola.*

Ignis &
aqua vsus
in sacris.

præsentem disputationem facit, salem apponito. nimirum in rebus gerendis semper apponi iubebat salem, hoc est prudentiam, & integritatem. Hyeroglyphica etiam ratio scribendi, quam AEgyptij sacerdotes tenuerunt in sacris, similem continebat sapientiam. quam etiam in veri Dei cultu quadantenus retineri videmus. nam est in templis Dei multus vsus ignis & aquæ; quia, arbitror, hæc hyeroglyphicè mūdiciem indicant. causa verò qua indicent, est, quòd hæc duo sint, quæ corpora omnia à sordibus mūdēt. quia verò emundandi corpora habent vim naturalem, benedictiones quoque emūdatorias animorum, his præcipuè Deus tribuit, igni dico & aquæ. corporeis verò & incorporeis substantiis nulla naturalis est sympathia: nedum aliis rebus cum Deo: cui nihil cum illis est commune in essentia.

CAPVT DECIMUMSEPTIMUM.



APITE vndecimo Leuitici ita scriptum est, *Et sus qui cū vngulam non diuidat, non ruminat.* quatuordecimo autem Deuteronomij, *sus quoque quoniam diuidit vngulam, & non ruminat, immunda erit.* Quod quidem multum diūque me torisit, non intelligentem, quā fieri posset, vt sus diuidere & non diuidere vngulam diceretur, vsque dum apud Aristotelem reperi apertissimam huius nodi dissolutionem. Ille siquidem capite primo libri secundi de historia animalium, hanc animalium differentiam statuens ita inquit. *Quadrupedum autem, quæ sanguine constant, eademque animal generant, aliæ multifidæ sunt, quales hominis manus pedesque habentur. sunt enim, quæ multipli-*

ei pedum fissura digitentur, vt Canis, Leo Panthera; alia
 bisulca sunt, quæ forcipem pro ungula habent, vt oues,
 capræ, cerui, equi fluuiatiles: alia infisso sunt pede, vt quæ
 solipedes nominantur, vt equus, mulus. genus sanè suil-
 lum ambiguum est. Nam & in terra Illyricorum, & in
 Peonia, & nonnullis alijs locis, sues solipedes gignuntur.
 Hæc Aristoteles. Ex quibus aperte constat, sues par- Summ dif
 tim quidem findere, partim non findere ungulam, v- ferentia.
 trosque tamen, & qui findunt inquam, & qui secus,
 esse immundos, quia nutri. ruminant. Alij igitur vtra-
 que ratione immundi sunt, & quia neq; ruminât, neq;
 findunt ungulam, de quibus vndécimo Leuitici agi-
 tur, suntque Illyrici sues: alij altera tantum, quia scili-
 cet & si findant ungulam, non ruminant. de quibus a-
 gitur 14. Deuteronomij, suntque nostrates sues.

CAPVT DECIMVMOCTAVVM.

„ **C**APITE duodecimo Leuitici, Mulier,
 „ si concepto semine pepererit masculum,
 „ immunda erit septem diebus, iuxta dies
 „ separationis menstruae. Et die octauo cir-
 „ cuncidetur infantulus; ipsa verò triginta
 „ diebus manebit in sanguine purificationis suæ. Omne
 „ sanctum non tanget, neque ingreditur in sanctuarium,
 „ donec impleantur dies suæ purgationis. Sin autem fæ-
 „ minam pepererit, immunda erit duabus hebdomadibus
 „ iuxta ritum fluxus menstrui, & sexaginta sex diebus ma-
 „ nebit in sanguine purificationis suæ. Cumque expleti fue-
 „ rint dies purificationis suæ pro filio, siue pro filia, deferet
 „ agnum. &c. Capite decimo quinto Leuitici, Mulier,
 „ quæ redeunte mense patitur fluxum sanguinis, septem
 „ diebus separabitur. Mos circuncidendi Iudæis so-

*Circunci-
sio.
Orus A-
pollo.*

lum erat antiquitus, nisi etiam fortasse sacerdotibus Aegyptiorum, ut Orus Apollo Niliacus in hieroglyphicis insinuat, dicens, Cynocephalum fuisse notam sacrificij, quia nascitur circumcissus. Circumcisionem verò sacerdotes (inquit) magno studio peragebant. Quod quidem si ita erat, haud dubiè Aegyptij acceperunt ab Hebræis. Non enim Hebræi ab Aegyptiis, sed à pacto quod fecit Deus cum Abrahamo capite decimo sexto Geneseos. Nisi etiam fortasse naturalis legis sacerdotes, ut signo quodam pietatis, circumcisione utebantur, atqui Abrahami circumcisio nova non fuit, sed à Deo denuò probata, & sanctificata. Vtunque hoc habeat, consuetudo imponendi nomina die octavo plurimis aliis gentibus fuit. Causam naturalem reddit Aristoteles, capite ultimo libri septimi de historia animalium, his verbis. Plurimi, antequam exactus sit dies septimus intereunt, & hanc ob causam tunc nomina imponuntur, tanquam saluti ià pueri magis credamus. Itaque imponuntur nomina die octavo, quia antequam exactus sit septimus, parum constat an foetus sit perfectus & vitalis, an imperfectus, abortivus, neque vitalis. exemplo fuit filius primus David ex Bersabee, qui die septima mortuus est, ut secundo Regum narratur. Magnam vim esse hebdomadæ, in iis quæ ad foetuum intra uterum formationem, & in lucem iam editorum vitam pertinent Hippocrates probat multis in locis, maximè autem libello de carnibus multis argumentis, statuens hanc assertionem, Vitam hominis septem dierum esse: primum quidem quoddam septima dies certam firmamque iam perfectæ conceptionis notam præstet. Quia ut Aristoteles capite tertio libri super citati dicit, si in septimum diem intus hoc est intra uterum) permanse-

*Nemini
octanodie
imponendi
ratio.*

*Septena-
ry ratio
in vita.*

rit ge-

rit genitura, conceptum iam esse certum est. Atque ut Hippocrates loco citato affirmat, quod conceptū est, si intra septem excidit dies, nullam per se fert delineationem. si verò post septem in aquam immissum, oculorum, oris, & pudendorum quandam non in evidentē delineationem ostendit. Hanc ob causam dicit Aristoteles, qui intra septem dies fiunt, non vocantur abortus, sed effluxiones. Nam antè septimum ne foetus quidem neque embrio putatur esse, sed semen. Itaque conceptio certa septem dierum est, & quod immissum in vterum, in certam firmamque conceptionem non pervenit, intra septem dies effluit, & perit. Ita etiam recens natos dies septima probat. nam plurimi eorum qui vitales non sunt, intra hebdomadam pereunt. Adultis etiam hominibus est vita septem dierum, quia ut dicit Hippocrates libello de carnibus, Si quis septem diebus nihil edere, aut bibere velit, plerique quidem in ipsis moriuntur, sunt tamen qui illos transmittunt, & tamen moriuntur. Ieiunum enim intestinum in his diebus concrevit, moriunturque etiam illi. Hanc ob causam ergo iudico, misisse Deum die sexta cibum Danieli in lacu Leonum existenti, ne scilicet, si septimam attingeret, periret fame. Nam etiam in his quæ miraculosè agit, habet Deus rationem aliquam naturæ, ne plura quàm opus sit, eveniant miracula. Itaque & conceptio, & argumentum vitalis ortus, & duratio vitæ hominum sine refectione septem dierum est, ut certè mundi totius fabrica septimo die est conclusa. In quamplurimis enim rebus, hominis ortus mundi creationem imitatur. nimirum est microcosmos. Merito ergo, atque iuxta hominum naturam, iussit Deus pueros die octava circumcidi, quasi iam victuros. Interim iubet mulierem

*Sine cibo
quousque
vita durat.*

*Homini
ortus quid
imitatur.*

quæ peperit masculum, immundam esse septem diebus iuxta dies separationis menstruæ: hoc est, continere sese secundum legem eius cui menstrua fluunt, quæ capite decimo quinto huius eiusdem libri scripta est his verbis. *Mulier, quæ redeunte mense, patitur fluxum sanguinis, septem diebus separabitur.* Hoc quoque secundum rei ipsius naturam præcipitur. Quia hic etiam est finis fluxionis menstruæ naturaliter euenientis. Quæ enim ultra hebdomadam prorogatur, symptomatrica est, & morbi soboles. Quamquam enim, ut libello de superfoetatione dicit Hippocrates, multis tempus eius purgationis tres sunt dies: plerisque tamen, ut ipsemet dicit, multo plures, duplum scilicet, hoc est usque ad septimum, quo ea cessat, velut morbi etiam acutissimi. Neque sane ultra tres vel quatuor dies prorogari præter naturam est, nisi etiam ultra septem progetur, tametsi multo salubriores & fecundiores sint quibus non ultra tres durat. esse verò potest etiam naturale usque ad septem, & si minus utile. sed est etiam in naturalibus plus aut minus bonum. Hoc verò ita habere, Hippocrates libro primo de morbis mulieribus docet, dicens. *Quibus verò in natura est, ut plures quam quatuor dies purgentur, & menses valde multi prodeunt, hæc tenues sunt, & fœtus earum tenues, & emarcescunt.* Itaque optimus menstruorum finis, duorum, aut trium, aut ad summum quatuor dierum est: naturalium verò ultimus, septem. Merito igitur mulier, quæ redeunte mense, patiebatur fluxum sanguinis, septem diebus separabatur, & ob hanc ipsam causam quæ peperat masculum, septem diebus quasi immunda esse iubebatur. Circuncidebatur verò puer die octauo, quasi exactum iam esse septimum, magnam vim haberet ad vitæ securitatē: post septenariū verò, maximam

maximam vim habent, in affectionibus foetuum qui ge-
 runtur vtero, & infantium recens in lucem editorum, *Quadrage-*
 quadragenarii: atque vt intra septem dies fieri dixi- *genarij*
 mus effluxiones feminis, cum conceptio non perfici- *numeri in*
 tur: ita intra quadraginta plurimi sunt abortus, ac cor- *foetu.*
 ruptiones. Quod Aristoteles capite tertio, septimo de
 historia animalium, his verbis dicit, Effluxiones vo-
 cantur, quæ intra septimum diem corruptiones fiunt,
 abortiones autem quæ intra quadagesimum. Et qui-
 dem plurimi foetus intra tot numero dies deprauan-
 tur. Hippocrates quoque libello de partu septimestri
 ita scriptum reliquit. Dicunt autem & abortus pluri- *Abortus*
 mos in primis quadraginta diebus fieri, sed & reliqua *quando*
 conscripta his accidere in quadragenariis. rursus pau- *fiant.*
 lō infra in eodem libello. At verò quadragenarii pri-
 mū in foetibus iudicant. quisquis enim primos qua-
 ginta dies transmiserit, abortus effugit ex omni causa
 contingentes. plures autem fiunt in primo quadrage-
 nario abortus, quā in aliis omnibus. Itaque ex sentē-
 tia Hippocratis & Aristotelis, quos hac in re sequu-
 tus etiam est Galenus, vt intra septem dies fiunt femi-
 nis effluxus, ita intra quadraginta abortus: atq; vt re-
 cens nati solent intra septē dies perire, ita qui hos ef-
 fugiunt, alium, eūque proximum periculi finem ha-
 bent, quadraginta dies: atque vt supra septem dies cō-
 tentū intra vterum semen esse, certa est conceptionis
 nota, cū verò transit pregnationis quadagesima dies,
 abortus periculum maximum recessit: ita cum recens
 natus (respondent enim vitæ principia principiis ge-
 nerationis) attigit octauū diem, homo iam vitalis est:
 cum quadagesimum, robustior, viuacior, & sapientiæ
 iam particeps est. Indicio est, quòd eorum qui euase-
 runt septimum, multi moriuntur intra quadagesi-

mum, à quadragesimo verò incipiunt iam pueri ride-
 re, quasi firmiores iam facti, & sapientiæ quædam ex-
 ordia ostentantes. Docet hoc Hippocrates in calce
 libelli de partu septimestri. Meritò ergo, atque vt na-
 tura ipsa poscebat institutum est, vt puer die octauo
 circuncideretur, mater verò ingrederetur in sanctua-
 rium, illum Deo oblatura quadragesimo. Nimirum
 circuncidebatur die octauo, vt qui iam non imperfe-
 ctus foetus, sed homo vitalis esse cognosceretur: dese-
 rebatur in templum quadragesimo, vt qui magnum
 recens natorum periculum euasisset, & roboratus iam
 esset, & sapientiæ inditia præ se ferret: interim, vt ma-
 ter ante diem circuncisionis in munda esset, iuxta dies
 separationis menstruæ, dies septem iuebatur, quia id
 tempus est naturale menstruæ purgationis, ita inter
 diem circuncisionis & delationis in templum, iubeba-
 tur manere in sanguine purificationis suæ dies trigin-
 ta, quia tot dies solet durare expurgatio iis quæ mares
 pepererunt. Quod faciliè intelliges ex his Hippocratis
 verbis, quæ libello de natura pueri scripta sunt. Atque
 hæc mihi de hoc dicta sint, & factus iā est puer, & ad
 hoc peruenit foemella quidē quadraginta & duobus
 diebus vt longissimè, primam coagmentationem ac
 coarticulationem accipiens: masculus verò vt longis-
 simè in triginta diebus. vt plurimum enim hoc tēpo-
 re, aut paulò breuiori, aut paulò longiori articulatio
 ipsis cōtingit. Nā & purgatio fit à partu vt plurimum
 in foemellis quidē diebus quadraginta & duobus, atq;
 hæc tardissima est, & perfecta: vacauerit autem peri-
 culo etiam si in viginti quinque diebus purgetur: in
 masculo verò purgatio fit diebus triginta, atq; hæc tar-
 dissima, & perfecta, citra tamen periculum fuerit mu-
 lier, etiam si in viginti diebus purgetur. hæc Hip-
 pocra-

*Fœtus
 formatio-
 nis tēpus.*

*Expurgatio
 in à par-
 tu.*

pocrates, quibus docet tempus formationis pueri respondere tēpori purgationis matris, atque quia mares in utero citius formantur quàm scēnellæ, proinde & eas quæ mares pepererunt, purgari citius essēque tempus formationis pueri, & purgationis eius quæ marem pepererit, triginta dies. Quod attinet ad purgationem eius quæ marem pepererit verissimum est, & iis quæ in lege Domini dicuntur maximè consonum. Quod verò attinet ad tempus formationis maris & scēnellæ, & ad æqualitatem temporis formationis fœtus & purgationis matris, neque admodum firmum, neque certum est, sed contingit ita, & aliter. Neque hoc latuit Aristotelem aut Hippocratem. Nam Aristoteles capite tertio libri citati, ita inquit. Purgationes autem accidunt plurimis cū conceperint ad tempus quoddā scilicet triginta dierum, maximè si concepta scēmina est, quadraginta si mas. A partu etiam purgationes eodem numero dierum consequi volunt, quamquam non æquè ita diligenter eueniunt. hæc Aristoteles. Locus haud dubiè corruptus est, legēdum enim triginta dierum, maximè si conceptus mas est: quadraginta si scēmina. Nā dicit tempus expurgationis à partu, æquale esse tempori expurgationis, quæ fit initio conceptionis. constat verò iuxta omnium sententias longiorem expurgationem esse à partu scēnellæ, quàm masculi. At verò Aristoteles non admodum certam esse, eam expurgationis cum expurgatione æqualitatem, dicit: Quare neque formationis fœtus cum expurgatione à partu, adeo exacta erit æqualitas. Videtur enim tempus expurgationis, quæ initio conceptionis fit, respondere tempori formationis. quamquam neque hic erit adeo certa æqualitas, ut neque in tempore toto prægnationis muliebris, neque in vllis eius partibus fir-

Expurgationis à partu maris & scēminis differentia.

mum quidquam ac certum est. Quapropter Aristoteles paulò infra inquit. *Mares magna ex parte circa quadragesimum diem, dextro potius latere mouentur: foemina sinistro, circiter nonagesimum. Nihil tamen certi in his affirmare licet. Sed enim hæc, & reliqua huiuscemodi, vt differunt eo quod magna ex parte, & eo quòd magis minus accidit, sic accepimus.* hæc Aristoteles. Hippocrates quoque libello de alimento, cùm recensuisset multa variâque partus tempora, & formationis, motus, & æditus tempora & eorum, proportionis, adiecit, *Non est, & est:* insinuans nihil eorum esse perpetuum, sed quodcunque fieri posse, ita aut aliter. verba verò Hippocratis sunt hæc. *Ad figurationem soles triginta quinque, ad motum septuaginta, ad perfectionem ducenti & decem. Alij tradunt, ad formam quadraginta quinque, ad motum septuaginta sex, ad exitum ducenti & decem. Alij sic, ad formam quinquaginta, ad primum saltem centum, ad perfectionem trecenti. Alij sic, ad discriminationem quadraginta, ad transitum octoginta, ad elapsum ducenti quadraginta. non est, & est.* his verbis Hippocrates, vt in commentatione eius loci explicuimus, narrat multas Medicorum sententias de tempore partus naturalis, & de temporibus quibus foetus formationem acciperet, inciperet moueri, & exiret in lucem, ac de proportione temporum, quibus illæ mutationes insignes cõtingerent, eisque narratis, dicit, nihil in illis esse perpetuum, sed posse fieri quodcûq; illorum & non fieri. Hoc idem docuit libro secundo de morbis popularibus sectione tertia, easdem sententias narrans. Nimirum, vt Aristoteles dicit, capite quarto citati iam, sæpè libri; cum cætera animalia omnia, singulari ac simplici modo partum suum perficiant cer-

Quo tem-
pore factus
sit utero
mouetur.

tum enim pariendi tempus statutum est singulis generibus) homini vni datum multiplex. Nam & septimo mense, & octauo, & nono parere potest, & quod plurimum decimo, nonnullæ etiam & vndecimum tangunt. Itaque consensu probatissimorum auctorum conitat, neque partus muliebris, neque mutationum insignium quæ foetui accidunt, formationis dico, & motus, esse simplex & statutum tempus, sed varium & multiplex. Neque solum homini non est certum tempus horum, sed neque sexui vlli. Nulla enim est sexui nascendi differentia, siue inquam mas sit siue foemella. Nam tametsi Aristoteles dicit, foeminam sæpius in vndecimum mensem incidere quam marem, huncque sæpius fieri septimestrem, tamen experimentum repugnat: adeoque minus certi quidquam est in his rebus quàm veteres putarunt, vt nostro sæculo nata sit foemella haud dubiè quinquemestris, quæ adhuc viuit, plusquàm duodecim iam annos nata, cuius gratilitas ac tenuitas, maior quàm mulieribus esse consueuerit, indicat certam esse de eius ortu fidem, præterquam quod multis domesticis, neque inevidentibus argumentis constitit: vsque adeò in Physicis alterationibus vix quidquam est omnino aut impossibile, aut necessarium. Quid ergo, an nihil est in rebus quæ ad foetus & puerperas spectant certum, ac firmum? sane nullum est tempus certum, quo mas aut foemina figuram accipiat in vtero, neque quo moueri incipiat, neque quo in lucem exeat, neque quo mulier vtero gereas, statim à conceptionis initio expurgetur, neque quo expurgetur quæ peperit, siue marem siue foeminam: sed hæc omnia tempora, multiplicia & varia sunt. Illud tamen certum est, mares citius figuram recipere, & mouendi vim quàm foeminas, & eas quæ mares

Vario tempore mulier parere potest.

Puella quinquemestris

conceperunt breuiiores habere expurgationes, & eas quæ prægnationis initio fiunt (quamquam has non omnes mulieres habent), & eas quæ à partu. Horum omnium eadem est causa, humidior scilicet, frigidior, & excrementosior natura fœminæ. Quoniam enim talis est: ex frigidioribus, & humidioribus principiis gignitur. Humidiora verò principia, inaptiora sunt ad recipiendam figuram propriam, quàm sicciora: frigidiora verò quàm calidiora ineptiora sunt ad motum. Necesse est ergo fœminæ quàm mares tardius accipiant figuram, & moueantur: non tamen proinde & tardius edantur in lucem, sed eisdem temporibus quibus mares: Quia quanto tardius accipiunt figuram & mouentur, tanto postquam formata sunt citius veniunt ad incrementum. Quod Hippocrates docuit secundo Epidemicôn, & rursus sexto. Sunt verò eius verba in calce sectionis tertiæ libri secundi. *Quod citius discretum & motum est, augetur rursus segnius, & in longius tempus.* In calce sectionis secundæ libri sexti dicit, *Concretum est, constitit citius, postquam motum est, desinit, & tardius augetur, & pluri tempore.* Aristoteles hoc interpretatur de eo incremento, quod mares & fœminæ recipiunt, æditi iam in lucem vsque ad consistendi ætatem. Monstratum verò à me est in eius operis commentariis, de eo etiam incremento intelligi quod intra vterum accipiunt, postquam moueri cæperunt, vsque dum vtero exeunt. Quod vel ipsa auctoris verba apertè sonant. Itaque etsi æquale tempus gerantur vtero, fœminæ verò tardius accipiunt figuram, & mouentur dictam ob causam. Atque ob eandem, quæ fœminas pepererunt diutius sunt immundæ, & longiores habent purgationes. Nam cum mulieres humidiores & excrementosiores

Cur mulieres quæ fœmellæ pepererunt diutius sunt immundæ.

flores sint quàm viri, & earum principia quàm ex quibus, viri sunt, constat ab iis etiam mulieribus concipi, quæ aut natura sint, aut tunc fortè contingerit esse excrementofiores. Indigebunt igitur tales expurgatione diuturniori. Cùm verò non sit idem statutumque tempus expurgationis omnibus, neque quæ mares, neque quæ fœmellas pepererint, sit verò periculosum minus durare expurgationem quàm natura poscebat, & morbosum durare plus, necesse est tempus aliquod esse ultra, & citra quod naturalis non censetur expurgatio. Id rectè dicit Aristoteles esse in ea quæ marem peperit, à viginti vsque ad triginta dies. Nam & experimentum subscribit eius sententiæ. Scire tamen expedit, iis quæ pepererunt duplicem ex utero vacuationem succedere primam sanguinis copiosè fluentis, ut singulis mensibus mulieribus solet: secundam aliorum excrementorum cum exiguo sanguine fluentium paulatim. utraque est ei quæ marem peperit, breuior. Est verò secunda cum longissima triginta dierum, prima septem. Hanc ob causam iussit Deus eam quæ peperit marem, esse immundam diebus septem, & octauo circumcidere puerum, ut iam vitalem, mox triginta diebus expurgari: iis exacris ingredi in sanctuarium, & offerre Deo puerum. Sed evenit hîc dubitare. Si septem solum diebus erat futura in separatione quæ marem peperisset, deinde triginta in purificatione, mox itura in templum, & puerum oblatura, quî fieri poterat, ut oblatio pueri non ante quadragesimum à partu diem ageretur? Videtur enim futura die trigesimo & septimo. At verò consuevisse esse quadragesimo communis omnium sententia est, & Ecclesia Sancta id testatur, festum purificationis MARIE celebrans secundo Februarij, qui est quadra-

*Puerperorum
vacuatio.*

Festum purificationis.

gesimus à natali Domini. Quidam respondent rationem computandi esse, vt dies primus detur partui, septem sequentes separationi, mox alius circumcissioni, deinde triginta expurgationi, his exactis alius oblationi pueri, atque ita fieri quadraginta. Verùm hoc non est consentaneum. Primum quia circumcisio incideret in diem nonum, atque circumcisionis festum secundo Ianuarij celebraretur, potius quam primo: deinde quia pueri circumcisio non prohibet matrem eadem die expurgari. In Græcis codicibus iuxta versionem septuaginta interpretum, quam sequutus est Diuus Augustinus, legitur. Ipsa verò manebit triginta tribus diebus in sanguine mundo suo. Quæ lectio eleuat dictam dubitationem. nam septem & triginta tribus fiunt quadraginta. Atqui quoniam Philosophi, vt ex dictis constat, triginta dierum censent esse maximè legitimum tempus expurgationis ei quæ peperit marem, dicemus præcepisse Deum vt mulier antequam in templum domo abiret, & puerum deferret, maneret domi septem dies ob expurgationem primam, triginta ob secundam, tres insuper propter infantem: ne scilicet ante quadraginta exiret domo puer. Iuxta versionem autem diui Hieronymi dicemus, mulieres quidem manere solitas domi dies triginta tres post septem primos, quo compleretur ante pueri oblationem primus quadragenarius, Mosè verò præcepisse manere diebus triginta, insinuantem illos esse purificationis, reliquos tribui pueri incolumitati. Nimirum quadragenarius primus dierum celebratissimus est ab omnibus Medicis, censeturque habere vim magnam ad retinendos in vita pueros. Eam quæ peperit sceminam, explere voluit Deus duos quadragenarios antequàm in sanctuarium ingrederetur,

utpote duplo longiori indigentem expurgatione. Ob
 idque dedit expurgationi primæ duas hebdomadas,
 secundæ dies sexaginta sex, ut coniunctis vtrisque fie-
 rent octoginta, qui duobus constant quadragenariis:
 qui numerus imperfecto & scemineo sexui maxime
 congruit, ut vnitas virili. Quia vnitas perfectio & for-
 ma est, binarius principium diuisionis, & materia. E-
 go itaque diuinam sequutus auctoritatem, eam quæ
 marem pepererit, profluuiò muliebri vocato, aut vllò
 alio morbo teneri hanc ob causam non censeo, nisi
 diem quadragesimum euacuatio superauerit, neque
 eam quæ sceminam, nisi octogesimum. Etiam si Hip-
 pocrates loco citato libelli de genitura, & rursus libro
 primo de morbis muliebribus dicat, longissimam ex-
 purgationem eius quæ pepererit marem esse die-
 rum triginta, & eius quæ sceminam quadraginta duo-
 rum.

Vnitatis
 perfectio.
 Binaryim
 perfectio.

CAPVT DECIMVMNONVM.

De Lepre.

» **G**APITE decimotertio Leuitici. Lo-
 » quantusque est Dominus ad Moysen &
 » Aaron dicens, Homo in cuius cute & car-
 » ne ortus fuerit diuersus color, siue puslu-
 » la, aut quasi lucens quippiam, id est plaga
 » lepræ, adducetur ad Aaron sacerdotem, vel ad vnum-
 » quemlibet filiorum eius, qui cum viderit lepram in cute,
 » & pilos in album mutatos colorem, ipsamque speciem le-
 » præ humiliorem cute, & carne reliqua, plaga lapræ est,
 » & ad arbitrium eius separabitur. Si obscurior fuerit le-
 » præ, & non creuerit in cute, mundabit eum, quia sca-

bies est. Lauabitque homo vestimenta sua & mundus erit.

Quandoquidem præceperat Deus tantopere immunditiam omnem vitare, corporalem quidem & externam, quo significaret multo magis immunditiam omnem vitandam esse, & amandam conscientiae puritatem, cibos omnes immundos interdixit, permittit verò mundis uti: & quod ad corporum affectiones pertinebat, eorum qui morbis tenerentur permittens conuictu uti, eos qui non tam morbis, quàm immunditiis, ut leprosos homines, & gonorrhœa, siue profluvio feminis laborantes, & mulieres quibus fluere menstrua, iussit separare: eos quidem qui essent suspecti recludere, apertè immundos ab aliorum cetu separare, & extra castra reicere. Quæ omnia plena sunt magnis misteriis. Significant enim omnia hæc quæ vitare Deus iubet, prauas animorum affectiones, quas oportet veri Dei cultores cauere. Et ille quidem populus quibus lex in scriptis tradita est, corporalia illa & externa obseruabat: nos verò quibus, non soluta, sed adimpleta traditur, sequentes potiùs spiritum quàm litteram, intelligimus omnem animi immunditiam vitandam, & conuictum cum immundis. Summa verò rei est, vitare debere omnem turpitudinem, & immunditiam. Atq; cum sint duplices corporum passionum, quædam quæ actiones lædunt, ac proinde morbi propriè sunt, atque ita affecti, ægrotantes, ut febris, pleuritis, phrenitis, & lethargus: quædam quæ non tam morbi, quàm turpitudines quædam sunt, quia non tam lædunt actiones, quàm pariunt sceleratam quandam, ut lepra, & gonorrhœa, & profluvium menstruum, morbos non iussit Deus deuitare, sed deformitates & turpitudines. fortasse quia ubi pura conscientia

Immunditiam
vitan
de præce
pta.

Passiones
corporum
duplices.

scientia est, infirmitates & morbi nihil addunt. Hippocrates libello de affectionibus ita inquit. *Lepra, & pruritus, & scabies & impetigines, & viteligo, & alopecia à pituita fiunt. sunt autem talia turpitudine magis quam morbi.* Itaque hæc ob causâ lex hæc lepræ lata est. Vitia cutis quæ foeditatem afferunt, sunt in triplici genere: maculæ enim sunt, aut vlcera aut asperitates, aut duo horum, aut omnia simul. Vitia coloris seu maculæ, vocantur Græcis leucæ, & alphi, Latinis viteliginis seu *Viteligo.* morpheæ, Arabibus guadâ seu alguadâ. Hæc cū summam tenent cutem, nihil adiiciunt aliud, sed sunt solum maculæ, alba, aut nigra vocaturque viteligo alba, aut nigra: cum altius partem tenent, mox adiiciunt asperitates exiguas furfuri similes, & vocatur psora, Latinis scabies: aut maiores ac velut scamas, & vocatur Græcis lepra, Arabibus barrâs, seu albarrâs, & hæc quoque est alba aut nigra, vt fit à pituita falsa, aut à melancholia. & propriè quæ nigra est vocatur lepra, quæ alba lichen seu impetigo. quæ eadem vocatur aliis lepra volatilis, quia serpit, videturque volare per partes. Si non solum tenetur cutis altiusculè, sed etiam venæ & caro, fit morbus qui vocatur Græcis elephas. Arabes verò, & vulgus, vocant hunc lepram, albarrâs nigrum. dicunt lepram antecedere. Elephantem verò vocant Arabes hunc eundem morbum cum tenet crura, vt sæpe solet. Itaque leucæ seu alphi, seu viteligo, seu morpheæ, seu guadâ, & scabies seu psora, & lichenes, seu impetigines, seu volatilis lepra, seu barrâs album, & lepra seu barrâs nigrum, & elephas seu lepra vulgo vocata, & Arabibus, vitia & turpitudines externi corporis habitus sunt, fiuntque alia ex aliis, intentione & remissione diuersa. nascunturque ex redundantia pituitæ, aut melancholiæ. Hæc

Scabies.

Lepra.

omnia vitia communi appellatione, vbi ingrauescentia recedunt à simplici scabie, vocantur lepræ genera, & iudicium ferre quàm grauis sit aut secus ea infectio, est discernere inter lepram & lepram, quod ad sacerdotem pertinebat, ac nunc quoque spiritualiter pertinet. Describuntur ergo hîc quædam notæ, quibus discerni possint qui grauiter, & qui leuiter infecti sunt: & qui facile curentur, aut curationem non admittant: vt qui simplici tantum scabie depræhenderentur laborare, mundi iudicati dimitterentur: quos spes esset fore vt mundarentur, recluderentur, aut ad arbitrium Sacerdotis (hoc est quantum sacerdoti videretur esse satis) separarentur: qui iam esse viderentur desperatæ emundationis, omnino separarentur & reïcerentur extra castra. Tria signa scribuntur hîc maligni vitij, & ob quod oporteret ita affectos homines ab aliorum consortio separari: quæ eadem apud Medicos scripta reperias, & causas habent naturales. Duo eorum sunt

Tria signa
maligni
vitij.Indicia vi
tij.

lychenum, seu lepræ volatilis, seu albarras albæ, seu alphi, quem maligniorem esse, quàm Leucem dicunt: pilos qui ex leprosa cute nascuntur in album mutari colorem, & ipsam lepram humiliorem reliqua cute. Tertium est viteliginis albæ, seu alguada, seu leucæ, quæ plerumque leuius malum est, aliquando verò etiâ est grauius, & fit alphis. Illud est maculam dilatari ac crescere, ac transire in cute priores terminos, hoc est amplificari, ac extendi vitium illud, Apud Auicennam quoque reperias hæc eadem scripta capite nono tractatus secundi, sen. septimæ, libri quinti, his verbis, *Ambiguum verò est differentia inter alguada quæ est morphæa alba, & albarras matam. & differentia quidem inter utrasque est, quod pili oriuntur super alguada, & sunt pili nigri & flau, & nascuntur super albarras; albi*

alii: & est cutis magis depressa, & vehementius defossa quam cutis reliqui corporis. paucis interpositis in eodē capite dicit, Quoniam de morphaa (hæc est viteligo, seu guada) quedam est vehementis elongationis à colore corporis, & de ea est quæ est propinquior ei, & est magis salua. Et in ea quæ est submersa & non rubet, neque sanguinem emittit (hæc sunt signa pessimæ viteliginis, & lepræ iam malitia æqualis) & est vehementis dilatationis capiens locum magnum, non est spes, & similiter illa quæ omni hora incipit in additione. Ecce vt Auicenna describat his eisdem signis pessimū albarras album, hoc est malignos lychenes, seu album, seu lepræ quoddam genus, & malignam morpheam, aut leucem, quæ in malignitatem lepræ iam abiit. Porro lucidum candorem notam esse lepræ, constat ex verbis vltimis capituli quinti libri quarti Regum, vbi dicitur, *Egressus est ab eo leprosus quasi nix*. Causas horum non est difficile inuenire. Cum enim lychenes illi maligni à falsa pituita nascantur, sola vel cum atrabile mista, necesse est vbi partis temperies admodum labefactata est, & in ipsius excrementi naturam velut mutata, salitam admodum esse cutem, & ac proinde siccam & contractam, ac reliqua cute quæ sana est humiliorem. Porro, cum orta attestentur iis ex quibus oriuntur, vbi cutis ob pituitam ita erit facta candida, vt ipsum substantiæ modum mutauerit in candidiorem, pilos quoque ex sese nascentes candidos reddet. Quod morpheam, seu viteligo maligna crescat, eadem causa est quam Auicenna quoque post nuper citata verba apposuit, ita dicens. *Et similiter illa quæ omni hora incipit in additione, quoniam complexio eius est fortis, conuertens illud quod ad eam vadit ad suam similitudinem, & propter illud est mala valde*. Ex dictis facilè intelligentur præ-

scripta verba, poteruntque explicari physicè. Afferri iubet ad sacerdotem quemcunque cui mutatus sit cutis color, aut innatæ pustulæ aut quasi lucens quidpiâ, quasi scilicet fulgentes furfures, aut scammæ. Nam hæc omnia possunt esse initia vitij abeuntis in malignum, & in aliquod lepræ genus. Iubet etiam cum viderit sacerdos in cute lepram talem, vt pili qui inde nascantur, in album mutati sint colorem, & ipsa lepræ species sit humilior cute & carne reliqua, separari hominem, quia plaga lepræ est: nimirum maligni lychnes. Sin autem fuerit tantum lucens quidam candor in cute, neque tamen cutis fuerit humilior carne reliqua, & pili adhuc retineant colorem pristinum, nondum constat malignum esse vitium. Verum quia sæpe ab iis initiis proceditur in malignum, non vult eum mox dimitti vt mundum hominem, sed recludi hebdomadam, eaque exacta sacerdotem considerare, an ultra creuerint, & maculæ dilatatæ sint: sique non creuerint, rursus recludi aliam hebdomadam, qua rursus exacta, si obscurior fuerit lepra, neque creuerit in cute, hoc est non se dilatauerint maculæ, & signa lepræ facta sint obscuriora, scire iubet lepram veram non esse, sed pforam, seu scabiem, ac proinde dimitti hominem lotis vestimentis. Mundus enim est, hoc est, non est leprofus, sed scabiosus solum, quod leue est, & solo vestium mundissimarum, linearum & lanearum, vsu, & probo victu liberabitur. præmisit, si opus sit, aliqua corporis euacuatione additur dictis.

*Scabies
remedia.*

Quod si postquam à sacerdote visus est, & redditus munditiæ, iterum lepra creuerit, adducetur ad eum, & immunditiæ condemnabitur.

Pessimum est cum morbi alicuius exordia sese insinuauerint antea, quæ postea destitisse visa fuerint, homi-

hominem in eum ipsam morbum incidere. Nam iteratus morbus, magnum corporis apparatus; & in eum *Racidina malum.* propensionem significat, subesseque in vitiosa corporis natura morbi velut radicem. Morbus verò in què corpus valde propensum est, facillè abit in habitum. Meritò ergo immundus & leprosus censetur, cui mūdato iam semel, lepra redit. Quia verisimile est, id nō ex prauo victu, quo paulò ante vsus fuerit, homo, aut leui aliqua occasione, sed ex firmata in corpore Caco-chymia nasci. Itaque vt incrementum macularum, ita & repetitio, suspectum & malum signum est, censeturque meritò, quæ semel repetiit, sepe repetitura lepra, neque vnquam futurus homo tutus ab immunditia. quare inmunditiæ condemnabitur.

Plaga lepræ si fuerit in homine, adducetur ad sacerdotem, & videbit eum, cumque color albus in cute fuerit, & capillorum mutauerit aspectum, ipsa quoque caro viua apparuerit, lepra vetustissima iudicabitur, atque inolita cuti. Contaminabit ergo eum sacerdos, & non recludet, quia perspicue immunditiæ est. Si autem esloruerit discurrens lepra in cute, & opperuerit omnem carnem à capite vsque ad pedes, quidquid sub aspectum oculorum cadit, considerabit eum sacerdos, & teneri lepra mundissima iudicabit, eo quod omnis in candorem versa sit, & idcirco homo mundus erit. Quando verò caro viuens in eo apparuerit, tunc sacerdotis iudicio polluetur, & inter imundos reputabitur. Caro enim viua, si lepra aspergitur immunda est. Quod si rursum versa fuerit in alborem, & totum hominem opperuerit, considerabit eum sacerdos, & mundum esse decernet.

Duo alia præter dicta describuntur hinc lepræ signa: alterum vetustissimæ & incurabilis, ac proinde perspicue immunditiæ; alterum mundissimæ

Duo alia signa lepræ.

ac facillimæ solutu. pessimum in lepra esse dicit, *si caro viua sit aspersa lepra*, hoc est, si non solum in cute sit macula alba, aut lucens cum scammis, & ea sit humilior reliqua cute, sed etiam ipsa caro viua sub cute sit similiter infecta, sit scilicet alba, & modum substantiæ carneæ amiserit. Id verò lepræ vetustissimæ & cuti inolitæ esse constat, quia non solum fit pituita salsa excreta ab expultrice vi in cutem, sed subiecta etiã carne in vitiosi succi naturam mutata. Grauius ergo est hoc, quàm cutem humiliorem reliqua cute fieri, & capilos candidos. Quia ea infectione solius cutis fieri possunt, grauius verò est infectam etiam esse subiectã & viuam carnem. Hoc an ita habeat, an inquam ipsa subiecta caro sit leprosa, iubet Auicenna citato capite

Exploratio lepræ. explorare puncta acu carne. *Si enim* (inquit) *punctura acu extrahit sanguinem, est guada* (ea est vt diximus leuior affectio) *si non sanguinem, sed humiditatem aquosam est barras, & hoc* (inquit) *non sanatur.* Rursum explorare iubet fricatione, dicens, *Et iterum quæ rubet post fricationem, est ad spem declinuis, & ad hoc vt sit morphea: & quæ non rubet per eam, est mala.* Nimirum vbi subiecta caro est munda, acu sanguis extrahitur, & fricatione allicitur in cutem: vbi verò ipsa viua caro est secundum suæ substantiæ modum mutata, velut etiam in iis qui vocantur Leucophlegmatici, extrahitur Ichor quidam, seu sanies aquosa, & cutis fricata non rubet. Talem dicit Auicenna non sanari, qui hoc loco dicitur esse non recludendus, quasi qui sanescere facile posset, sed contaminandus, hoc est separandus, quasi contaminatus, quia apertæ immunditiæ est. Hoc idē docuit Paulus Aegineta libro quarto capite quinto, docens distinguere leucem medicabilē ab immedicabili. qui locus mihi videiur esse corruptus, & ex dictis

Exploratio lepræ.

Leucophlegmatici.

dictis facile posse restitui. Ita enim legitur. *Huius nota & significationes sunt huiusmodi: Acu pungito in superficie cutis leucem non ultra cutem, quod si non sanguis exeat, incurabilis non est morbus: sin lacteus quidam humor profluit, curationem non admittit. Vel laneo paniculo aspero ipsam perfrica: quod si rubicundior fiat, curari potest: si in eodem colore manet, incurabilis esse censenda est.* Vides ut Paulus eadē dicat de leuce, quæ Auicena de guada & morphea. legendum verò est haud dubiè, vbi, quod si non sanguis exeat, quod si sanguis exeat. Nam curationem admittētis lepræ est exire sanguinē non admittentis, exire lacteam, aut aquosam humiditatem. Est autem in Græco facillimus lapsus, & emendatio etiam. nam pro *εἰ μὴ* legendum *εἰ μὲν*. Hæc eadē signa curabilis & incurabilis alopecix scripsit Galenus primo de compositione secundum locos. Rectè autem monet Paulus, ne multum figatur acus ultra cutem: ita enim nulli non exierit sanguis, sed satis magnum signum erit firmatæ iam lepræ, transfixa cute sanguinem nullum exire. Auicenna itaque hac in parte sequutus est Paulum. Vterque autem hac in re mihi videtur errare, quod velut leuius quiddam & minus malum commemorent, sanguinē pūcta acu à cutē non exire, quàm pilos fieri albos: cum tamen hīc Propheta Moses grauius esse ostendat, dicens, *Cum color cutis mutatus fuerit, & capillorum mutauerit aspectum, ipsa quoque caro viua apparuerit.* Commemorat enim hoc postremò velut omnium grauißimum: atque in initio capitis, eos quibus cutis alba, & humilior reliqua, & dealbati essent capilli, separari iussit ad arbitrium sacerdotis: nunc verò adiiciens, *Et caro viua apparuerit, dicit, Contaminabit eum, quia aperta est immunditiæ:* tanquam grauius quiddam dicens: Pau-

lum verò & Auic.contrarium insinuasse constat, quia infixa acū sanguinem non exire tribuit Paulus leuce, Auicenna guada & morpheę:capillos albos fieri Paulus tribuit alphi & Auicenna barràs constat verò leucem quam alphum apud Paulū, & guadā quam barràs apud Auicennā, leuiorem esse morbum: atque leucē Pauli esse guadā Auicennæ, & alphum barràs. Nos verò sequuti veritatem dicimus, in his omnibus vitiis cutis, quæ hoc loco lepræ nomine intelliguntur, minus esse graue mutari colorem solius cutis, quàm capillorum etiam. grauius verò quam vtrunque, ipsam iam viuam carnem lepra respersam esse, ita vt transfixa cute sanguis nō exeat, & fricata cute non appareat rubor. Mundissimæ lepræ signum esse dicitur, cum lepra discurrens per totum corpus, opperit totam carnem à capite vsque ad pedes, quidquid sub aspectum oculorum cadit. Quod sanè, vt est verissimum, ita naturali quoque rationi esse consentaneum facile intelliget, quicumque medicinæ tantillum degustauerit.

Excrementa quādo debeant esse copiosa.

Nam quanto excrementa abundantius extrorsum per cutem emittuntur, tanto internas partes minus possunt lædere, & tanto maior naturalis facultatis potentia significatur. In vitiosis ergo corporum dispositionibus & cacochymis, exigua quædam in cute efflorescere, signum malum est, quia impotentia expultricis significatur, & vt causa, parum confert, parum enim est quod corpore exit. Quare merito timetur malè partibus altioribus. Vbi verò contra, plurimum est quod extra cutem traditur vndique à capite ad pedes totū interius corpus manere purū est consentaneum. perinde accidit in vocatis variolis, & morbillis, scabic, & alijs quibusuis exāthematis. Nihil enim potius cōsent medici, quā vt pro multitudinis ratione, aut cacochymæ,

cohyminæ, abundanter erumpant. In hanc sententiam scripta sunt quamplurima ab Hippocrate multis in locis apertissimè verò, & quod ad locum præsentē maximè facit, scriptum est libro secundo Epidemicôn, sectione secunda his verbis, *Sed & quæ sub cutem abscedunt foras tubercula, velut putrescentia & quæ separantur aut vlcus, aut eiusmodi pustula, aut scammæ, aut defluuium capillorum vitelignes, lepræ aut eiusmodi, quæ abscessus sunt aceruatim fluentes, & non semirepentēs.* His verbis Hippocrates docet, has omnes excretiones excrementorum in cutem esse debere copiosas, non semifientes, quia per copiosas excretiones manet mundum interius corpus. Vides vt hæc omnia præterquā quod morborum animi curationi recte accommodantur, sunt etiā physicè scripta, vt etiā quæ sequuntur.

Caro autem & cutis in qua vlcus natum est, & sanatum, & in locis vlceris cicatrix alba apparuerit, siue sub ruffa adducetur homo ad sacerdotem: qui cum viderit locum lepræ humiliorem carne reliqua & pilos versos in candorem, contaminabit eum: plaga enim lepræ orta est in vlcere. Quod si pilus coloris est pristini, & cicatrix subobscura, & vicina carne nō est humilior, recludet eum septem diebus, & si quidem creuerit, adiudicabit eum lepræ: sin autem steterit in loco suo, vlceris est cicatrix, & homo mundus erit. Caro autem & cutis quam ignis exusserit, & sanata albam siue ruffam habuerit cicatricem, considerabit eam sacerdos, & ecce si versa est in alborem, & locus eius reliqua cute est humilior, contaminabit eū, quia plaga lepræ orta est in cicatrice. Quod si pilorum color non fuerit immutatus, neque humilior plaga carne reliqua, & ipsa lepræ species fuerit subobscura, recludet eum septem diebus, & die septimo contemplabitur: si creuerit in cute lepra, contaminabit eum:

*sin autem in loco suo candor steterit non satis clarus, pla-
ga combustionis est & ideo mundabitur, quia cicatrix
est combustura.*

Nihil hic aliud dicitur noui, quam solere in iis qui parati sunt ad lepram, occasionem præstare gignendæ illius vlcera, siue quæ sponte sint nata, siue quæ iniusta, eo quod soleat cicatricibus innasceri. Neq; mirum, quia sponte nascuntur vlcera in partibus debilibus, ob prauos succos in eas missos, & quæ semel vlceratæ sunt, etsi cicatrice obducantur, manent debiliores. Quapropter & ipsa vlcera solent sæpe in ipsis partibus nouari, & materia lepræ in eandem partem emergere. Orta verò lepra easdem notas habet quas in reliquis partibus: nimirum macula serpens, & profundior reliquæ cute, & pili mutati in candidum, veræ, ac malignæ lepræ notæ sunt: contraria, mundæ scabiei. Quamquam enim in magnis profundorum vlcerum cicatricibus nullus pilus oriri soleat, eo quod non cutis, sed velut crusta & callus innascatur: tamen in sponte nascentium vlcerum cicatricibus tenues cutes fieri solent, talisque vt, nisi corpora sint cacochema, nullæ maneant maculæ, & omnia vlcerum vestigia euanescent. Quare talibus cicatricibus innascitur vilus, vt cuti reliqua. Considerandum verò hæctenus, cum notas lepræ scriberet, non nisi candidæ maculæ meminisse, nunc verò dicere, Et in loco vlceris cicatrix alba apparuerit, siue subruffa. Illud nomen subruffa, omnes interpretantur quasi dicatur subrubra: atqui macula lepræ in reliqua cute candida fit, in cicatrice vero relicta ex vlceribus sponte ortis fit aliquândo subrubra, eo quod sanguis quo pars nutritur, malè ob eius debilitatem mutetur, quæ causa macularum est.

*Vir siue mulier in cuius capite aut barba germinauerit
lepra,*

*Nota le-
pra.*

*Cicatrix
depilis.*

*Cicatrix
rubes.*

lepra, videbit eos sacerdos, & si quidem humelior fuerit locus carne reliqua, & capillus flavus solitoque subtilior, contaminabit eos, quia lepra capitis ac barbæ est. Sin autẽ viderit locum maculæ æqualem vicinæ carni & capillum nigrum, recludet eos septem diebus & die septimo intuebitur. Si non creuerit macula, & capillus sui coloris est, & locus plagæ carni reliquæ æqualis, redetur homo absque loco maculæ, & recludetur aliis septem diebus. Si die septimo visa fuerit stetisse plaga in loco suo, nec humilior carne reliqua, mundabit eum, lotisque vestibus mundus erit. Sin autem post emundationem rursus creuerit macula in cute, non quæret amplius vtrum capillus in colorem flavum sit commutatus, quia apertè immundus est. Porro si steterit macula, & capilli nigri fuerint, noverit hominem sanatum esse, & confidenter eum pronunciet mundum.

Eadem ratio est dignoscendi malignam lepram ab scabie munda in capite & barba, & in aliis corporis partibus: Nimirum quæ humilior est reliqua cute, & capillorum mutat aspectum, & sese effundit ac serpit, maligna est: aut etiam quæ cum videretur esse munda, rursus emergit, redit, & serpit. Quæ contraria prorsus habet, nullatenus est maligna, vt certè de alia etiã lepra dictum est. Illud solum interest, quòd in reliquis partibus, lepra affectæ cum sunt, pili mutantur in albos, in capite & barba in flavos & tenues. Huius causa est, quod capitis lepræ innasci solent achores, & cetera vocata medicis vulgò ac quibusdam etiam Arabum medicorum vocatur tineæ. sunt verò vlcuscula quædam manantia succum quendam liquidiori melli similem: quod apertè indicat tali etiam sanie imbuta esse illis capitis cutē. Merito ergo tales inde capilli nascuntur, tenues inquã & flavi, vt certè è reliquis parti-

*Indicium
maligna
lepra.*

Achores

bus quæ salsa pituita imbutæ sunt nascuntur albi. Causa illius saniei, est bilis flauæ tenuis cum salsa pituita permistio, aut etiã cum portione aliqua atræ bilis. Res est certè experimēto cognita, iis mulieribus præcipuè quæ tinea laborauerint, auro similes capillos oriri.

Vir siue mulier, in cuius cute candor apparuerit, intuebitur eos sacerdos, si deprehenderit subobscurum alborem lucere in cute sciat non esse lepram, sed maculam coloris candidi, & hominem mundum.

*Viteliginis à lepra
differētia.*

Hic statuitur differentia inter maculam simplicem coloris candidi, eam scilicet quam viteliginem albam vocant Latini, & Arabes guadà, & inter lepram, aut deteriorem corporis infectionem, hoc est, prauos lycheias, lepram peculiariter vocatam, & elephantem, qui lepra est deterior, & achoras: nimirum vbi nihil aliud est quàm candor quidam subobscurus, lucens in cute, neque scilicet humilior est plaga reliqua cute, neque pili enascuntur albi, neque tenues & flauī, neque ferpendo crescit, hæc est viteligo & non lepra, & homo mundus est.

Vir de cuius capite capilli fluunt, & caluus & mundus est, & si à fronte ceciderint pili, recaluaſter & mundus est: sin autem in recaluitio, siue in recaluatione, albus vel rufus color fuerit exortus, & hoc sacerdos viderit, haud dubiè eum lepræ condemnabit, quæ orta est in caluitio.

Caluities. Caluities quædam naturalis dispositio est, quædam præternaturam & ex morbo orta. Quæ naturalis est, fit ob siccitatem cutis tegentis synciput. Velut enim ex arida terra, & duris lapidibus nullæ herbæ nascuntur, ita neque ex dura & crustæ simili facta cute nascuntur vlli pili. Et ij ipsi qui inerāt deficiente humore areſcūt, extenuantur secundum radices, & excidunt. Eam verò esse

eſſe cauſam naturalis caluitiei conſtat, ſiquidem contraria cauſa nunquam calueſcunt neque pueri, neque mulieres, neque eunuchi, quibus ſcilicet humiditas temperamenti redundat. Cauſam qua quibuſdam ea *Caluitiei* cutis pars ſicceſcit, Hippocrates ſexto Epidemicôn ſe *non obnoxij* ctione tertiâ, reiicit in cerebrum, quod ſcilicet quibuſdam extenuetur eo loco conſiſtens ſubſtantia cerebri, fiatque minor quam vt tangere poſſit oſſa, & id accidere poſſe iuxta frontem, vbi anguſtior cerebri pars eſt: in aliis capitis partibus non ita. Atque ob id ſecundum ſynciput fieri caluitiem. Certè probabile eſt, quibus exterior anterioris capitis pars ſiccior eſt, eſſe etiam & interiorem ſiccioſiorem, ac proinde contractionem, & oſſa minus attingere, atque ea ruruſum cauſa fieri oſſa, & per ea cutem aridioriorem: non tamen neceſſarium eſt. Mille enim inæqualitates temperamenti, ſecundum exiguas etiam & proximas particulas fieri euenit. Eſt tamen ſemper naturalis caluitiei cauſa, naturalis ſiccitas, & durities cutis ſyncipitis. Ob id, quibus ea pars ſiccior eſt, ſenefcentibus fit caluitium. nimirum ſenefcentibus naturaliter ſubrepat partium ariditas. Quæ verò fit præter naturam, & ex morbo, aliquando quidem vocatur à medicis caluities, velut in aphoriſmo trigefimiquarto libri ſexti, vbi dicitur, *Quibus caluis varices ſunt magnæ, ij ruruſus capillati ſunt.* Ibi enim de præter naturam caluis ſermonem haberi conſtat, vt Galenus docet in commentario, quia caluitium naturale curationem non admittit. Rarò verò vocatur id caluitium, ſed alopecia, aut ophyſis. Alopecia quidem ſi ſecundum ampla loca, *Alopecia.* ophyſis ſi circulatim excidât pili. Fiunt hæc ob vitioſos ſuccos corrumpentes radices capillorū. Atqui in malignitate, aut abundantia eorum ſuccorum magna

differentia est secundum magis aut minus. Est aliquando tanta, tamque maligna ibi cacochymia, ut inter lepræ species annumeretur alopecia, ea verò cacochymia, nulla potius nota significatur, quam maculis in depili parte obortis albis vel ruffis. Eæ enim significat cutis infectionem à falsa pituita, aut à bile ea quæ solet facere achoras, quas in lepris etiam esse diximus. Has ipsas notas cacochymix in alopecia recenset Galenus primo de compositione pharmacorum secundum locos capite primo, quod est de alopecia, caluitie & ophyasi, his verbis. *Quales autem sint corrupti humores, ex colore cutis capitis cognosces: aliquibus mutata albidior apparet aliquibus nigrior, aut palidior.* Duobus ergo modis fieri potest ut homo caluus sit, & immundus, aut quod ipsemet succus prauus qui lepram parit, capilos corruperit, quod in malignis alopeciis euenit, ut videmus nonnullos ex achoribus factos caluos; aut quòd in caluitio, alioqui naturali orta sit lepra. Vtrumuis fiat, significabitur maculis cutis. Quod itaque hoc loco dicitur, est, eum cui à capite excidant capilli, nullò alio accedente vitio, caluum esse hominem, atque si solum excidant à fronte vocari recaluastrum, non tamen ob id immundum esse: si verò in caluitie, aut recaluatione albus vel ruffus color sit exortus, lepræ esse signum, quæ orta sit incaluitio.

Quicumq; ergo maculatus fuerit lepra, & separatus est ad arbitrium sacerdotis, habebit vestimenta dissuta, caput nudum, os veste contectum, contaminatum ac sordidum se clamabit. Omni tempore quo leprosus est ac immundus, solus habitabit extra castra.

Hoc idem reperies præceptum apud Paulum libro quarto capite primo, ubi de victu agit laborantium
ele-

Duob. mo-
dis homo
fit caluus.

elephante, quæ quidem est pessimæ lepræ species, cuius hæc sunt verba: *Quoniam autem in contagiosis est hæc passio non minus quam pestis, habitandum iis est longissime ab vrbibus, in mediterraneis, & frigidis, & parum habitatis locis. Atqui si fieri possit, etiam inde transeundum in loca proxima, & ob se ipsos, & ob alios, qui, ut par est, ibi erunt cum minori malo. Nā & ipsi conuenientiōri fruuntur aere, & non communicabunt aliis malum.* Hæc Paulus. Quibus præcipit, ut qui immundi sunt ab vrbibus in vicos, seu villas quæ loca sunt minus frequentia habitatoribus recedant. Atque adeo si fieri possit, etiam inde abeant in proximos agros, idque faciant, sui & eorum quos eis est necessarium adesse gratia. Nimirum morbus est contagiosus non minus quàm pestis. In locis verò hominibus vacuis, & frigidioribus, vbi limpidiores perflant venti, ipsi fruuntur meliori aëre, & malum iis qui illis necessario adsunt (non enim possunt ab omnibus destituti viuere) minus communicant. Hoc eodem consilio in pestilenti tempestate, homines primum recedunt, à frequentissimis vrbibus, deinde etiam per apertos campos vagantur, seorsum alij ab aliis. Huc etiam spectant quæ Moses hoc loco præcipit. Nimirum, quædam horum oportet leprosos agere sui gratia, quædam aliorum, quædam vtrorunque. Sui quidem gratia habere vestes dissutas, & nuda rasæque capita, ut expirarent puti dī vapores: gratia verò aliorum, habere os contectum veste; & clamare se contaminatum, & sordidum. quia nullo modo magis potest hominem inficere homo immundus, quam expiratione quæ per hos agitur. Admoniti ergo clamoribus, alij non accedent, si qui verò accedent, tecto ore minus inficientur: vtrorumque verò gratia, habitare extra castra.

*Vestendi
& viuendi
ratio.*

Vestis lancea siue linea, quæ lepram habuerit in stamine, atque sub tegmine, aut certè pellis, vel quidquid ex pelle confectum est, si sit alba vel ruffa macula fuerit infecta, lepra reputabitur, ostendèturque sacerdoti. Qui consideratam recludet septem diebus, & die septimo rursus aspiciens, si deprehenderit creuisse, lepra perseverans est. pollutum iudicabit vestimentum, & omne in quo fuerit inuenta & idcirco comburetur flammis. Quod si eam viderit non creuisse, præcipiet, & lauabunt id in quo lepra est, recludetque illud septem diebus aliis, & cum viderit faciem quidem pristinam non reuersam, nec tamen creuisse lepram, immundum iudicabit, & igne combure. eo quòd infusa sit in superficie vestimenti, vel per totum lepra. Sin autem obscurior fuerit locus lepræ postquam vestis est lota, abrumpet eum, & à solido diuidet. quod si ultra apparuerit in his locis, quæ prius immaculata erant lepra volutilis & vaga, debet igne comburi. si cessauerit, lauabit aqua ea quæ pura sunt secunda, & munda, erunt

Si verè dictum est à Paulo, lepram, in morbis contagiosis esse non minus quàm pestem, siquidem videmus pestis seminaria, vestibus, domibus & cubilibus, & etiam supelectilibus quibuscunque hære confueuisse (per hæc enim omnia accidit fieri infectionem) constat & lepram posse, & vesti herere & domui, esseque posse, & domum, & vestem, vt pestilentem, ita & leprosam. Verum domum aliquā duobus modis euenit esse pestilentem. Aut enim ipsa ex se separata est ad gignendum eum morbum, læditque incolas, velut domus male perflabiles, & quæ similes sūt suffocatis tuguriis: aut ipsa quidē domus, ab aliquo, aut aliquibus incolarū qui laborauerint peste vitata est, & postea ipsa alios qui in ipsā succedāt, lædit, Itaque aut domus per se est

se est salubris, aut quòd inquinamēta, seu seminaria cōtagionis receperit. An & leprosam vestem & domum fieri euenit duobus his modis, an altero, & quo eorū oportet inuestigare. Non enim aliunde rectius videmur posse ad præscriptæ orationis enarrationem procedere. Eius verò disquisitionis hoc est principium. Morbi contagiosi sunt, quos qui habent aliis communicant: constat verò eam morbi communicationem non posse fieri sine contactu, vt neq; vllam omnino naturalem passionem: contactus verò esse potest sine medio; aut medium aliqua alteratione transmittente. Contactus sine medio, partium solum externarum, & quæ ad cutem pertinent esse potest. Alteratio non potest transmitti per medium, quæ vim generandi similem morbum habeat, quim ex corpore malè affecto substantia aliqua in corpus inficiendum deferatur. Nam si medium tantum aut caleseat, aut refrigeretur, siccetur, aut humectetur, aut aliam quampiam qualitatem nudam, ac sine substantia suscipiat, alterabitur similiter proximum corpus, non tamen proinde suscipiet morbum corporis longè positi. Hanc ob causam Galenus, non solum cum homo ab homine læditur, sed & cum prouincia, à prouincia dicit id fieri delatis pestilentiaë feminibus per aërem, hoc est malignè putrescentibus vaporibus, seu corpusculis. Itaq; cum contagione inficitur corpus quodpiam non proximum, necesse est à corpore in corpus putidum aliquid deferri: id verò potest transmitti, aut per respirationem, altero inspirante quod expirauerit alter, aut per insensilem illam euaporationem, quæ ex toto corporis habitu plus minus ve semper fit. Hinc sequitur, morbos omnes qui ad cutem pertinet, aut ad respirationis instrumenta, si cum aliqua maligna succorum quali-

Morbi cōtagio. cō tactu aliis communicantur.

tate & putrescentia sint, esse contagiosos, quia cutis
 contactu proximo, & insensibili euaporatione instrumē
Morbi ta respirationis, respiratione facile inficiunt. Ob hæc
contagiosi. contagiosa esse oportet omnia scabiei & leprę genera,
 & exanthemata omnia malignitatis aliquid habentia,
 vt morbillos, & variolas, atque phtylin, sed & peri-
 neumoniam, & pleuritidem, ac grauedinem quoque
 nonnunquam: cum scilicet, cum maligna aliqua mate-
 riæ qualitate consistunt. Sunt etiam contagiosi alii,
 qui etsi neque ad cutem, neque ad instrumenta respi-
 rationis spectent, tamen ob malignam succorum intra
 corpus putrescentium qualitatem, faciunt malignos
 vapores & expirari, & exhalari per corpus. Huiusmo-
 di est febris pestilens, & morbus vocatus Gallicus per
 quem aliquando nullum in cute vitium est. Itaq; con-
 tagio omnis respiratione aut exhalatione fit. Id verò
 nonnunquam euenit, vaporibus qui expirantur aut
 exhalant, mox occurrentibus homini alteri, aut rei al-
 teri, in qua asseruantur. Atque ita quidam homines
 inficiuntur ab hominibus, quidam à rebus aliis quæ
 ab hominibus inquinatæ sunt, velut à veste, à cubili, à
 domo à sede, à poculo, poculum quidem, & domus,
Vestium & sedes, non adeo solent lædere atque vestis, quapro-
infectio. pter eis uti non est adeo periculosum: veste vero peri-
 culosissimum, cum in aliis, tum vel maxime in vitiis
 cutis. Nam vestis excipit sudorem, & inuisibilem ex-
 pirationem ferè totam, ac per eam effunditur in am-
 bientem aërem, per quem & cubili occurrit, & sedi, &
 parietibus domus; vestis verò non solum recipit hæc,
 sed etiam aliquando in cutis vitiis, inquinatur sanie &
 sordibus. Fieri ergo hoc pacto vestem lepra infectam
 facile est, nimirum si putridam sanie eluerit à lepro-
 so, quam alteri affricando, similem infectionem gene-
 ret.

ret. Hoc idem videtur posse accidere domui, quanquā tenuius, quā vestī. Atqui vestis inquinata, non solū seruabit inquinamenta, sed etiam putrescet, eodem modo quo leprosi hominis cutis, nimirum putrescere potest vt & cutis, & putrescentia nō dissimili. Quapropter præter rationem non est, maculas in vestibus similes fieri, & crescere putredine serpente, vt crescit etiam in eis tineæ, vbi situ obsitæ sunt, & non ventilantur. si verò indicatū est, posse vestē ita putrescere mutuo putrescēdi principio ab hominis cute; itaq; vestē & cutē posse putrescere eodem modo, quid prohibet quominus & ab eadem causa possint affectionis principium recipere, si modo est aliqua causa quæ vtrique possit adiuuari? certē esus leguminum, aut aliarum rerum prauī succi, parere potest elephantem aut lepram in cute, non tamen in veste, nisi per cutem in Epidemialibus verò cōstitutionibus, per quas morbi aliqui tales populariter grassantur, & efficiēs morbum causa est aëris intemperies, cur non possit vestis putrescentiam accipere ab aëre ipso, quam accipere posse diximus à cute? Tametsi enim res adeo diuersas, differre naturis ac temperamentis opus sit, atque ita passiones earum ab eadem causa non sint omnino similes: tamen ob communem naturam, qua sunt omnia, & animata, & inanimata putredini obnoxia, possint accipere putrescentias non omnino dissimiles, sed analogas. Neque vero nouum est in tēpestatibus insalubribus, & magnis aëris intemperiebus, inanimata etiam corpora multifariā putrescere, & ex multiplici rerum putrescentia imminentis pestis accipi significationem, & ex aquarum fœtore, vestium tineæ, vinorum acescentia & animalculorum quæ putredine generantur magno prouentu: vestes verò & ligna, atque

*Legumi-
nū nō nōca.*

Aster. adeo & parietes, aëris alterationes sentire res est no-
Aquilo. tissima. Nam flante Austro hæc omnia putrescunt,
 Aquilone à putredine liberatur: adeo hæc est res ma-
 nifesta, ut mulieres ad flantem Aquilonem soleant ve-
 stes suspensas distendere, ut seruentur incorruptæ. I-
 taque haud est rationi aduersum in vestibus, domus
 lignis, aut lapidibus, putrescentiam aliquam analogâ
 hominum lepræ generari: præcipue per magnas am-
 bientis aëris intemperies, & morbosas cōstitutiones.
 Atqui ita affecta seu vestis, seu domus, noxia erit ho-
 minibus, & passionem eam afferet vtentibus, quæ e-
 ius infectioni est analogâ. Atque ita possit esse vestis
 aliqua leprosa, etsi ea nullus antea leprosa usus sit,
 atque sit domus aliqua non solum insalubris, sed &
 hunc aut illum morbum nata parere, ut leprosa do-
 mus, quæ incolas afficiat lepra, sūntque ut morbi qui
Morbi pa- dam proprii quibusdam opidis, quos vocent Medici
try. patrios, ita & proprii quibusdam domibus, quos licet
 appellare domesticos. Quare ubi in domo qua-
 piam morbi frequentes fiunt, seu idem morbi ge-
 nus repetit, aut apprehendit plures, consultum sit do-
 mum mutare, ut vrbibus etiam exeunt, qui in eis de-
 gunt insalubriter. Quod verò ad vestes attinet, nihil
 certè melius neque potius ad omnia cutis vitia, quam
 vti mundissimis, nouis, aut lotis crebro: usque adeo ut
 sola mundities soleat esse satis ad curationem: ut con-
 tra qui sordidis, & putrescentibus iam vestibus vtun-
 tur, rarò sunt liberi ab scabie, & pediculis, & immun-
 ditiis eiusmodi, etiam si nullus vnquam scabiosus eis-
 dem vestibus sit. Nimirum potest ut vestis à cute, ita
Mundi- & cutis à veste infectionem recipere, & vtrunque se-
cies vs. orsum putrescere, & ambo sordida cum sunt, com-
 putrefaciunt sese inuicem. Vitare ergo oportet vestes
 putres-

putrescentes, sordidas atque maculatas. Possunt enim ^{Vestium} vestes putrescere, & variis quidem putrescendi mo- ^{putredo.} dis, vt varia vitia, nostrę cutis vitiis analogă, in eis oriri possint. Hinc fit, vt rationi etiam consonum sit, fieri in veste siue lanea, siue linea, siue pellicea lepram, & habere easdem notas, quas in hominis eute, maculam scilicet albam, vel ruffam, non ortas scilicet, ob liquores aliquos qui infusi sint, velut lac, aut ius, aut oleum, sed sponte & sine causa manifesta, & crescere eodem modo, ac cetera habere, vt cutem; & similem esse rationem dignoscendi. Nam pręter dictas, est in lancis aut pellicis quędam peculiaris causa ob morbos animalium, ex quibus lana, aut pelles detractę sunt. Nam ^{Pediculorum generatio.} scitum est illud, vestes ex lana morticinorum pediculos facere, ita vero & morbidorum alias infectiones. Qui verò alias fœlicitates aut infœlicitates in domibus aut vestibus ponunt, & aspectus astrorum causantur quibus sunt factę, nugantur haud dubiè: dictę verò sunt naturales causę.

CAPVT VIGESIMVM.

QCVTVS est Dominus ad Moysen & Aaron, dicens, Cum ingressi fueritis terram Chanaam, quam ego dabo vobis in possessionem, si fuerit plaga leprę in adibus, ibit cuius est domus nunciatus sacerdoti, & dicet, quasi plaga leprę videtur mihi esse in domo mea. At ille pręcipiet vt efferantur vniuersa de domo, priusquam ingrediatur eam, & videat vtrum leprosa sit, ne immunda fiant omnia quę in domo sunt. intrabitque postea, vt consideret lepram domus, & cum viderit in parietatibus ipsius, quasi valliculas pallore siue rubore deformes, & humiliores superfi-

cie reliqua, egredietur ostium domus, & statim claudet illam septem diebus, reuersusque die septimo considerabit eam: si inuenerit creuisse lepram, iubebit erui lapides in quibus lepra est, & proiici eos extra ciuitatem in locum immundum: domum autem ipsam radi intrinsecus per circuitum, & spargi puluerem rasuræ extra urbem in locum immundum, lapidesque alios apponi pro his qui ablati fuerint, & luto alio liniri domum. Sin autem postquam eruti sunt lapides, & puluis elatus, & alia terra illata, ingressus sacerdos uiderit reuersam & lepram, parietes respersos maculis, lepra est perseuerans, & immunda domus: quam statim destruent, & lapides eius ac ligna, atque uniuersum puluerem proicient extra opidum in locum immundum. quod si introiens sacerdos uiderit lepram non creuisse in domo, postquam denuò lita fuerit, purificabit eam reddita sanitate.

Disputatum paulò antea est de lepra quæ vesti, & domui, & rebus aliis inanimatis accidere potest, indicatumque non esse id à physica ratione alienum: sed nunc quoque aliquid, ut res intelligatur melius, addetur. Constat res omnes corruptioni obnoxias, communè habere naturam cum animatis (atque adeo cum hominibus) & communem rationem patiendi. Nimirum constat eisdem elementis, iisque contrariis: quamquam præter communem, habeat unumquodque suam naturam, & præter elementa prima, habent animalia sanguine prædita alia elementa minus multis communia, & posteriora, puta quatuor succos: sanguineum dico, pituitum, bilem, & melancholicum. & singulæ animalium partes, præter naturam communem, qua communicant inter se, & cum rebus omnibus corruptibilibus, habent suam quæuis, qua & ab aliis partibus differt, & à rebus inanitiis. hæc natura est in proprio cuiusque tempe-

temperamento, & compositione. Atque, vt agere potest res animata & quæcunque eius pars, quædam quæ viuens: vt sentit, & mouetur libere animal, cor pulsat, ventriculus coquit, quæ animalis pars: quædā, quæ res quædam est, vt alia quæuis, velut cadit ab alto præcipitatus homo, non minus quàm lapis, aut lignum: & manus aut pes hominis refrigerat, aut calefacit rem aliam cui admouetur, nō certè quæ hominis pars, sed vt fomentum: ita pati etiam euenit animal, aut quæcunque eius partem, quædam quæ animal est, aut animantis pars, quædam quæ res quædam, vt alia quæcunque corruptibilis. Nam delirat homo quæ rationalis, couellitur aut resoluitur quæ motiuus: fastidit cibos quæ sensitiuū quoddam animal: utitur verò igne, mædescit aqua, duratur frigore, vt & lignum, & coriū, & lutum seu testa. Cum igitur passionēs quædam accidunt animantibus non quæ animantia sunt, cōstat eas omnes pati posse etiam res alias quæ animantes non sunt. Febrem ergo non patietur domus, neque vestis, neque cubile, neque mensa, neque sedes, quia cordis passio est, ea verò cor non habent. quare neque linquentur animo, neque patientur syncopem, neq; sanè laborabunt phrenitide, neque lethargo, quia neque mentem habent, neque dormire possunt: neque tenebuntur fame, aut fastidio, cum sensum non habeant alimenti. neque pleuritide aut nephritide tentabuntur, cum neque latus habeant, neque renes: neque omnino laborabunt phlegmone quæ sanguine carent, quia phlegmon à sanguine fit: at verò scindi, perforari, vri, ac putrescere, non minus potest pellis, panus, linteus, lignum, lapis, & res quæuis eiusmodi, quam hominis os, caro, & cutis. Cum ergo scabiei, & lepræ, & macularum genera omnia, quæ, (vt nuper ex me-

*Actio-
nes & pas-
siones mo-
tus.*

Febria.

Phlegmō.

dicorum veterum sententia diximus) non tam sunt morbi quam deformitates, seu putrescentiæ quædam cutis, seu putrescendi modi, non est quod non possint in rebus etiam inanimatis apparere, præcipue vbi à causa aliqua communi gignuntur, & populariter grassantur. aer enim, qui solus communis populariū morborum potest esse causa, vt in initio conimētariorum primi Epidemicōn Hippocratis indicauī, tangit vndique atque circumstat inanima æquē atque animata. Non sanē erit omnino eadem affectio ab aëre, animatorum & inanimatorum: quia non erit idem vtrorunque apparatus: sed neque ipsa animata patiuntur eodem modo: Differentia enim nonnulla erit lepræ hominis, bouis, ouis, & suis: nimirum hæc omnia facit euariare (etiam cum efficiens causa eadem est) diuersus rerum apparatus. Erunt tamen eę earum omnium rerum affectiones, analogæ & propinquæ, adeo vt animatorum diuersæ naturæ, & inanimatorum cum animatis possit esse contagium. Meritò ergo passionum propin quarum similes sint dignotiones, & curationes quo respiciens Moses eandem adhibere curam, & rationem dignoscendi iussit, siue lepra sit humanæ cutis, siue vestis, siue parietum domus: nimirum id vitium non viuentium solum est, quia non tam morbus quam putrescentia quædam est. Et ægrotare quidem sola viuentia possunt, putrescere vero omnia præter ignem, vt docuit Aristoteles. Hactenus de lepra.

*Ignis im-
putribilis.*

CAPVT VIGESIMVM PRIMVM.



EVITICI vigesimo quinto capite. Numerabis quoq; tibi septē hebdomadas annorum, id est septies septem, quæ simul faciunt annos quadraginta nouem, & clāges buccina mense septimo, decima diē mē-

sis, pro-

sis, propitiationis tempore, in vniuersa terra vestra. Sanctificabisque annum quinquagesimum, & vocabis remissionem cunctis habitatoribus terræ tuæ. ipse est enim Iubileus,

Cum vellet Deus seculorum ordine decurrentium fines quosdam statuere, vt diuenditæ possessiones ad priores dominos deuoluerentur, redirentque alia post alia secula, per quinquagenos annos computationem eorum fieri voluit, quia quinquagesimus continet, & finit septem septenarios annorum, qui sunt quadraginta nouem, *Iubilei cōsideratio.* Qua in lege magnæ naturæ ratio habita esse videtur. Nam cum mundus totus nullas naturales habeat ætates, siquidem neque interitum habet naturalem: habet tamen res omnes in mundo quasdam vicissitudines & mutationes, secundū quas mūdus ipse ætates habere dicitur. Hæ ætates partim sūt fatales partim legales. *Mundi ætates.* fatales sunt mutationes quædam contingentes articulis, & momentis à Deo destinatis, completo scilicet eo annorum numero quem Deus Optimus Maximus apud se habebat, velut regna, & imperia diuersarum gentium, & vicissitudines imperandi & seruiendi, inceperunt ac desierunt certis quibusdam annis. quorum numerus ab æterno erat apud Deum, dispensante omnia eius prouidentia. Legales velut hæ repetitiones rerum omnium diuenditarum, quas per quinquagenarios annos fieri semper, lege sancitum erat. Mirum verò quòd & in numerandis fatalibus mutationibus, & in cōdendis legibus ad annorū curricula pertinētibus, videtur in sacris literis (in quibus nihil non est perfectum & concinnum) semper habita ratio septenarij numeri. *Septenarij ratio in vita.* Nimirum septimanis dierum redeuntibus tota vita, & secula omnia, ac totus mundi decursus constat: & heb-

Hebdomadarum principium.

Clymaterici dies.

domadibus annorum redire voluit Deus & terræ sabbata, & hebdomadarum hebdomadibus, annos I ubilei: hæc verò omnia sunt legalia. Sed & fatale tempus aduentus Domini nostri I E S V S C H R I S T I, à tēpore quo Cyrus edicto iussit reedificari templum, aut quo Isaias reedificandum prophetavit, numeratum est per hebdomadas annorum, Danielis nono. Atqui hæc fatalia & legalia, respondent etiam naturalibus. Nam vt mundus totus septem diebus consistit, ita homo septem diebus formatur, & vsque ad septem dies sine refectione durat, & ætates hominum per septennia recipiunt mutationes, & tota hominum vita septenniis numeratur. Vnde solenne fuit antiquissimis Philosophis clymatericos, seu scalares annos vocare quosdā, quibus frequentius quam aliis mori homines soleant: ij verò sunt qui septenniis clauduntur: in quibus præcipuè quadragesimus nonus, & sexagesimus tertius quod primus constet septem septenniis, secundus novem septenniis. Vocabant veteres (tetigit hoc Plinius libro septimo capite 49. atque nos quoque antea super sexto capitulo Geneseos diximus) hos annos scalares, quod vita hominis, velut per scalæ cuiusdā gradus ascenderet: gradus verò essent ipsa septēnia, & singulis gradibus, in ipsis insignibus vitæ mutationibus: contingeret multos decedere, velut in mortem præcipitatos; novis illis articulis vitæ occurrētib; morbis, præcipuè verò ex septimo & nono gradibus. Ac proinde celeberrimi clymatericorum esse dicuntur quadragesimus nonus, & sexagesimus tertius: & experimento dicitur cognitum, his tēporibus plurimorū hominū vitas concludi. Quare consonum naturæ etiam fuit, hunc eundem finem seculi vnus statui, & numeratis quadraginta novem, quasi iam finito vno seculo,

res nouas redire, & diuendita restitui suis familiis. Cly-
 materici etiam numeri videtur obseruata lex in Da-
 nielis Prophetia, ita enim dicitur. Post hebdomadas
 sexaginta duas (puta sexagesima tertia hebdomada) oc-
 cidetur CHRISTVS. Magna profectò pulchritudo &
 perfectio est in numeris, atque Deus vt fecit omnia in
 pondere & mensura, ita & gubernat, quod capite vn-
 decimo Sapientiæ dicitur, quo in loco (si Deus con-
 cesserit), plura de hac re, & de philosophia Pythagori-
 corum disputabuntur.

CAPVT VIGESIMVM SECVNDVM.

” **C**APITE vigesimo septimo numero-
 ” rum. *Provideat Dominus Deus spirituum*
 ” *omnis carnis hominem, qui sit super mul-*
 ” *titudinem hanc.*

” Philosophi omnes qui pa singinesiam
 ” asserbant, censentes animantium omnium esse com-
 ” munes animas (in quibus fuere Pythagorici, atque vt
 ” ego censeo, Platonici, & vt ab Auicenna libello qui
 ” Arabicè inscribitur Almahat, accepimus, nunc quo-
 ” que sunt omnes Mahometani) locum hunc in suam
 ” sectam traherent, affirmantes esse spiritus communes
 ” omnis carnis, hoc est animalium omnium, atque omnibus
 ” esse spiritus, hoc est spiritales quasdam animas, separabi-
 ” les, & valentes inde migrare, siquidẽ Deus esse dicitur
 ” spirituum omnis carnis. carnem enim vocari in sacris
 ” eloquiis, non humanam solum, sed belluinam etiam
 ” constat: siquidem capite nono Geneseos dicitur. *Om-*
 ” *ne quod mouetur & viuit erit vobis in cibum, quasi o-*
 ” *lera virentia tradidit vobis omnia, excepto quod carnem*
 ” *cum sanguine non comedetis.* Ibi carnis nomine caro

Spiritua-
lium conside-
ratio.

animalium, quæ homini in cibos data sunt intelligitur. videtur ergo hîc quoque affirmari, omnium carne præditorum animantium esse communes spiritus, aut saltem si non communes, singulis generibus eorum suos, omnibus tamen spiritus aliquos, seu spiritales animas quibus viuant. verum hæc omnia falsa sunt, & absurda. Animas enim quæ simul & actus corporis, & spiritus quidam separabiles sunt, soli habent homines: reliquorum animæ nihil sunt aliud, quàm actus corporum sanguine viuentium. Hoc autem loco, Omnis carnis, nihil aliud est, quàm si diceretur, omnium hominum, vt apud Isaiam, Et sciet omnis caro, quia Ego Dominus saluans te: & rursus, Videbit omnis caro salutare Dei nostri. & in Psalmo Ad te omnis caro veniet. Neque alicubi videtur, omnis caro, significare aliud, quam omnes homines. Nomen verò spiritus in sacris literis sæpissimè significat spiritualia animæ dona, velut capite vndecimo libri Numerorum dicebatur, Descenditque Dominus per nubem, & locutus est ad eum, auferens de spiritu qui erat in Moyse, & dans septuaginta viris. non enim abstulit à Moyse partē animæ, sed transtulit ad eos spiritū Prophetiæ. Hoc etiam significat, dicitur spiritus sapientiæ, intellectus, & timoris Domini. Hoc etiam modo petebat Eliseus dari sibi spiritum Eliæ, non enim animam. Dicitur ergo, vt ego existimo, Deus spirituum omnis carnis, quia distribuit omnibus hominibus spiritualia dona, vt vult. nugacissima verò palyngenesia, nullū hinc accipere potest adminiculum.

*Differen-
tia anima
hominis
& brutioris.*

*Spiritus
pro dono.*

CAPVT VIGESIMVM TERRIVM.

” **C**APITE quarto Deuteronomij, Ne
 ” forte decepti facietis vobis sculptam simili-
 ” tudinem, aut imaginem masculi vel fœmi-
 ” nae, similitudinem omnium iumentorum
 ” quæ sunt super terram, vel auium sub cœ-
 ” li, volantium, atque reptilium quæ mouentur in terra, si-
 ” ue piscium qui sub terra morantur in aquis.

Eadem verba scripta sunt capite vigesimo Exo-
 di. Euenit dubitare, cur pisces dicantur esse sub ter- *Pisces an*
 ra, si sunt in aquis, cum aqua iuxta Philosophorum *sub terra,*
 sententiam, vt est tenuior ac leuior, ita & superior
 quàm terra. Certè si aqua super terram sita esset,
 inundaret totam terram, effluens & quærens par-
 tium suarum æqualitatem: sin autem terra supra a-
 quam locata esset, rueret, & ita sub aqua sese merge-
 ret (nam quo pacto terræ pondus supra aquam sub-
 stentaretur?) atque terra non posset aqua irrigari,
 quod ad generationes rerum est apprimè necessa-
 rium. Nulla ergo alia ratione potuerunt terra & aqua
 ad sese mutuo aptari, vt generationi subseruirent,
 quam ex ambabus sese mutuo secundum magna spa-
 tia penetrantibus, vnico conflato globo, & eadem v- *Terra glo-*
 triusque existente rotunda superficie, ita vt neutra sub *bis:*
 sit neque superstet, & vtraque contineat & continea-
 tur. Ita enim neque terram in aquam ruere, neq; aqua
 terram euenit inundare: sed irrigare solùm, & fœcun-
 dare: partimq; patet Soli aqua, vt copiosus inde eleue-
 tur vapor, densatus postea in aquam descensurus: par-
 tim terra, generationi spirantium animalium, & vitæ i-
 donea. si verò hoc ita habet, vncusque globus constat

terra & aqua, vt vel vmbra indicat in eclypsibus lunæ, & eadem est terræ & aquæ superficies, constat, quæcūque intra aquam degunt, esse sub terra: quæ repentina adhærent terræ, esse in terra: quæ vero cruribus hærentia per terram gradiuntur, esse super terram. pisces igitur morantur sub terra. cum præcipuè sub ipsa aqua, intra terræ cauernas se recondant.

CAPVT VIGESIMVMQVARTVM.



APITE vigesimotertio Deuteronomij. *Non intrabit eunuchus attritis vel amputatis testiculis, & abscisso veretro, in Ecclesiam Domini.*

Eunuchi. Antiquitus utebantur Principes eunuchis ad custodiam mulierum, vnde & nomen illis datum est, *ευνούχος*, enim Græcis est idem, quod Latinis cubilium custodia, seu custos. Hanc ob causam multi proprios filios tenellos adhuc, eunuchos faciebant, quo scilicet seruirent principibus. Paulus libro sexto docet modum faciendi, quem Græci vocabant Eunuchismum. *Erant verò faciendi multi modi. Quidam enim fiebant excisione testium, quidam veretri etiam cum testibus, qui mingeabant fistula aenea, vt nunc quoque quibus ob morbum ea pars est secta, quidam fiebant testiculorum attritione. ea verò erat. Puello in balneo demisso, paulatim testiculos atterere, vsque dum velut dissipati euanescerent. atque contorquere, vt vena quæ alimentum illis desert, velut nodo interciperetur, atque ita illi tabescerent. Itaque erant eunuchi testibus excisis solis, aut etiam cum veretro. Et contritis, qui propterea vocabantur*
Thlibæ. *tur Thlibæ.* Hoc dicit Paulus, præstare exsectos contritis, quòd hi appetere venerem non desinant. Hos omnes

mnēs prohibebat Moſes Eccleſiam ingredi, quaſi mutilatos, & imperfectos homines. Alij ab his ſunt, qui vocantur ſpadones. hi enim nullius partis patiuntur mutilationem, ſed naturale quoddam vitium: quod *Spado.* qui habent, congregari poſſunt, & erigunt, & inſtigantur ad venerem: ob flexuram verò, aut coniuentiam viæ, non poſſunt emittere, atque ideo neque generare.

CAPVT VIGESIMVMQVINTVM.



VIGESIMO ſecundo Deuteronomij. Si duxerit vir vxorem, & poſtea odio habuerit eam, quaſieritque occaſiones quibus dimittat eam, obiiiciens ei nomen peſſimum, & dixerit, vxorem hanc accepi, & ingreſſus ad eam non inueni virginem: tollent eam pater & mater eius, & ferenſe cum ſigna virginitatis eius ad ſeniores vrbiſ qui in porta ſunt, & dicet pater, filiam meam dedi huic vxorem, quam quia odit, imponit ei nomen peſſimum, vt dicat, non inueni filiam tuam virginem, & ecce hæc ſunt ſigna virginitatis filię meæ. expandet veſtimentum coram ſenioribus ciuitatis.

Ex his verbis conſtat, apud Hebræos fuiſſe in more poſitum, vt mulieres viris deſponſatæ, abſtinerent ab eorum congreſſu, uſque dum ab eis ducerentur, tuncque ſubſtrato linteo coirent, quo virginitatis ſignum, hoc eſt virginis corruptione profluens ſanguis, in illo colligeretur: atque id linteum daretur puellæ parentibus, quod illi acceptum (non arbitror ſine multis teſtibus) aſſeruarent, vt virginitatis filię, uſque in nuptialem diem aſſeruatae teſtimonium. Sed euenit hoc loco dubitare, quid interſit inter virginem & corruptam: quæ ſint illa clauſtra virginitatis, quorum di-

*De virginitate mul-
ta.*

*Virginis
exploranda
ratio.*

laceratione sanguis effluat. si enim nulla sunt, haudquaquam videtur necessarium, ut corrumpenda virgine sanguis effluat: sin autem necessarium non est, fallax & periculosa erat ea ratio diiudicandi, qua explicato vestimento, seu linteo, in quo primum coierant, uti iuebant senes. Certè ut cuius dissectionis perito constare potest (quamquam sunt quidam dissectiones, qui esse in ore vteri virginibus membranam quandam annuli forma affirmant) nulla pars est in vteriore, aut ceruice, quæ virginitatis custodia sit, & in corruptione pereat, sed angustia tanta, & symphysis, seu coalescentia labiorum tanta, ut sine dilaceratione partium quæ symphysi coierant, admittere virile membrum non possit: Quare necesse est sanguis effluat. Atqui tanta coalescentia earum partium, ut sine dilaceratione id non admittat, naturalis est: Multis verò per morbos, aut vitiosam naturam tanta est obturatio, ut corrumpi facile non possint, aut si corrumpantur quatenus possint concipere, non tamen deinde dehiscant adeo eis vteri ut possint parere, nisi aperiuntur ab obstetrice. Nonnullæ adeo magnam adstrictionem eius partis habent, ut vel menstruæ expurgationi impedimento sit. Obturantur verò seu clauduntur vteri ora, vel symphysis (ut dictum est) magna, vel oborta ibi re aliqua præter naturam, ut caruncula, aut membrana.

*Virginis
aperiendæ
ratio.*

*Nympha
virginæ.
Sarcosis
uteri.*

Adnasci enim solent multa ori vteri, quæ excisione indigent, ut vocata Nympha, & vocata Sarcosis, caro scilicet inde prominens, in modum caudæ: & thimi: & condylomata, Horum excisiones, & clausas aperiendirationem, docet Paulus libro sexto: horum verò nunc meminimus, ut diceremus, conclusiones has omnes quæ re aliqua ibi orta, siue carne, siue membrana, quæ adeo dura quibusdam mulieribus ibi est, ut sit quasi quæ

si quædam cartilago, siue tubercula, vitia esse naturæ, siue morbos: virginitatem verò, in naturali quadam, & satis superabili partium adstriktione, & symphisi, seu coalescentia esse, ob eamque corrumpenda virgine, sanguinem necessario effluere. Hinc fit, vt esse possint, sintque re vera medicamenta ad ementendam virginitatem. quæ adstringunt scilicet, & corrugant partem nouę nuptæ. Ergo vbi primum cum viro coisset, non erat præter naturam lintea contemplari, atque vbi sanguine essent infecta, velut virginitatis indicia asseruare. Vt enim nihil haberent sanguinis, duorum alterum esse in causa poterat, vel quòd mulier corrupta ad thalamum accessisset, vel quòd ob vteri nimiam clausuram, aut etiam ob viri frigiditatem corrumpi non potuerit, Tuncque huius rei periculum esset faciendum, ostentata muliere obstetricibus, & chyrurgis, vt constaret, an tunc quidem, an antea fuisset corrupta. Hæc ita habere facile intelliges, si perlegeris libellum Galeni de dissectione vuluæ, ac multo magis dissectionem vaginalis vteri faciens.

CAPVT VIGESIMVMSEXTVM.

” **C**APITE trigesimo Deuteronomij. *Si ad cardines cæli fueris dissipatus, inde te retrahet Dominus Deus tuus, & assumet.*

” His verbis nihil aliud significatur quam
 ” si diceret, si ad extremas terræ regiones, quæ sub po- *De mudi*
 lis Arctico, & Antartico sitæ sunt relegeris, inde te in *polis.*
 tuam patriam reuocabo. Sunt enim duo mundi poli,
 puncta cæli quiescentia, in quibus, & circa quæ, ve-
 lut cardinibus quibusdam voluitur cælum totum.

Constat homines dissipatos, non mitti in cœlum, neque in ipsos polos cœli, sed cardinum cœli, seu polorū nomine, significari regiones sub illis sitas. Hæc verba antiquitas omnis putaret dicta per hyperbolem: quandoquidem tota sibi persuaserat, è quinque orbis regionibus, quarum duæ extremæ sub polis essent, circulis arctico, & antarctico, finitæ, alia media inter tropicum Cancrī & Capricorni, aliæ duæ mediocres, hæc scilicet quam incolimus inter tropicum cancrī & circulum arcticum, & alia ei respondens inter tropicum capricorni & circulum antarcticum: duas tantum has mediocres, esse hominum habitationi idoneas: tres alias inhabitabiles, mediam æstu, extremas frigore. His addebant Christiani, ne eam quidem quæ nostræ regioni respondet, vltra Capricornum, sita habitari. cum enim ab vno Adamo omnes homines fluxerint, si per mediam illam regionem, quæ sub Zodiaco est inter tropicos penetrare nullo modo possent, fieri non posset vt vltra & citra illam homines essent, sed ea tantum mundi in parte in qua Adamus creatus esset. Hanc ob causam Diuus Augustinus putauit, omnino nullos esse antipodas. si igitur quinque mundi partium, aut vnica, aut duæ tantum hominibus essent habitabiles, nulli possent habitare sub polis, quare neque ad cardines cœli relegari, neque reuocari inde. Quapropter antiquitas verba hæc, *Si ad cardines cœli fueris dissipatus, inde reducam te*, non aliter acciperet dicta, ac illa, *Si ascendero in cœlum illic es, si descendero in infernum ades*. non scilicet quod possint homines traicere ad cœli cardines, magis quam in ipsum cœlum ascendere, sed per hypothesim impossibilem, vt ita significaretur, quam esset Deus paratus populum suum reuocare: quod scilicet vel ex mundi cardinibus esset reuocaturus, si eò posset

Quinque
orbis regio-
nes.

Antipo-
da.

posset dissipatus mitti. Tempus verò rerum omnium magistrum, euidenter indicauit illum antiquitatis errorem, neque vllam mundi partem cæli causa inhabitabilem esse, sed omnia coli, vltra, citra, & inter tropicos, ac citra circulos arcticum & antarcticum: neque hominum dispersionem intra tam angustos fines stetitisse, sed in vniuersum terræ orbem esse factam: atque quamquam alij aliorū ob magna locorū dissidia sint oblitī, tamen Dei prouidentiam, eos, more eius qui seminat, hāc & illāc, quoquo versus diffudisse, ita vt nulla pars hominibus alendis idonea, sine Adami semine relinqueretur. Hanc disseminationem, nulla neq; memoria hominum, neque historia cognita, nobis in hoc seculo, velut digito indicauit, secundi Adami, hoc est, IESV Domini nostri feminis, hoc est, verbi Dei disseminatio. Iam enim Christicolę, Dei prouidentia omnia machinante, perlustrarunt orientem & occidentem: transilierunt vtrunque tropicum, viderunt antarcticū polum: ac penetrauerunt versus arcticum nauigantes, arcticum circulum; quo pertingunt, vt nobis referūt, in extremo Nouergię, Frimachia, & sub ipsomet polo, Simachia auctor est Olaus Archiepiscopus) videruntque hæc omnia ab hominibus habitari: quibus & Euangelium plurimis iam in locis prædicauerūt. Itaque iam fieri incipit, (quod verbis præscriptis insinuebatur) vt qui dissipati, ac segregati à conuictu populi Dei sub cæli cardinibus habitabant, nunc ad veram fidem, & Ecclesię vnitatem reuocentur: speramusque breui futurum, vt cum magna IESV CHRISTI gloria, sanctissimum eius nomen vbique colatur, & vt videant omnes gentes salutare Dei nostri. Neque certè omnes antiquos latuit habitari posset totum orbem. Nam Auicenna, vt erat Philosophus eximius, intel-

Orbis totus habitabilis

lexit sen secunda primi, doctrina secūda, capite octauo, locum sub linea æquinoctiali, habitationi hominum longe opportuniorem esse, quam qui sub tropicis: duobus argumentis. Primo, quod Sol citius recedat à capitibus ibi habitantiū, bisque in anno, nunc in hoc, nunc in illud latus: à capitibus vero habitantiū tropicos tardius multo, ac in anno semel. causa verò celeris recessus ab æquinoctiali, est ascensus obliquus zodiaci; tardi verò à tropicis, ascensus rectus. Hinc fit, vt minori tēpore fiant maiores dierum in longiores, & breuiores mutationes, circa æquinoctia quam circa solstitia. Atque adeo hinc nomē solstitiis datum est, quod in illis stare videatur Sol, vt declinat lentē. Secūdo, quod in eo loco nunquā est dies nocte maior, sed æqualis semper; quare cū sit dies splēdoris & caloris, nox tenebræ & frigoris mater, in causerū æqualitate erit omniū mediocritas & tēperies. Cū igitur sint tres caloris causæ, vicinia, rectitudo, & mora Solis, rectitudo & mora multo plus possunt, quam vicinia. Omnes enim Astrologi norunt, in æstate longius abesse à nobis Solem, quia est in auxe, quam in hyeme, quia est in opposito auxis: tamen quia rectitudo radiorū, & dies maior est, calent tanto magis omnia per æstatem. Cū ergo sub æquinoctiali citius ac pluries declinet Sol, & dies nunquā sint longiores noctibus, cōmodior multo sit ibi habitatio quā sub tropicis, atq; adeo omniū cōmodissima: quod nostri iā habēt perspectissimum. Simili etiam argumento suaderi potest (etsi id nondū sit adeo perspectum) sub ipsissimis polis posse homines habitare. Est enim in eo loco totus annus dies vnica, quandoquidē æquinoctialis linea, eorum orizon est. habent ergo conspicuum Solē menses sex, & totidē latentē. itaque & in mundi medio, & in extremis,

æter-

Tres cau
sa caloris.

Æstini
caloris cau
sa.

æternum æquinoctiū est, tamē hoc interest, quod sub
 polis nunquam recedit Sol ab horizonte vltra viginti
 gradus, ac proinde nox tota crepusculi sunt (nam &
 apud nos vīq; dum triginta gradus mergitur sub ori-
 zonte Sol, crepusculum est) ac licet dicere ibi nullam
 esse noctem, sed tēpus totum Solis, aut crepuscula. cū
 ergo ea regio vincat proximas, ac reliquas septētrio-
 nales, plus dierum longitudine, quam rectitudine ra-
 diorum vincatur, & vicinia multo minus frigida, & ha-
 bitationi opportunior sit, quam ille. Qua causa mihi
 persuadeo, vt quæ est sub æquinoctio, cōmodior est
 quā quæ sub tropicis, ita eas quæ sub polis, commo-
 diores esse iis quæ sub circulis arctico & antarctico.
 Quod si mediā & extremas regiones habitationi ido-
 neas esse indicatum est, constat totum terrarū orbē ha-
 bitabilē esse. duas enim reliquas, & mediocres constat
 habitabiles esse, si quidē earū altera est hæc quā inco-
 limus, cui reliqua, & quinta similis prorsus est, nisi igi-
 tur pars quēpiā ob soli incōmoditatē est inhabitabilis
 ob cœli tamē & Solis positum, nulla est in toto orbe.
 Lubet hoc loco admirari Dei Opt. Max. sapientiā, ex
 Solis corporis omnium quæ vita carent præstātissimi,
 positu & cursu. Eo enim illum loco aptauit, & eū cur-
 sū incessanter tenere iussit, quo solo poterat oēs mū-
 di partes habitationi facere idoneas, & vtriq; mūdi la-
 teri virtutē suā iustē ac æqualiter impertiri. Fertur e-
 nim Sol per mūdi mediū inter duos cardines, non ita
 tamē, vt per eandē lineam semper latus, æqualiter ab
 vtroq; sēper distet, sed latus obliquē, nūc in hoc, nūc
 in illud inclinet: ita tamē vt inæqualis illius distatiē æ-
 qualitas, tēporū equabilitatē quādā faciat. Ita fit vt o-
 mnib⁹ virtutes largiatur, per vicissitudines rerū gene-
 rationi necessarias. Si enim Sol citra, aut vltra æquino-

*De solē
multa.*

et in lineam semper confisteret, oppositi poli partibus nūquam illucesceret. Quapropter, sub æternis tenebris, haudquaquam esse possent hominibus alendis & seruandis aptæ & poli alterius partibus nunquam occultaretur, quare alterum mundi latus nesciret noctem, alterum diē. Neutrum verò amat hominū vita, neque terræ natura, quæ luminis & vmbra, caloris & frigoris vicissitudine fecundatur. Præter hæc, ea mediæ mundi intra quam Sol se semper cōtineret, vrgeretur calore, multo plus, ac secundum partes longè maiores quā opposita altera frigore: neq; partes mūdi æquè distantes à polis & à mundi medio, æqualibus gauderent diebus & noctibus. Quapropter haudquaquā Sol mundi partibus omnib. virtutes suas impertiretur, secundū æquabilitatē, & iustitiā, vt nunc facit: quam tamen iustitiam distribuendi virtutes æqualiter secundum latera, si, vt Galenus animaduertit, adeo natura seruauit in formandis, regendisque humani corporibus partibus, multo magis seruari in maioris mūdi formatione oportuit. Si verò Sol per ipsam lineā æquinoctialē semper ferretur, ita vt neq; in hoc neq; in illud latus inclinaret, nulla ratione deterius posset mūdo & hominū vitæ seruire, quia partes sub polis sitæ, neq; diē neque noctē haberēt vllā, sed in orizonte Solem semper, cuius dimidiū spectarēt, quod parū omnino abest ab æterna nocte. Neque Sol in orizonte semper volutatus, posset satis calefacere, ac fecundare terras, quas nūc cū viginti tres gradus supra orizōtem eleuetur tamen calefacit tenuiter. Iā verò terra mūdi media, rectum semper supra se Solē sustinere nō posset, sed vreretur: atque hæ & aliæ omnes mundi partes, cū nullis potirētur vicissitudinibus, sed eodē modo semper afficerentur, nequaquam possent generationi-

tionibus esse aptæ. Non enim potest idē, & eodē modo habens tempus, sementi & messi, nequē vindimiæ, & putationi esse aptum. Nimirū vt omnis generatio est ex contrariis in contrariū, ita inter contrarias versari causas debet, quia contrariorū contrarias esse causas necesse est: Nisi igitur Sol per mundi mediū ferretur obliquē, nunc in hoc, nunc in illud latus nutans, nequaquam esset mūdus hic idoneus generationibus. Quid ergo superest, an vt obliquitas Solis minor esset aut maior quam nunc est sed ponamus primum esse minorem, velut verbi gratia, recessus Solis ab æquinoctiali, quam nunc sunt viginti trium graduum, esse si placet tātum decem, quid fieret? Primum quidem oportet Zodiaci ipsius amplitudinem, quæ nūc duodecim graduum est, ad proportionem contrahi: in tanta autem Zodiaci angustia, duplo pluries congrederentur Planetæ in eclyptica, ac duplo plures fierent Eclypses: & virtutum cælestium subtractiones: quod nō videtur citra noxam accidere. Præterea, quanto minor esset Zodiaci obliquitas, tanto essent minores temporum vicissitudines, & tanto minus tēpora à tēporibus dissiderent. quapropter sub æquinoctiali, vbi parum nunc tempora dissident, haudquaquam esset sufficiens ad generationes vicissitudo, ac ferē perinde esset, atq; si per æquinoctialem semper volueretur: si verō obliquitas esset maior quam nunc est, vt si verbi gratia, recessus Solis ab æquinoctiali qui nunc est viginti trium graduum, esset quadraginta, illæ solum mundi partes quæ sub Zodiaco essent, colī possent: reliquæ sustinere non possent, partim tantā tēporum diuersitatem, partim tantū Solis recessum. Natura enim animantiū cū nihil quod sit nimīū sustinere possit, omniū minimē sustinet causarū contrarietate. quare si extrema Mos-

Generatio in quo

couiæ pars multo fieret frigidior quam est, haud esset habitationi idonea. maius enim esset id frigus, quàm ut viuere quidpià in eo posset. Sed neq; Africa, si ut nunc æstate æstiuans, hyemes haberet quales Germânia, habitari posset, quia tãtam mutationem aëris haud quaquam possent homines sustinere. si verò Sol recederet gradus quadraginta ab æquinoctiali, nunc in hanc, nunc in illam partem, gentes quæ sub cancri tropico degerent, aut viginti gradus distarēt à tropico, æstuarerent ut nunc. Africae intima, ac nihilominus hyemes haberent quales Germania: recederet enim ab eis Sol centum gradibus, ipsi verò Germani, ac multo magis qui sub circulo essent arctico, haud quaquam possent hyemis frigus sustinere, quia recederet ab eis Sol multo magis, nunc verò male sustinent. Cū igitur quæ habitationi sunt futuræ idoneæ mūdi partes indigeāt mutationibus, nō quibuscumque, sed quibusdam, si Sol per angustiorē versaretur circulum, minores essent vicissitudines temporum, quam ut generationi rerū essent satis: si per ampliorē, maiores quàm ut sustineri possent. Deus verò hæc exactissimè computauit, vnde argumentum accepit gloriæ Dei David Psal. 9. dicens, *Cæli enarrant gloriam Dei & rursum, In Sole posuit tabernaculum suum, & ipsæ (Sol scilicet) tanquam sponsus (hoc est pulcher & ornatus) procedit de thalamo suo, à vertice cæli exultauit ut gigas ad currendam viam, hoc est, fertur citra defatigationem mirabili celeritate à summo cælo, hoc est ab oriente egressio eius, & occursum eius vsque ad summum eius, hoc est vsque ad occidentē, neque est qui se abscondat à calore eius. hoc est, eū tenet cursū, & eo semper circulo voluitur, ut nulla mūdi regio sit quā non ellustret, calefaciat, & fecūdet faciātq; plus aut minus, satis tamē habitationi idoneā.*

CAPVT VIGESIMVM SEPTIMVM.

CAPITE nono Iudicum. Nunquid possum deferere vinum meum, quod lætificat Deum & homines. rursum psalmo 103. Ut educas panem de terra, & vinum lætificet cor hominis, & panis cor hominis confirmet. capite 35. prouerborum, Date siceram mærentibus, & vinum iis qui amaro sunt animo, bibant & obliuiscantur egestatis suæ, & doloris sui non recordentur amplius.

Vinum, quod est Noe inuētum, est succus vix maturatione perfectus. Ita dico, quia recens expressus; neque per eam ebullitionem quam ciēt naturalis ipsius calor perductus ad perfectionem, mustum potius est, & potui minimè aptum, ac si quis potet, noxium. Multæ alię potiones sunt illi nōnihil similes quibus in penuria homines pro illo vtuntur, vt quæ nostris Cantabris vocatur Sydra, quæ Ceruisia Belgis, quæ Germanis Medo. quæ omnes potiones vno nomine hæbreo vocari possunt Sitera. Id enim nomen tribuebatur potioni omni, quę potest inebriare vini more. Atque ob id datur mærentibus & in magno aliquo labore constitutis vinum, aut sitera ad obliuionē egestatis & doloris. Quatenus hoc faciendum aut cauēdū sit, Theologis mitto dicendum, ad mē tantum spectat, quod pertinet ad naturam. Itaque potiones sunt multæ, ex multarum rerum succis paratæ, & simplices & cōpositæ; sola tamen ea quæ ex succo fit vix, vocatur vinū. Ita etiā antonomasticè, ac propriè vocatur panis, qui paratur ex farina triticea subacta cū aqua: qui vero paratur ex aliorum frumentorū, aut leguminū (nā ex his omnibus parari solent in caritate anonæ) farinis, aut

De vino multa.

Potionum genera.

Panis.

Mayz.

cum alio succo, dicitur panis cum adiecto, ut panis ordeaceus, typhaceus, fabaceus, aut apud Indos ex mayz (ita illi vocant quoddam genus frumenti, ex quo parabant sibi panes) aut panis dulciarius, aut lacticius: panis verò simpliciter, est qui ex triticea fit farina cum aqua. Interea omnia quibus vescuntur homines, panis & vinum tenent primas, quia alij omnes cibi dati sunt hominibus ad delicias, & ad abundantiam: hi verò ad necessitatem & sufficientiam, & his maximè utuntur homines. Nullis cum maiori malo carere potest, & nullis magis contenta est natura quia sunt omnium optimè parabiles, mortalibus omnibus maximè communes, optimè omnium nutriendi: non tamen panis & vinum eodem modo, neque eisdem de causis, sed panis, quia substantiam habet benè crassam, boni succi, & cum substantia nostra benè agglutinatur, habetque tanto plus alimenti, quanto medicamenti minus, cum sit moderatum quiddam, neque calidum, neque frigidum, neque humidum, neque siccum, neque facultate vlla medicamento, ut expurgandi, aut sistendi, aut laxandi, aut aliud eiusmodi faciendi, sed si quid tantillum, inclinat in calidum, quo natura gaudet & fruitur. Itaque est panis pro omnibus cibis, quia mediocritatem tenet omnium, & tenuium & crassorum, & facultatum medicamentosarum maximè expers, ut sit merè alimentum. Has ob causas symbolum est omnis escæ, ac totius nutritionis, petentisque huic corpori necessaria alimenta, solum panem iubemur petere, quem quotidianum vocamus, quia corpora indigent quotidiana refectione. Neque satis est; si quantum corpulentissimus athleta sanguinis habeas, & succorum intra venas repositum, nisi recenti refectione quotidie utaris.

quæ

Panis bene moderatus.

quæ quidem necessitas, ex spirituum facili dissipatione nascitur. Has ob causas Helix fame pereunti, panem quidem solum eumque quotidie mittebat Deus per coruum. Vinum non nutrit tam firmiter quam panis tamen multo citius. quia non est tam aptum in densam, solidam, firmamque substantiam abire, tamē abicit citissimē in vitales spiritus, ac satis cito in sanguinem tenuem & calidum. Hinc fit, ut optimē maximēque secūdu eorū naturas, dicatur panis cōfirmare cor hominis, & vinū lētificare. quia euenit his quod & aliis cibis, ut scilicet quō citius nutriunt, eo citius dissipetur quā prætiterint substantia: contra quō tradior, eō firmior resectio sit, & diutiùs duret; in eam enim sententiam scriptū ab Hippocrate est, Eorū quæ celeriter nutriunt, celeres quoque fiunt excretiones. Quæ ergo tardius nutriunt, solidius præstant robur, potestque quicquid vsus sit, diutius sine alia refectione persistere, pugnare, arare, aut aliud quidvis laboris sustinere: quæ verò nutriūt cito, præstāt alacritatē, refectione illa facili spiritū, reuocāt ab exolutione & deliquio, si quod est: itaque exhilarāt, robur verò & ad sustinēdos labores vim nō præstāt, etsi quis impleatur, quia dissipatur facile. Igitur quod maximē firmat, roboratque; si modo vnicus cibus capiēd⁹ sit, est panis (quo spectat illud Capituli 28. primi Regū, *Et robur nō erat in eo, quia nō comederat panē tota die illa*: nimirū, ut dictū est, ad robur indigemus pane, eoque quotidiano:) quod maximē exhilarat, vinum: exhilarat verò cum ebrietatē affert, quia obliuisci facit paupertatis & doloris, denique omnes molestias, curasque facit deponere. Nam ut Hippocrates libello de flatibus inquit, *Ebrj fiunt presentium malorum obliuiosi, ac futurorum bonorum fecunda spebeantur*, Vnde constat hilaritatem maximam ex vino,

Vini natura.

initium quoddam ebrietatis esse. Tametsi, etiam citra ullam ebrietatis seu dementiæ partem, lætitiā afferre potest mediocrem, Nam capite 31. Ecclesiasticis dicitur. *Vinum ad iucunditatem creatum est, & non ad ebrietatem initio*, Est igitur iucunditas ex vino citra omnem ebrietatem, causæ verò illius sunt, dicta spirituum vitalium refectio, quorum penuria quia laborat

Melancholici cur tristes.

melancholici, tristes esse consueverunt: & quod calidum facit, laxat, funditque cor: quæ eundem motum illud per lætitiā subit. Vt enim per tristitiā contrahitur, & torpescit, ita per lætitiā laxatur & titillat. cuius mo-

Cur vinum lætificet.

tus, calor suavis accommodatissima causa est. Quod ergo vinum lætificet. has habet causas manifestas, præter indicibilem quampiam sympathiam, quam fortasse habet cum corde, quæ in eius substantiæ modo consistet, cum ad iucunditatem creatum sit ab initio. Quod lætificare Deum quoque dicitur, maius aliquod suspicor habere sacramentum, enarrandum Theologis, Mihi illud occurrit, quandoquidem dicitur Deus in initio Geneseos, vidisse cuncta quæ fecerat, delectatusque quod essent valde bona, consonum est, ut tanto intuitu rei cuiusque magis delectetur, quanto ea est melior: aut (ut melius dicam) tanto res quæcunque sit potior, quanto Deo magis placuerit. quapropter perinde sit dicere, rem aliquam lætificare Deum, & esse optimam: est verò vinum optimum, nisi quis eo utatur ad ebrietatem. facit enim ad iucunditatem, & ad sanitatem animæ & corporis. & ad vitæ æquitatē, & bonos mores. Ita enī dicitur capite nuper citato Ecclesiastici, *Exultatio animæ & corporis vinum, moderatè potatū, & sanitas est animæ & corporis sobrius potus. & rursum Aequa vita est hominibus, vinum in sobrietate. nimirum, ut cap. 30. eiusdem libri dicitur, Multo occidit tristitia.* His causis

Seneca libro de tranquillitate vite, ad eam obtinendā, ebrietatē laudat. exemplo Catonis, Solonis, & Archelilai, qui illi indulserunt. sunt verò illius hæc verba, *Nonnunquam & vsque ad ebrietatem veniendum, non vt mergat nos, sed vt deprimat curas. eluit enim curas, & animo animum mouet, vt morbis quibusdā, ita tristitia medetur.* Hæc ille. Nobis tamen neq; sanitatis, neq; hilaritatis causa procedendum vsq; ad ebrietatem vnam est, neq; quæ ad mores spectant, petenda à Medicis neq; Philosophis, nisi quatenus cum diuina consonant sapientia, quæ tantum permittit vinum in sobrietate.

Ebrietas ex antiquo cōmedatio.

CAPVT VIGESIMVM OCTAVVM.

” **A**PITE. 16. primi libri Regum ita est
 ” scriptum, *Ecce spiritus Dei malus exagitat te, Iubeat Dominus noster, & serui*
 ” *tui qui coram te sunt, quærent hominem*
 ” *scientem psallere cythara, vt quū arripue*
 ” *rit te spiritus Domini malus, psallat manu sua, & leuius*
 ” *feras.*

Duplex hic occurrit naturalis dubitatio. prima, An Dæmones possint morborum, qui alioqui in succorum & temperamentorum, aut etiam compositionis vitia referantur, esse causæ: Deinde. An eadem auxilia desiderent illi morbi, ac cū sine Demonis opera orti sunt. Nā si Saul melācholia morbo tenetur, haud dubiè consultum esset, iuxta medicinæ præcepta tibicines quærere & Citharedos, qui musica instrumēta pulsando animū illi demulcerent. nā cū metus & tristitia ita sint huius pessimi morbi accidentia, vt etiā fiant illius augendi causa, nulla ratione melius succurritur quam

Morbi à demonibus quomodo curandi.

Melācholie remedia.

Musices
vis.

omni genere delectamenti; abigendo mœstitiā, & euocando mentem à rerum terribilium consideratione : vsque adeo vt cum morbus nondum est admodum inueteratus, neque succus plurimum redundat: sola iucunda viuendi ratio soleat esse satis ad recuperandam salutem: præstare verò musicam magnam animæ hilaritatem, Ecclesiasticus dicit ter aut quater, cuius in capite quadragesimo sunt hæc verba. *vinum & musica latificat cor.* meritò igitur musica mœstis, quales maximè sunt melancholici, naturaliter succurrit. si verò Saul non humore agitabatur melancholico, sed Dæmone, quæ causa esse possit, vt cythare pulsatione iuuaretur? & leuius eam exagitationem ferret? An Dæmon mitescit musica? Hanc ob dubitationem, plurimi nihil hic censent fuisse naturale, sed diuina vi effectum, vt pulsante Dauide cytharam abigeretur Dæmon, non tam ob soni numeros, quam ob diuinos hymnos quos ille cantando recitabat. Itaque diuinis psalmis, vt exorcismis abigit Dæmonem. Ego quidem hoc non nego, neque dubito illa ratione, vim verbi Dei, & Dauidicæ prophetiæ significatam esse: nihilominus censeo, naturalem quoque causam cum diuina illa coniunctam esse, atque admirandum illum effectum, in vtramque referendum fuisse. Hoc indicabo faciliè, productis in medium quibusdam Auicennæ verbis, ex capite 18. fen. primæ, tractatus quarti, quod est de Melancholia, ea verò sunt hæc. *Et quibusdam Medicorum visum est, quod melancholia contingat à Dæmonio, sed nos non curamus, cum physicam docemus, si illud contingat à Dæmonio, aut non cōtingat, postquam dicimus, quod si contingat à Dæmonio, tunc contingit ita vt conuertat complexionem ad cholera nigram, & sit causa eius propinqua cholera nigra, deinde fit causa illius*

Dæmonium. aut non *Dæmonium*. His verbis Auicenna inquit, nihil referre ad curationem siue *Dæmon* sit qui melancholica inferat accidentia, siue non: eo quod nō possit ea inferre, quā aliter per ipsos melancholicos succos. Itaque causam proximam semper ad ipsos succos deuolui, atque cum ablatione causæ proximæ, necesse sit tolli morbum, vtentibus nobis naturalibus auxilijs, & causam tollentibus, necesse erit tolli morbum, etiam si *Dæmon* eum excitauerit. Ratio sanè hæc, partim quidem recte procedit, partim tamen deficit, quandoquidem, vt morbus qui pendet ex causa, nisi sublatione causæ proximæ non tollitur; ita neque ipsa causa proxima, nisi sublatione prioris: etiam si sit externa, modo non recesserit. velut si Sol bilem excusit, atq; ita febrem fecit, tolli non possit febris nisi bile euacuata, aut consumpta; sed neque hæc pænitus euacuari aut consummi, nisi ægrotus à Sole recedat, & in frigidiorum locum se transferat. si verò iam recessit, solum superest vt euacuetur bilis. Igitur eodem modo, si quis *Dæmon*, melancholicum succum agitando & augendo, melancholica intulit symptomata, iam recessit, solum superest, vt naturalibus agatur auxilijs, aduersus morbum & causam humoralem: si verò adhuc immanet, necesse sit simul vti remedijs quæ *Dæmonem* abigant, & quæ melancholicum succum euacuent, & compescant. Effectum itaque hac ratione est, non vt omnino sit indifferens, siue sit morbi causa *Dæmon*, siue secus, vt volebat Auicenna; tamen, vt quæcunque auxilia naturalia curare possunt morbum, cū is à *Dæmone* non pendet, possint etiam aliquatenus subuenire cum pendet. Si ergo cantillænæ, & musicorum instrumentorum concinnus sonitus, placare naturaliter possunt melancholicorum sæua symptoma-

ta, cum eo morbo quis laborat, possint certè eodem modo, & eadem prorsus causa, cum eius morbi auctor Dæmon est. Verum hoc ipsum quod aliquatenus videtur iam esse demonstratum, euadet longè, euidentiùs, si hæc dubitationes prius explicatæ sint. Prima an malus Dæmon possit morborum causa esse? secunda, quomodo? tertia, an sint aliqua naturalia remedia, quæ per se, ipsos abigant Dæmones, an non, sed spiritalibus solum agendum aduersus eos sit, vt Ieiunio, & Oratione? His enim decisis, facile eo quo volumus perueniet disputatio. Antiquissimas esse has dubitationes, neque Christianis solum aut Iudæis, sed & Mahometanis & Idolatris agitari solitas constat. Primum quidem ex eo Auicennæ loco quem produximus, deinde & ex libro de morbo sacro, qui nomine Hippocratis circumfertur. toto enim eo libro disputa-

Epilepsia. tatur aduersus affirmantes, Epilepsiam ad Dæmonem referri, & eos, qui eo malo teneantur, solere in domum fugere, aut aliter à multorum conspectu se subtrahere, persentientes inuadi se se à Dæmone, atque adeo contendentes eiusmodi, non medicinalibus auxiliis, sed expiationibus esse curandos. censet vero is autor, eam opinionem non aliunde, quam ex ignorantia naturalis epilepsiæ causæ nasci: plausibilem verò esse vulgo, eò quod morbus videatur esse mirabilis, & ab aliis diuersus: atque quòd expiatio minus molesta curatio esse videatur quàm quæcunque medicinalis aut chyrurgica. Atqui profecto, vt qui philosophiæ sunt ignari, ob multarum rerum naturalium ignorantiam fieri solent creduli, & superstitiosi: ita qui physici plus satis sunt dediti, rebus omnibus quæ corpora non sint, aut eorum motus, periclitantur diffidere. Nunc verò cum de Dæmonibus tam multa à Philosophis

phis disputata sint, non video cur quispiam quantumvis rigidus Philosophus esse velit, tollat è medio Dæmones, nullamq; causæ rationem in morbis excitandis & torquendis corporib. eos habere censeat. Nam hæc cōsecutio nihil valet, potest melācholia & epilepsia vt quiuvis alius morbus, citra Dæmonem fieri, ob succos ita aut aliter motos aut vitiatos; ergo non potest fieri per Dæmonē. At verò neq; hæc, Quiuis morb. talis fit ab humore & causa naturali, ergo nullus fit à Dæmone, quia is ipse morb. qui fit à Dæmone, fit per causam naturālē, si Dæmon nō aliter quā per ipsos humores, infert tales morbos; habétq; Dæmon vicem causæ externæ, vt dictum est. nisi verò negetur, Dæmonem posse mouere succos: at verò moueri corpora ab spiritualibus substantiis, neq; Arist. quidem, qui minimè de Dæmonibus est philosophatus, negauerit. Ille enim causas omnes corporū motrices reducit, vsq; ad indiuisibilem & incorporeā. Itaq; posse fieri, vt Dæmonis præsentia morbos excitet, neq; quippiam in hac assertione Philosophorum placitis esse repugnans indicatū est. At verò esse re vera ita, superest indicemus. Primū quidem literarum sacrarum testimonio, deinde & argumēto ab ipsis rebus accepto. Diui Lucæ capite octauo, ita scriptum est. *Occurrit illi vir quidā, qui habebat Daemonium iam temporibus multis, & vestimento non induebatur, neque in domo manebat, sed in monumentis (& paucis interpositis) multis enim temporibus arripiebat illum vinciebatur catenis, & compedibus custoditus, & ruptis vinculis agebatur à Dæmonio in deserto.* Ex hac narratione facilè constabit cuius, qui vel summis labiis degustauerit, medicinam, hunc hominem laborasse ea manix specie, quæ vocatur à Medicis Lycāthropa, seu lupina insania. His enim præcipuè acciden-

*An mor-
bi per dæ-
mones ex-
citantur.*

*Lycāthro-
pia.*

tibus definitur is morbus. quod ita affecti domi contineri non possunt, sed circa sepulchra frequenter vagantur. Iam verò eum, cuius mentio fit nono capite Marci, constat fuisse epilepticum, ita enim dicitur. Et attulerunt eum, & cum vidisset eum, statim spiritus conturbavit illū & elusus in terram volutabatur spumans. constat verò elidi in terram, ac volutari, & heri spumā circa os, certissimas notas esse Epilepsiae. Quin etiam (quod aliquanto videtur rarius) constat decimo tertio capite Diui Lucae, puellam quandam convulsionem spinæ accepisse à Dæmone: qua laboravit decem & octo annos. Manifestum ergo est, quanto in errore sint, qui quod indicauerint, eum qui defertur ad exorcistas, teneri epilepsia, aut catochus, aut melancholia (iis enim morbis frequenter tenentur) aut alio quouis morbo, putant se iam indicasse, non esse id à Dæmone: cum his exemplis constet, eos morbos quandoque fieri à Dæmone. Neque verò cum Dominus noster inter mortales ageret, vexabant hominum corpora Dæmones, ac non etiam nunc vexāt. Non enim sancta Ecclesia, quæ diuino regitur spiritu, vteretur exorcismis, ac crearet quotidie exorcistas, nisi vexarentur nunc quoque hominum corpora à Dæmonibus: sed & ex his quæ homines fide digni, & verbis, & scriptis testantur, facile indicatur, esse etiam hoc tempore talium malorum causas immundos spiritus. Nam ferunt, horum multos respondere, appositissimè loqui linguis alioqui ignotissimis, vt rusticum & ignoratissimum Latine, Græcè, aut Chaldaicè: præterea iussos ac coactos ab exorcistis, significationes de se euidentes præbere immundos spiritus, & homines ab eis detentos multa diuinare, & narrare, quæ in remotissimis mundi partibus agantur. quæ sanè constat nullatenus habere.

*Epilepsia
signa.*

Catochus.

Exorcistarum vis.

habere posse physicam causam. Verissime enim dictū est illud ab Aristotele, siquid aliud, intellectum hominīs nō posse aliter intelligere, quam phantasmata inuentem; atque adeo nihil in eo esse posse, quod prius non fuerit in sensu. Cum igitur anima rustici nullum, ne minimum vnquā conceperit græci sermonis phantasmata, unde possit eius intellectus nunc abstrusissimas phrasēs eius idiomatis, haurire? Est certē intellectio, animæ rationalis actio propria, quāque citra organa corporea potest exercere, unde & separabilis esse cognoscitur: ea verò, & si per ipsissimam mentē citra organa agatur corporalia, non tamen dum anima in hoc corpore est, citra corporalia phantasmata. Illud enim intelligere, est de vniuersalibus, & à materia seiunctis cogitare: seiungitur verò à corporalibus phantasmatis, vi intellectus agentis. Quorū ergo nulla vnquā cōcepta sint phantasmata, nulla potest esse intellectio. Iā verò vt intellectio esse non potest eorū, quorū nulla fuerūt phantasmata, ita neq; recordatio, quorū nō fuerit imaginatio; neq; imaginatio, quorū nō fuerit sēsus. Ergo quę alibi agātur certò cognoscere nullus potest: per nullā enim internarū potentiarum, cū talium nullus antecesserit sensus. Dixi verò certò cognoscere, quia temerè, casu quodam aliquid prædicere, aut præcogitare, garrulis euēnit, & iis qui variis imaginationibus æstuant, vt mare. Scio quosdam Philosophos minus exactos, & qui admirationi magis student quam veritati, censuisse admirandas has vires esse humoris, melācholici, fierique posse, atque adeo solere, vt quidam (in quibus scilicet is succus abūdat) loquantur linguis ignotis, diuinent, quin etiam citra contactū moueant aliena corpora, cogant pluuias, excitent procellas, atque adeo eo vsque procedunt qui-

*Intelligē-
di modus*

*Phantaf-
mata.*

*Melan-
cholicus*

dam, vt in nescio quā naturali quarundam animarū
 præstantia, vim mirabilia opera efficiēdi constituāt.
 Verum ex dictis constat, horum assertiones deuolui
 ad assertiones illas Platonicas, Intelligentem animam
 non esse corporis actum, & vt Aristoteles loquitur,
 entelechiam, sed assistere vt intelligentiam cœlo. No-
 strōsque animos sciuisse quidem antea omnia, discere
 verò nihil aliud esse quam recordari. Ita enim, quan-
 doquidem intelligens anima neque corpus naturale
 sit, neq; naturalis corporis actus, non teneatur legibus
 causę naturalis, sed possit mouere sine cōtactu, & quia
 prius omnia nouerat, possit extra materiam diuagata,
 aut quietem agens per somnum subtrahēsq; sese à
 sensuum perturbationibus, vt illi philosophantur, per
 sese scire, quæ à nullo sensuum acceperit. Verū dictas
 assertiones constat sapientium omnium consensu cē-
 feri iam absurdas, & esse dogmatibus ecclesiasticis dis-
 sonas. Igitur qui vaticinātur, siue per ea insomniā quæ
 vocantur diuina, siue vigilātes, & qui ignotis antea lo-
 quuntur linguis, ope spiritus cuiuspiā id faciūt siue bo-
 ni, siue mali. Cum verò torquere hominū corpōra ad
 immundos potius spiritus spectet, cōstat eos qui tor-
 quentur simul & tale quippiā faciūt, teneri à spiritib.
 immundis atque spiritus immundos taliū morborū
 causas esse. Sed quo pacto esse possint dicamus. Dēmō
 causa est externa morborum. Non enim intra corpus
 ipsum latenter nascitur, sed extrinsecus accedit mor-
 bos illaturus, eos igitur qui pendēt ex materia, nō a-
 liter infert, quam aliæ causę procatharticæ, puta mo-
 uendo internas, vt melancholiam morbum, augendo
 melācholicum succū, & eum qui inerat cōmouendo,
 deferendōque in cerebrum, & interiorū sensuum se-
 des vapores nigros. Augere verò potest melancholiā
 eam

Vaticinia
 vnde.

eam quæ naturaliter generatur, detinendo ne expurgetur; aut quascunque exurentes causas admouendo Epilepsiam verò, Apoplexiam, Paralyfim, aut Catochum, deferendo crassos succos, ac per eos cerebri vĕtres, aut ipsas neruorum radices obitruendo: Cæcitatē, aut surditatem eodem modo, excremēta ad oculos, aut aures aceruando: quāquam hæc duo mala sine interna causa facere per sese possit, neruos visorios aut auditorios cōprimendo, quominus per eos facultas sentiendi transmittatur; aut cæcitatem quidē humorē aquæ, qui chrystallino oppositus est agitando: surditatem, detinendo aërem congenitum (hunc enim existimo proprium esse audiendi instrumentum, vt & Aristoteles, quominus moueatur. Vt enim nisi humor chrystallinus colorum fulgoribus intinguatur, agi nō potest visio: ita neque nisi internus aër externi excipiat mōtitationem, auditio. Itaque aqueū humorē trāquillum esse expedit, vt rectē agatur visio, & aërē internum agitari, vt auditio. Multa alia mala sunt huiusmodi, quæ aut per se ipsum possit Dæmon facere, aut per internas causas. quapropter ad tollēdum ea mala, quæ per sese faciet, solis exorcismis sit satis vti: ad ea verò quæ per internas causas, medicinalibus pariter auxiliis vtendum erit. Non ergo erit semper satis fugasse Dæmonem, nisi morbū etiam cures (vt neq; satis semper sit ad tollendā febrē quā peperit ira aut labor, mīscere, aut quietem agere) neque vnquā satis sit naturalibus instare remediis, nisi Dæmonē fuges. quò fortasse respiciens Hippocrates in prognostico dixit. Si quid etiam est in morbis diuinū, illius quoq; oportet discere prouidentiam. Nimirū refert ad curationē, & ne hoc ignorās, & solum naturalem causam suspicatus, ineptē prædicas. Sed an sint aliqua naturalia re-

*Humoris
Chrystal-
lini agi-
tatio vi-
sum impe-
dit.*

media, quæ per sese in ipsos Dæmones ferantur, & illis naturaliter aduersentur, dignum est consideratione. Videtur enim consentaneum, in ipsis naturalibus rebus esse quasdam Dæmonibus gratas, quasdam ingratas, & quibusdam allici, quibusdam fugari naturaliter) vt capite septimo, & quindcimo huius libri disputare cæpimus) siquidem inter omnes gētes, qui expiationibus curare morbos huiusmodi tentauerūt, res quasdam cauere iusserunt, & quibusdam vfi sunt, idq; diuinitatis ipsius morbi causa dicentes se fatere. Nam Hippocrates in illo libello de morbo sacro (nimirum erant etiam inter idolatras qui expiamentis tentarent curare) ita scripsit aduersus expiatores. *Ceterum qui primi (loquitur de epilepsia) hunc morbum sacrum pronunciarunt, tales mihi hi fuisse videntur, quales etiā nūc sunt magi, & expiatores; & circulatores, qui se vehementer pios esse simulant, & amplius quid scire.* Hi itaq; consilij ac mentis inopes prætexentes diuinitatem, cum nihil haberent quod exhibitum prodesset, vt ne manifesta fieret eorū ignorantia, sacrā hanc esse affectionē pronunciarunt, & rationibus idoneis collectis curationem constituerunt: sibi ipsis securam, expiamenta offerentes, & incantamenta, & à balneis abstinere iubentes, & à cibis multis, velut ex marinis quidem à mulo & melanuro, mugilique, ac anguilla: ex carnibus verò à caprina, ceruina, suilla, ac canina: ex volucribus autē, à Gallo, ac turture, ac otide ex oleribus à menta, allio, & cepa. pallium præterea nigrum habendum non esse, neq; in caprilla pelle decumbendū, neque eandem gestare oportere, neque pedē supra pedē habendū esse, neque manum supra manū. Hæc illo in loco, Ex quibus intelligimus, Magos illos siue expiatores qui inter gentes versabantur, cū morbū diuinum

Expiatio
nis inue-
tio.

uinum, hoc est à Dæmone esse censerēt, res quasdam interdixisse, vt naturaliter noxias iis, qui ita laborarēt, Quin etiā hoc tēpore scimus, multos exorcistas solere sumitu quarundā rerū vti, vt ipsi dicunt, ad torquendū fugandūque Dæmonē ipsum. Nimirum dicunt, eū molestissimè ferie insitum cornu caprini, & cuiusuis stercoreis, præcipuè humani, & ruta, ac hypericone (quæ ob id fugam Dæmonū appellant) fugari. Sed quod maioris momenti esse videtur, & eius quod propositum est maiorē fidē facere, Tobias iunior insitui ecoris cuiusdā piscis, iussu Sancti Raphaëlis, fugauit Dæmonē, qui septē viros illo priores interfecerat. Videtur itaq; his testimoniis effectū, pro ipsomet Dæmone fugādo, esse naturalē quandā curationē. Nihilominus vt nup̄ citatis capitibus indicauimus, si Dæmones penitus sūt incorporei, vt certè sunt, nullam à corporibus naturaliter passionē possunt accipere: sed neque si corporei essent, (nisi etiā essent corruptibiles) voluptate aut dolore affici possent: quia neutrum horum potest esse sine sensu, neque sensus esse potest, nisi cū organis, habentibus cōmunem naturam cum ipsis sensibilibus. Quapropter corruptibilium rerum sensitiua, corruptibilia esse corpora necesse est. Nisi igitur Dæmones corporei & corruptibiles sint (quales certè non sūt) neque voluptate neque dolore affici possunt naturaliter ab vllā qualitate corporali. dixi naturaliter, quia prima causa, quā nullis naturæ legibus teneri in physicis fufus demonstraui, potest corporibus præstare vim attingendi etiam incorporea, ea vero vis non fuerit naturalis, sed superior, vt igni torquendi diabolū & angelos eius, & benedictæ aquæ eosdē fugandi, & ablucēdi mentes. Huiusmodi quandā virtutē tributā esse hepati illius piscis, quo Tobias vsus est crediderim

Quas res
demon
fugiat.

*Balnea
quibus in
terdicta.*

Aliorum verò quæ proposita sunt, aliæ sunt causæ. A balneis suspicor circulatores illos arcere solitos egrotantes, quo sublata maxima ac notissima talium morborum curatione, maior expiationibus auctoritas accederet. Nimirum melancholici morbi, quales sunt plerunque quos Dæmon ciet, nullo auxilio magis quàm balneo curari solent, atque eo magis quam vllio alio medici vtuntur. Tollebant ergo hoc, vt viderentur tollere totam curationem naturalem. Cibos illos omnes interdici ægrotis idoneum erat ob ipsos morbos, quandoquidem ob crassitiem, aut melancholicum substantiæ modum, aut acrimoniam erant noxij. Imponebant verò illi hac in re vulgo, id quod erat naturale ad diuinam causam referentes. Nigro indui pallio, ad melancholicas passiones non est vtile: manū habere supra manum, aut pedem supra pedem, otiosi & cogitabundi est, quod etiam melancholicis obest: indui pelle caprina, aut in ea decumbere, proprietate quadam esse noxium epilepticis Tralianus capite proprio tradidit. At verò quòd suffitu cornu caprini, & stercoreis torqueatur Dæmon dicunt causam esse, quòd contemni se non ferat, cum sit superbissimus.

*Pallij ni-
gri vsus
interdi-
ctus.*

Ego verò existimo, ventum esse illis in eam opinionē quia vt Medici omnes testantur, illarum rerum suffitu epilepsia manifestatur. statim ergo ac epilepticus illis suffitur, corripitur paroxismo, aut si paroxismo tenetur, ingrauescit. illi verò putant irritari Dæmonem. Rutam & hypericonem salutare herbas esse ad dictos morbos, res est apertissima: cuius præcipua causa est, quòd flatus absument, atque ita humores sedāt, qui magna ex parte flatuū agitatione perturbantur, vt libello de flatibus probat Hippoc. si modo ipsius est ille liber. Itaque vtuntur quibusdam rebus,

Hypericon.

quas,

quas, (cum ad morbos illos curandos conferant) cen-
 sent conferre ad fugandos Dæmones: & aliis quibus-
 dam quæ nocent, hac ratione putâtes se torquere Dæ-
 monem cum torqueant potius miseros agrotantes.
 Hæc cū ita se habeant, constat ex his omnibus quæ di-
 cta sunt, verisimile esse, plurimos eorū, qui Dæmonis
 opinione ad exorcistas deferuntur, Dæmonem non *Dæmones*
 habere, sed morbis aliquibus eorum qui dicti sunt, te- *quos inua-*
 neri & præ inopiâ consilij, cum tentatæ sint aliæ cura- *dant.*
 tiones antea, neque sufficiât, defferri ad illos, id quod
 merito ab Hippocrate libro de morbo sacro reprehē-
 ditur: esse tamē etiā aliquos, quibus taliū morborū cau-
 sa est Dæmon, illisq; curationē naturalē non esse satis,
 conferre tamen, non ipsos Dæmones per se, sed ob
 morbos ipsos, aut eorū symptomata, aut internas cau-
 sas, quas Dæmon ciet. Exemplo est Saul, qui cum à *Saul mor-*
 Dæmone torqueretur suauitate Dauidicæ cytharæ de- *bis.*
 linitus mitius ferebat; nimirū, vt melancholico occu-
 patus morbo. Neque enim est quod quisquā sibi per-
 suadeat, Dæmonem esse qui musicæ suauitate captus
 mitesceret, atque adeo illum torquere sineret, Hoc e-
 nim refutatum iam antea est, disputatūque de ea re
 aduersus quosdam Platonicos capite 16. huius operis,
 in explicatione cap. 2. Leuitici quod bis iam citauī. So-
 lum fortasse superest, quod hoc loco quispiam dubi-
 tet, qua ratione fiat, si Dæmones nihil habent cōmune
 cum vllō corpore, vt melancholicos homines magna
 ex parte inuadant, aut melancholicos ipsi morbos in-
 ferant. Mihi quidem videtur ad eorum nequitiam re-
 ferendum, non ad naturam: nimirum melancholicus
 succus, maximē omnium paratus est in insaniam & de-
 sperationem adigere, quæ illi nequā maximē exoptât.

CAPVT VIGESIMVMNONVM.

LIBRO tertio Regum capite primo ita habetur. *Et rex David senuerat, habebatque ætatis plurimos dies, cum operiretur vestibus non calefiebat. dixerunt ergo ei serui sui, quæramus domino nostro regi adolescentulam virginem, & stet coram rege, & foueat eum, dormiatque in sinu tuo, & calefaciat dominum nostrum regem. Quæsierunt igitur adolescentulam speciosam in omnibus finibus Israel, & inuenerunt Abisag Sunamitidem, & adduxerunt eam ad regem. erat autem puella pulchra nimis, dormiebatque cum rege, & ministrabat ei rex verò non cognouit eam.*

*Vestium
usus.*

*Calidū ef-
fluum.*

Cum quis satis vestibus operiatur non calefieri, naturalis caloris defectum significat, quia vestes non calefaciunt calore proprio, quò actu sint, vt ignis, neque quo potentia vt medicamenta, sed solum retentione, ac quodam percussu caloris nostri: nimirum nostri caloris vi, expirat semper vaporosum quiddam ac calidum ex nostris corporibus, quod vocat Galenus calidum effluuiū. illud vestes detinent, ac circa nostram cutem geminatum, faciunt sistere, atque ita calefaciūt, præterquam quòd externum frigus arcent, vt & domus parietes, & tecta. Cùm igitur corpus non calefcit vestibus, non potest alia esse causa, quàm quòd non est calidum effluuium, atque eo magis, quòd externum frigus semper arcent, vtcumque habeat corpus. Igitur si ne sic quidem calefcit, constat corpus esse valde frigidum, ac nihil, aut quam minimum calidi spirare. Vt autem hoc eueniat duplex potest esse causa. aut enim ipsum innatum calidum affectum est, vt per

magnum rigorem euenit, etiam valde calido iuueni, aut per sese est tenue & exiguum. in senē verò, neque rigore, neque horrore occupato, neque alia vlla passione præter naturam, constat ab exiguitate & tenuitate caloris naturalis, quæ ipsius extremæ senectutis comes naturaliter est, nasci. cum verò Dauid tanta caloris naturalis penuria laboraret nullum salubrius consilium excogitari potuit, quàm quod serui eius cæperūt, quærentes virgunculam formosam, quæ in sinu eius dormiret, videbanturque legisse Galenum libro septimo Methodi, vbi imbecillitatem frigidi cum siccitate ventris curans, inquit, *Ex iis verò quæ extrinsecus applicantur, boni habitus puellus vnà sit accubans, vt semper abdomen eius contingat.* Multo itaque melius illi consuluerunt, quàm si eum magna vestium mole onerassent, aut multo igne lectum concalescissent, aut inuoluisent senem totum linteis igne concalescentis, aut oleis calidis inunxissent, aut etiam sinapismis aut rubrificantibus; ac multo magis quàm si vino meraciori in gurgitauissent: quia nullus calor naturali nostro magis cōformis, aut esse, aut excogirari potest, quàm qui feruet in pueruli aut adolescentulæ corpore: nimirum humanus ille est, & ob ætatem vigens. Itaque perinde est ac si sensili corpori puerilem calorem manu admoveas, cuius solum defectu illud laborabat. nulla ratione potius videaris tribuere illi quod deest. Verum hoc vt apertius indicemus, quid intersit calorem simpliciter dicas, an naturalem calorem, oportet explicare.

Nā Stoici (vt apud Ciceronē lib. 2. de natura Deorū videre est) censuerūt (quorū etiā sententiā hac in parte multi secuti sunt) vt duplex à Platoniciis ignis statuitur, cælestis & elementaris, ita etiā esse in rebus duplicē

Corporis
frigus.

Senes ca-
lesciendi
ratio.

Ignis du-
plex.

*Duplex
calor.*

*Caloris
vii.*

*An sit ca-
lor coele-
stis.*

calorem, alium, quidem cœlestem vt solarem, qui omnia generet, foueat, & ducat incrementum: alium igneū qui omnia dissipet atque absumat. Atque in primo quidem genere esse calorem naturalem rerum omnium viuentium in altero calorem ignis quo vtimur. Solis enim calore foueri terram. & fruges omnes tum nasci, tum duci ad incrementum, igne verò admoto consumi omnia: ita calore nostro ac naturali coctiones omnes agi generarique, ac nutriri omnes in nobis partes, alieno verò & præter naturam, vt febrili, ad tabem deduci esseque hos calores, (quandoquidem adeo efficiant contraria) longè diuersos, alterum quidem natura cœlestem, alterum elementarem. Ego vero cœlestem calorem nullum esse existimo, nisi est etiam frigus aliquod cœleste, quod nullus ponit. Omni enim calori frigus contrarium est: neque minus admota nique refrigerantur, quæ à Sole quàm quæ ab igne sunt concalescunt. Quod si non minus solari quàm igneo contrarium frigus est, nisi illi idē est calor, frigus duo habet contraria: fin autem alterum frigus etiam est, idque cœleste, certè cœlum non minus sit corruptibile quàm aer, cum contrariorum sit capax, & vtrumuis secundum naturam habeat, alterum præter naturam pati possit. Non igitur est calor vllus cœlestis, sed vt omne frigus ex elementis est, ita & calor omnis. quin potius hæc est ratio cœlestis ignis, quod lucidus sine calore est. Itaque cum ignis statuatur duplex lux communis vtrique est, differentia verò in calore & eius va-
cuitate. Atqui profecto calor quem Sol infert, ad elementarem ignem refertur (vt aliis locis diximus) qui splendoris analogia allectus, cum Sole circumfertur. Nam præter dicta, si calor naturalis nō est igneus, sed à cœlo tributus omnis calor naturalis talis etiam sit,
neque

neque solum humanus, sed & qui omnium animalium; neque horum solum, sed & omnium stirpium, neque certe harum solum, sed & omnium quæ suo calore seruantur, & admoto igne corrumpi possunt, cuiusmodi esse videmus succos omnes, ut lac, vinum, mel, oleum, florum omnium ac herbarum succos, siue destillatione, siue compressione extractos. Quod enim horum non corrumpitur, cum proprius calor tabescit? aut non potest admoto igne penitus absumi? Igitur his quoque est calor cœlestis, quandoquidem ab eo seruantur, cum corrumpi possint ab externo, atque adeo tanto citius, quanto habent proprii minus. *Vini robur.* Vinum enim natura robustum & calidum sustinet magnum aëris calorem sine corruptione: frigidum verò & languidum vel à tepente aëre vertitur in acetum. Quod si inanima & fluentia habent cœlestem calorem, cur non & solida, ut metalla, & gemmæ, ac denique quacunque vi frigoris & caloris possunt deduci ad interitum? si enim vi frigoris interire possunt, proprii caloris retentione seruantur: si autem seruâtur proprio, & corrumpuntur alieno calore, proprium habent à cœlo. hæc enim erat causa, qua naturalis cœlestis statuebatur. At verò ut vi frigoris & caloris intereant, necesse est accidat omnibus quæ concreta sunt ex vocatis elementis. Nam quod calidi & frigidi contemperatione constat, vtriusque excessu necesse est interire, quia mediocritatem vterque excessus corrumpit. Fit igitur ex dictis, ut rerum omnium concretarum naturalis calor sit cœlestis. Vnde rursus fit, ut ignis elementum non sit, siquidem in mistis non seruatur virtus eius, quæ enim nisi calor? quod si ignem è numero elementorum tollis, necesse est tollas & aquam, alioqui mistio non fiet, sed corruptio, quia

An ignis sit elementum.

erunt duo frigida, aqua scilicet & terra contra vnum calorem aëris; & duo humida, aqua scilicet & aër contra vnam siccitatem terræ: non ergo erit mediocritas, neque attemperatio. Quod si aquam tollis quoque, necesse est tollas omnia, quia terra & aër non sunt bene miscibilia sine crassa aquæ humiditate. Necesse est igitur calorem proprium rerum omnium igneum esse, aut elementa, & mixtionem è rebus penitus tolli, ac longè aliter de natura rerum statuere, atque hactenus ab omnibus Philosophis qui in pretio fuerunt. Quæ igitur est differentia caloris naturalis, & præter naturam, si vterque est elementaris? certè quæ frigoris naturalis & præter naturam: ita etiam & humiditatis & siccitatis, quòd scilicet proprius est aut alienus, estque cuiusque rei proprius calor, qui secundum naturalem eius mixtionem moderatus est, qui mediocritatè excessit, iam est alienus. Atqui calor internus rei, ab exterius accedente quopiam aliquando corrumpitur, aliquando iuuatur: Atque vt iuuetur facit similitudo duplex: altera quæ in eius intensiōe est, vt scilicet nō valde excedat, altera quæ in subiecto, vt scilicet similis sit substantia corporis quod admouetur. Si enim aridioris, aut humidioris admodum substantiæ est, & si non superest intensiōe, alter vret, alter putrefaciet: vtrâq; ergo ratione fit, vt nihil vtilius possit admoueri quib. calor naturalis extinctus pene est, quàm corpusculum puerili aut iuuentulæ calidioris. Nam is calor in substantia est simillima, & nisi eueniat febricitare, humani caloris gradum non superat. Neque quidem præter rem erat speciosam quæri, quando quidem iucundiores fierent ita amplexus, abessetque omne tedium, atq; ita foueretur magis senex: non aliter ac eliguntur suauiores cibi, ac medicamenta minimè insuauia, ne ven-

Caloris differentia.

Caloris auersilia.

ter respuat. Quod si frigidum iam senem multis vestibus obruas, onerabis quidem plus, calefacies verò nihilo magis: quia vestes parum calefaciunt, nisi sit internus calor quem cohibeant. Si verò linteis calidis inuoluas, aut lectum ipsum admoto calefacias igne: primum quidem is calor cum siccior sit, siccitatem auget senilem, & calorem alioqui exiguum dissipat: deinde cum is calor præter naturam insit ipsis linteis, cito deficit, simulque cum illis refrigeratur rursum corpus: si verò oleis calidioribus, aut aliis medicaminibus admotis velis calfacere, nec sic quidem proficies multum, quia medicamenta profunt quatenus ab ipso naturali ac proprio nobis calore deducuntur ad actum: id verò nisi calor possit, medicamenta nihil efficiunt, aut etiam refrigerant. Quod si multa affricatione, aut igne fiant actu calida, eadem ac maiora afferent incommoda, quæ & calefacti ad ignem linteï. Iam verò nihil arbitror stultius, quàm senibus caloris augendi gratia, vinum abundanter, meracum præcipue indulgere. Quanto enim vinum calidius est per sese, tanto maiori ventris ac viscerum omnium calore opus est ut superetur: alioqui à minori acescit, crudumque succum auget, unde & calorem naturalem suffocat, & morbos innumeros parit, ac mortem properat: Quare vinum esse lac senum, non valde probo; censeo potius senibus sensim esse dandum dilutius, usque dum in extremo senio constitutis toto vino detractò, detur pro eo mulsa aut decocta aqua. satius enim est permittere calori naturali sensim venire ad naturalem interitum, quàm vino obruere, & senectam facere miserabiliorem, & breuiorem. Rectè itaque procuratus calor est Dauidi seni: quod præcipue ea in ætate effectum est, qua non potuerit virginem agnoscere: alioquin multo magis læs-

Vinum senibus interdicitur.

fisset congressus, quàm contulisset admotio.

CAPVT TRIGESIMVM.

LIBRO quarto, regum capite 3. dicit E-
liseus Propheta. *Nunc autem adducite
mihi psalter: cùmq; caneret psalter facta
est super eum manus Domini, & ait. Hac
dicit Dominus, facite alueum torrentis,
&c.*

Itaque facta super eum manus Domini, hoc est cor-
De vati- reptus seu afflatus diuino spiritu, vaticinatus est. Id ve-
cinis mul- rò vt fieret, postulauit adduci sibi psalter, ad cuius cā-
ta. tum facta est super eum manus Domini. Quæ sanè
verba magnam habent contemplationem. Si enim cā-
tus & musicus concentus vim quampiam habent ad
vaticinandum, ipsa vaticinatio naturalis est, hoc est ex
naturalibus procedens causis. Nam concentus, natura-
lis quædam ex causa. Videntur itaque spiritus vaticinij
naturaliter allici concentu, aut anima per cātum natu-
raliter ad vaticinandum disponi. Quod sanè ita esse,
Quintus frater in primo libro de Diuinatione Cice-
ronis, ex sententia grauissimorum Philosophorū quæ
eo loco tutabatur, iis verbis asseruit. *Ergo, & ij quorum
animi spretis corporibus euolant, atque excurrunt foras
ardore aliquo inflammati, atque incitati, cernunt illa pro-
fecto quæ vaticinantes pronunciant, multisque reb. inflam-
mantur tales animi qui corporibus inherēt, vt ij qui sono
quodam vocum, & Phrygiis cantib, incitātur.* Maximi er-
Carmina go momenti fuerit, rigidissime examinare vt habent
phrygia. hæc res, atque adeo totam de diuinatione doctrinam
quandoquidem maxima sacrorum librorum pars pro-
phetia constat. quod maximum est fidei nostræ firma-
mentum

mentum, iuxta illud 2. Petr. I. *Habemus firmiorem propheticum sermonem, cui benefacitis attendentes.* Si vero vaticinandi vis naturaliter hominibus accideret, qua ratione fidei, quæ de super naturalibus habetur, argumentum esse posset? Vniuersim de diuinatione plurimum disputatum est à veteribus Philosophis, Stoicis asserentibus esse re vera omnia ea diuinationum genera, quibus gentes omnes utebantur, adeo ut neque auspicia, auguria, neque sortes, neque iudiciariam astrologiã, quam scientiã Chaldeorum vocabant repellerent. Epicurei ea omnia deridebant, putabantque esse imposturas quasdam, per credulitatem, & timiditatem hominum inuentas. Diogenes à quo fluxerunt Cynici, cum intueretur vitæ gubernatores, medicos, atque philosophos, dicebat animalium omnium sapientissimum hominem esse: cum autem inspiceret somniorum interpretes, coniectores, & vates, & huiusmodi, dicebat nihil se stultius existimare homine. Itaque & Cynici deridebant hæc omnia. Peripatetici quædam negabant, quædam asseriebant. Quod ut apertius exponamus, ab ea partitione incipimus, qua Cicero utitur in libris de Diuinatione. Omnia diuinationum genera, quibus homines uti tentauerunt ad duo rediguntur: vnum quod ad artē quampiam videtur pertinere, alterum quod arte caret, videturque potius constare natura. In primo genere sunt auguria, & auspicia, & obseruationes portentorum, & astrologia iudiciaria, & missiones sortium, & prognostica medicinæ, & physionomia, cuius chyro-mantia pars est. In secundo genere sunt insomnia, vatum furores, & oracula, & Pythonum ex ventre responsa, & omnis necromantia. Rursus horum quæ in secundo genere continentur, quædam extrinsecus

De diuinatione multa.

De diuinatione opinionos.

Diuinationum genera.

Stoici vaticinia habuerunt.

petuntur, vt oracula, & pythorum, & mortuorum responsa: quædam in ipsa nostra anima esse videntur, vt insomnia, & furores vatum. Porro ipsi somniantes aut furentes, vocentur Platoni Vates; qui verò interpretantur, vocantur Prophetæ, itaque vates non intelligere quæ dicunt: prophetas verò exponere quæ dicunt vates; quanquàm in sacris libris hic nominum usus non ita obseruatur, siquidem Cayphas dicitur prophetasse, cum nesciret quid diceret. Ergo nos quoque nunc indistinctè vocamus, siue vaticinari, siue prophetare, præsentire, aut prædicere quæ futura sunt. Stoici vt dicere cepi, nihil horum repellebant, sed omnium gentium hac in parte credulitati fauentes, censebant & auspicia, & auguria, & portenta, & scientiam magorum, & sortes, aliquid continere in sese certi & firmi, atque adeo vanum non esse eis vti, & auspicato quiduis aggredi, quod in vita esset magni momenti, aut inire prælium, vxorem ducere, aut aliud quiduis facere: Itaque non nisi præter rationem dimitti posse, contemplationem dextri & sinistri volatus auium, lugubris, aut hilaris cantus, & extorum in sacrificiis. Præter hæc etiã, esse vim quandam quibusdam hominibus, & in quibusdam locis vaticinandi, nunc dormientibus, nunc furore percitis: esse quoque Deorum de futuris rebus responsa. Primum quidem argumentum, & quod vniuersum de omnibus concludebatur, accipiebant ex communi omnium gentium consensu, qui (vt alibi dicit Cicero) lex est naturæ. Vix autem reperiri poterat gens vlla, ad quam Romanorum nomen peruenisset, quæ non haberet eas omnes prædicendi artes, & apud quam non narrarentur fuisse vlla vaticinia. De singulis verò ita argumentabantur, (eligam quæ videntur firmissima) primum quidem auspices, augu-

augures, & portentorum, & astrorum obseruatores, & sacerdotes qui considerabant exta, nō temere profer ebant quidquam; neque nisi consideratis quibusdā signis, vtentēque quibusdam artibus, non aliter ac medici consideratis in facie, & spiritu, & decubitu notis, prædicunt hunc moriturum, victurum illum: atque agricolæ consideratis volatu auicularum, & ranarum cantu, & grunitu suum, præsentunt plure, & nautæ, pisciū consideratis saltibus, & maris colore, instātem procellam. Vt ergo nemo est qui hæc præfensionum genera vt naturalia non recipiat, ita nemo esse debet qui illa repellat. Nihil enim videtur interesse, præterquam quod eorum causæ videntur ignorari. Si verò (inquiunt) experimento res constat, vt omnium gentium videtur vsu probari, ctsi ignoretur causa, non est detrahenda fides, sed censendum omnino esse aliquā, quia nihil sine causa fit. Iam verò diuinationem illam aliam, quæ verius diuinitio dicitur, quæque sine vlla arte intra nos esse videtur, dormientes, aut furentes, asseritur exemplis multis. quia præter vetera quæ narrantur quā plurima, vix vllus incidet in hanc lectionem, qui non audiuerit multa ad hanc rem pertinentia. Post exempla verò addebat Cratippus hoc argumentum, quod sibi persuadebat esse firmissimum.

De diuinatione per somnia.

Quodcunque animal vel semel in tota vita vidit cælum, aut omnino colorem, fulgoremue aliquem, etiam si cēties millies videre nequiuert, aut videndo deerrauerit, necesse esse habeat vim facultatēque cernendi: nam quod ea omnino orbatum est, nunquā videre poterit. Ergo & quicumque homo, vel semel præfenserit diuinaueritque futura, etiam si errauerit ea in re pluries, habet in sese facultatem diuinandi. At verò nemo neget plurimos somniasse aliquando, aut etiam vigilantes

dixisse res futuras, quæ verè consequutæ sunt. Porro (dicunt) vt naturaliter tributa est animæ vis quædam sentiendi præsentia, quæ dicitur sensus, & alia sentiendi præterita, quæ est memoria, ita oportet tributam esse aliam futurorum, puta vim diuinandi. Collocant itaque sensum, & imaginationem, quæ sine sensu temporis est, iater memoriam & diuinationem. His argumentis, & aliis multis (quæ vt minus naturalia sciens prætermitto) affirmabant esse in humanis mentibus vim quandam diuinandi, quæ plerumque langueret, nonnunquam verò excitaretur vehementer, aut calore quodam intrinsecus excitato, vel vehemēti motu, vel lino, vel flatu aliquo diuino talem habente naturam, eumque vel ex terræ quibusdam locis non continenter, sed ex temporibus quibusdam exhalare, ac sese, non in omnes, sed in natura magis paratas mentes inferere, illisque diuinationis, velut quædam, citra cum calorem vel flatum, obturata foramina referare: ab eius quoque facultatis vsu mentem, præsentia rerum externarum, inter quas versamur semper, inturburi, proinde tunc maxime posse, cum externis relictis rebus per se mouetur, vt in somnis, aut cū eleuata est, vt cum musico concentu detinetur. Licet tibi hæc legere, vt multis aliis in locis, ita apud Plutarchum libello de defectu oraculorum; Quibus plurimum videtur ad stipulari factum Elisei, siquidem petiit adduci sibi psaltem, vt vaticinaretur. Epicurei omnia diuinandi genera deridebant, censentes nihil eorum quæ omnino non sint sciri posse, futurorum verò nullum esse adhuc. sed quoniam neque præterita iam sunt, melius videtur ratio hæc ita concludi posse. Quæ neque sunt neque fuerunt vnquam, nullo modo sciri possunt; Nam neque per se vt quæ actu sunt, neque

*Epicurei
diuinationes deri-
det.*

que per sui species, ac velut vestigia quæ reliquerint
 ut quæ præterierunt: nulla est igitur diuinandi ratio.
 Censebant ergo, eorum quæ præcognita prædictaue
 per quoduis diuinationis genus esse narrantur, pluri-
 ma esse vulgi ineptias, aut sacerdotum imposturas: im-
 peritæ verò multitudini, prætextu pietatis & religio-
 nis facile persuaderi: nonnulla casu euenire, ut scilicet
 euenire potuit aliud quiduis. Neque enim necessario
 non euenit quod prædictum est, sed & cum non eue-
 nit, potuit euenire. Peripatetici, ut Cicero refert, om-
 ne id genus diuinationum, quod artis alicuius erat
 particeps, tollebant, ut Epicurei; id verò quod arte ca-
 ret, ut diuinationem dormientium, & furentium, &
 eorum qui morti proximi sunt, concedebant ut &
 Stoici. Plato, utrunque mihi videtur recepisse, alterius
 verò causam reiecisse in Dæmones, alterius in natu-
 ram. Nam in conuiuio siue de Amore, differens
 de natura Dæmonum, quos inter homines & Deos
 censet intercedere, inquit. *Per hanc vaticinium omne
 sacerdotumque diligentia circa sacrificia, expiationesque,
 & incantationes, & diuinitio omnis, atque magica.*
 Idem in dialogo de Natura vaticinium statuit, in ie-
 core, censens scilicet diuinandi vim tributam esse ho-
 minibus à natura, & ea vi tunc maxime eos vti, cum
 minime vti possunt prudentia: sunt verò eius hæc
 verba. *Quod autem dementiæ humanæ Deus diuinan-
 di vim dederit, illud argumento esse potest, quod nemo dū
 sanæ mentis est, diuinum & verum vaticinium ullum as-
 sequitur, sed cum vel somno prudentis vis præpedita est,
 vel oppressa morbo, vel diuino aliquo raptu à sua sede di-
 mota fieri diuinitio solet.* In Apologia idē Plato Socra-
 tis nomine, dicit eos qui proximi sunt morti solere di-
 uinare. Pythagoram narrat Laërtius diuinatione per

*Peripate-
tici quid
de diuina-
tione.*

*Opinio
Platonis*

Aristo-
telis.Lympha-
tici & Si-
billæ.Diuina-
tionē esse
ensent
philoso-
phi.

auguria esse vsum, & inter symbola scripssisse, *diuina-
tionem omnem honora*. Aristoteles quoque sectione. 30
 problematum, causas quibus Sibillæ & bachantes, &
 vates fiunt, rejicit in calorem quem in mentis sede
 ciet atrabilis, eius verò sunt hæc verba. *Multi etiam
 propterea quòd ille calor sedi mentis in vicino est. morbis
 vesaniæ implicantur, & lymphatici fiunt; unde Sibillæ,
 & bacchantes, & diuino spiritu afflati fiunt, cū non mor-
 bo, sed temperie naturali fiunt*. Ex his verbis cōstat, A-
 ristotelem censere, vel saltem eo loco affirmare (nam
 vt hoc obiter dicam, eius viri sententia propria male
 petitur ex problematis, quia in eorum dissolutione
 sæpe vtitur alienis placitis) esse in hominum mētibus
 naturalem facultatē futura præsentendi; eam verò in-
 citari calore, in quibusdam quidem morbofo, eosque
 dici maniacos, phreneticos, aut lymphaticos: in aliis
 verò naturali, quòd scilicet atrabile, eaque calida, na-
 turaliter iuxta mentis sedem, hoc est in cerebro abū-
 dent, eaque causa fieri Sibillas & vates, atq; adeo pro-
 phetas. sed & in libro de mundo ad Alexandrum, ex-
 tant hæc Aristotelis verba, quæ plurimum dictis de
 naturali diuinatione videntur fauere. *Atque etiam per
 multa spirituum genera plerisque in locis terræ ostia pa-
 tefacta sunt, quorum quidam spirituum alij aduentantes
 instigant, alij in ediam tolerare faciunt, & alij vaticinari,
 vt in Delphis & in Lebada*. Itaque cōstat philosophos
 omnes, præter Epicureos, qui non adeo sunt à multis
 existimati sapientes, censuisse esse aliquam diuinandi
 facultatem, hominum mentibus insitam naturaliter,
 etiamsi ea facultas non nisi in raris quibusdam esset
 conspicua. Nam etsi de artibus illis diuinatoriis, aru-
 spicum scilicet, & augurum, fortilegorum, Chaldeo-
 rum, & magorum, & sacerdotum, & similibus dissen-
 tirent,

tirent, aliis has quoque habere aliquid naturale putantibus, aliis esse vanas prorsus, & nihil habere certi, retineri verò propter mores patrios, ne tollantur simul leges, Platone asserente ea quoque diuinandi genera, non tamen naturales habere causas, sed fieri Dæmonum interuentu; tamen de ea diuinatione, quæ citra omnem artem in nobis ipsis sita esse videtur, quales Sibyllarum, prophetarum & somniantium, omnes præter dictos, consentiebant, naturaliter esse in ipsis nostrum mentibus. Ex sacris eloquiis dubitare merito posses, quam sententiam colligas. Nam capite 23. Numerorum, Balaam afflatus diuino spiritu, & laudes populi Israelitici commemorans: inquit, *Non est augurium in Iacob, nec diuinatione in Israel.* itaque quasi augurium & diuinatione omnis sint vana, aut malorum Dæmonum interuentu fiant, dicit, non esse horum quippiam inter fideles. Hanc ob causam Saul, dum bonum ageret coram Deo, erasit e terra Israel magos, & ariolos, & habentes pythones in ventre interfecit. Itaque omnes qui utebantur artibus diuinatoriis, aut magos & ariolos e terra relegauit: admittentes verò malos Dæmones intra sese, interfecit. Hæc itaq; omnia partim sunt censenda vana, partim praua, quod partim sunt imposturæ, partim agantur interuentu malorum Dæmonum. quod idem vel ex nostris legibus constare potest, quibus impostores omnes, qui vtcunque diuinationem profitentur, relegari iubentur, vtetes autem diaboli opera, vel cõburi, iuxta id arbitror quod Saul initio sui regni fecisse narratur. capite 28. primi Regum. itaque videtur omnis diuinatione populo Dei esse interdicta. Alia tamen ex parte videri possint, non minus, sed plus etiam quàm gentes vsi omni genere diuinationis. Nam in secundo genere (vt ab hoc nunc

Diuinatione populi Dei interdictum

Angurij
usus in
sacris.

genere (vt ab hoc nunc incipiam) esse videntur visiones omnes prophetarum & prædictiones , quæ non semper & vtcunque , sed afflatis numine quibusdam occasionibus fiebant , velut cum Sauli obuius fieret cuneus prophetarum , insiluit super eum spiritus Domini , & prophetauit in medio eorum : itaque velut furens repente se coniecit medium inter prophetas , prophetauitque cum illis ; cuius rei nouitas prouerbiū peperit , *Saul inter prophetas* , vt narratur capite decimo primi Regum . Eliseus loco citato ad cantum psaltis prophetare cepit . In hoc genere etiam erant somnia , & somniorum interpretationes , Ioseph , & Danielis . In primo genere esse videbantur missiones sortium , quæ quàm maximè videntur probari in sacris , siquidem 16. prouerbiorum dicitur , *sortes mittuntur in sinum sed à Deo temperantur* . Iosue capite septimo suæ historiæ habetur , mittens sortes primum per tribus , deinde per domos , postremo per singulos , reperit Acham filium Chaim , esse anathema . Diuus quoque Mathias electus est in apostolatū missis sortibus inter eū & Ioseph : vt narratur capite primo actuum Apostolorū , Augurio videtur etiam vsus Eliseus , qui lethaliter iā ægro- tans , prophetauit Ioë regi Israel , fore vt vinceret Syriam ter , eo quod terram iaculo ter percussisset : si autem pluries percussisset , fuisse denicturum eam vsque ad consumationem . Itaque ex numero iaculationum videtur præsensisse numerum victoriarum : non aliter ac Calchas Agamennoni narratur , ex numero passerum prædixisse numerum annorum belli Troiani . Sed & quadragesimo capite Geneseos scriptum est , Iosephum solitum esse augurari in scypho , in quo bibe- bat : atque ideo ipsemet dixit , *An ignoratis ; quod non sit similis mei in augurandi scientia* ? Necromantiæ

etiam exemplum esse videtur in sacris, Nam Saul <sup>Necromi-
tie exem-
plum in sa-
cris.</sup> cum consultus Deus ei non responderet neque per somnia, neque per sacerdotes neque per prophetas curauit vt Pythonisa sibi suscitaret Samuelem, quem cōfuleret. Obseruationis etiam auium & inspectionis extorum, formam videtur præ se ferre, illud quod Deo imperante fecit Abrahamus quod narratur capite 15. Geneseos his verbis. *Et respondens Dominus, Sume inquit, mihi vaccam triennem, & capram trimam, & arietem annorum trium, turturem quoque & columbam. qui tollens vniuersa hæc, diuisit ea per medium, & vtrasque partes contra se altrinsecus posuit, aues autem nō diuisit: descenderuntq; volucres super cadauera, & abigebat eas Abraham, cumque Sol occumberet, sopor irruit super Abraham, & horror magnus & tenebrosus inuasit eum diemque est ad eum. scito prænoscens, quod peregrinum futurum sit sementium in terra non sua. &c.* Videtur sanè in hoc oraculo, & inspectionem extorum fuisse, siquidem diuisit per medium tria illa animalia, & eorum partes contra se altrinsecus posuit, auium quoque habitam rationem, siquidem descenderunt super cadauera: porrò accessisse diuinatione ex insomnio, siquidem post soporem dictum est ei quod semini eius erat euenturum: Arti quoq; Chaldeorū, hoc est astrologiæ iudiciariæ, fauere videtur illud, quod capite <sup>De ast-
logia i-
udiciaria.</sup> quinto libri Iudicium scriptū est, De cœlo dimicatū est contra eos, stellæ manentes in ordine, & cursu suo aduersus Sisaram pugnauerunt. Si enim ob infelicem stellarum in cœlo manentium ordinem Sisara deuicta est potuit certè præuiso eo stellarum ordine suam calamitatem præsentire. Sed & chyromantici habent in sacris, quo se tueantur: siquidem capite 37. libri Iob ita habetur *Qui in manu omnium ho-*

minum signat, vt nouerint singuli opera sua. Iam verò oraculis nulli homines videntur magis vsi quàm Israelitæ. Nam Dauid consuluit Deum, capite quinto libri secundi Samuelis. *Si ascendam contra Philistæos & tradas eos in manus meas? qui respondit, non ascendas contra eos, sed gira post tergum eorum, & venies ad eos ex aduerso pirorum.* Consulebant etiam per prophetas. nam capite decimosexto secundi Paralipomenon, dixit Iosaphat ad regem Israel, *Consule obsecro in presentiarum sermonem Domini.* Congregauit ergo rex Israel prophetarum quadringentos viros, & dixit ad eos. *In Rbamothe Galaat, ad bellandum ire debemus, an quiescere?* postea horum responso non contentus, accersiri iussit Micheam. Quæ igitur diuinationo non erat in Israel? Certæ primæ de diuinatione quæstioni, An scilicet sit vlla diuinationo, nullus locus relictus est. Est enim re vera diuinationo aliqua, vsique ea sunt non tantum populus Dei, sed & aliæ gentes. nam vt fuerunt prophætæ inter Hebræos, fuerunt & inter Græcos, & Latinos Sibillæ, & Balaam prophetauit inter gentes, & responsa accipiebant Idololatræ à suis Diis. nam præterquàm quòd nimis esset proteruum, negare omnia quæ de Ammonè Ioue, & Delphico Apolline celebrauit antiquitas, rex Ochozias misit nuncios ad Belzebub Deum Acharon consulendum de sua salute, quasi scilicet ad respondere solitum. Quapropter facessat stultitia Epicureorum derisio, qui omnia siue de sacrificiorum inspectione, siue de diuinatione ex insomniis, siue de prophetis, siue de oraculis, ac prorsus de quouis diuinationis genere, vbi terrarum esse dicebantur, censabant esse meras nugas, ac non solum non esse vllam diuinationem naturalem, sed ne esse quidem: qui hac vna causa mihi videntur laudandi, quod scirent, quid

ex suis placitis esset consequens. Nam illi nullam vim naturalem diuinandi esse censentes, cū & nullos Deos qui rebus humanis prospicerent esse putarent, sed (vt rectè Cicero intelligit) per derisum dicerent, eos esse imagines quasdam per aërem vagantes, non poterant ullam diuinationem recipere. Nos ergo quibus ex tam multis testimoniis doctissimorum ac grauissimorum auctorum, ac quod firmissimam fidem facit, scripturæ sacrae, constat esse re vera, fuisseque semper inter mortales futurarum rerum præsentiones, disputandum est, quæ diuinatio sit (posita enim sunt plurima illius genera) atque quæcunque esse probetur, quam habeat causam, an naturalem, an diuinam. Disputetur primum quidem vniuersim, deinde per singula genera, hinc sumpto initio. Quicunque futura tentant prædicere, aut ex consideratione causarum, signorumve procedunt, aut non, sed sine vllis signis aut argumentis, quasi res ipsas per se videant id faciunt; illud pertinet ad coniecturam, hoc ad diuinationem. Rursum, coniecturarum quædam sunt coniunctæ cum vera prudentia, quædam sunt vanæ, vt, scilicet ipsæ, siue causæ, siue notæ, ex quibus ratiocinatur. sunt vt coniecturæ quibus, imperator in bello, & ciuilis vtitur in administranda republica, & medicus in curandis morbis, & nauta in soluenda à portu aut retinenda naui, & agricola in mittendis seminibus, coniunctæ sunt cum prudentia, quia cum naturali ratione, aut diuturna experientia, rerum secundum naturam contingentium. Quibus verò vtuntur Auspices, aut augures, aut extor-
pullorum, vt videtur plerisque, vanæ sunt. Neque in volatu auium, neque in extis hostiarum, neque in pastu pullorum, neque in casu contingentibus portentis, vi-

Vanæ diuinationis.

*Diuinitio
nō est me-
rē natura-
li.*

videtur posse esse vlla naturalis significatio exitus bel-
lorum, aut vitæ, mortisve principium, aut eiusmodi a-
liarum rerum, quarum gratia hæc obseruabantur. Di-
uinitio propriè vocata, aut vaticinatio, aut prophetia,
nulla esse potest (quidquid grauissimi illi Philosophi
dicant) merè naturalis; cur dicam merè explicabo po-
stea. Nam qui diuinat, aut tunc primum illud didicit,
aut antea quoque sciebat. non animaduertat tamen:
tunc quidem discere non potuit, quia cum non didi-
cerit colligens ex præexistenti aliqua cognitione cau-
sarum, aut signorum, aut cuiuspiam corporalis passio-
nis quam acceperit, neque omnino collegerit ratioci-
nando ex aliis assertionibus (id enim non diuinare, sed
vt diximus coniectare esset) oportet ex ipsius obiecti
præsentia sciētia cōparauerit: at verò quod neq; est o-
mnino est neq; fuit, nō potest esse præsens obiectiue
igitur superest, vt qui diuinat, eius quod diuinat noti-
tiā sēper apud se habuerit: id vero nulli finitæ faculta-
tis mēti contingere potest. Neq; igitur vlla potest esse
naturalis diuinitio. Nam facultas diuinandi si quæ
est, non est quorundam, ita vt aliorum non sit; neque
futurorum quædam diuinari possunt, quædam non
possunt: sed ea facultas erit per sese omnium fu-
tutorum, vt memoria est per se omnium præteri-
torum, & quantum in ea agitur, quidquid futurum
est diuinari possit. Necesse est ergo. si quæ di-
uinandi facultas naturaliter inest humanæ menti, in
ea esse rerum omnium futurarum species, & noti-
tiam.

Quoniā verò præsentia omnia & præterita aliquādo
fuerūt futura, tūcq; pertinuerūt ad diuinādi facultatē,
necesse est ea quoq; sint in anima quæ eā habeat potē-
tiam: ergo necesse est habeat humana mēs in sese spe-
cies &

cies & notitiâ rerum omnium, præsentium, præteritarum, & futurarum: id verò fieri non potest, neque per infusas rerum species, neque per participationem idearum, neque aliter, cum sit finitæ ac certæ virtutis. Nam vt qui non est potentia infinitæ, non potest omnia facere, ita neque qui non est infinitæ sapiëntiæ, potest omnia scire: fit ergo, vt non possit esse in homine vlla naturalis facultas diuinandi. Ponere enim calorem quendam, siue bilis atræ, siue flatus cuiuspiam, auræve talis, quæ incitando mentem instiget ad diuinationem, nisi prius explices, qua ratione possit mens ipsa diuinare, an euoluendo quas in se habet notitias, an recipiendo quæ accedant extrinsecus, inutile est. Si enim ipsa diuinatio esse non potest, neque vlla sit in mente diuinandi vis; ea verò si non est, calorem vel afflatum ponere, vt diuinetur, perinde est ac si quis putet hominem natura cæcum, cuiusdam splendoris accessione posse videre. Quidam neoterici hoc argumentum sibi videntur effugere, ponentes humanam mentem per se, ac nisi corporeis impedimentis teneretur, omnisciam esse, ac proinde cum aliquando dimissis rebus corporeis, quasi vinculis soluta euagatur, per sese etiam sine vllis obiectis res alioqui occultas, aut futuras agnoscere. Sed hi conditionem animæ alligatæ corpori non norunt, quæ nisi quæ per sensus receperit, agnoscere nullo modo potest: & ipsam humanæ cognitionis rationem tollunt, quæ nihil est aliud quàm quodammodo ab obiectis pati. Præterquàm verò quod tam multa receptissima à Philosophis placita perdunt, non vident se finitæ formæ perfectionem adscribere infinitâ. Scire enim præcipua mētis perfectio est, & quo plurimum est scientia, eo maior, quæ ergo omnium, infinita. ea cum non nisi in prima

*Futurorū
cognitor so-
lus Deus.*

causa (quam infinitæ potentia, sapientia, & bonitatis
esse alibi prius, & in hoc ipso opere monstraui) esse
possit, constat neque scientiam futurorum posse esse,
nisi penes primam, & infinitæ sapientia intelligentiā,
penes quam, vt inquit Plato, *neque est, erat, & erit, sed
est.* Igitur neque certa neque ambigua prædictio re-
rum futurarum, taliūque, vt earum non potuerit ef-
se vlla certa coniectura ex rebus sensibilibus, neque
eæ possint secundum aliquam corporalem passionem
significari, euidenter attestantur primæ veritati, quæ
penes primam intelligentiam est, neque minus quam
miracula confirmare eam possunt apud homines: i-
mo plus etiam, quia multo melius possent Cæcodemō-
nes sensibus nostris illudendo miracula ementiri,
quàm certo & sine fraude, futura prædicere. Sine frau-
de dico, quia hac etiam in parte tentauerunt imperi-
tissimæ rerum diuinarum gentilitati imponere, & ve-
ri Dei opera vtcunque imitari: nimirum, vt ille res-
pondebat ex propitiatorio, vera, certa, & omni fraude
vacantia verba, & veris prophetis vera suggerebat; ita
illi aut ex idolis, aut per pseudopphetas responde-
bant nunc ambigua, & quæ in vtramuis partem flecti
possent, nunc nugas, nunc mendacia. Ambigua, vt
quidquid eueniret illi prædixisse putarentur; quale
est illud, *Aio te Æacida Romanos vincere posse:* nugacia
vt quæ ipsis manifesta esse possunt, & hominibus oc-
cultis respondētes, ipsos in admirationem rapiebāt pu-
tantes quòd scirent occulta, posse, etiam scire futura.
quod tamen longe differt. huiusmodi est illud. Cum
quidam ad oraculum missus esset, tenens manu plica-
tā syngrophā, in qua scripta erat hæc interrogatio, *V-
trum mauis tibi bouem immolari, album, an nigrum?* ipsi
neque

*Dæmones
Dei si-
miae.*

*Dæmonū
responsa.*

neque interroganti quidquàm , neque vero scienti quid manu gereret , bis ad aurem responsum est , *album*: quæ res magnam Amoni auctoritatem conciliauit, quasi potenti de quacumque re consuleretur , respondere. ea verò res nihilo maiorem admirationem afferre debuit , quàm si aperta voce interroganti, qualem vellet immolari bouem, responsum esset , *album*. Cur enim Dæmonum natura ad agnoscendas voces, quàm literas censeatur esse aptior, cum non magis auribus, quàm oculis præditi sint? mendacia suggerebāt pseudopphetis ad decipiendum. Exemplo est id quod euenit Achab regi Israel, cui quadringenti ferè prophetæ, spiritu mendacij instigati, responderunt, fore ut debellaret, & bello caperet Ramoth Galaad, cum tamen ille bello illo esset casurus, & eius exercitus dissipandus. Itaque vera & certa futurorum prædictio, ac prophetia, inspirationis à summo Deo, per se, aut per bonos Angelos factæ, euidens argumentum est. falsa verò, aut incerta, aut pertinens ad res præteritas, occultas tamen, ut furtorum , aliorum facinorum detectio (hanc enim etiam vocant diuinationem, quin & prophetiam, ut constat ex capite decimotertio Lucæ ubi dicitur, *velauerunt eum & percutiebant faciem eius, & interrogabant eum dicentes, prophetiza quis est qui te percussit*) hæc inquam inspiratione fieri potest prauorum Dæmonum. cuius inspirationis , non nunquàm ipsi diuinatores sunt conscij, ut cum consulto, & præ impietate cum illis pepigerunt : nonnunquàm ipsi etiam ignorant. Atque ignorantium , nonnulli putant se à Deo Optimo Maximo instigari, vel ut quadringenti illi prophetæ, qui deceperunt Achab: nonnulli neque an extrinsecus veniat vlla inspiratio, an intrinsecus in ipsis orta sit ea præsensio, norunt. atque

An facultas diuinæ di sit naturalis in hominibus.

hi præcipuè sunt, per quos sibi multi philosophorum
 persuasere, esse hominibus secundum naturam vim a-
 liquam & facultatem occulta & futura diuinandi.
 Cum enim diuinationem videant, & inspirationem
 non agnoscant, causantur naturam. Certè longè fa-
 cilius, ac suasibilius est, Dæmonem tacitè rem quam-
 piam phantasiæ repræsentare, quàm esse vim natura-
 lem agnoscendi futura, quæque nondum sint, & oc-
 culta, quorum formæ per organa sensuum non sub-
 ierint, cum hoc adeo naturæ ipsius animæ, & condi-
 tioni humanæ cognitionis indicatum sit repugnare;
 illud verò sit perfacile: Agitatione enim specierum
 rerum præteritarum, quæ in memoria sunt repositæ,
 possunt fieri futurarum rerum, aut occultarum spe-
 ctacula: id vero nisi raro & casu quodam fiat (in ple-
 risque enim eorum quæ narrantur, casus & credulitas
 pepererunt diuinationis opinionem) à Dæmone fit. Ita-
 que omnis proprie vocata diuination, quæque nul-
 lam habet adiunctam coniecturam, fit à Dæmone bo-
 no aut malo, neque est in hominibus vlla naturalis
 facultas diuinandi, neque vllus sensus futurorum.
 Argumentum verò, cui Cratippus maximè fidebat,
 nullius momenti est. Si enim nemo, neque dormiens
 neque vigilans quidpiam futurorum præsentit, neque
 prædicit (præter afflatus Dæmonum) nisi casu, non cer-
 tè quia prædicit, prædicendi facultatem cognoscetur
 habere. quod enim fit casu, fit per accidens, quod à fa-
 cultate, fit per se: non ergo à facultate quod casu. Casu
 vero fieri raras illas quæ narrantur diuinationes, con-
 stat, quia, quod per se & à facultate, fit semper aut ple-
 rûmq; quod casu, fit raro, aut semel: male ergo ille colli-
 git, si vel semel prædictū sit quod postea eueniat, esse
 facultatē nobis diuinādi. Neq; illud aliud quod de me-
 moria,

moriam, cui facultatem diuinandi volunt opponi, rectè concluditur. Neque enim quia præsentium & præteritorum est sensus; oportet vt & futurorum sit, cum præsentium, & præteritorum sit vnde accipiātur certę species, futurorum non sit, nisi per accidens, ex ipsis præsentibus, & præteritis. Non est itaq; vera diuinationo naturalis: nihilominus habet etiam in diuinatione partē aliquam naturā, idque duobus modis: vno quidē, quòd quædam vocatę diuinationes sunt merę naturales: altero, quod ipsa etiam propriè vocata diuinationo, & prophetia, ob naturales quasdam causas, accidit potius huic quàm illi, hoc aut illo tēpore, hoc aut illud agēti, hoc aut illo modo disposito. primus ergo modus primū explicetur, deinde alius. De Astrologia & Physiognomia, cuius Chyromantię prædictio pars est, quandoquidem artium quarundam esse videntur, certum est seorsum disputare, an fide aliqua sint dignę, an prorsus sint vanę, vt etiam de Necromantia, ne tam multa vno capite inuoluamus. Superfunt auguria, seu auspicia, & extorum inspectiones, & portentorum interpretationes, sortes, & insomnia. Augurij & auspicij nomē propriè dicitur de diuinatione, quę ex cātu, aut volatu, aut pastu auium, procedit: latius vero patente nomine, etiam de ea quę ex aliis quibuscumque rebus casu incidentibus, vt quòd hoc aut illud nomen auditū est, quod talis aut talis homo occurrit agenti iter, quòd hinnuit equus, aut cespitans cecidit, quòd in mensa excidit, aut vinum effusum est, quòd iactus baculus bene in terrā cecidit aut male, & innumera alia, quę neq; vlla constāt ratione, neq; eadem apud omnes sunt, sed quę sibi quisque fingit. Extorum inspectionibus utebantur sacerdotes in sacrificiis idolorū, vtq; animalium quę immolabātur, erant viscera integra, aut vitiosa, ita

bene aut malè ominabantur iis quorum gratia sacrificia fiebant. Vtrâque horum erant prorsus vana, ac ex superstitione hominum profecta; si quid verò maius in his eueniebat, quàm vt casu fieri censeretur posset, id omne (vt Plato etiam autor est loco quem citauimus) Dæmonum interuentu fiebat: ideoque merito datum laudi est Sauli, quod erraserit à terra Israel omnes ariolos, simul cum magis, & pythonem habentibus. Nihil occurrit in sacris quod augurij aliquâ speciem præ se ferat, nisi fortè illud quod Eliseus respondit Ioë regi, victurum scilicet ter: quòd terram ter percussisset iaculo: id verò non ita oportet interpretari, quasi triplex iaculatio triplicis victoriæ augurium præstiterit, sed quod Eliseus eam recepisset reuelationem à Deo, fore vt Ioë toties vinceret Syriam, quot ab eo iussus mitteret iacula: hæc verò diuinationo non ex augurio, sed ex diuina reuelatione processit. Iam verò quòd Abraham, vaccam, capram, & arietem per medium secuit, sacrificium fuit, non extorum inspectio. abigebat verò volucres non augurium captans, sed sacrificij reuerentia. Iam verò Ioseph putabatur ab Ægyptiis augurari in scypho, cum tamen ille re vera nihil tale faceret, sed esset & prudentissimus coniectator, & propheta. ipse vt se magis dissimularet apud fratres, ad opinionem Ægyptiorum interrogauit, *An igdoratis quod non sit similis mei in augurandi scientia?* nihil sanè affirmans, sed illos terrens, ac fingens esse alium. Portentorum interpretationes vanas omnino non esse, constat: si quidem Deus Optimus Maximus, gubernationem rerum humanarum penes se esse, vbi magnæ aliquæ earum mutationes instant, portenta quædam faciens indicare solet. Velut cum placeret Domino transferre imperium Assyriorum in Medos, facta

*Scyphus
auguratio
nis.*

Portenta.

est

est portentosa illa visio manus scribentis in pariete,
Mane, Thecel, Phares, quod interpretatus est Daniel,
 non certè aliter quàm per propheticum quem habe-
 bat spiritum. Porro cum mundi ageretur redemptio.
 & reconciliatio hominum cū Deo, & mutatio seculorum,
 ac filius Dei moreretur, tenebræ sunt factæ su-
 per vniuersam terrā horis tribus; & velut templi scis-
 sum est, & lapides collidebantur mutuo, & surrexerūt
 plurimi à monumentis: quorū interpretatio per san-
 ctum spiritum facta est ecclesiæ. Porro interpretatio
 illa portētosi illius eclypsis Apollopheanæ Philosophi
 in Heliopoli agentis (vt narrat Diuus Dionysius in e-
 pistola ad eundē Apollopheanē) minimè fuit vana, qui
 interrogatus quid de ea re iudicaret respōdit. *Diui-
 nā rerū vicissitudines*. qui mihi videtur manus quiddā,
 quàm humana sapientiā consequi posset dixisse, ac for-
 tasse prophetauit hic quoque, nesciens quid diceret:
 dixit verò rem verissimam. Nunquàm enim tanta re-
 rum diuinarum vicissitudo facta est, quàm tunc, cum
 cessare caput scripta lex, & idolorū cultus cadere, at-
 que omnia cedere legigratiæ, initiūque accipere re-
 gnū Dei. Quoniam vero Deus non christianarum
 rerum solum, sed humanarum omnium prouidentiam
 habet, & gubernationem, vt ex eo quod contigit Bal-
 thasari regi palām fit, non est quòd fidem abrogemus
 iis, quæ de Romanorum, & aliarum gentiū portentis
 narrantur, vt neque iis quæ Iosephus accidisse narrat
 paulò ante excidium Ierusalem, cum præcipuè libro
 secundo Machabeorum capite quinto, ante illud tēpli
 & Ierusalem excidium, quod fecit Antiochus, dicātur
 quadraginta diebus apparuisse per aërem tam multa
 portenta. Verum in hoc quoque præsensionis genere,
 sunt innumera vana, & falsa. Vana quidem, quoniā ea

*Interpre-
 tatio ecly-
 psis Apol-
 lopheanis.*

*Victoria
cātū galli
naceorum*

quæ vt portenta narrantur, leuia sunt, vel casu facta, & quæ non tunc primum, aut solum accidunt, sed tunc considerantur, quòd nouæ aliquæ res cōsequutæ sint. velut narrant Bæotios Thebaidæ vidisse ex magno ac denso cantu gallinaceorum victoriam esse Thebanorū. fuisset verò, vt scitè dicit Cicero, portentū, si cecidissent pisces: falsa verò plurima sunt eorum, quæ in Principū obitu narratur accidisse: ea enim, vt & diuinis titulos & honores, largita est illis adulatio. Itaque portenta, & eorū interpretationes, etsi magna ex parte non tamen omnino yana sunt, quandoquidē vt indicatū est, nonnulla sunt portenta diuina. diuina voco, quæ voluntate Dei, aut intèruētū Dæmonū fiunt. sunt enim etiā multa huiusmodi, vt quæ faciebāt Magi Pharaonis concertantes cum Mose, quos tamen confudit Deus in Ciniphibus, re omniū vilissima. vt inde palam fiat hominibus, Dæmones ne minutula quidē posse, nisi Dei permissione facere; Quoniā verò Deus in suæ prouidentia, & gubernationis argumentum facit aliquando portēta, illi superbissimi, Dei quo ad possunt æmuli, nonnunquā in aëre tumultus cient, voces emittūt, aut phātasmata fingunt, cū vident aliquid noui instare: præsentiunt verò id per coniecturas, vt sunt quā nos perspicaciores. Huiusmodi esse puto, quod auis dicitur clamasse ad Romanos, vt à Gallis cauerēt. sunt itaque eorū quæ de portentis dicūtur, quædā vana (coniungo nunc cū vanis falsa) quædā diuina. Sed & naturalia etiā sunt portenta, quorū est etiam naturalis aliquādo interpretatio, vocātur enim portēta ea etiā, quæ & si naturaliter fiant, ob raritatē admirationē aliquā faciunt, velut mulæ partus, & fœtus monstruosus. Hæc omnia censet vulgus hominū significāre res novas, velut dicunt Zoroastem dētatum exisse in lucem,

*Dæmones
Dei æmuli.*

*Roma
auis clama-
re ser-
nata.*

ac mox

æc innox risisse, qui magicæ inuentor dicitur fuisse. Verum hoc quod de Zoroaste ferunt, nescio, vt habuerit; monstruosos verò & portentosos partus, siquidē causas habent naturales cōstat, ob necessarias potius causas circa materiam contingentes fieri, quàm vt quippiam futurorum significant: naturales verò interpretationes sunt naturalium portentorum, velut Phericydes magister Pythagoræ prædixit fore terrēmotus, eo quod defecisset aqua in iugi pateo, & similibus his portentis admonitus Anaximander, dicitur Lacedæmoniis prædixisse instare magnos terrēmotus, quod ita rē ipsa consequutum est, vt vrbs corruerit tota. Ita etiam insolitus ranarū, mūrū & reptilium prouentus, præmonstrant pestem. Tamen re verā hæc & eiusmodi aliæ præsensationes, non magis diuinationes sunt, quàm quibus medici, agricolæ, & nautæ vtī solēt. Sortes nihil possunt habere naturale, quia ipsa ratio bene mittendi sortes, in eo maximè consistit, vt tollatur omnis causa siue naturalis, siue voluntaria, ita aut aliter cadendi; sed res tota, aut casui, aut occulto motori, ei-que diuinō cōmittatur. Si enim quis in vas mittens pillulas, aliquam facit aliis maiorē, aut parū versat, vt possit extrahere quā velit; aut si qui sponderit cuius calculus prius cadat, faciat suū grauiorem; hæc nō sortes, sed imposturæ sunt: si verò omnis naturalis motus, & deliberationis causa absit, verè fors est. Igitur per sortes nihil futurorū potest præsentiri, neq; occultorū agnōsci naturaliter: potest verò Deus per has, vt multis aliis modis sensibilibus, quarū velit rerū significationē præstare, vt præstitit Iosue, & Petro eū cōsulentibus: tūcque verissimū est quod in prouerbis dicitur, *sortes à Deo temperari*. Hoc quoq; sunt immitati mali Dæmones, respondentes iis qui eos consulūt per

*Terræ-
motus
prædictus*

*Pestis
pronun-
tiationes:
Sortium
confide-
ratio.*

fortes. Ex dictis constat fortes mittendas non esse; nisi cum Deus se ita respondere velle reuelauerit, quod sanctissimis illis viris accidisse credo; aut cum nullum humana prudentia locum habet. Nam tunc quoque verissimile est, si res sint magni momenti, Deum qui humanas res non negligit, nisi peccata obstant, sortes temporales alioqui vanas aut superstitiosas sunt, quia imprudentissima fortunæ, aut nequissimis Dæmonibus cōmittuntur. Dormientibus fieri possunt futurorum, & eorum quæ occulta sunt reuelationes, ac fortasse etiam magis quam vigilantibus, ut postea dicemus. Sed & citra has, est quædam naturalis diuinatione ex insomniis, de qua ab omnibus ferè Philosophis disputatum est, atque à me nunc iuxta illorum placita, est agendum. Res quarum per somnum potest præsentio fieri, quædam à nobis sunt agenda, aut sustinenda, quem omnino extra nos futura sunt, neque in nobis vllum sui principium habitura. Nostri quidem actiones aut passionessunt, velut si ego iturus sum Romam, Rex futurus, fabricaturus, aut moriturus: extra nos sunt, ut si futurum est nauale bellum, occupanda quæ nunc obsidetur Goleta, aut fugandi Turcæ, aut futura ingens procella, aut largus imber. Porro eorum quæ extra nos sunt, quædam talia sunt, ut cum eorum causis nullam habere possimus cōpassionem, aut talia, ut possimus. Atqui ut non possimus cum eorum causis compassionem habere, aut ex natura rerum nascitur, aut ex tanta distantia, ut nullus cōtactus esse possit (scimus enim actiones naturales sine cōtactu fieri) ut à causis futuræ cras hic pluuie, possum ego pati humectatus, emollitus, atque vexatus fluxionibus, quod palam faciunt podagrici, & qui hernia laborant: tamen à causis futuri belli, aut interitus Pontificis, aut fugæ Turcarum, ob ipsarum rerum

Insomnia

*Præsentio-
nis ratio.*

rum

rum naturam, nullā ego possim accipere passionē corporalem. Neque certē Madriti agens à causis futuræ Romæ pluuiæ, aut futuræ hīc sed anno sequenti, q̄b distantiam loci, aut temporis, rerum huiusmodi à quarum causis nullam accipere possumus passionem, nulla neque dormientibus, neque vigilantibus esse potest naturalis præsensio, nisi per coniecturas. Sed cum euenit quempiam vigilantem cogitare, aut dicere, vel dormientem somniare, aliquid quod postea re vera fiat, duorum alterum necesse est; aut id fortuito fieri, non aliter ac cum nobis de aliquo homine loquentibus illē superuenit, aut à Deo cui omnia futura conspicua sunt, aut à sagacissimo coniectore. Dēmonē factam esse reuelationem. Aliarum verò rerum quarū principium intra nos est, aut à quarum causis pati possumus, præsensio multo melius ac facilius accidit dormientibus, quā vigilantibus. Nam duplex ratio est, quā res tales præsentimus, quid facturi simus, consultando quid facere nos postea expediat: quid passiuri, sentiēdo in nobis exigua imminentiu passionū initia. Primo modo admonemur sepē per insomniā quid simus facturi. Nam sæpe de rebus agendis cepta interdū cogitatio, per somnum continuatur, inueniunturque tunc temporis accommodatissima ad finem media, quæ cum expergescentis placent, opere exequimur, putantes nos à Deo admonitos quid facto opus sit. causa verò talis euentus est naturalis! Nam vtrunque dictorum, consultatio scilicet & sensus minutularum passionum, melius multo accidit dormientibus quā vigilantibus, si modo somnus placidus sit, neque multis crassisque vaporibus conturbetur: tunc enim velut, in agitata conturbatāque aqua, multæ variæque redduntur rerum imagines, nulla verò certa

*Duplex
præsensio-
nis ratio.*

ac conspicua. Cum verò somnus est moderatus, neque perturbatus multis animi motibus, aut morboſo apparatu, aut crapula, dicta illa accidunt melius, quia anima intro ſe colligens, & nullis externis ſenſibilium motionibus diſtracta, melius ac perſpicatius cōſultat. Argumento eſt, quòd qui de rebus maximis cogitare volunt, in ſilentio, obſcuris, concluſisque cubilibus, & ſapè etiam oculis id faciunt. Nimirum ſubtrahunt ſeſe ab externorum ſenſu, vt cogitationi vacent. Conſtat verò nulla ratione magis animam vacare ab externis ſenſibus, quàm dormiendo. non verò ita vacat ab internis, ſiquidem ſomniat. quod Hippocrates libello de inſomniis ſignificauit his verbis. *Cum corpus dormit, anima vigilat.* Eandem ferè ob cauſam fit, vt minutulæ paſſiones, quæque vigilantes latent, à dormientibus ſentiantur, videanturque illis eſſe multo quàm ſint, maiores: nimirum ſomnus habet ad vigiliã rationem, quàm nox ad diem, tenebra ad lucem, ſilẽtium ad clamores: at verò conſtat, noctu & ſilentibus cunctis, ſtrepitus vel exiguos videri magnos; interdiu, & vbi eſt magnus ſtrepitus, magnos etiam latere. ad eò vt qui iuxta Nili ortum ſunt, dicantur eſſe ſurdi. Horum verò cauſa eſt duplex. In ipſa anima, quòd ſenſus coniunctus ſemper eſt cum imaginatione, quæ cū animaduerſione operatur, diſtrahitur verò ob aliorũ ſenſibilium magnitudinem aut potentiam: In ipſo organo, quòd vbi multæ recipiuntur figuræ, aliæ alias obſcurat, velut in aqua indicatũ eſt. Itaq; anima per ſonũ attẽtius cogitat quàm per vigiliã, & minutulas paſſiones maiores eſſe indicat. Sũt verò hæ paſſiones, & à cauſis internis, vt ab humorib. & flatibus; & ab externis, vt ab aëris intẽperie. Hinc fit, vt ex inſoniis poſſim⁹ multa de imminẽtibus morbis, aut latẽtibus morborum cauſis,

Ratio
ſomni ad
vigiliam.

causis, præfagire; nonnulla etiã de externis, vt de procel-
lis, imbribus, & eiusmodi. Porro scire oportet, velut
cũ vigilãtes loquimur aut cogitamus, aliquãdo id faci-
mus per proprias appellationes aut notiones, aliquan-
do per figuratas, velut per similitudines, & allegoriẽ; ita etiã
somnia: atque ita aliquando opus non est in-
terprete somniorum, sed illud ipsum quod somniatur
significatur, vt si quis somniat se febricitare est quod ti-
meat febrẽ; & qui esurit somniat se comedere; & qui
sitit, bibere; vt dicitur Isaia 23. Aliquando opus est in-
terprete, qui caleat similitudines, & trãslationes, velut
si quis somniat terrã vri, aut prã vitione findi, est quod
timeat febrẽ; si quis somniat se esse languidissimũ, est
quod timeat paralytim; si somniat sibi fieri crus capi-
deum, cruris paralytim; timebit. Perinde etiam accidit
in externis: si quis somniat largum imbrẽ, neq; in sese
catharrũ, aut illius agnoscant exordia, imbrẽ præfagiet.
Hoc idem præfagiet, si somniat se videre multos qui
latẽ terram irrigent. Neque mirũ videri debet, plu-
uiam somniare signum esse pluuiæ. si enim videmus
imminentem pluuiam cornicẽ, delphinos, fues, ara-
neos, & innumera alia animalcula ita afficere, vt ex eo-
rum cãtu; saltu frequenti, grunitu, & errabũdis moti-
bus, facile eam prænoscamus, quid mirũ est nostra cor-
pora aliquatenus etiã affici, affecta verò ita, vt hũme-
ctata, quid mirũ de pluuiã somniare? vt scilicet redun-
dante semine somniant de venereis redundãte bile de
preliis? & quibus plena vesica est, de lacubus, & flumi-
nibus, cogitãte anima quæ appetit aut fugit? si verò mi-
mirũ non est somniare de pluuiã, cũ ea imminet, neq;
impossibile sit, vigilãtẽ Imaginari (tametsi rãius hoc
sit, quia vt dictũ est minutulas passiones dormientes
sentimus, magis quàm vigilantes) vnde factum esse ar-

*Somniũ in
terpreta-
tio.*

*Pluuiam
que præ-
nunciant.*

bitror, vt Auicenna, & si qui alij eius sententiæ sunt, quod vim habet signi, vim causæ habere putantes, asseruerint animam hominis vim habere mouendi externa, & quæ longè posita sunt: nonnullos enim cogitantes de pluuia, eam fecisse; cum tamen iuxta dicta verisimilius sit, illos quod instaret pluuia, de ea cogitasse. Ecce modos & causas diuinationis naturalis ex insomniis, quæ vt in reliqua vita alicuius, ita in medicina maximi momenti est. Plerunque enim interne illæ passionēs ex quibus nascuntur insomnia, morborum aut symptomatum initia sunt. Insomnia etiam diuina, quæ esse diximus rerum quæ in nobis principium nullum habere possunt, neque nobiscum vllam sympathiam, sunt plerunque allegorica: atque ita ratio ea interpretandi, eadem est quæ & naturalium allegoriarum: Nimirum per enodationem allegoriæ, velut explicari solent enigmata. Atque vt in his explicandis sunt alij aliis prudentiores, ita & in interpretandis somniis. Quo fit, vt sit sæpe somnium diuinum, interpretatio verò naturalis: nonnunquam interpretatio quoque diuina: cum scilicet eadem diuinatione opus est ad interpretationem, atque ad insomnium. Velut insomnia Ioseph videntis: manipulum suum confurgere, & fratrum manipulos coram illo cadere: & iterum Solem & Lunam & undecim stellas adorare illum, diuina fuerunt: haud dubiè; interpretatio verò facilis, & quæ mox succurrit. primi quidem fore vt fratribus imperaret: secundi, vt ab illis & patre & matre adoraretur, quod multo post euenit. Diuina etiam fuerunt insomnia præpositi pincernarum, & principis pistorum Pharaonis (capite 40. Geneseos) & insomnia ipsius Pharaonis: interpretationes verò non est necesse per reuelationem, sed per prudentem cōiecturam ef-

*Symptoma
ta morbo-
rum.*

se factas. tametsi prudentiam illam Ioseph dono Dei habuit, vt & Salomon sapientiam gubernandi: atque illo loco Geneseos coniecturatur vocatur Ioseph, non propheta, Daniel verò non potuit Nabuchodonosor respondere (capite 2. Danielis) nisi per diuinam inspirationem, quandoquidem reuelauit ei somnium quod exciderat, & apposuit interpretationem quod euidentissimum fuit argumentum reuelationis diuinæ, vel ipsis Magis Nabuchodonosor afferentibus, qui ita responderunt. *Sermo quem tu quæris rex grauis est, neque reperiatur quisquam qui indicet illum in conspectu regis, exceptis Diis, quorum non est cum hominibus conuersatio.* hoc est nemo potest cogitationes hominis, & somnia scire nisi Deus Optimus Maximus, ac per illum boni spiritus, qui nō conuersantur cum hominibus huiusmodi, cum Magis scilicet, & Ariolis, itaque ista responsio esse non potest nisi prophetæ summi Dei; atque ita Daniel oratione impetrauit à Deo reuelationem, quam nocte accepit per visionem. Somnij etiam ipsius Danielis, quod capite septimo narratur, interpretatio diuina fuit, vt ex ipsa constat narratione. Itaque duplex ratio est diuinandi ex insomniis, quædam naturalis, quæ duas habet causas, estque reuera quædam coniectura procedens ex naturalibus signis, quæ præstantur in somniis: quædam diuina, quæ ex reuelatione procedit, atque cum ea reuelatio Dei est per se, aut per bonos Dæmones, est verè prophetica. Multi etiam sunt, qui præter hæc putantur ex somniis diuinare, eo quod aliquando consequutum sit, id quod futurum esse somniauerint, nonnunquam ita, vt euentus maximam afferat admirationem: tamen re vera illud casu fit, euenitque hominibus somniabundis, cuiusmodi sunt multi atrabiliarij: nimirum illi cum plu-

Duplex diuinandi ratio.

rima eaq; varia somnient, fit casu, vt aliquando in res, quæ futura verè sunt incidant, vt (inquit Aristoteles) qui diem totum iaculatur, aliquando collimat, etià si iaculandi peritus non sit. Neq; sanè adeo mirū est, cum tam multi homines semper somnient, aliquē aliquādo incidere in rem futurā. Neq; minus haberet admirationis, si nullus vnquā incidisset. Neq; minori disquisitione indigeret, cur nō posset fieri id quod ab aliquo somniatū esset. Cur igitur nunc miramur, si aliquando fiat? Itaque verè diuinandi, hoc est prænoscenti futura citra coniecturam, & quæ nullam in nobis habere. possint passionem sui indicatricem, nulla facultas naturalis in nobis esse potest: tamen diuinandi quodāmodo, per insomnia quidem magis, sed & per vigiliā aliquatenus est in nobis quædam facultas: ea verò male à Platone colloquatur in iecore. Nam cum diuinare quodāmodo sit contrarium ipsi memorari; ad eandē animæ partem pertinere necesse est, puta ad sentientem, quā Plato (vt & omnes Medici) in cerebro ponit: in hepate verò, aut nullius principium est, aut appetentis solum: atq; & si appetitiua pluriū in somniorū principium, & causa sit, velut cū quis cibi laborās penuria, somniat se comedere affatim multa, & semine redundās, cōgredi cū mulieribus, inde tamē non fit, vt eiusdem sit facultatis aut partis, appetere & somniare, sed vt facultatū & partium animæ ac corporis tanta sit sympathia, quæ, vt hoc, ita multis aliis argumētis asseritur. Sed redeamus ad præsum. Cū ergo per omnia genera indicatū sit, diuinationes quasdam esse vanas, quasdam naturales, quasdam diuinas: Vanis quidem non utebatur Israel, vt Balaam prophetando dixit, naturalib. utebatur vt aliæ gentes; diuinis melius multò quā alij omnes: etià si aliis quoque populis dedit Deus veros Prophetas, qui aduentū suum

aliqui
etiam
ut

Anima
& corporis
sympathia

suū illis, & alia quā plurima demonstrabant; vt Græcis & Romanis Sybillas: orientalibus populis Balaam. Verum hoc intererat, quod Israel (nisi cum adulterabatur) non utebatur pythonibus, neque oraculis caco-dæmonum, neq; corū prophetis, sed solū Dei Optimi Maximi responsis, & inspirationibus per viros sanctos. Proinde auguriis non utebantur nisi peccantes (quod acriter repræhendebant propheta, vt certè Hosee capite 4. dicens. *Populus meus in ligno suo interrogauit & baculus eius annunciauit ei*) neque extorum consideratione, quia hæc vana semper sūt, aut praua, multo minus pythonibus, aut omnino necromantia, quia hæc praua semper sunt. Utebatur verò respōsis Dei, & prophetiis sanctorū, atque eorūdem insomniis, & interpretationibus, ac nōnunquā sortibus; his verò nō leuiter, & vtcumque (ita enim essent vanæ) sed accedēte semper diuina inspiratione, in re iusta, & magni momenti. De primo itaque modo, quo potest diuinatione quādam esse naturalis, hætenus dictum sit. Superest secundus, quo scilicet in ipsa verā, ac prophetica diuinatione, partem aliquam habet natura. Certè quod diuinetur proprie, ac verè nulla naturalis causa est satis, quandoquidem indicatum est, nullam esse in nobis facultatem naturalem diuinandi, sed effectiuum principium externū esse ac spiritale: tamen potest esse in ipso qui talē accipit inspirationē naturalis quæpiā dispositio; magis aut minus accommodata ad accipiendū. Nō ita quidē vt ea dispositio causa sit inspirationis necessaria, neque qua præsentē necessario fiat, neque sine qua fieri non possit. Si enim Deus Optimus Maximus est; principium efficiens veræ prophetiæ, vt monstratū est is, cū ne ad creationē quidē adstrictus sit causæ vlli necessariæ, multo min⁹ sit in largiēdis his donis: sed cū is

Diuinationū dispositiones.

(quæ sua est bonitas) soleat disponere omnia suauiter, in his quoque quæ supra naturam facit, quoad fieri potest rationem seruat naturæ, velut & miraculorum exemplis pluries iam indicatum est. Quandoquidem diuination non nascitur in nobis vt reliquæ sensationes ab obiectis (hæc enim nondum sunt) sed à diuinitus factis repræsentationibus, constat eam fore accommodatissimam dispositionem, per quam maxime vacat à motibus, quos cient sensibilia. Nam vt nuper diximus, vt in aqua quieta facile redditur quæcumque figura, in agitata vero non potest reddi, ita & in quiescente à sensibilibus animo, repræsentatio quæcumque ab eo verò qui plurimum volutatur circa sensibilia, excluditur omnis inspiratio. Hanc ob causam, qui orationi volunt vacare, eligunt silentium, quietem, & tenebras, vt scilicet audiât quid loquatur in illis Deus. Itaque qui minime vtitur sensibus, is maximè valebit diuinatione, qua de causa Plato & Aristoteles, diuinationem in fatuis ac stupidis esse dixerunt, in quibus scilicet minimè est prudentia (quod mihi videtur fabula, vt multa alia, adumbrasse antiquitas, dicens, Tyresiam cum donaretur facultate diuinandi factum esse cæcum.) & in furentibus magis quam sanæ mentis hominibus, & dormientibus magis quam vigilantibus. Eadem quoque ratio esse videtur, quod moribundis magis quam per reliquam vitam. Verùm ne hæc tumultuariè prætereamus, sed expendamus singula, quod fatui diuinationem habeant pro prudentia; contra, prudentes hanc pro diuinatione, videtur consensaneum, quia vt se habent bruta ad hominum genus, ita inter ipsos homines fatui ad prudentes: at verò vt homines prudentia, ita bruta videntur valere diuinatione. Nam pisces multi solent incautis præmonstrare nautis

*Fatuorum
diuinationes.*

*Brutorum
præsentio-
nes.*

nautis tempestatem; vt auiculæ agricolis, armenta bul-
 bulcis: & minores greges aliis pascoribus, & mures in
 proximam conferam abeuntes, dicuntur præmonstra-
 re incolis ruinam domus. Multa etiam alia his admi-
 rabiliora narrantur de brutorum præfensione, quam
 illis velut instinctum quendam videtur dedisse natu-
 ra, pro prudentia. Ita igitur & inter ipsos homines,
 imprudentibus datam esse diuinationem est consen-
 taneum. Sed vt hoc quatenus verum sit constare ma-
 gis possit, opere præteritum fuerit dicere, quæ causa sit
 magnæ illius præfensionis quæ in brutis conspicitur.
 Ea certè est, maior brutorum compassio cum causis
 corporalibus. Cum enim hæ sensus afficiant, bruto- *Bruta cui*
 rum animæ (vt quæ mente carent) sensibilibus magis *presentia*
 afficiuntur: quapropter exordia futurorum motuum
 sensus brutorum magis afficiunt. Itaque vt qui carent
 oculis audiunt exactius, ita quæ mente carent anima-
 lia exactius sentiunt. Adeo conspicuum est, quod ra-
 tionalis contemplatio detrahit sensui, vt qui intentius
 disputant, meditantur, aut orant, solèant plurima quæ
 coram fiunt, aut dicuntur, neque videre, neque audire,
 ac nonnunquam sensuum munere priuari, quam vo-
 cant extasim, vt Socrates, qui (vt narrat Alcibiades in
 Conuiuium,) in medio exercitu aliquando, vno gradu *Extasis.*
 diem & noctem steterit, vsque ad Solis exortum cogita-
 bundus. eadem ratione euenit plerumque, vt qui ex-
 actissimos habent sensus, sint ad factorias artes aptis-
 simi, ad contemplationem non adeo: contra, qui in hac
 valent plurimum, sint ad res tractandas parum ido-
 nei. Constat ex dictis eam diuinationem quæ in brutis
 & hominibus rudioribus præcipue est, in eo esse ge-
 nere diuinationis, quod naturaliter inest per compas-
 sionem cum causis, aut per exordia rerum futurarum.

Illa igitur nullatenus est vera diuination, quæ & prophetia dicitur: Sūt alij homines, imprudētes illi quoq; non tamen fatui aut stupidi, sed dementes, insani, & furentes, aut naturali vitio aut morbo. hos dicunt plus aliis omnibus futura prædicere, quod nonnulli in atræ bilis, quæ furoris est causa, naturam referūt per se, quia si scilicet ea sit eius succi vis naturalis, quia talis substantia, aut quia calida & sicca. verum hoc falsum esse constat. Nam nullam omnino esse posse naturalem vim diuinandi, generatim iam mōstrarum est: si autem nulla esse potest, certè neq; in hoc neq; in illo temperamento, neq; in hoc neq; in illo succo: non igitur atræ bilis est ea vis per se, sed per accidēs, quia scilicet atrabilia-rij somniabundi sunt & loquaces, fit vt nonnunquam incidant somniando aut loquendo, in id quod futurū est, velut qui sæpe iaculādo aliquando collimat, vt nuper quoque diximus. Fit vero vt loquantur quiduis, & quia imaginationibus densis, & calore instigantur, & quia cum sint insani, non habent (inquit Cicero) quam prudentia solet asferre timiditatem, hoc est nihil dissimulant, sed omnia effutiunt. quid ergo mirum si aliquid exit futurum est? hæc verò longissimè abest à vera diuinatione. Aliam quoque causam habent melancholici diuinationis, atque eam etiam per accidens, ni mirum Dæmones facilius apprehendunt hos quam alios homines, quia plus habēt imaginationum, & minus prudentiæ. Cacodæmon verò vbi adest, quādam ostentat diuinationis speciem: nimirum affectat semper opinionem diuinitatis, ad quam solam scit pertinere veram futurorum, per se, & nō per præsentēs causas ac notas, præfensionem. Parati etiam hi videntur ad inspirationes, quia cum sint alienati mente, minus intēti sunt corporalibus passionibus. Adeo enim verū est,

*Somniabū
di.*

*Melācho-
licorum di-
uinationo.*

eos qui mente laborant, sensibus non esse intentos, ut dicat Hippocrates eos ne dolores quidem sentire: argumento vero est, quod videmus tales, & plagas; & vulnera, & nuditatem, & famem, & passiones alias quas cumque sensibiles facilius tolerare: tales ergo paratiores sint ad inspirationes recipiendas. At verò rectè videtur censere Aristoteles libro de insomniis, indignum esse, putare Deum cum hominibus dementibus colloqui, præteritis bonis & sapiētibus. Plato quoque diuinam reuelationem amicis Dei fieri putat: nam *maiora iis quæ humana mens consequi potest, scit* (inquit) *Deus, & qui Dei sunt amici*: amicos verò Dei, quis dixerit alios, quàm probos & sapientes? Hoc argumento videtur Aristoteles velle tollere omnem diuinam prophetiam: illi verò solùm concedimus, quod & ipse dicit, diuinationem illam melancholicorum diuinam non esse, sed naturalem, aut dæmoniācam: Diuinas verò inspirationes, quas prophetias vocamus, fieri per viros prudentes, atque magna ex parte optimos, dico magna ex parte, quia aliquādo etiam locutus est Deus per improbos, ut constat exemplo Balaam, qui & si astutus, ac suo modo prudens erat, nequam. Indignum certè loqui Deum per stultos & imprudentes homines: dignissimum loqui per prudentissimos, & optimos. Ne verò meritis, potius quàm dono Dei prophetiæ spiritus contingere cuiquàm putaretur, datus etiā aliquando est impio, ut & alia dona, ut certè sanitatis. Igitur atrabiliarij, & mēte moti, præ multitudine imaginationum & insomniorum, & loquacitate, videntur aliquādo diuinare: atq; eosdē nonnunquàm occupant Dæmones. Nec ad veræ prophetiæ spiritū recipiendū oberit eius succi aliquid, cū neq; tātus, neq; talis est. ut aliquam pariat insaniam. Nā dictas ob causas, quod

*Furor di-
uinus.*

infanientibus accidit, dæmoniacum potius est quàm diuinum: irruit verò etiam diuinus spiritus in quosdā, qui præ mentis extasi, quæ ex contemplatione rerum diuinarum fit videntur insanire, vt Saul cum se coniecit in medios prophetas. Hic vocari potest furor diuinus, estque re vera coniunctus cum maxima sapiētia, etiam si interim tollit prudentiam huius seculi. nisi enim hanc tulisset non impulisset Dauidem, deposita regia seueritate saltare coram populo. Itaque mentis eleuatio ab humanis curis & sollicitudinibus, maxima dispositio est ad propheticam captandam inspirationem: eaque naturalis, quia rerum humanarum curæ, plurimum auocant ab omni rerum superiorum contemplatione. Quæcumque ergo naturaliter reddunt animum vacuum à talibus curis, naturaliter etiam disponunt, & ad diuinorum contemplationem, & ad prophetiam, etiam si ipsa prophetia supernaturale donū est, & veritatis diuinæ euidens argumentum. Hanc ob causam propheta variis modis se præparabant ad recipiendum spiritum: nunc se conuertebāt ad somnos, vt Iosephus & Daniel, vt in illa requie mentis & tranquillitate, sine strepitu externorum sensibiliū, viderēt visiones (qui prophetandi modus insinuatus est illis verbis Ioelis, capite secundo. *Senes vestri somniabunt, & iuuenes vestri visiones videbunt.* quod impletum est vt in aliis multis, ita vel maximè in Iosepho viro sanctissimæ MARIÆ, & in Magis) nunc quoque se præparabant oratione, vt in mentis ad Deum eleuatione, melius reciperentur eius inspirationes: præparabant etiam sese musico concentu, quia hic quoque mentē erigit, & à sensibus abstrahit. Hæc causa fuit, vt Eliseus rogatus diuinū responsum peteret, accersiri sibi psalterem. Hac eadem, sancta Ecclesia quæ diuino regitur spiritu,

*Propheta
vñ ad va-
ticinandū
prepara-
tiones.*

*Musices
usus in sa-
cris.*

spiritu, in celebrandis sacris utitur musicis cantibus, & suauibus sonis, iuxta exhortationem Dauidicam. *Laudato eum in tympano & choro: Laudate eum in cordis organo: Laudate eum in cimbalis benè sonantibus omnis spiritus laudet Dominum.* Itaque musica facit plurimū ad demulcendum animum, ac deponendas humanas sollicitudines: his ita dispositis multo facilius is transfertur ad diuina. Qui proximi sunt mortis, solent prophettare, velut Iacob, qui iam iam moriturus vocauit filios suos dicēs, *Congregamini vt annunciem quæ ventura sunt vobis in nouissimis diebus:* hoc idem fecit Moyses, cum eius instaret obitus, tribubus Israel: nimirum nunquam verius à sollicitudinibus huius seculi auocatur animus. Sed & illud est optimè sic natura comparatum, vt illa hora extinctis sensuum motibus, & depositi omni animi circa res sensibiles affectu, mens ad eorum quæ verè sunt contemplationem conuersa, veritatem eo clarius intueatur, quo neglectis caducæ huius vitæ voluptatibus, ad futuram eamque æternam aspiret auidius: & quæ superiori vitæ, dum adhuc sensus vigerent, vel sola mortis recordatione terrebatur, tunc nihil nisi peccata pertimescat.

Moribundis prophetant.

CAPVT TRIGESIMVMPRIMVM.



APITE quinto libri Iudicum scriptum est. *De cælo dimicatum est contra eos, stellæ manentes in ordine & cursu suo aduersus Sisaram pugnauerunt.*

Quamquam alia nonnulla scripturæ sacræ loca, soleant in suum vocare subsidium, qui iudiciariæ Astrologiæ sunt addicti, nullo tamen mihi videntur

*Astrologia
indiciaria
reprehensio.*

melius, quam hoc vti posse. Nam quod ex primo Genesios adducunt, facta esse astra in signa, atque proinde significare posse futura, interpretatū mihi illic est, ita vt nihil ad Astrologiam. nimirum esse astra signa temporū, velut gnomon in horologio signum est horarum: itaque Cælum totum esse chronologium, astra verò signa temporum. Quod adducunt ex psalmo 19. *firmamentum annunciat opera manuum eius.* hoc est (vt illi interpretantur) quæ Deus facturus est firmamentum annuntiāt, lōge potiozem enarrationem accipit; pulchritudinem scilicet cæli, & firmamenti quod cōspicitur, quodammodo nobis indicare posse pulchritudinem operū Dei, quæ conspici non possunt. tamen quod dicit, de cælo dimicatum esse cōtra eos, & stellas manentes in ordine & cursu suo aduersus Sisaram pugnasse, plurimū videtur astrologiæ fauere. Nā quo alio potius modo, victoriæ causam in astra reiiceret, dicerētq; cursum & ordinē, quē eo die tenuerūt stellæ, fuisse Sisaræ infaustum, & exitiosum? si igitur quia stellæ eum ad sese tenuerunt ordinem Sisara periit, potuisset is per astrologiam periculum præuidere, atque adeo (nisi vel inuitos fata trahunt) deuitare. quod si ita est, possunt quidā astrorū cursus, & ordines esse fausti & infausti: atque adeo iidem quibusdam fausti, & quibusdam iufausi. is enim astrorum siue ordo, siue aspectus fuerit Sisaræ infaustus, Hebræis faustissimus. si verò ita habet, prudenter sanè eo die Sisara timuisset cælum, ac deuitallet præliū. Cur ergo Dominus, Hieremiæ cap. 10. præcipit, dicens, *à signis cæli nolite metuere, quæ timent gentes?* Neque verò ibi (quod aliquis fortè interpretetur) vocat signa cæli, tonitrua, fulgura, aut fulmina, aut cometarum omne genus, & quæcumq; homines vocant portenta: sed idē est quod hic prohibet, & apud Esaiam 47. derisit, dicens Baby-

*Signa
cæli.*

loni, Defecisti in multitudine consiliorum tuorum: steterunt & saluent te augures cæli, qui contemplabantur sydera, & supputabant menses, ut ex eis annuntiarent tibi vêtura. Itaq; vocat Astrologos augures: horum ergo diuinationes ut & alias omnes, par est, intelligas prohiberi fidelibus, cap. 19. Leuitici, vbi dicitur, *Non augurabimini:* & Numerorum 23. Deuteronom. 18. & Isaïę 47. Cõstat Dei populũ ab hac diuinationis specie, qua Chaldæi maximẽ omniũ vti sunt, ut & ab omni alia præter veram prophetiam, abstinuisse, siquidem Numerorũ 23. dicitur, *Non est augurium in Iacob, neque diuination in Israel.* quid est ergo quod nunc Debora stellarũ cursui, & ordini, imputat victoriam populi Dei? Mihi nõ est hæc quæstio, ut neque alia vlla in hoc opere, tã disputanda Theologicẽ, quàm iuxta conditionem argumenti, Physicẽ. Quapropter vidẽdum est, an ea astrologia diuinatrix, quam veteres vocabant, ut videre est apud Ciceronem, scientiam Chaldæorum, sit ars quæpiam naturalis, an potius impostura quædam. quod examinavit diligentissimẽ, atque ut mihi videtur magna ex parte verissimẽ, Picus Mirandulæ comes. Ego verò mihi hanc quæstionem suscipio, non quidem tã diffusẽ, quam ille, sed præsius, meo more, tractãdam. Duas partes habebit disputatio: altera versabitur circa ipsam naturam cæli & astrorum, altera circa ipsos Astrologos. & videtur quidem hæc ex illa pendere: si enim astrorum, pro mira quam habent varietate, ac pro sua innumerabili multitudine, sunt etiam plurimæ eæque mirabiles virtutes, quibus inferna hæc moueant, videntur Astrologi laudandi, qui non patiantur eas latere mortales: sin autem non sunt plures quã apparẽt cuius è plebe, damnãdi sunt, quod tam leuiter illis tribuant multa quibus carent; Hanc ob causam

Astrologia diuinatrix quid.

De Astrologia disputatio

*Astrorū
vis.*

Picus, acerrimus astrologorum impugnator, affirmat astris nihil esse præter motum & lumen, & motu mouere, & lumine calefacere calore, vt ille putat, quodā viuifico, à calore elementari & igneo, natura diuerso. Astra itaque hæc solū facere, atque omnia idem, plus aut minus: multiplices verò illas rerum mutationes, & affectionum differentias imputari materiæ. Disputat multa hinc inde, vt detractis cælo omnibus virtutibus, præter motum, & lumē, effecta tueatur. In duas verò præcipuè, pro illis omnibus fertur responsiones, scilicet, aut alias omnes passiones, præter motum & calefactionem, fieri per accidens à calore astrorum; aut calorem illum esse causam vniuersalem, ac proinde effectiuam per se multorum, atque adeò cōtrariorum, concurrendo cū multis, & contrariis naturis particularibus. Hæc arbitror summa est totius libri tertij Pici, qui solus est physicus. alij enim partim sunt theologici, partim astrologici. Mea verò hac in parte, plurimū dissidet ab illius sententia. nā motus cœlorū, qui circularis est, haud quaquā potest motuū, qui in aëre cōtingunt esse causa. Concedit Picus Aristoteli, si cœlū quiesceret, futurum vt nihil moueretur: cœlū igitur circumeundo mouet hæc inferna: aut ergo motu suo per se id facit, aut per accidēs. per se dico, si cœlum id facit tantū quia mouetur: per accidēs, si quia mouēdo communicat facultatē mouendi reliquis: velut si quis manu admouet stupæ candelā, manus motu suo mouet candelam, & cōburit stupā, illud per se, quia nō aliter mouet candelā quā mouendo manū, hoc per accidēs, quia mouendo manū ac candelā, admouet ignē, qui vrit per se. Si igitur cœlū suo motu facultatē aliquā immittit rebus, qua adiutæ mouentur, habet iam vim aliā mouēdi præter suū motū: sin autē nullā mittit, sed

Cœli motus.

tut, sed

tit, sed mouet solū quia mouetur, perinde eueniret, si cœlum ligneum, aut æneum, aut lapideum esset, atque ita vt nunc circumferretur: non eueniret autem. Cur enim si lignea sphaera superiori loco ferretur circulo, hic apud nos ferretur recta lapis & fumus, ille deorsum, hic sursum? nā quidquid mouendo mouet aliud, id quidem facit impellendo, aut trahendo, volutādo, aut vehendo: at verò lapis cadens, neque trahitur, neque pellitur, neque portatur à cœlo, neque verò volutatur, cum feratur recta: concurrat ergo cœlum cum iis quæ feruntur, virtutē aliquā motiua quā immitit, quæ motus non est. sed neque lumen (quanquā id ille concedit, satius vero sit indicari) nam lumen illuminat; illuminandus verò non potest per se mouere, sed per aliud, hoc est per illuminationē immitens vim mouendi. quod si ita est, habet cœlum, quā communicet vim aliā à motu & lumine, sed quod accepimus ita patet. Si lumine moueret, non esset latior primus omnium motuum, sed alteratio: nam cœli huius non pēdet à motu, luceret enim Sol quiescens, non minus quam latus (constare id potuit pugnante Gedeone) penderēt verò lationes aliarum omnium rerum ab illustratione, quæ alteratio quedā est: nō esset ergo latior primus motuū, quod Aristoteli concedit Picus. Neque verò est quod tā apertē subuertat eius sententiā, quam id quo maximē se tueri vult. *vt (inquit) cor suo motu mouet alias omnes corporis partes; ita cœlum alias mundi.* constat verò cor non solum alias partes, quæ ad illud non spectant, sed neque arterias mouere suo motu, sed facultate pulsandi, quam illis mittit, quam & vitalē Medici vocant. Nisi quidē moueretur nō moueret, id vero est per accidens, quia ipsum extingueretur, neque posset aliis virtutē demandare: est itaque cœlo virtus

*Lumen
cœlestē
causa.*

*Localis lo-
cus pri-
mus.*

qua mouet hæc inferiora, præter motû. cōcessum sanè, quod nisi mouendō, eam mouendi vim non communicaret: nihilominus virtus illa mouendi, aliud est quàm motus: vel hoc solùm argumento, quod facultas seu virtus nomen est immanentis qualitatis; motus, passionis cuiusdam. Iam verò neque quod lumine calefacere dicit, probare possum, neque quod calorē quem cœlum gignit specie differre dicit ab eo quem ignis. Nam quæ maximè cœlestem fulgorem videtur participare, vt spiritus in nobis, qui sensibus seruiunt, neque calidi sunt, neque calorifici, sed sine calore fulgidi, vt hoc modo differat, auctore Galeno ex sententia Platonis, quem maximè sequitur Picus, ignis cœlestis ab elementari, quod ille sit sine calore lucidus, hic calidus & lucidus. Exemplo cōstat id oculi, qui ad ignem refertur ob fulgorem spirituum, ad illum è cerebro venientium confertim, alioqui verò est subiecto frigidus, & plenus aqua: quod ferre natura non posset, si is fulgor esset caloris effectiuus: non igitur illud lumen calorem rebus affert per se, sed per aliquod accidens. Atque eum calorem quem Sol vtrūque facit, specie non differre ab igneo constat, cum incidentes in eandem substantiam, vnicum reddant intensiōnem. quid enim? Si quis à Sole simul & igne calefit, duos concipit calores, ac non potius vnum intensiorem duabus causis in idem opus incumbentibus? Si vnicum, non different specie, qui sese augentes conflant vnum numero: porro si duo, vterque excludit frigus vtrique ergo erit frigus contrarium. quod si vtrique eque, non sunt illi diuersi, sed idem, quia vnum vni contrarium est. Non igitur solaris calor vrit minus quàm igneus alia ratione, quàm quod moderatior, neque certè coquit & vegetat magis, nisi ob eam

Calor cœlestis.

Oculi natura.

De sole multa.

ob eam moderationem, & coniunctissimas quasdam benignissimas influentias. quas, quid se putat Picus facere cōtra Astrologos, referens omnes in motum & lumē? certē facit nihil etiā si concedantur omnia. dicit enim, stellis esse nihil aliud quam motum & lumen. Quid quod calefaciunt, quod aliud est quā illuminare? Respōdet, ut cœlum sit causa vniuersalis, ita & eius virtutes esse vniuersales & eminentes, ac proinde posse facere multa, ac varia atq; adeo cōtraria etiā. Quid ergo interest ad Astrologiam, siue per plures, siue per pauciores facultates possit cœlum facere multa eāque varia, si modo potest? concedet tibi Astrologus, ut vi-
tet rixas, cœlo nihil esse præter motū & lumen, id verò lumen cœleste, quia causa vniuersalis est, eminēter cōtinere virtutes omnes rerum mutabilium, atq; ita posse hæc, & illa, quantacūmq; scilicet, volet confingere. Vsq; adeo falsum est, omnia quę facit celū, facere motu & lumine, & ad propositam disputationē nihil interest. Neq; verò ego (ut hoc obiter dicā) propter calorem solū, dico cœlū vires habere alias quam mouēdi sese, & illuminādi. Nam ut alibi indicauī, cœlo nō est vis calefaciēdi, sed lumine gignit calorē, id verò non per se, sed ob analogiam, & similitudinem naturæ, alligando ad illuminatum aërem cum ignē, qui per hanc corruptibilium spheram permeat. Itaque calor non cogit nos affirmare, esse in cœlestibus corporibus alias virtutes à motu & lumine: sed lationes potius horum inferiorum, quas à motu celi pēdere cū omnib. Philosophis fatemur: nō tamē ob ipsum motū per se, sed ob aliquas virtutes, & influētias motrices, quas motu immittere, hīc, & alibi antea probauimus neq. solū eas virtutes in cœlo, eiusq; partib. esse existimo, sed innumeras alias indicibiles, quib. omniū mutationū, quę hic pe

nes nos aguntur, in efficientis genere causa sunt, priores quidem iis, quae ipsi materiae sunt proximae, posteriores verò quam aliae quae superiores sunt, & ordine quodam positae, usque ad primam: quae omnium, quae ubi mundi, siue inferioris, siue superioris aguntur, causa est. Neque verò puto, omnibus cœli partibus omnes eas virtutes inesse eodem modo: sed ut lumen quod conspiciamus, videmus alias aliis partibus conferre, ut Solem Lunæ (ne de quibus dubitatur affirmemus quidquam) ita alias quoque virtutes, quas neque nominare possumus, neque sentire, esse alias in aliis astris, aut Solis, aut præcipuè, & aliis ab aliis demandari, ita ut ne minima quidem stella sit, quæ non conferat peculiarem aliquam commoditatem, & toti mundo, & reliquis partibus. Quorsum enim Deus tot infirmamento stellas, neque plures neque pauciores, & hoc ordine, & his intervallis, ut hæ Coronæ, illæ Canis, aliae Bucinæ, aliae Currus redderent figuram? cur omnes & fixas & errantes, hæc hac, illas illac, tanto haec tempore, tanto illas facit circuire, ita certa lege, ut nulla per innumera secula, vel latum vnguem possit declinare? An casu horum quippiam, vel frustra, ita ut aliter fieri, vel quod minutulum in eis esse videtur, posset citra mundi læsionem? minimè. Si enim in formatione hominis tanta est operis perfectio, & elucet formatoris sapientia, ut ne minimæ quidem particulæ addi detrahi ve possit quidpiam, magnitudini, numero, figuræ, aut positioni, ut Galenus toto opere de partium usu sapientissimè indicavit, sed neque in mure aut formica, sed sunt unicuique iuxta suam naturam accommodata omnia organa, ut nulli vllum aliter melius, quanto magis id censere æquum est, de perfectissimis & pulcherrimis illis corporibus? profectò qui in numero

*Influentia
cælestes.*

mero pondere & mensura fecit omnia sapientissimè, non fecit illum ornatum cœlorum casu, velut lapillos multos sparsum proiiciens, vt quiuvis fortè ceciderit: sed pro numero virtutum fecit astra, & singulorum à singulis distantiam iuxta certam proportionem dimèsus est: atque ex ea proportionē natæ sunt multiplices illæ figuræ. Eà verò proportio interuallorum nō fuerit, quæ maximè spectantium oculis placere posset, sed quæ communi mundi vsui maximè accommodaretur, vt scilicet distarent singula, à singulis, vt maximè possent virtutes sibi communicare mutuo in vtilitatem totius. Hæc est enim veræ pulchritudinis lex, partium nempè omnium ad vtilitatem totius accommodatissima compositio. Vtilitati verò huic accedit harmonia secundum perfectiones arithmeticas, & visui grata pulchritudo. Nimirum illa, vt & alia omnia quæ facta sunt, fluxerunt à perfectissimo & pulcherrimo exemplari. Vt verò hæc quæ commemorauimus, pulchritudinem operis, & artem opificis indicant; ita, si vnius aut duarum virtutum facta esset tanta corporum multitudo, nullam neque ob distantias, neque mutuos aspectus, neque varios motus afficiendi habens differentiam, esset sanè & opus minimè pulchrum, & opifex inertissimus. Non est igitur ita: sed fateri oportet, esse in cœlestibus corporibus multas mirabilesque virtutes. Nam quod dicunt, multiplicis mutationis causam referendam esse ad materiam, nihil obstat: siquidem mutationum & alteritatum in materia, tantum est passuum principium: effectiuum verò est in formis rerum proximarum, ac multò prius in superioribus causis: per quas ordine quodam priorum & posteriorum, deriuatur virtus primæ vsque ad res singulas. Si igitur (quod ad secundam disputationis partem atti-

Harmonia celestis.

Mutationum multiplicitas causa.

Astrologia iudiciaria reprehenditur.

attinere iam incipit) ita habet, cur Astrologia iudiciaria, à viris doctis deridetur ut inanis, à cordatis expeditur ut inutilis: à diuinis legislatoribus & vatibus interdicitur, ac secundum idololatriam vituperatur ut impia, atque adeo multis Pontificum decretis, & Imperatorum etiam, quorum extant adhuc multa edicta, de Astrologis vrbe pellendis? Sub Claudio (auctore Cornelio Tacito) de Mathematicis Italia pellendis, factum est Senatusconsultum atrox & irritum.

Mathematici Italia pulsi.

Nam nescio quo magno malo, aut quo Dæmonum astu fit, ut cum vbique gentium decretis expellantur, nunquam tamen extinguere possint, immo neque detereri, quod sanè nouum non est. nam idem Tacitus in libro decimoseptimo de Mathematicis dicit, *genus hominum petentibus infidum, sperantibus fallax, quod in ciuitate nostra, & vetabitur semper, & retinebitur.* Sed videamus quod sit eius imposturæ principium. hoc certe. Esse multiplices virtutes astris, quibus omnia quæ hic geruntur gubernantur, atque pro differentia aspectuum ad sese & ad res infernas, varias nasci affectiones, quod videmur recepisse, atque cōfirmasse: itaque quia videntur habere virtutes multas, & habere has & illas colligunt temere. quæ temeritas est certè, & inanis, & noxia & parum pia. quæ distinctioris doctrinæ gratia, seorsum indicabuntur. Ac primum esse inanem, hoc est vanam, nullius veritatis participē, atque omnino scietiam non esse, neque artem, sed imposturam, & figmentum. idque eo maius aliis figmentis quod illis solent impostores alios homines decipere, ipsi nequaquam decepti: hoc verò ipsis etiā impostoribus imponitur. non enim arbitror, omnes qui hanc fictitiam artem professi sunt (nam tametsi ea fluxit ab idolatris, qui adorabant celestia corpora, & à Iudæis, & Mahometanis magna ex parte

parte aucta est inciderunt tamen in eam nonnulli ex nostris non parum docti & probi) præ vafricie & malignitate voluisse vulgaribus imponere sed eorum nõ paucos præ curiositate, qui non exiguus animi morbus est, in eam credulitatem incidisse, & quæ hominum est fragilitas) cum multis esse deceptos: satis arbitror constat, me non vituperare eam Astrologiam, quæ in cognoscendi cœli motibus versatur, cum ea nihil esse certius in humanis possit. neque iis quæ circa propriam illius materiam fiunt præfensionibus: non enim minus certum est, futurum post biennium eclipsem Lunæ, quàm futuras in mense Iunio breuissimas noctes, nã nisi quis supputando decipiatur, eadem vtriusque scientia est. Illam vitupero diuinationem, quam quondam vocauerunt scientiam Chaldæorum nunc *Chaldeorum reprehensio.* Astrologiam iudiciariam quam qui profitentur annuatim nobis prænuunciant futuras aëris temperies, & temporum cōstitutiones, salubritatem aut insalubritatem, abundantiam frugum aut penuriam, otium aut bella, & eorum exitus tristes, aut fortunatos, Principū incolumitatem aut mortē. hi ipsi electiones faciūt horarū fœliciū aut infœliciū, pro quibusvis negotiis suscipiendis: per interrogationes, quas illi vocant respondent de re quacūq; interrogati: velut quis furatus fuerit quod domi deest; quo fur abierit. Iã verò per natales horas diuināt futuros hominis cuiusq; mores eiusque fortunā, viuendi & moriēdi sortē. Hęc omnia vana sunt, etsi non omnia æquē. nã cum mutationes omnes corruptibiliū corporū ad calidū, frigidū, humidū, & siccū referātur, & hæc in cœlis habere causas priores & superiores quæ per influētias cōmunicantur cōcesserimus, pluuias quoque ac serenitates, flatus & tranquillitatem aëris causas illic habere cōse-

*Astris ni-
hil cū for-
tuna.*

quens est. Si autem hæc, & fructuum prouentus boni aut mali, & morbi, & salubritas; horum enim causæ maximè sunt in temporum constitutionibus; quæ in calida vel frigida temperie aëris, pluuiis aut serenitate, flatuum abundantia aut vacuitate spectantur; ut apud Hippocratem videre est alibi sæpe, & maximè in Epidemicis. in his ergo bonam causam partem videntur habere posse astra. post hæc secundo etiam loco nonnullam & informandis moribus hominum. si enim ad temperiem alterabilium omnium faciunt; & temperies ad mores, ut libello proprio indicauit Galenus, possint etiam nonnihil astra ad mores. Ad fortunam vero quid possunt astra? nam hoc ipsum casu, aut fortuna aliquid fieri, est nihil aliud quam sine causa certa & per se fieri, si Aristoteli credimus. contradictionem ergo inuoluit, causas esse in astris eorum quæ casu contingant, aut fortuna, ut, quod illo prætereunte lapis deciderit, & quod fodienti illi vineam thesaurus inuentus sit: nihil enim minus fortuna aut casu fieret, quam illud quod causam haberet certam in incorruptilibus & æternis. Quæ fortuita ergo sunt, ut quod ille sit à latronibus occidendus; quod alius ruina, alius fulmine moriturus, quod alius domi, alius in agro, quod exeunti ab vrbe furi versus orientem prætor longè visus sit, ac proinde ad occidentem deflexerit, nullam causam habere possunt in astris, sed neque in vniuersa rerum natura per se, sed ex accidenti quodam: utpote quæ casu aut fortuna fiunt: sunt verò hæc in quibus maxime gloriantur. Hoc ergo genus præsentionum, quod spectat ad fortunam, & casum, physica ratione pœnitus excludetur: illud quod secundo loco memorauimus, pertinetque ad mores hominum: siquidem pro moribus, de faciendis etiam feratur iudicium,

cium, pœnitus erit vanum : vt si cum eſſet dicendum, mulier hæc erit libidinofa, aut ne ita quidem, ſed calida, dicas erit meretrix, aut infidelis viro : aut cum dicendum, erit auarus, aut ne ita quidem, ſed natura propenſus, dicas furabitur : alterius enim cauſa partim in educatione eſt, partim in natura, alterius vero in arbitrio, quæ plurimum diſſident. ſi qui vero aſtra neceſſitatem putant arbitrio ponere, hi humanam tollunt libertatem, & rationem omnem boni aut mali, meriti aut demeriti. Super eſt ergo ſolum primum genus, quod ad æris pertinet alterationes, & in hoc ſecundo exigua quædam particula. Sed & in his iſtis incertitudo ſumma, ob cauſarum implicationes, ea verò apertius conſpicietur in eo quod pertinet ad mores. nam ſit ita, faciat Mercurius fures, an cum hic naſceretur, erat ſolus Mercurius in cœlo ? habes aliorum omnium perſpectas naturas, omniumque ſubduxisti rationem ? quantum ſcilicet ſingula annuerent ? non (dicunt) ſed quorundam. quid ergo ? omnia reliqua ſcis eſſe neutra ? ſed ſint, aut habueris omnium rationem, atque iã non Mercurius ſolus, ſed cœlum totum illa hora faciat fures. An non per temperamentum principiorũ, & materiæ generationis, id fieri dicebamus ? ad eam ergo temperiem, parentum temperies non minus facit quàm cœlum, non ſunt verò parentes omnes, qui eadem hora coeunt eiufdem temperamenti. oportebit ergo te iam videre, non ſolum natalem horam huius, ſed & ſuorum parentum, & auorum, ac denique omnium à quibus in hunc poteſt aliquis naturalis motus deriuari : ſcimus verò aliquando ſimilitudines etiam ab atauis. Sed noueris maiorum omnium ſecundum vtramque partem temperies, ſcis etiam victus rationes, atque quid congreſſuri eſitauerint, piſces, an al

*Aſtra nõ
neceſſitāt.*

*Mercurius
facere
fures cre-
ditur.*

lia? nam ad feminis temperiem plus facient hæc, quam Mercurius aut Venus. interrogasti quibus cibis vsa sit prægnans? ô quam exigua manet iam causæ portio in istis schematis astrorum, quæ pro natali hora faciunt. Sed sit hæc quantulacunque, an nō erit maior in hora conceptionis? dicunt se vtriusque horæ rationem habere, atque ex hora ortus horam conceptionis agnoscere. omnes igitur eadem hora nati, eadem etiam concepti sunt. non ergo possunt nasci septimestres, & nouimestres, & decimestres simul. at verò quacumq; hora potest nasci septimestris, ergo nunquam potest nasci vllus nouimestris. quod si non quacumq; hora potest nasci eorū quilibet, sint quædam horæ septimestrium, quædam nouimestrium, quædæ decimestrium: at verò nullæ tales definitæ sunt ab eis, non possunt ergo ex hora ortus scire horam conceptionis; neq; igitur ex naturalibus figuris possunt quippiam præsentire. Quid ergo superest? vt prædicant nobis pluuias, aut serenitatæ, flatus aut tranquillitatē, frigora, aut æstus, ac per hæc, de morbis & eorū curationibus. etiæ quædam. itaq; superest solum Astrologia agricolarum, nautarum, & medicorum, quæ per exigua est. nā agricolæ & nautæ meteorologicis signis magis vtuntur, quam æthereis: medici paucorum admodum astrorum considerant ortus & occasus, Pleiadū scilicet & Arcturi: aspectus verò Lunæ & Solis: atque hæc quoq; multi doctissimorū censent esse superstitiosa. Sed huic præsentioni non admodum repugno, quamquam ei quoq; obstāt duo, magni momenti. Primum quidem, multipliciū causarū cōcursum, quarum neq; perspecta esse potest natura, neq; haberi ratio. Alterū quod in physicis indicauimus, quod que omnem ex causis naturalibus diuinandi rationē eleuaret, etiam si omnium virtutes essent perspectissimæ,

Astrologia agricolarū nautarum & medicorū.

mz, atque ob oculos positæ, videlicet, primum mo-
 torem non solum mouere primum mobile, ac per il-
 lud alia ordine quodam utque ad vltima, sed præter
 commune hoc mouendi principium, quod simul æ-
 què præbet omnibus; cooperari immediatè (quid ve-
 tat ita dicere?) cum singulis esseque causam liberâ, quæ
 singula deflectit, non quo cælum trahit, sed quo ipse
 vult. neq; verò solum miraculosè, sed naturaliter, & cū
 magna suauitate. cur enim miraculum hoc sit, magis
 quàm si mea me mens trahit aliò, quàm cælum aut
 natura impellunt? præterea necesse est scientiam om-
 nem resolui in principia quæ per se nota sint, aut in al-
 lia scientia demonstrata, aut cognita experimento, aut
 à prima veritate reuelata. Astrologiæ verò Iudiciariæ
 principiis nihil horum accidit. ea ergo non est scien-
 tia, sed inanis impostura (exceptis minutulis illis) nihi-
 lominus quam sortilega. Primum quidem eā non esse
 per se cognita, neque in alia scientia demonstrata, ipsi
 dabunt: reuelatam esse dicunt eorum quidam, alij ab
 angelo Adæ, alij Enoch, alij à Raphaele Thobiæ, ipsis
 verò Astrologis quis reuelauit factas esse antiquis i-
 stas reuelationes? Certè ipsi sibi. Nam quæ Ecclesia?
 quæ sacra scriptura? dicunt, Traditio est. per quos A-
 postolos? Non igitur est maior fides illarum reuelatio-
 num, quam ipsorum Astrologorum autoritas: hæc ve-
 rò est, quæ in dubium nunc vocatur. non est ergo suo-
 rum principiorum fides. Superest vt sint experimento
 cognita: hoc vt persuaderent Chaldæi, Græcis, & Roma-
 nis dicebant (vt primo libro de diuinatione licet apud
 Ciceronē legere) se obseruationes horū fecisse per qua-
 ter centum septuaginta millia annorū ac rectè quidē
 dicebāt. nam tot ac multo plurib. erat opus, vt singu-
 larum figurarum tenerentur perpauce obseruationes.

*Disputa-
 tio de A-
 strologia iu-
 dicaria.*

Nam si toto anno magno quem quadraginta nouem millibus annorum esse dicunt, cœlum totum nūquam ad eandem penitus redit figuram, totis quatercentum septuaginta millibus, rediisset minus quàm decies. eorum verò quibus per experimentum fides debet adhiberi, teneri debent multæ obseruationes: paucae enim casui possunt imputari, vt & capite primo Metaphysicorum dicitur, multæ eiusdem rei memoriæ vnius experientiæ vim habent. Illi igitur mentiebantur consentaneè, multo impudētius nostri, qui cū credāt, mundi totius nondum esse exactos septem mille annos, & multis iam miriadibus iactari istas imposturas, dicūt nihilominus experimētis cognita esse tot, quot vel fingendis miror mundum fuisse satis. Quod verò Thaletem Milesiū primo Politicorū; capite septimo dicit Aristoteles per Astrologiam prospexisse vbertatem oliuarum futuram, non admodum curo; præuiderit enim ille per incipientis iam anni cōstitutionē, vt agricolæ, aut medici; ac præuidisse per astrologiā, fuerit inanis fama. est enim, vt indicatū est, inanis hæc astrologia. Quod verò si inanis, sit etiā noxia facile cōstare potest: quādoquidē multis credulis & pusillanimis, quæ prænunciata fuerunt dira, præ timore totius vitæ suauitatē abstulerūt, ingerētia melancholiā, atq; adeo verā insaniam; & (quod granius quidē est) nonnullis nimium cautis, ipse timor facit certa esse pericula. velut si timet à muliere, ipsa Zelotipia: si ab hostibus, assidua, armorū gestatio: si ab aqua, pauidi pontes angustos prætereūdo: denique à quibus quisq; timet, in ea videmus facilius incidere; vel permittentē ita Deo. ita enim legimus capite vltimo Isaia: *Vnde & ego eligam illusiones eorum & quæ timebāt adducam eis: & capite decimo prouerbiorū. Quod timet impius, veniet super*

Oliuarū
vbertas
prædicta.

super eum. Atqui hæc sanè fuerit vna causâ, quæ quæ
ominantur, aliquando eueniant. Si igitur prænunciant
mala, hoc modo nocent: si verò bona, quod inani spe
seducentes, multa impellunt frustra tentare, atque in-
terim magnis se exponere periculis, aut certis aliis se-
se priuare bonis. tametsi enim fieri possit, vt quispiam
spe inaniter cõcepta, tandem compos fiat leuiter spe-
rati boni, multò tamen plures fuerint, qui spe cadentes,
magna sint experti pericula, vt qui imperij conce-
pta spe, factus prædo, periit in furca: aut certa bona a-
miserint, velut qui thesauri inueniendi, aut chymica
arte faciendi aurû spe allecti, laborauerunt: quorû vix
quispiam est, qui non rem totam perdiderit; quidam
verò qui non quærebant, inuenerû thesaurum. Sati-
us ergo multo sit vt inuenias, vineam tuam fodere, quàm
de thesauro cogitare. ita, vtilius multo sit hominibus,
vitam prudenter institutam agere, quàm vlla diuina-
tione agi. Sed neque satis piam esse, præter sacrę scriptu-
ræ loca quæ produximus, hæc indicant, quod facit pe-
riclitari fidẽ de Dei prouidentia, & de libero arbitrio.
tametsi enim præfari semper soleant, se illa imprimis
salua esse velle: sunt verò adeo nimij narrando tã mul-
ta & stupenda, vt latenter de necessario fato, sacrilegâ
audientium animis ingerant opinionem. Huc accedit
multos huius prætextu, Necromantiam exercere, De-
monesque vt quæ commemorauimus mala accidunt *Necro-*
mortalibus, & hac via nõnulli à fide deerrent, exequi *mantia.*
quo ad possunt illorû prænunciata, quæ alia causâ est,
vt eueniant, operèq; cõprobentur nonnulla. Præter di-
ctas verò duas causas alteram ab affectibus eorû qui-
bus prænũcientur, alteram à Dæmone, eueniunt quæ-
dâ casu. nõ sunt autẽ tam multa quæ non mentiuntur,
vt dictæ tres causæ (si modo casus in causis est) nõ pos-

mendacitatem faceret admodū notauit Seneca, in ludo de morte Claudij Cæsaris, inducens Clothum ita loquentem. *Patiar aliquando mathematicos verum dicere, qui illum postquam princeps factus est, omnibus annis, omnibus mensibus efferunt.* Accedit etiam, eam credulitatem coniunctam adeo esse cum Idololatria, vt Babyloniorū religio nihil fuerit aliud, quam ipsa scientia Chaldæorum. nam eadem Deorum & aliorum nomina, & eadem canebant de Diis in sacrificiis sacerdotes, quę prædicabant de astris Astrologi. nimirū illi furatum esse bonos. Mercurium: hi sub Mercurio natos esse fures: & alia omnia eodē modo. & merito quidem nam persuasi bona malaque omnia ab astris venire, neque quod amarent neque quod timerēt habebant aliud, quam astra. Proinde simul cū idololatria damnatur hæc Astrologia his citato ex Hieremia, his verbis. *Iuxta vias gentium nolite discere, & à signis cæli nolite metuerе, quæ timent gentes, quia leges populorum vana sunt.* Vide vt leges gentium coniungit cum timore astrorū. Peccant etiā Astrologi in ipsa astra, imputantes illis tam multa. nam cum facta sint omnia à summo bono boni gratia, vt scilicet gignant, foueant, & augeant, in mortes, in crimina, in bella, nullum factum est, neque quidquam inde malignū venit, nisi ex accidenti quodā. Quo pacto ergo stellæ pugnaverunt contra Sisaram? nullo certe. quis enim congregientiū simul hominum, posset illis esse delectus, vt Hebræos tuerentur, & debellarent Chananeos? sed stellarum nomine haud dubiè illic vocantur angeli, qui iuuerunt populū Dei aduersus impios. Dicuntur vero manere in ordine suo, quod suo quisquē est ordine cœlestis illius hyerarchiæ, qua nihil est in reb. creatis pulchrius, aut ordinatius. Cursus vero Angelorū, dicitur assidua illa

Stellarū
nomine
Angeli.

Angelo
rū cursus.

illa & continens cooperatio, qua homines custodiunt, & gubernant. Angeli igitur cultodes Hebræorum, quorum princeps Michaël, suo quisque ordine persistentes in defendendi munere, pugnaverunt contra Iabin regem, & ducem exercitus Sisaram. atque hic est sensus literalis huius loci. non aliter ac duodecimo capite Apocalypsis dicitur *cauda draconis illius trahebat tertiam partem stellarum cœli, & misit eas in terrā.* quo loco significatur literaliter tertia pars angelorum. unde constat, nihil hinc habere Astrologiam iudiciariam quo se tueatur: sed oportere, ut cōtemptis his vanitatibus. bene semper speremus, & actiones nostras prudenter instituamus, dantes gloriam Deo.

CAPVT TRIGESIMVM SECVNDVM.



APITE 37. libri Iob ita habetur. *Qui in manu omnium hominum signat, ut noverint singuli opera sua.*

His verbis solent sese munire, qui Chyromantiam profitentur, diuinantes ex lineis manuum, neque minora neque pauciora, quam Astrologi ex schematis stellarum. itaque intelligunt verbis his Iob significari, Deū cuicumque depinxisse in manu, signa eorum quæ facturus esset: illi verò prædicunt, & quæ perpeffurus, siue ab internis causis, siue ab externis, siue propè, siue longe positis, siue naturalibus, siue fortuitis. qui cū hæc sibi persuaferint, possunt etiā in subsidiū trahere locū aliū ex 13. Exodi, quo ita dicitur. *Erit igitur quasi signū in manu tua.* Aristoteles quoq; auctor nunquā contēnendus c. 15. primi de historia animalium, ita dicit. *Pars interior manū vola dicitur carnosā est, & scissuris vitæ indicib. distincta, lōgioris scilicet vitæ singulis, aut binis ductis per totā; breuioris binis quæ nō lōgitudinē totā designēt.* Opere prætiū ergo erit

*Chyromā
tici Astrologis
vaniores.*

hoc loco considerare, An sit aliqua ex forma manus naturalis significatio, an omne id studium vanum sit. Eatenus verò, vt mihi quidem videtur, naturalis ars, & certitudinis aliquid habens censeretur, quatenus referri possit in naturales aliquas causas, habeatq; principia, aut per se nota, aut alibi demonstrata, aut procedat ex certis experimentis: quatenus verò nihil habet horum, vana. Qui igitur palmas, fictis quibusdā lineis in partes quasdā diuidunt, singulasque tribuunt singulis planetis, & naturaliter innatas lineas, secundū conceptam vulgo opinionem de naturis planetarum interpretantur, nihilominus vani sunt quā ipsi Astrologi iudicarij: immo eo plus, quo plures positiones accipiunt gratis, & sine vlla monstratione. Illi enim gratis accipiunt, hoc astrum hæc facere sub illo natis, illud illa: hi addunt, manus hæc aream esse Iouis, illam Veneris: & rursus hæc illa significare. quæ autē horū monstratio? aut quæ naturales causæ? experimēta verò iactare possint, vt ipsi Astrologi, casu quodam, rarissimè verarum pronūciationum. vani igitur sunt, qui ita procedunt, multo verò magis, cum non solum procedunt ad interpretandos mores hominis, sed & fortunas, & quæ non in eo cuius contemplatur manus, sed in lege positæ, causas habent. velut dicunt, hæc nubet, hic percutietur capite. Id verò mihi videbatur cōiectandum ex manibus maritorū, & eius qui percussus est. nam quo pacto cōnubia possint habere causas in nubentium altero, cum ad ambo pertineat? ac percussio in percusso solo, ac non potius in percutiente? Quid si primus maritus habet lineam vitæ longiorem quàm mulier? quo pacto poterit nubere illa pluries? percuti verò non pōt hic, nisi quis percutiat, aut lapis tegulaue cadat. causa enim percussionis percutiēs est,

aut

aut ruina: igitur eadē causa est linearū manus Petri & irā Ioannis, aut casus tegulæ. nisi enim referantur ad eandē causam, nō possit alterū alterius esse signū, neq; alterū causa eius quod alterū significat. At verò causa linearū manus. Intra ipsum hominē esse videtur, & ex illius natura fluere. intra Petrū itaq; est causa casus tegulæ ē tecto: at hoc absurdū. Dicunt, in eodē astro causam esse harū linearū, & casus. redeunt eadē argumenta, quæ aduersus Astrologos, & illud maxime, quod si naturalia, vt lineæ manuū, & fortuita, & casus & ruine, eadē habent causas, nihil est fortuitum, cū omnia habeant causas per se. hoc longe absurdus. nam vt cadat tegula, causa est qui tollit fulcrū, vt vero cadat in Petrū, nulla est per se, sed eadē causa, quæ per se faciunt lapidem cadere, & Petrum transire, faciunt ex accidenti quodam, & fortuito, lapidem incidere in Petrū. Hactenus igitur vana est Chyromantia: neq; video, quæ possit non esse talis, nisi fortē eā, quæ subalternata Astrologiæ non sit, sed pars quædā Physiognomiæ. Nimirū Physiognomus non solum considerat faciē (quamquā cam maximē vt quæ sensuum organis constat, & mentem maximē prodit) sed aliarum etiam partium cōsitutionem: nā capitis totius, & pectoris, & dorsi, & vocalium, & genitalium, & pedū; ita verò & manus contemplatur: atque adeo post faciē, magis quā alia omnia: nā manus humana organū organorū est, auctoribus Aristotele & Galeno, atque vt facies intellectiuas virtutes, ita manus factiuas maximē potest indicare, habētq; manus ad rationē vt instrumentū ad artē, quia vt ratio est ars ante omnes artes, ita manus organū ante omnia organa. Nihil igitur in homine, ea quæ spectant ad rationē præcipuē factiuā, æquē poterit indicare ac manus. Igitur ea manuū cōtemplatio, quæ

*Physio-
gnomia
cōsidera-
tio.*

Phyfiognomiæ fines non tráfsgreditur, Phyfiognomiæ pars eft, & parem cum ea habet auctoritatem: quã ergo habere debeat Phyfiognomia, hoc loco videndum eft. Non eſſe profecto omnino vanam, vel illud vnum argumento eſſe poteſt, quod Ariſtoteles, auctor minime vanus, librũ proptium dedit ei doctrinæ, & ſparſim ſcripſit de ea multa in libris de hiſtoria animalium. ſed & Hippocrates, qui iudicio omnium eſt ſeueriſſimus, ſparſim ſcripſit multa ſpectantia ad Phyfiognomiã, quale eſt illud libri ſecundi de morbis popularibus. *Quicũque ruſſi, naſo acuto, oculis paruis, mali. Quicumq; ruſſi, ſimi, oculis magnis, boni.* Et rurſum, *magni, calui, balbi, gracili voce præditi, boni rurſum, Caput magnum, oculi parui, balbi, iracundi ſunt.* Et rurſum, *Oculi non niſtantes, iracundi.* Et iterum, *Magnum caput oculi nigri, & magni, naſum craſſum & ſinum habentes, boni.* Sed & legibus etiã ciuilibus, in quibus iniquũ ſit cenſere eſſe aliquid futile, aut vanũ, cautũ eſt, vt ſi duo homines inciderint in criminis ſuſpitionẽ, is primũ torqueatur qui ſit aſpectu deformior. Cuius legis ratio eſt in Phyfiognomia. Eccleſiaſticus etiam capite 13. bonam faciem vocat veſtigium boni cordis. ſed & experimento probat Ariſtoteles eſſe artem Phyfiognomica: quia quicumque plurimum inter animalia cuiuſpiã generis verſati ſunt, ſciunt ex forma dignoſcere bona & mala, velut equites equos venatores canes. neq; in hac dignotione falluntur, ſed ſemper, aut magna ex parte euenit vt illi iudicãt. Eſt igitur aliqua Phyfiognomia. Verũ eſt, multo certiorẽ fore eã quæ verſetur in dignotione brutorũ, quàm quæ hominũ, quia illa nihil habent præter ipſam naturam: in hominibus verò plurimum ad formandos mores educatio, & diſciplina, & quod his omnibus maius eſt, Dei gratia.

Sed

Sed neque hæc penitus eleuant Physiognomiæ facultatem, vt neque naturâ. Notæ quas Physiognomi obseruant accipiuntur primum à similitudine cum aliis animalibus; vt qui paruis sunt oculis timidi, vt scilicet & simiæ: qui magnis stupidi, vt & boues & asini. deinde & cum diuersarum nationum aut sexus hominibus, vt qui valde nigri, sunt timidi, vt Ægyptij & Ethio pes: Qui valde candidi, timidi etiam vt mulieres. deinde ab ipsis passionibus, quale erat illud Hippocratis. *Qui oculis non nectant, iracundi*: quia & qui irati sunt solent immotis oculis & palpebris intueri. Post hæc loca argumentorû. habent etiam præcepta conferendi signa cû signis, & colligendi quædã ex quibusdã: velut (dicunt) si quis est iracundus & tristis & prauus, necesse est sit inuidus. Sed nûc nō est anim⁹ hanc artē persequi sed hæc sūma eius capita attingere, vt videamus quo in naturales causas referri possunt. Inter omnes Philosophos conuenit omnibus animantibus data esse instrumenta, suis moribus accommodatissima; velut leoni tauro & apro, vtpotè ferocibus, ungues & dētes validos, aut cornua, aut exertos dentes: equo, vtpotè veloci, & generoso superbo & calcitrāti, ungulas fortes, longa crura, & ornāmētū iubæ: timidis verò & fugacibus vt lepori & ceruo, pro armis dedit artus ad celeritatē comparatos. ita & alia omnia circa animalium singulorū partes fabricata est natura: quod mihi nūc satis sit pro re præsentī attigisse, tractat diffuse Aristoteles in libris de partibus animalium Dubitatū est à veteribus an animalia talia sint, quia talia habēt instrumenta, an talia habeāt instrumenta, quia talia sunt. velut, an taurus, quia cornua habet sit ferox: an quia sit ferox, habeat cornua: lepus quoque an quia est inermis sit timidus, an quia timidus, sit inermis, Anaxagoras, vt dicit Gal. pri-

*Organo-
rū conside-
ratio.*

mo de vſu partium, affirmabat animalia talia eſſe, quia talia habent inſtrumenta, quaſi animæ ipſæ omnes ſint eadem, aut ſimiles, ſed pro differentia inſtrumentorum varios induant mores. Galenus contra cenſet, animas ipſas per ſe differre moribus, & vnicuique data eſſe inſtrumenta accommodata. Mihi verò vtrumque videtur verum, & animalibus data eſſe talia organa, quia ſunt talia; & eſſe talia, quia habent talia organa. Nam & homo, quia audax eſt, arripit enſem: & quia enſem habet ſit audacior: ita vitulus, antea etiam quàm ei exorta ſint cornua, ipſo naturæ impetu inuadit, quaſi velit cornu ferire: idem vero taurus iam factus, ſi ferrentur cornua, ferocitatem deponit: ſcilicet ipſa organorum vacuitas facit diffidentiam. Sed etſi inſtrumentorum commoditas mores illos augeat, ſi quidem non vnica ea eſt cauſa eorum, neque à principio facit, neceſſe eſt vt ſit alia cauſa differentiarum, prior ipſis organis: hæc verò, vbi fuerit niſi in animabus quæ diuerſæ ſint, aliæ audaces, aliæ timidæ, aliæ agreſtes, aliæ cicures, aliæ ſolitariæ, aliæ gregales.

*Morum
differentia
vnde.*

Quid ergo, ipſæ animæ per ſe ante talia corpora ſunt tales? non certè. nam brutorum animæ ante corpora ne ſunt quidem, cum educantur de potentia materiæ, & ſint nihil aliud quam ipſi corporum actus. Quid ergo ſit? Certe vt in ipſis corporibus ante organa ſit aliquid, quod & morum, & organorum cauſa ſit, hoc verò eſt temperies, ſeu natura, quæ facit eſſe ſubſtantiam hoc aliquid: id verò in brutis eſt ipſa anima, atque adeo in hominibus, ſecundum partem ſentientem, perinde eueniunt omnia, ac ſi anima ipſa corporis temperies ſit: non enim ob hanc partem agnoſcitur anima noſtra eſſe ſeparabilis, ſed ob mentem. Cum ergo morum differentia non ex mente ſit, ſed ex irascibili, &

con-

concupiscibili, & internis sensibus, quæ consistunt in organis corporalibus, quod ad hoc attinet, perinde de nobis ac de brutis censere oportet. Igitur si temperies parit hos aut illos mores, & his talia, aut talia succedunt organa, profecto temperies prior est organizatione, & causa illius: quod si temperies causa est morum, & compositionis, certè compositio significatiua sit morum, quia referuntur ambo ad eandem causam: atque adeo, vt Sextus Philosophus inquit, *etiam corpus sit quædam animi imago*. Ratio verò agnoscendi, quæ figura quos indicet mores, nulla potior sit, quam ex obseruatione figurarum quæ tales mores solent comitari, translata ratione ab aliis in alia: siquidem indicatum est, hac in re esse omnium eandem rationem. Cur igitur notæ morum à figura rectè capiantur, & tales rectè transferantur ab aliis animalibus ad alia, hæc est causa. Quòd verò & ab ipsis passionibus rectè accipiantur (quem tertium argumentorum locum esse diximus) ex dictis etiam constare facile potest. indicatum enim est, animalia quædam ad quasdam passiones esse propensa naturaliter, vt hæc ad iram, illa ad timorem, ad mæstitiam alia, alia ad gaudium. Porro per has passiones, non viscera solùm, & in eis inhabitantes spiritus, & succi, sed & externæ partes modò quodam permouentur. Non enim difficile est, ex facie agnoscere iratum, timentem, hilarem, & tristem. cum igitur omnia sponte ferantur, etiam sine vlllo externo motore in quæ propensa naturaliter sunt, incident per se se quoruncumque hominum vultus, etiam cum de nullo re cogitant, in eas dispositiones, in quas vergunt naturaliter, vt vultus iracundi in torum aspectum, etià cum non erit iratus: tristis in demissionem quandam, etiam cum non inerebit. Huc spectat, Physiognomi-

*Temperies
quid &
quorum
causa.*

*Exempla
physiognomi-
æ.*

cum illud, duodecimi capitis primi Paralipomenon. *Sed & de Gadi transfugerunt ad David cum lateret in deserto, viri robustissimi, & pugnatores optimi tenentes clypeum & hastam, facies eorum quasi facies leonia.* Est igitur agnoscere animi robur ex facie, per similitudinem aliorum animalium: ex passionibus verò seu ex passionum vacuitate est physiognomicum illud, Ecclesiastes capite octauo. *Sapientia hominis lucet in vultu eius:* Et illud Prouerbiorum, *Cor gaudens exhibet faciem.* Et illud, *In facie prudentis lucet sapientia, oculi stultorum in finibus terræ.* Nimirum, vt à facie quâ à reliquo corpore, ita ab oculis plura quam à reliqua facie capiuntur argumenta: quia velut fenestræ animæ sunt, atque inter cætera à modo intuendi. Nam recta despicere, oculis parum demissis, verecundi, immotis neque nictantibus, impudentis & iracundi: plurimum nictare, timidi aut insanire parati: obliquè intueri, vt cum sit è regione, habeat oculos in finibus terre, est subdoli & derisoris, quem stultum vocant diuina proueria. Post faciem, in manibus potius quam in vlla alia parte, dictis de causis locum habent signa huiusmodi. Manus ergo bene magna, multis lineis descripta, neque omnino glabra, neque pilosa, & longi digiti, ad naturalem proportionem inæquales, qui facile & adducantur, & abducantur, sapientiam indicant, & bonos mores. maximè enim humana est talis manus. Curtam verò, rotundam, breuibz digitis, & æqualibus, glabram nimis, aut valde pilosam qualis erat Esau, aut ungues habentes incuruos & longos, & nullis aut paucissimis lineis esse distinctam: hæc omnia beluina sunt, & ad aliqua brutorum genera referuntur. Quare pilosa manus significabit hominem agrestem, & ferum more vrsi, ungues incurui, rapacem more

*Manus
considera-
tio.*

more accipitis, rotunda ac brevis ac sine lineis, stupi-
 dum qualia quadrupedum plurima. Ita etiam & à pas-
 sionibus: qui contractas semper gerunt manus, timidi
 & avari esse dignoscuntur; contra qui extentas, auda-
 ces & liberales; qui pendentes aut dimissas, aut aliam
 super aliam, desides: qui elatas aut mobiles, solliciti, &
 negotiosi: qui ad faciem aut os adducunt cogitabundi.
 Ex his constat chyromantiam, nisi ultra physiognomie
 fines se effundat vanam non esse: nisi verò intra illos se
 cõtineat vanissimam, velut & ipsa physiognomia suus
 egressa fines, vana fit vt cum Physiognomi, non solum
 naturales cuiusque mores, & ingenium volunt digno-
 scere, sed & fortunam prænunciare, dicentes alios esse
 Iouiales & fortunatos, alios Saturninos & infelices.
 Nimirum si rectè antea mōstratum est, Astrologiam
 Iudiciariam, cum præcipuè de fortuitis agit, vanam
 esse, necesse est omnes eas artes quæ ad illam referun-
 tur vanas esse, vt Physiognomiam, quæ Martes, Ioues,
 aut Saturnos nominat; & Geomantiam, quæ loca pla-
 netarum describit in terra: multo autem magis &
 Hydromantiam, & Pyromantiam & innumera alia fi-
 gmenta futilissima: quæ omnia sunt merè ludicra,
 aut adiunctam habent operam Dæmonum. Cum
 ergo Chyromantiam bona ex parte receperimus, li-
 cebit verba illa Iob, *Qui in manu omnium homi-
 num signat, vt nouerint singuli opera sua*, chyroman-
 ticè interpretari. Verum occurrit mihi alia inter-
 prætatō, quæ multo magis arridet, nimirum vt
 Galenus loco citato edisserit, data manus est homi-
 ni, vt rationali ac sapientissimo animali. Nam æ-
 quum erat, habenti artem ante omnes artes, hoc
 est rationem, dari organum ante omnia organa,
 hoc est, manus. vt igitur fabrum dolabra &

Geomantia.

Hydromantia & Pyromantia quid.

ferri; agricolam ligo & falx, sui muneris faciunt recor-
dari: ita manus, hominū humani officij. Ergo vel suas
ipsius manus intuens homo, agnoscat se esse natum ad
omnes artes exercendas, ad adorandum Deum, ad eri-
gendas Deo aras, ad sacra faciendum, ad scribendum,
docendumque omnem sapientiam etiam posteros, di-
cent Pythagorici ad numerandum; quandoquidem
calculi numeri denarij, qui omnes continent nume-
ros, in ipsis digitis positi ante oculos sunt. Signavit i-
gitur Deus in manu omnium, ut nouerint singuli ope-
ra sua, hoc est, quæ eos facere oporteat, & ad quæ nati
sint: nimirum admonent nos aures, natos nos esse au-
dire, nares odorari, lingua gustare, oculi videre. Hæc
verò omnia, opera nostra non sunt, sed cum plerisque
communis: manus verò sapientiæ, & diuini cultus, &
rationis numerandi, & exercendarum omnium artium
nos admonent; quæ sua hominis opera sunt. Quod de
cimo tertio Exodi dicitur, *Erit igitur quasi signum in
manu sua*, nullatenus pertinet ad Chyromantiam, sed
alludit ad consuetudinem hominum, qui cum rem
quampiam volunt memoriæ commendare, signum a-
liquod alligant digitis, quod scilicet manus ob oculos
versentur semper. Eum verò esse legitimum sensum
verborum sequentia indicant, *Erit igitur (inquit) qua-
si signum in manu tua, & quasi appensum quid ob recor-
dationem ante oculos tuos.* Quod Aristoteles primo
de historia animalium dicit, scissuræ manus longioris
aut breuioris vitæ notas continere, non tam est à ra-
tione alienum, quam fortuitorum euentuum signifi-
cationes inde peti, quod scissuræ illæ ad formationem
spectant, & formatio ad temperiem rationem habet,
bonusque aut malus corporis habitus naturalis, qui
compositione constat & temperie, longioris aut bre-
uioris

uioris vitæ, & eius interitus qui ab intrinsecis causis
cietur, præcipua causa est. Tamen neque hoc mihi, vt
verum fatear, admodum arridet: multis enim experi-
mentis confirmanda foret eius assertionis fides. Ne-
que me sanè plurimum mouent Aristotelis eo loci
verba, ibi enim non Philosophum, sed Historicum a-
git: longè autem minorum historicorum, quam philo-
sophorum auctoritas est.

CAPVT TRIGESIMVM TERTIVM.

De Necromantia.



NECROMANTIA, vt ipsum præ se
fert nonien, est diuination quæ procedit
ex consultatione mortuorum, cum sci-
licet Necromantici, incantationibus, & *De necro-*
characteribus, aut certis quibusdam per *mantia*
actis, velut expiationibus, aut ceremoniis, mortuos ac- *multa.*
cerfunt, quos de occultis aut futuris rebus consulant:
cui rei magnam videtur auctoritatem conciliare,
quod euenisse Sauli narratur capite 28. primi Regum.
cui, opera cuiusdam mulieris pythonissæ, hoc est fami *Pythonis-*
liaritate Dæmonis vtentis, inuocatus suscitatusque Sa *sa.*
muel, finem suum imminentemque illi, ac filiis suis à
Philistæis, indicauit. Si enim in sacris legimus, per mu-
lierculam Necromanticam suis magicis artibus vten-
tem, prophetam adeo Deo charum suscitatum esse, &
Regi verissimum futurorum reddidisse responsum,
cur non putemus magicis incantationibus, caracte-
ribus, ac reliquis signis, facultatem aliquam inesse, aut
naturalem, quæ vim etiam possit ipsis spiritalibus sub-
stantiis inferre, aut diuinam, dæmoniacis illusionibus

longe superiorem? Non enim videtur dici posse, non fuisse verè Samuelem, aut eius animum, cum qui respondit Saul; siquidem in capite 46. Ecclesiastici, de Samuele, post alia eius acta, ita scriptum legimus. *Et post hoc dormiuit, & notum fecit Regi, & ostendit illi finem vitæ suæ, & exaltauit vocem eius de terra in prophetia, delere impietatem gentis.* Quid enim aliud indicant hæc verba, quam quod illo loco narratum est, Samuelem postquam dormiuerat, rursus exaltasse vocem de terra, & notum fecisse Regi finem vitæ suæ in prophetia? quod certè non alias fecit, quam cum à Pythonissa est excitatus. Scio de hac re diuersas esse Theologorum opiniones, aliis dicentibus fuisse verè Samuelem qui indicauit Regi finem suum, aliis eius imaginem, quas nolo ego aliter examinare, quam dicens quod mihi videtur probabilissimum: quandoquidem Ecclesiasticus narrans Samuelis gesta dicit, postquam dormiuit notum fecisse Regi finem suum, & exaltasse vocem de terra in prophetia, non dubito quin fuerit ipse Samuel. non dico ipse Samuel suscitatus, sed illius anima apparens in corpore aëreo, ut solent Angeli. Neque enim mihi pro asserenda Ecclesiastici veritate (tametsi id dicat vir sanctissimus æquè ac doctissimus Augustinus) videtur esse satis dicere, vocari Samuelem, Samuelis imaginem: videndum enim quorsum hæc narret Ecclesiasticus: nō certè aliorum, quam ut narret gesta Samuelis, & illis, laudem. quam autem laudem meretur Samuel, quòd Dæmon eius imaginem induens, pro illo respōderit? aut quomodo quispiam hoc inter illius rectè gesta iurè commemoraret? accedit quod ex Ecclesiastici verbis cōstat, illū nō simpliciter prænunciassse Regi finē suū. (hoc enim malus etiā Dæmon posset fortasse facere, aut coniectura,

*Samuelan
verè susci-
tatus.*

aut à Deo per bonos angelos accipiens) sed concionatum etiam esse aduersus idolatriam, quod malus Dæmon non fecisset. ita verò inquit Ecclesiasticus, *Et exaltauit vocem eius de terra in prophetia, delere impietatem gentis.* Existimo itaque verè fuisse samuelem. Monstratum verò mihi alibi est, nullam vim naturalem esse verbis, neque characteribus. Porro monstratum etiam est, nullam Dæmonib. esse cum corporalib. sympathiam, neque antipathiam: Vnde fit, nihil penitus posse Necromantiam nisi ex pacto: siquidem vim naturalem inferre spiritalibus substantiis nullam potest: neq; quidem ex pacto sine Dei permissione, siquidem non annuente prima causa, ne esse quidem quispiam potest, nedum operari. Quid igitur superest? certè Necromantiam nihil esse aliud, quam Dæmonis illusione, hominum vero infidelitatem, qui cacodæmoni se deuouent. Quoniam autem neq; Dæmon potest ex pacto respondere sine Dei permissione, fit nonnunquā vt Deus Dæmones coërceat, ipse verò aliquid in illorū qui se deuouent pernitiem fieri permittat, atque vt dicitur capite vltimo Esaïæ, *Eligat illusiones eorum, & quæ timebant adducat eis.* Velut nunc in pernitiem Saulis, qui volens ac sciens defecit à Deo, atque ad Dæmonem se contulit, permisit vt pythonissa Dæmoniacas artes exercente, appareret Samuel, & illi finem suum indicaret, & maiorem frandi fidem adhibēs induraretur, & adductus in desperationē, periret in peccato suo. Censere verò aliquid præter nequitia esse in Necromantia, hominum est indoctissimorum pariter ac leuissimorū. Nō desunt, qui asserētes nō fuisse phantasma dæmoniacū, sed ipsum Samuelē, existimēt assumpsisse Dæmonē Samuelis corpus, atq; ex illa respondisse, atq; vocari Samuelē, vt cuiusq; hominis cadauer ip-

*Necromā
tia quid.*

fius nomine dicimus: hoc verò sine omni probabilitate, neque sine Prophetæ iniuria, videtur dici. nam longè facilius erat Dæmoni æreum corpus effingere, aut videntium oculis illudere, quam dissolutum iam in sepulcro corpus, in formam pristinam, vel apparenter restituere. Quod autem maius opprobrium fieri poterat Prophetæ corpori, quam à Dæmone assumi? hoc igitur minimè est probabile: quare superest, id solum quod dictum est permissu Dei venisse animā Samuelis, atque assumpto corpore æreo Sauli respondisse. Neque verò vellem hinc augeri credulitatem indocti & superstitiosi vulgi, de reditu animarum hominum via iam defunctorum. Verum quia redeant an non, nihil habet cum naturali Philosophia, neque ad huius operis spectat argumentum. De his hactenus.

CAPVT TRIGESIMVMQVARTVM.



QVARTO Regum. capite secundo. *Dixerunt quoque viri ciuitatis (Hyerico'tis scilicet) ad Eliseum, ecce habitatio huius ciuitatis optima est, sicut tu ipse domine perspicis, sed aquæ pessimæ sunt, & terra sterilis, at ille ait, afferte mihi vas nouum, & mittite in illud sal. quod cum attulissent, egressus ad fontem aquarū, misit in illum sal, & ait, hæc dicit Dominus, sanauit aquas has, & non erit vltra in eis mors, neque sterilitas, sanatæ sunt ergo aquæ vsque in diem hunc, iuxta verbum Elisei, quod locutus est.*

Non dubium est hoc quoque, vt alia pleraque contigisse populo illi in figura, vt testatur diuus Paulus, & aliquam aliam aquarum emundationem significasse, factumque esse ob aliquod sacramentum: an verò hic

quo-

que aliqua naturę ratio habita sit, præsentis operis est
 examinare. Dictum enim non semel est, atque indica-
 tum, etiam in efficiendis miraculis, plerūque vti Deū *Miracu-*
 aliqua naturali causā, idque multis atque optimis ra- *lorū ratio*
 tionibus, quas, vtpotē alibi dictas, nō est nunc animus
 repetere, sed id præstare solūm quod propositum est.
 Quandoquidem terrę sterilitas curatur in aquis, cō-
 stat nihil aliud insinuari, quam aquas fuisse tales, vt
 earum vitio irrigata terra sterileceret. Id vero vitiū, *Aqua*
 videtur rationi consentaneum fuisse falsuginē, & quia *falsa mo-*
 id solet esse frequens in aquis, ex quo quam plurimæ *numenta.*
 fiunt ad potandum inutiles, & quia id solet omnium
 maxime sterilitatem afferre. Quo factum est, vt ab an-
 tiquissimis seculis venerit in consuetudinem, vt solo,
 quod ob patrata ibi facinora, & proditioes deuoue-
 tur, sal inspergatur: quod fecisse legimus Abimelech
 deleta vrbe Sychimorum, capite nono libri Iudicum: *Sal car-*
 quin & Psalmo 106. ita dicitur, *Posuit terram fructife-*
ram in falsuginem, à malitia inhabitantium in ea. itaque *terris as-*
 falsugo maxima causa est sterilitatis terrę, & inspersus *pergatur.*
 sal sterilitatem indicit, & maledictionem. Si autem
 falsę erant aquę Hyericontis, atque ideo hominibus
 erant ad potum inutiles, & terrę afferentes sterilitatē,
 quę vis naturalis esse poterat in sale ad sanādum eas?
 cum præcipuē Diuus Iacobus in sua epistola capite 3.
 dicat, *Nunquid potest fratres mei ficus vuas facere, aut*
vitis ficus? sic neque falsa dulcem potest facere aquā.
 Neque dubium, cum sint contraria contrariorum re-
 media, quin similibus augeātur rerum vitia. Alterum
 igitur duorum dicēdum est, aut in illo Elisei miraculo
 nullam esse habitam naturę rationem, sed adhibitam
 esse rem prorsus aduersam & noxiam, maioris por-
 tenti causā (nam hoc quoque nonnunquam legimus

factum) aut vitium illud aquæ, non fuisse falsuginem, sed corruptionem putridam, & olidam. hæc enim vt aliis omnibus in rebus, ita etiam in aqua, salis admissione corrigitur. nam sal calidæ & siccæ naturæ cum sit, & facile cum aqua dissolutus commisceatur, putres in ea siue vapores, siue partes absumit, & putredinem emendat, atque integritatem facit diutius retinere. testantur enim nautæ, aquas nonnihil falsas, aptas verò adhuc potui, vtiliores esse nauigantibus, quòd diutius incorruptæ seruari possint, ac proinde se eas ex puteis mari vicinis solere haurire. Quin etiam qui naturas rerum diligenter scrutantur, affirmant puteos malè olentes, & prauo aliquo sapore infectos, nulla ratione melius expurgari, quàm sale in eos iniecto: iniici verò solitam quartam partem modiolì in singulos. quamquam non potest hoc esse in omnibus ratum, sed plus aut minus debet iniici, vt in ipsis puteis inest aquæ. hoc igitur videtur maxime consentaneum quia præter dicta, ob putrescentiam, & graueolentiam euenit aquas esse mortiferas, magis quam ob falsuginem: sed & steriles, quia falsugo nisi omnino sit maxima, vt in mari Sodomæ (quod quia nihil viuum generat, ac si quid in ipsum incidat necat, mortuum appellatur) neque lethalis est, neque fœcunditati officit: quin potius cum sine putrescentia est, & intra quandam mediocritatem, vt in mari, ipsas aquas facit fœcundissimas: nulli enim mundi adeo luxuriatur generandi facultas, neque est tam multiplex generatio. Atqui profecto, vt ego existimo, ille ipse Dei spiritus, qui aquas incubauit initio (quem ego ignem esse censeo tales reddidit crassas inquam, & falsas; atque ita multiplici rerum generationi, aptiores multò quàm dulces. Iam verò irrigata aqua, non vtcumque falsa officit plantis, neque

Aqua sale iniecto curata.

Salsugo.

Aqua salsa fœcundissima.

aque

æquè omnibus; sed sunt quædam plantæ, quæ gaudent etiam quadam falsugine, & puteales quæ falsugine aliqua plerumque participant desinunt prius esse aptæ potui, quam irrigationi. nimirum in potu insuauissima est falsugo, quia sitis humidi & frigidi appetitus est, irrigati verò alimēti magis rationem quam potus habet, nutrit enim plantas, atque ita non statim officit, neque enim nisi cum multa est, ut si muria, aut marina rigentur plantæ, aut ispergatur ipse sal. facit verò, si qua villa in re, in sale maximam, ipsum plus, aut minus differētiam. multa enim salis irrigatio aut inspersio, siccatur omnes plantas, & solum ipsum vrit ac facit sterile: moderata, quibusdam plantis est amica, nullis plurimum nocet. Animantia omnia à maxima falsugine, qualis maris mortui est, necantur (utuntur enim) moderatiori, qualis reliqui maris, generantur quàm plurima, & in molem ingentem augentur, ac maximè fruuntur salubritate, & mortua etiā asseruari possunt diutius: tametsi nonnulla ne tantam quidem falsuginē sustinent, neque consistere possunt, neque viuere, nisi in dulcibus aquis: & alia etiam quædam utramque vitam sustinent: tanta naturarum varietas est. Iam verò hominibus & reliquis animantibus multi salis usus est morbidus, quia sanguinem falsum facit, & sterilitatem infert siccando vehementer, & acrius efficiendo semen: moderati verò, facit salacitatem, & irritationem, & pruritum augēs, ac proinde ad generationem confert. Quare indistinctè mihi videntur altercari nonnulli, partim dicentes salē sterilitatem inferre ac mortem, ac proinde solitū inspergi in solū quod deuouetur: partim fecunditatem & incorruptionem, ac proinde fabulatos esse Poëtas, Venerem natam esse in mari, decidentibus in illud cœli verē-

*Sal hye-
roglificè
quid.*

dis, atque ab spuma vocatam ἀφροδίτην. Nam re vera non sunt hæc tam propria salis, quam consistunt in v-
tendi modo, estque verum, salis nomine hyeroglificè significari plurimā. nā & sterilitatē, & salacitatē, & sapiētiam, & incorruptionem, & suauitatē, & mordacitatē: quibus verò causis singula, oportet Philosophos distinguere, vera salis natura perspecta, ac neque laudando neque vituperando esse nimios. Cum enim, vt Hippocrates mirè dixit, sint omnia ad aliquid bona, & male, de sale videtur id multo melius posse dici: est enim sæpe ac plurimis rebus noxius ac sterilis, plurimis etiam aliis non raro utilis est, & fecundus: putida vero corruptio semper est mortifera & sterilis, cū cōtraria sit omni naturali ortui, veniantque res omnes, teste Aristotele, per putredinem ad interitum. Cum igitur hæc mortem & sterilitatem afferre nata sit reb. omnibus, & salis admistione naturaliter emendetur. consentaneum est id fuisse vitium aquarum Hyericōtis, & Eliseum in earum curatione naturalem ordinē tenuisse, Deo interim adiiciente plurimum facultati, quā sali ab initio indiderat. alioqui enim, neque tam multæ aquæ expurgandæ fuisset satis, tam modicus sal, neque ea sanitas durasset in hunc vsque diem.

*Plantis
quæ aqua
noceant.*

CAPVT TRIGESIMVMQVINTVM.

*Resuscitatus ab
Heliseo.*



IBRO quarto Regum capite 4. ita habetur. *Ingressus ergo Eliseus domum, & ecce puer mortuus iacebat in lectulo eius: ingressusque clausit ostium super se, & super puerum, & orauit ad Dominum & ascendit, & incubuit super puerum, posuitque os suum super os eius, oculos suos super oculos eius, & manus suas*
super

super manus eius: & incurruuit se super eum, & calefacta est caro pueri, at ille reuersus de ambulabat domi, semelque huc atque illuc, & ascendit, & incubuit super eum & oscitauit puer septies, aperuitque oculos.

Siquidem per sanctam Ecclesiam Romanam, penes quam veritas est, licet dicere non fuisse puerum hunc penitus mortuum, sed lictum animo, atque adeo syncope correptum (syncope est grauissimum deliquium) dicique iacere mortuum, ut dicere con-
Syncope quid.
 suimus de apoplecticis & catalepticis, ac denique de omnibus qui sine & sensu & motu iacent quasi inanimés. atque adeo dici Eliseum fuisse tale puerum Sunamitidis, quod illum à grauissima syncope liberauerit, res sane sit facillima, ac expeditissima, reuocarique facillime poterit ad naturales causas. nam syncope correpti extinctione naturalis caloris periclitantur mori, solentque totum, & calefactione reuocari. nulla verò calidior ad eam rem utilior, atque accommodatior, quam alterius hominis, cui calor adhuc riger ad motum, & calidi anthelitus insufflationis enim calor cōgener est, & vitalis. seminumque nonnullos, qui videntur omnibus qui aderant extincti, hac ratione esse reuocatos. Ut autē refrigerati hominis caro alterius calentis ad motionem calefeat, ita cuiusque calor nulla ratione excitatur melius ac salubrius, quam exercitatione: hoc enim non offert extrinsecus alterationem, ut ignis, aut Sol, aut medicamenta, sed insitum & proprium, quasi ventilando excitat. Igitur Eliseus ad mouendo suam pueruli carnem calefaciebat, & per domum huc & illic discurrens ipse calefcebat, ut ita magis puerum recalfaceret. prima itaque ad motionem calefcere cepit pueri caro, secunda verò, postquam Eliseus motu magis incaluerat, maior facta est

Curandi ratio symptomata.

puerum caloris accessio, cepit oscinare, atque oscinavit
 sepius, calore iam incipiente flatum agitare, ac discu-
 tere: cum icente vigore, & spiritibus animalibus moveri
 coeptis, & cum supraperti, ac deinde aliorum omnium
 sensuum in motu, & puer renocatus est in opore-
 ro, quominus ita puerum raderem, obstat incepisse Eli-
 sem orare Deum, quasi res non esset naturaliter a-
 genda. Nam neque naturales morbi, nec curationes
 aliunde quam ab oratione rectè incipient, ut idè Dei
 spiritus testatur, capite 38. Ecclesiastici. Si tamen
 non licet censere, sed puerum verè motuum atque ab
 Eliseo suscitatum esse, dicendum, (quæ magis commu-
 nis & verior erit sententia) miraculosè peractam esse
 rem hanc, ita tamen, ut & in hoc miraculo habitus sit
 naturæ honor, adhibita mortuo ea curatione, quæ
 ad syncopem, quæ integra ferè extinctio natura-
 lis caloris est, ac velut mortis initium, solet adhiberi,
 ut his causis, naturalis caloris velut igniculū adhiben-
 tibus, ac Deo peragente id, quo ipsæ non possunt per-
 tingere, ageretur suscitatio, velut quædam reuocatio à
 deliquio aut syncope. Quibus autem rationibus, velit
 Deus causas naturales, etiam in peragendis miraculis
 adhiberi, alibi dictum est. Esse autem ut dicimus, atq;
 adeo in miraculis etiam maximis edendis, uti solere
 Deus naturalibus causis, non adeo magnis, innumeris
 constat, exemplis. nam vel ad siccandum vna nocte
 mare usus est vento vehementi, & vrente, ut narratur
 capite 14. Exodi. Quem autem ventum, aut quam
 vrentē putes fuisse satis ad siccandum vna nocte mare
 nisi Deus, naturalem aliqui eius potentiam, vehe-
 menter & supra naturam auxisset?

CAPVT TRIGESIMVM SEXTVM.

LIBRO quarto Regum capite quarto
 Et egressus est vnus in agrum, vt colligeret
 herbas agrestes, inuenitque quasi vitem
 siluestrem, & collegit ex ea Colocyntidas
 agri, & impleuit pallium suum, & reuersus
 conscidit in ollam pulmenti, nesciebat enim quid
 esset. Infunderunt ergo sociis vt comederent cumque
 gustassent decoctionem, clamauerunt dicentes, mors in olla
 vir Dei: & non potuerunt comedere. at ille, afferte inquit,
 farinam: cumque tulissent, misit in ollam, & ait, infunde,
 turba vt comedant, & non fuit amplius quidquam amaritudinis
 in olla.

Colochyntidos natura.

Nonnulli suspicatur alias colochyntidas fuisse has, quas
 Eliseus immissa farina adeo emendauit vt dulces & esui aptas
 reddiderit, à medicamentosis illis, quibus ad vehementer
 expurgandum vtuntur medici. Sed meo quidem iudicio falsò:
 nam præterquam quod nomen id præ se fert, descriptio quoque, &
 notæ indicant. nam re vera colochyntidis herba sarmenta
 profert & folia viti siluestri non dissimilia. dicit præterea
 Mesue colochyntidam vocare solitos Persas cucurbitam
 deserti: quid autem aliud est dicere colochyntidas agri, quam
 cucurbitam deserti? est verò adeo amara, vt fel terræ ab
 eisdem vocaretur: & Dioscorides dicat fructum eius esse
 vehementer amarum. quo gustato exclamauerunt dicentes,
 mors in olla, non potentes comedere. Nam ob amaritudinem
 id contigisse, sequentia illa verba declarant, Et non fuit
 amplius quiddam amaritudinis in olla. Sed quo pacto (dices)
 fieri potuit, vt vera

Cucurbita deserti. Fel terræ.

*Cultura
vis.*

colochyntis, quæ non amara solum est, sed adeo perniti-
tiosa, vt si supra quatuor obolos, etiam emendata su-
matur, possit super purgationes, & exulcerationes ven-
tris, & mortem afferre, atque adeo adnota exterius e-
necet fœtus, solius farinæ siue triticeæ, siue hordeaceæ
immistione emendari adeo, vt mox daretur turbæ a-
bundanter pro cibo. Non certè id naturaliter & citra
miraculum effectum est, cum præcipuè inter agrestes
herbas collectæ illæ colochyntides sint. cultura enim
hortenses effectæ, non parum fortasse mitescerent, a-
grestes verò, præcipuè quæ nō inter alias, sed seorsum
nascuntur, perniciosissimæ sunt. itaque miraculo effe-
ctum est, vt dulcescerent, & noxam deponerent; ita ta-
men, vt hic quoque, velut in aliis plerisque, modus qui-
dam naturalis operationis retentus sit. Nam Medici
omnes inter emendantia colochyntidem, recensent ea
quæ lenta sunt & glutinantia, cuiusmodi esse constat
amylum, quod ex tritico conficitur, atque post hoc, e-
tiam farinam triticeam, hæc enim suæ substantiæ mo-
do lento & glutinoso, & sapore grato, atque vt ita di-
xerim, cibali, præsentem iam dysenteriam sanant, &
imminentem anteuertunt, eiúsque causis & efficien-
tibus, & iam paratis obsistunt, mordacitatem & ama-
ritudinem, aut acrimoniam hebetantia, & membranas
internas ventris oblinientia. Haud dubiè igitur amy-
lum & farina triticea, in emendantibus colochynti-
dem non instrenuè sunt. nō ita tamen, vt tantum tam
citòque valerent, nisi plus solito illis aspirasset prima
causa, quæ, vt rerum naturam à principio fecit, ita vti-
tur ea vt vult.

*Amyli
utilitas
farina tri-
ticea vis.*

CAPVT TRIGESIMVM
SEPTIMVM.

CAPITE sexto libri 4. Regum. *Accidit autem, vt cum quidam materiam succidisset, caderet ferrum securis in aquam, exclamauitque ille, & ait, heu heu heu domine mi, & hoc ipsum mutuo acceperam. dixit autem homo Dei, vbi cecidit? at ille monstrauit ei locum. Præcidit ergo lignum, & misit illuc, natauitque ferrum, & ait tolle, qui extendit manum, & tulit illud.*

Ferri natatio.

Res est experimento compertissima, multa quæ in aqua quieta subsident, cum conturbatur, agitata aut ligno aliquo, aut re aliqua eiusmodi in eam iniecta, emergere, efferrique in sublime, & innatare: non quidem id accidere solet ferro, aut grandioribus lapidibus, aut denique rebus grauioribus quam vt agitate aquæ impetu moueri possint, ea præcipuè agitatione, quæ immissum in eam lignum possit ciere. nam per maiores ac violentiores aquæ perturbationes, vt fluminibus violenter decurrentibus, & volutari in aqua videntur magni lapides, & euelli grandes pontes. hîc verò non potuit immissione ligni commota aqua, securis ferrum vsque ad summum eleuare. Nequè sanè suspicor id fuisse certum aliquod lignum, quod extrahendi ferri virtute valeret (quod enim esset?) sed quodcunque occurrit: neque denique aliud quidpiam esse appositum ad eleuationem ferri, quàm aquæ commotionem: ea verò cum satis non esset pro tanto pondere, superest rem non esse sine miraculo transactam, ita tamen vt commotio aquæ apposita sit, & Deus ferro pondus detraxerit, adeo vt agitata aqua valuerit suble-

uari, arenularum more. Cur autem putemus Deum velle adeo leues causas, naturales tamen adhiberi, cum ipse nullis indigeat adiuuentis? certè, vt ego existimo (dictæ verò alibi aliæ etiam causæ sunt) quo intelligamus, quantopere deerrent, qui nullam in rebus suis adhibentes operam cum possint, tantùm orant Deû, quem vident ne miracula quidem perficere, nisi rarissimè, citra vllam naturalium causarum admotionem; nedum ea, quæ naturalem habent prouidentiam.

CAPVT TRIGESIMVM

OCTAVVM.



CAPITE quinto libri 4. Regum narratur, Naaman Principem militiæ Syriæ mundatum esse à lepra, quòd iussu Eli-sei septies in Iordane se lauerit: contemnebat verò vt ibidem legitur; hanc curationem vt leuem, neque pro tanto morbo futuram satis: atque ob hanc diffidentiam, nisi à seruis suis persuasus esset, penitus dimisisset: *descendit verò septies in Iordanem, & mundata est eius caro, factaque vt pueri paruuli.* haud dubiè in septena illa lotionè, cæq; per Iordanis aquam facta, magnum aliquod latebat arcanum & diuinorum sacramentorum significatio, eoque diuina virtute factum est, vt quæ (si res soli naturæ committeretur) leuissima fuisset curatio, pro tanto & tam inueterato morbo, fuerit sufficientissima ac perfectissima: non tamen ita fuit diuina ac miraculosa curatio, vt non etiam velut initium quoddam habuerit naturalis. Nam descendere in fluuiales aquas crebro, innataréque, præcipuè ad rapidos aquarum vortices,

rices, plurimum facit ad eluendam omnem cutis immunditiam, atque sanandum omne genus scabiei: neque quidem solum scabiei simplicioris, sed etiam lepræ, & lichenum. nam cum hæc sint cutis quædam fordities, nascunturque à falsa pituita, aut vltia melancholia, lotio eluendo fortiter expurgat, atque adeo epidermidem ipsam seu cuticulam euellit sæpè: aqua verò ipsa humiditate & frigore, & naturali illa dulcedine, temperat & falsuginem pituitæ, aut aciditatem atræ bilis dilluit & dissoluit. At qui profectò si lepra illa fuisset recentior, nec subiectæ carnis temperies esset iam mutata, & recens expurgatum esset corpus Naaman, ne intra illud subessent prauis succi, fortasse pura natatio pluries repetita suffecisset: quoniam verò res non ita habebat, sed multo tempore, multa lepra perspersus fuerat, neque vlla tunc temporis præmissa est corporis expurgatio, miraculosa fuit curatio lepræ, qua se tunc temporis Deus gentibus dedit agnoscendum, atque impofterum venturæ Ecclesiæ, suæ immensæ misericordiæ præstitit significationem.

CAPVT TRIGESIMVM

NONVM.



QUARTO libro Regum capite 20. Cū Ezechias ægrotaret. vsque ad mortem, Deo ita iubente, sanatus est ab Esaia, ad mota massa ficorum. Verba verò sunt hæc.

Dixitque Isaias, afferte massam ficorum: quam cum tulissent, & posuissent super hunc eius, curatus est. hæc

eadem verba scripta sunt capite 38. Isaia. Morbi qui
 miraculosè sunt curati, vel ab ipso Deo cum inter
 mortales ageret, vel diuina virtute à viris Dei amicis,
 partim curati sunt citra rei vllius admotionem solo
 verbo, vt Dominus sanauit leprosum, solum dicens,
 volo, mundare, & cæcum imperans vt respiceret: vel
 oratione, vt orante Abrahamo sanauit Deus Abime-
 lech, & vxorem eius: aut tactu, velut per manuum im-
 positionem: quin & per tactum vestimenti, atque et-
 iam vmbræ. nam capite sexto Lucæ dicitur, & omnis
 turba quærebat eum tangere, quia virtus de illo exi-
 bat, & sanabat omnes. exemplo est mulier, quæ cum
 fluxu sanguinis laboraret decem annis, tangens fim-
 brian vestimenti eius sanata est, Porro. 5. Actuum A-
 postolorum narratur, solitos deferri ægrotos ad vm-
 bram Petri, vt sanarentur. partim verò curati etiam
 sunt multi horum, admotione quarundam rerum qua
 si medicamentis quibusdam, velut hic Ezechias ab I-
 saia admoto cataplasmate ex massa caricarum, & To-
 bias à cæcitate, infusa in oculos bile, & Naaman à le-
 pra, lotus septies in Iordane. Sed an hæc quæ Dei ius-
 su sanandis corporibus admoventur, re vera sint me-
 dicamenta, eaque natura prædita, vt per sese nata sint
 eos morbos curare, an non, sed ea in re præcipua sit ra-
 tio miraculi, quod earum rerum admotione, quæ nul-
 latenus id sint natæ facere curentur morbi, dignum est
 consideratione, & spectat eius rei examen ad Physi-
 cum. Quod ad Tobiam spectat, & si quæ alia eiusmodi
 sunt, suo quodque loco declarabitur: de curatione
 quoque Naaman dictum est antea: nunc quod pro-
 positum est enarremus oportet. Caricæ, vt videre est
 apud Dioscoridem & Galenum, atq; adeo vt inter o-
 mnes Medicos constet, vim habent extergendi, & cale-
 facien-

Miraculo
 se curatio-
 nes.

Caricarum
 vires.

faciendi ordine primo, aut etiam initio secundi, idque
 cum partium tenuitate: quapropter discutere possunt
 tumores paratos discuti & emollire scirrhus & ad sup-
 purationem perducere, si quæ sunt ad suppurationem
 parata: maximè verò efficient hoc aut illud, ut hoc aut
 illo modo parantur: nam decoctæ & cum triticea fari-
 na contusæ, mouent plus; cum hordeacea discutiunt.
 Neque verò quia loco citato tantum dicitur Isaias ad-
 mouisse massam ficorum, necesse est solis ficibus fa-
 ctum esse cataplasma. nam etsi acciperet caricarum & farinæ
 (siue hordei, siue tritici, ut res posceret) æquales partes
 contusas & commistas cum decocto caricarum, voca-
 retur merito massa ficorum. Galenus secundo de arte
 curatiua ad Glaucnem capite septimo, ad eos tumo-
 res, qui neque facile ad suppurationem perueniunt,
 neque facile discuti possunt, iubet uti cataplasmate ex
 caricis, docetque ibidem eius compositionem. Sed ob hæc
 omnia non videtur ea massa potuisse sanitati restituere
 Ezechiã. nam ille laborabat vlcere: vlcera extersionem &
 desiccationem postulant, haudquaquam discussionem, emol-
 litionem, aut suppurationem. hæ enim tumorum cu-
 rationes sunt, non vlcerum. Certè vlcera, qua vlcera,
 & per sese, nihil aliud desiderant, quam agglutinationem.
 Cum enim vlcus sit partium decisio & separa-
 tio, quæ alia eius curatio sit, quam vnitio & aggluti-
 natio? atque ita vlcera simplicia sola agglutinatione
 curantur etiam si ossium fracturæ, nedum scissuræ car-
 nis. Cum verò simplicia non sunt, sed alias habent ad-
 iunctas affectiones, ut si cum scissura est etiam excaua-
 tio, & carnis defectus, aut si vlceris labia sunt inflam-
 mata, aut dura, calida aut scirrhus obfessa, aut subiectæ
 partes corruptæ, aut vehementer intemperatæ sint,
 frustra quis utetur agglutinantibus, antequam,

*Caricarum
cataplasma.*

*Vlcera
quid desi-
derent.*

*Vlcerum
curatio.*

adiunctis affectionibus occurrat. Cum verò cum ea affectione, cuius curationi insistimus, alia aut aliæ affectiones copulantur, cum multa variæque sint auxilia quæ expetuntur, ordine quidem opus est, ut illis qui rectè utatur. Eius autem ordinis triplex ratio est, ut Galenus docet. Prima quidem & quæ aliis omnibus præfertur est, ut si quid est quod ita urgeat, ut curationem legitimam non expectet, ei ante omnia occurratur: velut si cum ulcere tantus etiam dolor sit, ut penè exanimet, ac per sese in mortis adigat breue periculum, admouenda sunt statim anodina, hoc est dolorem sedantia, aut etiam stupefacientia, etiam si ipsi ulceri ea obsint. Secunda, ut ibi sublata fuerint urgentia, si quid sit quod rationem habeat causæ sine qua non, hoc est, quo non sublato morbus qui curatur tolli non potest, ei occurratur statim: velut si in ulcere est labiorum tumor, aut calus, detrahi debet antequam curetur vlcus, quia calus & tumor labiorum prohibet partium vnitionem. eadem ratione, si est in ulcere cavititas, & subiectæ partis intemperies, repleri debet priusquam vniatur. quia quæ possint vniiri, quæ propter defectum carnis deficiunt? sed & temperari antequam repleatur, quia sine partis attemperatione, non possit generari caro quæ repleat. Tertia, ut ubi nullum adsit impedimentum, videatur tamen an sit aliqua causa quæ faciat, & ea tollatur: ea sublata tunc demum rectè acceditur ad ipsius præcipui morbi curationem: velut cum pars exulceratur à fluxione biliosa aut salsa, ea fluxio tollenda est, & eluendum id sordium quod influxit. Hanc ob causam vlcera pleræque amant extersionem: omnia verò siccationem, ut rectè curentur, & agglutinationem humiditas non prohibeat. Quandoquidem Ezechias

*Triplex ratio
vulceris
curandi.*

proximus erat morti, consentaneum est eius vlcus, siue internum, siue externum esset, neque benignū fuisse, neque simplex, sed malignum & complicatum: malignum quidem ob pessimum succum quo imbutum esset; complicatum verò cum inflammatione. fieri ergo potest, vt à coniuncta inflammatione magis, quam ab ipso vlcere periclitaretur. ita enim euenit, vt ob coniunctam inflammationem trahantur partes principes in compassionem, maxime cerebrum; & ob vlcus partium anteriorum, cum delirio; posteriorum, cum conuulsione homo moriatur. Si igitur dicto modo Ezechias periclitabatur, nulla ratione melius illi subueniri poterat, quàm admoto cataplasmate ex carne caricarum cum farina hordei, si resolutionem admitteret inflammatio; sin minus cum farina tritici, vt facta suppuratione mittescerent febres, & reliqua accidētia. Sed si hoc ita est, quid habuit hæc curatio miraculo? habuit certè aliquid. nam etsi est, indicatum, ficus, vim medicamento sã habere ad illius morbi curationē accommodatā tātā verò nō habēt, vt qui egrotabat vsq; ad mortē, die tertia posset sanus in tēplū ascendere vt Ezechia euenit, nisi Deus peculiari auxilio, & solito maiori eius medicaminis vim auxisset. Vnde facile cōstat nō tā esse fidendū medicamētorum facultatibus, quā gratiæ Dei, qui his ipsis aspiret. neque mirum. Cum enim Deus rerum omniū quæ sunt, quæq; fiunt, prima causa sit nihil aliorum mouere possit, nisi quatenus ab eo moueatur: Quod itaq; medicamēta etiā mediocria fauēte numine plurimū possint, argumēto est Ezechias: quod verò illo non fauente tota medēdi ars nihil possit, argumēto est Asa rex, qui ex podagra mortuus est intra trienniū, neque excessit quadagesimum primum ætatis annum, quia vt dicitur capite 16. sc-

*Vlcus & inflammatio ma-
lignitas.*

*De medi-
cina.*

cundi paralipomenon, neque in infirmitate sua quasi-
uit Deum, sed magis in medicorum arte confidit. Ita ergo
fidendum arti est, ut Deum potius quæras: ita verò o-
randus Deus, ut artem non contemnas, quandoqui-
dem & sancti Dei viri medicamentis utebantur, scili-
cet, ut commendaretur apud homines medicina ut
sanctum Dei donum.

CAPVT QVADRAGESIMVM.



ECVND O libro paralipomenon
capite 21. mors regis Ioram ita describi-
tur. Et super hæc omnia, percussit eum Do-
minus alui langore insanabili. cumque diei
succederet dies, & temporum spatia vo-
luerentur, duorum annorum expletus est circulus, & sic
longa consumptus tabe, ita ut egereret etiam viscera sua,
langore pariter & vita caruit. Hoc exemplo, ut ex aliis

Morbi di-
uini.

multis, constat morbos diuinos, hoc est à voluntate
Dei pendentes, habere etiam causas naturales, & ean-
dem essentiam cum aliis affectionibus: velut hîc Io-
ram, non tam profectò quòd prauis cibus est vsus, quã
quòd auertit populum à lege Dei, & occidit fratres
suos, correptus est alui langore insanabili: tametsi ni-
hil obstat, quin & ex vitioso victu is morbus sit natus.
sed si ipse populum non auertisset à Deo, neque occi-
disset fratres, aut minus errasset victu dirigente eum
Domino, aut ab eodem victu minus læsus esset, Deo
ita volente. nimirum Dei voluntas prior est aliis om-
nibus causis, naturales verò non tollit. Morbus hic

Diarrhea
maligna.

haud dubiè fuit diarrhæa, seu alui profluuium, adeo
diuturnum & malignum, ut ad tabem hominem dedu-
xerit, & mortem: non quidem ad eam, quæ peculiari-
ter

ter

ter à Medicis vocatur Phthysis, seu tabes, quæ scilicet *Phthysis* est consumptio ex pulmonis putrescentia ortum habens, sed quæ communi appellatione: ad colliquescentiam scilicet, & consumptionem totius corporis. Euenit vero hoc non rarò per malignam diarrhæam: nimirum tabes nasci solet ex maligna putredine succorum, ob quam retineri non possunt, sed egeruntur assidue; serpente verò ea malignitate, & aliis ab aliis succis infectis, euenit nonnunquam nihil manere integrum, sed ipsum etiam partium rorem malignè putrescere, & cum aliis egeri succis, & fieri deiectiones colliquatiuas, ipsasque partes, primum destitutas ab alimèto tabescere, deinde & computrescere cum ipsis succis, & in saniem solutas egeri, eas præcipuè quæ velut ex concreto sanguine substantiam habent, ut lienem, & hepar, quod euenit misero huic Regi, & in multis eorum, qui ex diarrhæa mortui sunt vidimus. Esse enim ipsum hepar aut lienem dissolutum ac putre quod egeritur, modus ipsæ substantiæ qui conspicitur in deiectione ostendit: ut & renis etiam substantia aliquando dissoluta mingitur. diuturnus verò est hic morbus, nisi cum coniugitur cum febre continua, atque ita durauit huic integrum biennium.

Renes minguntur interdum.

CAPVT QVADRAGESIMVM,

PRIMVM.

TOBIAE capite octauo ita scriptum est. Tunc Raphael angelus apprehendit dæmonium, & reliquit illud in deserto superioris Aegypti. Cum disputatum alibi, atque indicatum in hoc ipso opere sit, angelos nullatenus esse corporeos, sed sine omni magnitudine merè incorporeas substantias, magnā

An Angeli sint corporea substantia dubitationem ingerunt hæc Tobiaë verba. Nam qui fieri possit, vt alter alterum apprehendat, religet, & certo quodam loco ligatum manere cogat? nam ne esse quidem in loco potest quod corporeum non est. cum enim locus æqualis sit locato quarto physicorū, æquale verò & inæquale tantum dicitur de magnitudine, constat quod nulla est magnitudine, non posse esse in loco: si autē in loco esse non potest, neque moueri loco possit: ferri enim est fieri in loco: non potest autem fieri quod esse non potest: quanto ergo minus possit apprehendi, & religari? Innumera loca sunt in sacris, tam veteris quam noui testamenti, in quibus dicuntur angeli alicubi esse, & moueri, mitti, ac currere, stare, obsistere, & multa alia eiusmodi facere & pati, quorum omnium causa, dicendum est, quid secundum naturales contemplationes videatur consentaneum. Angeli sunt substantiæ sine corpore, non tamen ita, vt vniuersalia separata intelligimus, quorum nulla neque actio, neque passio est per se, sed vt supposita quædam, & singularia. omnis enim angelus est angelus quidam, & hic, vt & quiuis homo. Neque proinde non sunt eiusdem speciei multi angeli, quod non sint singuli supposita quædam indiuidua, sed quod singulorum species multiplicari non possint, sed seruentur in singulis indiuiduis, vt species Lunæ & Solis, Hoc verò ita habet in omnibus rebus incorruptibilibus, siue corporeæ siue incorporeæ sint. quia non seruat in multis, nisi quod non potest seruari in singulis ob corruptionem, quæ proinde defectum suum similitudinem compensat generatione: quorum verò interitus non est, neque generatio esse potest, neque multiplicatio, sed species seruantur in singulis. Itaque angelus est suppositum quoddam substantiæ incorporeæ,

Angeli quid sint.

poræ; non igitur vt vniuersales naturæ dicuntur esse, quia essentiæ quædam sunt, non tamen existere alicubi, aut aliquando, sed omnes assertiones, quæ de illis dicuntur, sunt absolutæ à tempore & loco, vt dicimus humanitas est natura, ratio, seu quod quid est hominis. nemo tamen interrogat, vbi existit, aut quando nisi per accidens, vt est in singulis: quia humanitas nullibi est separata, neque villo potius tempore est quod est. esse enim dicuntur talia, non existere: non inquam, ita angeli, sed cum sint substantiæ quædam singulares, & supposita, accidet eis quædam agere, & pati. Atqui, quoniam virtutis finitæ sunt, non possunt agere vbique & semper, vt Deus, sed alicubi, & aliquando. & quoniam sine corpore sunt, non possunt esse in loco vt corpora, sed quoniam alicubi operantur, necesse est sint alicubi, modo aliquo nobis ob in experienciâ passionum insensibilem, non satis intelligibili. Itaque intelligimus angelos esse alicubi; quia alicubi operantur: An verò ipsum alicubi esse, aliud sit quam alicubi operari, magna est dubitatio.

Mihi quidem videtur fieri necessario, vt ratione sint diuersa, quia in his orationibus, Raphaël est in deserto superioris Aegypti, & Raphaël ligat Dæmonium, prædicata pertinent ad diuersas cathedras, alterum enim ad vbi, alterum ad agere: quapropter ratione saltem non potest esse idem. Verum Angelus non potest esse in loco propriè, nam siue locus sit extremitas immobilis corporis continentis, vt fert plurimorum opinio: siue id spatium quod locati corporis dimensionibus occupatur, vt ego existimo, quod corpore caret, in loco esse non potest,

*Angē-
lus propriè non
est in loco*

quia neque extremitate circumscribitur; neque dimensiones habet; sed est ubi operatur per præsentiam virtutis. unde fit, ut angelus in maiori aut minori loco per se non sit, quia per se nullam extensionem habet, sed per accidens, per magnitudinem scilicet corporis in quod operatur. Quia enim non potest operari in quantuncunque corpus, non potest quantuncunque locum tenere; ea verò limitatio non nascitur ex corporis magnitudine, sed ex operis difficultate. nō enim quia Angelus non potest tantopere extendi, cū nullatenus extendatur; sed quia non potest tanti operis difficultati sufficere, cum finitæ virtutis sit, atque aliis alio maioris aut minoris. Querere verò an sit minimus locus quem possit quivis Angelus tenere, ita ut non possit esse in minori, & an possit esse in puncto indivisibili, debilis dubitatio esse videtur: quid enim obstare potest incorporeo, quominus sit in loco minori? an quod non potest adeo sese contrahere, aut alas adducere? Dicere verò venire posse Angelum ad adeo exiguum locum, ut operari in minori, sit maioris difficultatis, inane etiam est. Nam aut illa difficultas nascitur ex operis magnitudine, aut ex applicatione virtutis ad corpus: ex opere minimè, quia poni potest, immo verò plerunque erit, minus opus in loco minori: si verò ex applicatione, non potest esse alia difficultas, quàm quod amplior, latior ve sit ea virtus, quàm ut possit ad tantas angustias contrahi. Hoc verò absurdum est censere, ubi nulla magnitudo est; nō tamen proinde potest esse Angelus in puncto indivisibili, quia ut in controuersis Physicis ad tyrones indicauimus, punctus re vera nihil est, ut neque linea, neque superficies, sed hypotheses quædam utiles ad doctrinam. Est igitur Angelus in loco, sed quia modo

alio

*Quomodo
Angelus
est in loco*

alio quàm corpora, maior an minor sit locus ad eum
 nihil facit nisi per accidens, quia maius aut minus sit
 corpus circa quod operatur, aut quòd non possit mo-
 uere tantum, quantum capit tantus locus: exiguitatis
 loci in quo esse potest, neque per se neque per acci-
 dens est ullus finis. Hinc etiam fit, vt præter rationem
 negetur posse esse duos, aut etiam plures in eodem
 loco, cur enim ita? An quia quæ sunt in loco vt corpo-
 ra non possunt in eodem loco esse, neque quæ sunt vt
 substantiæ incorporeæ possint, Quid illis obstat? cor-
 poribus enim obstant dimensiones, & repletio; at An-
 geli non excludunt corpora, cur excludunt incorpo-
 rea? quia (dicunt) duæ causæ completæ non possunt ef-
 se immediatæ vnius, & eiusdem rei non video tamen
 cur Angelus sit necessariò causa completa eius actio-
 nis quam obit, ac non potius possint duo, tres, ac etiã
 plures, in eandem actionem cõspirare, velut eundem
 mouere lapidem, non secundum diuersas partes lapi-
 dis, sed secundum easdem & totas. Dicunt, vt fieri nõ
 posset vt duæ lucernæ in eodem exactè loco existètes
 vna non fierent, ita neque duos Angelos, vt pote duas
 virtutes, posse in eodem exactè loco existere. Mihi ta-
 men videtur res longè diuersa: nam Angelus faculta-
 tem habet mouendi lapidem, non tamen est ipsa mo-
 uendi facultas, sed substantia quædam & essentia, se-
 cundum quam non numero solùm differunt, vt lucer-
 næ, sed etiam specie, præterea, neque duos Angelos,
 qui in eodem exactè sint loco, est necesse eiusdem a-
 ctionis esse causas: possent etiam contrarias actiones
 obire, & in eodem esse loco: velut si Angelus statuam
 Apollinis euertere, & Cacodæmon hanc ipsam suste-
 tare contendat. Itaque neque hæc consequutio valet,
 Sunt in loco, ergo sunt causæ completæ; neque hæc,

*An duo
 possint es-
 se in eodẽ
 loco.*

Sunt in eodem loco, ergo sunt eiusdem rei causæ, neque si hæc valeret, eueniret quippiam absurdum, aut impossibile. Censeo itaque multos Angelos posse esse in eodē loco, vel hoc argumento, quod corpora nostra post resurrectionem poterunt in eodem loco esse multa, quia exuta impedimenta corporalia conditionem induent spirituum. Quanto ergo magis id possint ipsi spiritus? nimirū verò si multitudo illa ingens Dæmonū, quam vnico ex corpore expulit Dominus (narratur Marci quinto) per diuersas particulas oberabat, vt alius in pupilla, alius in palpebra, sub vngue alius se contineret. Dicendum quoque esse maximam dæmonum multitudinem, quam vnumquodque corpus possit capere; atque adeo pomilionem non capere tot dæmones, quot procerum hominē. Hæc verò quæ necessitas cogit dicere? quid verò impedit mox dicere, esse angelos palmares, & cubitales, & vlnares? Ob hæc omnia mihi videtur, quod & antea dictū est, angelos esse in locis per se, quia alicubi operantur in tantis autem, aut tantis per accidens, ob magnitudinem corporum in quæ operantur. Locorum verò magnitudinem quam tenere possunt, non diffiniri magnitudine corporū, sed operis quod exercent difficultate, vt explicatum est: vnde multò magis euenit, vt si corporis & loci magnitudo ad eos nihil facit, nisi operis augeatur difficultas, multo min⁹ faciat loci figura, siue in lōgū porrectus sit, siue quadratus, siue alia quacūq; figura: non tamē quia dictū est posse esse multos angelos in eodē loco, cēsendū etiā posse eundē esse in multis locis: Nā lōge alia ratio est. quia tametsi angelorū non est magnitudo, est tamē numerus, estq; eorū quilibet vnus, proprius etiam quàm quodcunq; corpus, ac prōinde non nisi in vno loco esse potest; eius verò nul-

nullam magnitudinem occupat per se, sed solum per accidens vt explicatum est. De modo igitur quo sunt angeli in loco, hæc videntur probabilia. De modo quo mouentur, succedit statim dubitatio: cōstat enim, quandoquidem neque sunt vbique, neque nullibi, neque eodem semper in loco, non esse omnino immobiles, quoniam verò sunt sine magnitudine, non possunt moueri propriè, ita enim moueri passio corporum est: superest ergo eos non moueri per se fieri tamen in alio & in alio loco, aliquo alio modo quam corpora. Qui sit is modus, difficile sanè possit à nobis intelligi, cum non possimus cogitationem à corporalibus phantasmatis semouere: at verò possumus ita diuinando procedere. Quoniam non mouentur per se vt corpora, superest, vt moueantur per accidens, aut aliter mutantur: moueri per accidens dico, quæ mouentur motu alterius rei, velut quam naui vehitur: mutari verò, quæ in alio & in alio loco fiunt: nō tamen per successiuam illam, & continuatam loci cōmutationem, quam motum vocamus. Primo modo mouëtur angeli, cum volunt humanas actiones imitari, ac cum hominibus conuersari, vt Raphael cum Tobia, aut cum Abrahamo, qui ad delēdam Sodomā properabāt, & Gabriel cum missus est in Nazareth alloquentur Deiparam virginem, & Hyerosolimā, Zachariam: nimirum assumunt tunc temporis tenuia corpora, ex aëre aut igne, mouētque illa vt volunt, atque cum illis vtpotè quibus hæserūt, mouëtur per accidēs, sine corporibus verò possunt fieri in alio. ex alio loco, neque insumentes in eam mutationē tempus neq; dimetientes spaciū, sed mutatione non quanta, vt ipsorum substantia est. At verò necesse est, quò in alio fiant loco, vt in priori esse desinant: siquidem nō pos-

*De motu
Angelo-
rum.*

*Quo modo
mouentur.*

*Angelus
non potest
esse in duo-
bus locis si-
mul.*

sunt esse in duobus locis simul, vt dictum est: incipiunt verò esse in loco per primum esse, & desinunt per primum non esse, iuxta conditionem formarum omnium, quæ comparantur instantaneè, ac sine successione. Itaque primum instans quo angelus est Romæ, verbi gratia, est primum quo non est Madriti. Fieri verò etiam potest, vt hæc angeli mutatio successiua sit, & continuata, ac tempus infumat, non quidem per se, & ob ipsius mutationis modum, sed ob continuitatem spacij, cum scilicet angelus partes omnes medij commouere vult, velut si hinc Romam abiens, partes omnes aëris in via positas commoueat. Fiet enim tunc temporis continuata, & neque momentanea, neque intercisa mutatio: vt generatio etiam substantiæ nonnunquam fit successiua ob materiam; vt cum admota vni extremitati scintilla, decurrit flamma per totam stupam. Aliter vero non videtur mihi, temporalem & cōtinuatā mutationem efficere posse angelus. Si enim rectè Aristoteles dicit, quodcunque corpus ferretur per vacuum, latum iri in instanti, quia omnis tarditatis, seu moræ causa est in resistentia, cur non etiam incorporeum per plenum? Nam cur magis possit plenum incorporeum, quam vacuum corpori resistere? si cui verò ob rei difficultatem videtur inopinabile esse, à re quapiam quæ virtutis finitæ sit, fieri mutationem instantaneam, is tenebitur meo iudicio dicere, angelos nunquam moueri posse nisi assumptis corporibus aut commotis omnibus spacij partibus. Quæ hæitationes magnæ illæ quidem, tam multos, atque adeo insignes Philosophos impulerunt dicere, dæmones omnes esse corporeos. Verum quandoquidem multis aliis argumentis indicatum antea est, eos corporeos non esse, solum superest opinemur, angelos
dictas

dictas habere mutationes, instantaneas per se, & successivas per accidens, aut nullatenus moueri posse nisi per accidens, & assumptis corporibus, aut agitatibus omnibus medij partibus, quæ in via positæ sunt. vtrum horum potius sit Deus nouit. Ego enim vel de rebus sensibilibus vix quidquam affirmo, nedum de his quæ tam longe à sensibus positæ sunt: vtcumque verò hoc habeat, quandoquidem possunt vno esse in loco, atque eo relicto in alium transilire, cohiberi etiam possunt imperio Dei quominus loco exeant, quod quidem est firmissimo vinculo religari. Nam tametsi diabolus imperium Dei quo ad potest detrectet, tamen neque loco exire, neque aliud quippiam facere, neque omnino esse potest nisi Deus eius actionis, aut vitæ velit causam primam se exhibere. Nolle igitur Deum illum inde exire, insuperabile vinculum penitus est: Tale igitur imperium Domini exequutus Raphael, apprehendit dæmonium, & religauit in deserto superioris Ægypti. Possunt etiam ipsi dæmones sese continere in palla annulli, & vitreo vase, & vbi alibi: atqui peracto mundi iudicio, omnes detinebuntur in horrendis illis cauernis à quibus exire virtute Dei in æternum prohibebuntur. Huiusmodi sunt omnia quæ de angelorum, siue motu, siue visibilibus ministeriis, legimus in sacris eloquiis. Honor & gloria sit angelorum opifici. Amen.

*Dæmones
includuntur.*

CAPVT QVADRAGESIMVM

SECVNDVM.



TO BIAE capite secundo ita scriptum est. Cōtigit autem, vt quadam die fatigatus à sepultura, veniens in domum suam, iactasset se iuxta parietē, & obdormisset, & ex ni-

do hirundinū dormienti illi calida stercora inciderēt super oculos eius, fierētque cecus. Rursum capite vndecimo ita habetur, Tunc sumēs Tobias de felle piscis, liniuit oculos patris sui, & sustinuit dimidiā ferē horā, & cepit albugo ex oculis eius quasi mēbrana oni egredi: quam apprehēdēs Tobias traxit ob oculis eius, statimq; visum recepit.

His verbis narratur causa externa seu occasio cecitatis Tobiaē, & ipsius affectionis species, & curatio: cōstare verò facile potest, & si hæc Deo ita permittente, maioris cuiuspiam vtilitatis causa acciderint facta esse secundum naturam. Primū quidē iuxta naturam eius auiculæ contigit is euentus: nam semper nidificat hirundo super domorum parietibus, & vt naturales narrant, cacat semper extra nidū auerso podice, atq; perinde facere docet suos pullos. Itaq; meritò euenit, vt iacenti supino iuxta parietē, stercus hirundinis inciderit in oculos: sed & vt exceçaretur. Nā videmus oculos partem esse adeo delicatam, atque tam leuibus de causis nonnunquam hos morbos contrahere, vt ad mirationis nihil præstet, stercus hirundinum calens actū, in ambos simul oculos incidens, albuginem fecisse; nō quidē (vt arbitror) quod vlla proprietas illi stercorei sit, eo modo oculis aduersa, sed ob qualitatem manifestam.

Sunt qui proprietatē occecandi tribuant excrementis eius auiculæ: idque duobus argumentis. & quia is morbus familiaris illi est, à quo illa censetur suos pullos liberare vsu chelidoniae herbæ, quæ ab illa nomen traxit: & quia cinis capitum eiusdem commēdatur ad extergendum oculorum albugines & cicatrices, & vocata pterygia. Non videntur autem hæc duo duo argumenta omnino leuia. Nā morbi cōtingunt animatibus secundū naturam succorum quibus aluntur: alimenta verò

De hirundinis
stercore.

verò symbolum habent cum excrementis. Porro nihil magis cognitum experimento, quam animalium partes vtilis esse ad eos morbos curandos, quos sua excrementa efficiunt, siquidem curamus carnibus viperæ, quos ea momordit, & sua salua infecit: & demorsus à cane rabido censetur auxiliari, iecur canis qui momordit: & ictos ab scorpione sanat ipse scorpio superpositus. Verum ego ubi manifesta est causa non libenter confugio ad istas occultiores. Nimirum sterces earum auicularum calidum satis est & siccum, accedentéque calore actuali, vim habet rubrificandi, atq; non nihil exurendi, vt & sterces columbinum, Incidens ergo in oculos, partem sensus adeo acris, exussit nonnihil extremam membranæ superficiem, & conuocata præ dolore fluxio est & genita albugo. Est enim albugo, quædam cicatrix in ipsa oculi extra membrana orta. fit verò cicatrix, aut curanda ruptura, aut per vstionem (relinquuntur enim etiam cicatrices ex inustionibus) ita igitur facta in oculis albugo est, quæ hominem excæcauit.

*Albugo
quid.*

Hanc sententiam iuuant illa sacri contextus verba, cum calida sterces incidere in oculos eius. innuunt enim id fecisse sterces potius quia calida, quàm quia talia. Ego certe non solum non crediderim excrementa hirundinis proprietate excæcare, sed putauerim, ad extergenda quæ pupillæ innascuntur, esse vtilia in colyriis, siquidem & columbinum sterces commendatur, & lacertiniū, quia vim habent valde extergentem, & non nihil exedentem: quæ etiā inest fimo hirundinis, & tururis, & similibus auicularū. Putauerim ergo sterces hirundinis, quæ calida incidet in oculos hominē excæcarūt, potuisse ad iumēto esse, si tenuissimè trita in cocte, & diluta aqua, essent oculis admota, vt colubæ ster-

Oculis menditia.

cora solent: vt etiam hæc si calida in oculos icniderēt, sine vlla lotionē, atque omnino sine correctione, excæarent. Sanatus verò est illito felle cuiusdam piscis.

Callionymus piscis natus.

Qui piscis fortasse fuerit, qui vocatur Græcis Callionymos, idest pulchri nominis, qui idem, vt Plinius auctor est, vocatur Vranoscopus, quòd habeat oculum in signem in capite quo cælum spectat; aut Hyena, quia cum ad extergendas albugines inueteratas nihil magis à Medicis omnibus celebratum sit, quam fel, inter omnia eius genera omnium maximè commendatur datur fel Callionymi piscis, & mox Hyene. Galenus de cimo de simplicium medicamentorū facultatibus capite duodecimo ita inquit. Porro quorundam animalium singulariter bilis à Medicis extollitur, tanquam aciem exacuatur oculorum, & suffusionum initia digerat, velut piscis quem vocant Callionymum, Hyena, & scorpij marini, tum galli & perdicis. Itaq; primas deffert Gal. hac in re bili Callionymi piscis secundas Hienæ. Plin. quoq; cap. 7. lib. 32. ita scripsit. *Callionimi fel cicatrices sanat, & carnes oculorū supernuacuas consumit nulli hoc pisciū copiosius vt existimauit Menæder in comediis.* Itaq; dicit Plin. & ex sua, & Menandri auctoritate huic pisci fel esse copiosius, quam vlli aliorum idque albugines sanare.

Hyena & ex ea remedia.

Felis vires.

Idem dicit Aelianus, idem & Odoardus oxoniensis, qui diligentissimè scripsit nuper de animalium differētiis. Aelianus libro decimotertio, capite quarto, ex Aristotelis sententia dicit Callionymo pisci in iecore magnum fel situm esse. quod etiam confirmat ex sententia Menandri, & Anaxippi. Verisimile itaque est hunc esse quem Tobias è Tigride flumine traxit, & exenterauit: quandoquidem, vt iidem auctores narrant est voracissimus, & carniuorus,

Callionymus forma.

aspectu

aspectu immanis, nam est serratis dentibus, oculos habens in summo vertice, & os inter oculos situm. Quapropter non mirum si puer rerum inexpertus, territus est ignotæ formæ intuitu piscis irruentis quasi ad deuorandum: nam impetebat vt voracissimus & carnivorus. Huc accedit, quod vt Aristoteli placet, est littoralis & *ὑπερπονίτις*, hoc est, die dormiens, nocte exiens & oberrans. Cum ergo totam diem egissent iter, prima mansione ad noctem mansit iuxta Tigrim, & cum tunc vellet defatigatus ex itinere pedes lauare in litore, exiens irruit immanis & littoralis piscis vt voraret. Neque obstat quod Opianus Pelagium vocat, neque quod Plinius in marinis ponit, quominus esse posset in præmagno fluuio, quia id non adeo conuenit inter auctores, & quia etsi marinus sit, potuerit refluerе ex mari, cum præcipuè Plinius dicat, Euphratem & Tigrim mirum in modum stagnare: per stagnantem verò fluuium facilius retroceditur. Controuertitur etiam an sit esculentus, aliis dicentibus, aliis negantibus: verum si hic est quem apprehendit Tobias, esculentum esse magna auctoritate probatur, siquidem asfarunt, & salierunt, vt eo vescerentur in via. Sed siue hic fuerit, siue alius (hoc enim certo scire non possum) non dubium multorum piscium, ac fortasse omnium, fel vtile esse plus aut minus (non enim omnium æquè) ad extergendas albugines. Nam vt dicit Galenus loco citato, à cuius sententia nullus Medicorum hac in parte discrepat, succus hic vim habet valenter extergendi, qua facultate & albugines, & vocata pterygia, seu vngues exedit. Plinius libro 23. capite 11. de ocularium morborum curatione agens inquit. Ad omnia autem inueterata fel efficacius putant. Itaque omnia hæc per naturales causas euenerunt Tobia, permissu

tamen Dei, qui primum quidem virum sanctissimum morbo tanto probari voluit, deinde medicamen idoneum, cum sibi placitum est reuelauit, & in maiorem sui gloriam auxit vires medicamenti: vt hinc euidenter cōstet, eam etiam sanitatem quam Medicorum industria recipimus, esse in Dei benignitatem referendam, qui illis pro re præsenti idonea indicat medicamina.

CAPVT QVADRAGESIMVM TERTIVM.



GAPITE octauo libri Iudith, Mors Manasse mariti Iudith, ita narratur. *Vir eius fuit Manasses, qui motuus est in diebus messis hordeaceæ. instabat enim super alligantes manipulos in campo, & venit æstus super caput eius, & mortuus est.*

De Manassis morte.

Tametsi neque causa externa, neque omnino causa vlla potest interficere per se, neque ledere quidem actiones, vt maxima ac præcipua pars Medicorum censet, sed morbum inferendo, à quo actionum læsiones primum, deinde & mors proueniat, cum tamen ea maxima est, & nimis diligens sermo intempestiuus, dicere solemus ab ea mortuum esse hominẽ, vt Asclepiadẽ scalarum lapsu, Anacreontem multo vino: ita hunc Manassem multo Solis æstu. Verum & scalarum lapsus, & vini potus, & longa mora in Sole, lethales illis hominibus morbos intulerunt: primum quidem mora in Sole fecit calidam capitis intemperiem, id enim significant illa verba, Venit æstus super caput eius. Consentaneum verò est censere, eam non fuisse quam Medici vocant nudam intemperiem, ac sine succo

Asclepiadis & Anacreontis mors.

Asaus no xa.

succo, non enim fuisset adeo lethalis, sed cum succo, natūque fuerit ex calore morbus alius vt Phrenitis nisi fortè mortuus est repente, (vt vidimus nonnullos afferri ex messibus) fueritque facta Apoplexia, obstructis meningibus & toto cerebro à conuocato in caput confertim sanguine. Quantum verò possit qui in corporibus præerat apparatus, vt externæ causæ plurimum obesse possint, aut minimum hinc discas, quòd cum eorum qui alligandis manipulis insudabant læsus fortasse fuerit nullus, hic qui illis tantum præerat mortuus est.

CAPVT QVADRAGESIMVM

QVARTVM.



B Ob capite septimo. Dominum ita alloquitur. *Quare me posuisti contrarium tibi, & factus sum mihi metipsi gravis.*

Quæ verba hominis naturam quam post corruptionem primi peccati habet, optimè declarant: quidem conqueritur esse se positum contrarium Deo, hoc est sentire se (vt inquit Paulus) aliam legem in membris suis, repugnantem legi Dei, & ob hanc ipsam causam, esse sibi met grauè, ac molestum. Igitur est homo naturaliter cōtrarius Deo, & sibi ipsi, quod si ita est, constat esse hominè Deo similè, & contrarium: nō possunt autè contraria inesse eidem secundum idem, insunt ergo secundum diuersa. Sunt ergo in homine duæ partes, altera secundum quam in bonum fertur naturaliter, atque secundum legem Dei operari expetit, altera quæ naturaliter etiam fertur in malum, & Dei legi repugnat, videturque

*Hominis
& Dei
traietas
& simili*

quiuis homo hanc repugnantiam in se ipso experiri. Nam optimus quisque habet stimulum carnis, quo colaphizatur; malus verò neque ipse est spontè malus, sed vt dicitur Prouerbiorum 13. *vult & non vult piger*. Vterque autem, & bonus inquam & malus, vult, & non vult, bonus quidem bonum vult, quodammodo autem non vult: malus vult malum, quodammodo autem neque ipse vult. Quo pacto autem potest velle, & non velle, nisi habeat duplicem voluntatem? habet ergo homo voluntatem duplicem, alteram naturaliter propensam in bonum, & honestum, alteram in delectabile, & si sit inhonestum. expetit verò voluptates, omne quod dolorem refugit. Nam ipsa voluptas in doloris exolutione habet essentiam: refugit verò naturaliter dolorem totum corpus, atque omnis agnitio corporalis. Omnis ergo corporalis agnitio capitur voluptate: Igitur honestatis & iustitiæ, atque diuini cultus cura, est in alia parte præstantiori, & minime corporali, quare & incorruptibili, quia generatio & corruptio passionibus corporum sunt, sicut & motus. Porro, quandoquidem sunt in homine duæ partes, & voluntates duæ, necesse est alteram esse altera præstantiorem, alioqui nihil potius sequeretur homo, sed discerneretur semper, essetque non vnum verè, sed quasi hominem bicipitem intelligas: atque contineretur semper in perplexitate, neque consultaret, sed vtraque ferretur in suum obiectum, neutra alteri cedens: nunc autem est verè vnum, & consultat, estque alius bonus, alius malus. Necesse est ergo vt vtraque aut altera potentia libera sit, vt possit si velit alteri cedere, aut non cedere: alioqui neque bonus neque malus esset quispiam, siue hæc vinceret, siue illa, si neutra libenter cederet. Nam ob ea quæ insunt nobis natura, neque laudamur

*Voluntas
duplex.*

*Voluntas
liber-
tas.*

damur, neque vituperamur : nunc autem & laude, & vituperio, & pœna & premio inueniuntur omnium hominum consensione, qui digni sint: igitur est altera aut vtraque voluntas libera. Vtraque quidem esse nō potest, quia eueniret sæpe, vt neutra vellet alteri cederet, aut vtraque alteri: Vtrumvis horum fieret, non esset pænes hominē libertas, neque posset sequi, hoc, neque illud essentque multæ actiones earum, circa quas vitium & virtutem esse omnes homines fatētur, in quibus neque laudari, neque vituperari homo merito posset : at vero non ita est, sed talia omnia libere gerit, & de omnibus eiusmodi actionibus laude & vituperio dignus esse iudicatur, dum sanus est, & mente constat : igitur & naturaliter & per sese (si quidem in bene naturaliter disposito) altera dictarum voluntatū libera est. Neesse est autem eandem esse liberam & dominam, alteram verò seruam, si quidem hoc ipsum, nō posse aliter facere ac facias, dominationi repugnat. Igitur neesse est dictarum voluntatum præstantiorē esse liberam, & natura dominam, deteriorem verò esse natura seruam: atq; si homo vellit, trahi posse. Hac causa, & quia homo hac libertate arbitrioque differt ab aliis animantibus, Plato in dialogo de hominis natura, parti illi præstantissimæ, & penitus incorporeæ, quæque dominatur corpori, & illo vtitur, potestque id bene aut male exequi pro suo arbitratu (quam nos mentem vocamus) nomen hominis tribuit: corpus vero, & corporea omnia, non hominē, sed hominis quædam esse dicit. Nos verò mentem esse dicimus præstantissimam hominis partem, per quam à brutis separatur, fitque liber, & suarum actionum dominus, virtutis & viti capax, & diuinarum rerum contemplator. Hanc humanæ naturæ dignitatem indicauit

*Liberum
arbitrium.*

Appeti-
tus pec-
cati.

Deus ipse Cain (capite quarto Genescos) his ver-
bis. *Nonne si benè egeris recipies, sin autem malè sta-
tim in foribus peccatum tuum aderit: sed sub te erit ap-
petitus eius, & tu dominaberis illius.* Appetitum pec-
cati vocat eam hominis partem, secundum quam cō-
queritur Iob, esse se positum contrarium Deo, & sibi
ipso grauem; & quam Paulus dicit sentire se in mem-
bris suis, legem repugnantem legi Christi: nimirum
lex Christi vocat nos in amorem contemptus, & vi-
litis, & inopiæ; & laborum: appetitus peccati in su-
perbiam, fastus, abundantiam, & voluptates. Hūc ap-
petitum peccati, edicit Dominus Cain sub sua esse po-
testate, esseque eum illius dominum. Secūdum alium
igitur appetitum præstantiorem, rationalem scilicet,
quæ ipsa mens est incorporea, separabilis, & æterna.

Bruta li-
bertate ca-
rent.

Constat ex dictis, penes bruta nullam libertatem esse
posse, sed moueri semper pro ratione obiecti quod
se se offert. quod si quando videntur quod præsens est
despicere, & quasi præstantius aliquid cogitantia ad
aliud conuerti, id quidem ex deliberatione & arbitrio
non nascitur (etsi nonnunquam ita videtur intuenti,)
sed euenit, quia obiecit sese terriculū aliquid in me-
moria, vt fortasse verberum, aut iucundius irritamen-
tum in imaginatione; vt prædæ: neque enim hæc pri-
uauit Deus internis sensibus, per quos & memoria
præteritorum, & spe futurorum commouetur; sed
sapientia, quæ diuinarum & humanarum rerum est
scientia, cum virtute necessariò coniuncta: quare &
cum libertate. Cum igitur Medici animales motus ap-
pellant actiones voluntarias non quasi liberas; intelli-
gendum est, sed quasi ex appetitu cum sensu profe-
ctas. Dico cum sensu, quia in rebus inanimis appe-
titum

titum quendam ponunt Physici ; quem vocant naturalem , quem naturalem impetum videntur mihi melius appellaturi . Itaque differentia propria hominis , est sapientiæ esse capacem : atqui quoniam sapientia cum vera virtute coniuncta necessario est , & hæc cum Dei timore , omnium optimè definit hominem Ecclesiastes in verbis vltimis suæ concionis , dicens , *Deum time , & mandata eius serua , hoc est enim omnis homo* : quod nihil aliud est dictu , quàm homo enim est animal capax sapientiæ veræ , quæ in timore Dei & legis eius meditatione consistit . quanto autem propius accedat ad hominis essentiam differentia hæc quam rationale , inde intelliges , quod vt alibi iudicauimus bruta omnia , rationalia etiam quodam modo & circa quædam sunt , & intelligentiam quandam habeant ; sapientiæ verò nullatenus sunt capacia : itaque hominem esse animal sapientiæ capax , multo cum minori ambiguitate dicitur , quam animal rationale . Quare propriam hominis naturam , definitio hæc continet . Vita verò eius qua homo est (qui est secundus eius actus , & qui ex propria natura fluit) est militia super terram . Nam secundum sapientiam operari , seu sapienter agere , est irrationalibus affectibus repugnare , atque appetitum peccati , ob quem conquæritur Iob , factum se esse sibi ipsi grauem , coercere , vt rebellem seruum : qui enim contrafacit , ac libertate sua abutens illi obedit , fit similis iumentis insipientibus , ac comparatur illis , quia vivit vt illa . Neque tamen ob hæc nos cogunt argumenta Platonis fateri , hominem nihil esse aliud quam animam , corpus verò non hominem , sed hominis aliquid : ille enim in Alcybiade pri-

*Homini
differentia
propria.*

*Bruta
quomodo
rationa-
bilia.*

*Homo aut
sola ani-
ma.*

mo, siue de natura hominis, ita argumentatur. *Necesse est aliud sit id quod utitur, & aliud quo utitur, & aliud quod imperat, & cui imperatur; ut aliud est credo qui incisorio utitur, & aliud incisorium quo utitur, aliud quoque dominus aliud seruus. ut verò cerdo, & incisorio dicitur incidere & manibus; ut manus autem, ita & pes, & oculus, atque corpus totum, est res qua homo utitur: homo igitur, & est aliud à corpore, siquidem corpore utitur, & est res illa quæ corpore utitur: at verò anima utitur corpore, homo igitur ipsa anima est. Nam (inquit) homo est anima, aut corpus, aut ambo simul. corpus non est, quia corpore utitur, homo verò est qui utitur: sed neque ambo, quia si duorum alterum non utitur, neque ambo utuntur: superest ut homo anima sit. Eodem modo concluditur hoc argumentum, siue dicas utitur, siue imperat, siue dominatur: nam ipsum uti imperio agitur, imperat enim cerdo manui, & incisorio, hæc verò obsequuntur tracta. Itaque Plato ob hæc censet, hominem animam solam esse re vera, & in dialogo dicto, & 12. de legibus, dicens re vera vnumquemque nostrum animam immortalem esse, corpus verò aliquid illius, ut vestem, aut lorica, cui consonum etiam est posse commutare corpora, fierique ut quæ anima humano vsa est corpore, in palynginesia (quam ille ut Pythagoricus profitetur) induat equinum, leoninum, fivillum, aut piceum, quodcunque accommodatum sit moribus, quibus sese in superiori vita imbuat: non aliter ac si cerdo, à futoria arte per negligentiam vacans, in fabrili se exerceret, deponeret postremo acum & incisorium, acciperetque ferram & malleum. nimirum constat quibuscumque moribus assuescat, fieri animū ad eos propensionem, vsque adeo, ut quanto diutius assueverit, tanto difficilius possit se quispiam ad alios*

trans-

Palynginesia.

transferre, & illa & libertas qua hominem natum esse diximus, videatur perire. Qua causa Stoici homines, atque adeo & omnes Philosophi, (etsi non omnes æque) affirmauerunt, stultos esse seruos, & sapientes liberos. atque Dominus noster dicit, hos seruire mammonæ. Idemque octauo Ioannis, *Qui facit peccatum seruus est peccati.* sunt innumera alia oracula in sacris, quæ hoc ipsum innuunt. cum ergo videatur anima cōsuetudine mutare naturales appetitus & propensiones, atque vniciue videatur animantiū tributa corpora secundum suos mores (rapacibus enim yngues acutos, firmos & curuos: voracibus, dentes & capace ventrem, & intestina minimè flexuosa; ferocibus cornua dura; fugacibus longiora crura) consentaneum cēset Plato, & mutatis animabus, quas solas homines esset cēset, commutari corpora, atque hanc censet esse brutorum generationem in Timæo: & decimo de Republica, siue de Iusto censet hanc esse impiorum pænam quò quidem videtur spectare illa comminatio Psalmi trigesimi primi, *Nolite fieri sicut equus & mulus quibus non est intellectus,* & illa imprecatio. *In chamo & freno maxillas eorum constringe, qui non approxi-
mant ad te.* Verū hæc omnia Platonis dogmata plausibilia magis sunt quam vera, & Poeticè magis quam Physicè colliguntur. nam habitus longe alia res est quàm natura: facitque habitus propensiones contrarias, natura manente. Neque quidpiam tam dissentaneum, quàm hominum brutorumque easdem esse animas, aut animarū ipsarum, in alias animas fieri mutationes. non est ergo ita, sed quantumuis habitus difficultatem ingerat efficiendi contrarium, vt avaritia erogandi, luxuria continenter agendi, tamen quia natura non mutatur, qui natura liber, & suarum actionū

Stulti serui.

Habitus & natura differentia.

Servi pec-
cati.

dominus effectus est homo, liber necessario manet, potestque in sese in alios transferre mores, si velit; tametsi difficilius multo eo, quam nisi deterioribus assueuisset. Atque peccati vocatur seruus, non quod non possit illi imperare, sed quia obedit voluptate deuictus. quia (vt dicitur in secunda epistola Petri) *a quo quis deuictus est, eius est seruus*, appellationes vero belluarum accipit, non ob naturę vllam mutationem, sed quia ob belluinos mores comparatus est iumentis, & similis factus est illis Psal. 48. Neque fane homo ipsa anima est, siquidem est animal, quapropter & corpus tale, animatum scilicet. neque quidquam habet absurditatis, idem imperare sibi ipsi, & vti se ipso, & eundem a se ipso domari, vinci, & coerceri, eundemq; sibi ipsi repugnare. nā & lapides quoque & metalla, & inanima omnia corpora, per sese mouentur, quo illa sua fert natura, graui deorsum, leuia sursum, vt alibi monstrauimus. neq; sunt hæc absurda, quia etsi insunt hæc eidem, non secundū idē, sed secundū animum alia, alia secundū corpus, ex corpore verò & animo conflatum animal homo est, qui se pro suo arbitratu gerit. nam tametsi anima imperat corpori, & ratio appetitui, proprius autem dicitur homo imperare, quia actiones suppositorum sunt, vt tametsi oculus videre dicitur, proprius autem ac prius, homo videt. Itaque & mens imperat corpori, & homo: mens tamen homo non est, sed pars hominis, per quam ille imperat. Vt homo videt & oculus videt, non tamē oculus homo est, sed pars hominis, per quā videt: ita etiam corpus repugnat rationi, sed & homo ipse repugnat rationi secundū corporalem appetitū. quapropter multo melius, ac exactius quam Plato dixit Iob, factum se esse sibi ipsi grauem. Nimirum

homo

homo secundum duplicem, qua est naturam, pugnat
 secum & resistit sibi ipsi. Pulcherrima est illa cōpara-
 tio, quam Aristoteles intulit capite ultimo primi E-
 thicorum. Nimirū duo animæ appetitus, sunt ut duo
 corporis latera, atque ut cum quis remissē vnū mouet
 in alterum fertur, ita qui remissē utitur ratione incōti-
 nenter fertur in appetitiones, & qui remissē appetit,
 fit continens est verò ratio ut latus dextrū firmitus, for-
 tiusq;, & quod si velit contendere, potest alterū trahere. *Dextri perfectio.*
 Adhuc etiā videri possit alicui appetitus peccati,
 neque sub mente, neque sub homine esse, neq; homi-
 nem posse illi dominari cum est malus; sed necessitate
 quadam, vbi quis malus fit, in deteriora ferri. Eam (di-
 cunt) ut febris phrenitis, & hydrops morbi sunt cor-
 poris, ita luxuria, iracundia & auaritia, morbi sunt ani- *Morbi ani-*
 mi ut ergo non potest qui ægrotat corpore morbo- *nimi & corporis.*
 sos appetitus cohibere, ut sitim febricitans aut hydro-
 picus, & furorem phreniticus: ita neque qui ægrotat
 animo, possit cohibere appetitus irrationales, qui pec-
 catorum appetitus sunt alioqui (dicunt) non ægrotet.
 neque igitur (dicunt) pœna quispiā dignus sit ob pec-
 cata sed perinde sit furem verberare quod furetur; ac si
 febricitantē verberes quod febricitet, vtrunq; enim
 inuitò inest, & per morbum, illud animi, hoc corpo-
 ris, Hæc videri possint leuiter consideranti, probabi-
 lia: sunt tamen sophistica & inepta. recipio enim, luxu-
 riam, auaritiam, & iracundiam, morbos esse animi, nō
 minus quam febrem, hydropem, phrenitidē, corpo-
 ris: atque adeo ut ex his, sitim & amentiam, ita ex illis
 libidinem, iram, & aliarum rerum cupiditatem nasci.
 atque adeo non magis posse luxuriosum non prurire
 libidine; & iracundum ira intumescere: & auarum ap-
 petere aliena, quam febricitantem, & hydropicū

non sitire, & phreneticum non insanire. Quid tum potest? an proinde non est dominus suarum actionum vterque absit. Nam & febricitans & sitiens potest non potare, & avarus & concupiscens res alienas, potest non furari. quapropter merito fur verberatur non quia avarus, sed quia furatur, ut febricitans reprehenditur, non quia sitit, sed quia intempestive potat. Peccatum verò non est in concupiscentia, sed in facinore, aut certa voluntate committendi. non enim laude dignus minus est, qui cum sit natura libidinosus, non agit quippiam petulanter, quam qui talis non est: imo magis etiam fortasse aliquando, quia virtus in infirmitate perficitur, ut inquit diuus Paulus, secunda ad Corinthios, & virtus versatur circa difficilia, ut inquit Aristoteles secundo Ethicorum. Est igitur in nostra potestate, non ille irrationalis appetitus, qui naturaliter exurgit ex nostræ naturæ corruptione, quam sæpè ipsa elementorum & humorum temperies auget, sed qui verè est appetitus peccati, hoc est, vera & certa deliberataque voluntas aliquid contra Dei Optimi Maximi legem committendi, quapropter ubi in decalogo dicitur, Non concupisces res alienas, non ita est accipiendum, quasi qui concupiscentiam habet rerum alienarum in peccato sit, etiamsi si nolit quamquam possit, furari, sed is solus qui vult furari si possit. hæc enim voluntas est appetitus peccati. ille prior appetitus sine culpa esse potest, quia ex morbo nascitur, ut sitis ex febre. Ut igitur febricitanti nullus medicus imperet, noli sitire, sed noli potare et si sitias: peccat vero in medicum non qui sitit, sed qui potat, aut vult potare quidquid medicus iubeat; ita in Deum, non qui utcumque concupiscat aliena (nam qui possit non concupiscere aurum inops, aut avarus?) sed qui velit furari si possit, quid quid

Concupiscentia non est peccatum.

STANLEY
B. 1011
1011

quid Deus imperet. vnde constat, nos natura dominos esse appetitus peccati, etiam cum mali sumus, etiam si vitio & culpa simus serui peccati. constat quoque totam benè viuendi normam eo redigi, vt Deum timeamus: quandoquidem tota boni iusti quod regula, in Dei, vtpotè rerum omnium Domini, voluntate consistit peccatum verò in auersione, sed (vt hæc apertius eloquar) potest quispiam esse libidinosus, aut iracundus natura, aut habitu, atque vtcunque sit talis, propensus erit ad venerem, aut iram. Interest verò multum, nam quorum natura tantum est talis, neque pœna, neque repræhensione dignus est, quia neque vituperari, neque laudari quispiam debet, ob id quod natura illi inest, quin potius si rectè agit talis cum sit, maiori est dignus præmio: qui verò talis est secundum habitum, repræhensione & vituperio dignus est, quia in sua potestate fuit eius habitus principium, sed si ne tunc quidem exerceat venerea, aut irascatur, non est dignus pœna, quia peccatum in actione est, in habitu vitium solum. potest verò iniustus non iniuste agere, etiam si non statim ac vult potest habitum commutare, sed longa aut magna exercitatione opus est. Culpa itaque iniusti, quod talis sit, solum est in principio, quod iniuste agat in ipsa voluntate, quæ actiones nostras semper committatur. Quod disertè docuit Aristoteles capite quinto, tertij Ethicorum dicens, *Verum non similiter nostra spontè actus ac habitus fiunt: actuum enim à principio ad finem domini sumus ipsa singula cognoscentes, habituum verò principium.* Igitur puniatur fur non quia fur est (quanquam hoc quoque si habitu constat est vituperabile) sed quia furatur: vt neque repræhenditur febricitans, quia febricitat, neque quia sitit (tametsi vituperatur etiam si ob prauum victum in curâ

affectum incidit) reprehenditur verò, quod potest cum non expedit, atque adeo iure posset puniri, si sit seruus, itaque peccata ex animi nasci morbis, nihil obstat quominus sponte committantur, sitque penes nos liberum arbitrium, & mens appetitus sit natura domina.

CAPVT QVADRAGESIMVM.

QVINTVM.



CAPITE decimo ita Iob Deum alloquitur. *Memento quæso, quod sicut lutum feceris me, & in puluerem reduces me. Nonne sicut lac mulsisti me, & sicut caseum me coagulasti.*

De elementis.

Quæ verba non sunt oscitanter prætereunda Physico, neque quasi non explicent naturalem hominis ortum exactissimè; prima enim verba continent primam hominis formationem ex primis elementis, secunda generationem singulorum hominum ex semine. Quæ ut apertiora euadant, præfari oportet, quam plurimas fuisse Philosophorum sententias de rerum corporearum elementis, antequam in illam unam peruentum omnibus est, de calido & frigido, humido & sicco, seu terra aqua aere & igne. plurimi enim censuerunt; elementa corporum esse corpuscula indiuisibilia, nonnulli substantias homogeneas; atque horum utrique nihil errabant in notione elementi. alij enim principij & elementi rationem non distinguentes, dicebant elementa rerum omnium esse litem, & amicitiam, alij raritatem & densitatem, alij crassitiem & tenuitatem: alij alia. Cæterum, si quæ rerum naturalium elementa ponenda sunt, nulla æquè probabilis atque illa ab omnibus rectè philosophantibus (nam & ab Stoicis,

& Academicis, & Peripateticis) reçepra opinio, quę ab Hippocrate fluxit, esse rerum omnium corporearum elementa, terram, aquam, aërem, & ignem, quia horum præcipue corporum esse videmus qualitates, quarum mutua pugna fiunt ortus & interitus. quædam enim fiunt ex quibusdam crescente calore, quo aliquando extincto, hæc eadem obeunt in alia: ita etiam, siccata quædam intereunt, & alia humectata nimis: nihil autem interit, quin aliquid aliud ex illo fiat. itaque fiunt omnia dictarum qualitatum actione, quare & mixtione illorum corporum quorum illæ qualitates sunt primo, videntur generari, atque adeo (si quę) illa esse corporum aliorum elementa. Caterum neque hoc videtur mihi (quando non iam cum tyronibus agitur) leuiter prætereundum, sed examinandum, an verè Philosophi corporum naturalium elementa prima ponant, at sit hæc hypothesis, vt multæ aliæ in scientiis. si enim, vt Aristoteles secundo de ortu & interitu multis contendit, rerum omnium generatio agitur circulo, non generantur omnia ex quibusdam, sed ex quocumque quodcumque. Quare nulla re vera sint aliorum elementa. Porro monstratum alibi est, nulla esse simplicia elementa in rebus: atque adeo digito monstrari potest. quæ enim terra? an hæc, quæ nitro, sulphure, argento viuo, & metallicis omnibus concretionibus est intersita, & alicubi est gypsis, alibi calx, creta alibi? Quæ aqua? an marina, quæ hic intolerabiliter falsa, alibi etiam est amara? Qui aer? an hic turbidus, qui vapor aut nebula, aut nubes, aut ignea exhalatio, aut horum quædam confusio esse videtur? Quis ignis? an carbo, qui terræ multis generibus est crassior? an flamma, quæ nihil est nisi fumus ardens? quod si nullibi vnquam elementa simplicia sunt, ne

*Elemento
rum impu-
ritas.*

esse quidem possunt, vel hoc argumento (tametsi aliis etiam non inevidentibus est à me monstratum alibi) quòd in æternis idem est, quod est & quod potest.

~~terma verò est naturaliter hæc mundi facies.~~ quod si nulla sunt elementa simplicia, quorum mistione generentur reliqua, ne mistio quædam est vlla. Quorum enim est mistio? nisi miscibilium? quòd si mistio non est re vera, sed conficta; neque resolutio sit in simplicia. nihil igitur sit ex elementis, neque finitur in elementa, quare neque elementa sunt omnino in rebus, nisi enim orationes in dictiones, & dictiones in syllabas, & syllabæ in literas resoluerentur, à quibus coagmentatis extiterunt, haud quaquam diceremus literas esse verborum elementa. non igitur sunt alia aliorum elementa, sed fiunt alia ex aliis mutuo, & circulo quodam, vt ex pruno prunum, ex hoc nucleus, ex hoc prunus: & ex semine ouum, ex ouo pullus, ex pullo semen. his argumentis fieri videtur, nulla esse rerum elementa. Nihilominus est quod respondeamus, veram simul de elementis sententiam statuentes. tametsi enim verè dicatur rerum generatio esse circularis, non tolluntur elementa. Non enim fiunt omnia ex omnibus eodem modo: sed quædam ex quibusdam compositione; alia ex aliis resolutione. quis enim non videt lignum ex miscella terræ & aquæ, quam radicibus hausit esse nutritum, atque ita ex illis effectum, resolui verò ignis vi in aquam, quæ inuisibiliter abit in vaporem, & cinerem terreum qui superest? fit haud dubiè ex ligno cinis resoluendo, quia deponendo quædam, ex terra lignum componendo, quia assumendo aquâ.

Sed quam sint res omnes multarum compositione factæ, ipsa resolutio indicat. quotæ enim quæque res sunt, ex quibus non separet ratio destillandi terreas feces

*Distillan-
di ratio.*

feces, & partem aqueam, & oleosum quiddam, abeunte interim fumo? haud dubiè igitur sunt rerum ex rebus compositiones, & rerum in res resolutiones. Quapropter cum ex aliis in alia procedatur resoluendo, necesse est esse rerum elementa prima. quia cum posteriorum natura nascatur ex prioribus, si nulla statueretur prima, sed abiretur resoluendo in infinitum, ut in diuisione continui, non esset vnde inciperet compositio, neque vnde fluere rerum natura, quare neque esset illarum vlla natura. Necesse est igitur ponere aliqua corpora, quorum natura per se insit illis, neque ab aliis emendicata corporibus, illa verò sunt elementa prima: quæ quidem, pura & inalterata, ne esse quidem, neque si essent, videri possent: quando quidem sensibiles omnes qualitates præter primas, à temperamentis fluunt, temperamenta verò mixture constant. Superest igitur ut sint in hac vniuersitate alterata elementa: ea verò sunt, si grandes hæ mundi partes, terra, mare, & circumstantis aer, & qui per alia omnia penetrat ignis. Hæc enim minimam omnium quæ in mundo sunt mixturem habent, & omnium maximè accedunt ad quatuor illas naturas corporeas & simplices, quas actu quidem nullibi, potentia verò in omnib. esse dicimus, neque proinde falsum est, aut tantum hypothesis, esse hæc elementa. Sunt enim re vera, ut dicimus, potentia scilicet, velut re vera est in theriaca opium, & casia. Neque minus hæc in theriaca essent, etiam si totum mundi opium esset in eâ insumptum, neque alicubi maneret actu: ut nunc in mundum insumpta sunt tota, aqua, terra, aer, ignis, ut nihil illorum iam super sit, sed aquea, terrea, ærea, & ignea corpora. Sunt itaque quatuor elementa, quorum naturæ in his aspectabilibus mundi partibus, terra, inquam, aqua, aëre, & igne præcipuè se

*Elementa
prima.*

*Elemento
rum diuer-
sitas.*

exerunt : atque hæc quidem alterata elemēta, sunt re
vera actūq; in mundo, & conspiciuntur: illa, inalterata
& simplicia, sunt re vera, non tamen actū: atq; vt sunt,
ita mitione generant. Nimirum alterata hæc, præexi-
stentia actū commiscuntur, & generant: inalterata illa,
nunquam præexistunt actū, sed potentia semper sunt,
& in ipsa mitione & in mistis. Horū quatuor elemen-
torum, duo præcipue (aqua inquam & terra) præstant
corporibus crassis, & solidis, vt lapidibus, metallis, &
arborum atque animalium partib. corporaturam: duo
reliqua admiscuntur propter temperiem, & facultates,
& primo quidem omnia necesse est constiterint ho-
rum concretionē, posterius verò quædam, vt quæ præ-
stantiora cum sint reliquis, præstantiorem etiam ha-
bent ortum, fiunt virtute seminali, & maturatione, ele-
mentorū mitione latitante, & in ipso semine, & in
eo quod oritur. Nam ipsa maturatio nihil aliud facit,
quam perfectiorem, ex imperfectiori, elementorū mi-
stionē. itaq; imperfectiora corpora, & quæ neq; viuūt,
neque vegetantur, eodem penitus modo necesse est à
principio mundi constiterint quo nunc, concretionē
quadam elementorum, quadam proportionē cōcun-
tium. quod in lapidib. aperte conspiciamus: qui aqua &
terra desuper commistis, & durescentibus, augentur.
Iis verò quæ seminali virtute generantur, necesse est
duplicem tribuere ortū, alium quo constiterint ab i-
nitio; alium, quo nunc oriantur, oriuntur nunc ex semi-
ne, ex quo quidem à principio fieri non potuerunt,
cum semina posteriora sint natura, & tempore rebus
ipsis: siquidem fructus ipsarum rerum sunt, vt antea
super caput primum Geneseos indicatum est. Igitur
cum à principio facta sunt simul omnia, in illa com-
muni omnium genesi facta sunt ex communibus
prin-

principiis, hoc est, ex elementis: posterius verò singula ex propriis principiis, & suo quodq; modo. Igitur homo à principio factus est secundum corporeā molē ex terra & aqua commistis, ut scilicet fit lutū, atq; adeo ex limo terræ, hoc est ex terræ, & aquæ mistura, atque inde fluimus omnes: illamq; naturā nobiscum differimus. hanc primam rerum omnium genesim obumbraverūt Poetæ cōnubio Pelei & Tethidis, id est, luti *Pelei & Tethidis connubiū* *Homo ex quo primū* *πῆλος* enim lutum est) & aquæ. quibus nuptiis dicebāt Deos omnes interfuisse, præter discordiam. Quia scilicet, virtutibus cœlestibus & diuinis coniungentibus, & in concordiam trahentibus elementa, orta sunt omnia. nunc verò nostrum quilibet à parentum genitalibus emulgetur in semine sicut lac, & in vtero coagulatur, sicut caseus. Est verò appositissima & maximè naturalis comparatio. nam conuenit semini cum lacte, materia & conditionibus, & generationis modo, & officinis quibus fiunt, & usu. Vtrunque enim fit ex sanguine, maturatione quadam, alterum in testibus, alterum in vberibus, partibus substantiæ modo valde similibus, suntque ambo succi albi & crassi. utitur verò natura, altero ad generationem, altero ad recenter genitorum nutritionem, ut alimento scilicet parum euariante ab ipso generationis principio. Ipsum igitur semen verissimè dicitur esse, ut quoddam lac: ipsa verò prima embrionis generatio, coagulatio est, ut casei ex lacte. nam Aristoteles capite 21. de generatione animalium ita inquit, *Velut in lactis coagulatione corpus quidem ipsum lac est, succus autem autē coagulum quod principium habet coagulandi, ita quod à viro in muliere secernitur.* Constat ex dictis quanta proprietate sanctus Iob vtrumque hominum ortum recensuerit, & eum qui primo fuit omnium, & eum qui deinceps est singulorum.

Lac ex quo & quomodo generetur.

CAPVT QVADRAGESIMVM
S E X T V M.

CAPITE quatuordecimo Iob ita inquit. *Lignū habet spem, si præcisum fuerit rursus virescit, & rami eius pullulant, si senuerit in terra radix eius, & in puluere emortuus fuerit truncus illius, ad odorem aquæ germinabit, & faciet comam, quasi cum primū plātatum est homo verò, cum mortuus fuerit nudatus atque consumptus, ubi quæso est?*

Hic deplorans Iob humanę vitæ conditionem, quæ tam facile pereat, atque cum semel perierit, adeo sit irrecuperabilis, confert hominem cum ligno, dicēs, miserabiliorem esse hominis conditionem, quia lignum etiam si præcisum sit, potest rursus reuirescere, atq; adeo germinare, & infixū in terra in arborem integram abire, atq; adeo in arborem etiam diuersi generis inseri, insitionēque producere copiosos ramos, & multum fructum, quin etiam si senuerit in terra radix, & truncus eius emarcuerit, mortuūsq; sit, si summa eius pars, & rami mucro infigatur in terram ad odorē aquę (hoc metaphoricè dicitur) hoc est, si adsit aqua, vt ex aqua cum terra mista, alimentum capiat, germinabit, & mucro ille radices proferet in terram, & sursum faciet comam, itaq; & nouam integrāq; arborem. His modis agricolę & vineas renouant, nimirum insitione, plantatione, & germinatione, vt quiuis rei rusticæ vel exiguū peritus scit, & Theophrastus docet primo de historia plantarum. Homo verò nihil tale habet, sed quæcumque pars illi abscissa sit emoritur statim, nullam neque plantationem neq; insitionem recipiens, neque omnino vllam habet rationem reuiuiscendi. Iam verò si ho
mo

Arborum
ortus.

mo mortuus sit, nulla eius pars viua manere potest, ex qua re virescat vt arbor. In primis hoc explicemus vt habeat mox naturalem causam apponamus. Homini quidem emori potest pars vna aliqua antè alias, vt digitus, auricula pudendū aut etiam pes, manus, crus, aut brachium, vt per gangrenam emoriuntur nonnūquam, aut Esthiomenum; tamen mortuo homine, hoc *Cor vita* est corde, quod vitæ radix est, nulla ne minima quidē *radix.* neq; extrema pars manere potest viua, vt arbori; cui excisa, & exusta penitus radice, manere possunt virentes ramuli, atque mucrones, quibus in terram infixis, arbor renascatur. Verū neq; arboris semel ficcata & emortua pars, pōt amplius vlla ratione reuiuiscere, magis quā mortuus homo. hac enim in parte eadē ratio est. *Marcor* enim & confirmata ficcitas, in omnib. *irremedia* *bilis.* vitabilibus est irremediabilis. Neq; solū nō potest, semel emortuū lignū, secundū eādem partē qua emortuum est reuiuiscere, sed neq; qua parte consenuit, potest (vt ita dicatur) reiuuenescere. habent enim etiam suas ætates, vt animalia, quas (mortalia cū sint) necessario percurrūt, neque datur à posterioribus ad priores retrocedere. Euenit verò aliis partibus senio confectis alias recentiores esse, & aliis emortuis, alias adhuc viuere & germinare, & euulsa arbor potest rursus terra cōdi, & renutrirī; nisi verò condatur, sed maneat euulsa, sine spe vlla moriatur, vt & homo si omni alimento destituatur, quia arbor ex terra capit alimentum per radices. Nam & ipse Iob cap. 7. dixerat. *Quasi euulsa arbori adstulit spem meam.* Quæ verba videri aliqui possint præscriptæ orationi repugnantia. non sunt tamē, quia hīc in præciso ligno, & radice senescente in terra, spē esse dicit, si ad odorē aquæ rursus plantetur: illic spē negat esse in euulsa arbore, si auulsa persistat,

neq; rursus terra condatur. nihil euenit tale homini: sed partes omnes consenescent & cōmoriuntur cum præcipuis, neq; est ratio semel è vita euulsum trasplā-
tandi. Quod, etsi miseriæ esse videtur, non est tamen
Vnitatis & indiuisibilitatis perfectior. imperfectionis, quia vnitās & indiuisibilitas in rebus omnibus comes est perfectionis, multitudo & diuisibilitas imperfectionis. Proinde cum multi sint viuentium gradus, qui perfectione & imperfectione distinguuntur, quò quidque est perfectius, eò partes eius maiorem habent vnitatem, minùsque viuere possunt nisi in toto: quare separata moriuntur. nimirum gubernantur, non singulæ scorsum ac per se, sed omnes ab vno principio: quò quidque imperfectius, eò minus vnū sed vt vnita conglutinataque multitudo, ac proinde partes eò magis separari possunt, ac separata viuere, & germinare: quod per gradus viuentium fit manifestum. Plantarum enim partes dissectæ viuunt, & quæcunque scorsum in terram infigantur, siue in hanc siue in illam partem viuunt, & germinant, atque hoc inter ipsas plantas, vilioribus inest plusquàm præstantioribus: adeo vt quarundam rami, in longum defossi, secundum multas partes germinantes, multas producant plantas. nulli hoc contingere potest, eorū quæ alimentum, non radicibus sed ore capiant, tamen eorum vilissima dissecta in multas partes viuunt (vt in reptilibus videre est) quantum possunt durare sine alimento, quasi partes non accipiant vitam à partibus, sed singulæ viuāt per se, aliæ aliis agglutinata, qua causa & infecta vocantur. Alia sunt his præstantiora, quæ non tantam patiuntur partium sectionem superstitē vita, tamen præciso capite, & extracto corde voluntantur, & subsistunt aliquandiu, vt galinæ: grandiora vero ani-

ſed animalia (atque minime omnium homo) cum à principibus membris accipiāt vitam & motum, omnemque gubernationem, illis præciſis, ne momento quidem temporis viuunt, ſed ſecundū ſe tota moriuntur, vt ad vnitatem, & perfectionem naturæ magis accedentia.

CAPVT QVADRAGESIMVM

S E P T I M V M.

CAPITE vigefimoſexto libri Iob. *Qui extendit Aquilonem ſuper vacuū, & appendit terram ſuper nihilum. Qui ligat aquas in nubibus ſuis vt non irrumpant pariter deorſum. Qui tenet vultū ſolii ſui, & extendit ſuper illud nebulam. Terminum circundedit aquis, vſque dum finiantur. Lux & tenebræ. Columnæ cæli contremiſcunt, & pauent ad nutum eius. In fortitudine illius repente maria congregata ſunt, & prudentia eius percuffit ſuperbum. Spiritus eius ornauit cælos, & obſtetricante manu eius eductus eſt coluber tortuoſus.*

Propoſuerat in initio capite Iob, Dei ſummam potentiam & ſapientiam, exprobens amico ſuo Baldad, quòd videretur illi patrocinari, quaſi imbecilli & imprudenti, his verbis. *Cuius adiutores? nunquid imbecillis? & ſuſtentas brachium eius qui non eſt fortis? cui dediſti conſilium? forſitan ei qui non habet ſapientiam.* Quaſi dicat, Deus tuo patrocinio aut conſilio non eget, fortiffimus enim eſt, & ſapientiſſimus. Hanc igitur nunc potentiam & ſapientiam Dei celebrat. producens mirabilia eius opera in cælo & in terra. Quæ, tametſi naturaliter effecta ſint, nihilominus di-

Aquila.

uinæ virtutis & sapientiæ maxima sunt argumēta, quæ
 ita mundi partes omnes aptauit, easque illis naturas
 tribuit, vt mirabiliter conlitterint. Miratur primū
 quod extenderit Aquilonem super vacuum, hoc est,
 eam cœli partem quæ spectat ad polum, ac nobis im-
 minet super ærem. Nam nomina ventorum illis etiā
 mundi plagis tribuuntur, & cœli partibus à quibus flāt
 velut apud Ezechielem cap. 20. dicitur, *comburetur in
 ea omnis facies ab Austro vsq; ad Aquilonem*, hoc est à
 meridionali parte vsque ad septentrionalem. nō enim
 probo (tametsi id doctissimis videtur interpretibus)
 Aquilonem vocari hæmispherium quod nobis immi-
 net, & Austrū alterū quod sub stare videtur, ac nos la-
 tet, eo quod polus hic noster sit Aquilonaris, altérque
 illi oppositus Austrinus. Nam etsi per ignorationē al-
 terius hæmispherij, & putātes nihil illius esse habita-
 bile, ita loquebantur antiqui, & philosophi & poëtæ,
 tamen re vera non ita est, sed à polo versus meridiem
 flat Aquilo, à meridie versus polum Auſter. Quare in
 altero etiam hæmispherio perinde fieri censendū est,
 esse, scilicet, ventum nostro Aquiloni respondentem,
 qui à suo polo feratur ad meridiem, suūque Austrū,
 qui à meridie ad polū. quapropter Aquilonis nomine
 nō totum hæmispherium in sacris, sed septentrionalis
 cœli pars significabitur. Quod vel ex Ezechiele cōstat:
 Cum enim comminaretur terræ Israel, quæ haud du-
 biè vtrumque hæmispheriū non attingebat. Dixit, cō-
 buretur in ea omnis facies ab austro vsque ad Aquilo-
 nem, non certè intelligens à polo ad polum, sed à me-
 ridionali eius parte ad septentrionalē vsque. igitur si
 hoc loco Aquilo cœli partem vllā significat, nō aliam
 certè quam septentrionalem, ac per synecdochem totū
 cœlū. Significat etiam nomen Aquilo cœli partē ca. I.

Ecclesiasticis, vbi de sole dicitur, *gyrat per meridiem, & flectitur ad Aquilonem*. miratur itaque cœlum extentū esse super aërem. Vocari enim vulgo, quod solo aëre plenum est vacuum, eo quod solidiori corpore plenū non sit, Aristot. etiam annotauit. cap. 6. de physica do- Vacuum
vulgo
quid.
 ctrina. Miratur quoque appēsam esse terram super nihilum, hoc est, ita locatam, vt cum nulli alteri corpori innitatur, sed in medio sit aëris quasi pendens, neq; in hāc neq; in illā partem inclinet. Itaque miratur, quòd duæ hæ mundi partes, quæ solidissimæ sunt, terra inquam & cœlum (cœlum enim solidissimum esse, quasi ex ære cōstet, posterius dicetur) firmæ in suis locis maneant, non coherētes, sed dissitæ interstite aëre tenuissimo. Hæ autem admirationes naturaliter subrepunt omnibus qui philosophiæ student, atq; adeo hæ & huiusmodi aliæ dubitationes, initiū dedere philosophiæ quin potius earum dillutio, ipsa naturalis philosophia est, Arist. ca. 13. secundi de cœlo inquit irrationalis esse & amentis. non mirari. cur tota terræ moles in medio aëris quiescat, cum vel exigua eius particula, si eleuata dimittatur, ruat. neque verò dubitatio adeo est leuis, quin fuerint de ea re multæ varięque sententię veterū, vt Xenophanis, & Empedoclis, Taletis, Anaximenis, Anaxagoræ & Democriti, quas illū ipse narrat & refutat. De cœlo quoque cur non ruat, cum nullo sustētetur corpore solido, sed extentū sit super vacuū multæ veterum narrantur opiniones ca. 1. secundi de cœlo, quas omnes ego, vt pote illis locis satis vocatas in examen, & ab Aristotele ipso, & à me in cōmentariis, nunc præteribo, breui dicens, causam dictarū dubitationum esse, quòd terra nō est aliter nata moueri quā Mundi
firmitas
 ad medium, neque cœlū quā circulo, quapropter neque terra, vndecumque in illud ferretur, posset mūdi

centrū præterire. neq; in illo semel firmata, potest inde exire (ita firmauit Deus orbem terræ, qui nō commouebitur, vt dicitur in psalmo) neque cœlū vllam aliam in partem nititur, sed suo tātum loco volutatur. Vulgus verò immaginatur, illud, vt soliditate est plus quā adamantinum, ita esse & natura quasi argenteum, aut lapideum. Re vera autem illud est omnis & leuitatis & ponderis expers, circulo solum natū ferri. cuius circuitiōnis finalis causa est in mundi totius indigentia, effectrix verò, in ipsius natura. Mirabilis verò Dei sapientia & virtus, eas singulis mūdi partibus naturas tribuens, quibus maxime totius vsibus seruire possint. Addit, *Qui ligat aquas in nubibus suis, vt non erumpāt pariter deorsum.* Admiratione etiā videtur dignum, aquā, cū pluuit, in gutulas dispersam, adeo equaliter decidere, & late patentem terræ faciē irrigare, ac non potius totā confertim cadentē obruere, aut inæqualiter aliā partem aridā relinquere, in aliam corriuare. Mirū itaque est, quam aptè quamque ex ipsarum rerū vsu pluuiæ fiant, vt videatur Deus ligatas habere aquas nubibus, neque dimittere eas nisi vt expedit, ni mirū guttatim, quasi per cribrū, aut irrigatorium vas percolatas. hoc celebrat sanctus Iob, dicens, *Qui ligat aquas in nubibus suis, vt non erumpant pariter deorsum.* Quæ autē sit naturalis, ac necessaria eius euentus causa, dicendū est. Nā vt sæpe iā diximus, Deus quæ fieri expedit, facit per naturales causas, atque cum in sacris eloquiis dicitur iubere aliquid, aut legem ponere, aut nūc alligare aquas nubibus, atq; alibi cōcludere mare, aut arena cingere, aut huiusmodi alia, quæ volūtate Dei significāt, significatur certè Deum talia voluisse boni gratia, ac fecisse quidē: id verò non prohibet, quominus per naturales ac necessarias causas fecerit, quin potius,

Pluuiarū
rū consi-
deratio.

potius, illud velle, iubere, ac legemponere, atq; aquas alligare & mare coercere, nihil aliud est quam eas rebus naturas tribuere, vt quæ fieri expedit, fiant. atque hoc quidem ita habet semper, præterquam vbi agitur de mundi creatione. Ea enim cum nõdũ esset natura, solius diuinæ virtutis opus fuit. Neque sane quod dicimus, Dei laudibus quippiam detrahit. Si enim non aliter quam sua voluntate faceret, vt aqua guttatim descenderet, & mare sese intra suos carceres contineret, laudaretur eius potentia, nunc verò laudatur & sapiëntia; fitque hinc, vt quæ circa Deum habetur pietas, nulatenus eleuet studium philosophiæ; quin potius, vt ego existimo, augeat quam plurimum, & promoneat. Quæ igitur stillarum pluuiæ causa sit, dicamus. vt dicitur ca. 3. Prouerbiorum, *nubes rore concrescunt* Quod *Quomodo pluuiæ distillant.* quidẽ nihil aliud est, quam eandẽ esse materiã roris & pluuiæ, puta vaporem, atq; rorem fieri concretionem vaporũ circa terrã manentiũ, vt pluuiæ concretionem nubium, quæ quidem sunt vapores qui altius eferuntur. Itaq; pluuiæ fit vaporibus concrecentibus atq; concretionẽ abeũtibus in aquã, vbi autẽ semel facta aqua fit ferri super aëre nõ potest, cũ illo adeo crassior sit: necesse est igitur vt mox ac concrescit, cadat. Non potest autẽ nubis simul cõcrescere tota, sed necesse est à minimis partibus incipientem concretionem, ad maiores & ad totius cõmutationẽ procedere: neq; igitur spectare potest donec cadat tota, sed necesse est, concretas à nõdũ concretis particulis decidi, ac seorsũ cadere. Quod verò non possit secundũ se totã simul & equaliter concrescere nubis, euidentis causa est. Nã siue alterationẽ eã cẽseas fieri ab aëre, vt Stoici qui ponebãt aërẽ esse primũ frigidorũ siue ex accidẽti per antiparistasim, vt Arist. fieri non potest, vt vel exigua eius

quod patitur pars æqualiter admota sit agenti: constat verò ex admotione agentis ad id quod patitur nasci citiorem aut tardio rem commutationem. dicens, tunc fieri, vt guttulæ momentaneæ magnitudinis esse non possint, sed quibuscunque debeant esse minores, quia quantulascunque indices, concretæ fuerint earum medietates ante totas, quare & deciderint. cum ergo nullæ sint moles indiuisibiles, fiet vt ne pluuie quidem possit omnino, propter infinitam continui diuisionem. Concedimus nullam in nubis commutatione, quæ concretione agitur, esse primam aquæ partem, antequam scilicet non fuerit pars alia minor, velut, & cum ad extremitatem admota flamma ignis serpit per stupam, Verum nõ decidūt decissæ à nube, nisi cuiusdam magnitudinis guttæ: quia antequam illis minores decidantur, anticipant aliæ particulę generari, accedentésque prioribus, conflant cum illis guttas. Nimirum & decissio, & ipsa per partes generatio tempore quodam aguntur. quantum ergo aquæ generari potest, antequam genita portiuncula decissa cadat, tantum accedit guttularum magnitudini. Hinc fit merito, vt quanto celerius agitur nubis in aquam commutatio tanto cadant maiores guttę. Quapropter aliquādo cadunt minutulæ guttæ, aliquando copiosi imbres. Itaque naturalis causa distributionis pluuiæ in guttas, æqualis que illius, atq; scconditati terræ accommodatissimæ irrigationis, est nubis paulatim procedēs cōcretio. Considerans hūc motū & huiusmodi alios, qui scilicet, aguntur, eo quod res aliquæ mutationem propriæ substantiæ recipientes, factę sint crassiores, aut etiam tenuiores solito (crassatæ enim descendunt vt pluuia; extenuatæ ascedunt vt sapores) dixit Aristote. 8. de physica doctrina, grauia & leuia moueri à generante,

aut

aut à remouente prohibens, à generante, vt pluuia, ab eo quod densat vapores, à remouente prohibens, vt cadit tegula detracto fulcro. Nimirum, quia quod inanime est, non potest motum suum incohare per sese, ac sine opera externi alicuius, externa illa dicit esse quæ mouent, quia sunt à quibus incipit motus. Moueri verò possunt inanima, aut vt graua aut leua, aut vt corpora quædam moueri possunt ab impellente, vt à neruo balistæ: aut à trahente vt ab hamo: aut à vehente, vt à iumento: aut à voluntate, vt à vento, aut rotâ: vt graua verò aut leua, non possunt in motum agi antea quiescentia, aliter quàm à remouente prohibens, vt tegula à detrahente fulcrum, aut à generante, vt pluuia à frigido quod densat. Quod non intelligentes multi, alioqui doctissimi Arist. interpretes, venerunt in ridiculam sententiâ, omnia graua & leua moueri semper ab eo à quo genita sunt. Itaque vim & efficaciam mouendi ea corpora, esse in illo quod plærumq; nusquam est. Sed quoniam ea mihi alibi refutata satis est, neque nunc nisi obiter, ob pluuiæ casum eius contigit meminisse procedamus. *Qui tenet (inquit) vultum solij sui, & extendit super, illud nebulam*, hoc est, qui cælum operit nebula, quominus videri possit. David quoque in Psalmis laudi Deo dat, quod extendit nebulam per ærem mirabili quodam modo. Nam Psalmo 147. ita cecinit. *Qui dat niuem sicut lanam, nebulam sicut cinerem spargit*. Spargens nimirum nebulam sicut cinerem, operit vultum solij sui, tenetque quominus videatur. Nubes & nebula, eadem res esse videtur, hoc solum differens, quod nubes effertur in mediam aeris regionem, quæ quia neque vicina Soli est vt suprema, neque reflexis à terra radiis potitur vt ima, frigidior illis est, & ad aquæ generum, hoc est pluuiæ, niuis, &

Inanima-
torū motus

Nubis &
nebula dif-
ferentia.

grandinis generationem accommodatior, nebula circa terram constituit. Quapropter ut quidam fumus, cæli aspectum prohibet, in aquas verò non concrevit, quin potius serenitas, magis quàm pluviæ, nota est, quia est ut Arist. inquit, velut nubis sterilis. Sterilitatis causam esse dicit Arist. quia est velut excrementum concretionis nubis. Quare ut excrementum sanguinis nutrire non potest, ut ille, ita neque nebula aquam gignere ut nubes. Verum hoc expositione indiget. Excrementum propriè est, quod fecernitur per concoctionem, ut inutile; nubis verò non est concoctio, sed concretio. At verò analogia dicitur excrementum nubis quod fecernitur ex nubibus, quasi concrevire nō potens, & mutari in aquam. Itaque ex Arist. sententia, nebula ex ea nubis parte, quæ quia mutari in aquam idonea non erat, excreta est, constat. Non explicat autem Arist., (quamquam id profectò expediebat quam plurimū) cur ea pars idonea non esset in aquam abire. Quod magnam dissidij occasionem eius interpretibus præstitit, asserentibus aliis ob tenuitatem, aliis ob crassitatem esse talem. Mihi dicendum erit quod verisimile. Nam monstrationem hic locus non admittit. Si nebula excernitur ex nubibus, verisimilius est, crassior rem esse earum partem, quam tenuiorem, quia si esset tenuior, excerneretur sursum, excernitur verò deorsum, ad terram usque pulsa. Præterea si esset tenuior reliqua, quæ in aquam mutatur, in aëris aut ignis naturam inclinaret. Ob aëream verò naturam non esset inepta abire in aquam, siquidem communis omnium est consensus ac peculiariter Arist. in eodem cap. primi Meteor. mutatione aëris in aquam fieri nubem: igneam si haberet, haud esset adeo frigida, ut certe est, sed fulgurum & cometarū materia, ut reliqua exhalatio.

Excrementū quid sit.

tio. Superest igitur ut inclinet in terram, càmque minime exustam ut quæ vocatur exhalatio, estque ut fumus vstæ terræ. Nimirum cum vapores ex aqua cum terra mista eleuentur, fieri non potest quin aliquid secum efferant terreum, id, ob diuersum substantiæ modum non faciliè abire in aquam, neque sanè per concretionem abire potest, cum terra quam aqua cōcretior substantia sit. Proinde deorsum humidis vaporum partibus concrecentibus, terreæ & tenues (ut ad reliquam scilicet terram) secretæ descendunt, volutaturque circa terram, vsque dum vi Solis dissipatæ fungantur. Quod Hippocrates quoque libro de aëre, locis & aquis testatur. Hæ igitur pluuiis succedentes, merito serenitatem indicant futuram, quia & dissolutas iam esse nubes in pluuiam & nebulam. Euenit verò nonnunquam ut nullis præcedentibus pluuiis fiant. Quæ, siquidem sint quæ propriè vocantur nebulae, Græcis *ὀμίλαι*, ac non potius tenues quædam nubes, tunc quoque siccioris temporis, & impluuij sunt notæ: quia inutile esse, & infœcundum indicant, totum quod eua porat ex terra. Siquidem tale est quod effumat ex ipsa, quale quod solet ex nubibus excerni. Sunt quidem aliæ, caligines potiusquàm nebulae vocatæ græcis *ἀχλὺς*. Quæ ob nubes multas & tenues fiunt quæ quidē pluuiā solēt præmōstrare: illæ verò, ut dixi, propriè vocatæ nebulae nō sunt. Hæ enim sunt quales diximus. Vnde cōstat, quāta cū proprietate dictū in Psalmo sit *Nebulam sicut cinerē spargit*. Nimirum illud spectare potest, & ad similitudinē sparsi cineris quam præ se fert, & ad naturam, si quidem ut terreus quidam puluis est, ac excrementum terreum, ut cinis. Neque quidem his obstat, solere ex fluminibus, & hyberno maximè tempore nebulas nasci. Nam ut ex nubibus, ita etiam ex

*Caligines
aquæ.*

fluuijalibus aquis excerni illud nebulosum potest, & quod purioris vaporis, ac tenuioris inde nascitur, euolat sursum, latum in nubium regionē, quod verò crassius, & impurius, consistit inferius, volitans circa ipsa flumina. Atque quoniam per hyemen omnia concreta sunt, neque facile ob frigus secernuntur quæ sunt diuersa, excrementosus vapor magna ex parte exhalat, qui nebula fit, per æstatem verò tenuior ac limpidior eleuatur vapor, qui aut concretus in regione media fit pluuia, aut antequam illam attingat extenuatus in aëre mutatur, Itaque nebulam spargit Deus, vt quemdam cineris polinem tenuissimum, extendensq; nebulam operit vultum solij sui, sed de nebulis satis. Descendens ad mare, addit Iob. *Terminum dedit aquis, usque dum finiantur lux & tenebræ.* Maximum argumentum mirabilis Dei potentia, atque omnino facultatis alicuius præstantioris, quam sit ea quæ vocatur natura, ad quam philosophi referunt omnia, quòd cum videamus ita esse natura comparatum, vt vbi duo crassitie diuersa corpora congregiuntur tenuius emergat in sublime, crassius subsideat feraturq; in profundum, terra tamen tota non submergatur in mare. factum verò id à Deo est, quia nisi terræ facies apparet, haud esset animalium perfectissimorum generationi locus, qua verò ratione id fecerit explicuimus in expositione cap. primi geneseos, vbi Deus dixit, *congregentur aqua omnes in locum vnum.* Cuius præcepto, vt hîc dicitur, repente maria congregata sunt, tanta est eius fortitudo. Non quidem vt Anaximenes, & Arist. censent, Sol, absumens locis quibusdam aquas, facit terræ superficiem apparere. Nam haud quaquam sub polis, & in partibus mundi frigidissimis, esse possent amplissimæ terræ partes, detectæ & habitabiles, quales

les septentrionales esse scimus, latissime patente *Ocea Terra cur*
 no inter tropicos, & sub ipso sole. non igitur, quod a- *partim la*
 liæ partes sub aqua latent, aliæ detectæ sunt, in Solis *tens par-*
 calorem referri debet, sed in terræ structuram, quam *tum dele-*
 ipsi dedit Deus à principio. Nimirum est rotunda, &
 in medio mundi posita, maximis vero partibus exca-
 uata, & anfractuosa, quas omnes cauitates replente a-
 qua, fit ex vtrisque terra inquam & aqua, globus vni-
 cus, cuius centrum, & aquæ & terræ, & mundi totius,
 idem est: constat vero necesse esse, vt ad cētrum terra
 sit plusquam adamantina. talem igitur terram efficiēs,
 concludit Deus in terræ foueis aquas, quæ alioqui es-
 sent totam submersuræ, atque ipsa est terminus quem
 circūdedit aquæ. atqui, etsi ita ad sese terra, & aqua po-
 sitæ sunt, dicitur verius terra continere aquam ac co-
 hibere, quam aqua terram: quia quod siccum est, faci-
 le continetur termino proprio, humidum verò nō ni-
 si alieno. non tamen proinde violenter est aqua ita lo-
 cata (nihil enim violentum simul & naturale) quia ne-
 que quippiam crassius illi innatat, neque illa imminet
 vili corpori tenuiori. Quoniam autem hæc non alior-
 sum ita machinatus est Deus, quàm vt in terræ facie a-
 gi possent generationes (alioqui enim fecisset totam
 secundum se totam compactam & vnitam terram, &
 sine vllis cauitatibus) constat duratura solum quandiu
 durabūt ortus & interitus rerū. Hi verò durabūt quā-
 diu Sol circulo feretur, ac sua circulari latione successi-
 uā hāc vicissitudinē faciet, lucis & tenebrarū, hoc est,
 dierū & noxiū. circūdata erit ergo aqua dictis carceri-
 bus, vsq; dū finiātur lux & tenebrę, cessantibus simul, cœ-
 li motu & rerū generationibus. Tūc verò vnita atq; cō-
 gregata, (vt par erat) tota terra vnicumq; cōflās per se
 globū, in aqua submergetur. Quod dicitur Columnæ

cœli contremiscunt & pauet ad nutū eius, & rursum, Prudentia eius percussit superbū, ad angelos bonos & malos pertinet, haud quaquā ad res vllas naturales. Illa quoque verba quę dictis succedūt. *Spiritus eius ornavit cœlos, & obstetricante manu eius eductus est coluber tortuosus*, referunt plerique ad bonos spiritus & Satan. Mihi verò videntur pertinere posse ad opus quarti Dei, ad creationē stellarum inquam. Nimirum ornatus cœli vocatur. cap. i. Geneseos illa innumerabilis multitudo stellarum. Coluber verò tortuosus mihi sonat per periphrasim, magnum illum latūque cœli circulum obliquē positum in sphaera, per quem semper feruntur planetæ, qui vocatur Zodiacus. Videtur enim ille positionis gratia volui in sphaera, vt conuolutum colubrum. non transfigunt quidem leuiter philosophi stellarum naturam, & substantiam. Mihi verò dicetur de ea paulo post, vbi & de substantia cœli.

CAPVT QVADRAGESIMVM OCTAVVM.



CAPITE 28. Iob. *Qui fecit ventis pondus, & aquas appendit in mēsurā.* Dictū iā antea est, non semel, celebratissimum esse in sacris, nō sine magna Dei sapientia effectum esse, vt aqua nō obruat terram totam, atq; sub se mergat, nullo ita vsui futurā ad generationem animalium. hoc idem hīc Iob insinuat dicēs, & *aquas appendit in mensurā*: quasi dicat, aquam certa quadam dedit mensura, ne si magis abundaret, ruptis fontibus regurgitaret super terram, vt in tempore Noë: & eam aquę mensuram, ita ad terrę molem aptauit, atq; ita appēdit, & librauit, vt naturaliter decurrens quā sua eam natura fert, & quam amat partium

*Terra sub
mergenda
totā.*

æqualitas, terram non occuparet. Nunc addit aliud Iob
 dicens. *Qui fecit ventis pondus.* Nimirum ut miratur,
 quod aqua non redundet super terram totam, ita etiam
 quod venti non ferantur sursum per totum aerem, sed
 quasi quodam pondere depressi ferantur circumcirca
 terram. Cuius rei naturalis causa poscit, ut de pondere:
 & leuitate differamus, quid utrumque sit. Vbi enim hoc
 fuerit indicatum, facile ea innotescet. Communis phi-
 losophorum sententia est, ut calor, frigus, humor, & sic-
 citas, sunt qualitates actiuæ elementorum, ita pondus
 & leuitatem esse motiuas, pondusque seu grauitatem
 esse virtutem eundi in medium, leuitatem, à medio. Ita-
 que ut ignis virtute quadam, quam calorem dicimus,
 calefacit, ac commutat accedentem quamcunque ma-
 teriam: ita leuitate moueri sursum: aquam ut frigore refri-
 gerat, ita pondere ire in medium. Atque ut calor & fri-
 gus primo sunt elementorum, deinde & concretorum
 corporum, ita pondus & leuitatem. Mihi verò nunquam vi-
 sum est ita: sed corpus quodcumque per sese, ac sine vlla
 qualitate, abire in eum locum quem naturalis ordo po-
 scit. Naturalis vero ordo est, ut crassa sint tenuibus. Ve-
 lut igitur aqua frigida rem accedentem frigore refri-
 gerat, seipsam verò ubi calefacta est, non alio refri-
 gerat frigore (alioqui esset in ea duplex frigus, & ut
 ita dixerim, frigus frigoris) sed suapte natura, ac sine
 villo instrumento redit eò, vnde violenter extracta est
 ab externa causa, ita quæcunque res vim habet mouendi
 aliam loco non per accidens, qualitate quapiam, quæ fa-
 cultas est ita efficiendi, id facit, ut magnes ferrum mouet,
 quæ verò seipsa mouent. neque per rem vlla extra se,
 nisi per accidens, ut quæ dicuntur graua & leua, Ea,
 præter naturam propriam, nulla qualitate indigent,
 ita ferantur: redeunt enim in id quod sua natu-

*De gra-
 uitate &
 leuitate.*

*Locorum
 naturalis
 ordo.*

ra amat, vt aqua frigescens. Quare opus non est, vt apponatur vis vlla alia, sed solum vt remoueatur quod prohibebat. Itaque opus non est, pondus & leuitatem vt qualitates quasdam rerum statuere, neque putare eas aliud quippiam esse, quam crassitiem & tenuitatem; sed ita censere, rem quamcunque cum rectè locata est ad res proximas, quiescere, cum malè, moueri, siue sursum, siue deorsum, vt res exigit, quo naturæ suæ congruentem ordinem consequatur. Id verò ita esse in physicis commentationibus indicauimus.

Nunc verò etiam hoc adiiciemus argumentum. Si grauitas & leuitas quædam contrariæ qualitates rerum essent, inessent quidem singulis secundum certos gradus: vtque est res primo, aut secundo, denique certo quodam gradu candida aut nigra, ita esset grauis, aut leuis. Itaque esset res quædam pendens libram, alia vnciam, alia dracmam: at verò non est hoc vlla in re verum simpliciter, sed ad aliquid, hoc est ad medium. Si enim suspendis in billance substantiarum diuersarum, auri exempli gratia & argenti æquale pondus, mutato medio mutatur pondus. Nam si in aquam immittas billancem, fit vt quod substantia est crassius detrahat quod tenuius, etiam si in aere neutrum alterum detraheret. Nimirum, vt monstrat Archimedes, licetque cuius experiri, aqua detrahit ponderi, quantum aqua quam res excludit ex vase pendet. Atq; cum crassiora minori quantitate ponderent æquale, fit vt minus aquæ excludant, & ita ad portionem amittant minus sui ponderis. Igitur fieri potest, vt quod in aëre pendebat æquale, nulla alia mutatione facta quam medijs, pendat minus, atque etiam quod pendebat antea plus. Atqui profecto eadem ratione fit, vt ipsius etiam aeris mutatio in serenum aut turbidum, nulla re adie-

adiecta aut detracta lanci, mutet pōdera. Nulla igitur res certa est pondus, sed impetus internus maior aut minor, vt maior aut minor est rei cuiusque deordinatio, non enim res vlla fit dulcior aut acrior, candidior aut nigrior, calidior aut frigidior, vtcunque res alię omnes mutantur, ipsa nullatenus mutata. Ipsum igitur pondus aut leuitas nō est absolutum quippiam, sed ad aliquid vt ipsum ordinatum aut inordinatum esse. Vexit igitur Deus rei cuique pondus, vt crassitiem, neq; aliud est dedisse pondus, quam naturalem appetitum substādi tenuioribus. Hōcque in omnibus substātiis perinde euenit. Quare quodcunque corpus est altero crassius, est & grauius illo. Ventorum materia fumus est seu exhalatio, vt videtur Aristoteli, qui turbido, & vaporibus pleno aëre fit tenuior, limpido verò & puro crassior: quare ex terra in primam hanc regionem quæ vsque ad nubium locum pertingit, naturaliter effertur, à superiori verò limpidioris aëris regione, suo ipsius pondere retrahitur, ac cum neque descendere per crassiorem, neque ascēdere per tenuiorem aërem possit, neque loco capiatur, fit vt feratur in latera, feratque secum vndatim, & aërem & nubes. Fecit itaq; Deus ventis pondus, neque minor est crassitiei & tenuitatis, ac proinde & ponderis & leuitatis differentia (etsi id minus conspicuum sit) in spiritalibus, quàm in aqueis, & in duris corporibus.

*Terra &
aqua cō-
sideratio.*

CAPVT QVADRAGESIMVM

NONVM.



A P.28. Iob. Habet argentum venarum suarum principia, & auro locus est in quo conflat. Ferrum de terra tollitur, & lapis solutus calore, in aes vertitur. rursus cap.37. Ab Aquilone aurū venit. capi.19.

Quis mihi tribuat, vt scribantur sermones mei? Quis mihi det vt exarentur in libro stilo ferreo, & plumbi lamina?

De metallis.

In quinque hæc genera, quorum mentio in hoc libro fit, reducuntur metalla omnia, aurum argentū, æs siue cuprū, ferrum, & plumbum. Nam stānum, & im-politum & politum est plumbi species, plumbum scilicet album; electrum (quod multi inter metalla ponunt, & Ioui dicant) reuera est mistura auri & argenti. Aurichalcum, quod Hispanè Acofar, & Alatō, etsi videatur Plinius ca. 2. lib. 34. censere esse peculiare me-

*Metallo-
rum genera*

talli speciem, & seorsum reperiri: reuera tamen est æs mistura quarūdam verum tinctum. Calibs est ferrum deffecatum arte. Præter hæc nullum esse videtur. Nam

*De mineralibus
multa.*

Cadmia, Pompholix, Spodium, Antispodium, Tutia, & Stibium, metallica medicamenta sunt potiusquam metalla, vt & alia multa; metalla verò ea solum, quorū mentionē hîc reperimus, & in alijs sacræ scripturę locis. De re metallica multi scripserunt, veterum & recentium, chymicè tamen magis quam physicè. Nam inueniendi & fundendi rationem docentes, eorum naturam, neque communem omnium, neq; singulorum propriam persecuti sunt: tametsi enim attigerunt nōnulli, ita tamen vt desiderentur plura. Plato in dialogo de natura, & Aris. in calce tertij Meteorôn, de metallorum natura egerunt melius multo, quam omnes qui illos sequuti sunt, quia etsi per pauca dicit de ea re vterque: omnium verò quæ dici possunt de ea re, fun-

*Metalla
quid.*

damenta iecerunt certissima. Amborum est eadem sententia. Metalla esse aquæ genera, concreta frigore, seu concretione generata. Quod non ita accipendum est, quasi non sint mista & elementis omnibus participant, sed quòd sint ad aquam præcipuè pertinentia, plus, aut minus, vt singulorum est natura: cognoscitur

gnoskitur verò communis metallorū omnium natura, ex iis passionibus quæ communes omnibus sunt, cuiusque propria, ex passionibus singulorum. Quia enim metalla omnia liquabilia sunt vi caloris, cōstat frigore esse cōcreta, cum necesse sit contrariorū contrarias esse causas, & quæ calore soluūtur, frigore esse cōcreta, quod vel sensu ipso deprehēditur. liquatū enim, siue aurum, siue argētum, siue plumbum, amoto igne concrescit rursus, detracto scilicet calore; caloris autē priuatio frigus est. Hinc etiam fit, vt ad aquam potius pertineant, quàm ad terram: aquam enim cōgelat frigus & soluit calor; terrā verò calor durat, & aqua dissoluit. Esse itaque metalla omnia aquea, & concretione generari, ex his constat, nō tamen vt glacies, cuius concretio non finitur in aliam formam, & est nihil aliud, quam aquæ alioqui inalteratæ concretio. Metalla enim, præterquàm quod liquabilia sunt, sunt etiā cōpressilia, & tractilia, quorum neutrum glaciei accidit; quia aque partes friabiles sunt, & nullo participāt lēto, quo vt citra fūsuram comprimantur, aut trahantur in modū massæ partes indigent. Non itaq; metalla sunt simpliciter cōcretæ aquæ, sed aquæ genera, idest, aquæ modo quodam alteratę factę, scilicet, tales, vt cū concretione retineant substantiæ modū, quo cōprimi possint, & trahi, quod idē est, ac si dicas, metalla esse corpora concreta, pertinētia præcipuē ad aquā, liquabilia, compressilia, & tractilia. Cōpressilitas, & tractilitas, passionēs sunt quæ ex lentore nascūtur, lēta enim cōprimuntur (nisi actu sunt liquida) & trahūtur: lētor verò nascitur ex magna humidī cū sicco permistione. Na & massā ex aqua & farina, & quęcūq; medicamēta emplastica, plurimū versando, ac miscendo reddimus lenta, & eam habemus notam magnæ mistionis, quod

lenta sunt, quia seorsum existentia humidum & siccū, facilem partium à partibus separationem faciunt, quā vocamus fabrilitem, passionem contrariam lentiori. Permissionem itaque habet humiditas metallica sicci non multi (præualet enim aqua) sed magnam, tametsi differūt alia ab aliis & missionis & perfectione, & sicci quantitate, ut sunt nobiliora aut viliora. Ea siccitatis permissio magna, præbet illis ut liquata & fusa nō madesfaciant res, per quas diffluunt, neq; imbibātur ut aqua. Nam & emplastris euenit, ut cū lētozem cū quadā soliditate cōparauerint, tractata, manus non coinquinent. Nimirū coërcet humiditatem, valde permixta siccitas. Metallorum itaque omniū, quę in quinque genera redigimus hæc est natura, quā dictæ nobis indicāt passionēs, quibus dissident ab aliis subterrāneis, ut à terræ generib. & à lapidib. lapides enim frangi ac cōminui, ac illorum nonnulli findi possunt, non tamē liquari, comprimi, aut trahi in longum. Vnde constat aliam esse lapidum gemmarūque generationem, & naturam, à metallicis longè dissidentem: lapidūque substantiam pertinere ad terram, & cōcretionem habere ab utroque, à calore scilicet siccante, & à frigore cōstringente, ut fictile. Siquidem neque dissoluuntur liquati à calore, neq; dissoluti ab aqua. Atqui hanc esse vulgariū lapidū naturā & substantiam, satis est manifestum. De fulgentium ac præciosorū lapidum, seu potius gemmarum natura, dubitare cogit fulgor, & trāsparentia, an terra sit: videtur enim terra oppacca admodū esse, atque tātæ pulchritudini obstare. Quapropter multi illas cœlestis ignis participes esse censent) vnde sine euidenti calore fulgorē recipiāt) & cœlestis aquæ, vnde Chrystallinam diaphanitatē recipiant, sine liquabilitate. Verūm hæc Platonici audient libenter,

Aristo-

De lapidibus.

De gemis

Aristotelici minimè, sed quia ad institutum præsens non faciunt redeo ad metalla. Dictum est ea omnia à lapidib. & terræ generib. differre, quòd admoto igne liquari possint, & ex hac ipsa passione agnosci eorū generationem esse concrectionē à frigore. Videntur ergo illa Iobi verba. *Et lapis solutus calore, in æs vertitur*, & naturæ lapidū, & generationi metallorū repugnare. Quia neq; lapis potest liquari, neque æs generatur calore. Certè metallorum omniū generatio est, vt diximus, verba illa non tam continent naturalem æris ortum, quàm chymicum, quod ipsa res palā facit. Metalla omnia generantur (vt ego existimo) sub terra, atque ille ipsæ aureæ arenullæ quæ in fluminibus inueniuntur, vt in Gange, aut Tago, de montibus decisæ sunt, quos raptim præterfluentes lambunt. Atque si quæ auri genera in montibus reperiuntur, non quidem supra ipsam terræ faciem genita, sed tempore detecta sunt. Experimēto enim cōstat ea extrahi de terræ visceribus, atque adeo profundissimis fodinis. Rarissimè reperitur quodpiam metallum purum, ac citra vllam artem perfectum, sed confusa alia cum aliis, ac cum lapidibus, & quibusdam terræ generibus, vnde vt ignis in fornacibus, destillat quodcumque seorsum relictis lapidibus, & terra. quæ res adeo est nota, vt hīnc nomen nacta sint, vocenturque metalla *μέταλλα*, quasi *μετὰ ἄλλα γεγενιμένα*, hoc est, iuxta alia genita: adnascuntur enim alia aliis, vt aurum argento, & hoc plumbo, ac nonnunquam æri, ac ferro. Concrescunt circa lapides nonnunquā quidem præciosos, vt aurum circa Adamantem, ac crebrius circa lapidē Lazuli, crebrius multo circa alios viliores lapides. Illæ igitur fodinæ in quibus generantur metalla, aliquando altissimè ac longissimè, decurrunt & vocantur metallorū venæ: quæ

*Ganges,
Tagus
aurifer.*

Lapis lazuli.

quidem principia quædam habent & fines, atq; in ipsa terræ facie qua sunt venarum principia notas qualdā naturales, eius rei peritis cognitæ, quibus in illis inuestigandis vtuntur. Significanter verò dictum est, Argentum habet venarum principia, & auro locus est in quo conflatur, quia multo magis videtur argentū in venis gigni quam aurum, illud enim vno ductu cōtinuatū reperitur à venæ principio, hoc autē non nisi frustatim & minutatim. Est verò eadem generationis materia metallis sub terra, & meteorologicis in aëre. Nimirum hæc generantur ex vaporibus, & exhalationibus sursum latis; illa ex his eisdem intra terram cohibitis, ac iuxta lapides, aut eiusmodi alia concrescunt, ac concretionē firmissima, & paulatim facta, mutatis in substantias adeo solidas. Neque mirum, densati enim vapores in aquam abeunt, & exhalationes in exustam terram, quibus plurimum permixtis, ita tamē vt aqua vincat, quæ frigore concrescens terram cohibeat, metalla generantur. Hinc meritò fit, vt chymistæ ad imitandam generationem metallorum, argēto viuo, & sulfure vtantur: illud enim plurimum habet vaporosæ naturæ, hoc fumosæ, qualis exhalationum est. Hinc etiam nascitur corrosiua illa qualitas, quæ cum quadam astrictione coniuncta est in plerisque metallis. Nimirum non constant simplici ac inalterata terra, sed exusta, in qualem densata exhalatio abit. Atqui vt verum vero consonet, & meteorologica eiusmodi habent qualitates, & nix abradit intestina, & pluuiāli aqua vtimur ad eadem, ad quæ calybeata, ad siccandum scilicet, & extergendum ventrem & viscera. Metallorum ergo in commune hæc est natura; singulorum verò propriam oportet dicere. Aes, plumbum & ferrum, terræ habent plus quam

*Metallorū
venæ.*

Chymistæ

quam aurum & argentum, quod ærugo & scoria indi-
cant, quæ maximè redundant in ære & ferro, & pon-
dus plûbi, quod multè terræ est. Aurû & argentum a-
quæ sunt genus, excoctum, ac perfectionem magnam
adeptum, & optimam mistionem. Duo accidentia vi-
dentur repugnare dictis, facilis liquabilitas plumbi,
quæ aquæ magis quam terræ esse videtur; & auri pon-
dus, quod videtur esse terræ. Nam cum aqua quâ ter-
ra sit leuior, quod terræ habet minus, videtur futurum
minus graue. Sed liquabilitas plumbi non nascitur ex
pauciori terra (nam præter grauitatem, vri etiam po-
test, apta autem vstioni sunt terrea) sed ex imperfectio-
ri mistione, ob quam quod in eo est aqueum facile
effluit: auri verò pondus nascitur ex densitate substan-
tiæ, sunt enim leuiora quæ rariora, etiâsi aliquâtò cras-
siora sint, quia in sese aërem admittunt, velut ligna. O-
mnia enim quæ densissima non sunt, etsi sunt substan-
tia terrea, efferuntur in aqua, vt itaque raritas causa le-
uitatis est, ita densitas sit ponderis; aurum verò ma-
ximè densum ac sine poris est, proinde graue est, & so-
nitum non edit; contra ac æs, quod cum sit poris ple-
num, sonorum est, & minus graue etsi sit magis ter-
reum. Efficientem causam metallorum esse Solem, vt
& aliarum omnium rerum generabilium, dubium nō
est, neque obstat frigore concreuisse; non enim quia
frigore cōcreuerunt, frigore genita sunt. Neque enim
concretio est eorum ortus, alioqui liquatio esset inte-
ritus nō est tamē, cū non minus sit aurû quod liquatū
effluit, quâ quod cōcretū cōsistit, nā rursus concrescēs
vt est re vera & apparet idem. Calor ergo Solis exco-
quens, ac commutans, ex aquæ vaporibus cum exha-
lationibus generat interim hanc ipsam substantiam
aquæ, quæ ita alterascit constringente frigore.

*Metallorū
mistio.*

*Sol causa
efficiens
metallorū.*

Neque mirum simul à calore secundum substantiam commutari, & constringi à frigore. Nam non nisi maximo calore soluitur metallorum substantia, ac proinde minimo frigore constringitur, adeo ut constrictum iam consistat, & tangi non possit præ calore: non ergo frigus quod potest constringere, excludit calorem qui valeat commutare. Recte igitur metallorum ortus tribuitur cœlesti calori, etsi consistentiam à frigore recipiant. Neque verò quia cœlestis causæ meminimus, referri volumus certa metalla in certa astra, cum quibusdam Platoniciis, ut aurum in Solem argentum in Lunam, ferrum in Martem, Aurichalcum in Venerem, electrum, in Iouem, plumbum in Saturnum, æs in Mercurium Nam hæc, & alia huiusmodi quæ sola constant diuinatione, sunt quidem apud vulgus plausibilia, re vera tamen neniæ, aut seniles fabulæ, quæ in philosophiam per vaniloquos irrepperunt. Cum itaque metallorum generatio sit qualis dicta est atque circa lapides, atque adeo intra lapides concrecant, vix vnquam reperitur alicuius eorum portio insignis per sese, ac pura: sed ex fodinis extrahuntur & lapides, & terræ quædam genera eius rei peritis cognita, ex quibus ignis vi in fornacibus distillant metalla, iisq; extractis reliquum exustū superest, scilicet quod terreum, aut lapideum. Cadmiæ nomen datur duabus rebus, vocatur enim Cadmia, lapis ex quo in fornacibus secernendo fit æs. Vocatur etiam fauilla quædam, quæ dum secernitur æs, vi ignis eleuata, fornacis parietibus adhæret. Id explicat omnium optimè Plinius. libro 34. cap. 10. dicens, *metalla gris multis modis instruunt medicinam, ut pote cum vlcera omnia ibi occisimè sanentur: maximè tamen prodest Cadmia. Fit sine dubio hæc, & in argenti fornacibus candidior, ac minus ponderosa, sed*

nequa-

Cadmia.

nequaquam comparanda ærariæ. Plura autem genera sunt. nam ipse lapis ex quo fit æs, Cadmia vocatur, fusuris necessarius, medicinæ utilis. Sic rursus in fornacibus existit, aliâque sui nominis originem recipit. Fit autem egesta flammis atque flatu, tenuissima parte materiæ, & cameris, lateribusve fornacum, pro quantitate leuitatis applicata. Hæc Plinius. Ex quibus constat, æs ex lapide quodam Cadmia vocato fieri. Galenus idem asserit, Aes ex lapide. dubitat tamen an Cadmia illa lapis vocari debeat, an terra, lib. 9. simpl. medic. dicens. Cadmia fit ubi in fornacibus æs paratur. nempe tota terra illa ex qua æs generatur in fornacibus, in altum egerente velut fuliginem quampiam, vel fauillam, siue utcunque appellare licebit. At si non terram, sed lapidem nuncupare velis, ex quo in fornacibus secernendo partim fit æs, partim Cadmia, partim diaphriges, nihil sanè retulerit. Ecce ut Plinio & Galeno testibus, fit es ex lapide. Pyritidis etiam Pyrites lapis. lapidis est quoddam genus, ex quo fit æs, teste Dioscoride, libro quinto, capite decimo. Igitur hoc idem dicitur in præscripta dictione, his verbis. Lapis solutus calore in æs vertitur, non quidem quod lapidosum est liquatur (neque enim potest) sed totus lapis, siue nuncupatus Cadmia, siue pyrites calore soluitur, liquato metallo quod intra se continet, reliquo redacto in exusta excrementa. Quod ab Aquilone venire aurum dicit, non ita est accipiendum, quasi non aliunde: nam & ab Oriente, & ab Occidente venit quamplurimum, sed quasi inde quoque. Id verò experimento cognitum est, quandoquidem omnes qui de metallis scribunt, Panoniam, Bohemiam, & Austriam, & Citeriorem Germaniam, inter feraces auri prouincias commemorant. Illud porrò. Quis mihi det, ut exarentur, Aurifera prouincia. sermones mei stilo ferreo, & plumbi lamina: non

Libri plu-
bei.

quasi quippiam quod fieri non posset, aut non etiam
soleret dicit, sed potius secundum antiquissimi illius
seculi consuetudinem. Solebant enim veteres, vt Geor-
gius Fabricius annotauit, ex plumbeis tabulis libros
cōponere, quales in antiquis sepulchris repertos Nea-
poli ipse testatur. Sed pro conditione huius operis, sa-
tis de his dictum est.

CAPVT QVINQVAGESIMVM.



X libri Iob. cap. 37. *Tonabit Deus in vo-
ce sua mirabiliter, qui facit magna & in-
scrutabilia.* Extollere volens Eliud Dei

Opt. Max. potentiam & sapientiam, ab
illius operibus quæ dicit esse magna &

inscrutabilia argumentum capit, atque præcipuè à sub-
limibus rebus & meteorologicis, & ipsius cœli men-
tionem facit, vtpotè quæ hominibus videri solent ad-

mirabiliora. De tonitruis ergo agens nunc, dicit, To-
nabit Deus in voce sua mirabiliter. Nam & Poëtis vo-

catur Deus ob hanc mirabilem hominibus sublimiū
passionem, Altitonans. De tonitruum naturalib. cau-
sis, non eodem modo senserunt veteres philosophi.

Nam Stoici collisu nubium fieri putabant, vt cum a-
pud nos aqua ad aquam colliditur, vt in torrentibus.

Anaxagoras esse crepitum qui editur, cū ignis qui in-
tra nubem inclusus est, à circumfusa aqua extinguitur,
vt & apud nos crepitus editur immissa aqua in flam-

mam, aut prunas: ignem verò illū descendere ex æthe-
re, hoc est, superno igne, & ab accidētibus vaporib. in-
tercipi. Anaximander, & Metrodorus, atque Aris. cen-

sensent fieri ex nubis scisura, à flatu intercluso, ac fortiter
erumpente, non aliter ac crepant, cum ad ignem rum-

puntur

Tonitru
cōsideratio

De toni-
trūcausis.

puntur glandes aut Oua,ex ex tormentis bellicis erū-
pente igne editur tonitruum. Nimirum in his omnib.
rebus finditur, ac per fissuram verberatur vehementer
aër, vnde vehemens nascitur sonitus. Cum flatum qui
erumpit ex nube, exhalationem igneam censet esse A-
rist. quæ non ex æthere detrusa est, sed ex terra ascen-
dit, non minus quam vapor, qui est nubis materia. quæ
sane sententia dictarum omnium est probabilissima,
nam collidi adeo vehemēter non possunt nubes, nisi
contrariis ac vehementissimis incurfantibus ventis,
quod quidem fieri, cum tonitrua eduntur, nō experi-
mur, sed plerunq; aut vnico flante, aut nullo conspi-
cūe. Porro non licet torrentibus conferre nubes, cum
indicatum nuper sit, eas dum sublimes manent, nihil
aquæ continere, sed simul in aquam mutari crassescēte
vapore, ac descendere. Si verò dirūpenda nube à con-
clusso igne aut fumo, aut deniq; flatu edi tonitruū asse-
rendum, certè illum inferne ex terra ascēdere, per par-
tes effumante terra vi solis, vt ascēdit vapor euaporāte
aqua verisimilius, quam ab æthere deturbari. Nā inde,
neq; pondere cadere posset, cum lōge tenuior aëre sit,
neque violentia vlla deturbari, cum pars cœlo proxi-
ma sit summè tranquilla, & circulari solum agatur
motu, cœli comes. Cum præcipue mihi, & in huius o-
peris initio, & in aliis prius, indicatum, multis neque
inevidentibus argumentis sit, nullam esse ignis regio-
nem superiorem, sed totum quod inter nos & cœlum
interest, aëre plenum esse, cœlum verò ipsum non esse
igneum, talem præcipue vt discerpi ac frustatim ca-
dere possit, paulo post differemus. Superest igitur ve-
rissimum esse id quod communis nunc opinio fert, to-
nitruum edi ruptura nubium, & proximi aëris, ab erū-
pente violenter igne, qui ex densata exhalatione gigni

tur. Velut e nim flamma rarefcens in fumum abit, ita fumus denfcens, vbi non fimul refrigeratur, abit in ignem. Verum hoc ad corufcationum & fulminum caufas iam fpectat ad tonitrua illud folum eft fatis, fieri rupta nube, erumpente quadam fpirituofa fubftantia. Addit Eliud, *Qui præcipit niui vt descendat inter ram, vt hyemis pluuiis, & imbri fortitudinis fuæ.* Pluuias moderatiores, & mediocri impetu cadentes, & caliginofas, vocat hyemis pluuias, quia tales per hyemem cadere folent; largas verò & impetuofas, quales per æftatem plerunque fiunt, vocat imbrem fortitudinis fuæ, hoc eft, fortitudinis Dei, quod eft fortitudinis magnæ. Nam frequentiffima phrafis eft in facris literis, dici Dei, quæcunque magna, vt mons Dei, quafi mons magnus. Extollit itaque Dei potentiam, quod eius præcepto descendât in terram nix, & pluuiæ hyemales, & imbres æftiui fortiffimi, & maximo impetu cadentes, qui medicis vocari confueuere temporales, quafi æftiui: quia ea pars anni vocatur peculiariter græcis *ὥρα* hoc eft tempus. Niuē grandinē, & pruina. à maiori frigore fierique pluuiam rorēque conftat; primum quidem ex ea analogia quam habent, cum gelu, quod apud nos frigore fieri experimur: deinde, & ex folutione, quod fcilicet, ea omnia calore foluuntur in aquam. Fieri etiam aquam ex vapore denfato frigore, & antea dictum eft, & eodem argumento conftat, quòd fcilicet videmus calore refolui in vaporem aquam. Monftratum etiam antea eft, pluuias copiofiores & guttarum grandiorum, à maiori frigore fieri quam contrarias; quia cum aqua fimul vt gignitur cadat, tanto grandiores fiunt guttæ. quanto celerius nubes in aquam mutatur. Si

Fulmina.

Niuis grā
dinis. prui
nis genera
tio.

autem

autem frigus eius mutationis causa est, celerioris mutationis causa sit maius frigus, ubi nulla in materia differentia statuitur. Grandinem etiam, quam niuem censet Arist. esse maioris frigoris sobolem, argumento à maiori soliditate ac duritie accepto. Nos id definire curabimus, ubi sermo inciderit de grandine, nunc illud vnum interest scire, cur æstate fiant largiores im- *Imbres æ-*
bres quam hyeme, siquidem maioris frigoris sunt. Ha- *state lar-*
bet verò hæc illam dubitationem priorem, cur in me- *giores quã*
dia aëris regione (neque enim iuxta terram neq; iux- *hyeme.*
ta cælum) hæc fiant, & quæ ibi sit talium generationis causa, Stoici qui ponebant aërem natura sua frigidior
rem esse aqua, atque adeo primum frigidorum, dice-
rent, vapores & aquam densationes illas pati ab aëre,
vtpote frigidiori, illo verò potius loco, quod ibi ma-
ximè aër naturam suam retineat, neque à rectis radiis
adeo alteratus, quàm sublimior, neq; à reflexis, quàm
humilior. Arist. qui aërem natura calidum esse putat,
abit in antiparistasin, dicens, regionem eam aëris frigi-
dam fieri ob circumstantiam calidiorum. Verum Stoi-
ci non videntur posse dicere, cur æstate fiant illæ con-
cretiones maiores quam hyeme, dicunt enim rectè, il-
las concretiones ibi fieri, quia aër est frigidus, cur ve-
rò sit æstate frigidior non dicunt. Arist. hoc quidem
rectè dicit, nam cum non ponat aërem per se frigi-
dum, sed ex accidenti, ob contrariorum circumstan-
tiam, consequens esse videtur, vt cum quæ circumstant
contraria, sunt maiora, sit & aër eo in loco frigidior.
Sed vellem diceret Arist. cuius substantiæ est illud fri-
gus, quod per antiparistasin, hoc est contrarium ni-
sum, augetur, an aëris, an ipsorum vaporum & aquæ.
Si enim aëris, necesse est aërem frigidum ponere per
se cum Stoicis: si vaporum & aquæ, sit vt vapores suo

seiplos frigore refrigerent, & præter suam naturam densent, quod fieri non potest. Siquidem nulli dubitatum est illud physicæ principium, omne quod præter naturam alterascit, aut omnino mouetur, ab alio id pati. Quapropter vel his argumentis, probabilissimum fit, quod & alibi, & in hoc ipso opere probaui, concretionem non esse aquæ præter naturam, quin potius totum aquæ genus, si ab eo igne qui per omnia vagatur dimitteretur, concretum iri. Nam si aqua est primum frigidorum (vt certè est maximè consentaneum) nullum frigus est illi præter naturam. Quid enim possit esse maius summo? Si autem concretio illi naturalis, fusio ab aliquo externo sit. A quo autè alio quàm à contrario, hoc est, ab igne? concrescit igitur, cum ab igne destituitur: ignis verò fulgorem naturaliter sequitur ob naturæ similitudinem, atque ita abundans circa cœlum ob vigorem radiorum solarium, & circa terram ob eorundem reflexionem, regionem mediani destituit, velut & terræ penetralia, idque facit æstate magis, quia magis dictis in locis abundat. quo fit vt sponte naturæ in medio aëris (alioqui vt mea fert opinio temperati) vapores concrecant, in aquam, niuem, aut grandinem, idque æstate magis quam hyeme fiat. Dicta igitur est causa cur pluuia hyemales, fortes verò imbres æstiuales sint. De niuis natura postea dicitur. Verba illa. *Qui in manu omnium hominum signat vt nouerint singuli opera sua*, explicata mihi sunt, vbi de chyromantia egi, nunc iis præteritis, procedamus, *Ab interioribus* (inquit) *egredietur tempestas, ab æturo frigus*. Dictum antea est, imbres fortes cum tonitruis, fulguribus, & fulminibus temporales vocari: illud idem vocatur nunc tempestas, quæ quia per fortes æstus fieri consuevit, vt etiam diximus, ei vt contrarium

rium opponitur frigus. Arcturus est id astrum quod *Arctu-*
 vocatur vrsa maior, unde & nomen accepit. nam *ἀρκ- rus quid.*
τος vrsam significat. Inde etiam accepit nomen Polus
 arcticus, iuxta quē voluitur, ac proinde nobis est sem-
 piternæ apparitionis. Eandem igitur partem cœli vo-
 cat nunc, nomine illius astri, arcturum, quam nomine
 venti inde venientis, antea vocauerat Aquilonem, eam
 inquam quæ est ad Polum, quæ & Septentrio vocatur
 Quæ quidem extrema cœli pars est, & ad ipsum polū,
 super quo voluitur totum, sita. Cui opposita est alia
 per totum mundi diametrum distans, alter scilicet Po-
 lus, qui vocatur antarcticus. Pars mundi quæ inter *Poli mun-*
 duos illos polos est, ab eis æque distans, & ad medium *di.*
 diametri spectans, quæ vocatur Meridies, dicitur esse
 interior mundi pars, quasi inter extremitates, in qui-
 bus poli sunt media. dicit igitur, *Ab anterioribus egre-*
dietur tempestas, & ab arcturo frigus, hoc est, à meri-
 die, utpote calidissima mundi parte, & unde flat Au-
 ster, calidus ventus, venient tempestates, & procellæ,
 & à septentrione frigus, quia inde venit Boreas ven-
 tus frigidissimus. Horum causas, hoc est, quòd tempe-
 stas veniat ab interioribus, & frigus ab arcturo, refe-
 rēs in ventos, addit, flante Deo con crescit gelu, & rur-
 sum latissimè funduntur aquæ. Ventum vocat flatum
 Dei, hac phrasi indicans ut aliarum rerum omnium, i-
 ta & ventorum esse primam & precipuam causam
 Deum. Id ergo dicit, quòd flante Aquilone concre-
 scit gelu, & rursum flante ei oposito vento funduntur,
 quæ concretæ erant aquæ, latissimè. Qua autem causa
 Auster calidus, & Boreas frigidus nō sit antea dici po-
 test, quam de ventorum substantia sit disputatum. In-
 de enim & utriusque venti tēperies, & ratio, qua alter
 fundit, alter concretionē facit, innotescet. Multi vete-
Tēpestas.
Gelu.
Ventus quid sit.

rum philosophorum putauerunt, ventum nihil esse aliud, quam aërem motum, eandemque substantiam, quietem vocari aërem, motum ventum, ita vt ventus esset, velut aëris vnda, neque ab eo differret vlla alia ratione, quam motu. Hanc sententiam multis argumentis refutauit Arist. in cap. 4. secundi libri meteorôn, nullum autem mihi videtur esse potius, quam quod oportet agitandi aëris aliam causam assignari, in qua venti essentia probabilius constitueretur, quam in ipso aëre. nam aër qui quietus nunc sit, qui possit vndatim fluere, à nulla alia re quæ interfliuat agitur? quod si quæ alia substantia tenuis, siue vapor, siue exhalatio eum impellit, ea potius sit venti substantia, quam ipse aër. Haud enim dubium est, cum fiat ventus aërem moueri, at verò nisi ipse se ipsum mouet, (quod, cum neque ponderis neque leuitatis sit is motus, neque replendi vacui necessitate factus, impossibile est) constat necessario impelli ab alia substantia: ea verò, siquidem non apparet, fuerit tenuis & spiritalis. Quid igitur prohibet eam appellare ventum? ventus igitur non est ipse agitur aër, sed flatus aliquis aërem agitans, ac per ipsum decurrens. Hoc posito, cum duplex sit euaporatio, alia aquea, frigida & humida, quæ vocatur vapor, alia calida, & sicca, quæ vocatur exhalatio, seu terræ fumus, & vapor, materia pluuiæ, roris, niuis, grandinis, & pruina sit, constat ventorum exhalationem esse causam, quia magna ex parte solent accidere multi flatus, cum scalaribus, & pluuiis superuenientibus venti conquiescere, quasi ex contrariis nascentibus causis, ventis & pluuiis. Hanc ob causam, hoc est quia pluuiæ & venti ex contrariis fiunt, dicitur capite octauo, Geneseos, cum Deus voluit, vt cessarent pluuiæ diluuij, adduxit ventum super terram;

ram, adduxit (inquit) spiritum super terram, & immi-
 nuta sunt aqua, & clausi sunt fontes abyssi, & cataractae
 caeli, & prohibita sunt pluuia de caelo. Velut igitur fu-
 mus qui è fornace aliqua, occurſu vèti effluit, diffipa-
 tus hâc aut illâc, ita exhalatio, quæ vrêdæ terræ fumus
 est, occurſu frigidioris, seu vaporis, seu aëris, qui in
 media regione præcipue est, repulſa, cogitur ferri cir-
 cumcirca terram, quæ ita lata dicitur ventus. Conſtat
 verò quandoquidem pars quæcunque terræ poteſt ef-
 fumare, iſque fumus verſus quaq; repelli, vt hinc aut
 illinc occurrit frigidior, & denſior vâpor, poſſe vêtum
 ex quacunque mundi parte in quamcunque ſpirare:
 neque eſſe certam vllam, vnde, aut in quâ feratur. At-
 que ita veriffimè dictû eſt illud 3. ca. Euangelij Ioan.
Spiritus ubi vult ſpirat, & vocem eius audis, neque ſcis
vnde venit, neque quo vadit. Nimirû vndecumq; terra
 effumet fieri poteſt, & quouſque eius impellendi ceſ-
 ſet impetus, ferri: tantum audimus ſonitû & ſibulum,
 quæ aëris verberatione edit. Nihilominus venti, & dif-
 ferentias accipiunt & nomina, à partibus ex quibus &
 in quas feruntur. Iis qui ſunt in ſphæra recta ſub equi-
 noctiali, quatuor mundi præcipua puncta ſunt ſecun-
 dū duos diametros diſtãtia, Oriens, Occidens, & duo
 Poli; arcticus ſcilicet, & antarcticus qui illis ſunt in O-
 rizonte. Erûnt igitur illis duo Aquilones, à duobus po-
 lis venientes, & Eurus veniens ab Oriẽte, & Zephyrus
 ab Occidẽte, & innumeri alij inter hos, vocati latera-
 les. Nobis verò qui hâc regionẽ incolimus, inter tro-
 picû cãcri & circulum arcticum conſtitutâ, quâ ſolam
 cum alia ei oppoſita, vltra aliam tropicû, cenſuit anti-
 quitas habitari poſſe, nihil cû polo antarctico: ſed ſunt
 alia quatuor puncta maximè diſtantia ſecundū duos
 diametros noſtri huius mundi, quæ Ariſt. dixit habere

*Sphæra
 recta &
 obliqua.*

figuram tympani, habentis verò longitudinis quā latitudinis fere duplum. Ea sunt Polus arcticus & Meridies, Oriens, & Occidens, nam à Pōlo venit Aquilo: à meridie Auster; Eurū ab Oriente: Zephyrus ab Occidente: Tametsi plerique Aristotelicorū, decepti quibusdam eius auctoris verbis c. 4. lib. 2. meteorōn, quæ minus attente fortasse scripta sunt, dicunt Austrū utpote Aquilonis contrarium venire à contrario polo, puta ab antarctico, & proinde Aquilonem, totū hoc hemispherium, quod videmus; meridiem, contrariū & huic oppositum: non animaduertentes Aristotelē ipsum ca. 5. lib. 2. meteorōn ita dicere, *Auster quidem à solstitiali fertur signo, neque ab alteris septentrionibus.* Quod admodū congruit cum præscriptis verbis Iob, his scilicet. Ab interioribus egredietur tempestas, & ab arcturo frigus. In quē errorē video incidere etiam geographos, qui typos totius orbis terrarū nūc faciūt. Cū enim & partes vltra & citra meridiē, hoc est, vltra & citra Zodiacum describant, tamen suos typos quatuor punctis notant, Oriente, Occidente, Septentrione, & Meridie, cum deberent potius finiri, Oriēte, & Occidente, Arctico, & Antarctico Polis. Nā faciūt Chile, & psitacorū regionē, & alias quæ vltra tropicū capricorni sunt, & earū quædā non longē à Polo, meridionales esse, præ Quito, quæ in ipsa meridie est, sub æquinoctiali. Sed & re ipsa probatur habere ut diximus. Nō enim solū Boreas est, qui ab ipso venit Septentrione, hoc est, à terra sub ipso polo sita, sed quicūque versus meridiē flat, dicitur à Septentrione venires, & in meridiē ferri, etiā si lōge citra circulū arcticū exortus sit, & lōge ante tropicū desinat, sed quia eius initium spectat ad Septentrionē, ut finis versus meridiē. Eadē ratio est aliorū. Nimirum ex quacunque terræ parte inci-

Chile &
Psitacorū
regio.

Boreas.

incipere potest effumatio, neq; opus est, cū Hispania
 perflatur à Borea, perflatur etiā Germania, neq; vt cū
 ab Austro, perflatur Lybia, sed possunt illæ tranquillitate
 frui, nondum in illis exortis ventis. Si igitur hoc
 ita habet, inopinabile est, Austrū qui nos attingit, ab
 arctico polo venire posse, & præter rationē, tā longin-
 quū illi principij statuere terminū; ac nō potius in in-
 teriori illa mundi parte, quæ vocatur meridies, quam
 percurrunt Planetæ. Cum præcipuè siquis flatus inde
 hūc penetraret, in ea regione esset naturā permutatu-
 rus, atq; eo vsq; futurus Aquilo, laturusq; frigus, inde
 iam futurus Auster, & laturus tēpestates; cū ab inte-
 rioribus egrediatur tēpesta, & ab arcturo frigus. Ve-
 rū his de differentia ventorū secundū loca enarratis,
 superest dicamus, quod ad eorū tēperamēta pertinet,
 & ad rē præsentem maximè facit; quandoquidē ven-
 torū differentias non accipimus ex materia, sed ynicā *De ven-*
 omniū ponimus, puta exhalationem fumo similē, con- *torum tē-*
 stat ob aliud quippiam fieri, vt non eadem omniū tē- *perie.*
 peries sit, sed Aquilo sit frigidus & siccus, Auster cali-
 dus & humidus, Eurū & Zephirus inter illos mediū,
 & inter se quam minimum dissidentes. Id verò non
 potest esse aliud, quam illud vnde accipitur differen-
 tia, loca nempe à quibus in quæ feruntur, ob quæ me-
 rito euēnit, vt Aquilo & Auster inter se dissideāt plu-
 rimum, Eurū & Zephirus minimū, quia Septentrio
 & Meridies plurimum dissidēt, cum alter calidissimus
 alter frigidissimus locus sit: Oriens & Occidens quam
 minimum dissident, cum ad vtramque partem æque
 Sol accedat, & qui aliis Oriens, aliis Occidēs sit. Dis-
 sident verò hi duo ab Austro, nō tam ob locū ex quo,
 quam in quem feruntur. Illi enim feruntur à similibus
 in similia, ab Oriente in Occidentem, & ab Occiden-

te in Orientem; hic à contrario in contrarium, puta à Meridie in Septentrionem: verum hæc generatim dicta sunt, accedamus propius. Siquidem indicatum est, Boream non semper venire à Septentrione, neque Austrum à Meridie, sed vndecunque posse incipere quæcumque vt contigerit hûc aut illûc ferri, constat differentia non accipi à loco ex quo primo sed à loco versus quem, atque adeò posse Aquilonem & Austrum oriri ab eodem loco, vt si flare incipiat à Carpentania, & feratur in Beticam, Boreas sit, si ab hac ipsa, & feratur in Cantabriam, sit Auster. Quæ igitur causa superest, quæ alius frigidus & siccus, alius calidus & humidus fiant? Dictum iam mihi pluries est, ignem elementarem non esse vno quodam loco vt reliqua elementa, sed permeare per omnia, sequi verò magna ex parte Solis lumen, atque ideo vbi plus luminis eius, esse etiam plus caloris. Consentaneum mox est, vt ad Meridiem sit copiosissimus, & inde ad mundi latera sese effundat: nimirum vt ipsum lumen Solis. His positis, fit vt ventus qui contra meridiem fertur, ignem à reb. quibus occurrit abigat, illi contrarium motum subiens, qui verò fertur contra Septentrionem ignem adducat, similem illi motum subiens qui versus Orientem aut Occidentem, neq; admodum hoc faciat neque illud, quia neque simile, neque contrarium motum subit, sed transversum. Hinc rursus fit, vt qui flat versus Meridiem refrigeret fugans ignem, qui versus Septentrionem, calefaciat eum adducens: Rursum, qui refrigerat siccatur quoque idq; duplici de causa, & quia ipse siccus est vt fumus, & quia refrigeratio densationem facit, & expressionem humidi, vt in refrigeratis herbis & arboribus conspicitur: quæ calefacit humectat non per se (siccus cum sit) sed quia calore facit humorem fundi, qua causa & in

& in hominibus ciet multas fluxiones Auster,

Qui flant ad Orientem aut Occidentem, nihil ho-
rum faciunt insigniter, sed temperant modicè, vt aër
per ventilabrum circa faciem motitatus. Similis etiã
causa est, qua Boreas fertur vehementius, Auster le-
tius, Eurus & Zephyrus mediocriter. Nimirum qui
contra ignè fertur, fertur à frigidiori ad calidiorem, à
densiori ad rarionem aërem, quare inde magis expel-
litur, hûc facilius recipitur, ferturq; vt quod indecliue
cōtra quod fertur in frigidiorē & densiorē quod in
accliue: quæ feruntur in similia, vt quæ per planum &
mediocriter. Hæc eadem causa est, qua qui nauigāt in
meridiem, citius multo illûc pertingant, quã inde hûc
remeent: quod non intelligentes, qui ab Hispania ad
nostras Indias feruntur contendunt, mare illã in partē
esse decliue. Neque mirum, cū ob eandem ignorantia
visum sit plurimis veterum philosophorum, & cœlū
& terram imminere magis ad Septentrionalem plagã
ad meridiem verò inclinatum esse orbē, qui & exco-
gitauerunt plurimas eius situs causas. Diogenes & A-
naxagoras factū iam orbem ipsamet prouidētia, à qua
erat factus, fuisse inclinatum in meridiem magnæ cu-
iuspiam vtilitatis causa. Empedocles vento refugeente
versus septentrionem impetum Solis, distēta esse cœ-
li lătera, & vrsas esse loco motas, & eleuatas, atque au-
strinas partes depressoas, atque ita totum mundū illo
inclinasse. Leucippus procubuisse terram ad meridiē,
quodd partes mundi meridionales rariores ac solubi-
liores sint ob calorē, septentrionales densiores & ma-
gis renitentes. Democritus augeri omnia ad meridiē
ob generantem Solem, atque ideo terrã ea parte gra-
uatam frugibus, & auctu, procubuisse. Sed hæ omnes
sunt ineptiæ infantilis illius philosophiæ. Nō mūdum

Venti ad
Orientem
& Occi-
dentē flā-
tes.

totum perfectam spheram esse euidenter indicant Astronómi, quia omnes cæli partes distant à cêtro equè quare non est alia elatior, alia demissior, neq; terra habet aliam vllā mundi partem se humiliorem, in quam grauata inclinet, neq; aliorsum nititur quā in suū cêtrum. Causa verò ob quā illæ opiniones inter primos illos naturæ inuestigatores, ac nūc inter vulgares ortę sunt est, vt diximus, in aëre qui ad meridiē tenuior est, & in ventis, qui vt Aristo. quoque secundo meteorôn animaduertit, magis flant à mundi lateribus, ac fortasse etiam accedit, quibusdam in locis, copia maiorum fluminum qui confertim irruentes in mare, per satis magnum spatiū reimorantur nauigia. Id verò sentitur in quibusdam Isthmis, vt in Pôro, & in Occidentalibus Indiis, iuxta recentem vocatam Carthaginem. Ex dictis facile constare pōt, cur ab interioribus, hoc est, à meridiē, oriatur tēpestas, hoc est, estiuales imbres, cū fulguribus, fulminibus, & tonitruis. Nimirū, sunt hæc omnia magni caloris, qui inde trahit originem, vnde ignis hūc agitur flāte austro: frigus verò ab arcturo; vnde venit Boreas. In eadem sententia perstans Eliud, addit, *Flante Deo cōcrescit gelu, & rursum latissimè funduntur aquæ*. Ventum appellāt flatū Dei, hac ratione innuēs quod Psal. 134: His verbis dicitur. *Qui producit ventos de thesauris suis*, hoc est sua infinita virtutē & omnipotentia. Quæ verba facile nobis indicāt, quā sit mirabilis ventorū natura, cū de eorū creatione Deo tantā accedat gloria. Quapropter non tantū mihi tribuo, vt existimē me, vel huius leuissimæ rei causā inuenisse, sed vt in aliis omnibus quę pertinent ad naturā, ad probabilitatem vsque disputasse. Ergo, inquit, *flāte Deo*, per Boreā scilicet, quia exprimit ignē, *cōcrescit gelu*. *Rursum Deo flante* per Austrum, quia addu-

Tēpestas
ab meri-
die oritur

cit ignem, latissimè funduntur aquæ. Addamus reliqua
Frumentum (inquit) desiderat nubes, & nubes spargunt
 lumen suum, quæ lustrant cuncta per circuitum, quocun-
 que eas gubernantis voluntas duxerit, ad omne quod præ-
 cipit illis super faciem orbis terrarum, siue vna tribu, si-
 ue in terra sua, siue in quocūque loco misericordiæ suæ, eas
 iusserit inueniri. Omnes qui bene philosophati sunt,
 conuenerunt in hanc sententiam, nihil omnino eorū
 quæ natura constant factum esse casu, aut temere, aut
 frustra, sed omnia alicuius gratia, atque adeo primam
 omnium rerum causam esse in fine cuius gratia fiunt.
 Si igitur hoc, de ea natura quæ coniuncta rebus est re-
 ctè dicitur, & vsque adeo nihil est frustra ab ea factū,
 vt vel ipsis excrementis quæ necessitate potiusquam
 vtilitate videntur generari, animalium natura vtatur
 ad commoditates non exiguas, vt in libris de vsu par-
 tium Galenus conspicuè indicat, quanto magis ita de
 Deo Opt. Max. sentire oporteat, qui cū sit Optimus,
 nihil fecerit nisi bonum; bonum verò esse non potest
 sine vlla vtilitate; cum verò sit Sapientissimus, atque
 potētissimus, nulla necessitate cogeretur facere quod
 nulli vsui futurum esset. Hac ratione Eliud, cum nubiū
 & aliorum meteorologicorum generationem, vt in-
 facientem causam retulisset in Deū, qui vt est prima
 omnium quæ fiunt, & facta sunt causa, aliàs omnes cō-
 tinet apponit etiam & finem, & cuius gratia fiūt. Quasi
 diceret, neq; quidē frustra aut ostentandæ suæ potesta-
 tis causa Deus, nubes fecit, sed magnæ cuiusdam bene-
 ficentiæ, siquidē frumentū, ex quo fit panis qui cōfir-
 mat cor hominis desiderat nubes, quādoquidem illis
 spargētibus lumē suū, & pluētibus, fruitur necessario
 humore.

*Nubiū lu-
men.*

Nubes spargere lumen suum, nihil est aliud

quam pluere, quod ideo dici videtur, quod dissipatis pluendo nubibus, spargitur lumen quod ab illis incipiebatur: perinde ac si illæ lumen & aquam contineant, ac vtrumque demitterent, ac spargerent, cum tamen illæ reuera neutrum contineant, sed in aquam mutantur, & dissipatæ, diffundendo lumini locū dent, sed ex eo quod sensui apparet, nata phrasis ea est, qua rursus statim utitur. *Nunquid scis quando præcepit Deus pluuiis, ut ostenderent lucem nubium?* Itaque dicit, *frumentum desiderat nubes, nubes spargunt lumen suum:* quasi dicat desiderat frumentum nubes, quia nubes pluunt. Neque verò solum non sunt factæ temerè nubes, sed ne mouentur quidem temerè, nam lustrant cuncta per circuitum quocumque eas gubernantis voluntas duxerit, ubicumque scilicet velit Deus pluere, siue in vna tribu, siue in alia, siue in terra sua, hoc est seruorum suorum, siue in aliena & inimicorum, siue in quocumque loco misericordiæ suæ eas iusserit inueniri: Nimirum *pluit super iustos & iniustos* (Matthæi capite quinto.) Et hæc est vera & perfecta scientia viarum nubium, scire scilicet eas in Dei voluntatem & prouidentiam referri, de qua statim subdit, *Nunquid nosti semitas nubium, magnas & perfectas scientias?* Nimirum, qui consistunt intra causas naturales, non resoluunt vsque ad primas, ac proinde non habent perfectas scientias, sed illi solum qui naturalibus non dimissis (id enim insipientiæ est) procedunt vsque ad primæ causæ bonitatem, quod principium omnium est. Sed nubes quidem, atque per has pluuiæ, & nix, & ros, & pruina, quia etiam & venti, haud præstant obscuras commoditates: omnia enim hæc suis temporibus, & per quasdam vicissitudines, terræ iuvant fecunditatem. At verò quædam alia nulli prorsus

Pluuiæ nix
ros & pruina
utilitates.

sus vsui esse videntur, quibus id quod de omnium rerum vtilitate dictum est videtur redargui. Quid enim commodi est ex grandine? Quid ex fulguribus? Quid ex fulminibus? Certè hoc nullus philosophorum possit dicere, quin superiores rimetur causas, neque aliter effugere, quin cogatur concedere factum esse aliquid frustra, quam conscendendo in iudicia Domini, ac de illis philosophando, iuxta illud quod proximo cap. dixit idem Eliud, his verbis, *Per hæc enim iudicat populos, & dat escas multis mortalibus*, quæ verba significant, uti Deum his rebus, partim ad mortalium escas, partim ad iudicandos populos. Sunt igitur horum pleraque ad vtrumque vtilia, nam pluuiæ, & venti, maximi sunt vsus ad frugum prouentum: iudicauit verò per pluuias apertis cœli cataractis mundum, & euertit quotidie in mari triremes, & in terra tecta & domos, ut vel domum in qua epulabantur filij Iob, & integras vrbes impetu ventorum. Nonnulla etiam sunt quibus solum vitur Deus ad iudicandos populos, ut grando & fulgura, & multo magis fulmina. Quod etiam dominus ipse cap. 38. huius libri dicet his verbis. *Thesauros grandinis aspexisti, quæ præparavi in tempus hostis, in diem pugne & belli*, ut vel ex his possint homines, si prudentes sint, agnoscere, esse qui res humanas consideret, & populos diiudicet. Quod ille etiam Ethnicus poëta optimè insinuauit, dicens, *Iupiter optime aspicias hæc? An te pater cum fulmina torques, ne quidquam horremus?* Itaque nubium, & plurimarum in aëre prouenientium rerum, utilitas magna est ad fruges, quibusdam verò earum tantum vitur Deus ad iudicandos populos. Eadem ratio est pestis, atque adeo morborum omnium, mortis & eorum quæ nihil aliud quàm venena sunt: quæ complexus est Eccles.

cap.39.his verbis. *Ignis,grando,fames,& mors omnia hæc ad vindictam dicata sunt,æstiarum dentes, & Scorpij,& serpentes, & romphea vindicans in exterminium impios.* Vbi ignis nomine intelligo. Fulmina & reli-

*Meteorolo-
gicorum
utilitas.*

quo ignes meteorologicos, aut æternum paratum dia-
bolo & Angelis eius, nam vsualis ignis longè maxi-
ma vtilitas est. His dictis,redit Eliud ad naturam ven-
torum,dicens. *Nonne vestimenta tua calida sunt, cum
perflata fuerit terra Austro?* quæ verba ex dictis ha-
bent facilem interpretationem.Nam indicatum antea
est Austrum allicere ignem, ac proinde calefacere &
calore aquam fundere.Hinc euenit,vt vestes eo flante
caleant,atque calore externo vincente, tinea exedan-
tur:quod perspectum habentes quibus illæ curæ sunt,
flante Austro vestes recondunt,contra ad Aquilonem
suspendunt. Perinde contingit in aliis omnibus rebus
quæ asseruantur,vt in vino,& edulijs, & omnibus fru-
menti generibus: ea enim omnia ad Aquilonem ser-
uantur diutius,ad Austrum computrescunt breui. Ve-
rum hoc dictorum nuper corollarium est, vt & illud
quod paulò post dicit. *Subitò aer cogetur in nubes, &
ventus transiens fugabit eas.* diximus siquidem iam,
ventos & nubes ex contrariis causis fieri, atque ideo
magna ex parte sese mutuo tollere, atque superue-
niente pluuia extinguere ventos & superuenientibus
his fugari nubes. Quòd nubium generationem nunc
tribuit densationi aëris,non repugnatiis quæ nuper di-
ximus,puta esse ex vapore.nam vapor substantiam ha-
bet inter aquam & aërem. Quapropter aqua in aë-
rem,& aër in aquam per vaporem,illa extenuata, hîc
crassescens. Nubes ergo fient ex vapore,qui partim
ascendit ex aqua extenuata, partim ibidem genera-
bitur ex aëre crassescente,secundum,quam partem-
verif-

verissimè aër cogetur in nubes.

CAPVT QVINQVAGESIMVM
PRIMVM.



X capite trigesimoseptimo Iob. *Tu forsitan cum eo fabricatus es cœlos, qui solissimi quasi ære fusi sunt* De substantia multa. De celo
cœli, eius in quo, aut cum quo volutantur astra, quem veteres omnes vocauerunt æthera, ἀπὸ τοῦ θεοῦ αἰθέρι (interpretæ Aristotele) hoc est, à perpetuo cursu, dubitatum est plurimum à philosophis: si quidem nonnullis veterum visum est rationi consonum, eam mundi partem, ut est suprema, ita esse tenuissimam, siquidem & in aliis omnibus, de quibus utpote vicinioribus, possumus iudicare, ita fieri conspiciamus, ut quo superius est aliquid, eo sit & tenuius: Itaque esse regionem quandam, substantia alia, aëre longe puriori & tenuiori plenam, per eamque ferri astra omnia per sese, quasi volantia. Plerisque tamen atque adeo optimis (nam Pithagoræ, Parmenidi, Platoni, & Aristoteli) visum est, cœlum substantia quadam constare firmissima & solidissima, adeò ut penitus neque diuisionem, neque distractionem recipere possit, & astra partes esse ipsorum orbium, ac cum illis ferri, haud quaquam proprio concitata impetu. Ex eo vero quod de motu astrorum quis sentiat, pendet, & quod de cœli soliditate sit consentaneum. Si enim astra feruntur per se per cœlū illud certè est tenuissimum, & facillime cedens: non enim tanta posset esse astrorum celeritas medio resistente. Si autē illa feruntur cum orbibus, constat orbem tanto solidiores esse adamante, ut penitus diuidi non possint. De astris præclara

Nam alioqui, si ferrentur velut impulsæ à substantia aliqua vehementer concitata, & dissipabili, ut quæ à ventis impelluntur, haudquaquam possent ferri eadem semper celeritate, neque eidem viæ semper insistere, sed iactarentur temerè, ut quæ à ventis: nunc autem videmus regulari ferre latione, & à certissimo tramite ne latum quidem vnguem vnquam declinare: igitur ij orbes cum quibus feruntur, nullam partium distractionem accipiunt vnquam, sed feruntur toti simul firmissime. Neque hoc aliter fieri potest: quapropter eorum substantia neque diuidi, neque distrahi possit, sit igitur solidissima. At verò probabilius multo esse, astra deferri cum orbibus, quàm in illis per se moueri, multis argumentis probat Arist. acceptis ab astrorum figura & ei accommodatis motibus & ab eorum celeritate, & ab aliis eorum passionibus. Mihi verò videtur illud firmissimum, si quis velit recipere quod mihi in phisicis monstratum est, puta raritatem & densitatem consistere in angustia aut amplitudine polorum. Si enim astra ferrentur per cælum necesse esset illud secundum partem anteriorem astri densari, & secundum posteriorem rarescere, si verò raresceret & haberet poros, eos ergo aut vacuos, aut plenos substantia alia tenuiori, est igitur vacuum aut substantia alia cælo tenuiori. Illa verò si tenuior, sit & cælo superior de illa rursus sciscitabor, an raritatem accipiat, atque ita peruenire necesse erit ad substantiam tenuissimam nullam raritatem aut densitatem recipientem, aut abire in infinitum. Si autem in talem vllam substantiam peruenire necesse est, cur non sit statim cælum eiusmodi? Necesse est igitur astra cum cælo ferri, ac non per cælum, aut dari vacuum. Præterea si Sol, Luna, &

alij planetæ per se mouerentur, non possent moueri regulariter, sed nunc celerius, nunc tardius, quia eodem tempore, puta die naturali, describunt circulos nunc maiores nunc minores, ut accedunt ad æquinoctialem circulum, aut recedunt: at verò Aristot. multis argumentis probat secundo de cælo motum cælestium corporum esse regularem: non igitur mouentur per se astra, sed cum cælo, quod est ut mundi murus ut dixit Parmenides, solidissimum. Cui sententiæ plurimum attestantur præscripta verba Iob. *Solidissimi quasi ære fusi*. Quibus consonant & hæc Homeri *ἔρανος πολυχάλκος*, id est multi æris cælum. Multæ autem hinc quoque videntur oriri dubitationes, nam si cælum solidum est, non videtur esse corpus simplex, sed compositum ex elementis, ut quæ penes nos sunt, quod si est, erit utiq; & corruptibile ut hæc, si autem corruptibile illud esse admittimus, nihil euenit incommodi, etiam si tenue esse illud recipiamus, & dirumpi à percurrentibus astris, quare ita quoque videtur fieri rursus, ut non sit opus illud solidum ponere. Quod verò fiat ut si solidum est, constet elementis his, docet Plato in dialogo de natura his verbis *Sine igne videri nihil potest, nihil sine solido tangi, solidum sine terra nihil*. Hinc appertè fit, ut cælum duobus his elementis constet, si solidum est, nam & videntur astra, quæ eiusdem substantiæ cuius & ipsum cælum esse inter optimos conuenit philosophos: si autem habet hæc duo, puta ignem & terram, habet certè & reliqua duo, puta aquam & ærem, duo enim illa per se vniri non possunt, nam sicci & solidi partes, ut puta terræ, non cohærent nisi humido aqueo agglutinentur, sicco enim igneo penetratæ magis dehiscunt. Igitur ut ad soliditatem terra, ita ad continuitatem indi-

get aqua: aqua verò & ignis male aptabuntur sine medio aëre, neque sine eo habebit diaphanitatem. Si igitur cœlum est solidum compactum, diaphanum, & aspectabile, constabit terra, aqua aëre, & igne. Rursum, cœli partes non sunt omnino similes, sed astra aspectabiliora, & minus diaphana (quodcumq; enim intercurrat, occultat aliud quodcunque) reliquum cœlum diaphanum magis, sed minus venit in conspectum, non potest ergo esse cœlum omnino simplex substantia. Nam vnde nascerentur illæ contrarietates? contrarietatis enim admistionem habet omne quod dicitur secundum minus: in simplicissimo verò non potest esse vllius contrarietatis, ne tenue quidem initium. Concedendum itaque videtur, cœlum simplex omnino corpus non esse, sed constare ex elementis.

Concedendum certè, vt mihi videtur hoc Platonis, dictis argumentis: non tamen ex iisdem penitus, ex quibus quæ penes nos sunt, sed ex homonymis, ex igne inquam cœlesti, & aqua cœlesti, & terra aëreque cœlestibus, vt in Genesios enarratione diximus. Sed cur vocentur ignis, aqua, terra, & aër si non sunt qualia hæc? certè ob analogiam: quia quod ad substantiæ modum attinet, habent præstantius etiam quam illa, tametsi contrarietate qualitatū actiuarum, caloris inquam, frigoris, humoris & siccitatis carent. Hinc fit, vt cœlum fulgentius atque aspectabilius, & solidius, & compactum diaphanumque magis sit, quam alia omnia corpora, incorruptibile tamen, neque dissolubile, quia caret principiis naturalis corruptionis, puta calore, frigore, humore & siccitate. Sed neque rarum neque densum est, quia poros nullos habet: neque crassum, neque tenue, quia neque in parua neque

lidum

cœlum in
corruptibi
le.

in magna comminui potest, sed fulgens sine calore, solidum sine siccitate aut crassitie; compactum, sine humiditate, diaphanum, sine poris. Non igitur differunt astra à reliquo cœlo maiori crassitie, neque densitate, sed missionis modo, quodque habent sui ignis plus, & sui aëris minus. Verum etsi quia actiuis qualitatibus caret, naturaliter corrumpi non potest cœlum, est tamen (compositum cum sit) dissolubile, & commutabile, ab eo videlicet à quo compactum est, puta à Deo. *Omne siquidem quod vinctum est* (ut inquit Timeus) *solui potest*, ac fortasse etiam dissolvetur, & permutabitur, cum sistetur hic cœli motus, & finientur lux & tenebræ, velut & omnes aliæ mundi partes. *Elementa quidem reddentur puriora; cœli vero in meliorem substantiam mutabuntur.* Nam Marci decimotertio, dicitur, *Cælum & terra transibunt*, & Psalmo centesimo primo, *Opera manuum tuarum sunt cœli, ipsi peribunt, tu autem permanes; & omnes sicut vestimentum veterascent, & sicut operatorium mutabis eos, & mutabuntur.* Et in tertio capite epistolæ secundæ Petri, *Novos verò cœlos & novam terram, & promissa ipsius expectamus.* Iob quoque capite decimoquarto, inquit. *Homo cum dormierit non resurget, donec atteratur cælum non evigilabit, neque consurget de somno suo.*

Cæli intervitus.

Ex quibus verbis constat cœlum atterendum esse ante resurrectionem mortuorum. Neque certè philosophiæ dissonum est censere, si cœlorum motus cessaturus in æternum est, mutandam quoque eorum substantiam in aliam, cuius natura motum non spectet, quo in æternum sit caritura, sed gaudeat quiete, quam sit semper actura. Neque enim per

petuum quippiam quod violentum. Sed de hoc iterum disputabitur.

CAPVT QVINQVAGESIMVM SECVDVM.



A P. 38. Iob *Vbi eras quando ponebā fundamenta terræ? indica mihi si habes intelligentiam, quis posuit mensuras eius si nosti? vel quis tetendit super eam lineam? super quos bases illius solidatæ sunt? aut quis demisit lapidem angularem eius? quis conclusit ostiis mare, quando erumpebat, quasi de vulua procedens, cū ponerem nubem vestimentum eius, & caligine illud, quasi pannis infantie obuoluerem? Circundedi illud terminis meis, & posui vestem, & ostia, & dixi. usque huc venies & non procedes amplius, & hic confringes tumētes fluctus tuos.*

Hæc verba sunt Domini ad Iob. Quibus illum inscitiae & ignorationis rerum naturalium arguens, vult ad sui cognitionem trahere. Differemus in hoc ipso opere, enarrantes locum quendam Ecclesiastes, nullum esse maius compendium ad cognitionem sapientiae Dei, quam sensum nostræ ignorantiae, quod Eliud etiam in superiori capite tetigit dicens. *Memento quod ignores opus Dei de quo cecinerunt viri* (hoc est naturam rerum de qua scripserunt plurimi philosophi, & ante Platonē omnes in carminibus) *omnes homines vident eum* (hoc est aliquatenus agnoscunt ex suis operibus) *vnusquisque intuetur procul*, quasi diceret, nullus tamen accedit ad ipsius veritatis cognitionem, quia omnes intuentur procul. Ecce Deus magnus vincens nostram scientiam. Hoc eodem argumento adducit

nunc

De Deico
gnitione.

nunc Dominus Iob, ad suæ sapientiæ contemplationem, ponens illi ob oculos mirabilia, quorum causas nullus philosophorū inuenire satis potuit, neque nos quidem possemus, nisi magno Dei beneficio, per diuina oracula essemus docti. Primū igitur maiores mūdi partes, hoc est, elemēta & cœlestia corpora, percurrit: deinde animalium quorundā omnis generis historiā attingit: de quibus omnibus disputatum satis à philosophis esse constat, nihil autē perfectè esse traditū, cōsideranti palam fiet. *vbi* (inquit.) *eras quando ponebam fundamenta terræ?* fundamenta terræ nullus philosophorū vnquā somniauit (nisi fortè Pythagoras duplicē cōstituens terram, marē & scēminam) neque enim terram ex diuersis partibus constitisse, vt domum aut templum, sed vt simplex quiddam & homogeneū esse corpus, sui simile secundū omnes, neq; esse alias aliarū fundamenta. Re vera tamen non ita est. Neq; enim terra, eū quem nunc ad aquam situm tenere posset, si qualis secundum faciē hāc quā terimus, tota foret: aut enim aquæ tota moles extremitatē solum terræ lambet, secundum eā eius partē quæ tecta est, vt nūc videtur (si quidē nulla parte videtur mare leuca profundius, vt testantur nautæ) aut præter hanc aquæ molē, est intra terræ profundissima viscera magnus abyssus, longe maximam ipsius terrei globi partem occupans. Si primum, fieri non potest vt aqua sit centesima pars terræ, nedum terra sit decima (vt censetur) pars aquæ. Si autem hoc vltimum, quī fieri posset, vt interior terræ pars non esset humore dissoluta, & tota subsedisset in sese, in aquam mersa, nisi fundamentis firmissimis inniteretur? Innititur ergo haud dubiè, constatque ex iis quæ conspiciamus, imam terræ partem esse plusquā adamantinam, atque adeo, Deum fecisse hunc terræ

*De fundamentis
terræ.*

globum quem incolimus, versus centrum solidiorem
 ut in omni secundum rationem constituto ædificio
 fieri debet; ad superficiem verò friabiliorem, ut teri,
 ac fulcari, & humore miseri potens, rerum generatio-
 ni esset utilis. Non est igitur (dices) in suo loco sim-
 plex, neque elementum. Certè esse in suis locis pura
 elementa, pueri putant, & qui nondum ære labantur:
 doctorum verò nullus non videt, nihil non esse alte-
 ratum, neque verò esse posse. Arist. in auditoriis libris
 qui re vera scribebantur ad inducendos tyrones, mul-
 ta dicit quæ prouectiores debent accipere ut hypo-
 theses, velut esse corpora simplicia quatuor, quæ re-
 uera neq. sunt neq. esse possunt, ponuntur verò ob qua-
 tuor naturas, quas in cōcretis sentimus, secundū quas
 fiunt rerum cōmutationes, calidum, scilicet, frigidū,
 humidum & siccum. Plato hoc docuit elegantissimè,
 dicens, *Sic de illis verba facimus, eaque mundi primor-
 dia constituimus, cum ne syllabarum quidem, ne dum ele-
 mentorū vicem tenere, apud homines mentis quoquo mo-
 do compotes debeant.* Itaque simplicitas terræ non ob-
 stat quominus Deus fundamenta terræ iecerit, quibus
 partes eius superiores inniterentur. Addit. *Quis posuit
 mensuras eius si noster* ut in vndecimo capite sapientiæ
 scriptum est, *omnia disposuit Deus, mensura, numero, &
 pondere.* Nimirum, mundus opificium est pulcherri-
 mum, siquidem optimi artificis, ad pulcherrimū exē-
 plar. Ad pulchritudinem verò spectat, ut neque quan-
 tæcūque magnitudinis sint membra, neque ad se mu-
 tuo sine certa proportionē, sed singula certæ cuiusdā
 magnitudinis, & ad sese elegantissimā habētia propor-
 tionē, simulque ad totius vtilitatē maximè accōmo-
 datam. Neque terram igitur, neque aquam, neq; aërē,
 neque orbium cœlestium vllum, sed neque astrorum
 omnium

omnium minimam fecit Deus negligenter, sed omnia magnitudinis cuiusdam, ad mundi totius, & ad cuiusque alterius partis magnitudinem, pulcherrimam habentes rationem, quam tamen agnoscere, ac explicare apertè, eius est solius qui fecit ac penes quem est illud æternum exemplar, cuius imitatione effecta sunt. Tamen si enim Pythagorici (quos ego viros prosequor magna admiratione, in hac contemplatione plurimū laborauerunt, & pro captu hominū plurimum assequuti sunt, tamen intuiti etiam illi sunt procul: longe autē magis Xenophanes qui infinitæ magnitudinis esse inferna ex parte est opinatus. Astrologi septē mille leucarū Hispanarū esse dicunt totius terrei globi peripheriā, vt sunt illarū rationes euidentissimæ, nō admodū potest hoc à certa eius mensura declinare. Quæ autē huius certæ mensuræ in terra condēda fuerit ratio, scit mundi opifex: constat tamen dictis argumētis eam fuisse diuinissimam, & ad totius pulchritudinem (cū qua vtilitas necessario cōiuncta est) spectasse. Ad-
dit. *Vel quis tetendit super eam lineam?* Terra in mundi medio ita sita est, vt eius centrum totius quoq; mundi sit, atque ita rotunda, vt omnes extremitatis eius partes æquè à centro distent, & tota terra æquè ab omnibus cæli lateribus, hæcque omnia tam exactè, ac si mundi opifex à polo ad polū lineam tetēdisset, & medio lineæ pūcto alligasset terræ medium, eamque circino quodam rotundā effecisset. Quod quidem Plato animaduertit in Timeo, dicens, *Terram autem altricē nostram circa polū per vniuersum extensum circumuolutam, diei noctisque effectricem, & custodem esse voluit.* Tanta igitur opificij perfectio sapientiæ artificis maximū argumentum est, quo redarguuntur omnes qui casu ita cadentibus corpusculis, factum esse mundum

*Mundi
mensura:*

affirmabant. Quæ enim dementia est sibi persuadere, immensitatem insectilium corpusculorum, tã aptè cecidisse, casu vt nihil ineptum in toto mundo extiterit, sed omnia ita, vt ne minimam particulam eorum quæ coierint fortuito, sapientissimi cuiuspiam arbitrium possit emendare? aut per cuiuspiam sani hominis mēti suasibilius videatur, ante mundum conditū extitisse, nullo faciente, immēsam multitudinē vilissimæ materiæ, quam sapientissimā quampiam & optimā causam? An vt vitiosa hominū voluntas facilius expetit quod malū, ita vitiosus intellectus facilius credit quod falsū vt vel hoc argumento verū sit quod bonū, melius autem multo est ab optima causa in sapientia esse facta omnia, quā ex vilissima casu extitisse. Tantā igitur Dei sapientiam, vt Iob ex terræ fabrica admiretur & suspi-
ciat, dicit Dominus. Quis tetendit super eam lineā? Ad-
dit. Super quo bases illius solidatæ sunt, bases terræ sunt ipsa terræ fundamēta, quæ vt ex nihilo effecta sunt, ita super nihilo solidata, sed super se ipsis, omnibus terræ partibus nitentibus ad centrum, quod velut angularis lapis totius edificij est, ad quē partes omnes firmiter alligantur: videretur autē omni humanæ sapiētiae, si in consultationē de formādo terræ orbe à summo rerū opifice vocata esset, fieri haud quanquā posse, vt nulli innitens corpus, in medio spatiosissimi vacui firmiter maneret. Quæ hæsitatio Xenophanē Colophoniu putare coegit, terrā ab inferna parte velut in radicē infinitā produci. Empedoclē quoq; canere, infinitam esse profunditatē terræ. Taletē Milesiū, terrā aquę innatare vt lignū, Anaximenē, Anaxagorā, & Democritum, causari terrę latitudinē, non enim diuidere posse aērē lata cū sit. Neq; sane verū est, quod multi dixerunt, & Socrates etiā sibi persuasit in Phedone, terrā manere
in suo

Bases terræ quid.

in suo loco firmā quòd rotūda cum sit, & in rotundi
 coeli medio collocata, nō pōt magis in hāc quā in illā
 partē inclinare. Nam vt rectē inquit Aris. si inde ferri
 nata esset, etsi nullā in partē posset ferri tota, ferretur
 diuīsa in multas partes: non est igitur ita, sed p̄cepto
 Dei manet ibi firma. Nimirū vt in Psal. 92. dicitur. *Fir-
 mauit orbem terræ, qui non cōmouebitur?* Sed quo pacto
 firmauit? tribuens certē rebus omnibus corporeis hāc
 naturam, vt ad sese mutuo ita expetant collocari, vt
 crassa sint sub tenuibus: terram verò omniū crassissi-
 mā sub aliis omnibus statuens, quasi mundi cementū.
 His dictis de terra, transgressionē facit ad aquā, in sui
 etiam inde admirationem trahens Iob. *Quis* (inquit)
*cōclusit ostiis mare, quādo erūpebat quasi de vulua pro-
 cedens, cum ponerem nubem vestimentum eius, & calli-
 gine illud quasi pannis infantia obuoluerem? Circumdedi
 illud terminis meis, & posui vēctem & ostia, & dixi, vs-
 que huc venies, & non procedes amplius, & hic confrin-
 ges tumentes fluctus tuos.* Hæc verba enarrata ferē sunt
 super cap. primum Geneseos. Ibi enim explicuimus,
 qua ratione Deus effecerit, vt aquæ in vnum locū con-
 gregatæ terram totam non obruant, sed bonam eius
 partem, animātium generationi & vitæ, detectam re-
 linquant. Nimirum, & sæpe iam diximus, vnum ex
 ambobus corporibus terra, inquam, & aqua globum
 efficiens, quò cum amborum extremitatem eiusdem
 spheræ partes sint, neutra superstet aut substat alteri:
 fecit verò Deus terram cum tantis cauitatibus, vt ca-
 peret abyssum immensum, & maria, atque ita caperet,
 vt neque absorberetur illa aquæ moles, neque redū-
 dans innundaret terram, sed tantum eius relinqueret
 detectū, quantū ipsi rerum opifici visum est. Itaq; tā-
 tæ magnitudinis efficiēs cauitates, fecit vt mare quo-

*Cur terra
 ab aquis
 non ob-
 ruitur.*

usque ipse voluit procederet, neque inde transgredi posset, vel tantillum, etiā si arena cingatur sola, aut etiā mollissimā alga. Illæ igitur terræ partes quæ prominēt, atq; ad globi illius extremitatē emergunt, sunt vectis & ostia, quibus cōclusit Deus mare, & his vsus, circūdedit illud Deus terminis suis, hoc est posuit fines quos sibi placuit, vt & alibi dicitur, *Posuit legē a- quis quas præterire non potuerunt*: legem verò hanc posuit, dicens, *vsque huc venies & non procedes amplius, & hîc confringes tumentes fluctus tuos*. Hoc quod de tumentibus maris fluctibus dicitur, Regius etiā vates cecinit, in admirationē Dei nos vocans, in Psal. 92. his verbis. *Mirabiles elationes maris, mirabilis in altis Dominus*. Quasi dicat, ve lex elationibus maris videas quā sit mirabilis qui in altis habitat Dominus. Omnibus gētib. admirationi fuisse fluxus & refluxus maris, intel- liges faciliē ex illis Plinij verbis quæ sunt prima c. 97. li. secūdi. *De aquarū natura cōplura dicta sunt, sed æstus maris, accedere, & reciprocare, maximè mirum pluribus quidem modis*. Ac rectē quidem dicit pluribus modis mirabiles esse fluxus & refluxus maris; sunt enim re vera tales ob raritatem, quia etsi id in maris litoribus quotidie videtur bis, atque in quibusdā pluriēs, nihil tamen simile esse videtur in tota rerum vniuersitate, cuius cōparatione tollatur admiratio: deinde & quia causa tanti euentus non satis intelligitur: sed & quia illi non eodem modo vbique marium fiunt, sed variē in multis, neq; in eisdē sēper eodē modo, sed pluribus modis mirabiles, nā quocunq. die naturali, quī viginti quatuor horis cōstat, bis crescit & decrescit mare, ab exortu Solis vsq. ad meridiē crescit, inde decrescit, vsque ad occasū, vnde rursus augefcit vsque ad mediū noctis, ex quo vsq; ad summū mane decrescit rursus, idque

Fluxus &
refluxus
maris cō-
sideratio.

que in Oceano multo magis atque euidentius fit, quā in mediterraneis, neque hoc exacte, sed cuiusdam horæ partis facta detractio. Porro hi maris æstus, per *Maris æ-*
septenos dies insignes habent mutationes, septem enim primis a Luna noua modici sunt, reliquis septem *stus.*
vsque ad plenilunium increscunt manifestè inde minui incipiunt, tertio septenio afferēte etiam insignem mutationem. In equinoctiis etiā ferunt esse maximos æstus præcipue in autūnali: in solstitiis verò minimos, præcipue in æstiuali. Aiunt etiam obseruatum esse octauo quoque anno redire æstus maris ad paria incrementa, quod octo annis centum numerentur Lunæ circuitiones: ego verò crediderim horum plerāq; non tam constare certo, quam leuiter credi. Ferunt etiā esse ubi in die septies reciprocet æstus ille, vt in Eubæa: sunt etiam putei in Bætica quorū in Hispali vnus, qui augentur etiam quotidie ac minuuntur contra autē ac mare; siquidē eo crescente decrescūt, & crescūt decrescēte in Gadibus alius, qui æstum quidē habet nō tamē eisdē tēporibus semper, sed aliquādo cōtrariis, & cū hæc omnia mirabilia sint, illud verò multo magis fieri hæc tam stata & firma lege, vt vltra solitum nunquam progrediatur mare, sed certò sciant litorales quotidie quousque mare sit exundaturum, neque trāuersum pedem errantes, vt euidenter cōstet eam legē posuisse Deū aquis ne vltra procederent, sed illi cōfringerint tumentes fluctus suos, Non tamen proinde dicimus, id naturali causa destitutum solo cōstare Dei præcepto; imo verò ex præcepto Dei fluxisse rerū omnium naturas: Quapropter cum in Dei præceptū referimus quippiā, nihil prohibet naturales eius causas inuestigare. Vt mare exundet influatq; in litus indēque refluat, nō quidē ob maris in quāpiā partē fluxū eue-

nit, sed quia augetur tumefactū & quasi feruens: Quapropter, vt feruēs aqua olla exit, non alia causa, quam quòd calore rarefacta, vase non capiat, ita mare tumescens exundat in litora, contra detumescens subfidet, & velut absorptum redit in alueum. Hanc verò esse eius rei rationem inde constat, quod circa litora magis quam in altum deprehenduntur hi motus, scilicet in alto non decurrit aqua, sed sensim intumescit, ad littora currit quia non capit: fieret verò contra si influeret mare more fluminū: multo enim magis sentiretur motus vnde ageretur, quam vbi finitus cessaret. Ex his palam fit, maiori proprietate appellari tumorem fluctuum, & elationem maris, quam fluxum & refluxum: re vera enim non fluit nisi ex accidenti, quia tumescens non capit loco: æstus verò mihi videtur per analogiam vocari, quia perinde videtur mare pati, ac si æstu calorēque ferueat. Huius intumescentiae causas longe diuersas philosophi reddiderunt. Arist. & Heraclitus (referente Plutarcho) à Sole fieri censent, plerōsque enim flatus sua illum circuitiōe secum trahere, quibus ingruentibus, & protrudentibus

Mare Atlanticum. mare Atlanticum, ipsum intumescere, & æstum efficere, sopitis deinde flatibus mare sese colligere, idq; esse reciprocationem. Pythias Massilensis maris accessus Lunæ incremento fieri, decremento recessus. Plato cuiusdam specus maximi intra terram hiatus sustolli aquas, & latè effluere, subindēque eodem refluere. Timeus causatur flumina irrumpentia in Atlanticum. Seleucius flatum dicit irruere in Anthlanticum, eum verò motu terræ (hanc enim etiam moueri putat) & Lunæ agitari. Tam multas opiniones tantæ rei difficultas peperit: at mihi videtur, quæ ex his fere omnibus colligitur esse probabilissima, nam quia adeo certus con-

constitutúsque est ille motus , & numerum quendam horarum, dierum, hebdomadarum , mensium ac fortasse etiam annorum obseruet , probabiliter reffertur in superiores, æternas, stabiúsque causas, inferna enim omnia temere agitantur cùm præcipuè responderi videantur aptissimè illius circuitus Solis Lunæque motibus. Nam diurna per senas horas repetitio diurno Solis , aut Lunæ motui respondet , quæ verò per hebdomadas fit mutatio menstruo Lunæ: mutatio etiam per solstitia & æquinoctia ad Solem refertur : quia verò multi & fontes & putei , aut simul cum mari , aut contrariis temporibus crescunt & decrescunt , constat motum illum non ad supremam extremitatem aquarum cieri, sed intrinsecus à maximo illo barathro quod intra terræ viscera est; unde copiosus erumpens flatus aquas inflat , ac subsidens iterum facit detumescere , Verisimile est enim quibusdam puteis (siquidem alij omnes expertes illius passionis sunt) ampliores esse ductus vsque ad maximas illas terræ cauitates ipsis marique communes. Vt verò quidam tumescente mari detumescant , & detumescente tumescant, cum alij moueātur vt ipsum mare , causa est in ipsorum pororum quibus cum mari communicant longitudine, figura, & positu, amplitudine, aut angustia , qui enim coniuncti & mari secundum breues & rectos , amplósque & expeditos poros sunt, implentur cum ipso , qui verò contra secundum locos angustos, & in contrarium tortuose ductos, his aqua absorbetur ab ipso intumescente mari; non aliter ac in corporis nostri venis euenit, vt magnarum scissione, quæ coniunctæ sunt tractione repleantur, quæ contra positæ, innaniantur reuulsione, qui mediocriter ad mare habent, non nunquam simul cum mari, nonnun-

quam contra patientur vt hūc aut illūc flatus ille à barathro contigit moueri : qui verò non habent(huiusmodi sunt omnes qui refluunt vsque ad mare)illos poros vsque ad barathrum perpétuos,& secundum omnem longitudinem expeditos, sed multis in partib. intercisos,& obturatos interstite (dura quidem vt obfiat, rara verò & percolandę aquę peruia) terra: aut per reciprocos flatus expulsi ; & supra naturam suam acti fursum, à reliquia aqua decisi pendent, nullam talem passionem subeunt, sed sine æstu perseverant, vtcunq;

Motus maris causa.

moueatur mare. Itaque proxima mouendi maris causa est flatus intra terrę cauernas conclusus: primà verò fortasse, duo luminaria, quę generant flatum, & commonent, tametsi & in ipso flatu est mouendi causa, quod aqua pondere subsidens premit illum, is pressus erumpit & violenter extollit aquas, eo impetu sedato rursus aquę subsident, atque ita alternis vicibus agitur vtrumque. Figura verò & magnitudo cauernarum, non ybique eadem sed valde dissidens, facit vt quędam maria simul crescant, quędam contra, quędam bis, quędam pluries, quędam hūc, quędam illūc versus, vt lacus Meotis in Pontum : hic in Propontidem, non contra. Itaque horum omnium, quę difficillima quidem sunt, intra terram esse videtur causa, vt verò hæ innundationes accommodentur illis horarum, mensium, & annorum articulis opus esse videtur astris, atq; vt rarumq; causarum copula veritas rei huius constare. Hæ cū sint exundationis maris causę, earum modus & certa facultas efficit, vt passionis quoq; eius, siue motus certa sit mensura. Nimirum Lunę, Solisque eadem semper suique similis est facultas, regulam tenens æternam, accessus & recessus, ac circuitio-

Maris termini.

num, Abyssi etiam illius ingētis, & humoris halituūma-

que

que inclusorum, ad totius maris molē est certa ratio & mēsurā, vnde fit, vt sit certus quidam modus intumescentiæ illius maris, ac proinde & fluxus & refluxus. Atqui qui modum eum causarum posuit, is quoque legem posuit mari, dixitque. *Vsque hūc venies, & non procedes amplius.* Neque vero quia quædam loca mari submersa sunt superioribus temporibus, ac nunc etiam alia periclitantur mergi, nisi obstaculis quibusdam obsisteretur mari, vt in Olādia, & Zelandia, quod de certa aquarum lege dictum est, redarguitur: magna enim ex parte illūc, non tam detinetur quominus constitutos sibi fines excedat mare, quam ab illis finibus arceatur, obstaculis quibusdam ab incolis factis atque cum aliis insularum partibus arceatur, non potest alias inuadere: atque ita factum est, vt pagos quidem & villas occupauerit, aliis verò non minoribus partibus cesserit, hominum ad has mutationes industria iuuante, præterquam quod legem quam posuit Deus aquarum fluctibus, noluit ipsemet Deus adeo esse impermutabilem, vt quam Soli Lunæ & reliquis astris. Illa enim ita iter peragunt imperatum, vt ne latum quidem vnguem essent hūc aut illūc declinata, ne si infinitum quidem tempus duraturus esset mundus: mare verò non ita, sed tam lentas effectūrum mutationes, vt conferentibus nobis quęcunq; ab antiquissimis cosmographis scripto mandata reperimus, cum iis quæ conspiciamus, nullæ prorsus fieri videantur, eadem enim mēsurā, eadem figurā, continentis, & insularum omnium: si verò in mille myriadas annorum esset mundus hūc duraturus, non dubium quin permutāda forēt omnia, commutandāque loca terræ & aquæ. hinc exesa terra, illūc cōgestis arenis, adeo tamen lente, vt nullis hominum seculis agnosci possit vlla insignis mutatio, sed

Lex maris.

quantumuis vterentur scriptis, essent omnes putaturi, nihil esse vnquam permutatum. Neque quidem (vt dixi) hoc dictam aquarum legem tollit, hac enim ipsa cōditione lex à Deo data est. Nimirum, est naturalis conditio rerum corruptibilium omnium, vt semper secundum se totas, aut secundum partes recipiant alterationes. Retenta igitur hac naturali rerum conditione, imperauit Deus mari, non procedes amplius, non scilicet ita procedes, vt animantibus terrori sis aut eorum generationem tollas, sed hīc confringes tumentes fluctus tuos, tam perseueranter, vt nullam secula vlla sentiant insignem permutationē. Quapropter quod de Athlantidis insula mari submersa Plāto narrat in Timeo, falsum prorsus est, atque impostura Chaldæorum, qui antiquitatis opinione, multa eiusmodi mendacia narrabant Græcis, dicentes se (vt refert etiam Citero plus quam quadraginta mille annorū historiam habere.

Chaldeo-
rū repre-
hensio.

Sed quanta his impostoribus idolatriæ, & præstigi-
rum omnium parentibus, fides habēda sit, multis iam
locis indicauimus. Quod verò Arist. dicit, alternis vi-
cissitudinibus mutari mare, & terras, quasdamque in-
sulas disparere, alias emergere, non est historicè acci-
piendum, sed philosophicè, cum enim ille putaret mū-
dum ab æterno extitisse, neque finem habiturum, me-
rito colligebat, nō semel sed infinities mutāda omnia,
secundum partes quæ ortui & interitui sunt obnoxia.
At verò id factum cum nondum sit, neque fortasse an-
tequam sistatur cœli motus sit efficiendum, historia
constare non potest, sed stat firma lex, quam Deus po-
suit aquis. Atque conditione naturali seruata stabit,
vsque dū eam ipse legislator, cui vt nuper dixit Eliud,
nullus similis est in legislatoribus, e. simul cū hac mun-

di forma soluat. Quod igitur ad maris fluctus attinet, ita habet. Illud superest interpretemur. *Quando erumpebat quasi de vulua procedens, cum ponerem nubem vestimentum eius, & caligine illud quasi pannis infantiae obvoluerem.* Videtur enim hoc aliud esse quam quod in Genesi dicitur à Mose, ubi maris generationem ita tradidit. *Dixit verò Deus congregentur aquæ quæ sub cælo sunt in locum vnum, & appareat arida.* Quæ verba significant haud dubiè, in initio delituisset totam terram sub aqua, hanc deinde præcepto Dei secesisse in locum vnum, & detectam esse eam terræ partem quam incolimus: præsentis verò loci verba videntur innuere, factam esse aquam sub terra, atque cum inde velut ex vulua magno impetu erumperet cohibitam esse præcepto Dei, & conclusam ostiis, quominus totam terram occuparet: hæc verò longè diuersa ratio mundi efficiendi esse videtur. Quæ non alio quam hoc *Chaos.* modo censeo componi posse. Initio fecit Deus rudem quandam congeriem elementorum, quam dixere Chaos.

Erat verò quoddam lutum ex tota terra aquaque commistis, quod circumstabat moles magna nebulosi & omni luce carentis aëris, densissimis Aegypti tenebris simillimi, mox vt separari hæc cæperunt subsidēs fecis more terra expressit aquam, quæ ita ex terra erumpebat velut ex vulua procedens. Rectè enim terra mundi vuluæ confertur, siquidem in ea concepta, ex ea nascuntur omnia, aqua verò rationem habet feminis communis, per eam enim fecundatur terra, neque sine ea procedere ex sese quippiam potest. Accommodatissima ergo comparatione, exitus aquarum è terra eruptio ex vulua vocatur, feminis scilicet communis ex communi matrice. Et tunc quidem aqua nebuloso

& caliginoso aëre erat) recens à terra nata) velut pan-
 nis infantia obuoluta, tenebris scilicet, quæ erant su-
 per faciem abyssi aqua separata, & vt par erat super-
 itante formauit Deus terram qualis nunc est, confir-
 mans eius fundamenta, præparansque in ea foveas im-
 mensas & cavitates, iussit aquas in illas secedere, & fe-
 cit ex terra & aqua vnicum orbem.

CAPVT. QVINQVAGESIMVM
 TERTIVM.



A P. 38. Iob. *Per quam viam spargitur lux, diuiditur æstus super terram?* Arist. libro secundo, de anima capit. 7. repræ-
 hendit Empedoclem, quod dixit, lumē seu fulgorem esse quiddam, quod feratur, & extendatur inter terram & coelum (itaque per aërem) verum eam lationem & effusionem nos latere, fortasse quòd tenuissima res sit, & celerrimè feratur, hoc inquam repræhendit Aristot. quia ferri & extendi corporeæ substantiæ solum est, lumē verò nihil est aliud, iuxta illius sententiam, quam quædam patibilis qualitas, per præsentiam rei lucidæ genita, per quam quod erat potentia diaphanum, fit actu diaphanum. Quæritur verò à domino. hoc loco, per quam viam spargitur lux quasi scilicet spargatur, spargi verò genus quoddam lationis significat, quapropter & corporea substantiā esse videtur, talis verò si esset, haud quam posset replere totum aërem sine corporū penetratione, nisi forte aër, vt hoc argumēto visum est multis philosophis, poris vacuis abundat: si verò vacuum nihil est, haud poterit per totum aërem substantia alia ferri, quantumuis sit tenuis. Accedit quòd si ex So-

Lucis de
 finitio.

le continēter efflueret illa substantia, iam pridem esset absumptus totus, aut saltem esset aliquando totus illuminatione absumendus, constat verò illuminationem lucidis corporibus nihil detrahere, quapropter corpus non est, quare neq; spargi videtur posse. Mirabile verò etiam, si corpus non est quo pacto radiis stet, qui recta ferantur, reflectanturque & incidunt ad angulos rectos, acutos, & obtusos, & mille modis congregiantur. Nam, si corporea substantia non est, sit sane accidens, aut substantia incorporea, at verò neutrum horum videtur illa pati posse, nā flecti, & ad hos aut illos angulos incidere, & rectum esse aut curvum, figuræ quædam sunt: figura verò non est nisi in corpore, quare in incorporea substantia, ut in mente, nullatenus, in accidenti corporali, non nisi per accidens, hoc est per ipsum corpus cui inest, velut candorem nemo dicit triangularem, aut quadratum, nisi quia papyrus hac aut illa figura, est, ita neque nigritem, nisi quia litera. Eadem etiam ratio, ac fortasse etiam maior sit de aliis omnibus qualitatibus, quis enim audeat dicere, dulcorem. aut calorem, rectum aut curvum, triangularē aut quadratum? non igitur posset lumen, nisi substantia quædam corporea esset, reflecti nisi cum aëre illuminato: at verò reflectitur in umbra, nullatenus reflexo aëre, non enim ut Echo sit repercussio aëre, ita umbra, sed ipso quam maximè quiescente, reflectitur. ergo lumen non ut accidens, sed per se, ut corporalis substantia quædam quæ per aërem spargitur. Sed quæ eius via? corpori enim non potest esse per corpus via, si verò quantum est lumine plenum in aëre, erat vacuum, totus cum illuminatus sit, nullus relinquebatur aëri locus, præter quàm quod vacuum non esse, nulli iam video esse dubium. Mirabilis profecto est lucis natura, adeo ut à quibusdā Phi-

*Lux nō est
substantia.*

losophis corporalis Dei pars appellata sit, cuius anima esset veritas, Deus ipse Opt. Max. primo statim generationis die, ipsam fecit, singulariter commendauit videns lucem quod esset bona. Videtur esse res sui generis, neque corporalibus rebus, neque penitus spiritualibus annumeranda, quæ difficilis sane cognitu est, neque scio an vlli satis perspecta, qui non eius originem in æterno exemplari contemplatus sit. Nos interim pro nostro captu eius conditiones perpendentes, quod Deus dederit differemus. In primis substantia videtur esse non posse, quandoquidem neque corporea neque incorporea, corporea quidem, quia non posset aërem penetrare, quem tamen totum illuminatum esse videmus: incorporea quia videri non posset, lumen verò videri constat, quia sensus organum ita afficit vt corrumpat etiā aliquando, velut excellens sensibile. Quo pacto autem esset excellens sensibile, quod omnino sensibile non esset? est igitur sensibile, alioqui quomodo in solum aërem intendentes visum, dignosceremus diem esse aut noctem. Neque verò videtur horum alterutrum priuatiuè cognosci, sed vtrumque per veram passionem visus, à lumine quidem disgregati à tenebris congregati. Sed, etsi dicamus tenebras priuatione cognosci: Vtrumque tamen non potest, cū enim contraria sint, non possunt ambo priuatione fieri: lumen igitur per se videtur, quare non est substantia incorporea, vt Deus, aut mens. Sed neque accidens incorporeū est, vt notitia intellectiua, aut quippiam tale, quia ne sic quidem sentiri posset, visoriū enim organum corporeum cum sit, ab spiritali passione affici non posset, superest igitur vt sit accidens corporale, hoc est affectio aut passio corporis cuiuspiam. Eius igitur quod illuminatur, hoc est diaphani dicitur enim,

Lux est accidēs corporeale.

enim, estque re vera mediū actu diaphanum seu trās- Diapha-
nū quid.
parens, cum illuminatū, atque hac causa translucens e-
tiam vocatur quod transparent, quasi idē sit, actu trās-
parens & translucens: quod vero tenebrosum est dia-
phanum potentia, capax enim lucis & ea carens. Hac
causa Arist. dicit lumen & tenebras eandem rem esse
numero, puta ipsum diaphanū, ratione differre, quod
enim potentia diaphanū, tenebræ: quod actu, lux est,
itaque quod prius erat tenebra, fit deinde lux. Quem
loquendi modum ad spiritalem transferens lucē, Pau-
lus, ad Ephesios dixit, *eratis aliquando tenebræ, nunc
autem lux in Domino.* hoc etiam significato acceptum
est tenebrarum nomen cap. 10. Exodi, vbi dicit, *Extē-
de manum tuā in cælum, & sint tenebræ super terrā Ae-
gypti tam densæ, vt palpari queant.* Nimirum aër illu-
minatus rarefcit, quia lumē ignem conuocat, lumine
priuatus crassefcit excluso igne, per summas ergo te-
nebras fieri poterat adeò dēsus, vt palpari posset, hoc-
que est tenebras palpari, hoc est aērē lumine priuatū.
Ita quoque fieri poterat tenebrarū catēna, vt dicitur
17. Sapientiæ, Verum in his omnibus locis, nomen lu-
cis & tenebrarum materialiter accipitur. Vt & ab A-
ristotele: formaliter enim constat aliud quippiam esse
vtrumque ab ipso aëre, seu ab ipso diaphano. Si enim
quod erat potentia diaphanum, fit actu diaphanum, il-
la ipsa Entelechia actu diaphani, seu forma, seu ratio,
quā actu diaphanum fit, fit formaliter lumen: itaque
lumen fit Entelechia, seu actus diaphani; tenebra eius
Entelechiæ vacuitas, coniuncta cum potentia, & po-
tentia autem & actus est diaphani, quare vt dictū est,
fit lumen affectio aut passio corporis cuiuspiam. Quo
pacto igitur spargitur, & recta producit, & reflecti-
tur? Nunquid hæc accidunt lumini materiali, hoc est

illuminato aëre, an formali, hoc est Entelechiæ actu diaphani? Certè huic, nam per aërem quiescentem spargitur, rectaque producitur & reflectitur lumen. Quomodo ergo hæc verè dici possunt de passione? nō sanè propriè, & vt ea verba lationem quandā significāt, sed analogicè. Quia ipsum illuminari, seu lucidum fieri, phantasiā præbet taliū lationum, re vera autem fieri videtur, vt nūc dicam. Illuminatur aër, cum sit ex potentia diaphano actu diaphanum: fit verò tale sola præsentia corporis lucidi, vt Solis, aut ignis, itaque lux est facultas quædā, seu virtus quod potentia diaphanū est, efficiendi actu tale, per solam suam præsentiam. Quoniam igitur corpus lucidum illuminare non potest, nisi illud medium inter quod & ipsum nullū intercedit oppacum (quia hoc cum non sit potentia diaphanum, non est capax luminis) fit vt lumen fieri non possit, nisi in ea mediij parte, ad quā ex corpore lucido duci potest linea recta nulli oppaco occurrens, ob id secundum lineas rectas ferri dicitur lumen: etiam si reuera, non sit res quæ feratur.

*Lux totū
spatiū nō
equaliter
illustrat.*

Porro lux, vt maior aut minor est, ita maius aut minus medium potest illustrare, atque illud ipsum illustrare, magis aut minus, neque equaliter quidem totū spaciū, sed proxima pars illustrior fit sensim languescēte lumine, vt à lucido corpore receditur, tanto enim quæuis pars minus afficitur, quantò longius abest à facultate, vt ferrū tantò lentius trahitur, quantò longius distat à magnete. Cum igitur lumē, antequā omnino sit exoluta facultas lucis incidit in opacū, quæ antrorsum per aërem erat alteratio producenda, retrorsum producitur: idq; vocant reflecti lumen, tametsi non sit flexile quippiam, sed horsum aut illorsum acta alteratio. Eadem autem ratio est luminis, & visibilium specierum

ciërum colorum omnium, nam lumen nihil aliud est *Luminis definitio.* quam lucis species per diaphanum effusa, per quam & lux videtur, & ipsum diaphanum actu fit, vt species colorum omnium per illud transmittat. Vt igitur à lucido corpore lumen, ita species colorum à coloratis per diaphanū, sola præsentia producantur, hoc interest, quod lumen facit diaphanum actu, reliquæ species id non valent facere, sed per diaphanū actu producantur: nimirum indicatum mihi alibi est, colores lucis participatione innasce corporibus, esseque flammulas quasdam lucis æmulas, sunt ergo genere similes minus autem possunt. Vt igitur lumen est Entelechia actu diaphani, ita reliquæ omnes species actu diaphani passiones quædam. Mirabile igitur est, quod cū videantur per aërem spargi lumen & colorum omnium species, nihil tamen spargitur, neque penetrat, aut pulsatur aërem, vt Empedocli videbatur, sed aër ipse mirabilibus quibusdam alterationibus, induit omnium corporum quæ adsunt formas. Hæc quo pacto fiant, nullus hominum potest distincte eloqui, neque cogitare, tametsi fieri quidem omnino probabiliter differuimus. Proinde humanam ignorantiam arguens Dominus, interrogat Iob, *per quam viam spargitur lux?* addit, *diuiditur æstus super terram?* Aestum super terram fieri à cœlestibus corporibus, notius est quam vt quispiam posset dubitare, tamen illius causam referre in motum, maximus atque appertissimus error est Aristotelis: non enim minus aut tardius mouetur Sol noctu quam interdiu, sed minus illuminat. Quare cum id quo præsentē fit, & quo absente cessat affectio, causam esse omnes homines censeant, constat ad lumen debere referri æstum, non ad motum: lumen verò proprietate quadam esse effectiuum calo-

*Æstus
considera-
tio.*

ris, in materia quæ potest calefieri, etiam si Sol & alia alstra eius passionis expertia sint, vulgares philosophi affirmant: quod probabilius dicitur, quam cœlorum motu fieri, longe autem probabilius quod sæpe iam diximus, ignē qui per omnia permeat, sequi Solis fulgorem, ob analogiā tractum, atque ideo quæ à Sole illuminantur à subsequēti igne calefieri. Diuiditur ergo æstus super terram, ut ignis hanc aut illam partem magis occupat, hocque euenit, ut hanc aut illam magis spectat Sol. Calefacit ergo magis partem quam magis illustrat, eoque, & quam rectius aspicit, quia ab ea parte reflectitur lumen, ut explicuimus: geminata ergo illa passione fit maior illustratio, & maior ignis conuocatio, & calefactio maior. Iuxta luminis igitur intensiorem diuiditur æstus super terram: minimo quidē existente in ea parte, quam Sol non intuetur: maiori in ea quam oblique: multò, in ea quam recta plurimum ad calefactionem iuuante mora, quia cum lumine ignis quoque immoratur. Via autem æstus occulta est, nimirum pori aëris, quia rarefcit penetratus à corpore tenuiori.

Hæc de lumine, & comite illius æstu. Est quoddam aliud superius lumen hoc nostro quod conspiciamus, corporale illud etiam, in sede beatorum, quo Solis facultas non pertingit, solius agni præsentia conseruatum, velut, & hinc apud nos tribus primis geneseos diebus seruabatur; tantò præstantius hoc, quantò supremi illius cœli corpus, aëris in quo viuimus corpore. Est aliud longe diuinissimum, minimè corporale, quo non pascuntur beatorum oculi, sed illustrantur mentes, quod vocant lumē glorię hoc verò agnoscere non pertinet ad philosophum, se ipse Deus annuntiat de eo amico suo, quod possessio eius sit, ut
capite

capite trigesimosexto dixit Eliud, quæ verba valde consonant cum illis Platonis in dialogo de natura.

Superiora verò his horû principia Deo nota sunt. atque ei qui Dei sit amicus: vsque adeo Ethnicus ille, hac certè causa sapiens, diffidebat scire se posse prima & certissima rerum naturalium principia, nisi Deo reuelante: neque sanè de humilibus & incertis posse, nisi ad probabilitatem aliquid disputare. Vt liceat mirari quorundam Christianorum temeritatem ad credendum, qui eorum quæ opinantur, nihil non putant se certissimè scire, quo fit, vt ad credendum quæ non intelligunt sint duriores, quia opinione sapientiæ sũt stulti, cum tamen Deus ipse toto hoc capite hominibus indicet suam, rerum etiam quas vident, & quibus viuunt ignorationem. Mihi mea ignorantia opinio præsto sit, & humilitas. Per hanc enim (arbitror) viam spargitur lux. Deo gratias.

CAPVT QVINQVAGESIMVM

Q V A R T V M.



CAP. trigesimo octauo, Iob, *In similitudinẽ lapidis aquæ durantur, & superficies abyssi constringitur.* De grandine videntur dici illa verba priora. *In similitudinẽ lapidis aquæ durantur.* & de glacie quæ apud nos fit, posteriora illa, *Et superficies abyssi constringitur.*

Nimirum grando & glacies eadem res est, aqua scilicet præ frigore cõstricta. Figura solum differt, quod scilicet, grando orbiculares quidam lapilli sunt, ex pluuię cadentis guttulis geniti, glacies verò fit ex cõ-

*Glaciei
confide-
ratio &
grandinis*

tinuata aqua, siue in fluminibus, siue mari, siue fontibus, siue in stagnis, aut vasis quibusuis concrefcente, & ipsius aquæ quæ concreta est figuram retinet, tametsi sphærulæ illæ nomen peculiare habēt, diciturque Latinis grando, Græcis κ'α'λ'α'ζα tamen communi nomine dicitur vtraque glacies, & Græcis κρυς'αλλος. Atque ita de grandine dicitur in Psalmo centesimo quadragesimo septimo. *Mittit crystallum suam sicut buccellas, ante faciem frigoris eius, quis sustinebit?* de glaciei verò generatione dicit, *Constringitur facies abyssi*, quia concretio aquæ semper incipitur à superficie, & procedit versus imum, atque adeo superuehitur in aqua, atque si violentia demergatur in profundum, sponte effertur, itaque semper occupat abyssi superficiem: cuius rei causa pendet ex ipsius glaciei generatione. Dictum enim mihi iam est non semel, aquam suo naturali frigore concrefcere, per ignis, & calidarum exhalationum absentiam. Quia si affectionem ullam frigidam præter naturam pati posset, esset aliud quippiam natura frigidius: cum verò necesse sit quod est primò, esse etiam summè tale, necesse est aut aquam non esse primum frigidorum, aut nullum frigus esse illi præter naturam. Cum igitur quando recedente Sole, ignis eius affecla ex propinquo aëre fugit, vapores frigidi eius loco in aërem se effundant, & exhalationes calidæ in profundum terræ se condant, necesse est & à superficie abyssi recedant priusquam ab aqua profundiori, atque ita inde incipiat glacies. Qua etiam causa sese frigidis tēporibus pisces in profundo recondunt, quò ad vitam indigēt calore potituri, vitaturique mortiferum frigus. Glacies itaque hac causa gigni incipit à superficie abyssi. Grando quoque videtur quibusdā fieri ex nubibus, primū qui dem

dem in glaciem duratis, deinde ventorū frigore comminutis in frustula, aut etiam calore Solis. Itaque esse grandinem frustula decisæ glaci, ea verò fieri in ipso descensu rotunda, longo illo præcipitio velut conuoluta. Fuit hæc sententia inter antiquos philosophos Epicuri, inter Christianos Diui Ildori Hispalensis, cui videntur suffragari illa verba capitis 43. Eccles. *In magnitudine sua posuit nubes, & confracti sunt lapides grandinis.* Hæc enim aperte videntur innuere, confractis lapidibus (ex glacie scilicet) factam esse grandinē. Cæterum Arist. euidenter satis refutauit hanc sententiam, capite duodecimo primi Meteororum his verbis, *Absurdum præterea suspicari, aquam superiori in loco congelascere, quandoquidem fieri non potest vt id consequatur antequam reddatur aqua, neque vlllo tempore aqua suspensa permanere potest.* Hæc Aristot. Ex quibus palam fit, ex nube aquæ guttas fieri prius, his deinde seorsum cadentibus, & gelascentibus, fieri grandinem, & ipsarum guttarum figuram retinere. Illud verò Ecclesi. ita intelliges, confractos esse lapides grandinis, hoc est, decisos ex nube, non quidē gelata prius, sed per particulas in guttas abeunte: verum enim ita etiam est, lapides grandinis ex nube esse decisos, & si non sint decisi facti iam lapides, sed post decisionem lapidauerint.

CAPVT QVINQVAGESIMVM

QVINTVM.



A P. 38. Iob. *Quis posuit in visceribus hominis sapientiam, vel quis dedit gallo intelligentiā? quis enarrauit cælorū rationem, & concentum cæli. quis dormire faciet?*

Quando fundabatur puluis in terra glebæ compingebantur? Nunquid capies leonæ prædam & animam catulorum eius implebis, quando cubant in antris, & in specubus insidiantur? Quis præparat coruo escam suam, quando pulli eius clamāt ad Deū vagātes, eo quòd nō habeant cibos? & cap. 39. Nunquid nosti tempus partus Ibi cum in petris, vel parturientes ceruas obseruasti? Dinumerasti menses conceptus earum, & scisti tempus partus earū? Incuruantur ad fœtum, & pariunt & rugitus emittunt. Separantur filii earum, & pergunt ad pastum. Egrediuntur, & non reuertentur ad eas, Quis dimisit onagrum liberum, & vincula eius quis soluit? Cui dedi in solitudine Domum, & tabernacula eius in terra falsuginis. Contemnit multitudinem ciuitatis, clamorem exactoris non audit. Circumspicit montes pascuæ suæ, & virentia quæque perquirat. Nunquid volet rhinoceros seruire tibi, aut morabitur ad præsepe tuum? Nunquid alligabis rhinocerota ad arādum loco tuo, aut cōfringet glebas vallium post te? Nunquid fiduciam habebis in magna fortitudine eius, & derelinques ei labores tuos?

Nunquid credes illi quoniam sementem reddat tibi, & aream tuam congreget? Penna Struthionis similis est pen nis Herodii, & Accipitris. Quando derelinquit ova sua in terra, tu forsitan in puluere calefacies ea? obliuiscitur quòd pes conculcet ea, aut bestia agri cōcerat. Duratur ad filios suos, quasi non sint sui. Frustrā laborauit nullo timore cogente, priuauit eam Deus sapientia, neque dedit illi intelligentiam.

Cū tēpus fuerit in altū alas erigit deridet equū & ascē sorē eius? Nūquid præbebis equo fortitudinē aut circumdabis collo eius hinnitū? Nūquid suscitabis eū quasi locustas? Gloria nariū eius terror, terrā ungula fodit, exultat audacter, in occursum pergit armatis. Contemnit pa uorem,

uorem, neque cedit gladio super ipsum sonabit pharetra, vibrabit hasta, & clypeus. Feruens, & fremens, sorbet terram, neque reputat tubæ sonare clangorem. Vbi audierit buccinam dicit Vah. Procul odoratur bellum, exhortationem ducum, & ululatum exercitus. Nunquid per sapientiam tuam plumescit accipiter, expandens alas suas ad austrum? Nunquid ad præceptum tuum eleuatur Aquila, & in arduis ponet nidum suum? In petris manet, in præruptis silicibus commoratur, atque in accessibus rupibus. Inde contemplatur escam, & de longè oculi eius prospiciunt. Pulli eius lambunt sanguinem, & ubicunque cadauer fuerit statim adest. hæc Iob.

Vt corporearum substantiarum præstantissimæ sunt, quæ vocamus animalia, ita ex naturæ eorum contemplatione, maxime erigitur humana mens in altissimi Dei contemplationem. Nimirum optimum opificium optimi opificis argumentum est. Proinde Dominus recensitis quamplurimis quæ spectant ad mundi partes sensu carentes, attingens per capita, quæ spectant ad animalium historiam, disputationem claudit. Nihil autem mirabilius est in animalium genere, quàm id quo à reliquis corporibus differt, puta cognitio: in hac verò mirabilis tanta differentia, vt alia sint stupidissima, alia sagacissima, alia audacissima, alia timidissima, alia prolis amantissima, alia negligentissima. Porro mirabilis est compositio singulorum corporum, & partium omnium ad mores accommodata structura. Mirabilis quorundam animi vigor postremò & corporis moles. Quæ omnia attestantur quàm maximè sapientiam, potentiam, & bonitatem Dei: quandoquidem fieri non potest, vt animantia, vi cognoscendi, & sapientia plus aut minus participant, & prima rerum omnium causa quæ ipsa fecit non sit intelligens & sapiens.

*Animaliū
cognitio.*

Ad hoc argumentum spectant verba illa Psalmi nonagesimitertij, *intelligite insipientes, & stulti aliquando sapite. Qui plantauit aurem, non audiet, aut qui finxit oculum non considerat?* Quod quidem argumentum firmissimum est, si semel concedatur, hominem vt & quodcunque aliud animal Dei esse opificium. Non enim posset Deus audiendi aut videndi organum formare, ipsum audire, aut videre non agnoscens, Neque cum adhuc nihil esset extra ipsum, poterat nisi in se ipso agnoscere, quare necesse est ipsi præstantiori modo esse ea omnia, cognoscere videlicet & sapere. Neque aliter possit quispiam id negare, quàm negans hæc à Deo quopiam esse facta, sed sponte constituisse talia, vt & ipse Deus per sese est. Hoc igitur refutans Dominus exorsus est hanc disputationem ab illis verbis. *Vbi eras quando ponebam fundamenta terræ? & paulò infra in hoc ipso cap. dicit, Sciebas tunc quod nasciturus esses, & numerum dierum tuorum noueras?* quasi dicat, tu ipse tibi conscius es, te nullibi tunc fuisse, ac ne fuisse quidem omnino, nihil igitur habes ex te ipso, ne ipsum quidē esse, sed ab aliò es factus, à quo necesse est acceperis quæcunq; tibi naturaliter insunt. Neque sanè sit satis dicere, à parentibus, nam illi etiam paulò ante te facti sunt, quapropter eadem est dubitatio, eundūque in infinitum, aut postremò consistendum in aliquo qui nunquam non fuerit, à nullò factus, à quo facta sint omnia, cuius sint per se bona omnia, quæ reliquis omnibus communicauerit. Si igitur non semper fuimus, vt nos ipsi nobis testes sumus, neque fecimus ipsi nos, ipse profectò fecit nos, qui semper, ac per se est, quapropter quidquid in nobis, aut aliis vllis rebus est boni, in illo necesse est sit eminentius. Ad hoc argumentum etiam pertinent prima illa verba

præscriptæ orationis. *Quis posuit in visceribus hominis sapientiam? vel quis dedit Gallo intelligentiam?* quasi dicat, neque homo accepit sibi sapientiam præ reliquis animantibus, neque eam quam habent intelligentiam illis impertitus est. Necesse est ergo tributa esse hæc & alia omnia bona quibus participât, tum hominibus tum reliquis animantibus, tū etiâ reliquis omnibus rebus quæ natura constant, ab vno aliquo ente ante omnia entia, & bono ante omnia bona, cū quo nullus homo possit contendere: videbatur enim Iob velle contendere: cum Deo, vt exprobabatur ei amicis. Dubitatum est à philosophis de ea quæ brutis inesse videtur intelligentia plerisque negantibus esse illis vllam rationis vim, sed sensum solum, aliis etiam non paucis asserentibus, præter sensum inesse illis quandam mentem. De qua quæstione Plutarchus libello de animalium industria, optimè mihi videtur disputasse. Negant vllâ esse vim rationis brutis, hoc præcipuè argumento, quod omne animal esset rationale. Videtur autem rationale differentia animalis esse, quapropter vt in aliis contrariis euenit, ita in hac quoq; oppositione, necessariò si vnum est, sit etiam alterum, vt si quodpiam est animal rationale, sit etiam aliquod irrationale. Quare si homo animal rationale est, sit quod non est homo, animal rationis expers. His alij respondent; rationale & irrationale differentiam animalis non esse sed corporis, numero quidem eandem cum sensibili & insensibili, eo quod rationale separari non possit à sensibili. Stratonem physicum referunt libellum quendam scripsisse, quod sensus sine mente esse nõ possit, quod præcipuum est fundamentum eorum, qui plus aut minus censent animalia omnia ratione participare. Itaq; hûc controuersia vertitur, an possit esse sensus sine mēte: si

*Bruta quo
modo in-
telligent.*

*Nota hæc
disputatio
nem.*

*Sensus an
sine mēte.*

enim non potest, necesse est animantibus omnib. mentem concedere, aut brutis etiam sensum denegare. Videtur autem non posse mens separari à sensu, quandoquidem vt Hippocrates dicit, qui parte aliqua corporis dolentes dolorem non sentiunt, iis mens ægrotat. Si igitur cum mens ægrotat alienatæque est, ita vt sensuum organis intenta non sit, etiam si dolendi accedat causa non sentitur, multo minus sentiri possit res vlla alia earum quæ minus violenter sensum pulsant, nisi adsit mens, quod etiam in nobis ipsis experimur. Nam cum de re alia attentius cogitamus, plurima ob uersantur ob oculos, & aures, quæ neque videmus, neque audimus. Si igitur animantia mente prædita, cum mēs nō attendit nō sentiunt, multo minus sentire possent quæ penitus esse amentia. Quod si amentia sentire non possunt neque sensum possunt habere. Non potest igitur sensus esse sine mente. Ex hac, etsi natæ sunt duæ longè diuersæ assertiones. Plerique enim eorum qui eam recipiunt, colligunt omnia animalia, plus aut minus esse mentis, & intelligentiæ participia. Quidam nostratium nuper, ne brutis concederet rationem, timens (arbitror) ne & immortalitatem cogeretur concedere, sensum etiam abstulit, negauitq; vlli præter hominem esse sensum, sed quæcunque à brutis sensu quodam agi viderentur, sympathia quadam & antipathia potius agi, & naturæ magis quam animæ esse opera. Si itaque dicta thesis recipitur, duorum alterum fit, aut nulli præter hominem esse sensum, aut animantibus omnibus esse mentem, & rationem, quibus vtrumque videtur esse absurdum, negabunt non posse esse sensum sine mente. Qui soli homini sensum tribuit, difficilem possit adhibere interpretationem multorum quæ in sacris scripta sunt. Nam de equo dicitur, *vbi au-*
dierit

dierit buccinam dicit, *Vah*, prœul odoratur bellum, exhortationem ducum, & ululatum exercitus. Rursum de Aquila. inde contemplatur escam, & de longe oculi eius prospiciunt. Neque solum Aquila & equus, sed & bos & asinus stupidissima animalia, agnoscunt possessorem suum, & prœsepe Domini sui, cap. i. Esaiæ. Sed & opinio ipsa per se est absurda: nulla enim fides haberi potest sensibus nostris, proceditque dubitatio usque ad insaniam, si quæ cernimus intuitu quorundam rerum perterrita fugere: rursum quibusdam rebus allici, pulsata vociferari, amicitia & inimicitia leges observare, sensum ullum habere negauerimus. Proinde hac assertionis parte, quæ non longè abest à delirio dimissa, alteram consideremus. An scilicet brutis ratio vlla inest. *An ratio sit brutis.* Videtur quidem inesse nulla, quia ratio consensu philosophorum, destinatur ad virtutem: virtutis verò & vitij non videntur bruta esse capacia, igitur neque rationis. Alij cōtra, his obiiciunt, multa animalium tam terrestrium quàm marinorum, quàm etiam volatiliū opera, quæ eadem si qui hominum faciunt, censentur prudentissimi, quin etiam homines ipsos, quamplurima eorum ob quæ maximè laudantur, facere cæpisse illorum imitatione. Quo pacto igitur (dicunt) non sit iniquum illis eam laudem detrahere, quam nobis ex eorum imitatione assumimus? Præterea ad eandem facultatem pertinet bene & malè aliquid facere. Non enim euenit malè videre auribus, aut malè audire oculis, sed vtcunque videre oculorum est, & audire aurium. Igitur desipere, aut insanire, eiusdem est cuius sapere, & bene ratiocinari. Nemo enim vocat lignum insipiens, quia scilicet sapere aptum non est. Videntur autem bruta nonnunquam decipi, quod quidem facit artem venandi iucundissimam, quia multis modis illis

*Quæ ani-
malia ra-
biem pa-
tiantur.*

imponitur, etiam si non paucis illa vtātur stratagematis ad vitandum insidias. Videntur etiam aliquādo insanire, nam simiæ ebrietate corripuntur, & vt alios morbos quamplurimos, ita hydrophobiam, seu rabiē pati solent canes maximè, sed & equus, bos, & asinus, & Camelus, quem morbum medici ponunt in Maniæ generibus. Si igitur bruta possūt delirare, possint & ratiocinari. nam delirium læsio rationis est. Cum igitur ex hac parte adeò vrgeāt hæc, videanturq; animalia ratiocinari, suo quodque gradu, & alia plus aliis (quis enim neget asinum stupidiorē esse vulpe, & Struthionem perdice?) alia verò ex parte videatur à dignitate generis humani plurimū abhorrere, ratiocinandi vim cum omnibus animantibus habere communem quid de hac quæstione statuendum sit videamus. Certè rationem aliquam esse brutis negare non possumus: ci tra proteruiam: alioqui non ineptius denegatur illis sensus, nam quæ alia ratio est agnoscendi facultates quā per actiones, aut actiones quā per opera? Vt igitur, quia clamoribus terreri, ac fugari videmus capreos, cōcedimus eas audiendi facultate esse præditas, ita vidētes lepores metu imminētis periculi transferre suos fœtus, & canem spe capturæ, & cibi nondum præsentis insidias struere, necesse est concedamus prudentiæ quandam vim illis inesse. Nam ipsum prouidentia vtī nihil aliud est, quam nondū præsentia pericula præcauere, & quæ euenire possunt bona, mediis apposis procurare. Sensus enim præsentium solum est, multis tamen constat argumentis, hanc brutorū rationē lōge diuersam esse ab humana mente, neque maioris vel minoris solum ratione differre, sed ipso rationis esse, atq; ita vt rationis & rationalis nomē de vtriusq; nō vniuocē dicatur, sed analogicè. Primū quidē, quia mens humana,

*Bruta quo
à nostrara
tione dif-
ferant.*

humana, natura sua & ex sese nata est ratiocinari simpliciter, & circa quidvis. Studio enim & exercitatione fit hic strenuus medicus, ille imperator, alius venator, alius agricola, faber alius: rursum hic physica meditatur, ille mathematica, ille etiā theologia, posset qui nunc medicus, si didicisset, esse non minus strenuus theologus, & qui nunc theologus, imperator, aut agricola. Nimirum ingenij acies est, auctore Platone, velut oculus tornatilis, mentis inquam oculus, qui se possit quoquò velit vertere, brutorum verò nullum ratiocinari natum est, nisi circa quiddam, quò scilicet naturali quodam instinctu fertur. Scit enim canis leporem quærere, & perdiri insidiari, sed nescit lectum sternere, aut specum fodere: læpus contra, lectum sternere, & cuniculus non sine magna arte domum sibi facere subterraneam, neuter verò scit ex venatione vivere, neque sanè hoc canis, aut illud lepus, doceri vlla ratione potest: igitur homo simpliciter rationalis est, brutorum quodcunque circa quidpiam: quapropter non simpliciter, sed quodam modo, & analogia quadam. Præterea homo deliberat & consultat de iis quæ facit, non enim solùm cogitat, quo modo possit hostem interficere, sed prius etiā, an expediat interficere, reliquorum verò animalium nullum. Nunquam enim felis consultavit de ignoscendo muri, aut canis de innocentia circa selem, nimirum nullum horum operatur ex arbitrio, sed ex naturali propensione. Vnde (dices) nosti? inde certe, quod quæ eiusdem generis sunt, omnia sunt sui similia, faciuntque eadem. Non enim ut hominū alius est cruētus, alius innocēs, atq; idē homo hodie mitis, cras crudelis, hodie iustus, cras iustitiæ cōtēptor, ita felis hic naures sectatur, ille tuetur, aut hodie eis vescitur, cras illis ex suo tribuit, sed idē

semperque faciunt omnes, quod euidenti argumento est, non ex libertate vlla, aut arbitrio, sed ex natura eorum operationes, & intelligentiam fluere. Nimirum natura eadem est, similibus, atque eisdem semper, voluntas non eadem. Huc respexit Hippocrates dicens, naturam nullo doctore vti. Nimirum quæ natura fuit, neque ex doctrina, neque ex meditatione procedunt, sed ex quadam propensione, quapropter qui ab homine tollit liberum arbitrium, nihil aliud quam belluam ipsum facit. Cum igitur propriè ratiocinari non sit, vt cunque facere aliquid cum præfensione finis, sed consultare cum electione mediorum, & aliorum cum aliis collatione, idque brutis non insint, constat hominem solum, esse rationale animal propriè, reliqua non nisi analogia quadam. Præterea nihil eorum de quibus ratiocinatur aliorum animalium vllum est incorporeū, aut æternum, sed omnia sensibilia, & caduca, nam de quærendo victu, de ineundo coitu, de nutriēda, & conseruanda prole, de fugiendo dolore, de vita valetudinēque tuenda, de incorporeis verò, & diuinis, aut de immortalitate, nulla illis subest cogitatio. Quis scis? dices quia nullus illis Dei cultus, nulla cura iusti & æqui, nihil faciunt ad adipiscendam immortalitatem, sed solum ne tunc moriantur. Sed & hoc quæ sciam? interrogabis. Quia nullis ea videmus nominibus inclinari, nulla vindicta criminum vti, nullis virtutum præmiis. Neque verò possent sine communibus legibus, neque sine legum peritiis, neque hæc sine sermone, quem videmus illis negatum esse à natura, qui sanè natura est adeò coniunctus cum ratione, vt merito Græci idem nomen vtrinque dederint, λόγος vocantes, & rationem & sermonem. Non igitur belluæ ratiocinantur simpliciter, sed quodammodo, de sensibilibus

*Bruta quo
modo ra-
tionalia.*

bus solū & caducis. Vnde fit, vt etſi animalia omnia quodammodo ratiocinētur, immortalitatis verò participem animam ea ſolū habeant, quibus de immortalibus cogitandi naturale principium eſt. Non enim poſſet ille impetus ferēdi in immortalia, naſci ex meris mortalibus. Quapropter ignoratiſſimi ſunt qui timēt, ſi ſenſum cum quadam ratione brutis tribuant, ne illa donent immortalitate, & qui, quia bruta ratione quadā pollent, vocant in diſcrimen humanæ mētis immortalitatem. Non enim quia ratiocinātur vtcūq; immortales eſſe homines cognoscūtur, ſed quia de incorporeis, æternis, & diuinis. Atqui proſectò niſi beluina haberēt ſtupiditatem, vel ex hoc ſolo quòd de immortalitate diſputāt, agnoſcerēt eſſe in ſibi ipſis aliquid immortale. Nā qui poſſet magis quod mortale agnoſcere immortalitatē, quàm oculus ſonos; aut colores auiſis? Nū igitur homines ſi oēs eſſent ſine oculis nati, in dubitationē vocare poſſent, an eſſent illi colores? an differt minus incorporeorū & immortaliū natura à corporeis & caducis, quā colorū natura à ſonis, & odoribus? Itaq; ~~bruta quādā habēt ratiocinādi vim, ſecundū quā poſſunt benè & malè operari, atque adeò delirare,~~ longè autē abeſt, vt quia delirare poſſunt, rectē colligas habere mētē humanæ ſimilē: nā ne homines quidē delirāt ſecundū eā mētē quæ illos ſeparat à brutis, ſed ſecundū internos ſenſus quos cū illis habent cōmunes, imaginationē inquā, & ſenſitiuam rationē, quā nonnulli vocant cogitatiuā aliq̄ æſtimatiuā. Nam cū phrenitis & melancholia morbi ſint, corporales affectiones, non poſſunt per ſe lædere niſi facultates corporales, mētē verò læſio nō attingit niſi ex accidenti. quia ſcilicet dū in corpore eſt, ſenſib. vtitur. Delirare itaque poſſunt bruta ob imaginationē & ob

Immortalitatis argumentū.

Phrenetis

eā quam habent rationem, quoniam eam quę propriē ita nuncupatur; & liberam deliberandi vim non habent, neque virtutis neque vitij sunt capacia, neq; pœnæ neque præmij digna: nimirum operatio secundum virtutem ex deliberatione procedit. Hanc ipsam ob causam neque veram sapientiam habere possunt, quia vera sapientia nunquam separatur à virtute. Est enim sapientia, vt in sexto Ethicorum, & primo Metaphysicorum dicitur, scientia rerum honorabilissimarum, huiusmodi sunt quæ diuina, æterna, & verè bona, quapropter qui circa hæc non fallitur, is sapiens est. Quod cū homini nisi Dei beneficentia contingere non possit, constat sapientiam à domino Deo esse, vt in initio Ecclesiastici dicitur atq; vt in tertio ca. eiusdem, filios sapientiæ esse ecclesiā iustorū. Vera itaque sapiētia est quæ per vera fidē comparatur diuinarum rerū notitiā cū meditatione diuinæ legis. Quandoquidē igitur, vt est indicatū, brutorū natura horum capax non est, non sine magna proprietate dicitur in præscripta oratione. *Quis posuit in visceribus hominis sapiētiam, vel quis dedit gallo intelligentiam?* Nimirum animalium solus homo sapientiæ est capax, quia is solus habet delectum boni & mali, & rerum diuinarum cognitionem, reliqua intelligentiam quandam rerum minimè diuinarum, de quibus vt indicatum est, naturaliter etiam ratiocinantur, non tamen consultant cum deliberatione. Volens igitur Deus in sui cognitionem trahere hominem interrogat. *Quis posuit in visceribus hominis sapientiam?* hoc est in humana mēte notitiam diuinorum, & scientiam boni & mali? vt scilicet homo intelligat, non aliūm quam Deum fecisse hæc, eadem enim est interrogatio, & illa Psalmi, 4, *multi dicunt, quis ostendit nobis bona?* signatum est super nos lumen vultus

Quis sapiētia capax.

Sapientia quid.

tui domine. Hoc est, multi dubitantes interrogant, quis ostendit nobis bona, hæc inquam esse bona & facienda, illa mala & vitanda, aut quæ est regula dignoscendi bonum & malum? Re vera regula & ratio est voluntas Dei. nam cum is sit primum & summum bonum, nil possit in hæc vniuersitate bonum esse, nisi quod ei sit cõforme. Porro cum Deus sit primum principiũ omnium nihil potest esse bonum quod non ametur à Deo antequam ab alio quopiam, amor igitur Dei est regula bonitatis veræ, & nomine vultus Dei significatur æterna eius voluntas. Naturalis verò Lex, est significatio diuine voluntatis, quã Deus ipse nostris mentibus insæuit, vocaturque proinde lumen vultus Dei: atque hoc ipsum est, ponere in visceribus hominis sapientiã. Itaque Deus posuit sapientiam in visceribus hominis, signans super nos lumen vultus sui: Gallo verò & reliquis animantibus dedit intelligentiam. Hanc galli naturam mirati sunt omnes qui de animalium historia scripserunt. Plinius cap. 21. libro 10. ita inquit.

Lex naturalis quid.

*Galli gal-
linacei
natura.*

Proximè gloriam sentiunt, & hi nostri vigilantes nocturni, quos excitandis in opera mortalibus, rumpendõque somno natura genuit, norunt sydera, & æternas distinguunt horas inter diu cantu: cum Sole eunt cubitum, quartaque castrensi Vigilia ad curas laboresque reuocant, neque Solis ortum in cautis patiuntur obrepere, diemque venientem nuntiant cantu: ipsum verò cantum plausu laterum, imperitant suo generi, & regnum in quacunque sunt domo exercent, dimicatione paritur hoc quoque inter ipsos, velut ideo agnata tela cruribus suis intelligentes. Neque finis, sæpè commorientibus. Quod si palma contingit, statim in victoria canunt, seque ipsi Principes testantur: victus occultatur silens, agræque seruitium patitur. Hæc Plinius de galli intelligentia, qui (res

mirabilis) videtur habere sensum gloriæ, & principatus, & notitiam motus cœli, ac syderum, siquidem ternis horis canit interdiu, & quarta vigilia castrensi, hoc est, exactis tribus noctis horis, & iterum iam iam aduentante die. Indicat mox dominus, nō posse esse aliū quam Deum, qui hanc intelligentiam dederit gallo, dicens, *Quis enarrabit cœlorum rationem, & concentum cœli quis dormire faciet?* quasi diceret, constat non potuisse tribuere gallo hunc sensum temporum, nisi qui perspectum haberet exactè cœlorum motū, hunc aut quis habebit? aut quis enarrare exactè poterit rationem motus cœlorum? quasi dicat nemo, nisi qui eis rationem posuit, quique poterit sedare eius cōcentum cū volet, quem scilicet ipsemet excitauit in ipsa mundi creatione, quando fundabatur puluis in terra, & glebæ cōpingebantur. Ex his facile est intelligere, quā arroganter Astrologi, quæ ad rationem illorum motuū spectant affirmant, quasi ipsos nihil eorū quæ ibi geruntur lateat, cum tamen vt absunt illa longè à nostris sensibus, difficillimū sit vt inquit Aristoteles, quippiā de ipsis pronuciare. Laudandi tamen sunt ob eximiam diligentiam, qua cum mathematicarum peritia tam multa sunt assequuti; vituperandi verò nisi intelligent esse longe plura quæ ignorentur, neque exactè illorum quippiam ab alio cognosci posse, quā ab eo ipso qui (vt Platonis vtar verbis) dies & noctes, & menses, & annos, qui ante cœlum non erant, tunc nascente mundo nasci iussit. Quod vel inde facile est intelligere, quod annorum alia est supputatio apud Ptolomeū, alia apud Alfonsum regem, alia apud Copernicum, quasi peritissimis eorum exactam computationē motus Solis, qui cœlestium omniū videtur esse regularissimus, & euidentissimus, nondū tenētibus, aut ipsis annis

*Annorum
supputa-
tio.*

annis non semper æqualibus, sed inuicem ob causas nondum perspectas variantibus. Vix vlla ætas est, qua non inducant Astrologi nouam aliquam hypothesim & motum alium, aliudve corpus ponant, quod euidēs est argumentū incertitudinis. Quid ergo nū verisimile est gallum nosse sydera, & ternis horis distinguere eorum motū? Nō sanè, na in etiam si, vt ibidem inquit Plinius, ea sola volucrum cælum aspiciat crebrò, minimè tamen notare sydera potest, cum eat cubitū cū Sole, sed necesse est naturalem habeat aliquam cum cælo sympathiam, qua ternis horis ita afficiatur, vt latera sua pulset, & cantet. Quātò verò ipse minus potest quos distinguit, cæli motus agnoscere, tantò maioris sapientiæ eius qui fecit argumentum est. Magis enim miramur gallos quarta hora castrēsi excitari ad cātum, quàm monachos media semper nocte, tametsi hi, multo minus à sua hora deerrent. Verū in his agnoscimus studium, & curam, in illis sine vlla institutione solam naturæ vim. Quare cum illorū peritiam non agnoscamus, superest vt ad peritiam authoris referatur velut quòd horologium motu gnomonis, & pulsatione cymbali, metiatur & distinguat nostra tempora, refertur ad peritiam artificis. Vel ex hoc igitur constat, eū qui dedit gallo hanc naturam, rationē cælorū, & motus syderum exactè tenere. Is cum esse nō possit nisi qui fecit cælū & terrā, constat eū vt maximum, & optimum, ita esse & sapientissimū. Quapropter nemo possit cum illo cōtendere. Quod dicitur, *concentum cæli quis dormire faciet?* ad Pythagoræ dogma videtur spectare, censentis cæli motu cieri maximum eūque suauissimū & pulcherrimum concentum. Verum quia (nisi quid hīc est, quod non intelligam) cælorum motu nullus sonitus cieri potest, cū is passio aëris sit,

Harmonia cælestis.

satius est nomen concentus (vt placet Diuo Thomæ)
 accipere metaphoricè pro motuum illa mirabili pro-
 portione. His dictis, transgreditur ad alia. *Nunquid*
 (inquit) *capiēs leenæ prædam?* quod quidē & multa alia
 quæ sequuntur, bonitatis & prouidentia Dei circa a-
 nimalia præstant argumentū quæ (quia in iis quæ ma-
 xima præmūtur indigētia, aut maximè destituta sunt,
 aut minime proprio vel alieno consilio iuuari possunt
 præcipuè agnoscitur, talium profert Dominus exem-
 pla. Léo voracissimum animal est, tamē cū liberè de-
 errat, & diuagatur per siluas, nos est adeò mirum præ-
 dā capere quæ sibi possit esse satietas: tamen leenę cū cu-
 bat in antro, ne catulos suos deserat, quis potest escas
 suppeditare, quibus eius & catulorum (qui etiam sunt
 valde voraces) impleātur animæ & satientur? Nūquid
 (inquit) tu capiēs leenæ, quam præstes, prædam, & im-
 plebis animam, hoc est, satiabis appetitum catulorum
 eius? quasi dicat, non. Sed illud est opus prouidentia
 Dei, qui dat escam omni carni, & implet omne animal
 benedictione & abundantia. Addit aliud exemplum
 appositissimum, eorū qui destituti sunt, dicens, *Quis*
præparat coruo escam suam, quando pulli eius clamant,
vagantes eo quod non habeant cibos? quod idē in Psal-
 mo 146. ita est scriptum. *Qui dat iumentis escam ipsorū*
& filiis coruorum inuocantibus se: cuius loci interpræ-
 tes narrant, coruos pullos suos adhuc deplumes desti-
 tuere, in nido, neque nutrire vsque dum nigrescant,
 quod suos esse ante agnoscant. vel, vt alij existimant,
 quod sint adeò obliuiosi, vt redire in nidū non recor-
 dētur. Interim ergo illos, omni destitutos ope clama-
 re quasi Deū inuocātes, & nutriri cœlesti rore, aut præ-
 teruolantibus muscis, aut vermiculis in nido genitis.
 Cæterū quia nō inueni hoc apud veteres naturalis hi-
 storie

Leonis na-
 tura.

Corni ni-
 dificatio
 & de e-
 ius pullis
 multa
 præclara.

riæ scriptores (etiã si id dicat Diuus Gregorius in Moralibus) & quia illa vox, vagantes, in ciectos iam nido magis fertur, quam in eo manentes, existimo hîc innûi, quod Aristot. & Plinius, & Aelianus testantur; coruos in locis arctioribus, & vbi non satis cibi sit pluribus, duos tantum habitare; atque pullos suos vbi primû volandi potestas est, nido eiicere, ac regione tota expellere, cû tamen reliquæ volucres, aliquandiu postquam volare cæperint cibos suis pullis præstent, infirmioribus scilicet adhuc quàm vt ipsi sibi comparare possint. Quoniam igitur coruorum filij infirmi, & venandi imperiti fugantur, & destituuntur, nihil possunt aliud, quàm hîc & illûc vagantes, querulos clamores in aërem fundere, quòd nihil est aliud, quàm ipsum rerum omniû parentē Deû naturaliter inuocare. Cuius qua in re potest benignitas illucere magis, quàm quòd ne corui quidē animalis infaustissimi & despiciatissimi, pullos in tâta cõstitutos inopia perire sinit. Hoc fortasse dixit Dominus Iob, ne tametsi fortunis omnibus priuatus, & orbatus filiis, & oppressus grauissimo morbo, & à familiaribus destitutus, ab amicis etiã & vxore ludibrio habitus, de diuina ope dubitaret, aut se putaret penitus derelictum. Addit. *Nûquid nosti tēpus partus Ibicû in petris? vel parturientes cēruas obseruasti dinumerasti tēpus cōceptus earû?* & cetera, quæ etiã vt prioraspectât ad prouidētiã Dei. Hâc vt homini indicet, profert in medium animalia agrestia, & quæ per sese vitam agunt liberam in abruptis montium præcipitiis, aut secretissimis saltibus, quibus tamen neque ad generationem, neque ad alimentum deest quippiam, profert verò hæc potius, quia equorum, iumentorû, & domesticorû suû, & gregaliû animalium cura & procuratio, ad hominem videtur pertinere, vt ad hip-

parchos, muliones, agricolas, & pastores: ibi cum verò, ceruorum, onagrorum, & rhynocerotum, nulla est humana procuratio. Neque enim habent admissarios ad ineundum coitum, vt equi & asini, neque à pastoribus adiuuantur cum pariunt, vt oues ac capræ, atque cum opus est, vaccæ, neque præsepia illis, vt his parantur. neque aguntur ad pascua, tamen nihil illis deest. Quapropter cum aloga sint, necesse est fateamur illorū vitam & prolem, ad aliā causam quæ sit prudētissima pertinere. Cuius quidem diuina prouidentia eò nobis mirabilior videri debet, quò non vno, sed pluribus, atque adeò contrariis nonnunquam modis prospicit, Quibusdam enim intelligentiam tribuendo, aliis hanc ipsam detrahendo, atque vtroque modo vtrorumque consulit incolumitati, ita vt vtrunq; summę ipsius sapientiæ argumentū sit. nā ibicī & ceruę intelligentiam tribuit, illi quidem, vt in summis montiū cacuminibus & inaccessibilibus petris pareret, huic, vt secessus feris habitatos relinquens semitas vestigiis humanis tritas nō caueret, & vtraq; suo modo sibi prospiceret, ibis quidē cōscēdēdi difficultate homines equē ac feras vitans: cerua, vt securi sint à feris hominis benignitati suos cōmittens foetus, Neq; harum alterutra facit insipientes, sed vtraq; quod sibi magis ex vsu est. Ibices enim sunt tātę pernicietatis vt quæ sunt aliis inaccessa possint facile occupare, de quibus Plinius hæc scripsit, *Sunt ibices pernicietatis mirandæ, quamquam onerato capite vastibus cornibus, gladiorūq; vaginis, in hęc se librāt vt tormēto aliquo rotati in petras potissimū è mōte aliquo in alium transilire quērētes, atque recessu pernicius quò libuerit exultant.* Cerui agnoscūt hominum clemētiam, & (vt idem scribit Plinius) vrgēte vi canū, vltro confugiunt ad hominem. eadem prorsus causa eos

Ibicū natura.

Ceruorum industria.

sa eos minus timent, ad quos & confugiunt, proinde eorum vestigia pro fœtibus suis non deuitant, tametsi eorum quæ ad partum spectant. & prolem, fœminæ sunt prouidentissimæ. nam & ante partum sese herba Sefeli vocata purgant, faciliore ita videntes vtero (Dio- scorides de Sefeli scripsit, capris, cæterisque pecudib. datur in potu, quo facilius suos fœtus enitantur) & à partu habent duas herbas, Aron & Sefelim quib. postq̃ redeunt ad fœtus. Narrat Plinius & ante illum Aristot. editos fœtus exercent cursu, & fugam docent meditari, (qua scilicet animal natura timidum maximè indiget) ad prærupta ducunt, saltumque demonstrant. Itaque duobus his generibus, intelligētia prouidit Deus: Struthiocamelo autem stupiditate, & obliuione sui partus. Id animal cum pennas habeat non minus quàm Herodius, siue Ardea, quæ in adeò sublime volatu se extollit, tamen volare omnino non potest, quia tanta corporis mole est, vt magnitudine æquet equum & insidentem ei hominem: vtitur verò alis velut explicatis velis ad currendum, quod facit tanta pernecitate, vt concitatissimum etiam equum prætergrediatur, qui videtur vtraque ratione equum & ascensorem deridere, quod scilicet citra volatum, suis pedibus insistens, & magnitudine & celeritate vincit. Est verò hoc adeò gloriosum animal, & formationis adeò raræ, vt ambiguum sit ad volatiliū an gressiliū spectet genus, exiguo capite, cerebro penè omnino caret: vt autem cerebro, ita & intelligentia, est enim in procuranda prole (quæ maxima est alogorum intelligentia) adeò stupidum, vt derelinquat oua sua in terra, & obliuiscatur quod pes hominis possit conculcare, ea & bestia agri possit conterere, Duratur ad filios suos quasi non sint sui: ita enim illorum obliuiscitur crudelis scilicet

*Partus in
uantia.*

*Struthioca
meli natu
ra.*

in prolem (nam & cap. 4. threnorum Hieremiæ dicitur, *Filia populi mei crudelis quasi struthio in deserto*) neque recordatur laboris quem pariendo subiuit, sed quasi frustra laborauerit, destituit nullo timore cogente ad eorū custodiam. Nihil enim præ stupiditate & obliuione & crudelitate filiis suis timet, neque cauet, quapropter frustra quidem laborasset, nisi Deus omnium parens, sua prouidentia seruaret. Hæc cum (Deo ipso asserente) vera sint, constat falsum esse quod multi affirmant, Struthiocamelum ardentissimè amare suam prole: oua verò sub arena Lybica relinquere Solis calore fouenda, neque ipsam more aliarū auium incubare, ne mole corporis comminuat, grandior multo cum sit, verum crebrò reuerti, atque eò versus spectare ad custodiā ouorum. Nam quo pacto hoc nō sit falsum, siquidē præ obliuione illa destituit. Neq; minus mihi videtur esse falsum, quod Aelianus de eius captura narrat, immittere inquam sese in spicula acuta expansis alis, præ ardenti pullorum amore. Nā quo pacto adeò ardens amor pullorum ferre posset tātā obliuionem, & crudelem negligentiam ouorum? Putauerim potius, si quando ita capitur, & in spicula vltro impingit, præ stoliditate id facere, quia priuauit illam Deus sapientia, neque dedit illi intelligentiam. Quid vero, nūquid non satius est oua in ardente arena deponere, quam demissa, in illa tanta mole frāgere? satius certè. Id verò non est sapientiæ Struthionis, Sed Dei, qui vt nuper dixi, illius animalis prouidit proli, illi de trahendo intelligentiam, & amorem, Struthione. n. præ stupiditate, crudelitate, obliuione, & veluti vterno quodam, destituēte prolem, cuenit quod illis ex vsu est, vt Solis colore extrudātur pulli, neq. matris suæ corpore operātur. tanta est Dei Opt. Max. sapiētia, vt quorundam

dam etiam stupiditate & crudelitate, in eorundē custo-
diam vti sciat. Deinde profert Dominus exemplum *Equi na-*
intelligentiæ insignis & fortitudinis, equum scilicet cu-
ius tanta est belli intelligentia, tanta audacia, tantus fu-
ror, vt fortissimè irruat, & iube, quam habent circūda-
tā collo erectione, & hinnitu, ac fremitu, per turmas ir-
ruētes vt locustę, & inflātes nares, hostes deterreāt: ter-
ram vngula fodiūt, exultāt audacter, pergūt armatis in-
occursum, neq; pauēt, neq; cedunt gladio. Sonantibus
super ipsius pharetris & hastis vibratis, & fulgentibus
clypeis, non solū non terrentur, sed multò magis ir-
ritati, feruentes, ac frementes, sorbent naribus terram,
neque reputant tubæ sonare clangorem, hoc est, ne-
que clangore tubarum quæ ab aduerso sonant, terren-
tur, intelligentiam habent belli, & audientes buccinam
quæ ipsos ad prælium vocat, dicunt Vah, hoc est exul-
tant, & odorantur procul bellam, & intelligunt ducū
exhortationem, & vlulatum exercitus. Hæc valde con-
sonant cum iis quæ Aelianus his verbis scripsit. E-
quus cum frēni crepitum, & strata, & cetera ornamen-
ta videt, tunc fremit, & exultans vngularum supplotio-
ne obstrepat, & eorum conspectu, quasi furoris afflatu
ad iter incenditur, voce equisonis excitatur, & aures
erigit, & naribus inflatis celerem festinationem an-
helat, quodam incredibili cursus studio ad currendi
memoriam rediens. De docilitate eorū ad prælia, in-
ter alia multa hæc inquit Plinius. Docilitas tanta est, vt
vniuersus Sybaritani exercitus equitatus, ad sympho-
niæ cantum saltatione quadam moueri solitus inue-
niatur. Videtur ergo quod in præscripta oratione dici-
tur. *Numquid suscitabis equum quasi locustas*, referri
posse ad motum hunc cum quadam saltatione, & ad
copiosas turmas. Vtrunque enim locustis congruit.

Rogat ergo Dominus. Nunquid præbebis equo fortitudinem, aut circumdabis collo eius hinnitum? nunquid scitabis eum, quasi locustas? quasi dicat, non fane tu illi hanc belli intelligentiam, & fortitudinem præstare posses, neque ipse sibi accipere potiusquam bos, aut asinus, aut ceruus, sed necesse est referas hæc ad vnum omnium conditorem, qui vt est primum ac summum bonum, omnibus sua cuique bona impertitus est, atq; virtutum omnium symbola in diuersis expressit naturis, deditque omnibus intelligentiam. Quæ cuique maximè esset ex usu. Exemplo sunt præter dicta, accipiter, & Aquila. Accipiter ab accipiendo dicitur. Quæ propter omnibus auium generibus, quæ ex raptu viuunt, videtur id nomen congruere, vt & Aquila etiam & Miluus, & aliæ omnes rapaces eo possent gaudere.

*Accipitru natu-
ra.*

Aues rapaces.

At vero usu effectum est, vt non omnibus, sed cuidam auium generi detur, quod, autore Aristotele non minus quam decem habet differentias, vt autem antiqua nomina (hæc sunt, Triorchis, Aesalo, Circus, Asterias, Pernes, Phafonus, Subuteo, Chalchis, Pterinx, Chencris) non facile singulis accommodatur, nunc vbiq; (quod de solis quibusdam, & cuiusdam Traciæ partis hominibus, ab Aristotele traditur) communi cum hominibus inita societate aucupantur. His enim ad aliarum auium capturam homines vtuntur, & prædæ particulam illis communicant vocantur vulgaribus nominibus, Alcyones, Primulæ, Alcotani, Torfeli, Gerifalti, Vafarces, Capallani, & alia eiusmodi. Velle singulis sua nomina ex antiquis reddere coniectando, operosum esset & ambiguum, & ad nostrum institutum minimè necessarium, illud solum præsentis loci est nosse, eas aues vere plumas commutare, at ea commutatione quodammodo iuuenescere, vt & serpentes com-

mutata

mutata pelle, & cerui commutatis cornibus, ac ferè iumenta omnia pilis. Cum igitur accipitres oporteat singulis annis deplumescere, illi à natura ipsa docti, eo ipso tempore expandunt alas suas ad Austrum: quia (arbitror) is ventus laxat corpora, contra ac Aquilo, qui densat: laxata igitur cute, amplioribusque factis poris, facilius exeidunt plumæ. Aquilarum quoque censentur multa genera, sex ab antiquis, inter quæ Haliotos quæ clarissima pollet oculorum acie, librans ex alto sese, & viso in mari pisce, præceps in eum ruit. Hæc eadem Aquila, implumes etiamnum (vt testatur Plinius) pullos suos percutiens, subinde cogit ad uersos Solis radios intueri, & quem conuiuentem nitentemque animaduertit, nido eiicit tanquam adulterinum, & degenerem. Neque verò ad pisciculum solum sese dimittit, sed ad lepores, cuniculos, & alia animalcula quæ diripit, ac deuorat. Pulli verò eius lambunt sanguinem: ipsæ vero Aquilæ ad cadauera congregantur, vt & corui, & quæ ex Aquilis videntur degenerare, Ossifragæ. Ex mirabili ergo etiam Aquilæ natura, volens Dominus omnium agnosci, inquit.

*Aquila-
rū genera.*

Nunquid ad præceptum tuum eleuabitur Aquila, & in arduis ponet nidum suum? in petris manet, & in præruptis silicibus commorabitur, atque inaccessis rupibus, inde contemplatur escam, & de longe oculi eius prospiciunt. Pulli eius lambunt sanguinem, & ubicunque est cadaver statim adest. Quod quidem carniuoris omnibus est commune, omnium tamen maxime gene-

*Aues in-
fauste.*

ri coruorum congruit, quæ ob eam causam habebitur infausta avis, vt scilicet demortui corporis indicium.

CAPVT QVINQVAGESIMVM
S E X T V M.

LLA verba Iob. capite trigesimo octa-
uo. *Quis enarrabit cœlorum rationem
& concentum cœli quis dormire faciet.*
videntur plurimum adstipulari illi Py-
thagoricæ sententiæ de cœli concen-
tu, & musico sonitu. Videbantur enim Pythagoræ
cœlorum orbes moueri ad numerum, atque mira qua-
dam proportionē choreas agere, inde ergo verissimi-
le esse, diuinum quendam suauissimumque concen-
tum nasci, eò (arbitror) quòd omnia sint in hac vni-
uersitate facta in numero, ac proinde pulchra: om-
nium autem corporum pulcherrima esse videantur
cœlestia: pulchritudo verò post illa quæ in conspe-
ctum cadunt, in concentu maximè reperiri possit.
Hanc sententiam sequutus etiam est Cicero in Som-
no Scipionis. Quam tamen Arist. capite nono, secun-
di de cœlo refutauit non temere, sed in medium pro-
ductis Pythagoreorum rationibus, réque vtrinque
satis examinata, illis (inquit) videbatur necessarium, tan-
torum corporum tam celeri latione sonitum edi, eò quod
minorum corporum minus celeri latione hîc apud nos so-
nitus cieatur. si autem omnino editur cœlestibus moti-
tibus sonitus, cum sint corpora magnitudine adeo diuer-
sa, & celeritate, proportionē tamen quadam, necesse est
edi diuersos acuties & grauitate sonitus cum quadam pro-
portionē, vnde necesse est oriri quendam concentum.

Hæc quidem opinio plausibilis est, si quis tamen
rem exactè perpendat, minus vera. Nam si sonitum
edunt cœli, cum oportet esse maximum, cur ergo
non

*De celesti
harmonia
contra Py-
thagoram.*

*Pythago-
rie harmo-
nia confu-
tatio.*

non audimus? respondit Cicero, quia obsurdinus præ sonitus magnitudine, ut qui habitant ad Nili ortum. Arist. pro illis respondet acutius, quoniam ex quo nascimur, hic sonitus citra ullam intermissionem committatur, non potest dignosci. Nam contrarium agnoscitur ex contrario, atque sonitus ex silentio, & silentium ex sonitu. Sed cur audimus aliud quippiam? cur non tam excellens sensibile corrumpit penitus sensum? Neque solum hoc, sed cur non præter sensum nos quoque totos atterit & perdit? quin & alia omnia corpora? Nam tonitrua sæpe (quæ tamen illi sono nunquam possunt comparari) domos faciunt tremere, atque solo prosternunt, frangunt lapides, & robustissima quæque corpora scindunt: non igitur cæli sonitum illum edunt. Præterquàm quòd, neque si aliter consideremus, videtur fieri posse. nam sonitus est passio diuerberati, aut discussi aeris, vel corporis spiritualis, & tenuis, at verò orbes celestes nullum inter sese aerem habent quem comminuant, nullum igitur sonitum suis circuitibus possunt edere. Ipsa verò stellarum corpora, siquidem per se non feruntur, sed cum orbibus quibus affixa sunt, multo minus. Nullus igitur sonitus edi potest à celestibus corporibus si cæli ipsi, velut antea indicauimus, solidissimi sunt & lenes, nihilque aeris, aut omnino substantiæ alienæ intercipiunt, astra verò ut quædam eorum partes, feruntur cum illis. Sed neque si cælorum substantia tenuis est, ac velut fumus quidam ut aliis placet, sonitus ullus sit, si astra cum illis feruntur, quæ enim ita feruntur, quia medium non secant, sonitum non edunt. Solum igitur superest, fieri posse ut sonent, si cæli substantia tenuis est, & quiescit, atque per eam quiescentem feruntur astrorum corpora prægrandis & solida: hoc

*Surdi ex
vehementi
sonitu.*

*An cor-
pora cæle-
stia sonitum
edant.*

verò fieri non potest, nisi etiam cœlorum substantia sit ortui & interitui obnoxia: findetur enim, densabitur, rarefcetque sed hoc si ita haberet, ederetur profectò sonitus secundum corporum magnitudinem, & lationem celeritatem, tantò omni alio eorum qui apud nos nunquam auditi sunt, quanto illæ, & magnitudines & celeritates, his sunt maiores. Dissiparentur ergo hæc ab illis, non solùm nostri sensus corrumpentur. Itaque conuertentes argumentum dicimus, quandoquidem talis sonitus non editur ab astris, ea non moueri per se in æthere tenui: sed ynico eodémque argumento constare, & cœlos esse solidos & astra cum illis ferri, & nullum à cælestibus corporibus edi sonitum, quare neque concentum. Quod si ita est, constat concentum vocari in libro Iob à Domino (eius enim sunt illa verba) per metaphoram: illam motuum maximè concinnam proportionem. Nimirum in ipsis motibus, vt & in sonitibus, sunt concinæ quædam & aptæ proportionales inuicem comparabiles. vt videre licet in iis qui saltant ad numeros, cantus, & musicos sonitus. Illas igitur aptissimas cœli choreas vocat Dominus concentum, quem ipse dormire faciet, cum scilicet faciet post temporalẽ huius seculi volubilitatem, cœlum in æternum quiescens.

CAPVT QVINQVAGESIMVM.
SEPTIMVM.



SALMO septuagesimo septimo, ita scriptum est. *Mandauit nubibus desuper, ianuas cœli aperuit. Pluit illis manna ad manducandum (paucis interpositis) transtulit Austrum de cœlo, & induxit in*

virtu

virtute sua Africum. Et pluit super eos sicut puluerem
tarnes, & sicut arenam maris volatilia pennata. Et ceci-
derunt in medio castrorum eorum circa tabernacula eo-
rum. Et manducauerunt; & saturati sunt nimis, & desi-
derium eorum attulit eis, non sunt fraudati à desiderio
suo. Adhuc esca eorum erant in ore ipsorum, & ira Dei
ascendit super eos. Et occidit pingues eorum, & electos
Israel impediuit.

Multi cēsent aliud fuisse illud quod filiis Israel pluit
in deserto, ab eo medicamine quo expurgandi gratia
vtimur aëreo vocato melle & manna, cuius prouentus *Manna
considera-
tio.*
maximus est quotānis in Calabria, & in locis quibus-
dam Hispaniæ etiam raris annis gignitur, quandoqui-
dem censent fieri non posse vt illo vescerentur, & nu-
trirentur, quin disfluerent potius penitus dissoluti ac
laxati. Ceterum, ex descriptione mihi videtur cōstare,
eandem omnino rem esse, nam, vt dicitur cap. II. Nu-
merorum, *descendebat noctu in castra cum rore.* Atque
(vt ca. 16. Exo.) *apparuit in solitudine minutum, & quasi
pilo tufum in similitudinem pruinæ super terrā:* constat
verò hanc esse ipsissimam generationē mannæ, qua ad
expurgationes vtimur. Tametsi enim quidā putauēre
esse potius gūmi genus, quod exsudaret ex arboribus
aut lachrymā, alij opificiū quoddam vesparū, aut apū,
aut muscarū quorundā: intuenti tamen constare facile
potest, esse rorem quendā crassiolem, maturationem
quandam à Sole recipientem, & cōcretionē à noctis
frigore pruinæ more, vespas verò & animalcula eius
generis multa, allici eius dulcedine, potiusquā effice-
re, si quid vero incisis corticibus destillat, id imbibitū
ligno esse rorem. Quod verò in Exodo dicitur minu-
tum, & quasi tufum, & in similitudinē pruinæ, in Nu-
merorum libro, *Erat quasi semē Coriandri coloris bdelij,*

*Manna
diuersitas*

nihil est aliud quam quod Mesues etiam dicit, his verbis; *Diuerficatur autem secundum diuersitates rerum super quas cadit, cadens enim super lapides est sicut gutta parua quæ congelantur, & fiunt sicut germen, & cadens super plantas suscipit de virtute plantarum, & est cum permixtione particularum foliorum & florū. Ex ea quæ super lapides cadit, melior est quæ est sicut semen album, & dulcis, & est recens: post istā verò in bonitate est, quæ est subcitrina.* Ex his verbis constat duplex esse genus mannae, alterum cadens super frondes, alterū super lapides (& terram scilicet) inter hæc verò præstantius esse quod cadit super lapides, quia alterum suscipit de virtute plantarum (tametsi vulgo præciosior est quæ de fronde vocatur, quod quàm sit verum ad præsens institutum non refert) porro constat quod simile est semini, esse quod super lapides, idque esse grandioribus partibus quàm alterum, atque si simul albū sit, esse optimum parum verò ab hoc deficere quod subcitrinum, scilicet colore bdelij. Est enim Bdelium colore vnguium, hoc est ab albo vergens in citrinum. Quod igitur vigesimo sexto, Exodi describitur minutum quasi pilo tufum in similitudinem pruinæ super terram, esse quod optimum: alterum verò quod quasi semen coriandri, coloris bdelij, secundum tenere bonitatis, gradum consentaneum autem est rationi in tanta copia, esse vtriusque satis multum. Si autem hoc ita habet, vt sanè videtur, quī fieri poterat, vt non laxatis ac dissolutis corporibus perirent? profectò ipsi sentiebant hunc cibum esse leuem. Nam vigesimo primo numerorum ita conquerebantur, *anima nostra iam nauseat super cibo isto leuissimo*: at verò cibos leues, & qui solidam substantiam corporibus non tribuunt, medicamenta etiam esse, atque ex purgare, Hippocrates

Bdelium.

crates testatur libello de medicamentis expurgantibus, & fieri quidem potest, vt principio is cibus illis contulerit vt medicamentum, ad deponendam caco-chymiam, quam ex esu cucumerum, peponum, porrorum, ceparum, & aliorum, quibus multo tempore in Aegypto erant cibati contraxerunt: expurgatis yerò iam, consuetudo fecit idoneum, & suauem cibum. *Consuetudinis utilitas.* Si enim consuetudo vel ex venenis potest cibum efficere idoneum, quantò magis ex cibus medicamentosis, accedente præcipuè Dei concursu quo non cibus solum, sed suauissimus etiam, & delectamentum omne in se ipso habens efficiebatur. Neque enim hunc eleuo, cum naturales rerum causas inuestigio, sed laudo infinitam eius sapientiam, qui ita omnia disponit, vt etià quæ sunt portentosissima, videantur bona ex parte secundum naturalem rerum ordinem euenisse.

Vt & cū populus querulus carnes posceret ad vescendum, arreptas trans mare coturnices detulit, aui-culas scilicet, maximo agmine trans mare impelli solitas vento vehementi, atque volantes circa terram altitudine tantum duorum cubitorum, vt ita facile ab omnibus caperentur. Vt autem transferret, abstulit Deus Austrum de cælo, & in virtute sua induxit Africum, ventum scilicet vehementem, & procellosum. De quo Virgilius primo Aeneidos, Vna Euris notusque ruunt, crebèrque procellis Africus, esse verò hæc omnia coturnicum naturæ & passionibus conformia naturales quoque cognouerunt. Nam Plinius capite vigesimotertio, libro decimo, ita inquit, *Coturnices ante etiam semper adueniunt quàm grues, parua avis, & cum ad nos venit terrestris magis quàm sublimis, paulò post Austro non volant, aura tamen vehi volunt propter pondus corporis.* *Coturnicum natura*

Rursum paulò post, *Aquilone ergo maxime volant.* Sed cur(dices) non induxit Deus Aquilonem, sed Africū? quia (arbitror) Africus vehementia est proximus Aquiloni, situ verò est proximus Austro, cum sit inter hunc & Zephyrum, amat verò suauitas disponendi rerum causas, minimas commutationes. Accedebat situs locorum: si enim Africus qui trāuersum flat iuxta Austrum coturnices in castra impulit, Boreas quiescit è regione oppositus, expulisset potius. Hucusque igitur nullavis est illata naturæ, sed secundum eius ordinem disposita omnia, velut etiam cum Deo visum est, populum ob pertinaciam punire, ille ipse carniū esus, quem tantopere expetiuerant, attulit perniciem tam multis, vt vocatus is locus sit Sepulchra concupiscentiæ. Nam cum illi desueti iam cibus solidis, audivissimè sese carnibus repleuerint, comedentes vsque ad facietatem, vt odor carniū per nares expiraret, lethalibus morbis correpti sunt. Neque sanè parum ipsa carniū malignitas ad illorum perniciem effecit, coturnix enim venenis vescitur, vnde malignitatem aliquam cōtrahit, atque vt Plinius loco citato dicit, eam ob causam eas damnauère mensæ. Narrat etiam Galenus in Doride Bæotiæ, & Thessalia, atque etiam Athenis, multos conuulsione correptos esse, esu coturnicem quæ veratro vefcebantur. Rarius quoque & Isaac in suis dietis, & Auicenna secundo canone, & alij omnes medici qui illos sequuntur, maxime vituperant: adeò vt Aponensis dicat, carnes coturnicum omnium volatiliū carnibus esse peiores. Id quod iam dicunt, non ob hebeborum solum, sed per sese.

Orus Apollo Niliacus narrat, eam fuisse Aegyptiis de coturnicibus opinionem, vt in hyeroglyphicis eam omnis immundicie & nequitie signum esse fecerint.

Itaque

Coturni-
cū monu-
menta.

Coturni-
cū cibus.

Coturni-
ces hyero-
glyphicè.

Itaque hæc omnia, Dei voluntate causas naturales dirigente, effecta sunt. Quæ sanè nos admonent, ne cum quidpiam nobis, siue commodi, siue damni accidit, in Dei voluntatem referre recusemus, etsi naturales rerum eiusmodi causas agnoscamus. Quoniam omnia seruiunt illi.

CAPVT QVINQVAGESIMVM

OCTAVVM.



SALMO nonagesimotertio, ita dicitur. *Qui plantauit aurem non audiet? aut qui finxit oculum non considerat?* Verba hæc continent argumentum quoddam aduersus eorum sententiam qui Deum *Deū esse probatur.* esse omnino negabant, aut si cui rei id nomen tribueretur, eam non esse intelligentia præditam, neque omnino vlla cognitione, sed vt Solem, & Lunã, & Stellas, & ipsum primum mobile esse intelligimus, causas quidem eorū quæ in hoc generabiliū & corruptibilium orbe geruntur, ipsas verò per sese nihil horum quæ efficiant intelligentes, efficientes enim nulla electione, aut voluntate, sed naturali quadam vi, aut potentia. Fuerunt verò in hac sententia (nequis aliter putet) plurimi philosophorū. Nam vt refert Plutarchus libello de Placitis capite septimo, Diagoras Milesius, Theodorus Cyrenensis, Euenerus Teagetes, Deos prorsus nullos esse censuerunt. Euripidem quoque fuisse eiusdē opinionis inquit, dissimulasse verò metu Areopagitarum, inducētem in tragediis Syphonem eius sententiæ autorem. Plinius quoque eiusdem sententiæ fuit, siquidem caput septimum libri secun-

di, quod est de Deo, post multa alia, non sine magna impietate, his verbis claudit. *Per quæ declaratur haud dubiè naturæ potentia, idque esse quod Deum vocamus.* Lucianum quid commemorem, qui nullis non modis deridet omnes de Deo sermones sed & Stoici omnes videntur mihi, & si Deum nominent nulli tamen intelligenti causæ id nomen tribuere. nam censent Deum esse ignem artificem, via procedentem in mundi creatione, vniuersas feminales rationes intra se complectentem per quas omnia è facto fiunt. Insuper Spiritum per vniuersum mundum penetrantem: appellationes autem identidem mutantē, per vniuersæ naturæ quam peruadit confinia. His verbis nil aliud mihi videtur significari, quam Deum esse, quem ego appello ignem permeantem per omnia, & spiritū Domini vocari in sacris, interpretatus sum super primo capite Geneseos. Epicurei (vt Cicero mihi videtur rectè censuisse) nihil de diis serio affirmarunt. Sceptici verò de Deo an sit, vt de re alia omni dubitant, vt videre est apud Sextum philosophum capite primo, libro tertio, Pyrrhonicarum hypotheseôn. Argumenta verò omnia negantium Deum esse qui prouidentiam habeat rerum humanarum, fere mihi videntur in hæc tria redigi, quæ apud Plutarchum reperies loco citato. Primum, quòdque Plinius maximi facit, si Deus est, nihil est ei factu impossibile, at verò (inquit Plinius) non est Deus qui possit omnia, quia non potest sibi mortem cōsciscere & si velit, neque mortales æternitate donare, aut reuocare defunctos, neque facere vt qui vixit nō vixerit, qui honores gessit non gesserit, neq; vt bis dena viginti nō sint, neque habet vllū in præterita ius, nisi obliuionis, sit igitur (inquit) vt Deus nihil aliud sit quàm ipsa natura, si-

quidem

Tria argumenta philosophorum negantiū Deū esse.

dem Dei potentia nulla est, nisi naturalis, non est igitur nullus Deus, qui voluntate & cognitione operetur. Secundum si Deus est, is est omni ex parte beatus, si tamē curas gereret rerum humanarum, haud dubie sustineret magnam molestiam & angeretur. Tertium, si Deus est, & curam gerit rerum humanarum, quam ob rem cum pessimo quoque fortuna præclare agere solet, contrā cum præstātissimo quoque pessimē? hoc argumentum Sextus philosophus ita præmit. Siquidē Deum esse & providere dicunt, aut providet omnibus aut aliquibus siquidē omnibus provideret, nō esset neque malum vllum, neque viciosus vllus, neque vllū vitium: at verò vitio plena esse plerāque videntur, nō ergo omnibus providet Deus. sin autē aliquibus providet, aut vult & potest providere omnibus aut vult quidē, sed nō potest, aut potest quidē, sed nō vult, aut neq; vult neq; potest. Si vellet & posset providere omnibus, omnibus provideret, si vult sed non potest, eius vires superabit ea causa, ob quam non potest providere illis quibus nō providet, si tamen potest providere omnibus & nō vult, invidus esse existimari possit: quod si neq; vult neq; potest, fit & invidus & debilis. Hęc autē omnia incidunt in maiore impietatem. Non est igitur Deus qui provideat, sed aut nullus Deus est, aut is est prima causa sine vlla cura, quin & sine vllō rerum aliarum sensu: His adeo stultis cogitationibus, quas vñico illo carmine Psalmi septuagesimo tertio complexus est David, *Dixit insipiens in corde suo, non est Deus*, occurrit nunc idem vates dicens. *Qui plantavit aurem non audiet, aut qui finxit oculum non considerat* quasi dicat, quandoquidem non omnia quæ sunt, sunt entia per se, sed alia ex aliis, & ab aliis fiunt, & in iis quæ fiunt. sunt quædam sensus expertia, quædam sen-

Deus omnia eminenter continet.

fu prædita, necesse est eam causam à qua quæ sensu par-
 ticipant sunt effecta, sentientem etiam esse, alioqui de-
 didisset virtutem qua careret effecissetque aliquid se præ-
 stantius, quod rerum naturæ repugnat. Nullum enim
 inter physicos magis receptum axioma, quàm nihil
 operari posse ultra gradum suæ perfectionis. Si igitur
 sentiendi facultas est in posteriorum quibusdam, ne-
 cessario sit & in prima causa. Quapropter fieri non po-
 test, ut qui plantavit aurem non audiat, & qui fecit o-
 culum, non consideret. Porro, anris & oculus, & quæ-
 cunque alia nostri corporis organa, maximè verò hæc
 quæ sensuum sunt, ita sunt composita, & ad actiones
 proprias accommodata, ut nulla vel excogitari possit
 aptior compositio. Quæ res haud dubie, nisi stupidis,
 euidenter indicat, ea non casu, ita aut aliter cadenti-
 bus corpusculis, aut elementis, constituisse, sed in sum-
 ma sapientia effecta esse. Nullatenus ergo à facultate
 cognitionis expertè, sed sapientissima. Licet apud Ga-
 lenum octauo libro de usu partium, mirabilem sapien-
 tiam in effingendis audiendi & videndi organis legen-
 do meditari. Quis hominum dubitet anfractuosum
 illum aurium porum, tortuosumque, nervo quodam
 quartæ coniugationis eorum qui nascuntur ex cere-
 bro, substratum, & cute præterea duriuscula conte-
 ctum, & in osse durissimo formatum, non temerè ef-
 fectum esse, ibi, & talem, sed audiendi gratia? si enim
 neque alia in parte, neque aliter effici posset, ut esset
 transmittendis in animam sonis adeò aptum, euidenter
 coniectura est, ab aliqua sapiente causa esse aptatum.
 Nam præterquam quòd ad securitatem & tutelam ce-
 rebri, ut Galenus indicat, facit illa flexuosa meatus fi-
 gura, ad ipsos sonos qui aëris motitatione constant
 excipiendos præcipuè esse factam, indicant mihi eui-
 denter

*Aurium
 considera-
 tio.*

denter chonçe quæcunque illamet figura cauæ, flexuo-
 sæ scilicet, & contortæ. Eæ enim auribus admotæ, ex
 eo solo quem intra se continent aëre, etiam nullo ex-
 trinsecus accedente motu, tinitum edere continenter
 sentiuntur, adeò facit illa figura vt aër inclusus sonet.
 Porus ergo ille accommodatissimus effectus est, vt il-
 lam ab aëre possionem excipiat, neruus verò quor-
 sum eò venit ex cerebro, nisi vt deferat facultatem
 quæ percipiat? vt certè ad oculos primi veniunt ex ce-
 rebro molliores, & rariore, copiosiores spiritus qui-
 bus ad videndum erat opus excepturi. Iam verò in
 ipsis oculis humor vocatus chrystalinus, rotundus qui *Oculorum*
 dem, sed secundum faciem externam habens periphe- *fabrica.*
 riam maioris circuli, quid aliud est, quam speculum
 crystalinum, colorum fulgoribus, seu speciebus reci-
 piendis, accommodatissimum? Tunica cornea totum
 oculum extrinsecus finiens, quid aliud quam laterna
 cornea, ad recipiendum externos, & reddendum inter
 nos fulgores? adeò mihi videtur hac in parte homines
 nō solum quod ad figuram attinet, sed in ipsa materia
 speculorum & laternarum deligenda, imitati sapien-
 tiam nostri formatoris. Mitto dicere mirabiles vsus tu-
 nicæ vueæ, cuius media perforatione constat pupilla,
 & circulo varicolore iridem refert: Retiformis etiam
 arachnoydis, & coniunctiuæ, & humorum aquei & vi-
 treï: quin & palpebrarum, & ciliorum, & supercilio-
 rum, atque adeò ipforum ossium, integro enim ad re-
 censendum libro opus esset, neque eo exiguo. Vnico
 verbo indicabo hæc omnia atque eorum singula sa-
 pientissimè, & magnæ cuiusdam vtilitatis gratia esse
 ita aptata. Deme aut muta quodcunque horum, vel pi-
 los ciliorum, aut superciliorum velle: manifestam no-
 xam inferes visioni. Nihil igitur horum effectum est,

hoc, vel tale, frustra, neque ornatus solum gratia, sed propter ipsam visionem, aurium etiam, & auricularum eadem ratio est. Quo pacto ergo possit qui fecit hæc, intelligentia esse orbatus? ac non potius sapientissimus? effecta verò esse ab aliquo necesse est, siquidem ut in huius operis initio monstrauius effecta sunt, & non à se ipsis. Nunquid igitur, qui fecit aurem non audiet? aut qui finxit oculum, non considerat? Rursum si auris ob auditum est, ut re ipsa constat, ac nemo sanus neget, ob auditum certè effecta est, is ergo qui fecit, ob auditum fecit. Si enim non constitit casu, neque præter intentionem agentis constitit. Præuidit ergo qui fecit aurem, à principio auditionem, siquidem finis est quod primum in intentione. Vidit ergo aut in seipso, aut extra se. Extra se quidem non potuit, quia ante aures non poterat esse auditio: vidit ergo in seipso, quapropter necesse est, ut qui ab initio fecit aurem & oculum, audiendi & videndi haberet in se facultatem, & aures, & oculos. Quia si hæc omnino non fuissent, neque sciri, quare neque fieri omnino possent. Igitur hac ratione euidenter constat, fieri non posse ut quis fecerit aurem, & non audiat, & oculum & non consideret. Ut igitur solum des (est verò id antea indicatum) hæc effecta ab aliquo esse, neque constituisse per se ab æterno, constat, eum qui fecerit, & videre, & audire, & considerare res humanas. At dices, si videt & audit omnino sentit, patitur certè à sensibilibus, nam ut Aristotel. indicat, ipsum sentire pati quoddam est: neque sanè sine passione corruptiua agitur, nam comitantur sensum voluptas & dolor, quorum alterum cum corruptiua agitur passione, alterum verò alterius est comes, ut & reliqua contraria. Si igitur sentit (dices) potest & voluptate frui

frui & dolere. Si autem hoc, & alterari & corrumpi: hæc verò aliena admodum sunt ab eo quod æternum, igitur & sentire alienum ab eo est. Porro dices, non solum nostro argumento fieri, ut vim habeat percipiendi sonos & colores, sed & aures, & oculos, & nares, ac denique alia omnia quæ fecit, siquidem necesse est præuiderit quæ fecit, non autem extra se. Ita est profecto, *Deus omnia in se habet.* habet in sese omnia, non tamē ut extāt extra illum, sed præstantiori quodam modo, atque ut in æterno exemplari, quod antea etiam vel ex sententia Platonis indicauimus, Itaque audit, & videt, non tamen ut nos, sed præstantius multò, ac citrà omnem passionem vnica simplicissimāque noticia agnoscēs omnes, siue sonos, siue colores ac denique omnia quæcunque sunt, fuerūt & futura sunt. Non igitur fieri potest, ut qui fecit aurem non audiat & qui fecit oculum non consideret, neque enim quia perfectius videt, & audit, negandum est videre, & audire quin potius asserendum videre & audire omnia, atque esse sapientissimum, & prouidentissimum, atque ut nihil sine eius potentia, ita neque sine eius sapientia & bonitate geri. Neque verò atheorū argumentis respondere difficile est. Pro primo dicimus eos rectē asserere, si Deus est, eum esse omnipotentē at verò falsò assumere, non esse qui faciat quippiam supra naturæ vires. Confirmauit enim Deus Optimus Max. quam de se voluit haberi fidem, innumeris neque ineuidētibus miraculis, siquidem suscitauit mortuum quatruiduanum, & quod est multò maius, ipse etiam triduanus surrexit à mortuis. Dices, hoc ipsum negabit Atheus. Dicet igitur multos, eosq; alioqui optimos viros, neq; pecuniarum, neq; glorię cupidos, adeò nihil sibi inde aucupātes, ut omnes, nullo fere excepto, in cōfirmationē fidei mortē & tormēta li

*Respondetur
argu-
mentis A-
theorum.*

benter subierint, eosque per vniuersum orbem dispersos, vno ore, pro amico, multò antè contumeliosè necato, mentitos esse, hisque ipsis iam occisis, innumeros postea sapientissimos, grauissimos, & sanctissimos viros, rebus omnibus post habitis, vsque ad sanguinis effusionem leuiter credidisse. Quæ potest esse aut excogitari, maior perfidia? petet Atheus, vt illi indicem hæc ita esse effecta, vt narratur. Non possum aliter, quàm testimonio sacrarum literarum, & consensu mundi totius, atque multorum seculorum, & (quod est maximum) consonantia omnium testimoniorum veteris & noui testamenti, & consensu historiæ prophanæ cum sacra. Quæ argumenta diligentissimè persecutus est Diuus Augustinus in libris de ciuitate Dei, & post illum Diuus Thomas contra gentes. Sed quo pacto indicat mihi Atheus, nihil horum effectum esse? quia (inquit) fieri non potest. Sed cur non potest fieri? quia (inquit) nihil tale effectum est vnquam. Quid si effectum est? non est (inquit) itaque probat idem per idem, atque vt dicunt, vtitur circulo, petitque credi sibi soli sine vllis testimoniis, potiusquam nobis cum tam multis. Longè stultius est putare, non esse Deum omnipotentem, quia non potest sibi mortem conciscere. Nam cum mori pati sit, non agere, non posse mori, roboris sit non debilitatis. Iam verò non habere ius in præterita, hoc est, non posse facere, vt quæ facta sunt, facta non sint, & neque in præsentibus posse facere, vt non sit, quod sit, cum est, quia hæc omnia continent contradictionem. Id verò quod contradictionem continet, nihil est, quia negatio tollit affirmationem, & affirmatio negationem: igitur qui potest omnia quæ contradictionem non continent, nihil est quod non possit, & qui in his naniis hærent, non mihi

hi videntur vt sapientes dubitare, sed vt quiuis ex indocta plebe. Veniamus ad reliqua. Miserum dicunt futurum Deum, si quis sit qui rerum omnium humanarum gerat curam. Vtinam in miseriis ponerent homines rerum gerendarum sollicitudinem, ne essent adeò ambitiosi. Vt verò homo qui multarum rerum curam habeat, sit miser, Deus tamen minimè miser sit. Miseria enim non est in prouidentia, sed in defatigatione, Deus verò defatigari non potest, siquidem nullo labore rerum notitiam conquirat, nullius obliuiscitur, sed omnia, præsentia, præterita, & futura, vno intuitu videt, ipse existens simplicissimus, & nullius alterationis capax. Quantum autem faciat ad in dolentiam simplicitas, philosophi optimè intellexerunt, nam vel ipsum hominem dicit Hippocrates libello de natura humana, si vnum esset, hoc est, vno constans elemento non doliturum, nedum Deus, qui non physicè solùm, sed & metaphysicæ compositionis est expers.

Quid ergo stultius, quam timere ne prouidentia fiat miser, qui nullatenus possit defatigari? Quid addunt præterea? Non videri Deum prouidentiam habere rerum humanarum, quandoquidem cum deterrimo quoque videtur fortuna optimè agere, & cum præstantissimo quoque pessimè. Argumentum hoc tractauit disertissimè Dauid Psal. 72. his verbis. *Et dixerunt, quò modo scio Deus, & si est scientia in excelsis? Ecce ipsi peccatores & abundantes in seculo obtinuerunt diuitias. Ergo sine causa iustificauit cor meum.* Respondet verò mox ipsemet huic dubitationi, dicens, *Existimabam vt cognoscerem hoc: labor est ante me donec intrem in sanctuarium Dei, & intelligam in nouissimis eorum.* Quasi diceret, non possis intelligere quantumuis labores, quæ sit causa qua impij in hoc seculo prosperè agant, nisi in-

*Atheorū
reprehensio.*

*Impij cur
prosperen-
tur.*

tres in considerationem diuinorum myſteriorum, & intelligas quæ fient in nouiſſimis eorum. Sed quæ ſunt hæc? *quia ecce (inquit) qui elongant ſe à Deo peribunt, & perdet Deus omnes qui fornicantur abſ ſe.* Poſt nouiſſima ſcilicet, & in futuro ſeculo. Itaque hoc argumento non fit, vt Deus non prouideat rebus humanis, ſed, quandoquidem aliis argumentis conſtat prouidere, ac nihilominus in hoc ſeculo ſæpe agitur melius cū deterioribus, fit, vt teneamur ſperare aliud ſeculum, in quo reddatur vnicuique ſecundum opera ſua. Itaque hoc argumentum non tollit de prouidentia Dei fidem, ſed excitat ſpem futurorum bonorum, quia vt in hanc ipſam ſententiam inquit diuus Paulus 1. ad Corinthios cap. 15. *Si in hac vita tantum à Chriſto ſperantes ſumus, miſerabiliores ſumus omnibus hominibus.* Non eſt autem conſentaneum, vt qui meliores, ſint miſerabiliores, cum Deus ſit optimus, videátque & audiat omnia: Speramus igitur non in hac vita tantum, ſed in futura potius, in quam boni reſurgent induti immortalitate, mali autem in æternam perditionem. Itaque quia videmus ſeculi huius bona magna ex parte eſſe collata in deteriores, non negamus Dei prouidentiam; ſed intelligimus fines bonorum & malorum non eſſe in hoc ſeculo, & quia alicubi eſſe oportet, excitamur in ſpem poſt mortem futurorum, interim ſuſpicientes Dei bonitatem infinitam, qui in malos etiam eſt bonus, hæc qualiacunque bona illis tribuens, bonis verò verè bona, & nunquam interitura reſeruans, quorum, hic inopia exercens, reddit digniores. Hoc eodem modo concludit Plato decimum librum de Rep. ſive de iuſto, hoc eodem argumento confirmans, & Deos habere prouidentiam, & animas noſtras aliud ſeculum manere.

CAPVT QVINQVAGESIMVM.
NONVM.

SALMO nonagesimosecūdo, ita scriptum est. *Etenim firmavit orbem terræ qui non commouebitur.*

Arist. ca. decimotertio, libri secundi, de cælo inquit. *Mentis est ratione carētis non admirari, cur nam parua terræ gleba, si elata dimitatur, fertur, quiescerēque non valet, & quò est maior eò celerius fertur, vniuersa autem terra, si quis ipsam sublimem eleuatāmq; dimittat, ferri non potest.* Nūc verò tantum pondus quiescit. hoc est, miretur quispiā quo pacto fiat, vt tantum terræ pondus quiescat in mundi medio, nulli rei innitens, nullis firmiorib. cementis fundata, sed in aqua & aëre vndiq; pendens, cum præcipuè videamus, minimi etiam ponderis frustulum sit dimitatur in aëre, nulla alia re sustentatum, decidere, neque manere posse. Hæc dubitatio plurimum torisit veteres philosophos, coniecitque in solutiones lōge diuersas, quarum tamen pleræq; vt bellissimè dicit ibidem Aristoteles, absurdiores sunt ipsa dubitatione. Nam Empedocles infinitam esse terræ profunditatem, ideòque quiescere, quasi radicibus infinitis firmatam Thales innatare in aqua vt lignum quodam, Anaximenes, Anaxagoras, & Democritus amplā esse. & ob latitudinē quiescere, quòd subiectum aërem secare non possit, constat verò hæc omnia absurda esse. Nam terrā rotundā esse, certæ cuiusdā magnitudinis, æquidistantem à cælo secundū totā superficiem, experimento constat, quare infinita non est, neque latitudinem planam habet, neque hoc hemispherium illi magis innitur.

Falsa philosophorū opinio de terra.

quam illud huic, sed in centrum nituntur omnia. Porro si terra ampla est, & figurā habet tympani, ac proinde non potest secundum latiore[m] superficiem secare aërem cur tamen secundum superficiem angustior[m] non findit & elabitur? cur enim potius nitatur in hanc cæli partem, quam in illam? Iam verò si terra aquæ innatat, ipsa aqua quo sustentatur? quòd si aqua pendere potest in aëre, possit & terra, quæ enim maior dubitatio? neque igitur super aqua, neque super radicibus, vel cementis infinitis firmavit Deus orbem terræ, sed vt inquit Iob. cap. 26. super nihilum appendit. Certè ex hoc, vt ex aliis multis, quæ in natura rerum eueniunt mirabilia, nos prouocant sacra eloquia in Dei Opt. Max. admirationem. Nam & Isaias capite quadragesimo, ita inquit, *Quis appendit tribus digitis mole[m] terræ?* & rursus paulò infra. *Nunquid non intellexistis fundamenta terræ?* rursus capite quadragesimo secundo, inquit, *Hæc dicit Dominus Deus creans cælos, & extendens eos, firmans terram.* Itaque gloriatur Dominus Deus, quòd sine vllis fundamentis, sed super nihilo firmauerit orbem terræ, qui non commouebitur. Nimirum Dei imperium firmitus omni fundamento est. Sed quoniam Deus omnia disponit suauiter, neque vlli rei æternam infert violentiā necesse est, ita sit terra super nihilo firmata Dei iussu, vt ipsa non repugnet. sed ita ei obsequatur, vt verè secundum suā naturam locata sit. Inuestiganda igitur nihilominus causa est naturalis, qua terra ita locata quiescit, neque vnquā cōmouebitur. Plato in Phedone ita inquit, *Persuasum mihi quidem est primò si est terra necessitate eiusmodi, vt nunquam decidat, sed ad eam sustinendam satis id esse, quòd & cælum vndique sibi ipsi simillimum est omnino, & terra vndique æquilibris.* Res enim æquilibris in famillis alicuius medio posita, neque magis neque

*Terra im-
mobilis.*

minus potest in partem aliquam inclinari, cūque similiter se habeat, ab inclinatione erit aliena. Hęc Plato. Cuius opinio plurimis arridet, videturque optimam & facillimam causam reddere, cur non ruat terra, nimirum quia non est cur hūc quàm illūc potius rueret, rotunda cum sit, & in medio posita. Ad hanc etiam opinionem alludit Ouidius dicens; *Ponderibus librata suis*. Sed si ea esset verè causa, fieret, vt si extra cētrum mundi posita dimitteretur, rueret in eam cæli partem quàm haberet propius, ideo enim non ruere dicebatur, quòd in medio sita in nullam potius partem inclinet. Deinde fieret, vt si terræ figura deficeret ab spherica, & in alteram partem, vt in Septentrionem verbi gratia extaret, in eam cœli partem rueret, velut deficiente æquilibrio, & in eam partem potius inclinante pondere. At verò absurdum est vtrūque horum, nam quoquo rueret, pondere rueret: pondus verò nō fert in cœlum (qua enim ratione pōdus ferat quòd leuitas?) sed in contrarium. Leuitas autem fert versus cœlum, ergo pondus ad partem à cœlo remotissimam, puta ad centrum mundi. Ergò terra siue extra centrum poneretur tota, siue mutata figura in alteram partem extaret, rueret eo vsque, vt centrum ponderis sui in mūdi centro collocaret. Dico autem centrum ponderis, quia si mutata figura extaret, non esset idem centrum ponderis & magnitudinis, sisteret verò in mundi medio ponderis mediū, quia pondus causa descensus est. Si verò non mutata figura, sed à medio mundi aliqua tenus pulsa emineret in alteram partem, rueret sanè tunc quoque, & medium suæ magnitudinis, & mundi totius idem esse faceret, quia nulla alia ratione potest aliis omnibus elementis subistere. Amat verò id eius natura, quia est omnium crassissima: est verò is

*Centrum
locus in-
fimus.*

naturalis omnium corporum ordo, & cuius comparandi gratia mouentur per se ipsa, hoc est, neque pulsa, neque tracta, neque portata, neque volutata, sed spontè naturæ, vt crassia sint sub tenuibus: est autem in vniuerso infimus locus, qui & intimus, puta centrum, supremus qui & extimus, puta cœlum. Quia vniuersi partes nō possunt ad aliud quodpiam extra ipsum referri, vt in corporibus singulis, velut in ouo vitellus est pars intima, non tamē eadem infima, quia est quædam albuminis pars inferior, quæ scilicet, longius abest: à cœlo in ipso autem orbe non ita, quia non est extra illud aliud ad quod eius partes referantur, sed est infra, quod continetur, suprā verò quod cōtinet, continetur verò ab omnibus quod in centro situm est, cœlum autem omnia continet.

Hæc igitur causa est, qua terra extrā centrum acta, aut altera ex parte eminens, rueret in centrum, & eadem, quia non ruit à centro. Nam quo pacto possit à centro, & ad centrum naturaliter ferri, contrariæ cum sint tales lationes? neque certè re ita perspecta, vlla superest dubitatio. Nam particula terræ in aëre dimissa, non fertur vnquam in eam cœli partem cui est propior, sed versus centrum, neque si iuxta ipsum cœlum dimitteretur, maneret, quamuis cœlum firmum, & velut ex aëre fuso esse indicatum antea est. Non ergo quærit ruens, rem firmam cui adhereat, sed ordinem quem naturaliter expetit, ne sit, scilicet super re tenuiori, sed tenuioribus omnibus subleuet. Terra ergo tota, cum ita locata sit, non possit vnquam ruere: igitur firmavit Deus orbem terræ, non aliter, quàm rectè, ac secundum eius naturam collocans, hoc est, in mundi medio, qui idem est locus infimus. Verum quia, vt diximus, si alteram

alteram in partem extaret, velut si nunc ad Aquilonem aut Austrum tuberculum magnum terræ ali- quod innasceretur, rueret, non quidem in cœlum cō- versus (vt timere videbatur Socrates in Phædon) sed in sese ipsam, vsque dum centrum sui ponderis tene- ret mundi medium, necesse est vt hunc quoque ca- sum Deus prouideret, efficiens ne aliquam in partem terra extet potius, sed omni ex parte sit æquilibris: hoc autem æquilibrium, siquidem terra esset perfe- ctè spherica, & secundum omnes partes æque crassa, nulla alia ratione indigeret, nam esset ita idem cen- trum magnitudinis & ponderis: verum ob aquarum distributionem, & alias necessitates, oportuit vt terræ partes essent aliæ alij altiores, ac nihilominus, vt fir- miter quiesceret, oportuit vt nullæ partes potius quàm sibi oppositæ extarent, aut vt illa eminentia op- positarum partium crassitie pensaretur ad æquali- tatem.

Necesse est igitur vt Deus montes, & colles, ac denique omnia terræ tubercula, ad æqualitatem ponderis terræ partibus distribuerit, æqualia & *Motium & collisionis* qualibus opponens, ne alia ex parte grauior facta *inæqualitas.* terra, rueret in se ipsam aliud centrum quærens, quod esset sui ponderis, etsi non esset suæ magnitudinis, ve- lut de iis quæ vehuntur in aqua monstrat Archyme- des. Iustam hanc partium orbis terræ dispensatio- nem, optime cecinit Isaias dicens, *Quis appendit in tribus digitis molem terræ? & librauit in ponde- re montes? & colles in statera?* ob hanc igitur æ- qualem distributionem partium, & quia in medio collocatus est terræ orbis, non commouebitur.

Neque verò illa æqualitas partium, est extra id

id quod amat rerum natura, immo est quoddam naturæ bonum, non in vniuerso solum, sed in vno quoque spectabile. Galenus enim multis commendat, in opere quod de vsu partium scripsit, hanc partium æqualitatem in corpore humano, licet verò eandem contemplari in musca & culice, & arbore, & arbusco, & herbus, & re quacunque integra, vsque adeo fecit Deus omnia in pondere, & mensura. Itaque ne terra per aërem in quo videtur pendere, rueret, prouidit Deus, illam sub aliis omnibus mundi partibus collocans: ne rueret in se ipsam, aut commoueretur, prouidit, librans in pondere montes; & colles in statera. Duplici ergo ratione firmavit orbem terræ qui non commouebitur.

CAPVT SEXAGESIMVM



A P. 25. Prouerbiorum. *Acetum in nitro, qui cantat carmina cordi pessimo.* Comparat Salomon carmina salutaria, decantata homini qui sit corde pessimo, aceto in quo dissolutum sit nitrum.

Quæ quam sit apposita comparatio, cuius facile intelliget, perspectis iis quæ de talibus carminibus à philosophis, & de nitro in aceto à veteribus medicis scripta sunt. Plato in Charmide in persona Socratis multis verbis docet, morbos animi curari incantationibus, atque animi morbis sublatis, plerunque salutem in corpus redundare, tollique capitis dolorem, & multa alia mala, incantationes verò præclaris sermonibus contineri, quibus animæ temperantia tribuatur. Itaque sunt hæ incantationes, seu decantata carmina exhortationes, increpationes, ac denique discipli-

ciplinæ omnes, quæ ad Dei timorem, & virtutum cultū nos alliciunt. Maximæ scilicet ægri animi medellæ, quæ sanè à sapiēte, & qui ex Deo, est libentissimè suscipiūtur, ei verò qui corde est pessimo, aceto in nitro, seu nitro dissoluto in aceto similes occurrunt. Principio enim molestæ sunt, & mordent acriter, postea verò extergunt & eluunt sordes animi, nisi quis iam est immedicabilis. Talis enim semper auersatur, & respuit, læditurque omni curatioe magis. De nitro verò à Dioscoride capite 89. lib. 5. ita scriptum est: Purulentas aures & sonitus earum sanat, sordes expurgat cum aceto instillatum. Galenus quoque tertio de cōpositione medicamentorum secundum locos, ex Archigenis sententia cōmendat ad aurium sonitus, acetum cum nitro. Vt itaque nitrum cum aceto instillatum in aures, earum eluit sordes, & sonitus, seu tinitus earum sanat, ita exhortationes sanctæ sæpius instillatæ in aures, etiam pessimis, sordes animi eluunt, & varias perturbationes, quasi sonitus aurium prohibentes audire veritatem, sanant. Mordent verò, neque sine magna molestia ab ægro animo suscipiuntur non aliter ac acetum & nitrum. Vtrunque enim per se, ac simul ambo, vbi in purulentas, & exulceratas aures instillatur mordet, duratque ea mordicatio, vsque dum pars sanescit, & cute obducitur.

*Aceti in
nitro so-
luti vis.*

*Aures
purgantia*

CAPVT SEXAGESIMVM

PRIMUM.



Neodem 25. Prouerbiorum. *Sicut frigus niuis in die messis, ita legatus fidelis ei qui misit eum animam ipsius requiescere facit.* Et paulò infrà in eo. c. 3. in eandem sententiam dicitur, *Aqua frigida.*

*Aqua
frigida
potus.*

animæ sitienti, & nuntius bonus de terra longinqua. Itaque coniunctis ambobus locis facile intelligimus, potum aquæ refrigeratæ admota niue in die messis, hoc est, in æstate, facere requiescere animam potantis, vt nuntius seu legatus missus è terra longinqua cum est fidelis, facit requiescere animam eius qui misit eū. Quoniam scilicet, fiduciam habet in nuncio fideli is qui misit eum, ac proinde requiescit animus eius. Possit hîc physicus pro potu niue refrigerato testimonium accipere, atque tempus vtendi illo discere, non minus quàm à Galeno. Siquidem verba illa, *Animam ipsius requiescere facit*, vsum innuunt, illa verò, *In die messis*, tempus vtendi. Nimirum autem physicè plerisque vocatur ipsa respiratio, seu qui respirando attrahitur spiritus. Atqui Diogenes, vt tradunt, qui de eius placitis scripserunt, in eo aëre animæ essentiā esse putauit. Sed vt cūque de animæ essentia sentiat physicus, quia respiratu vita seruatur ipsam respirationem animam vocat, atque huius ipsius facilitatem, seu tranquillitatem, animæ requiem. Itaque facere animam requiescere, est physicis, respirationem facile reddere, id verò fit, igneum calorem extinguendo, atque hominē attemperando. Quod, cum febris calor igneus sit, constat, vt possit à multis febribus liberare, atque ita esse vtilissimum, cum tempestiuè adhibetur. Intempestiuus enim eius vsus multorum malorum causa esse potest. Quæ Hippocrates ferè colligit in Aphorismo dicens, *frigida velut nix & glacies, pectori inimica sunt, tusses mouent, sanguinis eruptiones, ac defluxiones faciunt.* Rursus in alio Aphorismo. *Frigida inimica ossibus, dentibus, nervis cerebro, spinali medullæ, & rursus, Frigida conuulsiones, antrorsum, ac retrorsum distentiones*

distentiones, nigrores, rigores febriles. Opportunitas verò, est, vt Galenus libello de cibis boni & mali succi inquit, *In æstate non quibusvis, sed iis tantum qui exercētur dare, ne, scilicet æstu forti & exercitatione inflammati, in causones incidant.* Quorum generationem Hippocrates in libris de ratione victus in acutis, his verbis docet. *Febris autem ardens fit, cum resiccata venula tēpore æstiuo acres ac biliosos ichores in se ipsas trahunt.* Fit autem plerunque ex longo itinere, & longa siti, cum resiccata venula acres & calidas fluxiones in se ipsas attraxerint. Cum igitur hæc sit causonis generatio, & his causis fiat, constat nulla ratione posse præcaueri melius, quàm eo tempore, iis qui in talibus versantur causis, dato potu frigido, forēq; vt venæ refrigeratione temperentur, & spiritus, qui æstu & exercitatione redditur difficilis, requiescat, fiatque facilis ac moderatus.

Causonis generatio.

Facit igitur talis potus, animam requiescere in die messis, hoc est in æstate & labore. Quo enim potius vteretur, quo significaret æstum & laborem, quàm messis? non autem solis messoribus, sed & omnibus hominibus negotiosis, qui per æstatem non possunt se horis meridianis domi continere & iter agentibus utilis is potus est, si quidem inde febres ardentes sole-
re cieri Hippocrates auctor est. Neque verò tunc omnibus vtendum tali potu est, sed quibus nulla pars, earum quæ eo lædi solent insigniter est debilis; thorax idico, pulmo, cerebrum, nerui, spinalis medulla, aut etiam intestina, aut vesica. Quibus ergo talis quæpiā est debilitas, exercitationes & insolationes per æstatem deuitentur. penitus ne necessario incidant in alterutrum, ardentes dico febres, aut illas alias noxas. Vt verò præscripta verba Salomonis continent com-

mendationem frigidi potus, ita innuunt, ne in æstate quidem nisi exercitatis vtendum eo esse: in aliis verò temporibus nulli. Non enim simpliciter dicit, frigus niuis requiescere facit animam, sed in die messis; nimirum aliis temporibus, aut etiam in æstate vacantibus hominibus, animam sedat ipsa æris inspirati temperies, aut otium. Verum de tali potu alibi mihi dicta sunt plura. Hic pro meo instituto dictum est satis.

CAPVT SEXAGESIMVM.

SECVDVM.



CAP. I. Ecclesiastæ. *Generatio præterit, & generatio aduenit, terra autē semper stat. Oritur Sol & occidit, & ad locum suum reuertitur, ibique renascens gyrat per meridiem, & flectitur ad Aquilonem. Lustrans vniuersa in circuitu pergit spiritus, & in circulos suos reuertitur.*

De circulari motu.

Hoc quod Ecclesiastes obseruauit, nihil aliud est, quàm quod Arist. in duobus vltimis capitibus secundi de ortu & interitu disertè tradidit, puta circularem esse rerum omnium mutationem, & hinc pendere mundi æternitatem, quoniam, scilicet, sola mutatio circularis potest esse perpetua. Partes ergo mundi quæ per se sunt perpetuæ, vt Solem & alia corpora cœlestia, nullam mutationem substantiæ subire, sed circulo volui, accederéque & recedere, eadem numero semper redeuntia: quæ verò corruptibilia sunt, fieri semper ex se ipsis circulo nascentia & intereuntia, numero semper alia, sed specie eadem, vt ex aëre fit aqua, & ex aqua aër. Hunc generationum abeuntium & redeuntium circulum, quo mundus seruetur innuit Ecclesiastes

stes dicens, *Generatio præterit & generatio aduenit.*

Considerandum verò triplicibus rebus constare mun- *Mundi par-
tes tripli-
ces.*
 dum hunc, quibusdam enim incorruptibilibus, vt cœ-
 lestibus : quibusdam secundum se totas corruptibili-
 bus, vt singulis brutis & arboribus : aliis corruptibili-
 bus per partes, vt terra, mari, & toto aëre, horum enim
 nullum secundum se totum corrumpi potest, corrum-
 pitur verò secundum partes singulas. Corruptibilia
 primi generis, non aliter seruantur, quam successiua
 generatione singularium, generatione scilicet præte-
 reunte, & generatione aduenient e. Terra autem & ma-
 re & eiusmodi semper stant, etiam si secundum par-
 ticulas præ sua mole insensibiles, recipiant accessio-
 nes. Sol, & reliqua corpora cœlestia, secundum se to-
 ta & partes omnes inalterata, tantum mouentur cir-
 culo, qui motus ad aliorum corporum mutationes, ra-
 tionem habent causæ. Quia enim hæc circulo volun-
 tur, illa circulari mutatione hoc est, eisdem specie re-
 bus abeuntibus, & redeuntibus oriuntur & intereunt.
 Neque sane illorum cælestium corporum virtus æ-
 què accedit ad omnia, quæ in generabilium & corru-
 ptibilium regione sunt, sed in his ipsis est ordo vt lo-
 ci, ita & virtutis. Suntque alia aliis efficaciora & perfe-
 ctiora, mutâtque cœlum ipsum alia per alia, velut per
 tenuiora & superiora, quæ crassiora & inferiora sunt.
 Proindeque dictum est Empedocli, terram & aquam *De elemē-
tis.*
 materiam esse generabilium corporum, vt farinam &
 aquam, aërem verò & ignem efficientia magis quam
 accipientia esse, & virtutes præstare magis quam cor-
 pora rebus generandis. Hæc igitur consentaneum est
 accipere propius à cœlestibus vim, quam in humilio-
 ra transmittant. Argumento est, quòd cum inferiora,
 & densiora, stent in suis locis firma (multòque magis

*Aëri mo-
tus circum-
lavis.*

terra) superiora illa & tenuiora cum cœlestibus voluuntur, & illorum prosequuntur motum. Aërem enim supremum, & qui iuxta cœlum est, circulo volui quotidie ut ipsum cœlum, indicant cometæ, qui quasi in ipso essent cœlo, videntur aliquando circuire, ignem verò qui & per aërem & per reliqua omnia penetrat, ut omnium tenuissimum motum ipsius Solis tenere & cum illo circuire, indicat calor qui luminis accedit semper, & tenebrosa deserit, quasi luminis comes indiuiduus. Id enim est, quia ignis est a secla Solis. Ut igitur Solis circuitio causa est circuitiois huius substantiæ spiritualis, aëreæ inquam & igneæ, ita & hæc spiritus circuitio, causa est generationum, & corruptionum, eorum quæ circa terram, & mare oriuntur & intereunt, atque in his, maximè ignis, huic enim, ut Aristoteles inquit, substrata sunt omnia ut materiâ illæque suo calore efficit omnes naturales ortus, estque ut in hoc ipso opere antea interpretati sumus, spiritus qui ferebatur super aquas, & fecundabat omnia. Breuissimè igitur Ecclesiast. complexus est totam de ortu & interitu tractationem, dicens; mundi huius perpetuum ductum seruari, aliis ex aliis rebus circulo genitis, & generatione successiua rerum numero diuersarum, specie similium, itaque generatione prætereunte & generatione adueniente causas verò huius commutationis rerum esse, quod terra semper stat in medio mundi firmata (intelligitur verò terræ nomine, totus eius globus, qui terra & aqua constat) & circa eam voluuntur circulo cœlestia, & spiritualia tenuiaque corpora, his enim (cœlestibus inquam & spiritualibus) facientibus, & illis (crassis scilicet elementis) recipientibus, ortus & interitus fiant. Ut verò hæc recipiant, & illa faciant, nihil magis consentaneum

neum, quam vt illa circumeant, & hæc firma stent, si-
quidem efficientem causam oportet accedere ad ma-
teriam, nulla autem ratione acceditur melius quàm
materia quiescente, & effectrice causa accedente om-
nem in partem, omnem verò in partem non aliter ac-
ceditur, quam circumeundo.

Quapropter facessat iam hinc quorundam vete-
rum sententia, & Copernici arguties, terra enim stat, Copernici
reprehensio.
& Sol circuit. Neque verò ipsa cœlestia corpora, & te-
nuia elementa, æquè pertinet ad effectiuas causas, sed
cœlestia efficiunt solum, elementa tenuia efficiunt
multò magis quàm crassa, ita tamen vt accipiant non-
nihil, materiæque sint, alioqui non essent elemēta. Ne-
que ipsa cœlestia inter sese, neque tenuia elementa ha-
bent pares efficiendi vires, sed in illis Sol, in his ignis
præcipua ortuum & interituum causa est, proinde Ec-
clesiastes patiendi principium in terra quiescente effi-
ciendi verò in Sole, & spiritu hoc est igne, circulo la-
tis posuit. Eam verò esse vtilitatem circularis lationis,
vt effectrix causa ad omnes materiæ partes accedat, a-
pertè insinuât illa verba, *Lustrans vniuersa in circuitu
pergit spiritus*. Nihil est enim aliud, quam si diceret, in
circuitu pergit, vt lustret vniuersa. Porro nos antea, su-
per capite trigésimonono Deuteronomij, ex loco &
motu Solis, Dei sapientiam commendauimus, & ad-
mirati sumus, qui ita illum cœlo locauit, eumque mo-
tum tenere iussit, vt nulla se mundi pars absconderet
à calore eius.

Verū quod de Solis motu hoc loco dicit nō exiguā
ingerit difficultatē. Nā, inquit, *gyrat per meridiē & fle-
ctitur ad Aquilonē*. Videtur autē hoc nō ita habere. Nā
Aquilō est ea cœli pars à qua flat Boreas, qui & Aquilo Solis cir-
cuitus.

dicitur. Ea verò est vbi situs est polus, Sol verò circuit
 circa polum, ita vt polus centrum sit eius circuli quē
 Sol describit, non potest ergo versus polum flecti, si-
 quidem circuli partes omnes distant à centro æquali-
 ter. Neque verò hīc possis dicere quod Diuus Tho-
 mas Aquinas super Iob dicit, Aquilonis nomine si-
 gnificari hemispherium quod supra nostrum Orizon-
 tem est, & huic oppositum dici Meridiem. Quinpo-
 tius, meo iudicio, hīc constat, non esse illam legiti-
 mam interpretationem. Nam quis non dicit Solem
 gyrare per Meridiem, cum horas nobis exhibet meri-
 dianas: constat verò horis meridianis supra nostrum
 Horizontem esse Solem. Meridies igitur pars nostri he-
 mispherij est, nō quid huic oppositum. Quid ergo di-
 cas? quo pacto flectitur ad Aquilonem? Videtur sanē
 hoc dictum iuxta sententiam quorundam veterum,
 qui, vt Arist. cap. i. secundi Meteor. narrat, censebant
 totum mundum secundum Septentrionalem partem
 in sublimē assurgere, secundum meridionalem verò
 demissum esse, idque non solum in cœlesti, sed in ter-
 reno. etiam globo. Itaque habere terreum globum ad
 Septentrionalem partem, velut giberum quendam
 prægrandem, extare enim ad eam partem, & ad meri-
 dionalem nutare, Solēque non sub terram, sed cir-
 cum terram, & hunc Septentrionalem locum circum-
 ferri. Itaque diem esse cum per meridiem circuiret,
 noctem verò cum deflectens ad Septentrionem, illo
 velut terræ gibero occultaretur. Videtur itaque illi
 sententię locus hic fauere. Sed & quod ponunt, alięque
 quamplurimi veteres putauerunt, Septentrionalem
 cœli partem aliis omnibus esse superiorem, videtur ex
 sacris posse recipere confirmationem, siquidem Isaia
 decimoquarto capite ita dicitur, ex persona superbis-
 simi.

fini. *In cælum conscendam, super astra Dei exaltabo solium meum, sedebo in monte testamenti in lateribus Aquilonis*, quasi scilicet, Aquilo excelsior cœli pars sit. Verumtamen hoc falsum esse, neque vllam mundi partem eminere aliis, cò quod in perfecta sphaera omnes extremitatis partes distent æquè à medio, indicatum antea est super capite trigesimoseptimo Iob. Porro dicere Solem illo modo circuire, hominum est ignorantissimorum astrologiæ. Nam cum Sol moueatur motu diurno cum toto cœlo, nisi moueretur quatenus nos dicimus, supra & infra terram, non possent poli esse, vbi esse nunc ponuntur, sed mutato circulo mutari oporteret polos, at verò polum esse vbi nunc ponitur declarant stellæ omnes fixæ, quæ quò longius absunt ab illo puncto eo maiores describunt circulos, & quò accedunt propius, minores, adeò vt sint nonnullæ æternæ apparitionis. Itaque falsum esse illud dogma, ex dictis apertè depræhenditur: quapropter non licet secundum illud sacra verba interpretari, sed quæ ex Isaia produximus verba sunt regis præ superbia insanientis, affectantisque sedes æthereas, ac solium suum collocare in Aquilone, quæ pars despectanti à terra videtur esse summus cœli apex, quia in medio astrorû omnium est, & circum quam Sol, & Luna, ac reliqua Astra omnia tam errantia, quàm fixa, videntur choreas ducere, non tamen proinde excelsior est aliis, neque quidem potest in corpore perfecte spherico. Quo pacto autem vera sint præscripta nunc de Solis circuitione verba, iam dicamus. Certè illa in sphaera recta & sub æquinoctiali vera non essent, ibi enim Sol aut per ipsam lineam fertur æquinoctialem, neque in vllam mundi partem flectitur: aut vltra citràve eam lineam, ita tamen vt quotidiana circuitione eam non interse-

*Dux mun-
di partes.*

cet, non interfecans autem in contrariam mundi partem flecti non potest. At verò in sphaera obliqua, qualis est hæc quam incolimus, & Syria, vbi hæc scripta sunt, quinimmo & vbi inter tropicum Cancræ & circulum Arcticum (vltra quos fines nihil habitabile putabat antiquitas) verissimum est, quotidie Solem gyrare per meridiem, & flecti ad Aquilonem. Nam quacunque die conuertat homo faciem ad eam partem qua oritur Sol, & inde ducens per suum Zenit lineam, describat circulum magnum, & imaginatione fecet mundum in duas partes æquales, eam mundi medietatem ad quam spectabit sua dextra, vocabit meridiem, ad quam sinistra septentrionem, aut Aquilonem, quia habebit polum à sinistris, & à dextris meridianum motum Solis: quotidie autem Sol, postquam gyrauerit per meridiem, interfecans illum magnum circulum (qui est linea longitudinis) flectetur ad oppositam cœli medietatem, quare flectetur ad Aquilonem. Intersecare autem eam lineam quotidie, constat, quia Sol cum fertur per æquinoctialem describit magnum circulum, duo autem circuli magni non possunt non interfecare sese per medium: cum verò recedere ab æquinoctiali non possit Sol nisi per triginta gradus, & obliquitas sphaeræ dictis in locis maior sit (quod eleuatio poli ab Orizonte indicat) fit vt nunquam percurrat Sol circulum, qui non interfecet circulum illum magnum, & si non per medium, & in partes æquales. Si autem interfecat, certè flectitur antequam perficiat diurnum motum ad oppositam medietatem, & quæ spectat ad Aquilonem. Verissimè ergo Sol ex quo nascitur, gyrat per meridiem, & deflectens ad Aquilonem redit in locum suum. Quod verò omnis locus citra tropicum Cancræ habeat

beat obliquitatē maiorem, quam sit summus Solis recessus à linea æquinoctiali, constat quia duo tropici quē distant ab illa linea, & circuli Arcticus & Antarticus à polis, habebit ergo regio quæcunque tantò plus obliquitatis quam id spatium sit, quantum distat ab ipso tropico, quod omnino sit aliquid, si citra illum sita est.

CAPVT SEXAGESIMVM

TERTIVM.

IN eodem primo cap. Ecclesiastę ita habetur. *Omnia flumina intrant in mare, & mare non redundat: ad locum vnde exeunt flumina reuertuntur, vt iterum fluant.*

Antiquam hæsitacionem vocat Aristot. in secundo cap. secundi Meteororum, cur mare non redundet, neque verò sentiatur augeri, tametsi multitudo ingens tantæ magnitudinis fluuiorum in ipsum continenter influat. Nimirum inde licet intelligere, eam quæstionem ab antiquissimis etiam philosophis agitatam esse, cuius decissionem constat pendere ab ea opinione, quam quis habeat de fluminum generatione, & hanc à generatione fontium. Siquidem videmus (neque dubium) flumina à fontibus incipere & accessione fontium & riuulorum augeri.

*Mare cur
nō crescat.*

*De flumi-
nibus.*

Qui igitur censebit fontes ex ingenti illo barathro, & aque (vt ita dixerim) immensitate, quę intra terrā est regurgitare, partim per patentes quosdam poros, velut per quosdam cuniculos, partim per solidam ipsam terram excolatos, dicet, (quod in præscripta oratione legimus) mare nō redūdare, quia quantū alia parte accipit, tantundē alia dimittit Cuius sententię Plato est in

Phædone, vbi differens de magno illo barathro, inquit. *In hoc vtiq; receptaculum omnia confluunt flumina atque inde rursus effluunt.* Arist. verò qui de generatione fontium aliter statuit, putat illos non ex yno communi principio fluere, sed noua aliqua generatione fieri, suo in loco vnumquemq; merito videtur refutare eam quæstionis antiquæ decisionem, & excogitare aliam. Nimirum ipse censet in terræ cavitatibus gigni aquam, aëris, & vaporum qui illi sunt copiosi, cōgestione, ibique multatum guttularum continenti cōcursu, riuulos gigni, qui per meatus aliquos erumpentes, fontes dicantur, quorum rursus coitione fiant flumina quæ per terram decurrant vsq; ad mare; hoc verò ob suam vastitatem, non videri accessione fluminum augeri, esse enim perinde ac si per amplissimam mensam effundas aquæ cyatum. Differendum igitur in primis videtur de fontium generatione, vtro dictorum modo fiant, & an eodem modo omnes, deinde ad antiquæ dubitationis, solutionem, veniendum, Aristoteli videtur fieri non posse. vt fontanę fluuialesque aquę effluant ex mari, cum in illud influant, quia cū aqua moueri nullo modo possit, nisi ab editiori in humiliorē locū, fieri non potest, vt in eūdē locū influat à quo effluerit, quia erit idē locus se ipso eminentior, & humilior. Quæ causa est, vt nō possint arte fieri vlli fontes perpetui, præcipuē nō accedēte vacui necessitate, quæ certē in terræ cavitatibus nō accederet, quia possent facile repleri aëre. His possis addere tā insignē aquarū fōtanarū à marina differētiā si enim ex mari vt ex communi alueo omnes fluèrent, videntur, & sui, & maris futuræ similes, nunc autem & à seipsis dissidēt multū, & à mari quāplurimum, cum paucae falsæ sint. Cum igitur hic modus generationis

fontium

Fontiū generationis.

Differētia aquarum.

fontium his argumentis videatur tolli, superest alter, ex vaporibus scilicet, & aëre defatis intra terræ cauer-
nas generari denuo aquam, quæ per quosdam hiatus
exiens fons dicatur, atque deinde aliorum accessione
increfcens, etiam fluuius. Quam sententiam confirmat
Arist. dicens hac causâ ad radices montium oriri sem-
per fontes, neque in media planicie humilium valliû,
neque in summis montium cacuminibus, quod ex sub-
limium partium cavitatibus ad humiles guttatim de-
stillet aqua, atq; stillarû concursu colligatur. Ceterum
si quis rectè consideret, videat argumenta quæ contra
aliâ sententiam dicuntur esse solubilia, & quæ in hu-
ius confirmationem communia. Nâ primo illô (quod
& maximum esse videtur) non fit, vt non possit aqua
influere in eundem locum à quo effluat, sed vt nō se-
cundum eâdem partem. Quid autem prohibet mare,
adeo vastum cum sit, & immensæ profunditatis secū-
dum aliâ partem recipere influentes aquas, secundū
aliâ demittere effluentes? nimirum in arte factis fon-
tibus machinari conantur, vt idem aquæ congruus cir-
culo quodam influat, & effluat. At verò in mari non ita
euenit, neque eadem aqua quam in mare deponit Ta-
gus, redibit inquam in eiusdem fluminis exortum, sed
in mare deponit, & ex barathro illo immêso, quod in-
tra terram est, exhaurit. Sed dices, quo pacto exhaurit
certè vt in hominis corpore, magna sâguinis copia in
hepate est, & corde, decurrit verò inde per totum cor-
pus per quosdam angustos canales, quos vocamus ve-
nas, ita intrâ terram maxime quedam cavitates sunt a-
qua plenæ, indèque per quosdâ cuniculos, seu maui-
s, per quasdam venas decurrit per totam terram, vsque
ad eius extremitatem, atque vbi euenit venarû aliquâ
ruptâ esse, aut hiare, fons fit, maior aut minor, vt ipsa

est vena, aut hiatus. Neque enim putandum est, Mo-
~~sem cum in deserto lapidem virga feriens, potuit~~
~~fieri iam pereuntem populum, facille ut quæ antea~~
~~non erat aqua, gigneretur denuò, sed ut quæ sube-~~
~~rat rupto meatu erumperet; velut chyrurgus venam~~
~~scindens, sanguinem fluere facit.~~ Atqui hoc ita se
 habere, apertè indicant verba illa capite septimo

Abyssus Geneseos, *Rupti sunt omnes fontes abyssi*, hoc est,
 omnes fontes, qui ex ingenti aquæ abyssò (hoc est
 quod poëta barathrum vocant, seu tartarum) pro-
 cedunt, ruptis venis eruperunt, & ita effusa aqua a-
 byssi inundauit terram, ut si quis ruptis vbique ve-
 nis exhauriat sanguinem hepatis, ac totam corpo-
 ris cutem commaculet. Sed dices perstans adhuc in
 primo argumento, quandoquidē ex terra & mari vni-
 cus cōstat globus, fieri nō posse, ut aqua per illos mea-
 tus, siue canales, supra globi illius extremitatē, seu su-
 perficiē efferatur, ferretur enim sursum sublimior fiēs
 toto mari à quo nascitur: nullatenus igitur efferri po-
 test in montes, & mari & reliqua terræ planicie subli-
 miores, at verò plerique fontes descendunt ex supre-
 mis mōtibus, decurruntque in terræ planiciem, ac per
 eam in extimam superficiem maris, nō igitur ex mari
 veniunt, sed in ipsis montibus generationem habent,
 non aliter ac pluuiæ aquæ in nubium regione. Non
 esset (arbitror) quod respondere possemus, si mare, &
 tota aque moles in suo loco cōsisteret firmiter, ut ter-
 ra, neque agigaretur hâc & illâc ab vlla alia causa, quæ
 accederet. Nūc autem non ita fit, quinimmo videmus
 mare assiduè agitari, nunc quidem statò quodam or-
 dine tumescens, & detumescens, nunc temerè per tē-
 pestates insanas vsq; ad nubes elatum, & rursus sub-
 sidens, quos motus, vix dubitare quispiam possit, ad
 conclu-

conclusos intra terram, & aquam flatus referri. Nam aduentate tempestate, antequam per apertum aërem ventus reflet, sentitur intrinsecus aqua agitari, & cum ipso maris æstu quotidie aduentat aura quædam, ex aqua impetu interni flatus agitata, erumpens. Quale igitur hoc esse videmus, circa hanc extimam superficiem, tale quiddam necesse esse intra terram in contrarias partes fieri: agitari igitur interius aquam à flatu, & à barathro per terræ cuniculos in partes mari etiam sublimiores efferri, partim quidem ab impellente flatu pulsam, partim etiam ab erumpente, quarenteque exitum tractam, ut est scilicet via. Cum igitur hoc ita habeat, putandum est, esse in supremis terræ partibus cauitates quasdam, quæ cum aqua agitata eo usque pertingit, replentur superne, & cum reliqua aqua retrocedit quæ eas repleuerat, manet velut in vtribus quibusdam sensibilibus, à quibus per terræ rimulas defluens, in mare iterum recurrit. Neque verò non erunt hoc modo fontes perennes, nam inundationes illæ subterraneæ tam repetunt crebro, aqua nunquam manente, sed semper agitata, ut antequam ventres illi exhauriantur, anticipent repleri. Sunt verò flatus, & aqua sibi mutuo causa agitationis, nam aqua deorsum cadens illum præmit densatque, ille plus satis compressus, & quærens laxamentum, illam trudit, hisque mutuo fientibus sunt intra terram magnæ turbationes, ut & in animalium ventre, (ut in dicta perstemus comparatione) euenit, humores & flatus susque deque versari, quia & crassissimas fæces à flatu solent usque ad supernum ventriculum, ab imo ventris efferri. Hac igitur terræ marisque dispositione, sapiëntia Dei librabat, fontes aquarum, hoc est, ita aquas disponebat alias partes

*Mare
cur agi-
tetur.*

*Flatus a-
gitationis
causa.*

elevans ac suspendens, alias deprimens, vt nunquā cefaret fontium fluminūque decurfus, quibus, velut vberibus, terra omnium mater, animantia omnia portaret, & fatis omnibus, ac sponte nascentibus alimenta præberet, vt inquit Philon.

De hac aquarum dispensatione gloriatur ipsa Sapientia capite vigesimoquarto, dicens, *Ego sapientia effudi flumina. Ego quasi trames aquæ immensa de fluvio. Ego quasi fluvius Dorix, & sicut aquæductus exiui de Paradiso.*

Dixi, Rigabo hortum meum plantationum, & inebriabo prati mei fructum. Et ecce factus est mihi trames abundans, & fluvius meus appropinquavit ad mare.

Hæc verba haud dubie innuunt dictam aquarum distributionem. Quod ipsarum sit tam ampla differentia, facit percolatio. Nam & Aristoteles ipse dicit, demissis in mare vasis cereis extrahi dulcem aquam, tamen quod percoletur quod dulce, & potulentum est, falsis & terreis extra relictis. Quin & terrea, ac lapidea quædam vasa sunt, per quæ excolata aqua redditur melior, ex corpore verò per quod permeat, semper aliquid trahit. Quid ergo prohibet hoc idem excolanda per terram aqua fieri? Accedit, fontes nō exire ex maris conspicua parte, sed ex barathro, quod quia intra terram reconditum est, neque ita à Sole exurit, minus erit salsum. Hæc igitur argumenta debilia sunt. Illud verò commune, nasci plerunque fontes ad montiū radices. Dico autem commune, quia secundum vtranque opinionem idem evenit, nam cum aqua naturaliter feratur deorsum, etiam si rumpatur vena, non decurret per terram, nisi rumpatur in montibus, neque quidem in suprema eorum planicie, sed qua iam declinant. Alioqui ruptura venæ in locis planis fiunt putei.

putei. Hæc igitur Platonis sententia quæ adeo consonat sacris oraculis, nihil videtur admittere incommodi. An vero & Aristotelea adeo probabilis sit, expendendum, non enim videtur. Nam si fontanæ aquæ perinde generarentur in terræ cauernis, ut pluuiæ in nubium regione, eueniret certè in illis, quod & in his scilicet, neque essent perennes, neque eisdem in locis semper fierent, sed, ut pluuiæ in certis fierent temporibus & locis. Præterea nubes fiunt ex aëre & vaporibus loci frigiditate crassescunt, cauernæ verò terræ non semper frigida sunt, sed in æstate solum, quare in hyeme cum sunt calidissimæ, ut & animalium ventres non manarēt fontes, sed solum in æstate, euenit verò contrà omnino, per hyemen enim fluunt abundantius, per æstatem extenuantur omnes, & arescunt plurimi. Quod si dicas non gigni eam aquam crassescente aëre à frigore, sed congectione vaporum à calore resolutorum, ut in operculis ollarū ex aqua feruente eueniret contrà, ut per æstatem nulli fontes fluere, cum totus calor sit extra terram, at verò fluunt plurimi, iique frigidissimi, ac nonnulli etiam sunt qui obturati per hyemem, fluunt æstate solum. Quod si dicas, æstate fieri refrigeratione, hyeme congectione resolutæ calore aquæ, præterquam quod videtur figmento simile, non eandem esse toto anno fontis perennis generationē, eueniret ut Vere & Autumno minus, tenuiusque fluere quam hyeme & æstate, cum scilicet neque frigus esset tantum, ut crassitiē inferret, neque tantus calor ut solueret aquam in vapores, itaque haberent fontes quotannis duo incrementa & totidē decrementa. Tamen non ita euenit, sed vniuersum cum ignis abundat, decrescit tota aquæ moles, cum extenuatur ignis, abundat aqua. Quapropter cum fontes ac flu-

mina, ex tota aquæ mole, & ingenti illo barathro (quod nihil aliud est quàm recondita maris pars) decidantur; tabescunt cum prævalent calor & siccitas, abundant cum contrariæ virtutes hoc est frigus & humor præcedunt. Constat igitur ex dictis, verissimum esse quod sacra testantur eloquia, fontes aquarum nasci ex abyssu. Quid verò magis conspicuum in quibusdam & fontibus & puteis, qui cum ipso mari sentiunt fluxum, & refluxum, quem æstum dicimus? cur autem non omnes, & cūr eorum qui vt mare æstuant, quidam augescente mari augescunt, subsidente subsident, quidam intumescūt detumescente, & tumescēte detumescunt. Dictæ sunt causæ super caput trigesimum octauum Iob, nunc illud vnum dicimus, consentaneum admodum esse putare, eos fontes qui simul cum mari mouentur, ab eodem principio impelli, haberēque cum mari partium continuitatem, quam nisi per barathrum, habere nequaquam possūt. Porro, quod in quibusdam fontibus euidenter agnoscitur, de omnibus æquum est putare, exire scilicet, ex communi aquarum principio, mari. Neque verò hoc verum non erit, etiamsi excolatæ per terram aquæ ex mari, accessio aliqua fiat ex vaporibus, siue densatis, siue congregatis, nam & vapores ipsi ex aqua fiunt. Vt igitur destillantem ex alambico aquam, nemo negat exire ex herbis quæ in illius fundo sunt, etiam si intercedat resoluti congestio, ita ne illam quidem aquæ partē, quæ fontibus & fluminibus accēdet, ex vaporibus genita, siue intra terram, siue in nubiū regione, negandū à mari exire, illud enim est totius humiditatis prōptuariū. Fatendū ergo omnia flumina à mari exire, & in illud reuerti, quod, præter dicta, vel facilis expeditaq; antiquæ dubitationis dilutio indicat, ni-

mirum

Fontium
& puteo-
rum æstus

rum mare, & si in illud flumina intrent omnia, non redundat quia ab illo etiam exeunt. Nam quam Aristot. reddidit causam, minus probari potest. Quia enim vastissimum est mare, & influentia flumina non vna in parte acervantur, sed diffunduntur per illud extensa, putat latere, neque sensibilem ullam molem posse addere. Quod quidem si vno tantum die, aut vno mense, aut etiam vno anno; aut, si placet annis centum fieret probabiliter diceretur, si tamen infinito iam tempore (vt illemet auctor putat) influxerūt, necesse est plus aquæ quam totum ipsum contineat mare, ingessisse, atque ita redundasse iam multò ante in totam terram. Neque si dicas, mare Solis vi ad meridionalem plagam assidue absumi, plusquam accessione fluuiorum possit augeri, effugies dubitationem, non enim minus augetur ipsum per se mare sub polis, quam extenuatur sub Zodiaco, quapropter illis exæquatis, redundabit quod ex fluminibus accedet, denuo genitum. Non igitur illa causa est, qua mare non redundat, sed quia ad locum vnde exeunt flumina reuertuntur, vt iterum fluant.

CAPVT SEXAGESIMVM

QVARTVM.



CAPITE i. Ecclesiastæ. Ego Ecclesiastes fui rex Israel in Hierusalem, & proposui in animo meo quærere, & inuestigare sapienter de omnibus quæ fiunt sub Sole. Hanc occupationem pessimam dedit Deus filiis hominum, vt occuparentur in ea.

Cap. 3. eiusdem, ita habetur. Cuncta fecit bona (Deus scilicet) in tempore suo, & mundum tradidit disputa-

tioni eorum vt non inueniat homo opus quod operatus est Deus ab initio vsque ad finem.

Rursus in calce capite octauo eiusdem libri. *Et intellexi, quòd omnium operum Dei nullam possit homo inuenire rationem, eorum quæ fiunt sub Sole, & quantò plus laborauerit ad quærendum, tanto minus inueniat, etiam si dixerit sapiens se nosse, non poterit reperire, & rursum. Cunctæ res difficiles non potest eas homo explicare sermone.*

His oraculis duæ continentur assertiones: altera; Studium philosophiæ naturalis, & desiderium agnoscendi rerum causas, insitum esse naturaliter hominibus, neque fluere ex aliquo vitioso affectu, vt multas rerum prauarum appetitiones, sed ab ipso Deo rerum omnium, & naturæ parente, & auctore, illis esse tributum. Siquidem hanc occupationem pessimam, idest, maximam, & laboriosam, non, inquit, ipsi sibi à natura declinantes conquiescere, sed dedit Deus filiis hominum, & mundum tradidit disputationi eorum: itaque cupiditatem philosophandi illorum animis iniecit, mundum verò posuit illis ob oculos, velut quoddam Enigma, & prima quidem assertio hæc est. Altera. Homines, quantumuis studio philosophiæ insudent, fieri non posse, vt aliquando inueniât rationes & causas eorum quæ fiunt sub Sole, sed necesse esse, vt omnes in earum inuestigatione, dum sint in tenebris sensuum, horum, plus aut minus allucinentur, & de iis etiam quæ sibi videntur probabilissima, nisi se ipsos velint fallere, dubitent. Non enim, inquit, dedit Deus hanc occupationem, hominibus inuestigandi sapienter de omnibus quæ fiunt sub Sole, & consequuti certam eorum notitiam. fiant sapientes, sed vt occupentur in ea, sapienter inuestigantes. Nimirum homines, non tam
dici

*Mundus
Enigma
dicitur.*

dici debent sapienter, quod sciant, quam quòd inuestigent non ineptè. Qui proinde mihi videntur vocari philosophi, id est, amatores sapientiæ, potiusquam sophi, id est sapientes. Non enim tam sciunt, quam scientiæ amore capti inuestigant. Propositæ itaq; sunt duæ assertiones. De prima quidem omnes consentiunt, siquidem cum appetitum omnes persentiscunt in seipsis. Vnde quidam naturam sequuti, philosophiæ vacant, alij eam naturam in vitium commutantes, in curiositatis peccatum incidunt, vana & superstitiosa consectantes. Verissimè itaque dictum est illud ab Arist. *Omnes homines naturaliter scire desiderant.* Vt itaque vitam & felicitàtem (quamquàm de ea variè sentiunt) omnes naturaliter exoptant, ita & scientiam naturæ quam in parte felicitàtis etià ponunt, iuxta illud Poetæ. *felix qui potuit rerum cognoscere causas.* Obiiciet fortasse aliquis Socratem, qui hanc philosophiam videtur spreuisse, & eam solùm probasse, quæ ad mores formandos pertineret. Caterum; si consulimus Galenum in libro de historia philosophica, intelligemus facile, eum virum, nō neglexisse eam philosophiæ partem, quam melius etiam, quàm multi aliorum excoluit, sed damnasse superiorum philosophorum institutum, qui in ea suorum studiorum ponebant finem, & vni philosophiæ parti physicæ, cui soli illi vacauerant, duas adiecisse, rationalem scilicet, & moralem. ipse etiam Ecclesiastes in initio cap. septimi videtur arguere philosophos, dicens, *Quid necesse est homini maiora se querere, cum ignoret quid conducatur sibi in vita sua?* tamen re vera non vituperat sobriam philosophiam, sed (vt ipsiusmet verbis utar) verba plurima, multam in disputando habentia vanitatem. De secunda assertionem plurimum altercatum est. Nam cum fuerint pe-

Philosophiæ naturalis desiderium.

Philoso-
phorum se-
cta.

penè innumera philosophorum sectæ, quæ in tres primas differentias distributæ sunt Dogmaticorum, Academicorum, & Scepticorum, in Dogmaticis fuere Peripatetici, Stoici, Epicurei, Pythagorei, & alij innumeri. Academici, Socrates, Plato, Clitomachus, & Carneades. Sceptici, Pyrrho, & Zenocleates, & Anaxarches Abderita, & multo post, Sextus, in ea secta nobilissimus, qui eam etiam auxit, Galenus addit duplices alios philosophos, Contentiosos, scilicet, & Mixos. Contentiosos, dicit, fuisse eos, qui nihil aliud quam superiores esse cauillis contendebant: in his dicit fuisse Euclidem, Menedemum, & Clitomacum. Mixtos eos, qui partim Sceptici, partim Dogmatici fuere, vt Xenophanes, qui solum asserens omnia esse vnum, & Deum esse finitum immutabilem, & ratione præditum, de aliis omnibus dubitauit: & Cemocritum, qui nulla alia de re suam sententiam tulit, quam de atomis, vacuo, & infinito. Cæterum Contentiosos, satius est à numero philosophorum reiicere, & sophistas appellare: Mistos verò intelligere cum prioribus. Cum itaque fuerint triplices philosophi, Dogmatici, Academici, & Sceptici. Soli dogmatici affirmare quedam ausi sunt, atque sua placita quasi certa & stabilia pronuntiare.

Academici, nihil certo sciri posse, sed ad verisimilitudinem quandam, & probabilitatem posse procedere disputationes. Sceptici. nihil de vlla re affirmantes, neque negâtes, de omnibus æquè dubitant. Atqui, ne illud quidem, an sciri posset quippiam, an non affirmabant, aut negabant, sed in ore semper habentes illa familiarissima verba, Nihil definitio, & nihilo magis, & fortasse, & fieri potest, & ἐνδεχεται quasi subtraho iudicium, aut vtentes aphasia, & acrisia, hoc est, taciturnitate,

Epoches.

nitatem, & incertitudine, iudicare recusabant. Verum enim verò si quis consideret, quos illi vocabant modos epoches, siue causas ob quas retineri semper debeat assensus, facile intelliget, Scepticos, multo etiam magis quam Academicos, desperasse aliquid sciri posse. Modi. n. illi Epoches, sunt argumentorum genera, quibus indicatur, non solum nullius rei comparatam adhuc esse scientiam, sed ne fieri quidem posse deinceps. Vетеррими Sceptici decem modos Epoches excogitarunt, posteriores adiecerunt quinque. Quibus rursus alij, alios duos. Quos omnes licet videre in libro Pyrrhonicarum hypotheson Sexti philosophi, & in Pyrrhonis vita apud Diogenem Laërtium. Mihi satis sit eorum nonnullos proferre, quibus maximè quod propositum est indicetur. Redigunt illi, omnes illos modos in tres, quos esse dicunt, à cognoscente, & ab eo quod cognoscitur, & ab utroque in modis à cognoscente est differentia organorum sensuum, quæ eorundem sensibilibus facit adeo diuersas phantasias, ut nequaquam constare possit, quid rei insit verè, quid tantum appareat. Differentia verò sensuum, est in differentia multiplici animalium, & ipsorum hominum inter se, & affectionum multiplicium, quibus eiusdem hominis eadem pars variè semper afficitur. Nam cum experiamur, mel videri mihi album & dulce, iſterico flauum, & amarum, & eidem homini eundem cibum, nunc esse suauem, nunc ingratum, quod homo affectus morbosa dispositione sit, sed & sine omni præter naturam affectione, quod esuriat, aut satur sit: cumque eadem res appareat illi rotunda, huic oblonga, huic simplex, illi gemina, quod pupillæ figura mutata sit, aut quod altera ab altera pupilla descieuerit, constat futurum, ut neque omnibus animanti-

*Temperies
multiplex.*

bus re appareant eadem, sed quæ aliis albæ, aliis palidæ, aliis rubræ: quæ aliis rotundæ, aliis angulatæ, ita etiam dulces, amaræ, salæ, aut acidæ. Nimirum est compositio & temperies animalium multiplex, atque adeo organum visus, qui putatur esse perspicacissimus sensus, & ad consequendam certam rerum notitiam optimus, habet miram varietatem, quotuplices enim sunt colores oculorum? Si igitur differentia organi sensus facit eiusdem rei diuersam phantasiam, animalia verò omnia differunt ab aliis omnibus, compositione & temperie omnium organorum, & singuli etiam homines ab aliis omnibus non nihil, & singuli bene valentes ab ægrotantibus, & ipsimet bene valentes à seipsis nondum ægrotantibus, sed naturaliter mutatis, per ætates, per animi motus, per casu incidentes cogitationes, per corporales motus, ut quod ambulauerit, aut sederit, comederit, aut biberit, aut abstinuerit, dormiuerit, aut vigilauerit, sine ullis autem mutationibus, ne minimum tempus potest homo persistere, certe nihil potest, vniusmodi apparere, neque diuersis animantibus, neque hominibus multis, neque eidem alio tempore, sed quod huic animali tale, illi alterum, huicque homini & illi, sed & huic hodie & cras, atque adeo vesperi & mane. Ut autem hoc in externis sensibus, ita habet in internis. Nam non minorem esse differentiam iudiciorum quam sensuum constat, cum vix duobus hominibus eadem res placeat, sed quod alius probat, alius maximè detestetur, & eadem de re alius lætetur, alius mæreat, alius irascatur. Quin & idem homo eisdem verbis nunc irascitur, quibus nuperrimè placabatur. Atque adeo de eadem re interrogati, ut an hoc honestum sit, an turpe, vix duo homines eadem respondeant, non solum è vulgo, sed & ex iis qui censentur

censentur sapientissimi: & quod magis mirere, idem
 homo nihilo factus doctior, aut indoctior, eadem de
 re mutat sententiam, sine nouis nonnunquam argu-
 mentis, sed quod ipsi eadem prorsus, nunc displiceāt,
 quæ placebant antea. vsque adeò videntur in nobis o-
 mnia continenter mutari & rerum earundem mutare
 phantasias. Igitur à natura cognoscentis accepto argu-
 mento, videtur nullius rei certam & statutam haberi
 posse notitiam, sed censerì omnia qualia apparent, qua-
 lia autem sint vera, nos scire haud posse. Ab eo etiam
 quod agnoscitur, capitur simile argumentum. Eadem
 enim res, secundum substantiam prorsus non mutata,
 sed quod alio modo obiciatur, eidem homini & eo-
 dem tempore, videtur diuersa. Nam res quamplurimæ
 alio colore esse videntur integræ, alio comminutæ.
 Argenti certè frustum candidum videtur, eius verò ra-
 menta nigra. Aqua etiam quæ nunc nigra, nunc deco-
 lor esse videtur, concreta in glaciem fit candidissima.
 Lapis quoque Tenarcus est viridis, & comminuti par
 ticolæ albæ. Sed & citra comminutionem sunt quam-
 plurima, quæ huc aut illuc versata, alio & alio appa-
 rent colore, sed & saporem etiam mutant multa quod
 integra aut comminuta, hocque in maiores aut mino-
 res partes, degustentur: quædam etiam, alium admo-
 ta, alium affricata, alium comminuta odorem præse fe-
 runt, quamquam inde, neque substantiæ, neque vera-
 rum qualitatum (si quæ sunt tales) mutatio vlla fit. Ergo
 & ob id etiam quod agnoscitur, fit, vt nullus possit iu-
 dicare, quales re vera res sint, sed quales appareāt. Ad
 vtrumque, id inquam, quod agnoscit, & quod agnosci
 tur pertinent mistiones, quæ plurimum etiam detra-
 hunt exactæ agnitioni. Nam & ob naturales mistiones
 rerum omnium (cum exactè simplex nulla sensibilibus

Tenarcus
lapis.

fit)& ipsum organorū,& mediij,quod vtriusque gratia (cognoscentis inquā& cogniti)in iis quę per medium aguntur est necessariū euenit , vt nihil occurrat sensui simplex,Nam gustabile nihil est, quod non cōstet diuerlis,ac non etiam aliquando cōtrariis partibus. Iam verò in ipsa lingua cum saliuā miscentur,vnde,vt ex aliis omnib. condituris,saporem variare necesse est. Colores quoq; cum coloribus miscentur in medio. Quo fit vt alię iuxta alias res positę colores mutant , & in vmbatili loco & in Sole.Sed & variij illi oculorum colores,qui secundum iridem , corneam & coniūctiuam tunicam sunt,& inter se inuicem , & cum extrinsecus subeuntibus speciebus miscentur variē. Nihil ergo syncerum ad sensum venit ipsum, quare neque exacta rei cuiusquam notitia haberi possit. Si enim vnicum idemque semper esset,& nullam prorsus mutationem subiēs sensus qui agnosceret, ipsum verò sensibile mutationes subiret ex modo obuiendi,aut etiam si ne ipsum quidem sensibile mutaretur , causa autē mediij, aut eorum quę necessario accedunt,simplex syncerū que nō occurreret,nulla prorsus notitia posset esse exacta,quāto magis cum organorum sit tāta varietas, & eorundem tam multiplices affectiones, & ipsa sensibilia nunquam non alio & alio modo mutantur , & misceantur,omniāque & interna & externa,& ad sensum & ad sensibile spectantia,phantasiam permutent. Hęc & alia multa huiusmodi sunt Scepticorū argumenta,quę constat non eo tendere,vt indicent potitiā certam rerum comparatam hactenus non esse,sed ne cōparari quidem posse,ob naturam & conditionem sensuum & sensibiliū.Igitur cum tres fuerint primę ac capitales sectę,vnica causa est affirmare, se quippiā scire. Duę negāt sciri aliquid posse. Quib. plurimum videntur

tur ad stipulari præscripta verba Ecclesiastici. Atqui ego ita statuo. Nullius substantiæ habere possumus per se notitiam quam vocant intuitiuam, quia nulla via est ad intellectum nisi per sensus, sensus verò patibiles tantum percipiunt qualitates. Accidentium haberi potest notitia per se, sed ob instabilem sensum & sensibili naturam, & sentiendi modum, nunquam exacta. Porro assertiones, quædam sunt per se notæ, quarum assensus natura nobis insitus est, aliæ verò sunt quarum ex primis motorum colliguntur. Primarum habetur scientia naturalis, aliarum verò ratiocinando conquisita. Huiusmodi sunt pleræque mathematicarum thesion, quia de immaterialibus, prorsus rebus enuntiantur. Eorum verò quæ in opinione versantur, cuiusmodi sunt omnia physica problemata, constat nullum prorsus sciri posse, quia si quodpiam illorum sciretur, accederet scientia tolleretur omnis opinio, sublata omni obscuritate, & incertitudine, quæ non possunt abesse ab opinione. Non solum autem non est hæcenus comparata scientia physicarum assertionum, sed ne comparari quidem potest, quia physicus non abstrahit à materia. Materialium verò notitia cum pertineat ad sensus, non potest ultra opinionem procedere. Scientia enim est vniuersalium & intelligibiliu. Itaque physicus, quantumvis laboret, non potest suarum thesion scientiam comparare. non tamen proinde debet more Pyrrhonicorum dubitare de omnibus, sed probabilioribus assentiri, Magna enim stupiditas est, putare omnium orationum contrariarum esse parem vim, etiam si ubi probabilis est contradictio, neutri licet citra dubitationem assentiri. Sed dices, si non potest homo rerum naturalium scientiam assequi, quorsum eum appetitum Deus illi insæuit? an tantum ut cupiditate, cum desperatione torqueretur? non quidem,

*Physica
cur ignoretur.*

sed primū sane (vt in præscriptis oraculis legimus) vt occuparentur in ea, vt scilicet honesta & laboriosa occupatione detenti, minus vacarent criminibus. Deinde & ob aliam quoque longe potiore vtilitatē, scilicet vt non inueniat homo opūs quod operatus est Deus ab initio vsque ad finem. Itaque datus est homini is naturalis appetitus, mundūque in disputationē, vt semper quærens, nunquam inueniat causas operum

*Physicorū
utilitas.*

Dei. Sed quæ hinc vtilitas? maxima. Ex nulla enim cōtemplatione potius quam hac, venire possit homo in cognitionem Dei, & futurorum bonorum, neque aliū de capitur melius argumentum. Cum enim homini fit scientiæ de natura appetitus naturalis talis verò appetitus non possit esse impossibile (quia omnis talis nascitur ex priuatione & potentia) constat eum talem scientiam consequi posse omnino. Quare si in hac vita, ac sensuum horum ministerio, nō potest, fit vt illū maneat vita alia beatior, in qua, à perpetua qua in hac torquetur siti, sit satiandus: cū scilicet apparuerit gloria Dei. Simile etiam argumentum accipitur à beatitudinis naturali appetitu, & vitæ huius necessaria miseria.

*Scientiæ ap-
petitus.*

Eadem enim ratione fit, vt seculum aliud beatius debeat expectari. Plurimum itaque confert physica cōtemplatio ad cognitionē (vt disertissimè dixit Diuus Paulus) inuisibilem Dei, idque duobus maximè modis. Nam & per ipsarum rerum natura constantiū pulchritudinem, & ob causarum quibus constant ignorantiam, à Nicolao de Cusa doctam ignorantiam appellatam, cum scientiæ appetitu coniunctam. Quorum illud vocat nos in cognitionem Dei, hoc futuræ vitæ, in qua optatam & tranquillitatem, & scientiam, Deo concedente, consequemur. Argumentum à pulchritudine rerum cœperūt etiam philosophi. Nam Galenus

capite

vigesimosexto de historia philosophica, inquit, *Dei verò cognitionem habuimus, ex pulchritudine quam cælo inesse spectauimus. Nihil enim temerè aut casu pulchrū oritur, sed artificis alicuius opera. Plato quoque pulchritudinem mundi huius quem cōspicimus, pulchritudinis causæ exemplaris, quæ est ipse Deus, argumētum esse affirmat. Sed in sacris eloquiis occurrit passim hoc argumentum. Quid enim aliud est illud Psalmi. Cæli enarrant gloriam Dei, & opera manuum eius annuntiat firmamentum? & illud Cātici, Benedicite Sol, & Luna Dominum, benedicite stellæ cæli Dominum, benedicite imber & ros Dominum & iterum illud Psalmi. Laudate eum Sol & Luna. Et iterum laudate Dominum de terra dracones & omnes abyssi, ignis, grando, nix, glacies, spiritus procellarum, quæ faciunt verbum eius. Mōtes, & omnes colles, ligna fructifera & omnes cedri. Quorsum enim inuitantur ad Dei laudem irrationalia, & inanimata? aut quo pacto possunt laudare? certè non aliter quam suo factori arte stantia, atque potentiæ, bonitatis, & sapientiæ, illi testimonium perhibētia. Eo quod suo quodque genere, valde bona, & pulchra sunt & perfecta, ita vt non possimus quidquā addere aut detrachere iis quæ fecit Deus, vt timeatur capite tertio Ecclesiast. Innumera alia huiusmodi testimonia sunt in sacris scripturis, pro nostro autem instituto, satis sit nunc vnum aut alterum protulisse. In secundo etiam argumento, quod ab ignoratione causarum naturalium accipi diximus, versatur maxima pars eius disputationis quæ habetur in libr. Iob. Nihil enim aliud innuunt illa verba cap. trigesimali sexti, quibus Eliud ita affatur ipsum Iob, vt suo loco explicatum est, *Memēto quòd ignores opus Dei, de quo cecinerunt viri. Omnes homines vident eum. Vnusquisque intuetur procul. Ecce**

Cæli in-
uocatio.

Deus magnus vincens nostram scientiam. Alia etiam multa sunt huiusmodi, quorum pleraque propria habent disputationem in hoc libro. Illud verò in commune pro quam plurimis sciri oportet, non sine magno sacramēto nos passim sacris eloquiis admoneri, nunc nostræ improbitatis, nunc debilitatis, nunc infirmitatē, quia ex horum cognitione nascitur firmissimū argumentum infinitæ bonitatis, potentia & sapientia Dei. Quicumque enim concedet, hominē neque posse velle, neque facere, neque scire omnia quæ amari, fieri & sciri possunt, sed quædam velle, quædam invidere, quædam posse, quædam nō posse, quædam scire, quædam ignorare cogetur necessario concedere, esse aliquam in rebus præstantissimam naturam, quæ velit, possit, & sciat, quæcunque amari fieri & sciri possunt. Nā quod simpliciter est possibile aut scibile, huic autem non est, necesse est sit alteri. Alioqui esset scibile, & à nullo scibile, quod quidem repugnantiam continet, quia passiva potentia refertur ad actiuram. Ergo quod scibile est & ab homine sciri nō potest, sciri potest ab alio. Porro ab illo alio, aut omnia sciri possunt, aut quædam etiam necessario ignorantur. Si primum, id est quod quærimus, sit secundum, erit rursus alius cui illa patere possint, atq; ita in infinitum ibitur, aut pervenietur tandem in naturam præstantissimam, & omnisciam, ita verò & omnipotentem, & bonitatis infinitæ. Igitur agnitio nostræ improbitatis, debilitatis & ignorantie, naturalis via est ad agnitionem Dei. Merito ergo Deus Optimus Maximus tradidit mundum disputationi hominum, ita tamen, ut non possit invenire homo opus quod operatus est Deus ab initio usque ad finem. Vnde constat non ipsam philosophiā, sed philosophiæ præsumptionem, & inanem fallaciam esse

*Mundi
disputa-
tioni da-
tus.*

esse quæ decipiat, & à veritate seducat eos qui se opinantur esse sapientes. Quod optimè insinuauit Paulus ad Colocenses capite secundo dicens, *Videte ne quis vos decipiat per philosophiam, & inanem fallaciam.*

CAPVT SEXAGESIMVM

QVINTVM.



ECCLESIASTES cap. 4. dicit, *Didici quod omnia opera quæ fecit Deus per seuerent in æternum. Quæ verba optimè videntur congruere cum Platonis sententia, statuentis, nihil eorū quæ à summo Deo per sese, neque interueniēte vlla naturalium causarum effecta sunt, interitum vllum habitura. In-* *Creata
an erunt
æterna.*
ducit verò ille in dialogo de natura summum Deum, ita alloquentem Deos minores. Dij Deorum quorum opifex ego & pater sum, hæc attendite. Quæ à me facta sunt, me ita volente indissolubilia sunt. Omne siquidem quod vinctum est solui potest, sed mali est, quod pulchrè compositum est, seque habet bene, velle dissoluere: quapropter, quia generati estis, immortales quidem & indissolubiles omnino non estis, neque tamen vquam dissoluemini, neque mortis fatum subibitis, nam voluntas mea maius præstantiusque vinculum ad vitæ custodiam, quam nexus illi, quibus estis tunc, cum gignebamini, colligati. Sed nunc iam quid iubeam cognoscite. Tria adhuc genera mortalium nobis generanda restant. Absque horum generatione cælum imperfectum erit. Omnia enim animantium genera ambitu suo non continebit, contineat autem oportet, si est mundus perfectus omnino futurus. Hæc verò

si à me fiant solo, vitæque donentur, diis adequabuntur. Quapropter accedite vos secundam naturam ad animalium generationem, ita ut vim imitemini meam, qua in ortu vestro sum usus. Atque eius quidem animalis, quod in ipsis tale futurum est, ut cum immortalibus appellatione conveniat, diuinumque vocetur, principatumque teneat, & iustitiam simul ac vos colat, ego vobis semen & initium tradam, vos cetera exequi par est, ut immortalis naturæ mortalem attexentes, faciatis generetisque animalia, subministrantesque alimenta augeatis, & consumpta rursus reficiatis. Ex hac oratione constat, Platonem censuisse, Deum Optimum Maximum, rerum cognoscendi facultate præditarum, nullam præter Angelos fecisse per sese, hominem verò & reliqua animalia fecisse per Angelos. Non quidem quod Angelis vim creandi, (ut nostri Theologi loquuntur) hoc est efficiendi ex nihilo, communicauerit, hanc enim vix eorum ullus tribuebat vel ipsi Deo, nedum ut possent Angeli illius esse capaces: sed quòd animalia omnia mortalia ab initio facta sint còcursione causarum naturalium, has verò angeli inter sese commiserint. Ita enim inquit, *Quapropter accedite vos secundam naturam ad animalium generationem, hoc est, accedite, & causas causis admoventes, accipientes, scilicet, ex elementis iam creatis, idoneas cuiusque naturæ portiones, atque ut cuique congruit miscentes, facite, ut homo, ac reliqua oriantur animalia.* In quem errorem suspicor Platonem inductum esse illis capituli primi Geneseos verbis (quis enim dubitet Platonem esse versatum in sacris?) *Faciamus hominem ad imaginem & similitudinem nostram.* Olfecisse sanè videtur Plato, non immerito diuinus appellatus, nescio quid de diuinis personis, cum scribens ad Hermiam dicat, testando Deum rerum omnium

*Angeli
creatores
Platoni.*

omnium Ducem, præsentium & futurarum, ac ducis
 & causæ patrem Dominum. Quid enim sibi vult Deū
 rerum ducem, & Dominum, Ducis patrem nominās?
 cum tamen sacratissimum sanctissimæ Trinitatis my-
 sterium non satis assequeretur (quis enim hoc in phi-
 losopho requirat?) suspicatus est, Deum efficiendi ho-
 minis curam, angelis demandasse. At verò non satis
 attendit Plato oraculo diuino: *Faciamus enim, inquit,
 hominem ad imaginem & similitudinem nostram.* Ipse
 verò putat humani solum corporis curam efficiendi,
 esse angelis demandatam, mentes autem esse factas ab
 ipso Deo. Constat verò hominem secundum mentem
 esse Deo similem, non secundum corpus. Quapro-
 pter efficiendi hominem ad Dei imaginem & simili-
 tudinem, non potuit cura demandari iis qui in men-
 tium effectiōne nihil possent. Nisi verò hic Plato cum
 Epicuro censebat, Diis etiā esse humanas figuras. Sed
 præter hæc constat, neque hominis, neq; rei vllius ea-
 rum quæ à Philosophis vocantur perfectæ, ortum pri-
 mum potuisse esse naturalem. Nam nulla talium rerū,
 ortum naturalem habet, nisi à sibi simili, neque homi-
 nem vlla naturalis causa efficere potest, præter homi-
 nem. Primus igitur, ante quem non fuit alter, non po-
 tuit naturaliter oriri. Nisi quis imaginetur, primum
 effectum esse naturaliter, sed per accidens, hoc est, nō
 à simili, sed aliarum causarum permistione, vt aurum
 & argentum chymicum fingunt. Constat verò consen-
 su omnium philosophorum, talem ortum perfectis
 animalibus denegari. Quod si quis plus satis Platoni-
 cus malit id dicere, quam Platonē esse loquutū dissen-
 tanea, cogetur tamen fateri iuxta illius sententiam, om-
 niū hominū imperfectissimum, & suo genere, vilis-
 simum, fuisse primum illum, moxque illi proximum,

*Qualem
 Deum es-
 se censebat
 Plato.*

sensimque recedentes à primis factos esse meliores, Quod, primum quidem, dissidet ab ea quā de primis hominibus omnes conceperūt, opinione, deinde etiā repugnat verbis Moſis, & ipsiusmet Platonis. Ille enim dicit, *Vidit Deus cuncta quæ fecerat, & erāt valde bona,* hic verò dicit, delectatum esse Deū opere. Sed in præscripta oratione dicitur, curasse Deum vt mundus totus perfectus fieret, non esset autem talis, si præstantissimum animal adeò imperfectum euasisset. Fieri verò ex dictis constat, quia posteriores facti essent à causis propriis, & per se, primi verò ab alienis & per accidēs. Non ergo secundum naturam, neque à Diis minoribus factus est homo, sed creauit illum Deus ad imaginem & similitudinem suā, vt sacrum eloquiū testatur. Non tamē in altera placiti sui parte, perinde errat Plato, sed verissimē affirmat, quod & Ecclesiastes. Omnia quæ à Deo Opti. Maxi. per sese facta sunt, æterna esse, & interitu caritura, nō quidem natura sua, sed voluntate diuina: quæ verò naturaliter oriūtur omnia habere interitum naturalem. Primū enim Plato, non minus quā Arist. sed distinctius etiam docet, omnia quæ vtcūque facta sunt interitum habere posse, ac dissolui, ab eadem scilicet causa, à qua facta sunt. Nā quia Angeli non sunt à natura facti, nō possunt à naturali quapiam causa extingui, non minus autem possunt à Deo in nihilum redigi, quam potuerunt ex nihilo fieri. Atqui quod natura factum est, necesse est naturaliter intereat, non tamen perinde est necesse, vt quod à Deo creatū est, aliquando ab eodē redigatur in nihilū, quia natura causa necessaria est, ac proinde necessitate quadā fit aliquādo quidquid naturaliter fieri pōt, & corrumpitur quod corrūpi. Deus verò nulla tenetur necessitate, sed liberrima causa est, atq; vt vult potest, siue fa-

ue facere siue dissoluere, atque quia fecit potest etiam
 extinguere, sed quia liber potest etiam in æternū ser-
 uare. Est verò ut liberrimus ita & optimus, ac proinde
 efficere quidem voluit, extinguere verò & in nihilum
 redigere nunquam volet. Quæ verò ipse per sese fecit,
 nulla alia causâ valebit dissoluere, ipse verò nunquam
 volet. Nunquam igitur esse desinent quæ ab ipso Deo
 per sese effecta sunt, sed omnia opera Dei perseuera-
 bunt in æternum. Huiusmodi sunt Angeli, & corpora
 cœlestia. Quid vero? an non de corporibus cœlestibus
 scriptum est, *Ipsi peribunt, & sicut vestimentum vetera-
 scent. Mutabis eos & mutabuntur.* Atque alibi, *Erit cœ-
 lum nouum, & terra noua.* Præterea, non hæc solū crea-
 uit Deus, sed & terram, cuius nomine elementa intel-
 ligo omnia quæ tamen constat esse naturali interitui
 obnoxia. Sed & Adamus, qui ut dicitur in Euangelio
 Lucæ, fuit Dei, naturalem habuit interitum. Sed & ip-
 se Dominus & Deus noster, secundus Adamus, qui na-
 tus est de Spiritu Sancto, mortuus est. Multis igitur ra-
 tionibus videtur falsum, omnia opera Dei perseuera-
 re in æternum, interitum nunquam subeuntia. Ego
 quidē cœlestia corpora ita existimo innouāda, ut hæc
 quæ modo sunt intereant, aliāque pro his & ex his o-
 riantur potiora, ut ex embrione animal, hæc ergo non
 delenda sed perficienda, donandāque meliori specie,
 & natura, exuendāque volubilitate, quæ ab imperfectio-
 ne, rerum ortui, necessaria nascitur, donandāque æter-
 næ, naturalisque quietis appetitu, æternitati illi, & re-
 rum omnium Sabato magis congruente. Dicitur verò
 hoc cœlum periturum, non quod esse desinet & in ni-
 hilum abibit, Sed quod desinet esse tale, abiens in sub-
 stantiam perfectiorem. Iam verò terra, & reliqua ele-
 menta, ut facta sunt à Deo in initio, ita perseuerabunt

*Quomodo
 cœlum &
 terra per-
 ibunt.*

in aeternum, citra interitum (mutata vero ipsa in pulchriorē speciem) hoc est secundum se tota. Vt vero naturaliter oriuntur, ita & naturaliter intereunt, hoc est secundum partes. Tota verò terra semper stat, ut in Psalmo dicitur. Porro neque hominem, neque ullum aliud animalium, fecit Deus ex nihilo, sed ex terra & aqua (nam ex limo terræ) quapropter non fecit per se solus, sed cooperantibus elementis. Vt & Sanctissimū Iesum corpus ab Spiritu Sancto, cooperante verò etiam matre formatum est, unde habuit ut mori posset, & animalia omnia protoplasta habuerunt unde interirent. Hoc verò intererat inter hominem & reliqua, quòd in brutis nihil non est effectum ex terra, hominis verò pars præcipua, hoc est mens, non potuit ex terra fieri, sed ab ipso solo per se Deo, dicentibus, ut Moyses, ita etiam & Platone. Quapropter consentaneū est, eam partē interitu carere, atque adeò propter illius bonum, alteram aliquando ad vitam reuocari. Itaque nihil eorum quæ fecit Deus per sese, ac citra alterius causæ concursionem, videtur interitum habiturum.

Vt vel hinc accipi possit immortalitatis humanæ mentis argumentum, quòd neque ex corporalibus elementis, neque nisi ab ipso per sese Deo fieri potuit. Quod quidē Plato consentaneè loquens, disertissimè explicauit, post præscriptam orationem, his verbis. *Hæc factus in eodem rursus cratere, in quo mundi totius animam permiscens temperauerat, superioris temperationis reliquias miscendo perfudit, modòque quodam eodem, non tamen perfectas similiter, sed & secundo & tertio gradu à primis deficientes. Denique cum vniuersum constituisset, Astris parem numerum distribuit animarum.* Hæc Plato, qui apertè docet, Deum cum minoribus Diis formando corporis humani curam demandasset, ipsum per

per sese humanas animas confinxisse, eadem ratione qua fecerat ipsos Deos, seu Angelos, & Animam mundi, atq; eadem natura, etsi non æque perfecta, sed paulo inferiori. Secundo (inquit ille) & tertio gradu à primis deficientes. In Psalmo verò octauo dicitur, *Minuisti eum paulo minus ab angelis*. Itaque hac in parte congruit diuinum oraculum cum Platonis placito. Ille enim dicit temperasse Deum in eodem createre, superioris temperationis reliquias permiscendo (quæ verba innuunt similes esse naturas) ac effecisse animas humanas modo eodem, non tamen æquè perfectas. Diuinus verò vates dicit Deum minuisse hominem paulò minus ab angelis. Quod quidem constat nō ob corpora dici (ob hæc enim beluis simillimus est, non angelis) sed ob animas, quas vt quosdam angelos, & si ordinis aliquantò inferioris ipse per sese Deus efficit, & diuino quodam modo, neque homini satis intelligibili immittit in corpora, nullo quidem tempore, antequam in corporib; sint existētes. Ita verò se habere rē, cuius qui philosophiæ ignarus non sit, videtur suaderi facile posse. Nihil. n. philosophis magis receptum est, quam sentiendi facultatem quancunq; cū eo quod ab ea sentiiri potest habere similem naturam, indeq. nasci (similium scilicet concursione) sensum actu, & ipsarum facultatum differentiam. At qui profecto in hoc video, in aliis ferè omnib; placitis dissentientes sectas consentire. Nimirum vt ex Empedocle libentissimè recipiūt, Plato, Ari. & Galenus, & post illos alij omnes. *Sētimus terram telure, liquore liquorē, aere aeream substantiam, ignem quoque cernimus igne*. Est scilicet quædā naturæ communio, sensibili, sensui, & sentiendi organo. neq; aliter res cognoscibiles subeūt in animā, quā vnaqueq; per sibi simile, ignea per igneum, aërea per aëreum,

Sensus sen-
sibilis
organum
communio

aquea per aqueū, terrea per terreū. Si igitur in homine est (vt quiuis, nisi stupidissimus, in se esse agnoscit) facultas cogitandi de rebus incorporeis, & incorruptibilibus, constat esse etiam substantiæ partem aliquam incorpoream, & incorruptibilem. Mirum verò, esse multos qui se doctrinæ nomine iactant, qui acerrimè disputantes de diuinis, de incorporeis, de vno, ente, & bono, putant nihil in seipsis esse tale, quasi verò si omnes homines essent nati sine oculis, posset inter ipsos oriri vlla dubitatio de coloribus. Itaque quandoquidē humana mens substantiarum incorporearum habet sensum aliquem, incorporea est, & aliquid habet aliud quā vt sit corporis actus. vnde etiam fit, vt ex nulla materia facta sit, & à solo Deo per sese. Nam vim ex nihilo faciendi penes solum Deum esse posse, antea indicatum est si igitur à solo Deo est facta, vel ob hoc eterna esse cognoscitur, ac velut Angelus Dei. Quoniam verò non est Angelis par, sed paulominus perfecta, ne scio quam habet analogiam, cum corporeis, ob quam separabilis cum sit, potest esse etiam actus corporis, & organorum sensus, ratio, forma, essentia, & Entelechia, quod corporei, & incorporei arctissimum vinculum, hominis naturam facit adeò mirabilem. Qua dignitate indignissimæ mihi videntur illæ belluæ (quo enim alio potius nomine appellabo eos, qui tanto studio tales esse contendūt) dicentes cum stultis (quos Ecclesiastes capite tertio, inducit) *vnus est interitus hominis & iumentorum, & æqua vtriusque conditio. Sicut moritur homo, & sic & illa moriuntur, similiter spirant omnia, & nihil habet homo iumento amplius. Cuncta subiacent vanitati, & omnia pergunt ad vnum locum, de terra facta sunt, & in terram pariter reuertuntur. Quis nouit si spiritus filiorum Adam ascendat sursum, & si spiritus iumen*

iumentorum descendat deorsum? hæ sunt insipientium voces.

Quorum insipientia duplici mihi videtur constare errore, altero, quod in quæstione de re incorporea, & insensibili, vtuntur sensus testimonio, dicentes, *Sicut moritur homo, sic & illa moriuntur, similiter spirant omnia*, quasi sensu exploranda sit res hæc: altero, quod negant fieri, quia quomodo fieri possit non intelligunt. Quasi rationem aliorum omnium, quæ secundum naturam euenire non negant, apertè intelligant, aut valeant inuenire quidpiam eorū quæ operatus est Deus ab initio vsque ad finem. Deberet eos potius, si modo essent sobrij, propriæ ignorationis conscientia, dociles reddere ac suasibiles.

CAPVT SEXAGESIMVM.

S E X T V M.



CAPITE duodecimo Ecclesiastes siue concionatoris.

Memento creatoris tui, in diebus iuuentutis tuæ, antequam veniat tempus afflictionis, & appropinquent anni, de quibus dicas, non mihi placent. Antequam tenebrescat Sol, & Lumen, & Luna, & Stella, & reuertantur nubes post pluuiam. Quando commoueuntur custodes domus, & nutabunt viri fortissimi, & otiosæ erunt molentes in minuto numero, & tenebrescente videntes per foramina, & claudent ostia in platea in humilitate vocis molentis, & consurgent ad vocem volucris, & obsurdescent omnes filia carminis. Excelsa quoque timebunt & formidabunt in via, florebit amygdalus, impinguabitur locusta, & dissipabitur capparitis. Quoniam

*Senectutis
descriptio
& quæ ex
cellens de
claratio.*

ibit homo in domum æternitatis suæ, & circuibunt in platea plangentes. Antequam rumpatur funiculus argenteus, & recurrat vita aurea, & conteratur hydreæ super fontem, & confringatur rota super cisternam, & reuertatur puluis in terram suam, vnde erat, & spiritus redeat ad Deum qui dedit illum. Hæc verba; continet optimam senectutis ingruentis, & ad extremum vsque procedentis, atque adeo ipsius interitus, periphrasim. Metaphoricis enim loquutionibus significantur senum labores & miseriæ. Memento (inquit) creatoris tui in diebus iuuentutis tuæ, antequam veniat tempus afflictionis, hoc est, senectus, & appropinquent anni, de quibus dicas, non mihi placent. Sane anni senectutis displicent. Nam & ipsi senes displicent sibi, vsque adeo vt sciamus, vel ob hanc causam in extrema senectute constitutos, solere libenter à vita discedere, non aliter, ac qui longissimo, & insanabili sunt confecti morbo. Talis enim re vera est senectus, hoc solum à morbo discrepans, quod est secundum naturam. Quod idem eleuat penitus spem euadendi, aliter quàm per mortem. Censeo autem hinc sacrum concionatorem, nomine iuuentutis appellare, non solum eam quam Medici ad trigessimum quintum annum produci dicunt, sed primam etiam senectutem, quam illi consistentiam appellant, estque vsque ad quadragesimum quintum, Nam ad hoc vsque tempus durant plerisque vires, haudquaquam insigniter labefacta, neque hebetescunt sensus, neque canes abunde proueniunt. Multo minus aliæ notæ quas concinator recēset, dicens, antequam tenebrescat Sol, & lumen & Luna, & stella. Hoc est antequam debilitari visus incipiat, & effugiat lucem, neque lumen sustinere possit. Significat vero Sol diurnum lumen: nocturnum, Luna & Stella. Et antequam reuertantur nubes post pluuiam. Hæc verba

verba significant perpetuas & incōcīles valde senum
 coryzas. Nimirum coryza ex vaporibus crudis, à ven- *Coryza*
 tre aut corpore toto ascendētibz, primum quidem, *quid.*
 vt nubes quādam caput occupat, deinde densata abīt
 in destillationem, vt quādam pluuia. Cum ergo assi-
 duis quīs conflictatur catharris, succēssiuīs vicibus ci-
 tra intermissionem, nunc destillantibus, nunc recrudē-
 scētibus, perinde est, ac cum mōx à pluuia aliā nubes
 reuertuntur. Quoniam ergo, vt Hippocrates in apho-
 risimo auctor est, coryzæ valde senibus non coquun-
 tur, sit vt ob caloris naturalis debilitatem, & ciborum
 incoctiohes, assiduē conflictentur, nūcque grauentur
 crudis, ac difficulter spirent, nūc densatis, excreēt mul-
 ta, & emūgant. Et tunc eandem ob causam *commouē*
tur custodes domus, & nutant viri fortissimi. Hoc est,
 sensus debilitantur, & crura præ corpōris pondere va-
 cillant. Nimirum exhaustis spiritibus animalibus, ce-
 rebroque refrigerato, & secundum propriam siccato
 substantiam multis verò excrementis obruto, necesse
 est exiguum facultatis influere in nervos motus, & sē
 suum organa, atque ea per sese esse inepta, & ad facul-
 tatem excipiendā & ad exequenda sua munia. Cum
 ergo sensus & motus ad eandem animæ portem ad a-
 nimalem scilicet, & ad eandem corporis partem puta
 ad cerebrum spectent, necesse est patiantur simul. Ma-
 gna autem proprietate vocantur sensus, custodes do-
 mus, & crura viri fortissimi. Nam huic nostri corporis *Sensus cu*
 domui dati sunt sensus ad custodiam, vt scilicet acce- *stodes cor*
 dentium rerum perceptis noxis, possit animal sibi ca- *poris.*
 uere, Quacunq; enim alia facultate polleret animalis
 corpus, nisi sentiret, cauere sibi nō possit, siue vreretur,
 siue secaretur, siue pateretur aliud quiduis. Propriè er-
 go sensus sunt custodes. Mouēdi verò instrumēta for-

tiora multò sunt, vtpote quorum munus in actione, & corporis translatione consistit, non autem in passione, vt sentire. Hanc ob causam affirmat Galenus, et si eadē facultas sit qua sentimus, & mouemur, maiori tamē opus esse ad mouendum. Nimirum pars quę mouet, apponit robur, quę sentit, patitur tantum. Atqui vel ex ipso hominum sermone constat, Dicimus enim robusta esse crura, aut brachia, aures verò aut nares nemo dicit robustas, sed expeditas, aut perspicaces, ita etiam & oculos & alios sensus. Si quando enim dicimus fortes aut robustos sensus, translata loquutio est, aut non tam ob agendi vim, quam ob dispathiā, quòd scilicet fortia obiecta sustineant, neque facile corrumpantur. Mouentia verò membra non ita, sed ob transferendi, aut portandi vim. Cum verò fortitudinis epithetum partibus omnibus, quibus est vis mouēdi cōgruat, multò magis cruribus, quę tota vita totam corporis molem sustentant, & transferunt. Hęc verò senibus vacillant, qua de causa baculis vtuntur. Porro his ipsis sunt molares dentes perpauci, & ij ipsi qui supersunt otiosi sunt, neque quæunt suo munere rectē fungi, cum ob maxillarum debilitatem, tum etiā ob eandem ipso rum raritatem. Incidens enim in spatia vacua cibis male cōteritur. Hoc ergo est quod dicit, & *otiosæ erunt molentes in minuto numero*. Dentes soli inter omnes nostri corporis partes nunquam nobiscum nascuntur, sed innascuntur iam ortis, & raro usque ad naturalem interitum comitantur, sed excidunt prius. Illud quidem vtilitate, hoc necessitate euenit. Non enim nascuntur nobiscum, ne lac è mammis fugere, alimentum vtile ei etati adco, impediāt, excidunt verò non sine hominis danno, sed ob radicis siccitatem, & alueolorum, quib. clauorum ritu infixi sunt amplitudinem, quam

*Cur dentes
nobiscum nō
nascantur.*

quam defectus nutritionis maxillæ, & ipsorum dentium affert. Diximus senibus custodes domus commoveri, hoc est, sensus extingui. In his verò oculi & aures solem noxam insignem pati, *obtenebrescunt* enim aspicientes per foramina, hoc est, oculi, & *obsurdescunt filia carminis*, hoc est, aures. Vtriusque causa est debilitas facultatis, eius quæ in cerebro residet & in vtraque partem per nervos mittitur, & instrumentorū ineptitudo. Nimirum siccitate, & excrementorum congestione crassescunt senibus succi oculorum, & membranae anteriores durescunt, & corrugantur. Vnde (accidente præcipuè, spirituum inopia) fulgor amittitur. Nonnullis etiam obturantur nervi optici, Auribus simile quiddam contingit, & tabescit internus & congenitus aër. Sed videamus quod interest. *Claudēt* (inquit) *ostia in platea in humilitate vocis molentis*. Vocatur platea, humani corporis ipsa facies, quia illic sunt omnes sensus, & omnis ad sentientem animam pertinens negociatio. omnesque cordis affectus facies declarat, nam timorem maestitiam, & hilaritatē. Quo respiciēs Poeta ille dixit. *O quam difficile est, crimen non prodere vultu*. Salomō quoque quinto proverborum inquit, *Cor gaudens exhilarat faciem*. Ecclesi. quoque 13. ait, *Cor hominis immutat faciem eius, siue in bona siue in mala*. Certè cum totum corpus anima teneat, in facie multò evidentius se prodit. Quo fit, ut merito censeatur adeo contumeliosam in faciem cedi, quandoquidem in ipsos sensus atque adeo in ipsam animam videtur illata plaga. Qua eadem natura, cum quippiam irruit extrinsecus, accurrunt partes omnes in faciei custodiam, seipsas periculis obliicientes. Senibus vox est humilis ob debilitatem facultatis quæ thoracē mouet, quia ad edendam vocem vehementi expiratione opus est.

Cur oculi
in senectute
tenebre
scant.

Facies platea corporis.

Quapropter non temere centurio, qui ex aduerso stabat, (vt dicitur Marci capite decimoquarto.) videns quia sic clamans expirasset, dixit, *Vere filius Dei iste*. Nimirum qui sunt morti proximi, ne edere quidem possunt vocem præ debilitate, nedum clamare voce magna. Præter facultatis autem debilitatem, facit senibus humilitatem vocis, dentium defectus. Quia is ipse spiritus qui expiratur, non percussus, effluit, quare minus sonat. Cui malo vt succurrant, comprimunt introrsum labia, quasi vacua dentium loca ita obturaturi.

Senes cur
comprimant
labia introrsum.

Quare ostia plateæ claudunt. Nimirum labia sunt oris ostia, os vt porta plateæ. Claudunt ergo ostia in platea in humilitate vocis molentis, hoc est, ob humilitatem vocis, quam faciunt rari molentes. Accidit quoque senibus peruigilium, ob cerebri siccitatem, & non raro ob dolores assiduos, cum aliarum partium, tum vel maximè viarum vrinæ, & ob destilationes, & excrementum. Quo fit, vt nunquam totam noctem dormiant, sed plerunque surgant ad vocem volucris, hoc est, ad galli cantum expurgiscuntur enim, atque si dolore vrgentur, etiam surgunt noctu aliquoties, atque adeo eorum plerique antelucano tempore, aut saltem summo mane exurgunt. Nimirum eius ætatis est, cito ire cubitum diurno motu defatigatos, & cito etiam exsurgere non dormientes, neque minus defatigatos iacendo. Adeo nulla illis requies est, & merito vita displicet. Hoc est quod dicit, & *consurgent ad vocem volucris*. De cantu galli, vt qui ternis horis cantare soleat, quasi motus cæli rationem habeat, vt qui quibusdam gentibus, & in exercitibus maximè, ad excubias noctis pro horologio sit, dictum antea est in hoc ipso opere. *Excelsa quoque (inquit) timebunt in via*. Hoc est, mens quoque terrebitur, vbi se ire in mortem præcipitem homo

homo sentient. *Florebit amygdalus*, hoc est, canescet quoque caput & barba, ut florescens amygdalus. Ni- ^{Canicie} mirum hæc arbor omnium citissime candescit. ^{causa.} *Causa* canicie est, redundantia pituitæ in alimento proprio, partium circa cutem, ob debilitatē naturalis caloris. Addit, *impinguabitur locusta*. Quod de marina locusta intelligi debet, ea est in animalibus ostracodermis, hoc est testacea crusta tectis. Senibus obsecitatem sic catur durefcitque cutis, ac proinde locustis conferuntur, perindeque est dicere, impinguabitur locusta, ac si diceret, crescet calosa duricies in cute, quasi locustæ crusta fiat. Addit, *Et dissipabitur cappar*. Quidam interpretantur, cappar nomine intelligi generandi potē-
 tiam, & stimulos veneris atque adeo ipsas venereas partes, quod (ut auctor est Auicenna secundi libri capite centesimo secundo,) capari venerem infiget. Intelligunt itaque hoc quoque esse extremi senij inditium, ^{Cappar} marcescere genitalia sine generandi cupiditate & ^{virtus.} potentia: fit verò id emoriente virtute in parte, & vitali calore, *quoniam ibit homo in domum eternitatis sue*, hoc est, morietur, incipit verò mors à facultatū extinctione, huius verò ante alias, quia pluri spiritu indiget, & ad propriam vitam tuendam minime est necessaria, sed ad prolem. *Et circuibunt plangentes in platea*. Hoc dicunt significare lachrymas inuoluntarias, decurrentes ex oculis per faciem. Quod signum in ægrotantibus acutè est lethale, in senibus verò debilitatis naturalis oculorum, quod extremos iam senes solet comitari. Non est parum congruens hæc enarratio. Mihi verò ob illa verba quæ interiecta sunt. *Quia ibit homo in domum eternitatis sue*, magis placet, illa verba. *Et dissipabitur cappar*, & *circuibunt plangentes in platea*, descriptionē esse mortis ipsius, & funeralium, quā senij:

Eligiaci
& Præ-
fica.

quasi dicat, eò res veniet tandem per senium, vt dissipetur capparì, hoc est, apperiat sepulchrum, & *cir- cumueant plangentes in platea*, hoc est, circa domum plangant, qui lamentis sunt prosequuturi funeralia, Eligiaci scilicet, aut Præficæ, vt erat antiquitus in more. Hæc verò fient, quia ibit homo in domum æternitatis suæ. De capparì scribunt naturæ historici, nasci solere in sepulchris, cum deceret scilicet per campos, vbi quondam, tam Iudæorum quam Gentium, erant sepulchra. Necesse ergo erat, quo ea apperirentur, capparim dissipari. Nam Aristot. sectio. vigesima, problem. duodecima interrogat quid causæ sit, quod capparì locis cultis non gaudeat, sed inculta & inuia prosequatur, & maximè sepulchris adhæreat. His de obitu per præoccupationem dictis, redit rursus ad senij noxas, dicens, *antequam* (suple recordare creatoris tui) *rumpatur funiculus argenteus, & recurrat vita aurea*. Funiculus argenteus vocatur magna proprietate spinalis medella, cum neruorum qui ex ea oriuntur distributione. Neruis enim, vt quibusdam funiculis alligantur, & firmanantur omnes corporis partes. Est verò spinalis medella, & ipsa neruorum substantia, colore argentea. Vittæ aureæ vocatur menynx tenuis, siue cerebri inuolucrum.

Spinalis
medulla.

Menynx.

Ea enim, vt vittæ quædam, totum cerebrum ambit, constringit, & continet. Vocatur verò ea non ob colorem aurea, sed ob vtilitatem, quasi præciosa. Est enim adeò, vt multi medicorum censeant, non sine magnis argumentis, ad illam potius, quàm ab cerebri substantiam pertinere sentiendi principium. Ea adhæret adeo indissolubiliter cerebro, vt eo siccato atque imminuto, vt in senibus euenit, contrahatur ac corrugetur. Quæ causa sit, vt cerebrum,

brum, & menynx recurrant à craneo, neque illud cōtingant. Hinc illud arefcit, & præ eius ariditate excidunt pili, vt herbæ arefacta terra, fitque caluitiū. Porro ad neruos pertinet fensus voluntarius, qui obitur per mufculos, cū laxatur quasi funes dirrupti, euenit membra, in quæ subeunt refolui, ac paralyſim pati, ſiue linguam, ſiue brachium, ſiue crus. Quæ palſio ſenibus familiaris eſt ob neruorum debilitatem, & redūdantiam ſuccorum crudorum. Dicit ergo, *antequam rumpatur funiculus argenteus*, hoc eſt, antequam ſias paralyticus, & recurrat vitta aurea, hoc eſt, cōtrahatur menynx cum cerebro, ac fiat caluitium, & *conteratur hydria ſuper fontem, & confringatur rota ſuper cisternā*. Hæc omnia pertinent ad vrinam, quæ primum quidē exit guttatim, quaſi ex rupta hydria, cū ſenex laborat ſtranguria, deinde ſupprimitur omnino, quaſi rota cōfracta ſuper cisternam fitque iſchuria vocata, & tunc nihil ſupereſt, niſi vt *reuertatur puluis in terram ſuam, vnde erat, & ſpiritus*. Reuertatur in eū qui dedit illū, hoc eſt, homo moriatur. Quod vt intelligas, ſcias renes inceſſanter trahere ſerum ex vena magna & hepate, vt rotam quandam quæ continenter haurit ex cisterna: hoc rurfus, quod traxerunt mittere in veſicam, velut in hydriam quandam: hancque mittere in colem, vt in fontem ex quo aqua manat. Itaq; fons eſt ipſa via per quā emanat aqua: hydria veſica quæ illi ſuperſtat, rota ren, cisterna vena caua. & merito quidem quia ex caua hauritur. Ren verò rota, quia inde extrahit. Veſica potius hydria, quia non trahit, ſed recipit quod in eā mittitur. Primū ergo ſenibus accidit, ſtranguria debilitata retentrice veſicæ, quod eſt, eſſe hydriam ruptam. Deinde ceſſat penitus miſtio, corrupta tractrice facultate renum, quod eſt, contractam eſſe

*Paralyſi
obnoxij.*

*Mictu
quandiu
carere cō
tingat.*

rotam, tuncque citissime moriuntur. Quendam videtur per eam affectionem attigisse diem vndecimum, alium nonum, alium septimum tantum, quatuordecimum memini attingere nullum. Neque mirum, distribuitur enim serum cum sanguine per totum corpus, quod calorem naturalem partium extinguit & impedit nutritionem, quia adeo dillutum alimentum non affigitur. abit ergo pulvis in terram suam, ex qua sumus.

CAPVT SEXAGESIMVM

SEPTIMVM.



A P. 7. Ecclesiasticis. *Noli esse iustus multum.* Non videtur facile intelligere, quis iustus multum possit vocari, aut quæ iustitia possit vituperari. Nā vt ab Aristotele accepimus, libro quinto Ethicorū, ad Nicomachum, iustitiæ nomen dici potest, de eo quod legitimum est, in quo omnes virtutes continentur, (quia in repub. perfecta omne bonum erit sancitum lege, & omne vitiosum ac turpe prohibitum) aut de eo quod æquum, siue æquale, quo significata est iustitia virtus quædam peculiaris, quæ versatur in quærenda æqualitate, vbi inter aliquos iniquitas quæpiam intercessit, siue in commutationibus faciendis, siue iniuriis inferendis. Sunt verò huius iustitiæ, partes tres. Distributiua, commutatiua, & punitiua. Nulla harum videtur posse esse nimia, neque vituperabilis. Nam primum omnium, vt tota virtus est, non sit nimia. Nam ipsi virtutis rationi repugnat quod nimium, cum in eius esse sit, in mediocritate consistere. Multo autem minus, vt est virtus quædam pe-

Tres iustitia partes

dam peculiaris. Omnis enim eius pars versatur in quærenda æqualitate. Equalitas vero est res impartibilis, quare in ea non pollit esse nimium. Quod si quam maximè velimus intelligere, per abusum dari nomen virtutis, vitio quod consistit in excessu velut dicimus aliquando, nimis liberalem esse eum qui est prodigus, & nimis temperantem eum qui est insensibilis: tamen id cum in aliis virtutibus fieri possit, in ea iustitia nullatenus videtur posse. Quia vt Arist. inquit, cap. 5. lib. citati, iustitia non consistit in medio vt aliæ virtutes, sed modo quodam alio, quia non vt illæ, est inter contraria vitia constituta, sed versatur inter duo inæqualia, inter lucrum, scilicet, & damnum, seu inter iniuriam facere & pati. Quæritque inter hæc æqualitatem, & medium, & quò propius accedit ad exactū, eò melior est, quare per iustitiam nunquam itur ad excessum. nulla igitur iustitia vituperanda, neque quisquam esse potest nimis iustus. Atqui profecto ita est. Nullus re vera est nimis iustus, sed neque nimis temperans, aut prudens, aut fortis, quia virtutes nullam recipiunt vitij admistionem. Nihilominus cum nimis adiicitur, significant ea nomina non virtutes ipsas, sed vitia quæ fiunt per excessum. Velut calor (vt conferamus physica cum Ethicis) est ea virtus qua generamur, viuimus, nutrimur, & augeſcimus, si tamen dicas, calor nimius, febrem significabis: ita nimis fortis dicitur audax, seu temerarius, nimis temperans insensibilis, nimis prudens callidus. Nimis iusto nō video quod nomē datum sit. Est fortasse anonimum, vt multa alia in morum scientia, est tamen etiam qui nimis iustus vocari possit, deficiatque hac ratione à vera iustitia, sitque vitiosus in hoc morum genere. Id quod indicare me posse exemplis spero per singulas iustitiæ

*Nimis in
stus quis.*

partes, Punitiuam inquā, Distributiuam, & Cōmutatiuam. Nam iudex, qui scelerum, & iniuriarum est vindex, deficere pōt à Iustitia, minus aut plus puniendo: minus quidem, quia cum iustitia nō sit virtus ad se ipsum, sed ad alios, non est in eius potestate situm, aliterius iniuriam condonare, neque si sit crimen alio in genere (non enim omnia crimina iniuriæ sunt) est ille aliud quippiam, quam minister legū. quare ne sic quidem potest pœnam remittere vt lubet, non minus tamen peccare potest, si nullam vnquam equitatem adhibeat, sed semper iudicet ex Scripto. Nam etsi iustū legitimum sit, quod lege statutum est, quia tamen leges non possunt esse de singularibus, vt neque scientia vlla, neq; ars, quia hæc sunt infinita, quotidieque nascuntur, & intereūt, vniuersale verò non potest nō deficere in multis singulariū, necesse est, vt iudex inquā multis adhibeat æquitatē quæ nihil est aliud, teste Arist., quā emendatio legis in eo quod deficit ob vniuersale, hoc est, detrahare aliquod ei quod lege sancitum est ob circumstantiam aliquam quam legislator non præuidit. Qui igitur nullam vnquā æquitatē adhibet, prætextu iusti legitimi exequēdi incidit in vitiū, quod est in excessu. Iam verò distributiua iustitia cōsistit in tribuēdo, cuique pro sua dignitate, estque hoc modo iustus, qui in bonorū distributione æqualitatē seruat. Quā æqualitatem dicit Arist. debere esse nō arithmetica, sed geometricā, quia nō debet tantundē tribuere omnibus, sed habita ratione dignitatis cuiusque, vt, verbi gratia, Achylli 8. Aiaci 4. Peccare igitur contingit in hoc genere duobus modis. Nō enim solum peccabit qui tribuit minus digniori, sed & qui tribuet pl⁹ indigniori, si sit materia iustitiæ (nam vbi locū habet gratia, non pertinet ad iustitiā) velut si quis tribuit

*Æqualitas geometrica in
iustis.*

vtrique

utriq; Achyli dico & Aiaci 4. peccat, quia Achyli tribuit minus, si utrique 8. quia Aiaci tribuit plus. utroq; autem modo deficit ab æqualitate, peccatque, etsi nō eodem modo. Quia qui tribuit plus iniuriam non facit, ut qui minus, ei scilicet cui tribuit, est tamē nihilominus vitiosa & iniqua actio. Velut (satius enim sit appertioribus uti exemplis) in suffragiis ferendis pro consequenda dignitate, aut auctoritate in Repub. non solum peccat qui denegat digno aliquando etiā multo magis qui tribuit indigno. Tametsi non uterque iniuriam facit, quia qui digno denegat tribuens minus boni aut plus mali, quam meretur, iniuria eum afficit, qui tribuit indigno non ita, quin potius in cōtrarium incidit vitium, quia tribuit boni plus, aut mali minus. est tamen hoc quoque rem iniustam facere. Iam verò iniustitia commutativa, iustus est qui sibi & aliis tribuit æquale. Aequale verò non geometricum, ut in distributiva, sed arithmetum ut centum pro centum, decem pro decem. Nulla enim in commutationibus haberi debet ratio dignitatū, sed rerū. Igitur peccare quis possit in hoc genere duobus modis & tribuens sibi plusquā alteri & tribuens alteri plusquā sibi. Iniquē enim cōmutat, qui pro re quæ valet cētū, tribuit quin quaginta, iniquē etiā si tribuit bis cētū, ubi non habet locum liberalitas. Vbi verò liberalitate id agitur, non habet rationem commutationis, sed largitionis, quā commutatio autem, vitiosa erit. Non tamen eodem modo peccabūt hic & ille. Quia qui tribuit minus, iniuria afficit vendentem, qui plus nullam iniuriam facit (nisi forte reipublicæ) vitiosē tamen cōmutat. Sūt igitur hīc quoque duo vitia, alterum in defectu alterū in excessu, atque utroq; modo agitur res iniusta, etsi non utroque infertur iniuria. His argumentis nō pos-

sum hac in parte probare sententiam Aristotelis, dicentis iustitiam non esse inter duos excessus, ut alias virtutes, sed modo quoddam, quia versatur inter duo inæqualia, ut inter lucrum & damnum. Quin potius ex ipsius Arist. sententia, mihi videtur evidens argumentum capi, aduersus eundem. Nam si iustitia versatur inter lucrum & damnum, necesse est utriusque posse adhiberi plus & minus, & duplices esse actiones circa duplicem materiam, augendam aut minuendam, utraqueque deficiente ab æqualitate, ac proinde utraqueque vitiosas. Quare cum habitus nascatur ex actionibus, duplices etiam habitus male operandi circa iustitiam possint animis innasci, sitque iustitia constituta inter duo vitia, ut virtus alia quæcunque. Verbi gratia, iuste commutat, qui sibi & alteri tribuit æquale lucrum & damnum, iniuste verò qui sibi lucrum & alteri damnum, vel sibi lucri plus, aut damni minus quam alteri: & qui alteri lucrum & sibi damnum, aut alteri lucri plus, aut damni minusquam sibi. Nam etsi plerisque videtur hic non peccare, quia nulli facit iniuriam (sibi enim nullus potest iniuriam facere quia ea non fit violenti) tamen non bene commutat, atque ea actione largitionis, & ob liberalitatem possit esse studiosa, quæ commutatio verò vitiosa est. Constat igitur, iustitiam, ut alias omnes virtutes morales, in mediocritate consistere, quin etiam multo apertiusquam alias, quia versatur in quærenda mediocritate inter excessum & defectum. Quapropter sapientissimè monet Ecclesiastes, *noli esse iustus multum*, siue, inquam, iudex es à Deo constitutus, ne ita te geras, ut nullam adhibeas, æquitatem: siue emolumenta præmiarumque distribuis, caue tantopere timeas digno denegare, ut tribuas etiam indigno: aut contra, dum times tribuere indigno, deneges etiam digno: siue commutas, caue tantopere timeas alteri

*Iustitia in
mediocri-
tate consi-
stet.*

alteri satis lucri non tribuere, vt tibi inferas damnum, Nam etsi non vtrouque modo eris iniuriosus, vtroque eris iniquus, atque aliquando simul damnum patieris, & iniuria remp. afficies. Quandoquidem ergo virum bonum præcipuè ciuilem, oportet omnia, cum, & vt oportet, agere, atque omnia in commune primùm bonum, deinde suum, conferre, cauere debet, ne in materia iustitiæ quippiam agat, nimis: neque verò in vlla alia. Insinuant se profectò aliæ interpretationes eius loci, non ineptæ. Possunt enim verba scripta esse in hypocrisis, qui videri ab hominibus iusti volunt nimis. Quasi diceretur, noli nimis in conspectu hominum esse iustus. Possunt etiam dici in superstitiosos, qui prætextu pietatis, in multas impietates incidunt, & seruilis timore peccandi, multa sibi fingunt, in quæ etiam incidunt, peccata. Verum prior interpretatio, philosophica magis est, & meo instituto accommodatior.

CAPVT SEXAGESIMVM

OCTAVVM.



CAPITE quarto Sapientiæ ita habetur, *Fascinatio nugacitatis obscurat bona.* Paulus etiam capite tertio Epistolæ ad Galatas, ita eos alloquitur, *O insensati Galatæ, quis vos fascinauit, non obedire veritati?* quibus in locis videtur fascinationis facta mentio, tametsi plerique viri docti vanam esse censent de ea opinionem. Quapropter haud erit abs re, neq; præter præsentis operis institutum, de ea tantisper disserere. Haud scio vnde melius possimus incipere, quam ab iis quæ de fascinatione vulgus censetur inde illius comparata notione, examinemus, an re vera quidpiam

Fascinatio.

fit in rebus tale, an aliud aliquid. An omnino nihil, sed meræ nugæ. Audio quàm plurimos affirmare, fieri nō nunquam, vt qui bene valent, ab alio quopiam tātum conspecti, repente ac multum lædantur, eosque qui ita læduntur, fascinos vocant, quibus verò vis ea maligna in oculis sit, (neq; enim omnibus esse æqualem) Fascinatores. Hos verò ipsos fascinare (hoc est in tuendo lædere) cum quadam animi affectione magis, vt cum attente intuentur cum quadam inuidentia. Proinde hoc periculū multò magis subire pulchros quàm deformes, & cum laude magis quàm cum vituperatione. Vnde religio nata est, bene impræcandi, ei quem cum admiratione & cum laude intuearis, alioqui (dicunt fascinetur. Alij fascinationis timorem, ad alias etiam quascunque inuidentiæ causas, extendentes, si quid comedunt auidè, quod alium quempiam vident intueri, metu percussi partem cibi statim prorrigunt, ne fascinentur. Porro dicunt hanc passionem in pusillos incidere potiusquam in grãdiores, quo teneriores sint, & (vt ipsi dicunt) leuiori sanguine, hoc est (vt arbitror) minus fætulento & melancholico, tametsi pulchræ etiam mulieres & quæ se tales esse præsumunt, sibi cauent. Quin etiam ad animalia cætera dicunt hanc affectionem pertinere. Nam & gallinas, & agnos, & equos, ferunt fascinos aliquando cecidisse. Ex his omnibus quæ de fascinatione circumferuntur, fieri videtur, vt, etsi modo & subiecto variet, illud tamen commune omni fascinationi sit, oculis & intuitu inferri. Itaque videtur esse læsio oculis illata, non tamen hoc solum. Nam si, qui ophthalmia laborat obuium quempiam inficit, atque ophthalmia facit laborare, nemo vnquã dixerit fascinasse. Quidam addunt lêsionem illam illatam oculis, oculis etiam cōcipi, vbi is qui fascina

fascinatur & qui fascinat, sese mutuo intuentur attente. Itaque ponunt in ratione, seu notione fascinationis, duplicem oculorum respectum, & inferri, & concipi oculis. Alij ponunt hæc seorsum, quasi duplex sit ratio fascinationis, aut illata, aut concepta oculis passio. Quapropter erit multò verius fascinatio, cui vtrunque accidet, & inferri, inquam, & concipi oculis. Sed neque hoc vtcunque, nam & ophthalmia per contagionem genita, infertur & concipitur oculis, neque vlla ratione potius, quam si qui primaria laborabat, & qui inficitur, se mutuo intueantur. Sed neque si quis pestilenti affectus febre, aut etiam sine febre, deferens secum pestis seminaria, alium intuens intuentem inficiat, dicitur fascinasse, sed peste affecisse. Quid ergo aliud possimus adiicere ad integram fascinationis rationem? certè nihil (vt videtur) aliud, quam timorem illum superstitiosum, & suspitione inuidentiæ, vt si pulcher pusillus sit, intueatur verò maligna anus, quæ pulchritudinem miretur, & oderit. Hanc enim ob causam duobus occurritur remediis, ut signo aliquo contemptus, vt implicatis digitis (sicam nostri vocant) aut bona præcatione, alterum ei in horum indicat, eum qui intuetur, non admirari; neque laude dignum magnopere censere, siquidem contemnit, alterum, non odisse, siquidem præcatur bona. Ita etiam si quis comedens aliquid intuenti auidè, non porrigit, timet fascinationem, quia intuenti expetentiq; est inuidiosus, inuidiæ enim obiectum est, ingratum bonum. Videtur itaque fascinatio esse passio oculis illata & cōcepta, profecta ex quadam affectione animi eius qui intuetur. Quapropter rationem aliquam pulchri, aut expetibilis esse oportet in eo quod fascinetur, & malignitatis infascina-

Fascina-
tionis re-
prehensio.

tore. Si autem hæc est fascinationis ratio, quiuis facile intelliget fascinationem esse superstitiosum quendam timorem ex stulta credulitate profectū, eiusmodi sunt quamplurima alia in hominum vita. Argumēto est, quòd mulieribus magis quam viris, & viris indoctis magis quam peritis probatur ea opinio. Tametsi video in ipsis etiam doctis esse quosdam, qui quadā ambitione, omnia quæ vulgus miratur, tueri curent subtilitatis magis quam veritatis, amatores; vnde iudicarij, Magi Præstigiatores, & secretorū periti haberi volunt, quorum ingenia ego nunquam fascinabo. At dicēs, fascinationis opinio neque vulgaris est neque noua, siquidem antiquissimi & probatissimi autores, scripsere multa illius remedia: si verò nulla re vera esset fascinatiō, vanum esset prorsus eius remedia recensere. Plinius lib. 26. cap. 10. inquit, *altera Satyrion Orchis cognominata, fœmina esse creditur. distinguitur internodiis & ramosiore frutice, fascinis vtili: idem lib. 28. cap. 4. reperiuntur fascinationes desputatione affirmat.* Inuenta itaque iam sunt tres fascinationis præcautiones: fica, & benedictio in eo qui cernit: spuitio in eo qui cernitur. Idem cōmendat libro decimotertio, capite quarto, contra fascinationes ossicula quædam palmarū lunata, & dente, nescio qua religione, polita. Idem coriū frontis hienæ fascinationibus resistere affirmat lib. 28. cap. 8. Arist. quoque sectione 20. problematum dicit, rutam antidotum esse fascinationum. Non aliter profectò, ac nunc pusillis collo suspenditur Gagates. Nō videtur ergo figmentum esse fascinatiō, cuius tam multa remedia inuenta sunt. Nam naturalium remedium cognitio, non aliter constat quàm experimento nō potest autē esse auxiliij, quin sit ipsius etiam passionis experimentum: id verò si est, certè & ipsa fascinatiō

Satyrion
Orchis.

Fascina-
tionis re-
media.

Gagates
latu.

fascinatiō

fascinatione eſt in rebus. Quod aliis etiam antiquorum dictis confirmatur. Nam & Virgilij eſt illud carmen. *Nefcio quis teneros oculus mihi fascinat agnos.* Plinius quoque libro 7. capit. 2. in *Africa* (inquit) eſſe familias quasdam eſfascinantium, *Iſogonus & Nymphodorus tradunt. quarum laudatione intereant prouata, areſcant arbores, emoriantur infantes.* Eſſe eiſdem generis intriſcalis, & iliriis adiicit *Iſogonus*, qui viſu quoque eſfascinant, interimantque quos diutius intueantur, iratis præcipue oculis. Quod eorum malum facilius ſentire pueres. Vides vt multi antiquorum fascinationem aſſeruerunt. Atqui & illa verba Eccleſiaſtici trigefimo primo, *Nequius oculo, quid creatum eſt?* aliquibus ſonant fascinationem. Præterquam quod & in ſacris extant duæ illæ quas præſcripſimus orationes, quibus fascinationis mentio fit. Verum de præſcriptis orationibus poſtea dicemus, reliquis occurramus. Atqui (vt incipiamus ab vltimis) Vergilius non induxit ita loquentem Socratem, aut Ariſtotelem, ſed opilionem vt debeat merito obloquentem perſonam cenſeri id dicere, non ex ſua ſententia, ſed ex vulgi opinione, qua nihil eſt incertius. Plinij verba, & Iſigoni ac Nymphodori autoritas, non indicant eſſe verè vllam eſfascinationem, ſed ſi figmentum eſt, nouum non eſſe. Porro Eccleſiaſticus, oculi nomine inuidentiam dānat. Quæ de antidotis dicuntur optimè interpretatur Ariſt. loco nuper citato, dicens rutam cenſeri fascinationis remedium, quia tunc ſe putant homines ſcascinari, cum voraciter edunt, aut incommoditatum aliarum tenentur ſuſpicionem, aut perturbātur ipſa fascinationis opinione, vt ſi animaduertant alium intueri in cibū quē capiūt. Ob voracitatē ergo, aut perturbatū eſum repleti flatibus, à quib. angantur aut vomant, rutam verò tūc

*Ruta vis.**Orchis
herba.*

temporis prodesse, quia flatus absumit, atque id non intelligentibus, videri fascinationem tollere. Certe ruta commendatur aduersus dæmones, & fascinationes, ac denique aduersus omnes passionēs, quæ censentur esse sacræ, vt aduersus terribilia insomniā, phantasmata, & nocturnos timores: huius verò causa est. quod absumit flatus, & siccat, extinguitque seminis redundantiam. Pleraque verò eorū quæ in Dæmones vulgus refert, nascuntur ex dictis causis, vt faciliè discēs ex Hippocrate libello de flatibus, & de morbis virginū. Hoc idem dicimus de radice Orchidis, præterquam quod ea radix semen expellit, potiusquam absumit. Gaggates lapis fortasse comparauit eam autoritatē, quia recreat vuluæ strangulationes. Iam verò officula palmarum bunata superstitiosum remedium esse, vt, ab errore conceptum, potiùsquā verum, malum, cōstat vel ex ipsis Plinij verbis. Ipse enim dicit, religione quadā politum. Illa verò religio superstitio est, multo magis superstitiosū est, expuitione repellere fascinationē, atq; hoc ipso remedio testari vidētur homines, fascinationē non esse vllā à naturalibus causis illatā nōxā, sed ad veneficia & Dæmones pertinere. Nā hac ipsa religione videas nunc rusticos, vbi Satanæ abrenūntiant, nominato eo semper spuerē, eadem scilicet religione, qua contra fascinationes. Eidem vanitati attestatur remedium quod quæritur ex fica, & ex deprecatione. Naturalia enim non esse hæc, sed superstitiosa, quis non videat? Sed & his dimissis, ipsa per sese res vana esse conspicitur. Quid enim facit (sublata eius qui se lædi putet, imaginatione) placeas, an displiceas ei qui te aspiciťoderit, an amet? nisi fortē placet opinio Auicēnæ 9. metaphysicæ, qui hominis animā, ea dicit vi pollere, vt possit imaginatione sola permouere materiam

teriam longe positam, ac diſſitam. Ea verò opinio nul-
 li ſanæ mentis homini probatur, ac tunc quoque ima-
 ginationis eſſet faſcination, non oculorum. Faſcinationis itaque nomen antiquum eſt, atque ſecundum anti-
 quam ſignificationem, nullum naturalem morbum ſi-
 gnificat, ſed ſuperſtitionem vanam, ex vulgari natam
 opinione. atque ideo neque Hipp. neque Galenus, ne-
 que veterum medicorum quiſquam (quod ego ſciam)
 faſcinationis meminit, neque inter morborum differen-
 tias, neque inter eorum cauſas. Vnde rurfus non parum
 probabile accipitur argumentum eius vanitatis. Neo-
 tericorum quidam, vt aſſerant faſcinationem, tollunt
 ab eius ratione affectionem animi eius qui intueatur,
 inuidentiam inquam illam, quia ea ſola videtur effice-
 re faſcinationem ſuperſtitioſam, dicuntq; , faſcinationem
 eſſe infectionem quandam malignam oculis illa-
 tam. Alij addunt, & oculis cõceptam. Aiunt igitur mul-
 to magis quam partem ullam aliam noſtri corporis,
 poſſe virus quodcunq; iaculari in alium, ob rectitudi-
 nem illam radiorum viſualium, ſecundum quam, vt per
 ſpectiui monſtrant, viſio agitur. Deferri igitur virus, ſi
 quod ineſt, cum radiis illis viſoriis, atq; in rem conſpe-
 ctam firmiter infigi. Porro addunt à corde in oculos
 habere id virus expeditiſſimam viam: argumẽto, quod
 cordis paſſiones, citiſſimè oculis ſeſe inſinuunt: ab ocu-
 lis verò emiſſum, oculis eius qui contrà ſpectet, quàm
 vlla alia parte recipi faciliùs, ob ſimilitudinem, quæ pa-
 rit ſympatiam: atque eadem ratione receptum oculis
 faciliſimè tendere in cor, vtpotè à corde veniẽs. Deinde
 ex Galeni ſententia, quæ multis nõ ineudentib. argu-
 mẽtis cõfirmatur, dicunt, intra noſtra corpora gigni poſ-
 ſe vera venena: multos. n. repente mori conſtat, cum
 eiſdem omnino ſignis, quæ accepto veneno ſolent ap-

*Faſcina-
 tio eſt va-
 na ſuper-
 ſtitio.*

*Menstruo
rū mali-
gnitas.*

parcere, tametsi liquido constet acceptum non esse. Id etiam venenum posse non exiguum tempus intra corpora latere, nulla interim illata euidenti noxa, indicant, qui à cane rabido morfi sunt, quorum nō nulli etiam anni dimidium solent, sine conspicua affectione transigere. ita etiam mulieribus menstruatis viris quoddam verè venenosum agitari, agitatūque emitti per oculos, & haustum aliorum oculis, maxime puerulorum, qui & teneriores sunt; & incautius respectant, transmittere in cor, atque lethalem inferre noxam. Neque id videri debere mirum, siquidem Arist. 3. de historia animalium capite decimonono cum sanguinem vitiatum esse affirmat. adeo autem vitiatum esse censent, vt dicat Plinius capite decimoquinto libri septimi. *Nihil facili reperiri mulierum profluvio magis monstrificum. acescunt enim (inquit) eius superuentu musta, sterilescent tacta fruges, moriuntur insita, exuriuntur hortorum germina, fructus arborum quibus insedere, decidunt. Speculorum fulgor aspectu ipso hebetatur, acies ferri perstringitur, eborisque nitor, alvei apum emoriuntur, æs etiam ac ferrum rubigo protinus corripit, odorque dirus aera, in rabiem aguntur gustato eo canes, atque insanabili veneno morsus inficitur.* Plura etiam non minus mirabilia, dicit ibidem, lib. 7. cap. 2. Ex his videtur fieri probabile, mulieres menstruatas, quibus tantum virus intra corpus agitur, solo intuitu posse lethaliter inficere: atque vt hæc secundum naturam colligunt monstrificum virus, ita posse esse homines quibus naturaliter veneficum quippiam insit, quod per oculos, cum intuentur recta, simul cum radiis visoriis emittatur, quorum sit periculosissimus aspectus, hosque esse fascinatores: quorum etiam scribunt notas, dicentes, his esse in oculis ambobus, aut altero binas pupil

*Ascina-
torum no-
ta.*

pupillas; aut in altero oculo pupillas duas, in altero effigiem quandam equi, aut canis. Vt verò quidam homines sint tales, sunt qui caudentur temperamenti proprietatem, sunt qui substantiæ modum, sunt etiam qui putrescentiam spirituum: qui verò sunt eorum sapientissimi, natale altrum. En quæ maximè videntur abesse à præstigijs fabulis, eorum quæ de fascinatione dicuntur. Quæ tamē omnia, si animi affectū, eius qui effascinet tollas, minimè videntur dici debere effascinationes, sed infectiones venenosæ: neq; venenosi illi homines fascinatores, sed venenosi, ut viperæ, & scorpiones, bufones, ac multo magis basilisci. Itaq; ut illa animantia effascinantia nemo vocat, sed venenosa, ita neque tales homines est quod voces fascinatores. Si enim studes opinionem de ea re vulgarem asserere; nomen quidem retinet, notionem autem eius minimè. fuisse enim ab antiquissimis illis seculis, in fascinationis notione, iram; aut invidentiam, præter verba, quæ ex Plinio produximus, & Aristotele, ipsum nomen Græcum facile indicat. Vocatur enim Græcis fascinatio *Βασκανία*, & fascinare *Βασκάνειν*. Significat verò hoc idem verbum, invidere. itaque *Βασκανία* est invidentia, & fascinatio: quasi fascinatio sit læsio cū quadam invidentia illata. necesse igitur est dicere, illos ipsos venenosos homines, tunc magis inficere, cum aspiciunt cum quadam invidentia. Non quidem ob ipsam invidentiam per se (ne in Auicennæ apertè falsam opinionem incidatur) sed ex accidenti, quod is animi effectus attentius faciat intueri; atque tunc propriè esse fascinationem quādam ut à Basilisco. Sed tūc quoque hæc de fascinatione sententia, ponit visionem agi exeuntibus visorii radiis, cum his siquidē deferri vapores venenosos: quam tamen minor pars philoso-

Fascinatorū nota.

Basiliscus

*Saliva
vis.*

phorum recipit. itaque iam ea opinio non poterit esse omnibus philosophis communis, sed peculiaris Platoniorum. Deinde verisimile non est, posse cuiquam homini secundum naturam esse vim alteri homini venenosam. Nam ut animal animali sit venenosum, facit magnum naturæ dissidium, & contrarietas. Ut vipera homini, & homo viperæ habet salivā venenosam. Sed neque vipera viperæ, neque homo homini adeo aduersam potest habere naturam. Nempe causæ omnes quas reddunt, partim futes, partim ineptæ sunt. Primum quidem quod de natali astro dicunt, mihi risum mouet (tametsi est grauissimorum hominū sententia, hominum tamen) necesse enim esset, omnes qui illa ipsa hora essent nati, esse fascinatores. Sed de huius astrologiæ vanitate (si modo astrologia dicenda, ac non potius diuinitio Chaldæorum) in hoc ipso opere diximus multa. Temperiei aut substantiæ dissimilitudo, non potest esse tanta in rebus eiusdem naturæ & speciei. Siquidem ex differentia temperamenti nascitur differentia naturæ. Certè neque quod de basilisco dicunt, possum adduci ut credam esse verum, sed fabulosum, ut alia innumera. nedum ut ea natura in hominem transferatur aduersus alios homines. Consentaneum multo magis sit, basiliscum interim hominis aspectu, si modo cum ipse necat, ut de saliva hominis & viperæ dicebamus. Neque quidem argumenta cuiusquam momenti sunt. Nam quæ de menstruo sanguine affirmāt, falsa esse ac fabulosa, ipsum indicat experimentum. Versamur enim quotidie cū mēstruatis citra vllam noxam, à quibus tamen si vera illa essent, neque lapides, neque ipsa durissima metalla illæsa esse possunt. At verò menstruus sanguis est ipsemet quo mulier nutritur. Qui nonnunquam ob solam redundantiam

dantiâ, citra ullam prauitatem emittitur, aliquando etiam ob malam qualitatem, qualis tamen est in reliquo sanguine: nimirum quam Hippoc. iubet contemplari in colore, quia si sunt alba, sint pituosa, si flaua, biliosa. Quæ cum apparent nullis incantationibus aut præstigiis iuuat occurrere, sed neque alexipharmacis, quibus venena franguntur, sed medicamentis expurgantibus, quibus soluuntur cacochymia. Itaque mēstruus sanguis vitiosus plerunque est, quia expultrix virtus semper fertur in id quod deterius, minimè tamen venenosus, sed qualis esse solet in corporibus cacochymis. Iam verò quod possint in nostris corporibus gigni venena, nihil ad fascinationem. Gignuntur enim præter naturam, fascinatores verò esse tales natura dicunt. Quid ergo superest? nunquid satis illis sit, Si concedamus, & si naturaliter fascinatores nulli sint tamē eos qui sunt præter naturam affecti, & morbofi, multo magis posse per oculos inficere, quam per aliā partem? Certè quā per aures ego concesserim, non tamē quam per os aut nares, malim enim me aspiciat, qui pestilenti tenetur apparatu, quam spiritum in me emittat: Nam & putridi aëris veniet multò plus, & ab ore in cor, per arteriam asperam, est longe expeditior via, quam ab oculis. Oculi (dicunt) mittunt facile sua mala in alios. Quæ? nūquid rixas? an suffusiones? an nubes? minime, sed ophthalmias. Est itaque ophthalmia morbus contagiosus. Quid ad fascinationem? manus quoque scabies cōtagiosa est. Fascinamus ergo manibus. Vnde ergo (dices) nata est inter omnes homines hæc opinio de fascinatione, si ea adeo nihil est? ex leuium (arbitror) hominum credulitate. Diuus Basilus cognomento Magnus, in homilia de Inuidia, sprete vulgari hac de fascinatione sententia, vt muliebri,

*Oculorum
vires ad
mala in-
ferenda:*

*Ophthalmia con-
tagium.*

Pueri fascinationi obnoxij.

dicit sensere se demones vti inuidorum hominum oculis ad lædendum, vt instrumento quodam. Itaque non humanos per se, sed demones per eos lædere infantes, & inde natam eam opinionem esse. Sed quoniã hæc causa physica non est, ad me non spectat, neque ad hoc opus. Quam ego habuisse occasionẽ suspicer, audi. Pueros solito nitidiores, & crassiores, pulchriores etiam esse, res est comperta satis: neque minus hoc solere sæpissimè, occurrentes, & vires & mulieres, admirari, laudare, atque attente intueri, & vlnis gestare, motitare, ac denique cum illis ludere. Scitum etiam est illud Hippocratis *habitum qui ad summum bonitatis attingit, periculosum esse*, & illud Celsi, *Qui nitidiores solito sunt, suspecta bona sua habere debent*. Cum ergo pusilli ob natalem habitum, non rarò soleant, cum viderentur habere optimè, in magna pericula repente incidere, vulgus causam non intelligens, in laudatorũ, quales illi quotidie habent quamplurimos, oculos, & inuidentiam, reiicit. Illos (quæ est hominum leuitas) sequuti sunt yiri alioqui eruditi, & vt est talium ignorantia disserta, processit paulatim res ad agnos, ad gallinas, ad equos, ad segetes, ad arborum fructus, ad ipsa metalla, ad specula, ad lapides. Rubigine obducuntur, hebetantur, franguntur, comminuuntur. mēdacia mera. Iam est causa in substantiæ proprietate, in venenosa natura, iam in astris. meræ nugæ. Neque verò Diuus Paulus fascinationem aliquam naturalem esse asseruit, sed quasi prouerbio quod ex vulgi opinione natum est, vtens dixit, *Quis vos fascinauit recedere à fide?* hac loquutione insinuans, illos temerè ac sine vlla causa recessisse à fide, cum viderentur in ea profecisse quàm plurimum. Iam verò fascinatio nugacitatis vocatur in sacris, quod à Diuo Ioanne in Epistola prima, con-

ma, concupiscentia oculorum, hoc est auaricia, & cupiditas rerum alienarum. quia enim is morbus concipitur oculis, vocatur per allegoriam fascinatio, dicitur verò nugacitatis, quia bonorum fallacium, iuxta illud Psalmi quarti. *Fili hominum vsquequo graui corde, vt quid diligitis vanitatem & quaritis mendacium?* hoc est, vana, & mendacia bona. Itaque concupiscentia oculorum, est fascinatio nugacitatis. Hæc obscurat bona, quia vt dicitur in Epistola prima ad Timotheum, *cupiditas radix est omnium malorum.* & vt ibidem sapientiæ dicitur, *Instantia cupiditatis transuertit sensum sine malitia.* Itaque loquutio illa Sapientiæ de fascinatione, allegorica est. Allegoria verò accipitur à vulgari opinione. Neque mirum. indicatum enim est antea multis exemplis, in sacris etiam esse morales fabulas, & allegorias à fabulis translatas, non aliter atque in moralibus philosophorum libris. Velut & in ea ipsa de re qua differimus, interpretantur nonnulli Platonici super conuiuio, siue de Pulcro, amore, siue furorem amatorium esse fascinationem, quòd ea passio, eius quæ adamatur oculis plærunque videatur illata, concepta verò oculis eius qui amat semper (nisi forte quandoque concipitur auribus, rarissimè tamen solis) & oculis concepta in cor illabitur, cuius affectione corpus tabescit, sine vlllo alio morbo manifesto. Vide quàm congruat hæc allegoria, quæ tamen ex vulgari, & falsa de fascinatione sententia nata est. Ita igitur, si quis placens Deo, factusque ei dilectus (qualem illic describit autor Sapientiæ) & viuens inter peccatores, per concupiscentiam oculorum mutetur, & amittat intellectum, dicitur appositissimè fascinatus, quia cum valeret optimè per oculos valde læsus est, & in grauissimum conie-

Furore amoris.

ctus periculum, quod pertingit cor per oculos. Nā ita dicitur Hieremiæ 22. *Tui autem oculi, & cor, ad auaritiā.* ob has itaque causas is animi affectus dicitur fascinati. Hæ verò sunt metaphoricæ locutiones, ad formandum animum comparatæ: verus sit is sermo vulgi vnde sunt acceptæ, an non, nihil refert. Veræ enim sunt ipsæ metaphoricę loquutiones. Velut si adulatores Syrenes esse dixeris, non mentieris, tametsi Syrenes reuera nullibi sint.

CAPVT SEXAGESIMVM

NONVM.



A P. II. Sapientia. *Non enim impossibilis erat omnipotens manus tua, quæ creauit orbem terrarum ex materia inuisa, mittere illis multitudinem vrsorum, aut audaces leones.*

*Mundus
ex mate-
ria inuisa
creatus.*

Mirari euenit hoc loco, cur dicat Salomō, ex inuisa materia crasse Deum orbem terrarū, siquidē creauit ex nihilo: Quapropter neque ex vlla materia, siue visa, siue inuisa. Hāc dubitationē facile deuitabūt, asserētes mundū hunc factū esse ex quadā cōgerie rerū omniū, citra vllū ordinem commistarū, quam vocant chaos, vt Plāto; aut ex atomis, vt Anaxagoras, Empedocles, & Epicurus. Hi enim omnes huic rerū vniuersitati ortū aliquem tribuentes, materiam ex qua constitit faciūt æternam. Mihi verò in ipso huius operis initio monstratum est, nihil omnino esse in rebus æternū, præter illud quod vnum, & primum, ac per se ens, hoc est, Deū. Illud igitur nunc ponentibus, vidēdum quid de præsentī dubitatione dicamus. Certè si quam habet mundus totus materiam, quę eadem sit rerū omnium crea-

creatarum, aut certè corporearum, dicere possimus Deum fecisse terrarum orbem ex illa materia, nō quidem præexistenti, sed concreata cum formis. Velut si nunc repente Deus creet statuas humanas, aliam cedrinam, aliam abietinam, aliam quercinam dicemus aliam factam esse ex cedro, aliam ex abiete, aliam ex quercu, tametsi non prius cōstituerint illa ligna, quàm statuæ. Quod si hoc ita habet, constat materiā illā cōmunem rebus omnibus, esse per sese inuisam atque a deo inuisibilem: quādoquidem si per se videri posset, haberet qualitatem aliquam aspectabilem, vt candorem, lucem, aut nigritiem: quod tūque autem illorum haberet, non posset esse materia contrariorum. vt si esset candida nigrorum, si nigra candidorum, si lucida luce carentium. Nam aut materia candida, nigrorū induens formam, maneret candida aut candorem deponeret: si maneret, fieret res eadem simplēxque candida & nigra: si deponeret, esset iā illa, materia vtriusque contrarij, eius videlicet quod deponeret, & eius quod reciperet. Quapropter vtrunque contrarium rationem haberet formæ: forma enim formam excluderet non materiam: Quare ille candor non esset materiæ per se, sed per formam. Ipsa igitur materia aspectabilem qualitatem per se habere non potest. Eodem argumento fit, vt neque audibilem, neque odorabilem, neque tangibilem, sed neque omnino ullam rationem aut formā, siue substantiæ, siue accidentis habere possit. Itaque neque dici possit per se hoc, neque tantum, neque tale, neque ad aliquid aliud, ita aut aliter habens. Hac ratione Aristoteles communem ac primam rerum omnium materiam ponens, dicit esse merā potentiam citra omnē actū. Plato qui disertissimè de ea disputauit, ita inquit. Intelligendum est quòd cum

esse debeat effigies rerum omni formarum varietate distincta, nunquam illud ipsum formationis huius generum bene erit præparatum, nisi informe sit, & suapte natura omnibus formis quas recepturum est, careat. Nam si erit alicuius eorum quæ in se recipit simile, cum contrariam eius cuius simile est naturam, aut aliam prorsus suscipiet, nequaquam eius similitudinem, & effigiem exprimet, cum per se tulerit suam. quo fit ut nullam sibi propriam habeat speciem, quod est omnia genera suscepturum. Hæc & alia multa eodem spectantia scripsit Plato in Dialogo de natura, quæ ut in commentariis de physica doctrina indicauimus, nullatenus discrepant à sententia Aristotelis: ambo enim censent, ut & cum ipsis omnes nunc philosophi, materiam per se nullum ens esse, neque omnino rem ullam, quia scilicet omni actu caret: sed neque nihil esse, quia est principium immanens omnium rerum. Meo igitur iudicio, cum hac in parte nulla illis philosophis dissentio sit, libuit Aristoteli de nomine altercari cum Platone, quod dixerit esse simpliciter non ens, quasi simpliciter non ens, idem sit quod nihil. Plato verò non ita intelligit, sed quod non sit ens, nisi quodammodo. Iuxta hanc itaque sententiam, quæ communis nunc est omnium philosophorum, dicemus fecisse Deum orbem terræ ex materia inuisa, & omnino insensibili, atque adeò per se penitus informi, hoc est, ex materia prima. Quoniam verò quæ in libris sacris scripta sunt, non oportet ad cuiuspiam opinionem interpretari, sed veritatem, videndum est quàm certa, atque firma sit de materia prima assertio, atque si eius monstratio ad probabilitatem procedit solum, aliam quæ omni careat dubitatione, præsentis loci interpretationem adhibere. Certe esse rebus omnibus corporeis vnam

communemque materiam facile dicitur, non ita tamen intellectu facile est, si quis consideret exactius. nam ut antea indicauimus, necesse est, per sese omni careat forma, quod primum omnium intelligi non potest. Nam quod non est aliquid, & ens, cur non sit nihil porro quo pacto possit non ens (ita enim illam vocat Plato) esse principium ex quo immanens entis? nam si Aristoteles recte probat in quarto de physica doctrina cap. 1. elementa corporum non posse esse incorporea, cum tamen censeat (quod est verissimum) non manere elementa prima in rebus actu, sed potentia solum, multo minus possit esse corporum incorporea materia, siquidem ea qualis qualis sit, maneat actu in rebus necesse est. non potest autem illa esse corporea per se, sed per formam, alioqui quantitas illi per se in esset, quare non esset mera potentia. Rursum si ea corporea per se non est, quæ maior necessitas, ut corporeæ substantiæ materia constent, quam ut Angeli. Hos verò omnes immateriales appellant, quasi magnitudo materiæ ipsius sit per se, atque per hanc fiant res quantæ. Ob has & alias huiusmodi dubitationes, veteres philosophi, partim posuerunt vnam omnium materiam, eamque substantiam quandam re vera quædam, alij aquam, alij ærem, alij ignem, alij etiam terram, alij substantiam mediani tenuitate & crassitie: partim nulla generationis successiue rerum posuerunt materiam, sed separatione & congregatione rerum similium prius existentium, oriri & interire res putabant dissimilares, ut Empedocles, Anaximander, & Anaxagoras. Qui omnes principium materiale ab elementis non distinguentes, rerum omnium resolutiones perducebant usque ad simplicissimas aliquas substantias, Empedocles ad ignem, ærem, aquam, & terram. Ana-

*Corpus ex
incorporea
materia es
se nequit.*

xagoras & Anaximander ad similia, vt carnem, os, neruum, & innumera alia eiusmodi. Alij ad vnum aliquod quatuor primorum corporum, quodcunque eis videbatur reliquis esse prius. Horum omnium sententiæ hoc vnico argumento refutari videntur, quòd necesse sit illud quod primum esse ponitur, siue vnum sit siue multa, carere generatione & corruptione, atque solum recipere congregationem & separationem, secundum sententias Empedoclis, Anaximandri, & Anaxagoræ: vel densationem, & rarefactionem, vel extenuationem, & incrassationem, secundum priores sententias. At verò re ipsa videtur constare illud esse falsum. Nam videmus fieri aërem ex aqua, & ex illo ignem, & ex pane sanguinem, atque ex hoc carnem, ac denique simplicissima omnia fieri alia ex aliis, quod si ita est, videtur Aristoteli necessario fieri, vt sit illis alia prior communisque materia, quæ per se nihil illorum sit, sed formarum omnium experta. Illi verò responderent, haudquaquã fieri res illas verè vt putamus, sed separatione apparere quæ delitescerent, congregatione delitescere quæ apparuerant. Quod si cui videatur confictum ad respondendum, neque adeo dignum fide, atque ob id nullam dictarum esse probabilem sententiam, possit fortasse dicere, rerum compositarum materiam esse res simplices, vt hominis carnem & ossa: & earum quæ simplices primo intuitu apparent, alias simpliciores quæ latitant: verè autem atque exactè simplicium nullam esse materiam: sed factam esse illarum quacunque ex materia, vt ignem ex aëre: non verò in materia, vt sigillum effigiẽme in cera: itaque fieri res singulas etiam simplicissimas ex materia aliqua, vnã verò eandemque omnium nullam esse. quæ enim necessitas, vt quod ex alio fit, immanẽ-

tem habeat materiam? quoniam (di cūt) res artificiales nos manu ducunt, vt intelligamus, nihil nisi in quādā materia fieri, vt scilicet lectus & arca ex immanente ligno, sigillum ex cera. Dicat verò fortasse quisquā ex aduerso, hoc artificialium rerum esse proprium, naturalibus verò nō perinde accidere, quia res artificiales fiunt ex naturalibus, naturales verò non possunt fieri nisi ex seipsis mutuò; quia non vt arte natura prior est, ita ipsa natura aliud quippiam. Cum verò fiunt res ex rebus non vt immanentibus, velut lectuli ex nuce, & cedro, fieri; sed vt desinentibus, velut mensa ex arca. Quapropter nō videtur opus esse ponere primam materiam rerum naturalium, sed fieri alias ex aliis mutuò, atq; ita esse circularem rerum generationem, & in finitam; non finitam & rectam. Quid ergo diceret hæc sententia de primis rerum principiis? an esse nulla? non certe, sed esse formam, & potentiam proximam, & priuationem: eam verò potentiam & priuationem, esse nō in vlla materia communi genito & corrupto, sed in eo ex quo res fit. Cur enim fit potius caro ex sanguine, quam ex vino aut melle? an quia sanguis potentiam proximam habet ad formam carnis, vinum verò non habet proximam. Illa ergo potentia proxima cum priuatione, quæ necessario adest, & forma quæ ingruit, prima principia sunt rerum simplicium. Compositarum verò principia sunt, res simplices, vt materia, & forma totius. Atqui profecto) quamquam plerisque aliter videbitur) ego existimo hanc esse ipsissimam sententiam Aristotelis & Platonis. Nam vt in cōmentariis capit. septimi secūdi libri de physica doctrina, & iterum capit. quarti, secūdi de anima (tametsi cum hæc scribo, commentaria in libros de anima, scripta multis ante annis, nondum sunt

*Forma no
mina.*

in lucem emissa) iudicaui, apud Aristotelem. hæc omnia nomina, forma rei, & id quod res est, & essentia, & ipsum rei esse, & quod hoc est, eadem prorsus rem significant. Quia re vera, rei naturalis forma, nihil aliud est, quam res ipsa qua hæc & talis. Id verò falsum esset, si præter formam esset in re materia prima immanēs. non enim esset rei forma, ipsa res actu qua talis, quia forma materiam nō habet, res haberet. Plato quoque in Dialogo de natura hominis multis argumentis cōtendit, hominem esse ipsam hominis animam quod, cum hominem animal esse, ac proinde corporeā substantiam, toties ipsemet Plato dixerit, verum esse aliter non poterat, quā si ipsa hominis anima esset nihil aliud quā ipsius essentia, essentia verò ipsū quod quid erat esse hominem, hoc est, ipse homo quia actualis & perfectus. Tametsi hoc (vt rē totā apertè explicē) non tā exacte dicitur de ætherogeneis substantiis. Quis enim separet ignis formam ab ignis corpore, aliter quam ratione? nimirum ignis forma est ipse ignis actu talis, & perfectus: corpus, hic idem qua ignis formam, rationem, & entelechiam, seu perfectionem cōsequutus; quod quidem est res eadem numero, rationes duæ quarum coitione fit ipsum ignem esse. Quæ cogitans Plato, posuit illa tria rerū principia, idem, & alterum, & essentiam. Quæ eadem principia Raymundus Lulus vocauit, tiuum, bile, & are, hoc est factiuū esse, factibile esse, & facere: hæc tria intelligens, non quidem effectiue, vt videntur sonare, sed formaliter. & hæc quidem Platonice. Maxime verò mihi videtur errare, quod diuinam naturam cum creaturis ineptè & arroganter coniungat, sed de illius doctrina agere loci huius non est. Illud solum interfuit dicere, sua illa tria principia, tiuum, bile, & are, eadem esse prorsus cum

De Raymundi
Lulus doctrina.

sus cum Platonis, eodem, altero, & essentia. Quæ omnia cum iuxta Aristot. & Platonis sententiam ratione potius separari, quàm re ipsa, & numero indicauerimus, constat esse consentaneum, iuxta illorum placita, nisi ætherogeneorum, materiam nullam, velut alteram rei partem actu immanentem poni, sed doctrinæ solum gratia intelligi primam materiam, & formam homogenei, vt quædam ratione diuersa. si quid verò his amplius de communi & prima materia dicitur, hypothesim quandam esse ob rudiores constitutam, & expeditionem progressum philosophiæ, quæ & ego in physicis auditoriis vsus sum. nunc verò cum ad reconditiora philosophiæ est peruentum, æquum est aperire prouectioribus veriora. Quandoquidem ergo assertio de materia prima, per sese formarum omnium experte, adeo vacillat, necesse est aliam loci præscripti interpretationem inuenire. Ea certe nõ est difficilis, neque aliunde petita quam ex sacris. Constitit enim in initio Geneseos, antequam Deus diceret fiat lux, extitisse quatuor elementorum corpora, confusa, & delitescencia sub tenebris, quæ futurorum omnium materia tenebrosa, ac proinde inuisa ante orbem terrarum facta est, ex qua deinceps ille. Neque igitur ob hæc diuini oraculi verba opus est communem materiam ponere, in qua omnes corporum formæ recipiantur, tametsi fieri nihil nisi ex materia potest. nihil enim fit ex nihilo; sed quoduis ex alio, vt ex ligno ignis, ex suo alimento lignum, & ita aliud quodcunque. Sed quæ (dices) necessitas, vt quoduis ex alio fiat, si quidem nullam ex corrupto accipit manentem materiam, id quod gignitur? certe quia nulla naturalis via est ad generationem, nisi per alterationem, atque necesse est generationem alteratio præcedat, alteratio verò alicuius

*Generatio
nem ante-
cedit cor-
ruptio.*

substantiæ necessario sit. neque sane alterius quàm eius quæ corrupta in aliam substantiam commutatur. Nam alteratio immodice producta incorruptionem necessario finitur, quia naturale rei temperamentum tollit. Vt igitur res aliqua oriatur, necesse est aliam interire; nō quidem vt ab ea mutuetur materiam, sed ob contrarietatem. Vt autem hoc ita fiat, hæc est causa. Rerum singularum naturæ nihil sine instrumentis agere possunt extra sese, quapropter neque generare: instrumenta verò earum sunt elementorum virtutes, calor dico, frigus, humor, & siccitas. Non potest autem ignis, verbi gratia calore vti, aliter quam calefaciendo, neque aqua frigore quam refrigerando, non potest autem calfacere, neque refrigerare, nisi sit quod calefiat aut refrigeretur, non calefiat autem ignis qui nōdum genitus est, neque refrigerabitur quæ nondum est aqua. Calefiat ergo necesse est vt ignis ab igne fiat, aliud quod ignis nondum est, futurus autem sit, vt lignum; aut refrigeretur, quod aqua nondum est, futura autem sit, vt aër. Quapropter rectè antea dictum est, non posse quidpiam, nisi ex aliquo fieri, quia generatio omnis ab alteratione incipit. Data autem est rebus à naturæ parente ea contrarietas, & necessitas pugnandi ad generationem: non ob communem materiam, sed quia, si aliter quam per pugnam generare possent, neque talem repugnandi vim haberent, aut nihil generaretur, aut generatio rei cuiusque procederet in infinitum. Nihil enim esset quod modum poneret rei cuiuspiam productioni, nisi omnia sibi ponerent mutuo, mutuo repugnando. Dices fortasse; locus modum poneret. Omnes igitur res generarent sibi simile, dum esset vbi caperetur, & generare desinerent, cum non esset. Igitur mox, atque vno impetu

petu processissent rerum omnium generationes, vique ad summam totius orbis repletionem; atque statim generatio omnis esset sublata. Vt igitur rerum generabilium successiua genesis seruetur per æuum, vt ipse rerum parens voluit contrarietatem indere, & res alias ex aliis fieri, velut aliæ aliis loco cedunt. eaque contrarietas necessitatem affert, vt res ex rebus fiant, si & communem materiam non habeant. Igitur neque hæc dubitatio cogit primam rerum materiam ponere, sed vt dictum est. Porro iuxta hanc sententiam consequens erit dicere, principium quod vocant indiuiduationis, non esse materiam, sed magnitudinem, quod vel per sese est valde consentaneum. Nam essentia rei per sese indiuidua est, quapropter vna & tota, in multitudinem non potest abire, nisi secundum diuisibilitatem. Diuisibilitas verò neque formæ neque materiæ esse potest, nisi per quantitatem (quanti enim propria est diuisibilitas) igitur multitudo in eadem specie, quantorum solum, atque ob quantitatem est. Qua sanè causa, & qui eam ad materiam referunt, intelligentes non esse in materiæ per se, addunt signata quantitate; id verò vix intelligi potest. Si enim materiæ ipsi per se nullum inest accidens, certè neque signatio, neque quantitas. Verisimilius ergo refertur ad quantitatem ratio indiuidui, quàm ad materiam. Et tota rerum vniuersitas proprius diuiditur in corpoream, & corpore carentem substantiam, quàm in materialem, & immaterialem, nisi quis his nominibus easdem res intelligat. Sic enim de nominibus altercari minime expediet. Nihil igitur prohibere videtur, quin dicamus materiam primam esse nihil, non solum non ens simpliciter, vt dicit Aristoteles aut

*Indiuidua
tionis prin
cipium.*

simpliciter non ens, vt dicit Plato. Quorum virorum sententias ab hac quam nunc statuimus, nihil cenſeo re vera discrepare. Non enim eſt, quod non eſt ens.

CAPVT SEPTVAGESIMVM.

De Philoſophia Pythagorea.



SAPIENTIAE vndecimo Ca. *Omnia, meſura, & numero & pōdere diſpoſuiſti. & Quarto lib. Eſdræ Cap. 4. Quoniam in ſtatera ponderauit ſeculum, & meſura meſurauit tempora, & numero numerauit tempora.*

Vt Plato dicit in dialogo de natura ſas non erat, quidquam niſi pulcherrimum facere. cum qui eſt optimus. Cum enim ipſe ſit ſimpliciter pulcherrimus & optimus, feceritque omnia, vt in mundi geneſi indicauimus, ad imaginem & ſimilitudinem ſuam, neceſſe eſt, vt fecerit omnia ſuo quodque genere pulcherrima, & optima, vt ſane ipſi viſa ſunt. Cum igitur omnis pulchritudo ſenſibilis in proportione & concinnitate ſit partium, neceſſe fuit mundum hunc ſenſibilem, ſecundum ſuas partes, quæ ſenſibiles etiam ſunt, proportionem quandam tenere certam, & totum ad partes ſingulas, & eas omnes inter ſeſe. vnde neceſſe eſt, mundum finitæ & certæ eſſe magnitudinis, & eius omnes partes præcipuas. Nam in rebus diuiſibilibus, quod infinitum, aut incertum, imperfectum eſt & deformē. Quapropter, non ſolū ſi quampiam præcipuarum partium eleuares, vt ſtellam, ſed etiam ſi cuiuſpiam illarum, etiam deſpectiſſimæ quantitati adii-ceres aliquid, aut demeres, officeres mundi machinæ,

&

& eius pulchritudini. Quia nihil temere in eo factum est, sed omnia ad mensuram, numerū, & pondus, iuxta proportionem quam habebant in diuino exemplari. Huius rerum pulchritudinis rationem aggressi sunt Pythagorei inuestigare. Res prorsus diuina, humanis *Pythagoricoꝝ di-* verò viribus impar, neque vlli (arbitror) præter ipsum *gnatū ex* Deum satis cognita. Illorum verò conatum quis non *amen.* laudet, & suspiciat? qui nō solum aggressi sunt, sed per numerorum etiam scientiam, pro hominum captu, afsequeuti sunt multa. Mihi nunc nō est animus, totam hanc philosophandi rationem persequi; quia neque id pro dignitate efficere possem; neque si possem, ad meum institutum est admodum ex usu. Sed id solum indicabo, quod propositum est, Omnia secundum certam rationem, & proportionem, esse facta, & primam omnium mensurarum esse numerum; deinde & earū rationem recte transferri ad insensibilia, & totam rerum naturam factam esse ad numerum, atque exēpli gratia adiciam de numeris, quæ necesse erit, nō quasi omnium numerorum naturam persequar, sed ut viā à longe indicem, cui Pythagorici institerunt, mirabilem quidem illam, & verissimam, neque vlla in parte philosophiæ Aristotelicæ, quæ merito nunc omnium maximè probatur repugnantem, quod vbi factum fuerit, grauitas sententiæ verborum quæ præscripsimus & aliorum quæ sparsim in libris sacris scripta sunt, elucescet. Deum quidem omnia fecisse secundum certam rationem, & proportionem, facile suaderi potest, consideranti Deum omnia opera artificialia, quæ fieri iussit, ad normā certam, mensuramque ab ipso met traditam, fieri iussisse. Quare qui in artificialibus, certam commensurationem adeò amauit, eam in naturalibus, cuius ipsemet per sese est effectus, non

despexerit. Sed quæ sunt artificialia, quæ nos in cognitionem structuræ rerum naturalium, velut manu ducunt? Iussit Noc vt ædificaret Arcam. An qualis & quanta illi videretur? non sane. Sed, trecentorum (inquit) cubitorum erit longitudo arcæ, quinquaginta cubitorum latitudo, & triginta cubitorum altitudo illius. fenestram facies in arca, & in cubito, consumabis summitatem illius. Exodi 25. dicitur monstrasse Deus exemplar, secundum quod faceret tabernaculum, & omnia ad illud spectantia. Omnium vero eorum definivit ipsemet Deus, magnitudinem, numerum, &

Structura pondus. Arcam testamenti habere iussit longitudinis
Arca te duos cubitos cum dimidio. Latitudinis & altitudinis
stamenti. cubitum cum dimidio: Mensam panum propositio-
 nis: longitudinis duos cubitos, latitudinis cubitum,
 altitudinis cubitum cum dimidio: candelabrum septē
 calamos procedentes ex hastili vno, & singulos cala-
 mos ternas spherulas, ternos scyphos, & terna lilia: al-
 tare quinque cubitos longitudinis, totidem latitudi-
 nis, & tres altitudinis, atrium longitudinis cubitos cē-
 tum, latitudinis quinquaginta, altitudinis quinque.
 Mitto innumera ad horum ornamentum, & sacra de-
 stinata, quæ omnia certis, numero, & mensura, iussit
 Deus fieri. Iam verò structuram templi, quod ædifi-
 cavit Salomon, longum esset recensere. Licet legere
 tertio libro Regum cap. sexto. In explicandis harum
 structurarum, & numerorum ad quos factæ sunt sa-
 cramentis, multi sceleriter laborauerunt, mea nunc nō
 refferret, nisi solum animaduvertere, omnes has, ad
 certum numerum & mensuram esse factas, vt constet
 multo magis, in magni huius templi, quem mundum
 dicimus, structura, certam rationem seruata esse,
 quam tamen ad amissim tenet solus ipse architectus.

Conferri

Conferri quidem res corporales alię cum aliis secundum plus, aut minus, aut æquale, non possunt aliter, quam numero, pondere, aut mensura: numero quidē vt denario, aut centenario: pondere vt libra, aut vnica: mensura vt cubito, aut palmo. Porro mensura duplex est: altera enim constat extēsiōe, vt vlna, aut digitus: altera, capacitāte, vt congius, vlna, modius, & semo-
Mensura quid.
 dius. Secundum omnes has mensuras, seruata est ratio quādam in mundi structura. Nam est certus numerus partium omnium. Primum quidem maximarum ternarius: regio enim imma corporum mobilium & corruptibilium: & media mobilium sine corruptione: & suprema incorruptibilium & immobilium, quę sedes est beatorum, & cœlum cœli. In prima est quaternarius elementorum: In secunda, septenarius orbium errantium stellarum, & denarius omnium. In suprema verisimile est esse vnitatem, siquidem principium est omnium corporū, & sedes destinata ei quod verē est vnum. Iam verò mensura est quādam certa partium singularum, & aliarum ad alias proportio, quādam. Decuplo maius esse censent philosophi elementum quodcunque continens, eo quod continetur: velut aquam terra: & aërem aqua; & aëre ignem. Iam verò quod ad cœlestium orbium mensuram attinet, censet Plato, primum orbem æqualis crassicie, seu altitudinis esse, cum eo spacio inani quod est inter terram & cœlum: secundum orbem duplo crassio-
 rem primo, siquidem æqualem cū toto spatio aëris & primi cœli: tertium orbem esse quadruplo crassio-
 rem secundo, quia duplum totius spatij aëris, & duorum orbium: quartum ad tertium habere proportionē quadruplam sesquialteram, vt 36. ad 8. quintum orbem ad quartum habere proportionem decuplam sesqui-

De magni-
tudine
terrae &
aestrorum.

nonam, vt 384. ad 36. sextum ad quintum proportionē
nonam, vt 3456. ad 84. septimum ad sextum trigefimā
primam superpartientem medietatem, vt 108864. ad
3456. Iam verò & sphaeræ solidæ quæ intra dictos or-
bes continentur, proportionē quadam constant ma-
gnitudinum. Dicūt enim maximas fixarum stellarum
centies & septies continere terræ molem: Iouem no-
nagesies & quinquies: Saturnum nonagesies & semel:
Martem terra esse maiorem sesquialtera tantum pro-
portionē: Solem verò maiorem terra centies sexage-
sies sexies: Venerem verò esse partem vigefimā terræ:
Mercurium quoque minorem esse Luna: & hanc tri-
plo minorem terra: terram autem totam (cum qua &
aquam intelligo, quia vnicum constant globum) esse
252000. stadiorum, quæ constant septem millia leuca-
carum Hispanarum. Hac verò magnitudine, neq; ma-
iori, neque minori constituisse terrā, non casu, sed sum-
ma Dei sapientia, constat ex illis verbis capitis. trige-
simi octauī Iob, quibus illum Deus ita affatur. *Vbi eras
quando ponebam fundamenta terræ? indica si habes in-
telligentiam, quis posuit mensuras eius, si nōsti.* Ponde-
ris quoque habita est ratio in mundi structura. Ita e-
nim terræ centrum ad centrum mundi aptatum est,
vt non possit eius globus in hanc aut illam partem
inclinare, sed firmata quiescat, aquæ verò partes terræ
partibus interiectæ, ita vt non possunt seorsum abire,
sed omnibus fontibus, qui velut ex venis quibusdam
erumpunt, pondere latis ad æqualitatem, vnicam cū
terra reddant superficiem: quod dicitur illis sapientiæ
verbis. *Quando librabat fontes aquarum.* Itaque
mensura & numero & pondere disposita sunt omnia.
Cum verò sint hæ tres mensuræ, quæ scilicet peculia-
riter vocatur mensura, estque quantitatis continuæ: &
nume-

Tria mē-
sura gene-
ra.

numerus, qui per se est quantitatis deiunctæ: & pondus, quod est substantiæ corporeæ & crassæ: videtur ex rei natura, mensura prima esse videri: prior quidem pondere, quia magnitudo potest esse sine pondere, & in tenuibus elementis & cœli corpore, pondus tamen non potest esse sine magnitudine: numero verò, quia numerus fit diuisione continui, quare continua quantitas, prior esse videtur quam deiuncta, ac proinde & mensura, quam numerus. At verò si quis exactè cōsideret, videat rem non ita se habere, quin potius numerum priorem esse omni mensura. Nam diuisione fieri ex vno corpore multa, & quod actu erat vnum, & potentia multa, fieri actu multa, verissimum est. At verò non proinde verum est, numerum omnem fieri continui diuisione: nam angelorum numerus sine vlla magnitudine constitit. Nihil ergo minus est in ratione numeri, quam fieri ex continui diuisione, sed euenit aliquando, neque id quidem secundum rationem & formam numeri, sed secundum materiam. Si enim tripedale erat corpus, quod in tria pedalia diuisum est habebat etiam antequam diuideretur, ternarium: alioqui non fuisset tripedale. Nam quid aliud est esse tripedale quam habere tres pedalitates, & duodecim palmos, & quadraginta octo digitos, & centum nonaginta duo grana? Tot igitur habebat id corpus partes, non quidem separatas, cum nōdum esset diuisum, sed coniunctas. Tamen nihil obstat coniunctas esse, quominus sint tres pedalitates, alioqui neque proportionem habet vllam corpus ad corpus. Cur enim tripedale ad bipedale proportionem habet, sesquialteram, nisi quia hoc duas, illud tres pedalitates habet? Si autem neque illud tres, neque hoc habet duas, quia separatas non habent, fit vt neque proportionem ha-

*Numerus
omniū pri-
ma men-
sura.*

beant ad se vllam: habent verò; ergo & numerum. Ita-
taque indicatum est, quæcunque ad sese proportio-
nem habent vllam, constare certis numeris. Habēt au-
tem aliquam magnitudines omnes, siquidem nulla
est infinita. Ergo nulla magnitudo esse potest sine nu-
mero, est verò numerus sine magnitudine, vt indicatū
est; igitur numerus prior est quam magnitudo: quare
& quàm mensura: est verò mensura prior quam pon-
dus, quia mensura est magnitudinis, pōdus crassicie.
Magnitudo verò prior est crassicie, cum crassicies non
insit nisi quantis. Igitur numerus prior est omni alia
mensura, atque omnis proportio nascitur ex nume-
ro. Neque id solum spectatur in corpore quanto, sed
& in aliis omnibus quantis, vt in motu, & voce, & as-
pectabilibus figuris. Nam cantat hic ad caracteres
quos intuetur in charta, ille saltat ad cantum. Quod
fieri non posset, nisi singula haberent proportionem
quasdam, & omnia ad se mutuo proportionalitates
quas vocant, hoc est similitudines proportionum. Er-
go sunt & in ipsis figuris, & motu saltantis, & in canē-
tium vocibus, numeri ac proportionem. Neque in his
solum, quæ etsi non omnia eodem modo, quanta ta-
men sunt, sed & in qualibus quæcunque secundū ma-
gis & minus dicuntur, est numerus. Nam & calidum
& album est aliud alio duplo magis tale, & triplo, &
quadruplo: in ratione verò dupli, tripli, & quadrupli,
sunt duo, tria, & quatuor. Nam ne definiri quidem si-
ne his possunt. Sed hactenus indicauimus, numerū in-
trinsecum esse rebus omnibus secundum partes ma-
gnitudinis, aut intētionis, secundum id inquam, quo,
tanto aut tanto, maius aut minus, magis aut minus, ta-
le dicitur quidpiam. Est autem etiam secundum par-
tes essentia numerus in rebus. Quod in accidenti-
bus

*De nume-
ro in re-
bus.*

bus primum, deinde & in ipsis substantiarum formis, tentandum est indicare: in transeuntibus quidem ex ipsis definitionibus, cum tempus, teste Arist. sit numerus qui numeratur in motu: motus verò numerus, quo numeratur tempus. Secundum Platonem verò, tempus est æternitatis in unitate manentis imago in numero fluens. Sed & immanentes constare numeris facile intelliges. Figuræ quidem omnes habent essentiam in numeris: Nam planæ in unitate aut multitudine linearum, solidæ superficierum. ut circulus in unitate lineæ: sphaera in unitate superficierum: triangulus in ternario linearum; cubus in senario superficierum. Ita & aliæ omnes. Ipsa verò linea in unitate dimensionis, superficies in binario, corpus in ternario. Sed & relationes eorum, quæ dicuntur ad aliquid, habent in numero aut unitate essentiam, quia secundum similitudinem aliquam aut dissimilitudinem referuntur. Similitudo verò unitas quædam est rationis alicuius, dissimilitudo pluralitas. Ipsæ quoque patibiles qualitates, variis essentiis ad numerum quendam conflatis constant: seu potius in numero quodam formarum in ynam conspirantium habent propriam essentiam. quod ex definitionibus colorum apud Platonem facile intelliges; *Splendidum (inquit) albumque rubeo mistum, flauum procreat. Rubrum cum albo nigroque, purpureum generat. Fulvum flavi fuscique temperatione producitur: fuscum verò albi & nigri confusione. Palorem albi flaviq; copula generat. Ceruleum cum albo, glaucum. Fulvi nigrique temperie color viridis nascitur.* Hæc Plato: Unde constat, singulas eorum species in copula quarundam essentiarum, ad proportionem, quandam, & certos numeros, habere essentiam. Constat enim non solum fieri colores quosdam ex quibusdam, sed

Mistio colorum.

cum certa quadam proportione. Non enim si albi duplum cum vna nigri portione misceas, idem extat color, atque si contra apponas nigri duplum. Nimirum sola proportionis enariatio mutat essentiam: velut compositorum medicamentorum vires, & naturam mutatio proportionis simplicium, manentibus eisdem. Constant verò, vt mixta corpora corporibus ad numerum coeuntibus, ita essentia essentis, vt colorum exemplo indicatum est: constatque omnium essentia certa mensura & numero (indicatum enim antea est non posse esse mensuram sine numero) etiam si nobis nota esse non possit singulorum mensura. Proinde dixit ibidem Plato. *Quo autem mensurae modo singula singulis misceantur, etiam si quis nouerit, narrare prudentis non est, praesertim cum neque necessariam, neque verisimilem de his rationem asferre villo modo possit.* His verbis significat, etiam si nos eum numerum definite nesciamus in singulis, omnia tamen facta esse ex rebus ad numerum quendam compositis, vt corporea ex corporibus, ita essentias ex essentis: atqui ipsa compositio corporum, vtpotè apertior, manu ductio est ad formarum compositionem. Cum enim pictores, compositis certa quadam proportionem liquoribus fuluo & nigro viridem reddant, constat verum virorem fuluicie nigricieque ad numerum aptatis constare (dicitur corporum compositio physica, formarum metaphysica) simplices verò omnino, siue res, siue formae corporeae nullae sunt seorsum, sed in ipsis compositis, vt unitates in numeris. Producentes autem amplius hanc ratiocinationem facile intelligemus, non solum accidentium formas, sed substantiarum etiam essentias, ita constare: siquidem aliae alias, vt numeri numeros continent. Scitè enim illud dictum ab Aristotele est, vegetati-

ratiuum in sensitiuo esse, vt trigonum in tetragono, sci-
 licet vt ternarium in quaternario (nam figurarum dif-
 ferentias numeros esse, antea est indicatum) vt verò
 hæc, ita alia omnia ad substantiarum formas spectan-
 tia, habent. Nimirum essentielles vocatæ perfectiones,
 sunt in aliis plures, in aliis pauciores, vt vnitates in nu-
 meris, & ab eminentioribus inferiores continentur, vt
 numeraria numeris. Iam verò & in rerum principiis *Numerus*
 primis, est ratio numeri. Nam forma vnitatis est, mate- *in primis*
 ria pluralitas, quia forma per se omnia quibus inest fa- *principii.*
 cit vnum; materia plura, cum participatione speciei o-
 mnes homines sint vnus homo, ob materiam verò v-
 num hoc animal adeo multiplicetur. Indicatum ergo
 videtur satis, omnia corpora, ac corporales affectio-
 nes, & formas, ac eorum principia, fecisse Deum ad
 numerum, atque eis omnibus esse numerum natura
 intimum. Quod si ita est, haud dubie multò verius id
 dicatur de incorporeis substantiis, quandoquidē per-
 fectioni quadam, & eminentiori participant natura, ac
 proinde pulchriores sint, & magis concinnæ, fuerint-
 que proprius illæ factæ ad numerum, in quibus nullā
 alia mensura sit, cum neque magnitudinem vllam ha-
 beant, neque pondus: illarum ergo prius ac proprius
 est numerus, quàm corporearum. Quoniam verò in
 tota rerum vniuersitate singula facta sunt ad nume-
 rum, & omnia ad quendam concentum, & harmo-
 niam respondent spiritalia corporalibus, atque vt hi
 cœli aspectabiles nouem sunt qui circulo voluuntur, *Cœlorum*
 ita inuisibilia & mobilia per accidens, qui etiam *numerus.*
 in sacris sanctis interpretibus vocantur cœli, sunt no-
 uem ordines. atque vt supra nouem orbes mobiles est
 alius immobilis, quam dicimus esse sedem beatorum,
 ita supra omnia inuisibilia, est illud vnum, primum ac

optimum, nulla ratione mutabile. Aristoteli quidem consentaneum videtur, motibus cœlorum substantias illas incorporeas, ac per se immobiles præficere, non verò eas esse putat supra numerum eorum, sed singulis aptat singulas mihi verò videtur plurimum detrahi gloriæ & splendori rerum omnium domini, per tantam ministrorum penuriam. Quapropter non nouem solum substantias, sed nouem earum ordines esse censeo. Non quidem ita, vt nouem sint species, & magna multitudo singularium. Cum enim magnitudine careant, quam diximus esse principium indiuiduæ multitudinis, non possunt esse multæ perfectione pares, sed inæquales omnes, vt numeri. Itaque vt quouis numerus ab alio quouis specie differt, ita quouis incorporea substantia ab alia quacunque. Nihil tamen prohibet esse nouem ordines velut nouem genera. Nam tamen si singularia ponere ratio prohibet, quia in magnitudine non est earum forma vt corporearum, tamen species & genera nihil vetat, cum habeant etiam suam compositionem essentialem. atque (vt inquit Plato) ex quibusdam essentiis colligatæ sint, ab eodem à quo sunt colligatæ dissolubiles. alioqui esset earum substantia penitus simplex, quod nisi primæ non euenit. Itaque sunt illæ substantiæ compactæ ex essentiis, quas nouit is qui compegit, non tamen coierint temere, & vtcunque, sed ad numerum, pro singularum perfectione. Si enim certam seruatam esse rationem, & proportionem inuissima etiam rerum constitutione indicatum est, quo pacto illæ præstantissimæ & pulcherrimæ ea caruerint? itaque omnia & visibilia & inuisibilia, facta sunt ad numerum. Quod si ita est, cum non ea fecerit Deus, & qualia tunc cum faceret meditando excogi-

tauc-

tauerit, sed ad æternum exemplar quod apud se habebat, quod est eius verbum, constat in ipso omnium parente Deo esse vnitatem & numerum. Si enim omnia ad numerum facta sunt, apud Deum erat numerus.

Quod si numerus & vnitatis (vnitas enim est principium numeri) igitur in Deo primum quidem vnitas erat, deinde & infinita illa fecunditas per quam ex nihilo fecit tam multa. Quoniam verò ea erat initium producendæ multitudinis, rectè vocetur dualitas, accedente verò vnitatem ad dualitatem, velut vtriusque copula, necessario esset ternarius. Nemo autem, arbitror, intelliget, ita à me dici esse in Deo vnitatem, aut dualitatem, aut ternarium, quasi accidentia quædam, cum in primo non possit esse accidens: neque esse tria, quasi diuersis prædicta naturis, quia quod primum necessario est vnum. Neceffe est ergo illis tribus vnitatem accidere, vnde fit quaternarius, qui continet omnes numeros. Erat igitur in æterno exemplari omnis numerus, ad quem facta sunt omnia. Philosophi, qui ob amorem sapientiæ nomen id consequuti sunt, rerum omnium naturam & essentiam, pro sua virili conati sunt agnoscere exactissimè. cum verò id nulli hominum contingere possit, dum huius corporis vtitur ministerio, & horum sensuum, qui nihil agnoscunt præter accidentia, quasi substantiarum umbras, per quasdam rerum analogias, seu similitudines, conati sunt prope veritatem accedere, quasi circum circa versantes. Velut Pythagoras, ea omnia quæ de nu-

*Numerus
apud Deum.*

*Philosophorum de
numero cō
sideratio.*

meris diximus, atque alia multa, vt erat perspicacissimus, contemplatis, omnium rerum causas, & naturalium problematum solutiones, redegit in rationes, primum quidem geometricas, deinde arithmeticas. Nimirum intelligens, quandoquidem omnia certa

menſura, & numero facta ſunt, ſuo quodque genere
 pulcherrima necelle eſſe vt omnium harmonia quæ-
 dam & concentus, atque phyſica reſpondeant geome-
 tricis, & hæc arithmeticis. Atque quoniam, vt indica-
 tum eſt, numerus eſt omnium prima menſura, ſint a-
 rithmetica rationes, quaſi omnium prima principia.
 Plato hanc ipſam rerum concinnitatem admiratus eſt,
 numerorum naturas ſuſpiciens, nihilominus intelli-
 gens (arbitror) numeros aliquarum rerum eſſe nume-
 ros, vt denarium ouium, bouū, & caprarum; ac proin-
 de oportere, vt in ipſis rebus aliqua naturæ ſint ſub-
 iectæ numeris, quæ ipſæ analogiam aliquam cum nu-
 meris habeant rationem quam numerorum (alioqui
 non differret ſeptenarius Vergiliarum & Planetarum,
 non enim qua numerus cum idem ſit) vtranque ra-
 tionem philoſophandi coniunxit, & eam quæ ad nu-
 merorum perfectiones omnium cauſas redigit, & eam
 quæ conſiderat phyſica principia. Simul enim mundi
 omnes partes numeris adaptauit, & de forma atque
 materia, motu & tempore, & elementorum qualitati-
 bus diſputauit, modumque agendi & patiendi, per
 quem rerum mutationes, ortuſque & interitus, cum
 violenti, tum etiam naturales contingunt, perſequu-
 tus eſt. Quod quia non fecerunt Pythagorici, ſed ſo-
 lis definitionibus per numeros latis contenti ſunt, ſim-
 plicitatis notantur ab Ariſtotel. metaphyſicorum ca-
 pite quinto, Ipſe verò Ariſtot, numerorum magna ex
 parte depoſita cura, & ſenſibilium magis conſidera-
 tioni ſermonem accommodans, corporearum ſubſtan-
 tiarum principia, per analogiam cum rebus artifi-
 cialibus interpretatus eſt, & elementorum & rerum cō-
 poſitarum virtutes, non aliter quam per ipſas actio-
 nes, in his diiudicandis fidem ſenſibus non derogans.

Nimi-

Nimirum, vt videmus, quæcunque res arte fiat, vt arca, mensa, aut lectus, fieri materia aliqua formam aliquam recipiente, & quancunque formam cum alia communi, ita vt, quicquid sit hoc aut tale, ex non hoc, aut non tali fiat, velut mensa ex ligno quod non erat mensa, sed arca, aut aliud quiduis: ita (inquit) censendum est in naturalibus, ponendumque necessario, tria esse rei cuiusque principia, formam, materiam, & priuationem. Et vt arca fit ex ligno per hanc formam seu figuram, à fabro lignario ad prandendum, ita rerum quoque naturalium quadruplices esse causas: fieri enim quiduis ab aliquo, ex aliquo, per insitam formam, alicuius boni gratia. Siquidem nihil frustra effectrices verò causas commutationum naturalium esse virtutes elementorum, calorem, scilicet, frigus, humorem, & siccitatem, quas non, vt Plato, per figuras corpusculorum, ex quibus elementa sint coagmentata exponere studet, sed per sensibiles passionem, vt quod fundit & liquat, calidum, quod cogit & densat, frigidum, quod emollit, humidum, quod indurat, siccum. Non tamen quia philosophorum principes, diuersis adeo viis insisterunt, necesse sit eorum aliquem aliquosve deerrasse, aut cōtraria repugnantiaue dogmata tradidisse, quin potius respicientes ad diuersa, diuersis viis ad eandem veritatem iter fecisse, vt is eius plurimum videatur esse consequitur, qui ea dogmata rectè coniunxerit. Quod vno aut altero exemplo præstiterit indicare, vt videntes consonare ea, vt verum verò atque effectis Arithmeticas, Geometricas, & phisicas causas rectè quadrare, aliquid degustemus illius concentus, & harmoniæ, ac pulchritudinis, quam diximus, intelligamusque verissimum dictum esse illud Sapientiæ, *Omnia mensura, & numero, & pondere dispo-*

Cur sint
quatuor e-
lementa.

suiſti. Dubitatur de numero elementorum, cūque ea quatuor ſint. Reſpondet Ariſtot. quia ſunt quatuor qualitates actiue, per quas aguntur omnes ortus & interitus. aut igitur ſingulis elementis dabuntur ſingulæ, atque ita erunt elementa quatuor: aut binæ (ternæ enim non poſſunt, quia inerunt contraria) & cum ex quatuor qualitatibus habentibus duas contrarietates, quatuor ſolum poſſint conſtitui. coniugia qualitatum non contrariarum, ita quoque erunt quatuor. Plato reſpondet, quia cum mundum oporteret habere, nō latitudinem ſolum, ſed altitudinem quoque, & eſſe ſolidum, neceſſe fuit ipſa quoque elementa ſolida eſſe. Fecit ergo Deus duo ſolida, ſupremum & infimum. Illa verò oportuit, quò ex extremis fieret vnum, medio aliquo colligari. At verò ſolidis non eſt ſatis ad bonam coaptationem vnum medium, ſed duobus indigent; contra ac latis, quibus ſufficit medium vnicum. Velut in numeris, in quibus qui ſiunt ductu ſolius vnitatis, vocantur lineares, quia vt linea fit ſolius puncti ductu, ita illi vnitatis, vt ternarius, quinaris & ſeptenarius. Qui ſiunt bis replicato eodem numero dicuntur plani, nimirum vt planicies habēt duas diſſiſſiones, ita illi duo latera, vt quaternarius, qui fit ex bis duobus, & nouenarius ex ter tribus, qui ſiunt ter replicato eodem numero, dicuntur ſolidi. Quia ſolidum in magnitudinibus fit ex tribus diſſiſſionibus, vt octonarius fit ex bis duobus bis, & 27. ſiunt ex ter tribus ter. inter numeros ergo planos, eſt inuenire vnicum medium, qui ſecundum eandē proportionem illos colliget, hoc eſt, eadem proportionem ſuperet minorem, qua ſuperetur à maiori. Inter ſolidos verò id fieri non poteſt, per vnicum, poteſt tamen per duos medios. Vt inter quatuor & nouem qui ſiunt primi plani ſiunt

ſex,

sex, eadem existēte proportionē à nouem ad sex, quę à sex ad quatuor in 8. tamen & 27. qui sunt primi solidi, nullus talis est numerus, sunt autem duo 18. & 12. eadem enim est proportio à 27. & ad 18. & à 18. ad 12. & ab hoc ad 8. ita igitur, vt duę solidę magnitudines apte colligarētur, opus fuit duobus mediis, vnde quatuor elementorum corpora constātere. Hęc Plato. In qua ratiocinatione vides rationem physicam redigi ad geometricam, & geometricam ad arithmeticam quia elementorum substantiæ in dicantur per magnitudines, & magnitudines per numeros. Constat verò, hanc rationem non eleuare illā Aristoteleam, neque ab ea eleuari. Simul enim consistunt, quia necesse est elementa, & alias omnes mūdi partes præditas esse idoneis facultatibus, simulque idonea mēsurā magnitudinis eamque proportionem (quæ in numeris habet essentiā, & indicatū est antea) ad alia omnia habere, & eo esse numero, vt in omnibus sit, & secūdū ipsas substantias & secundum propria accidentia, perfecta quę dā pulchritudo, & ad numeros, ac musicam harmoniā videantur esse facta. Quapropter necesse est, ipsas etiam rationes philosophandi consonare, & eam quę principiorum, & elementorum naturas cōsiderat per se, & quę magnitudinum proportionēs & numerorum quasi concentus. Omnia enim insunt. Atqui profecto vtram vtri præferas, haud facile sit dictu. Nam illa sensui magis se accommodat, ac proprius accedit ad materiam, hęc verò diuinior est, haud dubie, quia magis fert in contemplationem diuini exemplaris. Et hoc etiam præstat, quòd multorum reddit elegantissimas causas quorum illa alia philosophia ne tentet quidē dicere vllas. velut cur sint septē Planetæ, quid dicant qui non habēt rationem numerorum? illi verò

Planetæ
cur sint se-
ptem.

dicunt quaternarium corporibus ortum & interitum habentibus, atque genitis & generantibus: septenariū verò accommodatissimum numerum esse corporibus ingeneralibus, neque similia sibi generantibus cuiusmodi sunt cœlestia. Quia quaternarius primus numerus est qui generetur ab alio, & aliū generet, fit enim à duobus bis, & generat octo, acceptus bis. Septenarius solus est intra decem (hi autem sunt omnes numeri) qui neque generatur ab alio neque aliū generat. Atqui quoniā linearis est, fitque ex vnitatibus, illis maxime congruit corporibus incorruptibilibus, quę singula suo quodque orbe vnum, consisterent. Verum exēpli gratia. hæc dixisse satis sit. licet cuius legere huiusmodi innumera, quæ plurimum arrideāt apud Platonem, & Philonem, & Diuum Augustinum, & inter iuniōres apud Marsilium Ficinum, & Augustinū Eugubinum, & Picum Mirandulę, & innumeros alios, ex quibus perspicuē agnosceret mundi huius aspectabilis pulchritudinem & numerorum, eo quod omnia facta sint ad mensuram numerum, & pondus. Quamquam satis certò scio exactè id agnosceret nemo, vsque dum videat diuinum illud exemplar, cuius imitatione facta sunt omnia, & sine quo factum est nihil, quod factum est. Reliqua adiiciamus. Non solum res omnes visibiles & inuisibiles fecit Deus certis mensura & numero, & pondere, sed & ipsa secula ita disposuit, atque vt dicitur 4. Esdræ ca. 4. (quamquam is liber est apocriphus, neque quid in illo diceretur curarem, nisi hæc plurimum cum aliis scripturæ locis congruerent) *in statera ponderauit seculum, & mensura mensurauit tempora, & numero numerauit tempora.* Quod nihil aliud est, quam vt totius mundi moles infinita non est, neq; ex infinitis, sed certa quædam, ex certis constituta numero,

mero, atque singulas habet partes proportionē quādam constantes, ita neque totius mundi decursus, & durationem, ex quo tempus simul cum motu cœli natum est, vsquedum eo cessante finiatur, infinitum fore sed certum quendā, cuius partes omnes, vt sæcula, generationes, annos, menses, dies, & horas, habet Deus in numerato, factāque esse singula, foreque in posterum quæ supersunt, suo quodque tēpore. Vt hoc quoque sensu verissime dictum sit illud Salomonis, *Omnia tēpus habent*. Ita sanè omnes insignes mutationes mūdi, vt in primis illa humanæ creaturæ quasi renouatio per diluuium: initia imperiorum, & fines, rerum diuinarum, ac legum mutationes, certa quadam temporū mensura, ac numero distant, habentque tempora ad tempora proportionēs quasdam, & in illis quoque seruatur ratio quædam harmonica numerorum. Quod cum sint plurima in sacra scriptura quæ indicent, nihil tamen vt illa Diui Matthæi in Euangelio, cura distribuendi per quatuor denas generationes omnes ab Abraham ad Iesum. inquit enim, *Omnes itaque generationes, ab Abraham vsque ad Dauid generationes quatuordecim: & à Dauid vsque ad transmigrationem Babylonis generationes quatuordecim; & à transmigratione Babylonis vsque ad Christum, generationes quatuordecim*. Quod certum est non temere, vt neque aliud quippiam ab Euangelista dictum esse, sed vt indicet tres mutationes insignes fuisse populi Dei, perque bis septem generationes accidisse. Nimirum ab Abraham cepit separari à gentibus, gubernari per duces; & Dauid cepit regalis prosapia. In transmigratione finitum est regnū, cepitque regi populus per sacerdotes. Si igitur non casu quodā & temere ita euenit (neque enim animaduertisset Matthæus) sed Deo ita disponente, vt

Genealogia Christi.

esset tēporum ratio quādā, & proportio: certē & ipsa
 sæcula certo quodā numero disposita sunt. Quod ve-
 rò Matthæus ab Abraham vsque ad Christū quadra-
 ginta & vnum tantum recensens, inter quatuordecim
 distribuit, cum tamen ter 14. conflent 42. simile est cō-
 putationi medicorum, qui ex ter septem conflant vi-
 ginti, quatuordecimo bis numerato, vt sine scilicet se-
 cundæ, & initio tertiæ septimanæ. Ita Iechonias in il-
 la computatione, finis secundi seculi, & initium tertij
 est. Neque sane hoc ratione vacat. Nam Iosias non fuit
 pater Iechoniæ sed auus, interfuit verò Ioachim, qui
 fuit partim Rex, partim priuatus. Pro hoc recensetur
 filius eius Iechonias, velut duplex persona. Longè au-
 tem difficilior est. Cur dicantur à Dauid vsque ad Ie-
 choniam fuisse quatuordecim generationes, cum fue-
 rint reuera (præter reginam Athaliam) reges decem
 & septem, cum fuerint inter Iorā, & Azariā seu Oziā
 Ochofias, Ioas, & Amasias. quos reor quidem præ-
 termissoos esse, quod non compleuerint in pace dies
 suos, sed occisi sint gladio, velut in mediis generatio-
 nibus intercepti. Reclamat verò Amon, qui tametsi
 annumeratus aliis, est occisus à seruis coniuratis in do-
 mo sua. ~~Neque verò probare possum fuisse quidē plu-
 res his generationes, numerorum verò gratia præte-
 ritas esse aliquot à Dīno Matthæo, vt indicaretur nu-
 merorum dignitas ipsa narratione. Si enim re verò nō
 fuissent quatuordecim, quæ his numerorum indicen-
 tur præteritis enim quibusdam, facile est in quolibet
 numeros redigere quolibet, incidereq; sacra in po-
 tam, quam Arist. Metaph. 5. Pythagoræ ridendo inu-
 rit. Dicens, si quid alibi debeat, supplebant, ut totus e-
 ius tractatus esset consentaneus. Eadē verò fictio esset,
 cum redundarent detrudere, quæ cum deessent sup-
 plere.~~

plere. Non igitur ita est, sed reuera fuerunt ab Abra-
hamo vsque ad Christum dominum, quadraginta &
vna generationes, quod rationabiliter Theologi.

*Ab A-
bramo
ad Chri-
stum ge-
neratio-
nes.*

Ego enim, & si quæ potui commentaria in eum locū
vidi, & multum diuque cogitavi, non intelligo,
quantò autem intelligo minus, eò magis credo, &
arcanam numerorum dignitatem magnifacio, Dei-
que Optimi Maximi in numero disponentis secula,
suspicio sapientiam, & veneror. Non absimile est illud
Danielis, cui tempus Christi Iesu, ab edificatione se-
cunda templi, significatum est per septuaginta septe-
narios, numeros quidem, si quis cōsideret rationes ar-
monicas, ambos insignes. Quandoquidem septimus
censetur diuinissimus numerus, quia neque produci-
tur neque producit, sed est vnicus per se ex vnitati-
bus, alioqui continens duos primos perfectos, ternari-
um, & quaternarium. Maxime verò est is numerus
tempori numerando accommodatus, quia tempus
quod vnà cum cœlo natum est, vt inquit Plato, septē
corporum Planetarū motibus numeratur primo. Se-
ptuaginta verò est septenarius denariorum, quare cū
decem omnes numeri sint, septenarius, cuius vnitates
sunt (vt ita dicatur) perfectæ totalitates. Iuxta eundem
numerus destinati sunt hābrei seruituti regum Ba-
bylonis, per septuaginta annos. Quibus exemplis, &
innumeris aliis, quæ per totam scripturam sacram oc-
currunt, maxime in Daniele, & Esdra, quibus multæ
temporum reuelationes factæ sunt, sed & in Apoca-
lypsi Ioannis (si quis intelligat) aperte indicatur, quod
vêrbis præscriptis dicitur, in statera ponderatum
esse seculum, & mensura mensurata tempora mun-
di. Itaque, vt mundi huius aspectabilis partes, omnes,
indicatum est proportionem quandam seruare in-

ter sese, & consonantiam cum substantiis inuisibilibus, ita & cum toto mundi tempore, & eius partibus, si quis historiæ valde peritus & numerorum acriter cōsideret, concentum mirabilem inueniat. velut enim alterabilis partes mundi quatuor sunt, ita secularis potentia totius mundi decursu, sunt quatuor Monarchiæ, quas Daniel Prophetice descripsit, Prima Chaldeorum vsque ad Baltasar, Secunda Medorum vsque ad Dariū, quæ expugnauit Alexander, à quo incepit tertia Græcorum vsque ad Cæsares, à quibus incepit quarta Romanorum, cuius imperium quia coaluit cum Ecclesia, durabit vsque ad finem temporis. Itaque constat tēpus quatuor Monarchiis, vt mundus alterabilis quatuor elementis. Porro vt tota mundi moles triplici machina, corruptibilium tantū mobilium, & penitus immobilium: ita & totum tempus tribus seculis, naturæ, legis, & gratiæ. Res verò diuinæ, velut cœlestium orbium lumina, septenariis computantur, vt exemplo generationis Iesu, & reuelationis factæ de eius aduētu indicatum est, & constare etiam potest per septē renouationis Diuinæ legis, & mandatorum Dei, quas recenset Esdras Cap. 3. lib. 4. primam in ipso Adam, secundam in Noe, post diluuium; tertiam temporibus Abraham, Isaac, & Iacob; quartam per Moysen data lege; Quintam per Dauidem & Salomonem pro tabernaculo, ædificato templo; Sextam in transmigratione Babylonis, renouatis omnibus, & reædificato templo; Septimam, eamque perfectam, & in secula seculorum duraturam, per Iesum Dominum. Quæ quidem septē mundi ætates sunt. Itaque vt mundus visibilis & inuisibilis factus est ad numerum, ita & eius duratio. Factaque sunt ea omnia ad normam quæ erat in exemplari. atque vt mundus factus per quosdam gradus fert

Monarchia.

Septē diuinæ renouationes.

fert in id quod æternum, ita tempus per quosdā cursus certos, labitur in æternitatem. Non autem solum mūdi totius ætates, certo quodam numero sunt apud Deum computatæ, sed & singulorum hominum vita & ætates, vt ex iis quæ de clymatericis annis scripsimus super cap. sextum Geneseos, constare potest. Sed adhuc videtur verba illa Esdræ maiori indigere enarratione, Nam quomodo mensurentur & numerentur tempora facile est intelligere. Siquidem mensurari potest tempus cum sit continuum & quantum; numerari verò cum sit numerus, qui numeratur in motu, vt per Solis circuitiones siue annuas, siue diurnas, & per circuitiones menstruas Lunæ, atque adeo per lineas quas percurrit gnomon in horologio; & eiusmodi alia: ponderari verò in statera quomodo possit? haud dubie hoc per metaphoram dici necesse est, cum tēpus nulum habeat pondus, vt possit suspendi in statera, sed quid significet ea metaphora, iam explico. Prima causa, qua hæc hoc, illa illo tempore fiant, est voluntas & præscientia Dei, qui ita mensura mensurauit, & numero numerauit tempora. Nimirum vt creationis, ita & durationis, & operationum rerum omnium, ac denique omnium quæ fiunt Deus est prima causa, neque ipse ab vlla alia extra se mouetur, vt ita aut aliter velit, aut intelligat. Quod innuit Ioannes in Euangelio sæpe dicens, *factum est hoc, Vt impleretur quod dictum est per prophetam.* Quæ phrasia aperte indicat, non quia ita erat futurū, prædictum fuisse à Deo per prophetam, sed ita esse factum, quia prædictum erat à Deo, & vt impleretur quod Deus prædixerat. Nimirum Deus est rerum omniū efficiens causa & finis. Omnia fiunt ab illo & propter illum, quia est *α. & ω.* hoc est principium & finis. Siquidem omnia fecit propter

*Quomodo
tempus pō
deretur.*

se ipsum, vt dicitur 16. Prouerbiorū. Igitur quia Deus prædixit euenit, & vt impleatur, & glorificetur Deus. igitur eueniunt omnia eo tempore, quo destinata sunt à Deo, cum in principio numerauit tempora. Neque est qui ea tempora mutare possit, aut aliter disponere quàm à Deo disposita sunt. Quod innuunt verba illa Danielis cap. 7. vbi futuri tyranni superbia, his verbis depingebantur. *Sermones contra excelsū loquetur, & sanctos altissimi conteret, & putabit quod possit mutare tempora.* His verbis significatur, frustra illum per superbiam putaturū, quod fieri nequit, vt scilicet mutantur tempora. Hoc etiam innuunt illa Saluatoris verba, *Nondum venit hora mea, & illa, Hæc est hora vestra, & potestas tenebrarum.* Nimirum cum Deus à principio numerauerit omnia secula, omnes annos, dies omnes, & omnes horas, & tēporū momenta, nihil geri potest, nisi tempore à Deo definito. Verum & si hoc ita sit, non tamen ita disposuit Deus tempora, vt nulla alia causa sit, qua tunc fiant, quàm quod ita ipse disposuerit: sed sunt etiā omnium quæ fiunt aliæ causæ effectis proximæ. Velut temporibus Noe accidit diluuium, quia tunc corripit omnis caro viam suam. Temporibus Abrahæ cōbusta fuit Sodomā, quia eo usque creuerat tunc eius absurditas, vt ne decem quidem in populosis vrbibus inuenti sint iusti. Tempore Iesu Naue, Deus Amorrheos, & alias gentes deleuit, quia consumata tunc est iniquitas Amorrheorum. Ciuitatem Sanctā Hierusalem deleuit Romanus exercitus, quia tūc desiit esse eius populus, qui Christum negauerat. Postremo toti mundo finem imponet Deus, quia tunc erit impletus numerus iustorū. Igitur cum ita res se habeat, disposuit ita Deus omnia secula, vt in destinata tempora incidērent simul res gerendæ & earum causæ, atque tāquam Deo

*Sodomæ
interitus.*

*Hierosolymorum
excidium.*

in bilance ponderante mutatione rerum & causas, in idem tempus destinavit singula, in quod pondere causarum trahebantur: atque aptare causas effectis, eaque in tempora certa destinare, est in statera ponderare seculum. Quod quidem apertum fit ex cap. 5. Danielis, ubi narratur, qua nocte interfectus est Balthasar Rex Chaldeorum, & regnum eius occupatum à Dario Medorum rege, visam illi esse manum scribentem in opposito pariete, *Mane, thecel, phares*. Quam scripturam Daniel sic est interpretatus. *Mane numeravit Deus regnum tuum, & complevit illud. thecel. appensus es in statera, inuentus es minus habens*. His duobus verbis continentur fere omnia quæ diximus. Nam instabat finis regni Balthasar iuxta numerum annorum quos Deus dederat regno illi; atque adeo toti Monarchiæ Chaldeorum. Causa verò ut tunc finiretur fuit, quod Balthasar cum appenderetur in statera, hoc est, eius merita & demerita velut in billanci appenderentur, inuentus est habens minus meriti, quam ut dignus posset esse diuturniori regno. Numero ergo, mensura & pondere, disposuit Deus illam translationem regni à Chaldeis in Medos, ut & alias omnes rerum vicissitudines. Huic interpretationi cōsona est illa, de Michaelē cōcepta ab Ecclesia opinio (minime quidem vana, ut quibusdam impiis videtur) quem depingunt altera manu ensē, altera habentem stateram. Ensē quidem, ut indicetur eum fuisse principem militiæ Dei aduersus Satanam, quem & vicit, & cælo deturbavit. Stateram verò, quia cum sit princeps populi Dei, ad eum præcipuè spectat fideiū animas Deo præsentare, & earū merita, velut in statera appendere, iuxta id quod Balthasari denuntiatur. Diximus itaq; ut Deus omnia in numero, pondere, & mensura disposuerit hac ra-

Monarchia translatio.

Michaelus archangelus pictus.

tione mundum pulcherrimum efficiens, ac secundum
 harmonicas proportionales constituens; & ipsa quoque
 mundi tempora, ex quo cœpit moueri adhuc nascens,
 vsquedum moueri desinat, velut in statera ponderata
 esse, & numero numerata, & mensura mensurata: at-
 que in hac quoque temporum dispositione habitam
 esse rationem numerorum, & concinnæ proportionis
 quasi mutationibus ipsis seculorum cadentibus ad nu-
 merum. qua de re eius qui mouet mundum hanc, tan-
 quam appositissimè cytharam pulset, sapientia com-
 mendatur. Vnica videtur superesse dubitatio. Videtur
 enim fieri, vt necessariò eueniant omnia cum fiunt, si-
 quidem mutari non possunt tempora: si autem omnia
 necessariò, nihil videtur fieri ex deliberatione. Certè
 hæc dubitatio non est propria huius loci, sed commu-
 nis omni doctrinæ de prædestinatione, neque aliter
 nobis hic, quàm illic Theologis respondendum. Ni-
 mirum in sensu composito, omnia fieri necessariò cum
 fiunt: in sensu autem diuiso, ac simpliciter, posse tunc
 fieri aut non fieri, quæcunque pendent ex electione.
 quod (vt dicam apertius) nihil est aliud quam futurum
 necessariò tunc, si Deus tunc fieri præsciuit: id verò
 fieri posse vt non fiat tunc: quòd si non fiat, neq; Deus
 præsciuerit. velut fieri non potest, quin currat Petrus
 si eum ego currere video, potest verò ille non curre-
 re, atque si non currit, neque ego viderim. At dices,
 longe interest. Ego enim video currere, quia currit, ac
 Deus non præuidit quia erat cursurus, sed hic potius
 currit, quia Deus præuidit, & voluit. Nam à Ioue prin-
 cipium. ita est profectò, sed hoc est immensè, indicibi-
 lisque sapientiæ Dei argumentum, ita rerum omnium
 causas disposuisse, & aliarum ex aliis ductum, quem
 Stoici vocabant Fatum, vt cum nulli liberæ causæ de-
 trahat

*Necessa-
 ria non o-
 mnia.*

trahat deliberandi, atque eligendi facultatem, omnia tamen sint futura, cum, & vt ille disposuit. quę est altitudo diuitiarum Sapientię, & scientię Dei: cui honor & gloria in secula seculorum. Amen.

CAPVT SEPTVAGESIMVM.

PRIMVM.



A P. 27. Ecclesiastici. *Sensatus homo in sapientia manet sicut Sol, stultus sicut Luna mutatur.*

Hęc verba videntur innuere, insensatos & stultos, denique eos qui non sint sana mente, per vicissitudines, & mutationes Lunę habere grauius, eosq; proinde vocari lunaticos, quam sententiam iuuat, quod capite quarto Mathę legimus. *Obtulerunt ei omnes male habentes: variis languoribus & tormetnis comprehensos, & qui dæmonia habebant, & lunaticos, & paralyticos.* & rursus capite decimo septimo *Domine miserere filio meo, quia lunaticus est, & male patitur, nam sępe cadit in ignem, & crebro in aquam.* Ex his Euangelij verbis constat, haud dubie epilepticos dici lunaticos. Constat quoque ex multis veterum locis, & ex communi hominum sententia, lunaticos vocari maniacos. Cuius tamen appellationis non omnes eandem rationem reddunt. sed genethliaci, seu iudiciarij qui natiuitates obseruant, dicunt inde esse, quod qui in interlunio nascuntur, aut luna male collocata, sunt plerunque epileptici. alij, censent, & furores & epilepsias mutationes accipere cum Luna, itaque increcente crescere, & decrecente minui. Alij verò dicunt non ob aliud appellari hos lunaticos quam quod teneantur morbo cerebri, membri

Lunaticorum consideratio.

De Luna
multa.

adeo humidi, Luna verò humiditatibus præest. Verum si Luna humiditatibus præest, hac eadem causa augebit eas, & minuet, quare & morbos ipsos, quod si fit, quam potius ob causam appellentur lunatici, qui ita sunt affecti? augere vero Lunam humiditates, & verum & recentium constat testimoniis. Nam Plinius cap. 41. lib. 2. ita inquit. *Iam quidem lunari potestate ostrearum, conchyliorumque. & concharum omnium corpora augeri, ac rursus minui.* Hoc quoque fatetur Aristot. 4. de generatione animalium, Omnes etiam qui de agricultura scripsere, nullo excepto, decrescere luna putari arbores iubent, quod tunc minus humiditate redundant, & ea ipsa causa, ligna eo tempore decisa minus sentire cariam affirmant. Itaque communis omnium hominum sententia est (cui sine protervia nota non possemus repugnare) cum Luna humorem omnem augeri & minui. Quod si ita est, cum dicti morbi ex humore pendeant, ut & alij plerique, non mirum si ij, & aliorum multi secundum Lunæ mutationes, ipsi quoque mutantur. Sed cur Luna humiditates augeat, aut, si non auget, cur illi, alique si miles morbi mutantur cum Luna, non omnes eodem modo dicunt. Quidam enim censent Lunæ naturam esse frigidam & humidam, ut Saturnum frigidum & siccum, ut & Martem calidum & siccum, ac Iovem calidum & humidum. Itaque Lunam quia humida est, augere humiditatem tuncque; maximè cum est valentior, incrementem scilicet Arist. Lunam calfacere & siccare censet, ut ipsum Solem, tantò autè minus, quànò re percussum quam rectum lumen debilius esse par est. Augere verò Echinos & testacea in pleniluniis, quòd calore & lumine adiuta, foelicius nutriantur: humiditate verò excrementitia, in decremento & interlunio redundare

Morbi secundum
Lunæ mutationes.

dundare magis ob defectum caloris, ac proinde muliebria decedentibus mensibus potius fieri. Vide caput quintum de partibus animalium quarti, & Secundum quarti de generatione animalium. Itaque videtur consequens, ut iuxta priorem sententiã, dicti morbi, crescente luna crescant, iuxta posteriorem verò, de crescente. Alij autem quibus fortasse nihil horum placet, censent lunaticos solum fuisse, quos Dæmon præmeret. Diabolum verò lunaria servare tempora, et creaturam infamet, in blasphemiam creatoris. Omnia quæ ad iudiciariam, seu Chaldeorum vanitatẽ spectant, refutata mihi seorsum sunt in hoc ipso opere, præcipuè sacrorum autoritate. Quapropter licet tunc intacta, repellere quæcunque genethliaci dicunt: neque minus quæ de temperamentis Astrorum leuissimi homines effutiant, cum nulla confirmentur monstratio. Certè Luna plena à vacua solo differt lumine. Nã cætera eadem habet. id verò lumen est solare, à Sole enim accipit. Solem vero ipsum nõ aliter quam lumine calfacere, indicatũ mihi antea est. Lumine quidem non per se, sed ex accidenti. quod scilicet luminis comes est ignis ob analogiam. Lumini ergo, præcipuè Solari, & si per accidens, semper tamen accedit vis calfaciendi. Quandoquidem verò per ignem qui se exhibet comitem, constat quòd & siccandi. Constat ergo haud dubie, noctes plenilunij calidiores & sicciores esse quam interlunij, atque adeo Lunam eadem præstare quæ Solẽ, & si debilius, atque ut Sol per annum, ita Lunam per mensem suam æstatem facere & hyemem. quod Ari. affirmat. 4. de generatione animalium cap. 2. quod idem euidenter confirmatur verbis illis Psal. 120. *Per diem Sol non uret te neq; Luna per noctem.* Vrit scilicet per noctem Luna, ut per diem Sol. Ni-

Luna plenitudo.

Luna lumen.

mirum est Solis vicaria, lumen ab illo accipiens, vt pro illo præsit nocti, vt ille diei. Luna ergo per lumen habet vim calfaciendi & siccandi, quare ea diminuta, aut omnino deficiente, merito euenit augeri humiditates, defectu scilicet ignis. Cum tamen ita sit, nihil prohibet, ipsam etiam plenam humiditas passiones augere, non quod frigida & humida, vt vulgus putat, sed quod reflexio luminis tepidus sit calor. Talis enim solet humiditates plus fundere quam resoluerè, atque ita augere, & mouere, vt tepidum balneum, & vernus calor fluxiones mouet. Hinc fit, vt qui destillationibus sunt oppor tuni, sentiant se lædi à Luna, quod scilicet tepidus eius calor humores fundat. Leduntur verò minus aliquando à Sole, quòd hic calidior cum sit. non plus fundat quam absumat. Quod quidem Plinius capit. 9. lib. 2. explicuit, de Luna disserens his verbis. *Ideo mollior & imperfecta vi soluere tantum humorem, atque etiam augere, quem Solis radij absument.* Esse igitur morbos qui Luna crescente, aut decrecente augeantur, & eos qui ita laborent, vocari lunaticos, nihil habet rationi dissonum, idque siue dæmone exagitante fiat, siue aliter. Nam dæmones ipsi vtuntur ad torquendos homines succis, eorundem obseruata natura, vt iam antea indicatum est. Porrò tales præcipuè esse epilepsias, & insanias, rationi quoque est consonum, quia cerebrum est membrum redundans multa humiditate, quæ aut in plenilunio fundi, aut in interlunio augeri possit. Vtro verò potius Lunæ tempore patiantur lunatici, & an vtroque, an alij in alio, res exigit vt explicemus. Quandoquidem duplex ratio est, qua Luna humiditates auget, constat, neque omnes, neque eosdem lædi vtraque, sed quosdam hac quosdam illa. Nam qui vtraq; ratione æqualiter efficiuntur semper (quod ad

Quotempore
luna patiantur
lunatici.

ad Lunam attinet) æqualiter ægrotabunt, qui altera afficiuntur grauius, ad alteram videbuntur habere leuius. Quosdam autem hoc, quosdam illo tempore habere deterius, & melius consentaneum est. Nimirum quibus fusio humiditatis inexistentis fiet maior quam accessio nouæ, læduntur plenilunio: quibus contra gignetur potius noua, quam fundetur pristina, læduntur interlunio. Quæ autem erit vtrorumque differentia? certè quæ humorum. Horum enim quidam sunt concreti, frigidi adeo, vt nisi magno calore, qualis Lunæ non est, non fundantur, frigore verò moderato maiori, magnopere augeantur, huiusmodi sunt pituitosi & vitrei: Alij sunt calidi adeo, vt vel moderato calore fundantur, frigore verò non augeantur, sed compescantur, & sedentur, huiusmodi sunt biliosi & exusti. Eos ergo qui huiusmodi succis abundant, verisimile est deterius habituros in plenilunio, qui verò illiusmodi in interlunio. Ergo Maniacis omnibus, & epilepticis ex atra bile, crescet malum cum ipsa Luna: Epilepticis verò ex pituita & crudis succis, decrescet crescet, & vrgebit maxime in interlunio. Natos verò esse homines in nouilunio aut plenilunio, meo iudicio, nihil refert. Refert fortasse potius, quo tempore vtero essent concepti. Sed pro alijs rebus, & alijs succis est distinctio alia. nimirum quidam succi sunt alimenta; quidam excrementa. Alimenta semper auget Lunæ lumen. moderatum enim calorem cum afferat rebus, nutritionem auget, quare & alimentis repleti: excrementa verò non semper. Nam quæ per incoctionem generantur, decrescet potius augentur. Hinc fit, vt plantæ omnes, & natura illis proxima conchilia, crescant magis in plenilunio, & ea humiditate qua nutriuntur abundant: ac proinde periculosius putentur:

*Epileptici
quādo ma
gis afficiā
tur.*

menstrua verò quæ magna ex parte sanguis crudior est, plærunque fiant circa interlunium. Neque tamen semper, vt enim de epilecticeis dictum est, ita & in hac euacuatione eueniet. Atrabiliariis scilicet fœminis, & quibus atrabiliarius erit sanguis, aut valde biliosus, & si non ater, plenilunio potius irritabitur, & fluet: pituitosis verò & quibus crudior, in coniunctione seu interlunio. Omnium igitur quæ eueniunt dicta est causa, Lunæ nulla, neque frigida, neque humida, neque maligna facultate imputata, sed ea per lumen, quod à Sole accipit calfaciente, atque, & si minùs, vrēte tamen per noctem, vt per diem vrit Sol: dictumque, qui, & quotuplices sint lunatici, & quo tempore quique lædantur. Ad insanos ergo & lunaticos potest Ecclesiasticus alludere, dicens, *stultus sicut Luna mutatur*. Quamquam alioqui Luna hyeroglyphicè significat stultos, & inconstantes homines, ob assiduas mutationes.

Luna hye
roglificè
quid.

CAPVT SEPTVAGESIMVM SECVNDVM.



A P. 30. Ecclesiastici. *Multos occidit tristitia, & non est vtilitas in illa. Zelus & iracundia minuunt dies, & ante tempus senectam adducet cogitatus.* cap. etiam 25. Prouerbiorum. *Sicut tineæ vestimenta & vermis ligno, ita tristitia viri nocet cordi.*

De dieta
multa.

Medici in sex genera redigunt res omnes, quibus constat victus, seu dieta. Hæc sunt, cibus, & potus: motus, & quies; somnus & vigilia: aer in quo viuimus: animi perturbationes; & quæ excernuntur, aut retinentur. In bona enim horum moderatione consistit tota,

ta,

ta, victus salubriter instituendi, ratio. Vocant verò has res, non naturales, quia neque naturales sunt & semper utiles, neque præter naturam & semper noxia, sed eadem bonæ, & malæ pro utendi modo. Itaque si quis illis rectè utatur, utiles fiunt, si malè, fiunt causæ morborum, atque etiam mortis. Sunt verò hæ, quæ vocantur causæ externæ seu procatharticæ. Hæc *Causæ pro cathartice.* igitur Ecclesiastici verba, quibus affectus animi moderatio consulitur, partim pertinent ad tractationem de causis morborum, partim ad tuendam valetudinem, priora illa, *Multos occidit tristitia, & non est utilitas in illa,* ad morborum causas: vituperatur enim tristitia, ut quæ morbos & mortem inferat: posterio- *Tristitia.* ra verò, ad tuendam valetudinem, quia vituperatur sollicitudo, ut quæ vitam contrahat, & canos ante tempus afferat. Perpendamus singula, & apponamus causas. Videtur tristitia penitus vituperari, quasi semper noxia, & in qua nulla vnquam sit utilitas, sæpe verò etiam occidat. Si autem hoc ita est, primum quidem male ponitur à medicis in causis non naturalibus, sed potius in iis quæ præter naturam, ac semper noxiæ. Deinde gaudium semper esset utile, & quantumcunque. At verò non est, quin potius, ut Galenus docet primo de symptomatum causis, ex ingenti gaudio nonnulli pusillanimes perierunt, suntque multæ de ea re historię & antiquæ & recentes. Non igitur *Gaudium mortui.* semper gaudium utile est, quare neque tristitia semper noxia, sed est huius quoque, ut & aliorum animi motuum quædam moderatio salutaris. Atqui profectò ego ita censeo. Consultum enim fuisset mulieri, quæ viso filio quem mortuum crediderat exanimata est, aduentum filij, cum tristi aliqua narratione prænuntiasse, ut, scilicet, tristitia gaudium temperaret.

Haud dubiè procuranda nonnunquam quædam tristitia est, non minus quàm alij animi motus, velut certe & ira, quæ Hippocrate autore consulto est in frigidis naturis & affectibus excitanda augendi feruoris gratia; & gaudiū, quòd tam multis machinamentis melancholicis procuratur: & vt etiam timor: quem nonnulli in quibusdam passionibus incusserunt, & furentibus sæpe incutitur ad cohibendam irā. Nihil enim irā æquè frāgit, ac timor. Nō tamē proinde magna tristitia, quæq; plus, quàm profusi gaudij tēperatio est, vnquam prodest. Quinimo talis semper nocet, & potest aliquando occidere. Non quidem repente, vt timor & gaudium) autor Galenus loco citato) sed paulatim, & multo tempore. Quia per gaudium affatim, & sine villo freno effunditur totum calidum, quare in pusillan-

*Morbi ex
tristitia.*

mis totum exhalat. In timore magno affatim accurrens ad cor, suffocatur. Motus similis est tristitia timori non tamen vehemens, vt ille, sed natura sua lentus, ac proinde paulatim facit vitalem calorem marcescere, & nutritionem partium minui, atque ita deducit ad tabem. Quod aperte significant illa verba Prouerb. 17. *Spiritus tristis exsiccat ossa.* Itaque tristitia repente nullum fortasse occidit, vt & timor gaudium, lentè verò ac paulatim quàm plurimos. Illa verba & *non est utilitas in ea*, duplicem ferunt sensum, naturalem & moralem. Naturali quidem significant, tristitiam nihil conferre, nam neque ad pellendos morbos, neque ad tuendam valetudinem (id verò constat ex dictis, intelligi debere de magna tristitia, & quæ omnem excludit hilaritatem) morali verò, continent exhortationem quandam, ad pellendum ex animo tristitiam. Quasi dicatur, vita tristitiā, quia multos occidit, & nihil cōfert ad recuperandū id cuius gratia doles. Neq;
enim

enim lachrymis defunctum vita maritum suscitabis, neque filium, neque amissam inuenies pecuniam, neque incendio consumptam reficies domum. Huc pertinent illa verba cap. trigesimali octauo, ubi de lamentatione mortui agitur. *Ne dederis in tristitia cor tuum, sed repelle eam à te, & momento nouissimorum, & noli obliuisci.* Neque enim est conuersio (à morte scilicet ad vitam) & huic nihil proderis (mortuo scilicet) & te ipsum perisimabis. Hactenus de prima præscriptæ orationis parte. Altera quam pertinere diximus ad tuendam valetudinem. vituperat zelum & iracundiam, & assiduū cogitatum, quod minuant dies, & ante tempus adducant senectam. Videntur autem mihi illa omnia, unico solitudinis nomine significari. Sollicitos enim esse dicimus eos, qui plus satis curant, quid agatur, quod futurum sit. Tales enim sunt zelatores, ac proinde iracundi, & cogitabundi. Quæ omnia excludunt ab animo hilaritatem. Quare si vere dictum est 17. cap. Proverbiorum *Animus gaudens et aetatem floridam facit*, merito euenit, ut, quæ gaudium excludit sollicitudo, afferat intempestiuam senectutem. Verum autem illud esse constat, siquidem indicatum antea est, spiritum tristem exsiccare ossa: exsiccat ergo & ea passio cuius tristitia comes est, puta sollicitudo, & nimia cura. ut vero exsiccat, ita refrigerat, quia ut nuper diximus, siccitatem imminuta nutritione, per vitalis caloris & spirituum consumptionem. Refrigeratio verò naturalis cum siccitate, ipsum est senium. unde efficitur, ut sollicitum esse, ac proinde iracundum, & cogitandum, adducat ante tempus senectutem. Neque res vlla experimento magis cognita est. Neque quidquam iis, qui priuatam agunt vitam consultius, quam nulla de re esse sollicitos: iis verò qui Reipub. tenent gubernacu-

*Sollicitudo
vitanda.*

la, qui id non possunt, tamen interponere gaudia curis, & animum tantis solutum curis, crebro laxare, ac locum dare cibis & exercitationi, ne semper animo ad cogitationem translato, corpus tabescat.

CAPVT SEPTVAGESIMVM

TERTIVM.



Ecclesiastici cap. 31. *Vigilia, & cholera, & tortura, viro infrunito: somnus sanitatis in homine parco. Dormiet vsque in mane, & anima illius cum ipso delectabitur. Et si coactus fueris in edendo multum, surge e medio & vome: & refrigerabit te, & non adduces corpori tuo infirmitatem. Audi me fili, & ne spernas me: & in nouissimo inuenies verba mea. in omnibus operibus tuis esto velox, & omnis infirmitas non occurret tibi.* & rursus cap. 37. *In multis escis erit infirmitas, & auditas, & aporpinquabit vsque ad choleram. Propter crapulam multi obierunt, qui autem abstiniens est, adiuciet vitam.* Plurimum

Dietæ utilitas.

gloriatuſ est Hippocrates primo libro de Dieta (ſi modo eius eſtis liber) & in initio libri de Ratione victus in acutis, ſe rationem victus inſtituendi inueniſſe, quam antiquiores, aut omnino non attigiſſent, aut tractaſſent negligentius, quam tamẽ artis partem magnopere laudat, & merito quidem. Si quidem reliqua medicina, tam quæ pharmacis vtitur, quam quæ adhibet manuum operam (his enim tribus tota medicina continetur) ad præſentes tantum, aut iam iam imminentes morbos eſt utilis, quæ verò victum inſtituit etiam ante omnem morbi ſuſpicionem, ne vnquam fiant. Sed & ad multos morbos præſentes facit nõ minus victus, quam pharmaca, & chyrurgia, & ad quosdam

dā multò plus , atque adeo ad nonnullos sola sufficit, cum ad nullos sit satis reliqua medicina , sine vlla victus cura. multis itaque rationibus præstat reliquis medicinæ partibus , hæc cuius inuentione gloriatur Hippocrates. Est profecto tanti momenti , vt ad animi æque ac corporis medicinam spectet. nullus enim error in victu committitur , qui non æque vtrunque partem hominis lædat. Ebrietas enim vt caput grauatur, ita mentem lædit; cibi & potus ingestio nimia, vt replet succis corpus, ita facit hominem libidinosum. Otium facit corpus excrementosum, & animum mollem, ac desidem. Cibi abstinencia nimia, extenuat ac debilitat corpora, animū facit meticulosum: Vini potus (cui aqua erat ex re) fluxiones multas ciet, & iracundiam affert: potus aquæ (cui vino erat opus) eruditates parit, & tristitiam. Si igitur, vt ad tuendam corporis valetudinem humores oportet esse compositos ita ad valetudinem animi, affectus; & vtrosque modo aliquo turbat, quicunque error in victu; constat idoneam victus institutionem, ad totius hominis valetudinem, corporis inquam & animi esse necessariam. Cū præcipuè non solum talis error vtrosque per se turbet, sed & alterutros per alteros. vtcunque enim turbentur succi, euenit turbari affectus, & vtcunque turbentur affectus, humores quoque. Quapropter verissime dictum est à Galeno , medicinæ partem esse philosophiam morum, non solum quæ ad Reipub. pertinet constitutionem, sed quæ singulorum moribus componēdis se accommodat. Hæc enim affectus temperat, quæ vna quidem pars est (neque ea maxima) totius victus: cum hic, vt medicis omnibus conuenit, sex constet rebus, cibo & potu; motu & quiete: somno & vigilia: aëre animi affectibus: &

Ebrietas incommoda.

Medicina pars Ethica.

excretionē, aut retentionē quorundā. Haud dubie igitur, ea philosophia quæ affectus temperat, medicina pars est, non minus quam quæ modum ponit cibo & potui. Neque abs re Galenus, aut extra chorū saltās, scripsit, de cognoscendis, & curandis animi morbis, neque Plutarchus de sanitate tuenda, neque igitur sine causa in sacris, ac præcipue in moralibus (cuiusmodi sunt liber hic Ecclesiastes, & omnes libri qui extant Salomonis, aut Salomoni attributi præter Cantica) tam multa scripta sunt medicinalia, & ad victus institutionem pertinentia. Cum verò multa sint, præscripta oratio continet præcipua totius victus capita, & plurimum congruit cum Hippocratis præceptis. Nam tametsi victus dictis sex constat rerū generibus, modus cibi, & exercitationis, primum ac summum rei caput est, & ad hæc referuntur alia omnia. Omnes enim morbi, teste Hippocrate, additione aut detractiōe constant. Atqui præcipua additio & detractio, repletio & inanitiō est. Repletio enim facit cibis, inanitionem exercitatio. Constat verò quod repletionem natum est facere, inanitionem tollere, quod inanitionem facit, tollere repletionem. Cibus igitur & exercitatio, non ut expedit suscepta, morbos omnes nata sunt facere; & ut expedit, tollere. Reliquæ verò omnes causæ, his sese adiungunt socias, quia aut replent, aut inaniunt. Proinde maxima pars dieticæ partis est, modum ponere cibo & exercitationi. Modus autem quem ponit Ecclesiasticus est, ne quis sit infrunitus, hoc est, intemperans in capiendō cibo, sed parcus: & ut in suscipiendis laboribus sit velox, quæ eadem sententia scripta est Hippocrate lib. 6. Epid. sectione quarta his verbis. *Exercitatio sanitatis est, citra satietatem cibum capere, & impigrum esse ad labores.* Quæ assertio quam sit eadem, quæ

*Parsumonia
vilitas.*

quæ & Ecclesiastici, quiuis videt. Parcū enim esse, quid aliud interpræteris, quàm citra saturitatem vti cibis? esse velocem in suscipiendis laboribus, quid aliud, quàm esse impigrum ad labores? Verum Ecclesiasticus, non contentus simpliciter præcipere, apponit etiam incōmoda, quæ temperanter facientibus eueniūt, & comoda quæ temperantibus. Explicat verò vtraque per notas quasdam, & signa affectionum, quæ medici symptomata appellant. *Viro* (inquit) *infrunito accidet vigilia, & cholera, & tortura. Somnus autē sanitatis in homine parco.* Nihil magis experimēto cognitum, quam eum qui se cibis impleuit vsque ad satietatem, non posse dormire, sed aut totam noctem vigilare, hūc & illūc se iactantem, neque posse loco cōsistere: aut dormire somnum grauem, cum multis horrendisque insomniis, neque eum longum, sed crebro interruptum, ac cum cholera nonnunquam & tortura, hoc est, cum anxietate ventriculi & vomitibus cibi corrupti, aut nauiseis, & ructibus nidorosus (hic affectus vocatur Hippocr. cholera sicca) & cum torminibus intestinorum. Illud quidem ob cibos corruptos, qui adhuc in ventriculo hærent, hoc ob eos qui in intestina descenderunt: eum verò, qui parce aut citra saturitatem cœnauit, dormire vsque in mare, & animam eius cum ipso delectari, hoc est magnam ex somno voluptatem capere, & expergisci alacrē, & expeditum: quod quidem signum optimè per actæ concoctionis, atque adeo bonæ valetudinis, est. Ob hæc igitur iubet, parcum esse, & præterea, in omnibus operibus esse velocem. *Et omnis* (inquit) *infirmetas non occurret tibi.* Quod nō ita accipiendum est, ac si nullo possit morbo penitus corripī, sed quòd nullis morbis esse poterit valde obnoxius, sed raro, ac leuiter tentabitur: nisi casu læda-

Repletio-
nis mala.

Exercitia
tionis uti
litas.

tur à causis, quas medici vocant non necessarias, vt ense, aut igne, aut lapidis iactu, aut domus ruina, aut contagio. Nam præter hæc, & si parcum atque exercitatum hominem reliquæ quatuor victus partes lædere possint, aut ira aut Sol, hæc tamen ipsa rarò magno pereledent. Quanquam nõ nego posse etiam grauiter lædere aliquando, præcipuè eorum quedam, vt si forte, qui parcus atque exercitatus sit, vtatur multa venere, fortasse enim lædetur plusquam si viueret in otio. Superest igitur, vt illud, *Omnis infirmitas non occurret tibi*, intelligatur ita, vt explicui: quasi, inquam, diceret, rarò grauiter ægrotabis, quia scilicet, præcipua, ac maxima pars rectè victus institutionis, est hæc, quamque Hippocrates antonomastice vocauit exercitationem sanitatis. Verum expedit, eum qui nollit ex rectè dictis ansam peccandi accipere, hoc loco scire. non ita esse vtilem cibi parsimoniam & exercitationem, vt quãtò minus quis accipiat & plus se exerceat, tantò censeatur suæ sanitati melius consulere. non enim ita est, sed ambo fieri debent intra modum quẽdam; quia vt in Aphorismo dicitur. Neq; satietas, neq; fames, neq; aliud quiddã, quod naturæ modum excedat, bonum est; habet certe vterque excessus, & cibi & laborum, suas noxas, atque haud facile sit dicere vter maiores. nam vt cibus supramodum ingestus morbum facit, ita & nimis tenuis. dictum enim ab Hippocrate est. Morbos ex repletionem, sanat inanitio, & ab inanitione repletio. Porro, vt oñi vituperatur, ita & defatigatio, quã interdicens Hippoc. scripsit, *vbi lassari ceperit corpus, quiescere statim remedium est*. Cur (igitur dices) Ecclesiasticus tenuem victum & labores commēdat, ac non potius mediocritatem eorum? certè intra mediocritates fines intelligēdum est, hæc laudari.

Modus
in omni-
bus adhi-
bendus.

neque

neque verba aliud sonant. Nam parcus non est qui fame se macerat, sed qui non est infrunitus, hoc est, inutiliter cibos ingerens, aut ut referam Hippocratis verba, qui non accipit ad satietatem. Velox non qui precipitatus, sed qui non piger. Itaque harum, ut & aliarum omnium causarum quæ nos alterant, esse debet modus. quia omne nimium est naturæ inimicum. modus verò cibi & exercitationis, definiri primum debet ad ipsum hominem, seu ad eius facultatem, deinde alterius ad alterum, quia exercitatio esse debet pro modo cibi, & cibus pro modo exercitationis. Nam Hippocras. in Aphorismo dicit, *vbi fames, laborandum non est.* Atque ita conuertenti licet dicere, vbi laborandum, fames sustinenda non est, sed capiendus cibus, atque eadem ratione colliges, vbi otium, cibus capiendus non est, nisi parcissimè: & vbi multum accipiendum sit cibi, non utcunque, sed multum exercendus est homo: quia ut ipsemet dicit libro primo de Dieta, *homo comedens & non laborans non potest esse sanus.* apposuit verò ibidem causam omnium eorum quæ diximus, his verbis. *Contrarias enim inter se vires habent cibi & labores.* Verum inter se mixti conferunt ad sanitatem. Labores enim ea quæ insunt consumere solent, cibi autem & potus ea quæ euacuata sunt explēt. Itaque modus est, ut vterque ad alterum accommodetur, quia contrarias cum habeant facultates, neutrum oportet alterum superare, neq; cibum vnquam neque laborem: mutuò enim sese corrigunt, alterum cum repleat, alterum cum inaniat. Igitur si cui laborandum necessariò plus solito est, adiiciendus cibus: si vescendum pluribus, exercendus etiam plus. Igitur ne nimio indigeas motu, consultius sit parcè uti cibo. Neque tamen semper, vbi solitam cibi copiam au-

*Exercita-
tio post sa-
tietatem
mala.*

xeris, satis sit augere exercitationem, neque ubi satietas magna fuerit, quia & si cibus & labor contraria sunt, non tamen uterque post alterum commodè adhibetur; sed, ut Hippocrat. inquit, *labor cibum precedere debet, non subsequi*. Neque quidquam periculosius, quam pleno ventre aut toto etiam corpore pleno aut impuro vehementer exerceri, antequam magna pars copiae aut cacochymiae, manifesta euacuatione sit deposita. Quia exercitatio distrahit per corporis habitum, quae intra ventres ac cauitates recondita sunt. è pleno igitur ventre cruda ditrahit in partes alias omnes: quare, & capitis, & pulmonis, & hepatis, & viscerum omnium facit obstructions, atq; fluxiones multas in eas ipsas partes, & in vesicam & in articulos, & totum corpus, unde innumeri nascuntur morbi. Igitur maximè ac primum curandum est, ne vnquam cibum capias nisi parcè, ut ab illo placidè ac longum dormias, & à somno alacriter experrectus impigrè exercearis, ut omnem effugias infirmitatem. Si quando verò coactus sis, ita ut sit in conuiuiis (tametsi id vir temperans, & fortis, quique rustico pudore non laboret, pati non debet) in edendo multum, consultissimum sit, multitudinem cibi primum deponere, deinde dormitum ire, ut concoquatur reliquum, postea exercere, ut extrudantur excrementa. Optima autem ratio ventriculi vacuandi in vomitione est, secunda ab hac in deiectione. Vomitus enim eiicit ex ipso ventriculi ore, antequam descenderint cibi, succurrítque citissimè, & maximè, sine aliarum partium noxa. Deiectio ex intestinis; quae iam descenderunt. Utendum ergo, si modò facere id homo possit, vomitione statim. si autem quispiam eorum sit qui vomunt difficillimè, utendum aliquantò post alui subductione;

*Vomitus
utilitas.*

tunc

tunc scilicet, cum tormina, aut distentionem inferioris ventris cœperit sentire. Optimè igitur, ac secundum Hippocratis & Galeni præcepta, vt libro septimo methodi medendi, licet videre, præcepit Ecclesiasticus. *Si coactus fueris in edendo multum, surge è medio* (his verbis significat statim id esse faciendum, antequam cibi copia noxæ aliquid afferat) *& vome: & refrigerabit te* (hoc est, subleuabit te) & non adduces corpori tuo infirmitatem.

CAPVT SEPTVAGESIMVM QVARTVM.



CAPITE trigesimo octauo Ecclesiastici. *Honora medicum, propter necessitatem et-* De medi-
nim illum creauit Altissimus. à Deo est e- cina.
nim omnis medela, & à Rege accipiet do-
nationem. Disciplina medici exaltabit ca-
put illius, & in conspectu magnatum collaudabitur. Al-
tissimus creauit medicinam de terra, & vir prudens non
abhorrebit illam. Nonne à ligno indulcata est aqua ama-
ra? Ad agnitionem hominum virtus illorum, & dedit ho-
minibus sciētiam altissimus, honorari in mirabilibus suis.
In his curans mitigabit dolorem, & vnguentarius faciet
pigmenta suauitatis, & vñctiones conficiet sanitatis, &
non consumabuntur opera eius. Pax enim Dei super fa-
ciem terræ. Fili tua infirmitate ne despicias te ipsum. Sed
ora Dominum, & ipse curabit te. Aduerte à delicto, &
dirige manus, & ab omni delicto munda cor tuum. Da
suauitatem, & memoriam similaginis, & impigua obla-
tionem, & da locum medico. Etenim illum Dominus crea-
uit: & non discedat à te, quia opera eius sunt necessaria.
Est enim tempus quando manus illorum incurras. Ipse

vero Dominum deprecabuntur, vt dirigat requiem eorum, & sanitatem propter conuersationem illorum. Qui delinquit in conspectu eius qui fecit eum, incidet in manus medici. Haftenus Ecclesiasticus.

*Varia de
medicina
opiniones.*

Qui medicinam dum sani sunt vilipendunt, neque pauci sunt, neque ignobiles, imprudentes tamen sunt haud dubie, vt hoc loco testatur Ecclesiasticus. Nam inquit. Vir prudens non abhorrebit illam. neque de spiritali hic agit (huc enim confugiunt) medicina, sed de ea quam creauit Altissimus de terra, tribuens scilicet virtutes salutare herbis, lapidibus, succis, & terræ generibus, & metallis. Eorum igitur qui medicinae detrahunt, quidam ipsas medicamentorum facultates negant, quod nihil possint insigne, sed opinione magis consent medicorum, quam re ipsa: Quidam esse quidem re vera, hominibus verò non haberi certam de iis scientiã, atque adeo neque ipsam medicinã scientiam vere esse, sed incertas & instabiles opiniones, & coniecturas non satis firmas: argumento, quod multæ fuerint, nascanturque quotidie medicorum sectæ, & abeant, & redeant semper per quasdam vicissitudines, quasi nihil certum in eis sit, fallanturque quotidie medici, quasi nihil habentes scientificum. Quidam etiam calumniantur, defecisse iampridem, temporis diuturnitate, medicamentorum vires, neque esse qualia antiquitus, sed elãguisse omnia. Alij stulta quadam religione affirmant, medicinæ opera necessaria non esse, quod sanitas, & morbus, vita & mors, penes Dei voluntatem sint, ita vt nulla arte possit vitare homo, quod de eo Deus Opt. Max. decreuerit, & apud sese habuerit statutum. Hæc omnia sigillatim refutat Ecclesiasticus, præcipitque honorem haberi medico, duplici de causa, & quod necessaria sint eius opera, & quod

quod creatus sit ab altissimo. Explicat verò quem honorem illi haberi præcipiat dicens, *à Rege accipiet donationem, & in conspectu magnatum collaudabitur.* Nimirum his duabus rebus constare debet honor medici, copiosa donatione, hoc est, ampla mercede, atque laudibus. Nam his duobus euadet honoratior. Cum enim ex Peripateticorum sententia, quæ à nostris etiã Theologis receptissima, rei familiaris amplitudo sit in bonis honorabilibus, hæc ipsa accedens ex arte efficiet artificem honoratior. Laudibus verò comparatur bonum nomen, quod melius etiam est quam diuitiæ multæ. Cum verò duo hæc honorare adeo possint medicum, tunc maximè, cum à regibus, & magnatibus præstantur. Nam cum honor, teste Aristotele, sit in honorante, is maximè honorare potest, qui est honoratissimus. Proinde Ecclesiasticus, tum omnibus in commune mortalibus, præcipit honorem medico habere; tum maximè Regibus & magnatibus. Atqui profectò ipsa natura, cuius medicus minister est, id omnes gentes docuit. Nulla enim tam barbara aut fera est, aut vnquam extitit, ut nulla penitus vteretur medicina. Neque sanè solum natura quæ est hominibus omnibus communis, à qua naturale ius fluit, sed ea etiã quæ est illis cõmunis cum belluis (quã naturæ impetum, ius verò vocari non vellem) medicinæ vsum ingerit cum ab irrationalibus putentur medici multa, neque ea quidẽ parũ vtilia, didicisse. Quæ verò gentes humanioribus usæ sunt legibus omnes quidẽ publicè decreuerunt medicis multos honores, immunitates, ac priuilegia & inter eos quidem, Regiis, longè amplissimos: præstantissimis verò medicis, etiam diuinos honores tribuebat antiquitas. Romani Imperatores certatim largiebantur medicis & ipsam artẽ ac medicamẽ

Medici honor.

Medicorum præmia.

torum affluentiam, magnis sumptibus augendam procurabant. Nulla potius ratione mortalibus utiles se esse posse iudicantes. Quod, ut alia omnia, quæ ad Regia pertinent officia, omnium optimè nunc Philippus secundus Dominus meus exequitur, multam pecuniam impendens medicamentis conuocandis, ex America, & vndique terrarum, & medicinalibus viridariis excolendis, & de naturali hystoria rerum Americarum commentariis componendis; quo studio haud dubie, de tota hominum posteritate optimè merebitur, ut de nobis merita est antiquitas: quæ hanc artem maximi fecit. Quin, ut ego existimo, in magna illa antiquitate, medici requirebantur, ut reliquis hominibus imperarent, ac Reges fierent. Quod non obscure indicant illa verba Esaia capite tertio, *Apprehendet enim vir fratrem suum, domesticum patris sui, & dicet, vestimentum tibi est, princeps esto noster. Ruina autem hæc sub manu tua. Respondebitque in die illa dicens, non sum medicus, & in domo mea non est panis, neque vestimentum, nolite constituere me principem populi.* Hæc Isaïas, constat verò illa verba, *non sum medicus*, excusantis sese esse, quod non posset esse princeps populi. Nunc verò eo res deuenit, tanta est hominum imprudentia, tam præposterumque fertur de rebus honorabilibus iudicium, ut licet nobis aliud dignitatis artis huius argumentum accipere, quod hoc seculo vilipenditur. Sed quia locum hunc multi iurisperiti tractauerunt disertissimè, & meus fortasse affectus suspectus habetur, continendus mihi impetus orationis est, condonandaque in scitiæ Plinij sua grammaticalis garrulitas, mendaciis plena: & Catonis pulchra magis & prociac, quam grauis sententia dimittenda: & sigillatim emarranda singulæ præscriptæ dictionis partes. Ab altis-

tiſſimo dicit creatam medicinam ob neceſſitatem. Haud dubie ab altiſſimo, ſi neceſſaria eſt. Deus enim non deficit in neceſſariis: neceſſariam verò eſſe medicinam conſtat, ſi modo ſunt morbi: maximè ſi ſunt morbi quos non poſſit ipſa per ſeſe natura ſuperare, poſſit verò accedente artis miniſterio. Hoc quidem ſi eſſe indicetur, nemo neget eam artem eſſe neceſſariam. Omnino enim ſalute opus eſt ad vitam retinendam: eſſe verò ita, facilè monſtrari poteſt. Nam eſſe morbos quòſdam, & alios aliis maiores, ac maligniores, qui ſuis libenter concedet. Porro minores ac benigniores facilius, maiores & maligniores difficilius vinci quis neget? Porro nos ad motionem, aut ingeſtione rerum quarundam poſſe lædi, refrigeratos aut exuſtos, aut aliter affectos ſi quis negat, admoue illi niuem aut glaciem, aut ignitum ferrum, aut nudum, hunc me ſub dio dormire, aut diem totum per æſtatem tranſigere in Sole coge. Quod ſi lædere poſſunt hæc & alia huiuſmodi, poſſunt etiam prodeſſe: non enim omnia eodem modo lædunt, ſed per contrarias alterationes. Quare quibus alia nocent, alia erunt vtilia, atque, quia non omnes homines eodem modo affecti ſunt, eadem aliis noxia, & aliis erunt vtilia. Hæc ſolum ſi receperis, neceſſe eſt concedas reliqua. Si enim ad quaſcunque intemperies ſunt res aliquæ vtilis, quæ ſcilicet inducunt contrarias alterationes: conſtat, naturam idoneo adhibito medicamento, morbum quemcunque facilius ſuperaturam, quàm nullo. Si igitur ſunt morbi alij aliis ſoluti faciliores, alij difficilioreſ, neceſſe eſt ſint aliqui adeo difficiles, vt omnino vinci non poſſint, & alij adeo faciles, vt ſine vlllo medicamento vincantur. Hæc duo facile dabis. Nam ſi negeſ, fiet vt nullus morbus poſſit ſine medicamento ſolui,

*Medicina
eſt neceſſa-
ria.*

aut vt omnis possit cum medicamento, atque vtrumuis horum fiat, erit ars longe magis necessaria. Si verò sunt illa duo, necesse est sit etiam inter illa mediū morbi scilicet, qui medicamento solui possint, sine illo nō possint, ob quos cōstat, medicinam esse simpliciter necessariam. Dico autem simpliciter : nam ob quosdam etiam aliorum erit utilis. in illo enim genere morborum, qui sine medicamento solui possunt, sunt qui facile, & qui difficile : ob eos verò, qui etsi à sola natura vinci possint difficile autem soluuntur, utilis est medicina, vt interim natura minus laboret, & minus in posterum relinquatur noxæ : ob alios verò qui nullatenus sine eius ope soluūtur, est omnino necessaria. Rursus, sunt nonnulli morbi, qui errore ipsius naturæ constant, & augentur : quique proinde non nisi solius artis opera, etiam natura repugnante curationi, solui possunt. Quos si solui ad tuendam vitam necessarium est (est profectò aliquando) constat medicinam esse simpliciter necessariam. Nam pone, carnem (ita vt sit quotidie) crescere in vrinæ meatu nisi dissoluatur, non magis viuere possis, quam sine mictu. Non est autem quod expectes naturæ medellam, quia ipsa met natura est quæ auget, estq; ille morbus, & præter naturam auctæ, substantiæ verò naturalis incrementum. Sola igitur arte curari potest, ferro scilicet, aut excedēte medicamento. Est igitur tunc solius artis curare id, quo non curato, viuere non possis omnino. Igitur ars est simpliciter necessaria. Ad multa itaque utilis est, & ad quædam necessaria. Vtilitatis adscripsit Ecclesiasticus duo exempla, dicens. *Curans mitigabit dolorem, & vnguentarius faciet pigmenta suauitatis.* Nam hæc duo pertinent ad meliorem tolerantiam morbi, & quandam facultatis refectionem, vt scilicet per anodias vntio-

*Medicina
utilis ad
multa.*

ationes dolor mitescat, & per suauius pigmenta voluptas concilietur. Addit vero, & *vnctiones conficiet sanitatis*, quasi dicat, alias quoque conficiet vnctiones necessarias, quibus non soluat solum dolorē, aut voluptatem conciliet, sed morbum ipsum demoliatur, dolores aliquando etiam augens. Hæc igitur ita habent. Si vero medicina est ad multa utilis, & ad quædam necessaria, constat datam esse hominibus à Deo, alioqui deficeret Deus in necessariis. Neque hoc quospiam latuit mortalium. Omnes enim gentes medicinæ inuentionem in suos Deos retulerunt, aut illos ipsos homines qui putarentur inuenisse, retulerunt in numerum Deorum: quasi medicina non posset esse nisi Dei inuentum. Auxerunt quidem illam præstantissimi quidam viri præceptis & experimentis: & secundum Dialecticæ leges, methodo constituerunt. At vero primo, ab ipso rerum opifice data hominibus est, neque prius fuerunt ægroti quam medici, neque vnquam sine medicis. Illos enim sex centum annos quibus Roma caruit arte hac, Senatusconsulto damnata, mendacium esse merum, ipsa annorum computatione constat. Nam venit Romam (teste eodem Plinio) Archagatus, anno ab urbe condita 530. qui honorificentissime receptus est, & post illum semper plurimi subsequuti. Si igitur plusquam 600. ante annis, damnauerat artem Roma plusquam 70. annis antequam conderetur. Futilia itaque dicta sunt hæc omnia. Estque medicina Dei inuentum, quo nullo vnquam tempore caruit, aut omnino carere potuit, hominum genus. atqui profecto ita oportet. Nam eiusdem est, domum facere, & labentem reficere, ita & vestem, & calceum, & rem quamcunque. Cum ergo ad Deum spectet humani corporis formatio, & temperies, ad eundem spectet necesse est, eius conseruatio & re-

*Quando
ceperit
medicina.*

fectio. à Deo igitur est omnis medela. Quid igitur honorabilius ea arte, quæ necessaria est, & à Deo fluxit. At dicunt non est tanta vis medicamentis, neque experimento probatur quamplurima eorum, quæ ab iis qui de illorum facultatibus scripsere, dicta sunt. Ita est profecto, facileque concesserim, nulla de re magis medicos nugari quam de medicamentorum viribus, singulis tribuentes innumera, quorum multis experimenta non respondent, aut non euidenter. Sed nugentur illi quantum lubet, sunt nihilominus plurimæ, atque mirabiles medicamentorum vires, tametsi illi de quibusdam nugentur per leuitatem, alias exploratas non habeant per inertiam. Sed sunt etiam per omnia secula nonnulli prudentes docti & exercitati medici. Quid autem non speres, fieri posse circa humanum corpus, per naturalis cuiuspiam rei admotionem cum Moses iniecto in eos ligno quodam, magnos aquæ fontes, ex adeo amaris, vt neque à valde sitientibus possent degustari reddiderit dulces? Id quod naturali quapiam virtute effectum esse, super caput quindecim Exodi disputauimus. Cõstat verò ex hoc loco. Nisi enim naturali facultate id fecisset lignum, non bene in medicine confirmationem accommodaretur. Sed de hoc seorsum egimus, nunc procedamus. Dicunt alij. Sint quidẽ multæ virtutes tributæ rebus naturalibus earum verò cognitio non, est hominibus tributa. His respõdet Ecclesiasticus, dicens, *ad agnitionem hominum virtus illorum* (scilicet peruenit) *& dedit illorum scientiam hominibus altissimus, honorari in mirabilibus suis*, hoc est, vt honoraretur in mirabilibus suis. Quod est argumentum à fine. Quorsum enim fecisset Deus, nisi eorũ cognitio esset ad homines peruentura? quæ enim vtilitas accederet hominibus? aut quæ gloria Deo? necesse est ergo

ergo dederit Deus in ipso mundi initio facultatum
 talium scientiam. quam fortasse, quia exolescebat, po-
 stea dedit Salomoni, qui scripsit de omnibus ab Hyso-
 po usque ad Cedrum. Ex cuius scriptis multa arbitror
 deriuata esse ad Græcos, & ad Latinos, & Arabes & ad
 nos usque. Dicunt alij. Ah deficit iam plurimorū me-
 dicaminum vis. Ipsa quoque tarra velut defatigata, &
 tabescens, minus profert efficacia. Non est iam ea vir-
 tus rebus, quæ antiquitus. Cui sententiæ fauere viden-
 tur verba illa capitis quinti Esdræ, vbi de terræ totius
 & mundi senio agitur. Verba verò sunt hæc, post mul-
 ta alia facientia ad institutum idem. *Considera ergo &*
tu, quoniam minori statura es, præ his, qui ante vos, &
qui post vos, minori quam vos, quasi iam senescentes crea-
tura, & fortitudinem iuuentutis prætereuntes. Cæterū
 neque hic quartus Esdræ liber recipitur à Theologis
 inter sacros: neque mihi hæc sententia vnquam pro-
 bari potuit. Habet enim mundus ætates secundum di-
 uinas ordinationes, & rationem temporum, quā Deus
 apud se habet, non tamen secundum naturam, cū ne-
 que naturalis extiterit eius ortus, neque interitus fu-
 turus sit. Fieri quidem potest, vt vna aut altera terræ
 particula, longa cultura & assidua sermatione defati-
 gata, languerit, vt tamen tota, terra minime. Neque e-
 nim vnica particula languescit vnquam, velut quæ ve-
 rē senescunt, vt non possit, scilicet, vnquam imposte-
 rum vires resumere, ac velut reiuuenerē. Immo cir-
 culo quodam abeunt & redeunt omnia, secundum o-
 mnes & singulas partes. secundum omnes quidem per
 vicissitudines, aliis debilitatis, aliis fecundioribus red-
 ditis: secundum singulas autem, singulis debilitatis, &
 reffectis alternatē. Quapropter fieri potest, vt quæ a-
 liunde antiquitus deportabātur medicamenta, veniāt

*An ea-
 dē virtus
 sit medi-
 camentis
 quæ anti-
 quitus.*

nunc aliunde potiora, ac contra: vt verò omnia vbique debiliora effecta sint, fieri non potest. Atqui profectò nunc medicamenta non valent minus quàm antiquitus. Quinimo video medicos nunc multò magis illorum potentiam formidare, ac de dosibus antiquis magnam partem detraxisse. Quod facultatum non immutarum argumentum est. Iam verò copiam medicamentorum habemus longe maiorem, quàm nostræ Indiæ, & orientales abunde suppeditant. Haud dubie igitur (vt inquit Ecclesiasticus) *(non consumabuntur opera eius, hoc est, medici. Pax enim Dei super faciem terræ, hoc est, quia semper Dominus dabit benedictionem, & terra dabit fructum suum, alimenta scilicet, & medicamenta. Dicunt alij, imprudenter, vt dixi pij, morbos & sanitatem,* vitam, & mortem, voluntate Dei dispensari, neque rationem vllam esse euadendi, cū Deus morti homines destinauerit, aliqui verò ipsos per sese sanescere: quapropter ea arte opus non esse, quæ solum non morituros. Hic abundè contradiximus nuper, indicantes artis necessitatē, atque adeo esse morbos quosdam, qui arte quidē possint, sine ea verò non possint superari. Verum nunc aliter procedamus, vt hic locus postulat. Non dubium est morborum causas aliquando esse in peccatis. nam hoc ipsum præscriptæ orationis verbis vltimis testatur Ecclesiasticus, dicēs, *qui delinquit in conspectu eius qui fecit illum incidet in manus medici:* itaque ex peccatis nascuntur morbi, vt & aliæ omnes miseriæ. *Neque est in ciuitate* (vt inquit Propheta) *(malum quod non fecerit dominus.* Atque ipsa Ecclesia Catholica, penes quam prima ac summa auctoritas est, id testatur dicens, *Cum infirmitas corporalis nonnunquam ex peccato proveniat.* Nihilominus habent, etiam illi eidem morbi naturales, circa nostra

Morbi
ex pecca-
tis nascū-
tur.

corpora consistentes, causas. Nam ipsemet Ecclesiasticus explicuit multas tales, inter quas, multum esum dicens, *Si coactus fueris in edendo multum, surge & vomere, & non adduces corpori tuo infirmitatem.* Neque quidem Deus cum in morbum hominem ob peccata coniecit, vult nisi rarissime & maximis de causis per sese liberare, sed per hanc dignissimam artem, quam in humanæ salutis custodiam, & reparationem creauit. Nimirum hac ratione efficiens quod præcepit, honorem inquam tribuens medicinæ. Ipsemet Deus vulnerat & sanat, neutrum tamen nisi per naturales causas, siue enim morbos infert, in vindictam, aut castigationem, aut probationem, siue salutem miseratus nostri largitur, causis utitur secundis. Velut Tobiam excacauit stercore hirundinû, & sanauit Calionimi piscis fele. Si igitur morbi duplicem habet ortum, alium diuinum, alium naturalem, quid expediet ægrotos agere? certè pariter placare Deum, & medicationem adhibere. Si enim ad Deum cõfugiens, curationem paruiendas, peccas ob imprudentiam in ipsum Deum, qui post expiationes iubet locum dare medico, quia ipse creauit eum propter necessitatem, Quare falsa pietatis specie, incidis in impietatem, parui pedes illius opera: si verò oblationibus, & præcib. derelictis, solis medicinæ cõfidas operibus, pecces grauius, aliquid sine Deo rerû naturâ præstare posse, cõfidens. Ob quod peccatum (permittente Deo) rex Asa dolore pedum vehementissimo vexatus per bienniû, mortuus est, vt narratur secundo Paral. ca. 16. itaque infirmus placare debet Deû, & medicû adhibere in curationem. Quoniam verò, vt inquit Hippocrates, in ipso totius artis prohemio, non solum ægrotus se debet præstare opportuna facientem, sed & medicus, hunc quoque oportet

*Duplex
morborum
ortus.*

perinde facere, adhibere, scilicet, curationem, & dominum deprecari, vt dirigat opera sua, Requirendus igitur est, vt res bene cedat, medicus doctus pariter ac probus, vt possit vtrunque præstare curationem inquam idoneam, & præces. Huic verò habendus honor est, & sui gratia, quia eius opera sunt necessaria, Dei verò præcipuè, à quo creatus est propter necessitatem nostram. Hæc omnia adeo sunt rationi consentanea, vt nisi ei qui de Deo malè sentiat, aut nullam omnino notitiam habeat rerum naturalium, dubia esse non possint. Quæ his verbis complexus est Ecclesiasticus, *Fili in tua infirmitate ne despicias te ipsum* (sine vlla scilicet procuracione manens, vt iumentum) *(sed ora dominum & ipse sauabit te.* Non sit tamen satis orare, si in peccatis maneat, *sed auerte à delicto, & dirige manus,* restituens scilicet si quid rapueris, ac insuper tribuens pauperibus. *Et ab omni delicto munda cor tuum,* hoc est, neque solum non exequaris opere, sed neque concupiscas malum. *& da suauitatem & memoriam similaginis & impingua oblationem,* hoc est, offer abundanter munera Deo grata, tuncque (placato scilicet Deo) *da locum medico, etenim illum Deus creauit* (vt scilicet per illum largiretur salutem, quibus vellet) *& nō* (inquit) *discedat à te, quia eius opera sunt necessaria est enim tempus, quando in manus illorum incidas.* nimirum, omnia tempus habent, & tempus ægròtandi, & tempus vtendi medicis. *ipsi verò,* præterquàm quod idonea adhibebunt medicamenta, *dominū deprecabuntur, vt dirigat requiem eorum, & sanitatem,* hoc est, vt tribuat ægrotis sanitatem, & ipsis requiem animorum, impetrato eo, quod vehementer exoptant, & ob hanc ipsam causam, quæ Dei est bonitas, exaudientur, & tribuet Deus sanitatem ægrotis ob conuersationem, &

conui

conuictum eorum. Haberi igitur debere honorē medico, & naturæ lege (quandoquidem gentium omnium de re aliqua confirmata opinio lex est naturæ, ut inquit Cicero) & Diuino præcepto, iam constare videtur. Possunt verò ex philosophorum placitis nonnullæ etiā oriri obiectiones, quas dilui satius sit, quàm dissimulando præterire. Videtur enim scientiæ cuiuspiā dignitas, male necessitate extimari, siquidem Aristot. Cap. 2. primi metaphysicorum, de prima philosophia differens, inquit, *Cetera, itaque omnes magis ea necessaria sunt, nulla verò melior.* Itaque dicit artium omnium, *Scientia optima* aut scientiarum, eam esse optimam, quæ minimè necessaria, sit etiā vilissima, quare & minimo honore digna, quæ maximè necessaria. Neque profecto dubium est, longè aliud esse in rerum omnium generibus, quod honorabile, & quod necessarium. Quis enim neget naturales actiones, ut esse, bibere, egerere, & mingere, necessarias magis esse ad vitam tuendam, quam rationales, ut meditari, consultare, & disputare? constat verò quam sint hæ honorabiliores. Ita igitur dicere possis, medicinam artem esse maximè necessariam, vilem tamen, cum dignitas alia potius ratione sit extimanda, quàm necessitate. Dicit enim Arist. primo Politicorū. Cap. 6. *Sunt enim operationes illæ artificiosissimæ, in quibus minimū est fortuna: illæ sordidissimæ in quibus maximè inquinatur corpus: illæ seruilissimæ, in quibus corporis est vsus plurimum: illæ verò ignobilissimæ, in quibus minimum requiritur virtutis.* Ignobilis quidem hac ratione non sit medicina, non enim minimum virtutis cum eius recto vsu coniunctū est. Quin potius, ut nuper diximus, probus equè ac doctus esse debet medicus. Videri non possit, sordida ac seruilis, quia nō potest, sine magno corporis labore exerceri, cum opus

*De Me-
dicina ne-
cessitate*

fit ægrotos visere, & non raro medicus inquinatur, contrectâtque partes inunctas, aut per sese turpes, præcipuè cum Chyrurgia non minima pars medicinæ sit. sed neque admodum artificiosa videri alicui possit, cū in ea minimum putetur valere fortuna. Quis igitur honor haberi debeat arti seruili ac sordidæ, si præcipuè neque admodum artificiosa est, sed fortuna plena? his obiectionibus facturi satis, de necessitate dicamus primum. Nam & ad rem ipsam maximè expedit & ad verborum Ecclesiastici enarrationem. Certè neque quo scientia est minùs necessaria est ignobilior (alioqui esset prima philosophia, quam vocamus metaphysicam omnium ignobilissima) neque quo minus necessaria nobilior. Nā agricultura est, quàm mercurata nobilior, & multo magis necessaria. Et in ipsis mercaturæ generibus, quæ fæneratur est ignobilissima, eadèmq; quàm quæ emptione, & venditione cōstat mercium, multo minus reipublicæ necessaria. Quia agricultura, cum qua, & pecuaria intelligitur, secundum naturam est, mercatura mercium, præter naturā, fæneratio verò, etiam contra naturam, quia facit, ut pecunia pecuniam pariat, quæ tamen, natura sterilis est (auctor est Aristoteles primo Politicorum Capite septimo) igitur neque quo magis necessaria, eo nobilior ars quæpiam censenda est. Neque id dicit Ecclesiasticus, sed medicinam esse honorabilem, quia est necessaria. Nō tamen hinc fit, ut omnis honorabilis sit necessaria, sed ut omnis necessaria, quæ necessaria sit honorabilis. Dico autem quæ necessaria, quia cū non vnicā honoris causa sit necessitas, potest ob alia multa esse quæ necessaria, ignobilissima, ut carnificis opera, quæ fortasse in republica paucae sunt magis necessariae & nulla

& nulla vilior, non tamen est ob necessitatem vilis. (Nam ob hanc solum tollerabilis) sed ob alia multa. Necessitas igitur, cum accedunt alia, nobilitatem augeat, sola vero non valet efficere. Consideranda igitur alia quæ ad medicinam spectant, videndumque an ob ea etiam sit honore digna. Interest, ut apud Aristotelem legimus. 2. ethicorum. Capite duodecimo, laudabile quid dicere, aut honorabile. Laus enim debetur virtuti, quia est boni alicuius effectiva, honor vero posterius quidam ac præstantius est) quod debetur ob dignitatem, per operationem perfectæ virtutis comparatam. Itaque propriè laus est eius, quod boni cuiuspiam est effectivum, honor vero eius dignitatis, quam virtus peperit. Ita mihi fieri videtur, ut laudabile merito nihil sit, quod non sit etiam honore dignum (dignitas enim necessario sequitur virtutem) honorabilia vero nonnulla quæ laudem nullam merentur, quia laus eorum solum est quorum & virtus, honor vero etiam attingit posteros. honoramus enim viros maiorum virtute, & rebus bene gestis nobiles, idque merito, neque sine iniuria possumus illos eo honore privare. Quia cum fortunæ posterum ad defunctos pertineat, suorum maiorum id debetur virtuti: atque, etsi virtus non possit, dignitas tamen possit esse hereditaria. Nemo tamen qui mentis sit compos eos laudet, quod tam bonis parentibus nati sint, magis quam quod Romæ nati, aut pulchri, aut proceri, quia nulla eorum virtute id effectum est, sed nascendi sorte. Quæ quidem in re præstant homines novi iis, qui veteri gaudent nobilitate: quod hi honorandi solum, illi vero etiam laudandi sint, nisi tamen virtute propria augeant veterem nobilitatem, ita enim, & laudem habent propriam, & honorem duplicem. His itaque consti-

*Laudabile
quid sit.*

tutis, constat medicum laudari debere, quia medicina virtute comparatur, & exercetur, estque boni magni effectiua, quod si laudari, certè & honore haberi ac tanto maiori, quanto maiorem dignitatem conciliat. Nam scitur verò dignitas ex nobilitate subiecti, & finis: subiectum verò circa quòd versatur est humanum corpus, corporearum omnium substantiarum haud dubie præstantissima, finis verò sanitas, summum bonorum omnium quæ ad corpus spectant. quæ enim sanitate sunt meliora, pertinent ad animam. Iure igitur medicis in omni bene constituta Rep. honores magni legibus decernuntur, & illorum posteris: quòd hæc ars, vt & ciuilis, & bellica honorabilissima sit. Neque quæ ex aduerso obiecta sunt, habent quippiam momenti. fortuna enim fieri, quæ in medicina bene cedunt, vulgi, & imperitorum sententia est, qui si dato medicamento expurganti, succedit expurgatio copiosa, facilis, & utilis; aut secta vena cessat dolor, aut soluitur statim febris, bonæ medici fortunæ id imputant, cum deberent arti. Nihil enim est minus quàm fortuna. Nam hæc solum est, cum quid rectè euenit præter intentionem agentis. si verò medicus vt expurgaret, dedit medicamentum expurgans, & expurgauit, artis est rectè adhibitæ, non fortunæ neque enim quia potuit decipi, & arte male vt, fortunæ est non esse deceptum, sed artis, vt decipi esset erroris, & inertix. Habet quidem fortuna etiam in medicina locum aliquem vt in alia arte quacūque, cum scilicet artifice aliud procurate, aliud idque melius quàm expetebatur, euenit. Vt si cum pharmacum expurgandi per alium gratiam dederit, menses qui erant suppressi erumpant, aut vomica aliqua puris in aliquo viscere, vel in ipso ventre latitans rumpatur, & expurgetur, aut calculus è rene de-
 detru

*Medicine
subiectum
& finis.*

detrudatur, & mictu erumpat. Verum hæc perpauca sunt præ illis quæ ex arte, atque ex medici instituto, fiunt. Atque ea ipsa fortuita sunt huic medico, potiusquam ipsi medicinæ, quia non sine naturali causa fiunt, quam alius fortasse medicus intelligens, illud ipsum auxilium direxisset, in id quod euenit. Nam ipsemet Hipp. 6. Epidem. ad calculos renum iubet uti phar-maco expurganti, sciens certè illius usu solere detrudi. mi-nimus igitur locus superest fortunæ in medicina, quo sit ut sit. artificiosissima. Multo profectò maiorem lo-cum habet in re bellica, in qua nonnunquam euenit, qui se parabant ad fugam, videri inimicis velle præ-lium inire, illisque ob id fugientibus prius, victoriam fortuna manere, apud eos qui iam cœperant fugam capere. Artificiosior ergo multo est medica ars, quàm militaris. Neque mirum. hæc enim usu non adeo lon-go comparatur mediocriter; illa non sine philosophiæ studio, & multis lucubrationibus, ac longo insuper v-su. Haud dubie igitur est per se artificiosissima, nunc verò ab optimis auctoribus adeo eleganti methodo constituta, ut mihi videatur nulla artium cum illa pos-se de methodo, & constitutione contendere. Iuris e-

Iurispruden-tia & me-dicina cõ-paratio.

nim peritia, quam hominum ambitio omni ex parte medicinæ anteposit, aliis quidem causis fortasse vin-cit, ut mox explicabo, methodo vero longo spacio à medicina relinquitur. Iam vero medicis nullus labor corporalis, nisi ex accidenti: quia scilicet, non possunt ægroti ob debilitatem ad eos adduci, alioqui constat eos non curare visendo, sed consulendo. non aliter ac cathedræ moderat or, docere non potest, nisi quo-tidie abeat in lyceum, eius vero officium docerè est, non abire. neque peripatetici officium erat deambu-lare, nisi per accidens, quia deambulans disputabat,

Nobilitas verò artis non expectatur ab eo, quod per accidens, sed quod per se facit, aut patitur artifex: nobilissima enim est ars imperatoria, quia eius est imperare, & si non possit id sine magnis laboribus exequi. Iam verò elegantior medicinæ pars, à qua Chirurgia, & pharmacopæia separatur, solū medetur victus institutione, & ex syngrapha pharmacis, & sine omni fordicie tractari potest. Quinimo mundicies omnis, & ornatus splendidus, decet admodum medicos, vt licet videre apud Hipp. libello de medico, vbi consulit medicum vestitu decoro, & vnguentis odoratis vti. Neque si quid, humanæ necessitatis causa, admittit fordiciæ, vt frequenter contemplari vrinā, ac, vbi necessitas poscit, etiam feces, haberi id debet tupiditudo, aut ignobilitati, quin potius virtuti. Condonandūque id est subiecti dignitati. Neque verò quod suæ operæ mercedem accipiant, nobilitati detrahit. nam & milites merent, & duces, & ipsi Imperatores. Neque ad nobilitatem interest mercedem recipias an non, sed ex qua arte recipias. Neque medicus lucratur quā medicus, sed cum idem sit medicus & paterfamilias, quia medicus medetur, quā paterfamilias victum quærit familiæ, ex arte honesta & nobili. Nam cum victus quærendi industria ad æconomicam pertineat, sitque muneris patris familias, & ea tribus constet, agricultura mercatura, & arte: victum ex agricultura quære, nobile certè est, & maximè secundum naturam, ex mercatura est præter naturam, & nisi accedat magna opulentia (quæ tamen, raro Iusta est) ignobile: ex arte verò, nunc nobile, nunc ignobile, vt ipsa est ars. Medicinam verò ex aliis indicatum est, esse nobilem: quare victum ex ea comparare, ignobile non est Sed quo honoris loco sit habenda, superest explicemus, nequid desi-

desideretur in hac lucubratione. Multis medicis videtur, eisdem argumentis effici, hanc artem honore magno esse dignam, & esse omnium dignissimam, atque præferendam Iuris peritiæ, & aliis omnibus disciplinis. Quorum sententiæ videtur favere Aristotel. Capite quinto, libri primi rhetoricorum, qui recensens omnes honoris causas primo loco ponit facultatem benefaciendi, in iis, quæ pertinent ad salutem, vitamque tuendam. Mihi verò videntur multis modis falli, neque rem ad exactum ducere: quod mihi nunc agendum est, republ. in omnes suas partes distributa, & considerata singularum dignitate. Tria mihi esse videntur totius reipub. membra principalia ut & hominibus. Ea sunt in republica agricultura, res bellica, & litteraria in homine Iecur, in quo residet facultas naturalis, ad quam spectat omnis nutritio: Cor, in quo facultas vitalis, & irascibilis: & cerebrum in quo mēs, & tota cognitio. vides quæ cui respondeat. Agricultura enim naturali, quia alimenta suppeditat civitati; bellica ars irascibili, quia repellit si quid inferatur violentiæ; aut impeditenti; literarum studium cognitiuæ facultati, quia spectat ad intelligentiam. porro ut præter tria membra, quæ principalia vocantur sunt in homine alia multa minus principalia externaque ut manus, & crura: ita in Repu. præter dictas tres partes, sunt aliæ externæ & minus nobiles, ut mercatura & artes mechanicæ. Ex dictis haud dubie fit, ut primus honoris gradus debeatur Republicæ rei literariæ, secundus bellicæ, sintque duæ hæ viæ ad nobilitatem: post has verò agriculturæ debeatur honor antiquitatis, & naturæ. ea enim fuit prima mūdi ars, & maximè naturalis, quā hoc nomine commendat Ecclesi. Cap. dicens. *Non oderis laboriosa opera, & rusticationem*

*Honoris
gradus in
repub.*

creatam ab altissimo. Manet etiam mechanicas artes
 suus honor. maximum enim dedecus in inertia. Con-
 stat verò rem literariam honorabiliorem esse bellica,
 quia bello nihil esset magis ferinum nisi compararetur
 ad tuendam pacem, & ut vacent homines sapien-
 tiæ, in qua est omnis veri, & boni contemplatio, & ve-
 rus Dei cultus. ipsa igitur sapiëntia, & intelligentia præ-
 stantior multò est quàm bellum. quia propter vnum
 quòdque tale est, illud magis tale est. Cum verò id di-
 citus, secundum genus, intelligimus. Habet enim v-
 traque pars Reip. & bellica inquam, & literaria, par-
 tes multas dignitate dispares. Neque omnes litera-
 rias, bellicis omnibus anteponimus (neque enim grā-
 maticum imperatori) sed præcipuas præcipuis, me-
 diocres mediocribus, & infimis infimas. Porro res li-
 teraria tres habet disciplinas principes, & quibus al-
 iæ inferioris notæ ministrant, hæ sunt Theologia, Iu-
 risperitia, & medicina. Ministrant his tres sermotional-
 es, Grammatica, Rhetorica, & Dialectica: duæ philo-
 sophiæ naturæ, & morù: & mathematicæ vocatæ sci-
 tiæ. In tribus primis, haud dubium est, primum & sum-
 mum honorem deberi Theologiæ. Quia ut Aristo-
 teles Capite secundo, primi metaphysicorum dicit,
quæ diuinissima vadem, & honorabilissima est: ea verò est,
quam maximè Deus habet, & quæ maximè diuinorū est.
 Hæc Aristot. quæ Theologiæ congruunt. Ea enim est
 scientia rerum diuinarum, quæ quidem principia sua
 penes Deum habet, & mentes beatorum. Huic itaque
 non est quod vlla alia certet: tametsi audiui quosdam
 sciolos, volentes huic quoque civilem artem præfer-
 re, hoc argumento, quod ut aliis omnibus artibus, ita
 etiam Theologia videatur ars civilis uti. Non enim
 minus videtur cautum legibus, & ad civilem spectare,
 ne in

Discipli-
 na quæ
 principes
 & mini-
 stre.

Theologia
 & Iuris-
 prudentiæ
 compara-
 tio.

ne in Rep. sacra defint, quàm vt iustæ, & salubriter viuatur, & artium omnium ministeria exerceantur, vt oportet. si igitur (dicunt) ciuilis Theologia, vtitur, præstabiliior quàm illa est. hic vero optimè occurrit Aristoteles in calce capitis vltimi sexti Ethicorum, disserrans de prudentia, his verbis.

At verò neque sapientiæ præest, neque præstabiliioris est partis, sicut neque ars medendi præsidet sanitati. non enim vtitur ipsa, sed videt, vt fiat. illius igitur gratia, non autem illi iubet. Præterea simile est, ac si quispiam facultatem ciuilem principum esse Deorum, sine diuinorum dicat, propterea quod præcipit de omnibus quæ aguntur in ciuitate, His verbis, Aristoteles docet, eos qui prudentiam sapientiæ præferunt, aut ciuilem facultatem ei quæ de diuinis est, perinde errare, ac si quis dicat medicinam esse potiore sanitate: quia vt medicina non vtitur sanitatem, sed medicamentis propter sanitatem, ita neque prudentia sapientia, sed mediis prudenter inuentis ad consequendam sapientiam. Et ars ciuilis non vtitur peritia rerum diuinarum, sed legibus, vt rebus diuinis ciuitas vacet. Itaque in diuinis est finis rerum omnium diuinarum, Theologia vero est de rebus diuinis, ac proinde omnibus scientiis sine contentione præferenda. Solùm igitur superest agitatissima illa inter medicos, & iurisconsultos controuersia, illis dicentibus, se non de fideiussione, stipulatione, & iure hæreditario, quæ solum pertinent ad tuendam rem familiarem, agere, sed de propulsandis morbis, tuenda valetudine, ac denique seruanda vita, qua nihil esse mortalibus prætiosius: his contra respondentibus, se non singulorum hominum, sed totius reipub. vitam tueri, ac sanitatem, hoc est, Iustitiam. Quam ego controuersiam citra inuidiam dirimam. Satis enim mihi

De controuersia inter medicos & iurisconsultos.

esse, videtur, si mea ars sit in præclaris, quin sit omnium præstantissima. Iuris peritia duas habet partes, alteram civilem quæ versatur in gerenda Repub. alteram litigiosam quæ in agendis causis, Prima haud dubie medicinæ præferenda est. Nam Aristoteles 2. ethicorum Capite decimotertio, ita inquit, *Facultas civilis honorabilior medicina est, atque præstabilior.* Causa verò est, quòd medicus de seruanda solius corporis valetudine agit, atque si quando de temperantia, & cohibendis animi affectibus, id quoque refert in corporis valetudinem: civilis verò de formandis moribus, & continendis omnibus in officio. Quod quanto sit præstabilius quàm bene valere, satis constat. Alteram etiam partem, & litigiosam, præfert medicinæ hominum auaritia, & inscitia, tamen hanc immeritò fortasse.

Quia hæc, non, vt civilis agit per se de Reipub. constitutione, & bonis moribus, sed de singulorum Iure, vt neque medicus de hominis salute, sed huius, & illius. Eorum verò quæ lite possunt detrahi, aut tribui, nihil est cum vita conferendum de eripiendis enim animi bonis (quæ sola rectè vitæ præferuntur) nunquàm est inter homines orta lis. Præstabilior igitur est ea ars quæ curat ne homo ante fatale tempus intereat, quàm quæ ne illi quippiam suorum bonorum iniuria detrahatur. Honore igitur dignam esse medicinam, & quo honoris gradu dictum est.

CAPVT SEPTVAGESIMVM
QVINTVM.

ECCLESIASTICI³³. Et sic intue-
ri in omnia opera Altissimi; duo contra
duo, & vnum contra vnum. Vsurpatissi-
mum est peripateticis omnibus Axio-
ma illud Aristotelicum, Vnum vni est *Contra*
contrarium. Vnde fit, vt duo aut plura non possint es- *que.*
se contraria vni, quare neque vnum duobus aut plu-
ribus, sed necessario contra vnum, & duo contra duo,
& plura contra plura. Quod euidenti monstratione
videtur confirmari posse, posita definitione contra-
riorum. Nam contraria sunt, quæ sub eodem genere
posita longissimè distant: at verò ab vno non possunt
in eodem genere plura æqualiter distare, necesse est
igitur vt vnum sit, quod distet longissimè, non posse
autem duo distare æqualiter, constat. Nam aut illa
duo distant loco, aut magnitudine, aut ratione aliqua.
Si loco, aut secundum eandem lineam, aut secundum
diuersas. Si secundum diuersas distant duo æqualiter
ab vno, necesse est illud vnum sit centrum duarum li-
nearum, & illarum extremitatum, atque ita non po-
test illud vnum esse quod longissimè distet ab illis
duobus. Nam productis vltra centrum ambabus li-
neis erunt duæ aliæ extremitates longius distantes à
duabus primis quàm illud medium. igitur illud vnum
neutri est contrarium, nedum ambabus. Si verò duo il-
la secundum diuersas lineas distant inæqualiter ab v-
no, non distant ambo longissimè, sed alterum. quare
secundum diuersas lineas, non possunt esse contraria
vni, duo aut plura. Multo autem minùs secundum

eandem lineam. Nam aut versus eandem partem, aut versus oppositam: Secundum eandem lineam, & versus eandem partem, non possunt duo ab vno æqualiter distare. nam neque duo puncta eiusdem lineæ, quæ ducatur à centro ad peripheriam, possunt æqualiter distare à centro. Si autem non distant æqualiter, non distant ambo longissimè ab vno, sed alterum longius. Si vero ponis duo illa distare ab vno secundum eandem partem, tunc à neutro distat illud vnum longissimè, quia longius distat alterum ab altero. Nullo igitur modo possunt secundum locum distare duo ab vno longissime, sed vnum ab vno, vt supremum ab imo, & duo à duobus, vt supremum, & dextrum ab imo, & sinistro: magnitudinis eadem omnino ratio est, quæ & loci. Quæ ratione aliqua, aut natura, aut forma (nihil enim refert) distant, ea etiam necesse est esse tantum duo, ita vt & vni vnicum sit contrarium. Nam si duo distant ab vno, aut secundum eandem rationem, aut secundum diuersas. Secundum eandem non possunt duo ab vno distare æqualiter. nam si illa ratio distandi æqualiter participatur, secundum illam rationem, vnica fit species non duæ, velut à candore non possunt distare duo calores æqualiter, sed quæcunque à candido recedunt æqualiter eodem calore sunt, quia colorum differentia, solo maiori aut minori recessu constat. Igitur quod summæ recedit vnicum est. Si vero duo illa ab vnico recedunt æqualiter secundum diuersas rationes, iam non sub eodem genere sunt, sed sub diuersis. nam illa ratio secundum quàm distant contraria, genus illorum est. Velut color est genus quo, & conueniunt & distant candida, & nigra. Si vero diuersis generibus communicant duo vni, illud vnum ad duo pertinet genera, quæ autem ad duo genera pertinet

tinet, non vnum, sed duo est, vt lac, album, & dulce.
 Neque enim quia dulce, & candidum sunt in eodem
 lacte, non sint duo, & duobus contraria, puta nigro &
 amaro. Vnum igitur vni, & duobus duo statuere cō-
 traria, necesse est. Neque dictis obstat, videri avaritiæ
 esse contraria duo, puta liberalitatem, & prodigalita-
 tem: ita verò, & in aliis virtutibus, & vitiis. Cum enim
 autore Aristo. virtus in mediocritate, atque inter duo
 vitia statuatur, videbitur virtus contraria esse vtrique *Vitia duo*
 vitio, & vitia ipsa inter se. Quare & virtuti, & vitiorum *an vni*
 vtrique erunt contraria bina. Nam virtuti duo vitia, *virtuti cō*
 & vitiorum vtriusque virtus. & vitium alterum. Nō in- *traria.*
 quam, hoc dictis obstat. Non enim liberalitas contra-
 ria est avaritiæ neque prodigalitati, si exactè loqui vo-
 lumus, sed liberalitas illiberalitati, atque sub illibera-
 litatis genere, avaritia prodigalitati. itaque liberalitas
 & illiberalitas sunt species cōtrariæ, sub eodē genere,
 puta sub habitu animę pertinenti ad largitionem, hic *Prodiga-*
 enim habitus liberalitas, aut illiberalitas est. hæc rur- *litati con*
 sum avaritia, aut prodigalitas. Atq; ita ego non cōce- *trarium.*
 derem virtutē vllam in medio vitiorū esse, quia quod
 in medio est participat vtroque extremo, nihil autem
 distat magis à vitio quàm virtus. Neque sanè prodi-
 gus tantum distat ab avaro, quàm liberalis, quia hic ha-
 bet cum Iustitia coniunctam liberalitatem. Illorum
 vterque abest à iustitia: quare facile vterque furatur,
 conueniuntque ambo in vno genere illiberalitatis,
 quo liberalis differt, ab vtroque. Potius dixerim vir-
 tutem omnem contrariam esse certo cuidam generi
 vitiorum, idque genus diuidi in duo contraria vitia,
 quorum vtrunque moderatur virtus, non vt medium
 illorum, sed vt contrarium eorum generi. Itaque illa
 duo sunt vni virtuti contraria, non quæ duo, sed quæ

*Saporū cō
trarietas.*

ynum genus. Mox verò ac duo fiunt, est alterum alteri contrarium. itaque in eis quoque euenit, vt sit ynum vni contrarium. Videtur dictis repugnare saporum genus, quandoquidem Aristoteles dulce, & amarum, dicit esse contraria Galenus acerbum, & amarū. Quæ si vera sunt, constat amaro esse duo contraria, dulce & acerbum. Verum hæc non eadem ratione, neque secundum eandem considerationem dicuntur: nam re vera, quæ sapores, dulce & amarum contraria sunt, quia longè diuersas passiones inferunt gustandi potentia, alterum voluptatem, alterum magnam molestiam. Verum quæ alterationem aliquam nostris corporibus afferunt, quæ talibus qualitatibus sunt affecta (quod ad considerationem medicam magis spectat) acerbæ, & amara statuuntur contraria, quia illa astringunt, & refrigerant, hæc calefaciunt & dissoluunt, ac dilacerant. constat verò has esse considerationes diuersas. Vt cunque verò considerentur res vno modo, est vnum vni contrarium. Sed quoniam Ecclesiasticus iubet intueri in omnia opera altissimi, sermonem vltèriùs producamus. Non solum quod diximus verum est in iis, quæ propriè vocantur contraria, sed in naturalibus etiam rerum antipatiis. Nimirum animalia non omnia cum omnibus exercent inimicitias, atque cum multa alicui videantur aduersari, non tamen æquè omnia illa, sed est quod aduersetur præcipuè cui cunque quoddam certum. Velut leporem Canis insectatur, non ita Lupus, aut Leo, neque ita fœlem, aut murem. felis murem, non ita aliud quodpiam animal. In inanimis quoque rebus perinde euenit: cum enim sint quædam antidota, & simplicia, & composita, quæ censentur pluribus venenis aduersari, vt lapis bezahar & Theriaca, tamen sunt singulis venenis singula antidota

*Anti-
patis na-
turalis.*

*Bezahar
lapis.*

dotata propria, quia est quod cuiq; peculiariter ac propriè aduersetur, velut aconito ruta, opio generosum vinum, lepori marino lac. Itaque sunt quædam simpliciter antidota, quædam quorundam. atque deteteriorû generi aduersatur genus alexipharmacorû, vnû vni (est enim quodammodo etiam vnum genus omne) cui-cunque venenosum antidotum. Porro naturalem hâc contrarietatis legem imitari videntur etiam hominû simultates, & odia. quæcunque enim inter plurimos, siue in vna domo, siue in ciuitate, siue in regno, siue etiam inter multa regna, oriantur, dissidia, mox omnes ad quos illorû causa vtcunq; pertinet, ferûntur in duas factiones. adeo diuisioni accommodatus numerus, est dualitas. Itaq; videntur odia omnia, siue naturalia, siue volûtaria, exerceri per binarios, vt necesse sit, vnû esse cõtra vnû, duo cõtra duos, & ita deinceps. Habent verò hæc omnia causam nõ valdè dissidentē à priori: Nimirum vnû quidam esse semper id secundû quod aduersari contingat: secundû vnû verò non posse distare longissimè nisi duo. Nam antipatiæ naturales, ex naturali quapiam dissimilitudine nascuntur, dissimilitudo verò est similitudinis vacuitas: similitudini verò cuicunque est vnum subiectum. igitur & dissimilitudo omnis est secundum vnum aduersitas, iam verò causa omnis dissidij, quod nascitur inter homines, redigitur ad affirmationē, aut negationem. Quare necesse est abeant primû in duas sententias, tamen illarû quæcûq; possit deinceps abire in alias diuisiones. Præter dicta videtur etiã præscripta oratio Ecclesiastici, continere dogma quoddam Epicuri de vocata illi *ισομετρία*, seu, vt interpretatur Cicero primo de natura Deorum, æquabili tributione, seu æquilibrata. Annotauit enim Epicurus non ineptè, eam esse naturam rerum, vt

Simultatium contrarietas quando ad vnum reuocetur.

Æquilibrata.

Corporis
partes tri-
na.

omnia omnibus, paribus paria respondeant, & similia
similibus, & contraria contrariis, & opposita. ita vt in
omnibus, & singulis seruetur æqualitas, & respondē-
tia, quædam. Velut, totidē esse quæ conseruent, & quæ
interimant: atque corporeorum, & corpore carentiū,
mortalium, & immortalium, & aliorum omnium que
secundum oppositionem dicuntur, esse quandam æ-
quabilitatem. Quam Galenus quoque in membris ho-
minis, quæ secundum opposita latera sita sunt, dex-
tram, dico, & sinistram partem animaduertit, mirūm-
que in modum celebravit, iustitiam naturæ appellās.
Nimirum nulla pars est in villo laterum, cui non in al-
tero sit opposita æqualis altera. Nā aut geminæ sunt,
estque altera in altero latere opposita, æquabilitatem
etiam situs obseruans, vt oculi, aures, narium forami-
na, renes, testes, manūsque; & crura, & eorum digiti: aut
simplices eæque in medio sitæ, vt cerebrū, cor, pulmo,
vētricus, vesica, & vterus; inter externas, frōs, os, & co-
lis, aut secundum latera contrapositæ ad æqualitatem
vt hepatis opponitur lien. Duæ tantum particulæ vi-
deri possint *ισονομίαν* corrumpere, vena, quæ vocatur
ἀχυσος, hoc est sine coniuge, quia ea sola inter omnes,
non oritur gemina, & intestinum vocatum Cæcum,
quod in dextra solum parte situm est sub rene. Verū
neque hæ, rectè consideranti, citra æqualitatem esse
videbuntur, quia vena, mox ac oritur ex sinistra refle-
ctitur ad dextram partem, vt hætenus, neque dextra
neque sinistra esse videatur, sed transuersim posita in
medio. Mox repit deorsum, æquales ramos emittēs in
oppositas partes per singula spatia intercostalia, vsque;
dum infumitur tota in modum spinæ cuiusdam. Iā ve-
ro Cæcum intestinū, totius intestini pars est, vt & Co-
lum. rependitur verò ea pars, qua intestinum vocatur
cæcum

Vena a-
zygos.
Intestinū
cæcum.

cæcum, maiori colli ad partem oppositam amplitudine. Itaque & secundum genera similibus, oppositorum, & contrariorum, & singulas species, & partes singularum rerum retinet natura æquabilitatem, & vocatam Epicuro *ισονομία*. atque ut inquit Ecclesiasticus, *In omnibus operibus altissimi duo contra duo, & vnum contra vnum.*

CAPVT SEPTVAGESIMVM.

S E X T V M.



A P. 42. Ecclesiastici. *Omnia duplicia, vnum contra vnum, & non fecit quidquam deesse.* Postquam Ecclesiasticus Capit. hoc percurrerat plurima, & præclarissima operum Dei, postremò paucis his verbis, totius vniuersitatis rerum rationem cõplexus est. Verè enim tota rerũ vniuersitas, & tota eius perfectio hac ratione constat. *Fecit Deus omnia duplicia, & vnum contra vnum & non fecit quidquam deesse*, eorũ quæ ad perfectionem vniuersitatis spectant. Sed quo pacto sunt omnia duplicia? an est duplex Sol? & Luna duplex? aut etiam terrarum orbes duo? Immo verò videntur præcipuè mundi partes esse simplices, vnica enim terra, mare vnicum: res verò quæ multiplicitate constant, haud scio an vllæ sint geminæ, sed multæ: ut multi homines, stellæ multæ, angeli quoque, aut sua specie singuli, aut quacũque plurimi. Quæ sunt igitur hæc duplicia? In microcosmo certè quædam sunt gemina, ut renes, testes oculi, nares, aures, manus ac pedes: quædam verò singula, ut vesica, vētricus, caput: quædam multiplicia, ut digiti, & dentes: quomodo ergo sunt duplicia omnia? certè non sunt res omnes ge-

Creata duplicia.

minæ. Immo verò non est numerus, quem non alicui rerum generi aptare possis, & si incipias ab vnitæte. Nam est vnicus mūdus, & vnicus mundi rector, & vnicus Sol, sunt duo luminaria magna, duo sexus, Tres mundi corporalis partes, seu regiones, corruptibiliū, taptum mobiliū, & immobiliū. tres corporis dimēfiones, tres diuinę personæ. Quatuor elemēta, quatuor corū virtutes, quatuor anni partes, totidē concre torum corporum tēperamenta. Quinque sensus, quin que vocalia elementa, quinq; digiti; Sex apparent pleiades: Septem planetæ, vt & triones: Ocho orbes itel lati; Nouem angelorum ordines: Decem rerum genera. Quo pacto ergo sunt omnia duplicia? Certè secundum contrarietates: quia rerum multiplicitas formalis, nascitur ex diuisione generū, & diuisiones fiunt per differentias contrarias, vni verò nō est nisi vnum contrarium: & non facit Deus quidquam deficere, quia tota rerum vniuersitas opus perfectū est, ac proinde in quocunque rerum genere, si vnum contrarium est, necesse est alterum omnino esse. Velut quoniam est numerus aliquis par, necesse est esse etiā aliquem imparē, si res aliqua calida, necesse est esse aliquam frigidam. atque si candida, aliqua etiam sit nigra. Alioqui manca esset, & insufficiens rerum vniuersitas: nisi inquām essent omnia rerum possibilium genera, & omnium generū differētię omnes. Non enim est perfectum, & integrum cui aliquid deest. tametsi verò sunt quorundam generum differentię multæ, omnes tamen illæ ad duas rediguntur, aut duarum mistura constant. Velut animalium differentię rediguntur ad rationale, & rationis expers; & colores omnes constant mistura albi & nigri; & sapes dulcis, & amari; soni grauis, & acuti. Itaque omnia genera re-

rerum quibus constat hæc vniuersitas sunt duplicia secundum differentiarum oppositionem, quia vnum vni contrarium est, & non fecit quidquam deesse: Cōstare verò totam rerum vniuersitatē rebus geminis, & multitudinem omnem fluere à binario, constat primum hac ratione. Ipsum Ens, primum quidē duplex est alterū enim semper ens, alterum non semper ens rursus ipsum non semper ens, duplex. nam alterum est per se existit, alterum alicui accidēs. Rursus quod per se existit alterum corporeum, alterum incorporeum. Porro ens corporeū alterum generabile, & corruptibile, alterum sine ortu, & interitu. Rursus quod ortui, & interitui obnoxium, simplex, quod & elementum vocamus, aut mistum. rursus mistum; viuens, aut vita carens, & quod viuit, sensu præditum aut sine sensu, & quod sentit, rationale est aut irrationale. Porro elementum duplex, alterum actiuum alterum passiuum, etiam vtrunque horum duplex, nam alterum calidum, aut frigidum: alterum humidum, aut siccum. Alia omnia horum mistura constant. cuiusque quoque corporis, siue simplicis inquam siue compositi, duplex est principium, forma, & potentia. Genera quoque omnium, quæ mixture constant, sunt diuisione duplicia, vt de visibilibus, gustabilibus, & audibilibus indicatum est. eadem autem est ratio omnium patibilium Qualitatum. Itaque constat omnia esse in hac vniuersitate duplicia aut ad duo redigi, quia cuiusque generis prima diuisio est, in duas differentias oppositas. Hoc tamen non prohibet esse quinque digitos, & septē Planetas & Stellæ fixas innumeras, & huiusmodi alia. quia illa duplicitas non est in cuiusque speciei singulis, sed in ipsis generum differentiis. Quoniam ergo genera omnia diuiduntur per opposita, &

Binarium rerū principium.

Generum opposita.

vnum est vni contrarium, constiat (siquidem mundus perfectus est) fieri non posse, vt quidquam deficiat, eorum quæ verè existentibus opposita sunt, verbi gratia, quandoquidem est aliquid aliquando ens, aliquando non ens, necesse est esse aliquid semper ens. & quoniam est aliquid alteri accidens, necesse est sit aliquid per se subsistens. & quoniam est aliqua substantia corporea, sit etiam aliqua incorporea. & quoniam est aliquod corpus corruptibile, sit etiam aliquod incorruptibile, & quia generabilium quædam sunt mixta, sint necessario quædam simplicia, atque in his si sunt actiua, passiuæ quoque sint, vt & in ipsis rerum principiis. Et quoniam calidum, & frigidum contraria sunt, si res quædam sunt calidæ, necessario sint aliæ frigidæ. & si enim omnes hæ, & aliæ huiusmodi consequutiones habent peculiare alias necessitates, omnes tamen illam communem, quod non fecit Deus quidquam deesse. Nimirum insufficiens, & imperfecta, atque, vt sic dicam, manca & mutila esset rerum vniuersitas, atque adeò ne vniuersitas quidem esset, nisi haberet vniuersa. Nam hæc est ratio totius, vt nihil desit. Dices hinc fieri, vt necessario sint in mundo animalia immortalia (cuiusmodi esse Deos, & cælestia corpora multi philosophorum putauêre) siquidem sunt mortalia: at verò nõ fit, quia mortale, & immortale non sunt differentiæ animalis, immo alterum repugnat, alterum necessario inest animali. non enim potest esse animal quod nõ sit sensituum, neque sensituum quod non passiuum corruptiuè, neque hoc quod non mortale. Ergo mortale, per quædam media, est in ratione animalis. Non possunt ergo esse animalis differentiæ mortale, & immortale. velut ergo nemo dicet, quia est homo rationalis, esse hominem irrationalem, ita neque quia est animal mor-

mortale, sit animal immortale, sed quoniam ipse mortalis, & immortalis rationes contrariæ sunt, & sunt res quædam mortales, sint necessario aliæ res immortales Itaque (vt resumentes sermonem dicamus) sunt rationes rerum omnium duplices, & neutra ex parte claudicat vniuersitas. singula tamen, vt homines, equi, & stellæ, innumera, omnis tamen multitudo rerum quarumcunque, multiplicatur per dualitatem, vt animalia per duplicem sexum. & quæ sexu carent per duplex principium, materiam, & formam, seu potentiam & actum. Ne sanè quidquā est, quod omninò careat dualitate, præter id, quod perfectissimè est vnum per se ac semper ens, à quo facta sunt omnia, & non fecit quidquam deesse, cui honor, & gloria in æternum.

CAPVT SEPTVAGESIMVM

SEPTIMVM.



APITE quadragesimotertio, Ecclesiastici legimus, *Gelu sicut salem effundet super terram.*

Quæ verba nonnulli referunt ad salis naturam, dicentes salem concreescere vt gelu à frigore, haberéque similem illi generationem. Quod tamen facillimè redarguitur, quia celebratissimum est apud omnes physicos, à contrariis dissolui rem quamcunque, iis à quibus compacta est, Sal à nula causa minùs dissoluitur, quàm calore, quia ad ignem ficcatur ac vritur, dissoluitur verò ab aqua, vt quæ constructa sunt calore. Neque verò dici potest, constructum esse ab utroque, vt fragile, esset enim illiquabile vt illud, non est tamè, sed facillimè liquefcit, vbi quippiã accedit humiditatis. Illud igitur quod de sale, hoc

*De sale co
piose.*

loco dicitur, non spectat ad illius naturam, sed ad phantasiā, & id quod apparet. Nimirum nomine gelu, hic pruina designatur, quæ aspectu quidem salī per terrā sparso est simillima, adeo, ut si procul aspicias, non valeas discernere. res verò adeo similes aspectu, discrepāt natura plurimū. Nam pruina eandem habet cum niue generationem, hoc solum discrepans, quod circa terram consistit, habet enim ad niuem pruina, ut ad pluuiā ros, & ad grandinem glacies. Hæc verò omnia sunt aqua concreta, exiguis differentia conditionibus. Sal autem insignem habet naturam, vix ulli alteri similem. Siquidē neq; in metallis est, quia non dissolvitur calore, neque in lapidibus, quia dissolvitur aqua, neque in terræ generibus, quia totus dissolutione abit in aquam, non quidem in ea subsidens, sed solutus in aquam crassiorem. neque verò est aqua, quia non absorbetur ab igne, sed vritur potius, ut terra. quid ergo illum esse dicas, nisi αὐτόσερον, hoc est, sui generis? quod sit autem id genus, seu qui modus mictionis, inuestigandum. Primum quidem, falsum saporem remissione amari fieri, & amarum fieri terræ vltione, apertè indicat Galenus, nam exustis rebus superest cinis, qui nihil est aliud, quàm terrea exustarum rerum pars, ignitionem retinens. Hic amarus sentitur, qui deposita in aquam ignitione fit frigida terra, aquā verò vertit in falsum lixiuium. itaque amarum fit maxima terræ vltione: falsum hoc ipso adiectione humoris, aliquatenus attemperato. Sal vero est illud terreum vltum, quod cum aqua permiscetur facile, permixtum verò ipsam reddit falsam. Id apertè percipitur, quia ex aqua falsa, quæ colligitur, siue ex mari, siue ex salinis, per destillationem separatur sal, & fit succus potui aptus: quando, quidē igitur separatione salis dulcescit, permixtione illius

erat falsa, estq; sal terra illa exusta, quæ cum aqua facile permiscetur, non est autem vsta vsque ad amaritudinem, sed infra, argumento, quod vbi vstio plurimum creuit, mare ipsum pro falso est amarum, vt quod mortuum appellatur. Non est autem sal, terra vtcunque exusta, neq; qualiscunq; sed talis; nimirum quæ sensum vrendæ exalatione, atque cū aqua miscenda, constitit. neque prius est ex terra facta, deinde in aquam demissa, aut ex terræ sordibus, vt quidam dicunt, in mare congesta, sed simul vi Solis eleuata, vsta, & immista, vnde illud misti corporis genus, vix vlli simile constitit, maxima ex parte terreum, & graue (nam & Ecclesiasticus salem confert cum arena, & ferro, quod ad pondus attinet) facile verò miscibile cum aqua, neque subsidens, sed retinens mitionem, vt primæ suæ generationi congruentem. per minutulas quoque partes; intra exustam terrā conclusit flatum, vnde vt spuma quædam est, & cadorem habet. Qua etiam in re similis est niui, & pruinæ: qua causâ, & ab igne resilit, extenuato scilicet flatu, qui concludebatur, vt & in aliis omnibus rebus flatuosis, velut castaneis, & glandibus, euenit. Itaque sal ad terrā pertinet, modo quodam alteratam, & nactam quandam sympathiam cum aqua ob primam generationem, ob quam non solum in aqua, sed & in aëre humidiori, vt cū instat pluuia, emollitur: ob redūdantiā verò terræ, & vritur, & est adeo grauis. inclusus enim flatus nō adeo detrahit pondus reb. cū appenditur in aëre, quam cū in aqua. Quod indicant ligna, quæ cum sint in aëre importabilia, in aqua fluitant, ac superuehuntur: hanc ob causam sal, cum in aëre equè grauis sentiatur ac terra, in aqua non subsidet, vt terra, sed commistus pendet cum aqua. Ob dictam quoque naturam euenit, salem siccare simul, & extergere,

*Ligna cur
supernatent.*

siccitatem præstante terra vsta, & extersionem ipsa ignitione, quia verò hanc minorem habet, extergit solum. Nam amara etiam corrodunt. Atque sal quidem solus, eandem ob causam, linguæ molestus est, admistus verò pinguibus, aut insipidis, molestiam & fastidium tollit, & gratiam addit: acida verò, contrarij causa, retundit, liberant verò vtraque & falsa, & acida inquam, à putredine, absumendo humiditatem, quia hæc cum frigore, illa cum calore sicca sunt, putredinis verò causa est redundans humiditas cum languido, & alieno calore, salis igitur natura utcumque explicata est, qua non adeo similis est pruinæ, quàm aspectu, & forma, præcipuè cum effunditur super terram in salinis.

CAPVT SEPTVAGESIMVM
OCTAVVM.



CAPITE quadragesimotertio, Ecclesiastici. *Vide arcum & benedic eum, qui fecit illum. valdè speciosus est indecore suo. gyrauit cælum in circuitu gloriæ suæ manus excelsi apperuerunt illum.*

De iride multa.

Multis in locis sacra scripturæ commendatur Iridis pulchritudo. Nam & in Cap. quinquagesimo huius libri in Oniæ laudem dicitur. Quasi arcus refulgens inter nebulas gloriæ, & quasi flos rosarum in diebus vernis, & quasi lilia, quæ sunt in transitu aquæ. Et meritò quidem, pulcherrimis enim coloribus est, puniceo, scilicet, viridi, & rubro. quapropter plurimum nos vocat in laudem Dei, ut & alię omnes res pulchrę in laudem opificum. non minimum autem auget pulchritudinem eius, illa magnitudo, qua cælum videtur gyra

gyrare, hoc est in circulum compræhendere. Nunquam enim superstat hemispherio, nisi circuli medietas, quasi pars sit circuli maioris, ac totum cælum ambientis, atque altera pars sub terra sit in altero hemispherio. Cuius quidem causa est, ab opposito Sole fieri, velut in terram dispectante, ac secundum peripheriam, refractione radiorum in denso aëre reddente circulum, qui terram in medio contineat. quò fit, vt quo Sol sit humilior, atque occasui propinquior, eo sit arcus pars quæ spectatur sublimior, & quo superior Sol, eo arcus demissior. Nimirum est illi oppositus, & velut per totum cælum distentus. Miratus ergo Ecclesiasticus illam tanti arcus extensionem, vt quod videtur, pars circuli maioris appareat, dicit, Manus excelsi apperuerunt illum. De Iridis causis dictum iam antea est, super Genesim. Nunc hoc solum dicere refert.

CAPVT SEPTVAGESIMVM

NONVM.



CAPITE 6. Baruch. quod est Epistola Ieremiæ ad abducendos in Babiloniam, ita dicitur. *Quasi possint sentire, qui non habent motum.* quibus verbis, Ieremias indicare vult Idola sentire non posse, quandoquidem motum proprium non habent: non possunt autem sensum habere, quæ motu carent animali. contra autem videtur, motum sine sensu esse non posse, sensum vero esse posse sine motu. Quandoquidem præstantioris facultatis, & ordinis est motus. siquidem Aristotel. quatuor animalium gradus statuit hoc ordine, vegetatiuum, sensitivum, loco motivum,

*Sensus an
sine motu.*

*Gradus
motus.*

& intellectiuum. vt ergo intellectiuum à motiuo separari non potest, motiuum verò ab intellectu separatur in brutis, ita motiuum sine sensitiuo esse non possit, licet sensitiuum sine motiuo aliquando sit. Nimirum valet argumentum à maiori ad minus, non contrà, Galenus quoque libello de causis symptomatum affirmat, in parte præter naturam affecta posse perire motum manente sensu, non tamen hunc, manente motu: quandoquidem vehementiori facultate opus sit, ad transferendū membrum, quàm ad sentiendū solū. Igitur, & in toto animali, & in parte quacūque, videtur seruari posse seorsum sensum sine motu, non tamē motum sine sensu. Præterea, sensus causa est vnde incipit motus per appetitum, aut phantasiam appetitus enim est qui mouet animal, is verò fluit à sensu) motus verò nullo modo causa sentiendi esse videtur: igitur motus necessariò coniunctus sit cum sensu, vt cum sua causa, sensus verò non necessario cum motu. Quapropter à motu rectè videatur quis argumentari ad sensum, dicēs, si quid mouetur sentit etiam, nō tamen è contrario, si sentit mouetur. Videtur ergo Prophetas non satis indicare, Idola non sentire, quòd non moueantur fuissēque rectius dicturus, nō moueri, quia non sentiunt. Nihilominus Prophetæ verba secūdum communem hominum sensum prolata sunt. nulla enim alia ratione agnoscimus animal mortuum esse ac sensu vacuum, quàm quòd neque respirat, neque aliter mouetur. Sed & in ipso ortu, quod nondum sensum assequutum est, neque viuit vita animalis, non potest aliter dignosci ab eo, quod iam sentit, quàm quod moueatur, aut secus. Atque adeo Ecclesia ipsa ita procedit, abortiuos enim fœtus, nisi motus aliquius speciem præ se ferant, non baptizat, quasi animæ

Baptismus abortiuorum.

animę presentia, non aliter quā per motū agnosci possit, neque sensus, vbi motus non sit. Atqui protectò, præterquam quod re ipsa, & communi omnium hominum sententia videtur constare, argumentis multis indicari potest, non posse sensu esse præditum, quod moueri non possit. Nam medici multis neque inevidentibus indicant, sensum & motum ab eodem principio fluere, puta à cerebro, eiusdemque animæ partis esse (quā vocant facultatem animalem) & eisdem instrumentis deferri, & exerceri, puta nervis, & musculis. Quæ igitur actiones, neque differentia facultatis, neque principij, neque instrumentorum possunt separari, necesse est simul insint. meritò autem si insunt simul, motus nota sentiendi est, potiusquā sensus mouendi, quia motus sensibile quoddam est, sensus autem non est sensibilis per se ab alio quā ab eo cui inest. Cum igitur signum notius quiddam esse debeat, necesse est sensum ex motū venemur, vt ex re notiori, simul autem existente. Præterea, cui motum denegasset natura, frustra sensum concessisset. Quorsum enim dedisset voluptatis atque doloris occasionem, nisi prosequendi, & fugiendi dedisset potentiam? nihil certè conferret animali ad sui custodiam, si neque cibum, quem cum voluptate olfaceret, capere posset, neque ab igne à quo vreretur se subtrahere. Frustra igitur dedisset ei sensum Sed neque frustra solum, sed etiam crudeliter. Quod cum tam longè absit à diuina bonitate, vbi natura esset perficienda, non puniendā culpa, constat fieri non posse, atque aded conuertibiliter dici de re quacunque sensum & motum: neque posse alterum sine altero inesse, in aliquo toto, & secundum naturam habente: velut in animali quopiam bene valente.

*Sensus &
motus ab
eodem.*

*Motus à
sensu non
separatur.*

Quare rectè considerati, motuum à sensitiuo non rectè separari videtur ordine, & gradu, simul enim insunt, & æqualiter, generibus omnibus. æquè inquam perfectè, aut imperfectè. Quibus enim omnes sensus, & imaginatio bona, ea & progrediuntur; quæ verò affixa tantum contrahuntur ac dilatantur, vnum, aut duos tantum habent, gustum scilicet, & tactum cum imaginatione læuissima. Non igitur inest cuiquam alterum sine altero. Dixi in toto & secundum naturam habente, quia in vna quapiam particula haud dubie inest secundum naturam sensus sine motu, velut in nervis omnibus qui in nullos musculos inseruntur, cuiusmodi sunt optici, & alij complures, qui ea causa vocantur à medicis nervi sensus. Præter naturam verò & per morbos, & in toto animali, & in parte, potest perire motus manente sensu, in toto quidem ut per cataleptism; in parte verò, cum paralytis non procedit usque ad sensus sublationem. Maiori enim noxa perit sensus, quia ut dictum est, minori facultate obiri potest. Unde fit, ut non statim ac sentire desinit omnis motus, sciri certo possit obivisse hominem, sed expectandum non raro sit, usquedum refrigeratio integra subsequatur, præcipuè in quibusdam mortis generibus. Rectè igitur Propheta argumentatus est, dicens, *quasi possint sentire qui non habent motum*, non habent scilicet, motum naturalem, ut animalia. Non enim potest quipiam, quod totum sit atque integrum, & suam naturam retineat, tali motu carens, habere sensum.

*In quibus
sensu sit si
ne motu.*

CAPVT OCTVAGESIMVM.



A P. 4. Libri Danielis. Eadem hora sermo
 completus est super Nabuchodonosor, &
 ex hominibus abiectus est, & fœnum vt
 eos comedit, & rore cœli corpus eius in-
 sectum est, donec capilli eius in similitudi-
 nem aquilarum crescerent, & ungues eius quasi ungues
 animum. Videtur Nabuchodonosor, in belluam versus
 per annos septem, siquidem & figura illi mutata esse
 dicitur ab humana, & cor à corde hominis. Nam pau-
 lò ante præscripta verba ita dicitur in eodem capite.
 Cum feris pars eius in herba terræ, & cor eius ab huma-
 no commutetur. Porro paulò infra in eodem capite di-
 citur, In ipso tempore sensus meus reuersus est ad me, &
 ad honorem regni mei, decorémque perueni, & figura mea
 reuersa est ad me. Quasi scilicet, & figuram hominis a-
 misisset, & sensum. Cæterum constat apertè non fuisse
 hanc metamorphosim aliud, quàm morbum eum,
 quem medici vocant melancholiam morbum, quo
 qui laborant, insaniunt non eodem modo omnes, sed
 multifariam, vt sunt eius morbi multæ, ac longè di-
 uersæ species. inter alia insanix genera, illa sunt cele-
 bratissima, quòd se in aliorum animalium formas mu-
 tatos esse imaginantur, faciuntque, & patiuntur omnia,
 quasi re vera ita esset; alij in Canes, & latrant; alij in
 Gallos, & cantant, & concutiunt latera; alij in Lupos, &
 exeunt noctu domo quæruntque sepulchra, & versan-
 tur libenter cum cadaueribus. Adeò sunt celebres hæ
 insaniendi differentix, vt ab illis indita sint morbis
 nomina. Vocatur enim canina melancholia, & Lu-
 pina, græcis λυκανθρωπία, arabibus Cutabut. Verum
 plures sunt insaniendi modi, quàm morborum no-

*Nabucha-
donosoris
metamor-
phosis.*

*Melancholiarum
genera.*

mina. Non enim vllum peculiare nomen est eius infaniae, qua se quis esse gallum putat, aut asinum, aut bouem. est tamen omnibus his commune nomen infania ex melancholia. Quem morbum insinuauit Arist. 7. Ethicorum Ca. 1. dicens, *Ferus atque immanis est inter homines rarò, maximè verò inter nationes barbaras est.* Fiunt autem quidam tales, & ob morbos læsionesque principij. Vocat Arist. læsiones principij, ipsa infaniae genera, quia sunt læsionis partis principis in qua est mens. Hic Nabuchodonosor haud dubie neque Canem se, neque Lupum esse imaginabatur, siquidem fugiens semper homines, vitam agebat in siluis, & vescabatur herbis, quod neque Canum, neque Luporum est, sed Onagrorum, aut bouum: aliquid igitur tale esse se ipse putabat, appetebatque belluinam vitam, & victum, quod est, factum illi esse cor ex humano belluinum. alioqui & figura ipsi mutata est, non quidem penitus in belluinam, sed in magnam deformitatem, & faciem ab humana diuersam, corporis tota cute durata, & infecta à rore cæli, cū versaretur nudus, ortisque pilis crassissimis, vt quodammodo imitarentur plumas. quod sanè ab eiusdem morbi causa fiebat, à copiosa scilicet fuligine crassissimæ melancholice: ungues quoque illi creuerunt, factique sunt vt rapacium auium; ob copiam crassi terreiq; alimenti, & ob tam longam intermissionem amputandi. Durauit morbus hic annos septem. Quod tempus multis morborum longissimorum est fatale, & decretorium, ob vim septenarij.

*Pilorum &
unguium
materia.*

*Anni de
cretorij.*

CAPVT OCTVAGESIMVM

PRIMVM.



A P. 14. Danielis. Tulit ergo Daniel picem
 & adipem, & pilos, & coxit pariter, fe-
 citque massas, & dedit in os Draconis, &
 disruptus est Draco. Hæc ratio interficien-
 di Draconem, quæ Daniel vsus est, non
 fuit miraculosa, sed naturalis. Quia & si neque pici, ne-
 que adipi, neque pilis, vis vlla deleteria sit, ac proinde
 neque illorum misturæ, tamen sunt alia ratione mor-
 tifera. Nimirum, quæ deuorata mortem afferunt, quæ-
 dam ob ipsius substantiæ proprietatem, quæ accipien-
 tis animalis naturæ aduersa est, (non enim eadem sunt
 omnibus venena, sed alia aliis) id faciunt, suntque illis
 venena: quædam cum sint alioqui medicamenta, in v-
 sus quosdam vtilissima, quod intempestiuè accipiuntur
 aut dosi nimia, mortem inferunt: quædam ob quan-
 dam incommoditatem, quam à substantiæ modo, aut
 figura habent, & si per se nulla vehementi qualitate
 poleant, velut aciculæ latenter intra mazam, aut pa-
 nem deuorata, aut frustula vitri, aut adamantis, huius-
 modi sunt quæ hispani vocant, çaraças. in hoc genere
 est, quod Daniel obtulit deuorandum Draconi. Nam
 pici nulla perniciofa qualitas est, neque adipi, cum præ-
 cipuè non fuerit perniciosi cuiuspiam animalis, sed vt
 verisimile est, cum simpliciter dicat adipem, nullius a-
 nimalis facta mentione, hirci, aut arietis, aut bouis, aut
 alicuius alterius familiarissimi. Sed neque pilis talem
 vim inesse agnosces, quia si in puluerem comminuti
 propinentur, nihil aliud, quàm siccant. Tamen constat
 (mihique id contigit aliquândo videre) pilos humanos

Draco dis-
ruptus.

Delete-
riorum di-
uersitas.

deuoratos, magnam ventriculo inferre noxam atque adeo choleraꝝ morbum lethalem. Cuius causam esse existimo, quòd ob illam flexibilitatem, nauscam mouent, ipsi verò ob tenuitatem, & implicabilitatem nò reiiciuntur, sed continenter hærent, irritant. Iam verò pix, & adeps cum sint glutinosa, & emplastrica, obturare viã cibi nata sunt, implicata verò pilis multò hærebunt tenaciùs. quapropter meritò factum existimo, vt boli ex ea massa dati, hæserint firmiter angustissimæ ventris viæ, eaque penitus, obturata, nullòq; exitu dato, neque deuoratis, neque flatui, dirûperetur Draco.

CAPVT OCTVAGESIMVM

S E C V N D V M.



LIBRO primo Machabeorum Ca. 6. ita legitur. *Elephantis ostenderunt sanguinem vuæ, & mori, ad acuendos eos in prælium.* his verbis constat, Persas qui Elephantis vtebantur in præliis, consueuisse illos irritare, posito ob oculos succo vuæ, & mori. Atque eisdem verbis insinuat, illos ob similitudinem sanguinis censuisse, Elephantos succis illis irritari, quasi còspectu sanguinis sæuientes. Nam dicitur, *ostenderunt sanguinem, vuæ, & mori*, hoc est, succum vuæ, & mori sanguini effuso similem. an verò vana esset hæc consuetudo, an ratione fulciatur naturali, dignum est còsideratione, Certè multarum gentium opinione constat, pugnaces feras intuitu rerum rubrarum irritari, nam & in Hispania qui tauros agitant, rubris tunicis induti in forum profilire consueuerunt, quasi illos ita magis irritaturi. Atque quod multarum gentium còn

*Elephas
cur viso
colore san-
guineo ir-
ritetur.*

constat consensione, æquum est censere esse ita, atq; vt confirmatum experimento recipere, & causam inuestigare, eam esse vulgus censet, quòd sanguinis intuitu ad sanguinis effusionem prouocentur. Mihi verò ea causa non placet. Nam ira est feruor sanguinis, quem ciet appetitus vindictæ. Quæ autem causa est, vt sanguinis effusi phantasia, appetitum inferat vindictæ? Hunc enim appetitum nihil, nisi imaginatio contemptus, vel acceptæ iniuriæ, in animantibus quibus honoris est sensus aut doloris illati, vel prohibitionis rei expetite, in omnibus inferre potest. In obiectu autem sanguinis nihil horum esse videtur, quapropter multò magis placet ratio alia, quæ non incipit ab imaginatione, sed à propria sanguinis natura. Nimirum sanguis intuitu rerum rubrarum commouetur, is commotus, præsentis præcipuè iræ causa, vt in præliis, facile feruet. Quo feruore, accedente eo quem præsens irritatio ciet, verisimile est primum iras incrementum. Agitari verò ac commoueri ita sanguinem, receptissimū est à medicis omnibus, qui proinde, spuentem, aut fundentem ex naribus sanguinem, vetant ipsum sanguinem, & res aliàs omnes rubras intueri, & ad cerulea, aut nigra potiùs iubent oculos conuertere. Contra exanthematis secundum cutem laborantes, iubēt rubris indumentis operiri, atque cubili in quo decumbunt parietes rubris tapetibus tegi, vt scilicet rubra despectent. In illis quidem timentes, ne sanguis amplius agitated erumpat, in his sperantes fore, vt ita abundantius ad cutem emergat. Galenus libello de subfiguratione empyrica ita inquit. *Præterea color rubreus sanguinem expuentes irritat, in reliquis verò passionibus, & symptomatibus, ipsa etiam experientia attestante planè inutilis, & superuacaneus est.* itaque Gale-

*Colore
rubeo cur
sanguis
moueatur.*

nus eo loco dicit, experimento constare irritari sanguinem conspecto colore rubro, causam verò qua irriteretur non dicit, quia arbitror, illuc de Empyrica subfiguratione differebat, opus est ergo ut à me dicatur. Hanc ergo arbitror præcipuè esse in spiritibus. Nam hi tenues, & maximè mobiles cum sint, adeò ut ab Hippocrate idcirco vocentur impetum facientia, & in venis, & in arteriis cum ipso sanguine misti abundant, faciuntque cum fluxilem esse, alioqui concreturum, atque ut Arist. cèset futurum etiam frigidum, nisi spiritibus calefceret, consentaneum est, eos allici splendore illos simili splendori sanguinis, in quo volutantur naturaliter; ad oculos præcipuè, quæ partium omnium externarum maximè spirituosa est, deinde, & ad totam cutem accurrere, & per quancunque venæ, aut arteriæ rupturam, aut laxitatem effluere. Cum præcipuè, ut medicorum opinio fert, spiritus vitales ex sanguine, & animales (duplices enim spiritus esse autumant, nisi etiam triplices) ex vitalibus generentur. Omnes ergo hæc substantiæ, sanguis dico, & duplices spiritus, proximam habere naturam est necesse, atque adeo spirituum naturam fulgorem cum fulgore rubro sympathiam, ob quam illo alliciantur, secumque sanguinem commoveant. Sunt certè alia quamplurima, quæ longo occultiores habet sympathiæ causas, in quibus tamè acquiescunt Philosophi, aliis euidenter destituti. quapropter non videtur mihi esse hæc valde longè petita. Vt cumque verò de causa sentias, res certè ipsa multis neque inevidentibus constat experimentis. Noui quendam, qui oculos in rem quampiam cum rubore splendente aliquantisper attentius intendens, non aliter oculis ac toto vultu afficiebatur, ac si vino æstualet, aut erysipelate corripì inciperet. Id verò quoniā nō æquè acci-

*Spiritus
duplices.*

omnibus, constat accidere magis, quibus sint cum sanguine spiritus agiliores (ob hæc symptomata dicit vulgus esse quibusdam sanguinem leuiorem) aliquantisper verò accidere omnibus, nam & qui faciei erysipelate laborant, & qui ophtalmia, vel suffusione cruenta, splendoris rubei conspectu plurimum leduntur. Mulieres vero quibus pulcritudinis est cura, siquidem albidæ sunt, purpureis vtuntur indumentis, & spectris, non solum quod specierum attemperatione apparens quidam rubor exoritur, sed etiam quod hunc apparentem insequatur verus color incitatis spiritibus, ac cum eis sanguine. quæ eadem est causa furoris excitandi in belluis, vbi alioqui est præsens iræ occasio,

CAPVT OCTVAGESIMVM
TERTIVM.

LIBRO 2. Machabeorum Capite septimo, ita alloquitur mater filium suum minimum.

Fili mi. miserere mei, quæ te in vtero nouem mensibus portavi, & lac triennio dedi. Dubitare hîc possit physicus, cur dicat, nouem mensibus te portavi in vtero, cum Cap. 7. Sapientiæ, dicat Salomon, *Decem mensium tempore coagulatus sum in sanguine, ex semine hominis, & delectamento somni conuenienti.* Deinde, cur dicat triennio lac dedi, an id factum est iuxta naturæ ac medicinæ rationem, an minimum fuit infantem triennio lactare. Primam quidem dubitatiunculam facile dilues quandoquidem vt Aristotel. dicit. Capite quarto, Septimi de historia animalium, *Cum alia omnia animalia singulari, ac vno mo-*

Vteri gestationis exacta consideratione.

do partum suum perficiant (vnum enim, statutum est pariendi tempus omnibus) homini vni multiplex datum est. Nam & septimo mense, & octauo, & nono, parere potest, & quod plurimum decimo: nonnullæ etiam vndecimum tangunt. Hæc Arist. Autor libelli de carnibus, qui inter Hippocraticos est, affirmat postremum finem, quo mulier parere possit, decimum esse mensem, neque vllam vltra id tempus posse parere deceptasque esse omnes, quæ se vndecimo affirmant peperisse, mensium suppressione anticipante conceptionem: infra illum verò finem, esse alios plures. Libello etiam de alimento, Hippocrates multos variósque pariendi fines connumerans, postremum statuit tercetum dies, quos constat decem menses perfectos esse. Arist. nonnullas vndecimum attigisse affirmat. quod mihi non videtur inopinabile, tametsi rarum sit quandoquidē vix quidquam est in rebus huiusmodi, quæ ad naturam spectât, impossibile, aut necessarium, adeo mira rerum varietate natura luxuriat. Itaque sunt & qui recensentur ab Aristotele pariendi fines, & plures adhuc. inter eos autem omnes, qui maximè videntur, iuxta id quod deprehenditur experimento, & Hipp. doctrinam naturales sunt dies ducenti & septuaginta, qui complēt nouem menses græcos, hoc est vulgares, & constantes triginta diebus, & ducenti & octoginta, qui decem dies accipiunt decimi mensis, & trecēti qui decem integri menses sunt. Nam Hippocrates lib. 2. de morb. vulgaribus sectione tertia, ita inquit. *A mensium fluxu numerandi sunt nouem menses, aut à conceptione, & ad septuaginta ad ducentos dies græci menses fiunt.* Porro libello de partu septimestri, maximam vim tribuit quæ dragenariis dierum, affirmans eos qui quinto aut setimo edantur quadragenario, vitales esse, sunt verò septies

Partus
multiplici-
tas.

pties quadraginta, ducenti octoginta. Iam vero tercentum dierum finem eodem loco, & in eis quos citauimus ex libello de alimento & de carnibus, & alibi pluries, scribit. Cum ergo optimi ac perfectissimi sint nascendi fines, nouem, & decem menses, dicere possis vtriusque in sacris factam esse mentionem, neq; possit quispiam inficias ire. Ego verò magis adducor vt credam, vtrobique intelligi idem tempus, puta menses nouem. is enim, & Hippocratis testimonio, & omnium hominum experimento creditur esse maximè naturalis, & communis nascendi terminus. Sed quia nomen mensis non de eodem dierum numero semper dicitur, sed nunc de græco, qui, vt diximus, triginta diebus constat; nunc de Lunari qui græco semper est minor, fit vt qui nono mense græco exit vterò, exeat decimo lunari. itaque si Lunæ circuitiones numeres nascuntur homines decimo mense, sin vulgares menses. perfectò nono, tempus idem est. Et hæc quidem quæstio physica est, illa verò medicinalis; An expediat integrum trimum lac dare infantibus, an prius sint ad cibos solidiores transferendi. est verò non solum medicinalis, sed etiam practica. Scire autem in primis expedit, velut earum mutationum, quæ pueris natura contingunt, cuiusmodi, ingressus, loquelæ, dentitionis, primæ & secundæ nulli sunt certi iidemq; omnibus fines, ita neque eorum, quæ arte circa illos fiunt, velut extrahendi brachia, erigendi in pedes, contrahendi vestes admiscendi cibi aliquid cum lacte, & omnino ablauctandi. Nimirum vtraque, & quæ natura inquam. & quæ arte fiunt, causam habent in natura. naturarum verò est mira varietas. Verùm quia incerta cadere non possunt sub artem, facit medicina quod & alię artes, hæc irregularitatem redigens ad regularitatem, & statuens cer-

*Lac sugere
quandiu
pueri de-
beant.*

tos quosdam fines, quasi sint omnibus iidem qui tamē sunt plurimis communes à quibus deflectere, nisi exiguum non liceat. Galenus primo de tuenda valetudine iubet lacte solo vti, vsquedum exeant dentes anteriores, seu incisori, postquā autem prodierint assuefacere infantem cibo crassiori, dare verò nihilominus lac *μέχρι το τρίτον ἔτος*, hoc est vsque ad tertiū annum. Dubitare possis in Galeni verbis, an spectanda esset integra eruptio dentium anteriorum, ad primā solidioris cibi oblationem, & an tertius quoq; annus esset transigendus ante ablaetionem. vtrunque exposuit eius interpretæ Auicenna, sen. tertia primi, lib. dicens, *naturale tempus lactandi est tempus duorum annorum*, & rursus, postquā duales (vocat Duales anteriores, quia nascuntur bini, supra & infra) apparere cæperint dentes, ipse adnutriens mouendus erit ordinatè, quod sit fortius. Itaque vt assuefacere incipias puerum crassiori cibo, Galeno autore, & interpretæ Auicenna, satis est, si anteriores dentes incipiant apparere: ad ablaetandum autem si duos annos transegerit, itaque lac acceperit, vsque ad tertium. Eandem sententiam sequuti sunt Oribasius, & qui ab illo mihi videtur hæc, & multa alia transcripsisse Paulus. Dicunt enim. Satis erit biennium lacte nutrire. eadem quoque esse videtur Aetij sententia, qui cum frumētaceum cibum (hoc est panē) intrepide accipit, ablaetandum censet infantem, quod (inquit) circa vigesimū mensem plerūq; accidit. tunc ergo paulatim ab vbere desuescat. Eadem inquam penitus mihi videtur esse sententia. Nā in illud paulatim infumuntur quatuor menses, qui vsq; ad integrū biennium restāt. ergo & quod mater Machabeorū dixit, *triēnio lac dedi*, ita est intelligendum, ac si diceret, vsque ad tertium annum. Non est autem res parui momenti, ne-

Ablectationis tempus.

ti, neque parum refert scire; quo tempore sint ablactandi pueri: nam si ante tempus id fiat, maxima nascuntur incommoda; si vltra tempus differatur, maiora. Nascuntur verò vtraque ex eadem causa: ea videlicet, quæ datur lac infantibus. ea est, quia humiditas illa infantilis, quam ex vtero, & suæ generationis principiis contraxerunt, conseruationem postulat, & quia secundum naturam est, vt certè quodcunq; tēperamentum ætatis, & præterea, est optima, quia nō solū naturalis, sed etiā natiua, & ad reliquam vitam, & futurum incrementum apprime necessaria. Calor enim naturalis tali humiditate seruat, & incrementum, non nisi in humida materia fieri potest. igitur multis causis, eisque optimis, infantilis humiditas, seruari postulat. Conseruatio autem omnis agitur similibus, velut curatio contrariis. Humido autem humiditate natiua, nihil vel excogitari quidē potest similius lacte, quod ita est humidum, *Lac ex quo generetur.* succūmq; ex ipso vbere spirituofum, vt vnica, eaq; exigua transmutatione factum ex ipsomet sanguine, ex quo coagulatus est infans. Si igitur ab hoc adeo simili cibo ante tempus abstrahatur, eueniet, id temperamentum non conseruari quandiu potest, sed intempestiuè commutari in aridius. Vnde euenient, vnum, vt cibi ante tempus oblatis non bene conficiantur, & infans in morbos incidat; alterum, vt caro intempestiuè siccescat, & infantilis ætas contrahatur, atque cum illa ad proportionem sequentes ætates, & incrementum minus succedat sitq; proinde homo, & minor: & breuioris vitæ, & morbosior. Si aut plus satis in vsu lactis persistitur, & hæc eadem nascuntur mala (præter id quod spectat ad incrementum) & morib. etiam, ingenio incommodatur. Nam vt infans ætate procedit, siccatur naturaliter, & durefcit. Si igitur eius temperamento

alterato, cibus manet idem, fit vt qui similis erat, contrarius iam fit, atque qui naturalem seruabat humiditatem, excrementinam inducat, quare & morbosam. Humidum igitur faciet præter naturam. Sed & frigidum, & caloris naturalis inopem. quia vbi iam est tempus ablaetandi, infans solidiores appetit cibos, quos & potest conficere. Si igitur dentur tenuiores, & debiliores quàm pro eius concoctrice facultate, debiliior fiet homuncio, & naturali calore minùs abundans (marcescit enim naturalis calor cibo tenuiori) ac proinde breuioris vitæ. Nam caloris naturalis robore seruatur, & producitur vita. In hanc sententiam dixit Hippocr. Epid. comm. 4. imbecilli victus frigidi, robusti verò calidi: & rursum Comm. 5. eiusdem sexti, imbecilliora cibaria breuem vitam habent. Sed & quod ad mores attinet, & ingenium, perinde probatur. Si enim Plato recte dicit, humiditatis redundantiam stupiditatis infantilis causam esse, constat nimium vsum cibi adeo humidi contrarium esse prudentiæ: Quoniam verò calori detrachere naturali indicatum est, augebit timiditatem, eritq; contrarius fortitudini. Fiet igitur, qui non ablaetabitur tempestiuè, debilis, mollis, & stolidus. Plurimum itaque refert, suo tempore infantes ab vberibus abducere. tempus verò legitimum esse perfectum biennium, constat ex communi medicorum omnium sententia, & ipsis naturalibus inditiis. Ad id enim tempus in plerisq; dentibus os impletur, & pueros panem auide euenit arripere, ac plorantes pascere. natura scilicet, & instrumentis, necessitatem, vt digito; indicante.

Ratio nutriendi infantis.

CAPVT OCTVAGESIMVM

QVARTVM.

IN Euangelio Matthei. Capit. 6. *Lucerna corporis tui, est oculus tuus. si oculus tuus simplex, fuerit, totum corpus tuum lucidum erit. Si autem oculus tuus fuerit nequam, totum corpus tuum tenebrosum erit.* his consonare videtur, quod ab Hippoc. 6. Epid. sectione 4. dicitur, his verbis, *Oculi vt valent, ita & totum corpus,* eam enim orationem in nostris commentaris indicauimus, æquè ad medicinam, & physiognomoniam, & philosophiam morum pertinere posse, si quidem oculi præ aliis omnibus corporis partibus notas præbere possunt morborum qui infestant, & morum in quos quisque natura est propensus, & motuum animi, siue hilaris est, siue tristis, siue iratus, siue timet, siue aliud quiduis patitur. Nimirum librum Prognostici inchoat Hipp. à facie & oculis: & physiognomici nulla ex parte accipiunt plura signa, quàm ex oculis, neque verò tot, vt facilè est videre apud Arist. in libello de physiognomia, & apud Hippocr. libro 2. Epid. sectionibus quinta, & sexta, in quibus sunt multa pertinentia ad hanc philosophiam, eorum verò pars maxima spectat ad oculos. Nimirum, vt super ultimo cap. libri Ecclesiastis explicuimus, hominis facies vocatur platea animæ, & oculi vocantur aspicientes per foramina, quia in facie sunt omnes sensus, quapropter illic videtur anima, vt in foro versari, ac negociari cum rebus externis. Sensuum verò perfectissimus, atq; exactissimus est visus. Atque per oculos, quàm per aures, & nares, & os, tantò magis videtur exire ipsa vis

De oculis
multis.

animæ ac se se manifestè prodere quasi per fenestras: vt à Platoniciis omnibus atque adeò à Galeno, existimatum sit, vere ipsam animæ facultatem exire ad videndum atque visionem longe ab homine agi. Certè constat fulgoris illius sensifici, qui spiritibus animalibus inest multò plus abundantiusq; venire ad oculos, quàm ad aliud quodpiam sentiendi instrumētum, atque per hoc multo magis cum externis communicare animā. Hinc fit, vt quid patiatur, qualisque sit, nulla in parte apertius indicet: atque vt verissimum sit, quod Hipp. loco citato dixit, *vt oculus valet, ita & totum corpus.* Porro nomen oculi propriè dicitur de corporali vidēdi organo: metaphoricè verò de acie mentis, hoc est, intellectu. Quia vt ille videt corporalia, ita hic incorporea. Hac metaphora, & Philosophi omnes, & Poetæ etiam vtuntur. in sacris verò est frequentissima. Illud enim Psalms duodecimi, *Illumina oculos meos, ne vnquam obdormiam in morte,* & illud vigesimi quarti, *Oculi mei semper ad Dominum,* nō de corporalibus his oculis, sed de mente venit intelligēdum. Neque enim optandum est ne vnquam obdormiamus corpore, sed mente & in peccatis. Neque refert corporeos oculos intentos semper esse in Deum, quem illis oculi non videbit homo, & viuet, sed mentem. Significatur verò hæc nomine oculi. Quam metaphoram persequutus optimè est Plato, lib. 7. de Rep. seu de iusto, ita de mente differens comparansque cum corporali oculo. *Præsens autem ratio nobis innuit, primum vim quæ est in animo cuicunque, deinde instrumētum quo res discere quisque potest, perinde ac si oculum impossibile esset, aliterquam vnà cum toto corpore ad clarum obiectum ex obscuro conuertere. Ita tota mente à generatione vsque ad id quod ens dicitur, circum agere oportet, vt quòd clarissimum est, possit speculando transcendere.*

Oculus
metapho-
ricè quid.

Oculorū
virtus.

Hoc autem ipsum bonum esse dicimus. Ad hoc igitur ipsum eruditio competens erit facultas quædam animi dirigendi, ut ipsius oculi, quàm facillimè & efficacissimè cōuertatur, quæ huic oculo aciem, visumque non dabit, sed eum potius, cum visum quidem habeat, neque tamen rectè conuersus sit, neque quod decet aspiciat, conuertere omni machinatione contendet. Ecce ut Plato mentis aciem oculum vocet, atque per oculi analogiam definiat. Ergo quod physici, & physiognomici de corporali oculo affirmant, qualis scilicet is est, tale esse & totum corpus, hoc Dominus transfert ad oculum animi, hoc est intellectum, dicens, *Lucerna corporis tui est oculus tuus, si oculus tuus simplex fuerit totum corpus lucidum erit.*

Quasi diceret, ut oculus est lucerna corporis ita mens seu intellectus, animæ, quæ est præcipua hominis pars, ac per quam homo bonus, aut malus dicitur. Velut ergo, ut valet oculus, ita valere agnoscitur totum corpus; ita ut valet intellectus, valet anima, ac pereâ totus homo, qui nunc significatur nomine corporis. Si igitur (inquit) *oculus tuus simplex* hoc est bonus est, *totum corpus* (hoc est, totus homo) *lucidum erit.* Si autem *oculus fuerit nequam*, homo totus erit *tenebrosus.* Vbi est animaduertendū, in sacris, cū hæc de mēte, aut de homine enunciantur, idem esse simplex, seu bonū, & lucidum; atque nequā & tenebrosū. Nimirum radix, ac principium peccati, est ignorantia, & tenebra. Principium autem verè virtutis, lux & perspicacia mētis intuentis primum verum bonum. Vnde à causa ad effectum translato nomine malus vocatur tenebrosus, & bonus lucidus, & ipsa bonitas, lux & sapientia; & malitia tenebra, & stultitia. Quæ phrasi tota scriptura sacra, maximè verò libri Sapiētales referti sunt.

De igno-
rantia.

Philosophis etiam omnibus, est semper in ore illud
Aristo. 3. Ethicorum Cap. 1. *Omnis peccans est ignorans*,
Causam verò non omnes assequuntur, immo plerique
dubitant quod non videantur peccata ex ignorantia
fluere omnia, sed quædam. Immo verò quæ verè ex
ignorantia ea aut omnino non esse peccata, aut leuio-
ra videantur, siquidem & Paulus de seipso dicit in E-
pistola prima ad Timotheum, *Misericordiam consequu-
tus sum, quia ignorans feci in credulitate*. ignorantia i-
gitur non videtur facere, sed aut tollere, aut imminue-
re peccatū. Porro plerisque hominibus videtur, se nō
ignorare quid faciant, cum quid peccant, sed velle po-
tius scientes & volentes, sequi deteriora. Hæc autem
dubitatio nulla ratione melius dilluitur, quàm adhi-
bita causa, qua dicta asseritur thesis, puta peccatum o-
mne nasci ex ignorantia, & tenebra. eam verò reddit
optimè Plato, loco nuperrimè citato ex septimo de
Rep. dicens, mentem humanam velut oculum quen-
dam esse, eumque cum conuersus est, ad res & nego-
cia huius seculi, auersum necessariò esse à veris & æ-
ternis bonis, ac proinde non posse ea perspicaciter in-
tueri, ideoque neque videre, nisi tenuiter, neque ab il-
lis permoueri, sed à rebus caducis trahi, vtpotè quas
videat exactius: eum verò, cuius mens diuinis rebus
sit intenta, circa humanas cæcutire non aliter ac qui è
luce splendida repentè se transfert ad tenebras. Hinc
fit, vt filij huius seculi (dicitur hoc Cap. 16. Lucæ) hoc
est qui res huius seculi habent cariores, quàm diuinas
prudentiores sint in generatione sua, hoc est, in tractā-
dis negociis secularibus, quàm filii lucis, qui in his id
solum quod verè bonum, & verè ens est, habent intē-
tos mentis oculos. Idem verò, qui in his rebus sunt
perspicaciores, circa diuinas cæcutientes, & stulti fa-
cti pec

Filij hu-
ius seculi
perspicac-
es.

facti peccant: quia vera bona tenuiter vident, utpotè à quibus habēt oculos auersos. itaque utrique sunt perspicaces circa quæ habent oculos intentos, & cæcutientes circa contraria, vnde & illud Pauli prima ad Corinthios Cap. 3. etiam intelligitur facile. *Si quis videtur inter vos sapiens esse in hoc seculo, stultus fiat, ut sit sapiens, Sapientia enim huius mundi stultitia est apud Deum.* Ignorātia itaque eius qui peccat, est in auersione oculorum mentis à Deo. Proinde monet ibidē Plato, eius oculos disciplina, & meditatione ad vera bona sensim conuerti. quia si quis repente velit, diu occupatū in rebus caducis ad vera bona trāsferre, nihil proficiet, quia excæcabitur repentino lucis intuitu, ut qui diu moratus sit in tenebris. paulatim verò meditatione, & exhortationibus trāsferretur mētis oculus ad veri boni contemplationē facilem, vnde & resipiscet. Quāquam nonnulli etiam repente translati sunt, atque iis quidem solet repentinus fulgor multas excutere lachrymas; quorū multi quasi dolore perterriti retrocedunt, nō nulli verò quibus Deus maxime fauet, etiā perseuerant. Constat itaque ut vera virtus ex vera mētis oculorum luce; nequitia verò nascatur ex tenebris. *Vera virtus vnde.* Nam & si utrique, & boni inquam & mali, in suis quique rebus sint perspicaces, tamē quantò res diuinę humanis sunt illustriores, ac meliores, tantò etiā præstat bonorum sapientia malorum sagacitati (nimirum scientia ex obiectis accipit dignitatem) quare hæc ad illam tenebra est, illa verò lux. Prouer. 4. *Via impiorum tenebrosa, nesciunt vbi corruant: iustorum semita quasi lux splendida procedit, & crescit vsque ad perfectam diē.* Meritò igitur in tenebris versari dicuntur impij, boni verò ambulare in luce, atque adeò, quod probum lucidum, quod nequam tenebrosū. Quod verò

corum qui peccant, plerique nihil se sentiant ignorare, nihil obstat dictis, quin potius hoc ipso sunt insipientiores, hoc ipsum adiicientes suæ insipientiæ, quod se putant scire, quæ ignorant. Nimirum teste Arist. ca. 3. septimi Ethicorum, sunt velut furentes, & ebrij, qui de quacunque re interrogentur, respondent nonnunquam, ita, ut videantur sapere, & eligunt, faciuntque contraria. Duodecimo etiam cap. Prouer. legimus. *Via stulti recta in oculis eius.* Quod verò obiciebatur de ignorantia, quæ peccatum minuere, potiusquàm augere videtur explicemus. Dicta ignorantia, quæ auersio intellectus à vero bono est, non potest abesse ab eo qui peccat, illam enim facit perturbatio mentis quæ tenetur; & qui in illud bonum habet mentem intectam, videtque illud perspicaciter, fieri non potest ut mala eligat præ illo. naturaliter enim ferimur in bonum, atque hoc ipsum in ratione boni est. Quare qui deteriora eligit, meliora non satis vidit, & ea quidem ignorantia non minuit, sed auget peccatum, quia ea ipsa maxima improbitas est. Habere inquam mentem auersam à Deo, cum possis conuertere, aut studere, ut conuertas. Quidam verò præter hanc, quæ communis omnibus qui peccant est, ignorantiam, habet aliam peculiarem circa propriam materiam peccati, ut qui ignorans diem festum esse, rei sacræ non interfuit, aut ignorans esse alienum, quidpiam abstulit. ea quidem ignorantia culpam semper minuit, nisi sit studio procurata. grauius enim esset, sine vlla excusatione, scientem ac considerantem diem esse festum, & rem alienam, peccare; si verò nulla negligentia in causa fuit ut ignoraret, etiam tollit omnino peccatum, quia (ut Aristot. Capitato ex tertio Ethicorum dicit) cum tali ignorantia non est electio, sine qua esse peccatum non potest.

Nihilo-

An ignorantia
peccatum
minuat
an augeat

Nihilominus est semper peccatis adiuncta ignorantia ea, quæ in oculi inentis auersione consistit, vt omnis vera bonitas ab eius oculi in Deū conuersione, procedit. Quapropter vt habet is oculus, ita & totus homo. Atque si oculus is fuerit simplex, totū corpus erit lucidum; si nequam, tenebrosum. vt explicatum est.

CAPVT OCTVAGESIMVM

QVINTVM.



A P. 16. Matthei, ait dominus. *Vespere facto dicitis serenum erit, rubicundum est enim cælum: & mane, hodie tempestas, rutilat enim triste cælum.* Quæ verba haud dubie non sunt dicta à Domino, vt doceremur tempestatis, aut serenitatis præfagia, sed vt arguerentur illi ad quos ea verba habita sunt, ex suo ipsorum sermone. *Nam addit faciem ergo cæli diiudicare nostis, signa autem temporum non potestis?* Verum quia non vulgi solum, sed Philosophorum etiam, & agricolarum, & nautarum est ea assertio, quibus, vtpote talibus obseruationibus deditissimis, fides non debet denegari, huius quoque si fieri potest, reddenda hoc loco causa est. Ea verò mihi esse videtur, quòd nubes densæ tactæ Sole obliquo, qualis est qui iam occidit, nigriciem præ se ferunt. Quæ ergo rubicundæ, sunt, non sunt adeo opacæ, & densæ, sed penetrantur lumine, quapropter in diem posterum nullum indicant tempestatis apparatus; serenitatem ergo promittunt. Cū verò oriente Sole, triste hinc inde, & nubilosum se exhibet cælum, plerunque solent ad primum orientis Solis occursum dispergi nubes. Quæ tamen si densæ sunt, quales cum triste cælum, non dissipantur

Serenitas præfagium.

sed excepti per eas radij Solis videntur rutilare. Postremò verò, vesperi, cum Sol, cum quo toto die sunt colluctatæ, languescit, concurrunt, densantur, fiuntque imbres.

CAPVT OCTVAGESIMVM

S E X T V M.



A P. etiam 12. Lucæ, eodẽ modo arguẽs hypocritas, ait Dominus, *cum videritis nubem orientem ab occasu, statim dicitis nimbus venit, & ita fit: & cum Austrum flantem, dicitis, quia æstus erit & fit.* Horum verborum multò magis rationem reddi oportet, quàm priorum. Quia non solum quasi vulgi sermonem protulit, sed adiecit & ita est. Quasi in eo iudicio ferendo de imminente tempestate, nõ deciperentur. Sanè vt incipiam ab vltimis, Austro succedere æstum, & experimento est compertissimum, & rationi valdè consentaneum, cum Austrum calidum ventũ esse, & oppositum illi Aquilonem frigidum, omnes qui de ventorum agunt naturis, vno ore confiteantur, neque solum secundum hanc qualitatum primarum oppositionem, sed secundum alteram etiam contrarios esse putant illos flatus, Austrum scilicet humidum, Aquilonem siccum, vel hoc argumento, quòd tempestates Austrinæ plerunque sunt etiam pluuiosæ, ac semper blandæ; Aquilonares plerunque serenæ ac semper arêtes: atque adeo, quòd flante Austro facile res putrescunt, vtpotè calidi, & humidi flatus contractu alteratæ, Aquilo à putredine liberat, siccans, & refrigerans. Huc pertinent illa verba Iob. Cap. 37. *Nonne vestimenta tua calida sunt cum perflata fuerit terra Austro? Vtrum cur Auster talis sit, memini me antea dixisse.* Nimirum

De ventorum naturis.

mirum quia flat à meridie versus Septentrionem: me- *Cur Au-*
ridiana verò mundi pars abundat igne præ mundi la- *ster sit ca-*
teribus, hunc ergo allicit Auster. Aquilo contrariam *lidus.*
ob causam frigidus est, quia scilicet, aduersus igne la-
tus, illum abigit. Sed dices, oportere vt eadem causa
Auster siccus, & Aquilo humidus sit, quia ignis nō so-
lūm calidus, sed siccus etiam est. Cæterum, vt hæc il-
lis insint, alia causa est. Nimirum qui venit à frigidiori
mundi parte, à frigidiori cælo repulsus, nō effertur in
sublime, sed decurrit iuxta terram, ac proinde humi-
ditati aëris sublimioris minus admiscetur, contra, qui
venit à parte mundi calidiori effertur in regionem me-
diam aëris, vbi à vaporibus, quibus cū miscetur, mul-
tam recipit humiditatem. Cur ergo flanti Austro suc-
cedat æstus, hæc est causa. Cur verò nimbus ascendē-
te nube ab occasu, oportet scrutemur. Certè Elias cū
futuram copiosam pluuiam, post tam longam aridi-
tatem Regi Achab prophetauit. 3. Regum ca. 18. dici-
tur vidisse nubem ascendentem à mari. Dicitur enim
Ecce nubecula parua, quasi vestigium hominis ascendebat
à mari. Constat autem ascendisse ab occasu Solis. Nam
Palæstina ad occasum habet mare. Censebatur ergo,
vt existimo, in illa regione pluuię signum, nubes ex oc-
casu ascendens, quia cum ad occasum haberent mare,
inde ascendebant, eratque id signum illi regioni pro- *Nubium*
prium. Nobis verò quibus mare æquè ad occasum, & *el-uato. u*
meridiem, & Septentrionem est, æquè ex his omnibus *signum.*
partibus ascendunt nubes nimborum nuntia, Brita-
nis ascendunt vndique, vt qui mari, vndiq; cinguntur.

CAP. OCT VAGESIMVM SEPTIMVM.



AP. 10. Lucæ ait Dominus. *Et appropians al-*
ligauit vulnera eius, infundens oleum & vinū.
Quibus verbis per insinuationē, videtur cō-

*Vinum
vulceribus
aprium.*

mendare ad vulnera oleum & vinum, quod græcis vocatur *οινέλαιον*. Videtur verò ad id alia quidem ex parte medicinæ placitis consonum, ex alia autem dissonum. Nam de vino Hippoc. libello de Vlceribus ita inquit, *Vlcera vniuersa, nisi vino, humectari non oportet, nisi in articulo fuerit vlcus*. His verbis Hipp. commendat vinum ad lauanda vlcera: Vituperat verò omnem aliam humectationem, quanto magis eam quæ agatur oleo. De quo paulò infra idem Hip. dicit, *At olum, & quæcunque molliæ, aut oleosa sunt medicamenta, talibus vlceribus non conducunt, si non valde iam ad sanitatem tendat*. Neque vlceribus exercenti vulnere oleum conducit, neque mollientia, neque adiposa medicamenta, tû aliàs, tum quòd vlcus ampliore purgatione opus habet, Gale. quoque tertio libro meth. commendat vinum, & vituperat oleum ad curanda vlcera. Nam cap. 4. ita inquit, *vinum igitur omnis vlceris; quæ vlcus est, optimum est medicamentum*, cap. autem 2. eiusdem libri inquit, *Oleum namque cauo vlceri infusum, ad verissimū omnium medicamentorum est, cum si ita mederi voles, ipso vsu intelliges sordidum ac male olens vlcus fieri*. Videtur ergo id medicamen, quo in parabola dicitur vsus Samaritanus, partim fuisse vtile, partim verò etiam noxium. Neque sanè (vt hoc obiter dictum sit) & si id medicamē fuisse ineptissimū quis existimet, quidquā detrahitur sacræ lectionis auctoritati. Nā in illo loco hominis charitas, non medicinæ peritia commēdat̃ur. Nihilominus mihi etiam sonat, velut medicaminis ad eā rem idonei, facta mentio. Qua autē vino & oleo vteretur, duplex ratio est, aut enim seorsū aut admistis. Seorsum quidem, interius, & in ipso vlcere: vino exterius verò, & super circūsitis partibus, oleo haud dubiè vtilissimè vteretur, nisi essent vlcer a in articulis, aut

*Oleum
quomodo
noceat
profit
vulceribus.*

penetrantia in capite. Nā vinum mundat, confortat, & siccat vlceratam partem; oleum verò sanat circum circa existentes fouet, & si quæ est in illis doloris causa, mitigat. At verò, an infusum Oinelæum, quod vino & oleo constat, vtile esse potest, difficiliorem habet inquisitionem. Certè vlcus simplex, & quod prima, vt dicunt intentione curandum sit non indiget oleo, quia tale ficcationem solū, & agglutinationem desiderat, quorum neutrum præstare potest oleū. Non læditur autem oleo magnopere, nisi quod sordidū est, & putredini valde opportunum, quia oleum hæc magno pere auget, est nihilominus aliquod vlcus quod vsu olei multū iuuatur: in quo scilicet pus moueri est opus, vt quod cum contusione consistit. Sunt ergo quædam vlcera, quæ oleum amant non solū partibus sanis quæ circumstant, ad motum, sed infusum etiam intrō. Atqui neque ea quæ oleum solū purumq; respuunt, vt quæ caua & sordida; statim etiam læduntur omnibus, quæ partem aliquam eius recipiunt: nam cerato ex oleo cera & ærugine æris expurgantur, replentur carne, & sanescunt. Cum igitur sint vlcera, quæ solo oleo gaudent, & recentia omnia quæ in carne consistūt vino solo plurimū iuuentur, & ea etiam quæ solo oleo læduntur, commistum cum aliis amicè recipiant, plus aut minus, vt res exigit, sint etiam haud dubie quibus mistura ex oleo, & vino sit accommodatissima, quibus, scilicet, vlcus sit crudiusculum in carne (nam nerui neque vinum, neque oleum simplex amant) & asperum, & phlegmonis aliquid per partes habens. Ea enim solum oleum fecerit sordida, solū vinum irritauerit, & exasperauerit, oinelæum verò mitigauerit (anodinū. n. est) emollierit, sinūq; roborauerit particulam (constat verò id modicè calidū debere in-

fundi) fuerint verò talia haud dubie vlcera eius qui à latronibus percussus, semiuiuus relictus est. Siue enim fistibus ictus sit, quod plagarum nomen sonat, siue ense vulneratus, oleo necessario indigebat. Nam si contusione erant inflicta vulnera, nihil potius: sin autem sola incisione, tamen destituto sine alligatione tandiu sub dio, ab aëre haud dubie essent exasperatæ, & refrigeratæ partes, cui malo nulla re melius succurreretur, quàm calente oinelæo.

Itaque bonus ille Samaritanus, non piè solùm, sed prudenter etiam videtur succurrisse. Idem etiam medicamentum vtile sit ad partes verberibus contusas, simul, & dilaceratas. Quod innuitur etiam illis verbis Isaia Cap. primo. Vulnus, & liuor, & plaga tumens, non est circumligata, neq; curata medicamine, neque fota oleo.

CAPVT OCTVAGESIMVM

OCTAVVM.



CAPITE vigesimo, Actum Apostolorum scriptum est, Iesum Seruatorem nostrum, suo ore dixisse. *Beatius est magis dare, quàm accipere.* Quæ assertio etsi nullum desideret argumentum, utpotè diuina autoritate confirmata, physicam etiam habet monstrationem, solo eo posito, quod beatitudo in bonorum abundantia sit, miseria in priuatione, aut contrario; quod ex ipsis nominum notionibus, manifestum est. Cum igitur dandi principium sit, ipsum habere, recipiendi verò in vacuitate, quia nihil potest dare id quo caret, neque recipere id quod habet, constat beatius quiddam esse ipsum dare, quàm recipere. Obi-

*Dare an
beatius
quàm acci-
pere.*

ciet

ciet autem quispiam recipiendi cupidus, quia beatius est habere quàm carere, beatius esse recipere quàm spoliari, quandoquidem ex fine debent æstimari omnia, finis vero recipiendi est habere, dandi verò carere. Coniunctis ergo vtrisque rationibus constat fieri, ut illud sit longè beatissimum, dare semper, & abundanter, & nihil amittere, quod primæ, ac summæ, & beatissimæ causæ necesse est tribui, cui ex sese est sufficientia summa. Causis quoque naturalibus, quæ scilicet, sine deliberatione operantur, euenit dare nihil amittendo ex suo, hæque tunc dare possunt magis, cum habent melius. Ignis enim cum actu est, ignis formam tribuit, quod verò est potentia ignis, & adhuc caret, recipere potest. Itaque in mere naturalibus, haud dubie, dare est melius habentis, & per eam largitionem nihil amittitur, eius quod inerat largienti. Verum quoniam de talibus nomen beatitudinis non dicitur, nisi fortè æquiuoce, necesse est videre, an de humanis largitionibus, quæ non sine aliqua bonorum expensa fieri possunt, dicatur illud verè. Constat autem quandoquidem hoc ad mores hominum spectat, Ethicam de fiderare monstrationem. Quam non aliunde possimus melius petere, quam ex Aristo. Cap. 7. libri 9. Ethicorum. ea pendet ex bonorum differentia. Nimirum bona omnia, & hominibus expetibilia, sunt in triplici ge-

*Triplex
genus bo-
norum.*

nere: nam honesta, aut vtilia, aut voluptuosa. Horum, quiuis homo bonus (penes tales enim oportet esse iudicium) concedat, præstâtissima esse quæ honesta: post hæc quæ vtilia: omnium vtilissima tantum voluptuosa. Dico autem tantum voluptuosa. quæ nihil aliud afferunt quàm voluptatem. Nam voluptas quæ accedit ex honestate, aut vtilitate, aut etiam ex eo quod assuetus sit ea quæ voluptuosa, & animum suum exple-

nerit, ea non est differentia bonorum, sed perfectio & finis, ac summum cuiusque generis. Velut summū virtutis est, cum iam quis cum delectatione bene agit. Summum etiam artis quætuosæ, cum quis negotiatione delectatur. Summum turpitudinis, cum quis gaudet expleſſe se voluptatibus. Has enim pœnitentiam subsequi oportet, non gaudium. Ita cum sic se habeant bona, & fœlicitas in fruitione bonorum optimorum præcipuè, plurimorum, & maximorum: & largiri sit res honestior, accipere vtilior, constat, tanto beatius esse dare quam recipere, quanto præstat honestas utilitati. Præstat autem, tum ex sese, quia ita videtur omnibus hominibus, qui non sunt animo egrotum etiam Quia honestas diuturnior est, quàm utilitas. Quin etiam honestas per sese æterna est, utilitates verò paucae non breues. Nam utilitas accipiendi perit, simul ac consumptum est quod donatur, quia inde solum est, honestas verò dandi est æterna, quia non est ex re donata, sed ex ipso dedisse. Fieri autem non potest ut qui dedit non dederit, per accidens quidē perire potest honestas dādi pereunte memoria, ex sese autem æterna est. Qua propter si quæ est in rebus memoria, quæ in nullam vnquam obliuionem possit incidere (ut certè est) constat nullam vnquam honestatem, nihil quod recte actum sit, penitus perire posse, sed æternum esse. Contra verò in eo qui accipit, consumpto dono perit utilitas, manet verò illa inhonestas, & illiberalitatis nota, quæ est in recipiēdo. Præterea, beatitudo (autore Aristot. qui maximè sequitur communem hominum bonorum sensum) cōsistit in operatione secundum virtutem, cum omnium bonorum sufficientia. Largiri autem est liberalitatis, virtutis quidē honestissimæ: accipere verò ad nullam

Beatitudo in quo sita.

Iam virtutem spectat, nisi fortè rarò ad amicitiam. Esse autem ita, vel inde cõstat, quòd dare difficilius est, utpotè in quo virtus versatur, accipere verò facìle, ut quod plerùque ex vitio est, aut indigètia. Igitur haud dubie est beatius dare, quàm recipere. Cõstat verò ex dictis, non utcunque neque vbicùque esse beatius, sed cum agitur secundum virtutem (ea enim dicebatur esse summa beatitudinis causa) cum oportet, scilicet, & ut oportet. Hæc enim virtutes omnes committantur, siquidem cum prudentia coniunctæ necessariò sunt. Talis autem largitio alios sanè augebit bonis, largito rem autem ipsum non spoliabit, neque miserum reddet. Rationem enim habet propriorum bonorum liberalitas. Igitur liberalis largitionis extremum, nō est bonorum vacuitas, sed adiectio potiorum, puta honestatis, & honoris. Neque recipiendi extremum est abundantia bonorum, sed quorundam abundantia, cū quadam nota potiorum, puta cum quadam illiberalitate. Quapropter ij, qui bene de rebus sentiūt, beatiores iudicant eos, qui largiūtur, quàm qui recipiunt. Atq; hac ipsa causa censet Arist. plus amare eos qui beneficia conferunt, quàm in quos sint collata, utpotè maius inde bonum consequuti. Ita etiam à parentibus amari filios, plusquam redamant. Contra qui receperint, citius recedere ab amicis, quàm qui largiti sint, quòd scilicet amissa vtilitate, nihil illis restet in amicitia præter illiberalitatis memoriam: his verò restet semper suavis recordatio benefactorum. At dices non ergo omnis largitio cõmendatur præ receptione, sed ea tantū quæ liberalis est. Multæ autē largitiones sunt pessimæ quæq; in summā miseriam ipsos largitores adigūt. Certe laudari, diciq; beata nō potest, nisi ea quæ sit studiosa largitio. Neq; dubiū est, honestius esse recipere

Largitio
liberalis.

ab amicis, ne illis videaris intractabilis, & ex arte honesta mercedem, vt familiam nutrias, quam dando sic caris, aut meretricibus, patrimonium perdere. Sed oportet vt aliis omnibus rebus in rebus, æqualitatem comparationum seruare, conferréque studiosa cum studiosis, & praua cum prauis, eritque ita generatim

Prodigalitatis & avaritiae comparatio.

atque omnino, beatiùs dare quàm recipere. Nam & liberalis qui largitur, beatior est multo, eo qui recipit mercedem iustam; & prodigus est minùs malus, quam auarus, vt idem Aristo. multis argumentis probat Ca. 1. quarti Ethicorum ad Nicomachum. Quorum hæc sunt præcipua, quòd prodigalitas prodest multis, avaritia nulli: quod curari facilius potest; idque multis de causis, & quia propinquior est liberalitati, cum habeat communem cum ea voluptatem dandi, & dolorem recipiendi, & quia ipsa seipsam curat, consumens suas facultates, sine quibus largitio cessat. Avaritia verò pecunias cumulans; seipsam auget, curatur etiam ætate prodigalitas; avaritia crescit senectute. Itaque prodigalitas his causis minùs mala esse probatur, quam avaritia. Quod quidem vt exacte consideretur aliqua indiget animaduersione. Non enim omnino, neque semper ita habet. Nam sunt vtriusque vitij multi gradus. Est siquidem prodigus, qui sua omnia, sibi que necessaria distribuit, etsi non omnino indignis: deterior adhuc qui talibus largitur sua & aliena, aliena scilicet rapiens, vt det quibusuis: omnium pessimus, qui consumptis iam propriis, rapit aliena, tribuitque indignissimis. Porro auarus est, qui non largitur ex suo pro modo suarum facultatum: multò autem magis, qui penitus largitur nihil: magis adhuc, qui retinet sua & aliena: omnium pessimus, qui sibi etiam denegat necessaria ad victum, & aliena quacunque ratione arripit, atque

que omnia congerit. His ita positis, constat quosdam prodigos deteriores esse quibusdam avaris. Si tamen pares paribus gradus componas, stant adhuc argumenta quibus efficiebatur, prodigum minus malum esse, quam avarum, atque adeo beatius esse dare quam accipere, quia in bonis melius, in malis minus malum est. Euenit autem mox dubitare ex dictis: si liberalitas rationem habere debet suarum facultatum, atque ea cura deposita vitiosa largitio sit, quo pacto consultum esse possit cuiquam, ut vendat omnia quæ habet, & det pauperibus, quod tamen scimus dominum consuluisset cuidam (Marci 10. & Lucæ. 18.) atque adeo in initio nascentis Ecclesiæ ab omnibus solitum fieri Hierosolimis? tametsi enim hi conferebant in indigentes, & dignos, tamen suarum facultatum rationem non habebant, cum darent omnia. Quod tamen necessarium esse ad veram liberalitatem indicauimus. Multò melius ad hæc intuenti, videri possit consilium Tobia, qui) Cap. 4.) ad filium dixit, *ex substantia tua fac elemosinam, & noli faciem tuam auertere ab illo paupere, ita enim fiet, ut neque à te auertatur facies domini. Quo modo potueris, ita esto misericors. Si multum tibi fuerit abundanter tribue, si exiguum tibi fuerit, etiam exiguum libenter impartiri stude.* Hic considerare oportet conditiones simpliciter liberalis largitionis, aut commutationis. Qui largitur enim primam rationem habere debet sui, secundam eius cui tribuit. Sibi quidem cauere, ne auferat necessaria; alteri prospicere, ut tribuat utilia. Ratio igitur quam suarum facultatum habere debet liberalis, eò redigitur tota, quàm sibi sint necessaria, quæ largitur. Cui ergo nulla bona necessaria sunt, omnia potest largiri sine vlla prodigalitate, modo recte collata sint. Porro qui commutat, id solum videre

*Liberalitas
est beatif-
sima.*

debet, quid pro quo det. Dans enim quod minus, pro eo quod magis eligibile, vel simpliciter, vel saltem sibi, errare non potest: immo quantò excessus maior, tantò prudentius aget. Tobias igitur sapienter consulebat filio, ne omnia, sed pro modo suarum facultatum largiretur, utpotè patri familias futuro, vxorique ac proli necessariò prospecturo: sapientius autem multò Dominus adolescenti, qui ad celibatum, & statum nullis indigentem vocabatur, ut se ab omnibus expediret, & primum perfectæ virtutis faceret gradum, pauperibus tribuendo. Eorum etiam qui in initio nascentis Ecclesiæ, prædiorum prætia ponebant ad pedes Apostolorum, est eadem ratio. Nam etsi vxores habebant, & filios, transferebant tamen ad aliam viuendi formam, ad communionem scilicet bonorum, in qua nulla esse poterat indigentia, ut nunc etiam qui ceteris nobis ingrediuntur. Porro utrique, & hi, inquam, & qui relictis rebus sequuti sunt dominum, commutabant bona hæc vilissima, & maximè caduca pro optimis & æternis. quæ verissima sapientia est, & beatissima liberalitas.

CAPVT OCTVAGESIMVM

NONVM.



APITE 2. Epistolæ secundæ Petri, ita scriptum est, *Adueniet autem dies Domini ut fur, in quo cali magno impetu transibunt, Elementa verò calore soluentur, terra autem, & quæ in ipsa sunt opera, exurentur* (paucis interpositis) *properantes in aduentum domini, per quem cali ardentes soluentur, & elementa ignis ardore tabescent* *novos verò cælos, & novam terram,*

*De mudi
fine egre-
gia.*

ram, & promissa ipsius expectamus. Hoc idem videtur esse quod Ioanni reuelatum est vigesimo primo Apocalypsis, vbi inquit. *Et vidi calum nouum, & terram nouam. Primum enim calum, & prima terra abiit. & mare iam non est.* Quod idem reuelatum antea erat per Isaia Capite sexuagesimo quinto, his verbis. *Ecce enim ego creo celos novos, & terram nouam, & non erunt in memoria priora.* Dauid quoque in Psalmo centesimo primo dixit. *Opera manuum tuarum sunt celi, ipsi peribunt, tu autem permanes, & omnes sicut vestimentum veterascent, & sicut opertorium mutabis eos, & mutabuntur, tu autem idem ipse es, & anni tui non deficient.* Dominus quoque in Euangelio dicit. *Calum & terra transibunt, verba autem mea non transibunt.* Multa alia sunt oracula, quæ nobis indicant, mundum hunc, quem conspiciamus, mutandum esse, atque formam aliam longè præstantiorem subiturum, tunc scilicet, cum cessabunt ortus, & interitus rerum, cessantibus motu, & tempore. Plerique nolunt intelligere, mutandas esse naturas, & formas corporum cælestium, & elementarium, sed motum cum quiete commutandum, & tempus cum æternitate, manentibus tamen eisdem formis, & essentiis, atque ob has tam insignes mutationes quas subibunt, dici mutanda faciendaque noua. Itaque permansura in illa æternitate, Solem, Lunam, & Astra, & hos ipsos in quibus nunc sunt orbes, nullas autem circumuolutiones eorum futuras. Veniunt autem in hanc sententiam, primum quidem, quoniam non videtur esse necessarium, hos celos, & hæc elementa delere, vt creentur alia denuò, sed si quàm maximè oporteret, satius esse, hæc reddi speciosiora, adiicique illis decorem manente substantia. Cum præcipue dictum sit ab Ecclesiaste Capi. 3. (quod cum

Platonico dogmate maxime consonare antea indicauimus) *Didici. quod omnia opera, quæ fecit Deus perseverent in perpetuum.* Cum ergo cælum, & elementa ab initio facta sint ab ipso Deo sine vlla causa secunda, videtur oportere, vt perseverent in æternum. Deinde Petrus dicit cælos ardore esse soluendos, terram

*Cæli quo
modo igne
soluendi.*

autē, & quæ in ea sunt exurēda. Cælorum autem substantia non est vitionis, neq; verò alterius alterationis capax. Alioqui quid prohiberet multò iam antea exarcescisse si eorum cavitās plena est igne, & illi adeo rapide mouentur, & Solis fulgor eum vndecunque atrahit? multò minus intelligi possit cælum præ ardore dissipandum, si quis ponat cum Ambrosio, Isidoro, & Basilio, cælestia corpora ignea esse, ne autem ardore soluantur prohibere aquas, quæ supra cælos sunt. Nam si ardore soluenda sunt illa corpora, nihil sunt minus, quàm ignea. Ardor igni non potest esse alienus, neq; corruptius magis quàm aquæ frigus. Perinde ergo sit dicere, ignea corpora calore soluenda, ac si diceres aquam frigore absumēdā. Quin potius oporteret corpora illa pertinere ad aquam, & frigore esse concreta modo. nam quæ concreta sunt frigore soluuntur calore, quæ calore humore. Non videtur ergo consentaneum, cælestia corpora calore, neque vlla alia virtute elementari corrumpi posse, sed vt Arist. sensit, ac nunc omnes consentiunt esse incorruptibilia, & inalterabilia, ac proinde si quis ortuum & interituum rerum futurus finis est, sistēda priuandāq; motu, ea figura qua deprehensa sint, in æternum permansura, non tamen mutanda secundum substantiam, & naturam. Nihilominus maius aliquid mihi sonant illa oraculorū præscriptorum verba, mutandos cælos, vt opertoriū ipsos perituros, soluēdos, nouos creādos. Quapropter si quæ
ratio

ratio inueniri possit, quam propositis argumentis pari probabilitate obiciamus, in ea certe acquiescere equum est. Videtur autem ex hypothesi probabilissimum esse, mundum hunc corporalem quem conspiciamus, periturum aliquando esse, ac pro illo alium longè præstantiorem denuò creandum. Si scilicet, hæc ferries ortuum, & interituum in æternum duratura non est, sed cessatura aliquando, cessurusque motus quieti, & tempus æternitati. Alienum enim omninò à ratione est, corpora natura mobilia, quæque naturali impetu feruntur, ut cælestes orbes, in æterna violentia contineri. Nihil enim philosophis certius quàm nullum violentum esse æternum, Cælum autem cum naturaliter feratur circulo, præter naturam, & violenter detineretur. Neque minor inferretur violentia elementorum naturæ, si ea quoque quali nunc sunt natura durarent. Etsi enim, corporibus suis ordine dispositis, naturalis succederet quies, esset tamen necesse, statim & illum ordinem, & quietem interturbari actione mutua virtutum elementarium, nisi essent actiua passiuæ proxima sine vlla actione: quod nihilominus rationi repugnat. Quid enim posset eas illis indutias firmare, nisi à maiori virtute illata violentia? neque enim satis sit (ut quispiam fortasse putet) sublatam esse lationem, utpotè motum primum ut tolleretur alteratio. Est enim latio prior alteratione, nulla causa, quàm ob admotionem efficientis & recipientis. Si autem essent ordine posita, non solum propè essent, sed & contigua. Essent itaque omnia violenter detenta, & actione orbata, quo nihil absurdius, in illo præcipuè felicissimo æuo, in quo oportet omnia esse pulcherrima, & propriam perfectionem consequuta. Verisimilius ergo multò est, corpora hæc cælestia, & elementaria, quæ ad hanc velut

*Cælestia
corpora
his pul-
chriora
futura.*

rerū genesim optimè cōparata nunc sunt, exacto toto tēpore, & eleuatis successiuius mutationib. quasi toto iā negotio peracto, velut defuncta munere suo, finiri, atq; alia pro illis longè pulchriora, & æternam illā requiem naturaliter expetentia, & secundum se tota inalterabilia, creari denuò, quæ immutabilibus, & æternis subseruiant, vt priora hæc nascentibus, & intereuntibus deferuiūt modò. Videtur itaque inuenta optima ratio, qua quæ nunc sunt deleantur, & illis eleuatis, creentur pro eis alia, vt scilicet, ad tam diuersos status res etiam diuersæ accommodentur. Neque obstat esse hæc corpora à Deo creata, vt deleri possint. Nō enim ab vlla naturali causa, sed ab ipsomet Deo qui creauit, delenda dicimus: neque sanè in nihilum (nō enim hoc dignum censent Dei bonitate) sed in alia essentialiter perfectiora, in quibus horum ipsorum perfectiones maneant eminenter, demptis mobilitate cælestium, & corruptibilitate elemētariū, quæ imperfectionis sunt. Velut autem mutatio naturalis formæ in aliam perfectiorem, nō vocatur interitus, sed ortus, vt cū ex embrione fit animal, ita neq; mutatio quæ diuina virtute fit in substantiam præstantiorem, vocari debet annihilatio, sed creatio. alioqui limum ex quo Adam creatus est, annihilauit Deus, & costam Adæ ex qua Eua. Ita igitur dissoluere quæ fecerat, non est à bonitate diuina alienum, mutando scilicet in potiora, in quibus priorum perfectiones maneant eminēter. Alioqui necesse esset in æterno illo, & fælici æuo, Equos esse, & Leones, & Vrsos, ac reliqua animantia, quorū species æternæ sunt; etsi ortu, & interi tu singulorum seruantur, sed omnia huiusmodi habēt firmam æternitatem præcipuè in exemplari, deinde & in aliis rebus perfectioribus, in quibus sunt, vt trigonus in tetragono.

Ita

Ita ergo animantia reliqua erunt in homine, & priora hæc corpora in illis posterioribus, omnia autē in exemplari diuino. Hoc est quod mihi sonant illa verba Pauli ad Romanos, *omnis creatura parturit usque ad huc*, hoc est in potentia est ad aliam perfectiorem naturam. Quod non solum soluendos esse cælos, sed ardore soluendos Petrus dicit, aliquantò viderundifficilius, & ob eas obiectiones quas antea scripsimus, & ob eā quā tetigimus modò. Nimirū quæ à Deo ipso per se, ac sine causa secūda compacta sint, nō possent ab alia causa solui, sed solū ab eo ipso à quo sint coagmētata. Quæ igitur Deus ipse composuit, vt cælestia corpora, haud quaquā dissoluet ignis, neq; alia causa ipso Deo minor. Certè ita est, virtutem diuinam apponi necesse est, vt deleatur quod Deus ipse fecit, nō igitur ignis delere, aut dissoluere cælos poterit sua vi, sed diuina, quā Deus illi tunc, ad id ministerium exequendum apposuerit. Velut damnatorū corpora torquebit non corrumpens, ac multò magis, vt nunc torquet animas damnatorum. Nimirum corpore hoc natura violentissimo vtitur Deus ad actiones, quæ omnes naturæ vires exceßerūt, aut igitur hoc modo ignis dissoluet cælos, aut orbis mutationē inchoabit, totā hāc corruptibilium corporū molem exurens, interimque Deus sua virtute demolietur cælos, vt videatur tota mundi machinā conflagrare. Diceturque ita verè, per synecdochem, totus mundus igne perire, quia vrendis omnibus combustibilibus, mutationē recipiet. Complebiturq; tunc quod Psalmo quadragesimo nono cecinit Dauid dicens, *Deus manifeste veniet, Deus noster non silebit. Ignis in conspectu eius exardescet, & in circuitu eius tempestas valida.* Solum igitur superest, de hypothesis, ex qua fluunt hæc, probabilitate dicere.

Opera
Dei nisi
vi diuina
solui non
possunt.

An scilicet, futurus aliquis ortuum, & interituum finis sit. Futurum autem esse, videtur facile ex indicatis antea colligi posse. Indicatum enim est, mundum hūc æternum non esse, sed incepisse aliquando, cum antea non extitisset. Indicatum quoque eum esse vnicum, totum, pulchrum, & perfectum, ferrique totum in summum bonum, à quo creatus est. Creati verò mundi velut apicem, & per quem in Deum ferūtur omnia, esse hominem. Hunc enim esse propter Deum, & propter ipsum reliqua, atque animos hominum esse immortales. Ex his fit quod quærimus. Si enim mundus pulcher, ac perfectus est, necesse est omnia in illo esse, mēfura, numero, & pondere, certis effecta. Nam neque magnitudo, neque multitudo actu infinita esse, neque intelligi potest. Quod autem infinitum potentia, deforme, & imperfectum est. Nam est id, cui semper aliquid deest, constatque ea infinitas, ex nunquam finienda adiectione, quæ perfectioni est contraria. Nā perfectò, quā tale, nihil deest, nihil adiici potest. Cū igitur humani animi à mundi exortu continenter creentur in corporibus, atque separati permaneant. si generatio hominum nunquam esset cessatura, illorū esset futura multitudo potentia infinita, quo nihil imperfectius, neque magis incōcinnum. Cum præcipue sit mundi pars, earū quæ cum corporibus habent aliquid cōmertij, præstantissima. Ad pulchritudinē ergo & perfectionem mundi spectat, esse certum numerū creandarum animarum, qui vbi perfectus erit, necesse est, aut easdem rursus redire ad corpora per palyngnesiam Pythagoricam, aut generationum naturalium esse finem; si autē generationū, & motus, & temporis. Quantum igitur habet improbabilitatis naturalis illa Palyngnesia, tantum probabilitatis habebit, finē habituram

*Genera-
tiones fini-
enda.*

bituram hanc rerum genesim. Sed ex ipsa humana anima natura colligitur hæc ipsa assertio. Indicatum enim animam hominis id habere præcipuū præ formis corporū, quod est separabilis, idq; singulare præ omnibus substantiis in corporeis, quod est etiā actus corporis. Itaq; est pariter substantia incorporea, sine corpore potens existere, vt Angelus Dei, & actus corporis, vt forma alia quævis. Igitur & cū est in corpore potest separari, & cū separata, expetet vniri. nō sunt igitur sine corporibus in æternū victuræ. Alioqui quod corporibus cælestibus, & elementaribus timebamus, eueniret animabus, vt scilicet, æterna priuatione rei naturaliter expetite tenerentur. Quod tantò longius à ratione abest quantò vacuitas cū sensu miserabilior est, quàm sine illo. Verisimilimū ergo est, illas sua corpora aliquādo resumpturas. Si ergo naturalis palynginesia impossibilis est, superest, vt sit alia lōgè superior quæ diuina virtute peragatur. Non autem vt naturalis virtus, proferet aliam post aliam regenerationē quasi generationem pristinam ordinē repetens (successio enim hæc impotentia naturalis est) sed vnam totāmq; omniū simul efficiet palynginesiam, tunc scilicet, cum perfectus earum erit is numerus, quem ratio proportionis ad alias intelligentes substantias exiget. Si quādo igitur animi omnes sunt sua corpora resumpturi, certe postquam separati sint omnes. Separati autē esse omnes non poterunt, antequam finis sit nascendi. Necessè est igitur, nascendi finis aliquando futurus sit atque ideo & mouendi, & tēporis. Hinc autē fiebat, vt & cæli, & elementa essent in alia corpora præstatiores abitura. Verè igitur tota hæc mūdi moles peritura est ac pro ea alia longè pulchrior creāda, nullis mutationibus idonea, sed domus æternitatis futura. Quapro-

*Anima
in æternū
victuræ.*

*Mundus
nouus.*

propter omnia oracula quæ æternitatem corporum, quæ, nunc sunt videntur asserere, & immutabilitatem, usque ad mundi huius finem intelligi debent. Quale est illud Psalmi centesimi quadragesimi octavi. *Quia ipse dixit & facta sunt, ipse mandauit & creata sunt. Statuit ea in æternum, & in seculum seculi, præceptum posuit & non præteribit.* Et illud Psalmi nonagesimi secundi, *Et enim firmavit orbem terræ, qui non commouebitur.* Nimirum Ecclesia Catholica semper proclamat Dies illa in qua cæli mouendi sunt, & terra, Itaque usque ad mundi finem stabunt hæc qualia nunc sunt, nullâ sententia mutationem naturalem, tunc autem deleta, mutabuntur in alia noua, & pulchriora.

CAPVT NONAGESIMVM.



POCCAL. cap. 3. *Vtinam frigidus aut calidus esses, sed quia tepidus, neque calidus, neque frigidus, incipiam te euomere ex ore meo.* Res est medicis omnib. notissima, & confirmatissima experimento, tepida

Aqua tepida vomitum inuitat.

omnia ventriculum subuertere, frigida verò aut calida retineri multò melius. Vsq; adeo, vt sola aqua quæ per sese nullam vim vomitoriam habet, ea solum causa, quòd tepida bibatur, vomitum moueat, non omnino segniter. Huius rei causa est, quod tepidarum rerum tactus, blandus, placidus, ac laxans est. Quod apertè indicant medicamenta propriè anodina, à soluendo dolore vocata, quæ tepidi caloris sunt, quia immoderatus frigida, & calida vtræque mordent, frigida quidè, quia contrahendo exasperant, calida quia pungunt, & ad vtrorumque tactum contrahuntur partes; ad tepidum autem, blandum & suauem, laxantur, atque extē-

dun-

duntur, non aliter atque animalia affixa, aut frustra-
 tecta, quæ videmus quæcunque causa doloris acce-
 dat, siue mordens siue pungens, sese contrahere, per-
 fusæ verò tepida, seu ad solis moderatum calorem, distē-
 di. Ita faciunt spontè naturæ ventriculi partes. Cū verò
 primo occurſu cum quadam voluptate id accadat par-
 tibus mox ea tactus vertitur in tristitiam, & anxietate-
 tem, ob quam accidit abominatio, & vomitus. Nā ven-
 triculus bene constrictus, atque corrugatus circa ci-
 bum, aut potum, continet illum sine molestia, & nul-
 lam offensam ab eo sētit. Si verò laxatur, demittit, qui
 dimissus ponderi est ac molestiæ. Non aliter ac manus
 laxata euertitur ab eodem pondere, quod firmiter cō-
 stricta facile sustentaret. Itaque eandem passionem af-
 ferunt ventriculo tepida, & si alioqui vomitoria non
 sint facultate, quam quæ sunt per sese, & propria po-
 tentia talia, Horum enim quædam, quia sunt laxantia,
 & emollientia, sunt etiam vomitoria, vt oleum & om-
 nia quæ sine sale sunt pingua: quædam sunt maligni-
 tate quadam abominabilia, vt Agaricus Turpetum, & *Agarici*
 Eleborus, & succus Raphani. Vtraque verò & si lon- *maligni-*
 gè diuersa ratione, faciunt ventriculi in quem ingerū- *tas.*
 tur laxitatem, saltem secundum fibras obliquas, quæ
 subseruiunt retentioni. Transuersæ enim & quæ ser-
 uiunt expulſioni, constringuntur, insurgente virtute
 partis in id quod molestum ei est. Similem huic etiā
 passionem facit tactus rerum tepidarum. Fibras obli-
 quas laxat per se ob blandum sensum, transuersas per
 accidens facit constringi ad explendū quod quia ma-
 le continetur, grauat. Vt ergo famē nō mouet sola pe-
 nuria & suctus ab habitu corporis excitatus, sed quæ-
 cūq; similē faciūt in ore vētriculi corrugationē vt aci-
 da: ita abominationem, cōtrariam ei appetitui in quo

famem ponimus, efficiunt non ſolùm quæ abominabilia per ſe ſunt, ſed & quæ quacunque ratione laxari illud faciunt, in quibus ſunt quæ accipiuntur tepida, præcipuè verò quæ liquida. His enim accedit fluctuatio, quæ non parum facit ad vomitionem. Ex hac calidorum frigidorum, & tepidorum proprietate, accipit Spiritus Sanctus allegoriam transferens ad hominum mores, dicẽsque, *utinam frigidus aut calidus eſſes, ſed quia tepidus es & neque frigidus, neque calidus, incipiam te euomere.* Quæ verba ſunt Dei ad hominem improbum, poſſuntque Theologicos ſenſus recipere, mei verò muneris ſolùm ſit, ea Ethicè interpretari vt id vnde allegoria accipitur ſum interpretatus phyſicè. Conſtat nomine frigidi & calidi non intelligi contrarios affectus inter quos ſit tepiditas, vt mediocritas quædam, nihil admittens nimium. Nam vt in ſecundo libro Ethicorum Ariſt. monſtrat, virtus quæcunque, atque adeo virtus omnino, in mediocritate conſiſtit, inter exceſſum, & defectum conſtituta: vitia verò conſiſtunt in extremo. Si igitur calidi, & frigidi nomina extremos affectus ſignificarent, & tepiditas eorum mediocritatem, videretur virtus præ contrariis vitiis vituperari, quod conſentaneum non eſt. Ob hanc obiectionem plerique, calidorum, & frigidorum hominum nomine, intelligi putant optimos, & peſſimos: tepidos verò vocari remiſſæ cuiuſdam, & imperfectæ virtutis homines, hoſque vituperari plus aliis, non quod vtriſque ſint deteriores, ſed quòd ſua mediocritate decepti, minus ſoleant reſipiſcere, & ad perfectam virtutem aſpirare. Placet hoc non paucis: mihi verò non ſatis. Nam præterquàm quod manifeſtum, meliorem eſſe conditionem hominum, qui etſi perfectæ virtute non ſint neque vendiderunt omnia quæ haberẽt,

*Virtus in
mediocri-
tate perſi-
ſtit.*

vt pauperibus largirentur, sequuntur tamen temperatum quoddam, & mediocre viuendi genus, seruántq; mandata, quàm eorum qui sunt manifestè improbi: sed & ad proficiendum, ac ad resipiscendum à peccatis, sunt illi quàm hi paratiores. Nam si naturales ipsorum vires consideres, constant tantò cuique esse difficilius bene agere, quantò plus criminibus assuevit. Quandoquidem habitus omnis facilitatem parit ita operandi, & contrarij difficultatem: habitus quidem virtutis facilitatem bene operandi, & secundum rationem; vitiosus verò difficultatem, & quantò maior, tantò maiorem. Sin autem consideres auxilium quod diuinitus accedit, id quoque constat tantò desiderari maius, quantò homo pluribus maioribusque peccatis est implicatus, vel hoc solùm argumento, quòd ea auxilia morborum animi medicamina sunt, morbi autem maiores maioribus indigent. Tametsi ergo pessimi, & iniquissimi hominis iustificatio meritò sit Deo gloriosissima, & cælitibus iucundissima vt scilicet medico & eius amicis reuocatio deplorati, eius tamè status nulli exoptandus, neque impræcandus est, vtpotè periculosissimus, & ex quo perpauca euadunt. Hæc igitur cum ita se habeant, & Dominus particula exortandi vtatur dicens, *utinam frigidus aut calidus esses*, necesse est nomine tepiditatis, significari dispositionem quampiam animæ, quæ mediocritatis, & tranquillitatis cuiusdam speciem præ se ferat re vera autem sit vitiosissima, dicaturque tepiditas ob apparentem pacem, vituperetur autem omnium maximè, ob verissima, & maximè latentia vitia. Quæ autem sit hæc dispositio, optimè mihi videtur Aristote. explicasse 7. Ethicorum ad Nicomachum, continentis ac incontinentis, & temperantis, ac intemperantis rationes expo-

Contine-
tia & inco-
ntinentia ra-
tio.

nens atque differentiam Nimirum dicit intemperantiam, & incontinentiam (eadem est contrariorum ratio) circa eadem versari. Nam speciatim ac propriè acceptis his nominibus, versantur circa voluptates tactus, & gustus, neque quidem circa omnes tactiles, sed solum circa venereas: itaque circa ingluuiem, & veneream: translatitiè verò & latius patentibus nominibus, versantur circa omnem dolorem, & voluptatē, atque vt est incontinens cibi, & potus, & lasciuia, est etiam incontinens iræ, & cupiditatis diuitiarum, & honorum. In quocunque horum generum est perturbatio animi, & ipsum peccatum, & vitium per quod peccatur. Velut est ira, & vltio, & ipsum vitium animi per quod homo spontè sua deliberat vlscisci. Non esse autem idem, iram & illud vitium, constat quia multi etsi irascantur abstinēt à vindicta, quia sunt probi. Est igitur virtus quæ obsistit iræ. Cū ergo ira & virtus illa non sint in eodē genere proximo, quia virtus est affectus in anima permanēs, habitus scilicet; ira autem passio, constat præter iram esse vitium quoddam, illi virtuti contrarium, in eo qui irascitur, & cum deliberatione, & spontè vlsciscitur, aut vlscisci vult.

Cum tamem sint hæc tria, ira vindicta, & illud vitium, constat malignitatem per se non esse nisi in illo vitio. Nam vindicta potest esse bona, vt vindicauit Moyses in fratres suos. Ira quoque nam in fatelitium rectæ rationis data est hominibus à Deo. Vitium verò nunquam potest esse bonum, quia est per se malum. Dicit ergo Arist. temperantiam & intemperantiam versari circa actiones bonas, aut malas; continentiam & incontinentiam potius circa ipsas passionēs, & perturbationes siue animi, siue corporis.

Temperantia & intemperantia circa que.

Animi dico, vt circa iram gaudium, & cupiditates

diuitiarum, aut honoris; corporis, vt circa carnis lasciuiam, seu pruritus, & cupiditates cibi aut potus. Temperans enim est, qui & si irriteretur commoueatürque temperat à crimine: intemperans qui non temperat, vtcunque habeat circa irritationem. Incontinens verò aut continens, potius propter perturbationes dicitur. Est enim incontinens, qui leuiter, & ob quacunque irritamenta perturbatur, vt qui de quauis leuicula causa. Irascitur, aut prurit, aut concupiscit. Itaque qui conspecta muliercula non se videtur posse continere, sed citra deliberationem mox irrui, ita verò aut irascitur, aut vtcunque aliter patitur, incontinens est. Continens contra, qui talis est, vt minus etiam quàm homines solent perturbetur, quacunque occurrant irritamenta. Ex his definitionibus constat, continentiam, & incontinentiam, quodammodo non esse virtutem, neq; vitiū, quia per se nō versantur circa actiones bonas, aut malas, sed circa passionem, quæ natura indifferentes sunt. Præterea incontinentia, & contrarium, nascuntur sæpè ex cuiusque hominis temperamento, aut compositione, denique ex natura, ob quàm neque laude, neque vituperio dignus est homo, ob ea autem sunt vera vitia aut virtutes, merito vituperatur quis aut laudatur.

Verbi gratia, culpa non est in ira, sed in vindicta. Ira verò fugienda est, quia est animæ perturbatio, cum qua per difficile est, à vindicta velle abstinere. Per se autem culpa est, in vindictæ cupiditate spontanea, & cum deliberatione. Dixi verò incontinentiam quodammodo non esse vitium, neque continentiam virtutem, quia quodammodo etiam sunt. Sæpè enim illi naturali, siue impotentia, siue potentia, admiscetur aliquid voluntarij. Vt qui facile irascitur, non tamen

*Continens
& incontinens qui.*

omninò pœnitet leuiter admiffę iræ. Is enim iam non meram habet incontinentiam, sed intemperantiæ etiam aliquid & vitij, quatenus vult, & delectatur. Ita etiam continentia quæ non venit ex natura, sed hac repugnante, vfu comparata est, timore Dei aut amore, ea maxima temperantia, & eximia virtus est. Itaque si gnũ incontinentiæ meræ, & quæ nihil habuit culpæ, est, mox à sedata perturbatione pœnitentia vera conceptæ perturbationis. Contra si quis incontinenter est iratus, postea vero illum perturbationis non pœnitet, ac multo magis, si quem iratus læsit, euidenti argumẽto est, aliquid ibi fuisse vitiosæ voluntatis, & culpæ.

Cum igitur quispiam iratus est, quantumuis vehementer nullum tamen læsit, aut non spontè, & cum deliberatione, & illum cito incontinentiæ illius pœnitet, in nulla culpa est. Quod apertè satis insinuant illa verba Psalmi quarti. *Iraſcimini & nolite peccare, quæ dicitis in cordibus vestris, & in cubilibus vestris compungimini.* Quasi dicat, cum iraſcimini (id quod natura hominibus inest) nolite peccare, idest, opere exequi, aut cum deliberatione velle, ea quæ in cordibus vestris dicitis cum estis irati, quæ scilicet, comminamini, sed ab iniuriis temperantes postea in vestris cubilibus, vbi sedari consuevit hominum animus, compungimini, & pœnitentiam agite conceptæ iræ. Ita enim ob naturalem quidem debilitatem egeritis incontinenter, non eritis autem in culpa. Ex his quæ dicta sunt, constat, temperantium, & intemperantium posse esse quatuor modos. Nam potest esse quis temperans simul, & continens qui scilicet, minus perturbatur quàm homines solent, simulque à peccatis abstinet. Potest etiam esse incontinens, sed temperans, qui etsi ob naturale vitium, aut inueteratam consuetudinem, eorum quibus

cum

Quatuor
modi tem
perant um
& intem
perantiũ.

cum vixit, ut domus, aut urbis, aut gentis facile irritatur, à committendis peccatis abstinere, cum locum deliberationi passio concedit. Intemperantium quoque sunt duo modi. Nam potest esse quis simul incontinens, & intemperans, qui quacunque occasione perturbetur, & quidvis opere exequatur, non primo solum impetu, sed etiam postquam deliberandi tempus aliquod nactus est, neque cum facti poenitet; potest etiam esse intemperans, etsi non sit incontinens, qui scilicet, non admodum permoueatur, neque irritatur in occasionibus imperturbatus vero, & citra irritatione, nihilominus committit peccata. Horum quatuor, duos quidem constat studiosos esse, temperantes scilicet siue continentes etiam sint, siue secus. Atqui & si multitudini videntur esse meliores longè, qui continentes simul sunt & temperantes, reuera tamen non semper ita est, sed tunc solum, cum continentia meditatione virtutis comparata est, aut incontinentia culpa est contracta. Si enim tam cōtinentia, quàm incontinentia naturalis est; aut gentilis, melior multo est temperatus incontinens, quia longè maioris difficultatis est, cum ea incontinentia temperare; difficultas vero nulla sua culpa orta est. Duos alios constat esse vitiosos, & prauos intemperantes, scilicet quorum, ij qui simul sunt, & incontinentes, vulgo videntur esse deteriores, reuera autem sunt tollerabiliore Reliqui enim qui scilicet sine incontinentia sunt intemperantes, omnium sunt pessimi, idque multis de causis. Primum quidem, quia quo quis cum minori perturbatione, et peccat cum maiori libertate, & deliberatione. Passio enim libertati detrahit, adeo ut nonnūquam in ipso primo impetu omnino tollat. Cum igitur malignitas in libertate operandi consistat, malignior sit

*Intemperā
tū vitia.*

is; qui sine perturbationibus, transgreditur nihilominus rectæ rationis fines. Atque ut dicitur Ecclesiastici decimonono; *Melior est homo qui minuitur sapientia, & deficiens sensu in timore domini; quam qui abundat sensu, & transgreditur legem altissimi.* Is certè est de quo dicitur Prouerb. decimo. *Quasi per risum stultus committit scelus.* Deinde, & quia est insanabilior, idque etiam multis de causis. Primum quia peccatorum

*Peccatorum
medella.*

medella, ut idem Aristot. loco citato aperte dicit, penitentia est, hunc verò rarò facti penitet, qui cum peccauerit imperturbatus, in eadem voluntate persistit. Deinde, quia hic non agnoscit propriam culpam, sed eadem causa, qua vulgo videtur minus malus quam incontinens, sibi videtur etiam esse bonus. Adeo ut dicat Aristot. 2. Magnorum moralium capit. 6. in talibus corruptum esse principium, hoc est, rationem & mentem, eoque in prauis rationem aliquam magni boni coniectare, velut Dionisius, Phalaris, & Clearchus, haud dubie immaniter peccantes, illustria facinora coniectabant. Neque enim per iram ea semper patrabant, sed plerunque per errorem talem; multi etiam mulieribus abutuntur non per amorem, neque verò admodum per pruritus, sed per licentiam, & corruptionem principij, quapropter neque peccata sua satis agnoscunt. Nam perturbationes, ut ira, & tentigo, & reliquæ cupiditates manifestæ admodum passionibus sunt, & ei qui patitur, & intuentibus. Peccata vero sine perturbationibus latent, quia nullam per sese sensibilem notam præstant, cum præcipuè non finiuntur in externa opera. Hinc nascitur tanta illa difficultas agnoscendi peccata, quæ Dauidem in illa verba fecit prorumpere. *Delicta quis intelligit? ab occultis meis munda me domine.* In hos igitur quos omnium esse pessimos

*Peccatorum
cognitio.*

dicunt

dicit Arist. optime quadrant illa verba capitis duode-
 cimi Prouerb. *Via stulti recta in oculis eius.* Quomo-
 do igitur curationem quæret, qui se putat bene vale-
 re? est itaque hic pessimus, & quia re ipsa malignior, & *pessimus*
 quia incurabilior, deinde & quia inexcusabilis; non e- *quis.*
 nim habet perturbationes quas causetur, sed ob so-
 lum legis & virtutis contemptum, quasi nihil inter-
 sit ita aut aliter agere imperturbatè, ac proinde ine-
 mendabiliter peccat. In hoc genere sunt simulatores,
 & callidi, parati scilicet, ad prodiones fratrum, vr-
 bium, & regnorum, qui (vt dicitur Iob 16.) prouocant
 iram Dei. Nam vt dicitur Prouerb. 12. *Qui statim indi-*
cat iram suam fatuus est (nimirum, vt Aristot. indicat
 cap. decimo septimi Ethicorum,) *incontinens non po-*
test esse prudens qui vero dissimulat iniuriam (vt scilicet
 vliscatur melius) *callidus est.* In hoc etiam genere sunt
 hypocritæ, qui speciem virtutis præ se ferentes, alios
 primum, deinde & seipso aliquando seducunt. hos vo-
 cat Sanctus Spiritus tepidos, quia neque boni sunt,
 neque conspicuè mali, cum reuera sint omnium pessi-
 mi. hos euomit Deus, atque à se reiicit, & indurat, tra- *Hipocri-*
 ditque non rarò in reprobum sensum. Ergo inquit, *ta pessimus.*
utinam calidus, aut frigidus esses, hoc est, bonus, aut a-
 pertè malus, & perturbationibus plenus, vt iis sedatis
 ageres poenitentiam, ac resipisceres, *sed quia tepidus*
es, hoc est sub specie boni iniquus & impænitens, &
 legis contemptor, *incipiam te euomere*, velut qui tepi-
 da deglutierunt iuscula. Tu autem domine misere-
 re nostri.

CAPVT NONAGESIMVM

PRIMUM.

Deus prin-
cipium &
finis.



AP. 21. Apocalypsis. *Ego sum a, & ω, ini-*
tium, & finis, quæ eadem verba repetū
 tur Cap. vltimo. Additis his duabus vo-
 culis, *Primus & Nouissimus*, quæ ad
 philosophiam non videntur pertinere,
 sed grandius aliquod continere arcanum fidei, quæ est
 Domini nostri IESV Christi. Priora illa a Deo prola-
 ta, rationem mihi videntur habere naturalem & con-
 sonare cum illis decimi sexti capitis Prouerb. *Vniuer-*
sa propter semetipsum operatus est Dominus. Itaque est
 Deus vniuersorum principium & finis, quia ab ipso &
 propter ipsum facta sunt. Ab ipso quidem facta esse o-
 mnia super caput primum Geneseos, quod huius ope-
 ris est primum, firmissimis, vt mihi videtur, argumen-
 tis est indicatū. Superest vt quæ in principio, principiū
 esse rerum ostendimus, iam nunc in fine, finem esse in-
 dicemus. Erunt autem nobis hîc positiones, quæ illic
 sunt indicatæ nimirum mundum hunc vniuersum fa-
 ctum esse, neque ab æterno extitisse, factūque ab v-
 no quodam principio quod æternum, vnicum, simpli-
 cissimum, idemque potentissimum, sapientissimum,
 & optimum, pulcherrimūque, His positis, fit, illum
 mundi opificem sui ipsius gratia fecisse vniuersa, ef-
 fectūque & principium à quo omnia, & finem, cuius gra-
 tia effecta sunt. Nam aut fecit mundum alicuius gra-
 tia, aut temerè. Operari autem temere non cadit in
 sapientem, fecit ergo alicuius gratia. Id verò cuius
 gratia aliquid fit, melius esse debet quam ipsum quod
 fit, vt sanitas quam medicina, & habitatio quàm do-
 mus. Boni enim gratia fiunt, quæcunque alicuius gra-
 tia fiunt,

tia fiunt, à causa non errante, & ipsa ratio finis, est ratio boni. Igitur id cuius gratia Deus fecit vniuersa, melius est vniuersis quæ facta sunt, non factum autem nihil est præter ipsum Deum. Ipsemet igitur est finis, qui & principium. Dices fortasse, Deum cum sit summum infinitumque bonum, esse etiam sibi sufficientissimum, atque nullam boni accessionem posse recipere, ac proinde nullius gratia operari, cuius enim gratia operetur, qui nulla re indiget? atque si quam maximè alicuius gratia, certe non sui ipsius, cum nihil possit sibi comparare, sed gratia aliorum, vt forte rerum ipsarum quæ fiunt, vt scilicet, sint, quia res ipsas esse, quàm non esse, melius est illis. Itaque sit finis finiendi ipsum esse, sicut rei cuiusque generatio finitur in eius formam. Ita est profecto, res factæ sunt vt sint, sed hinc rursus efficitur, quod asserimus. Nam cur Deus voluit eas esse? an non quia melius erat, quàm non esse? igitur vt illis beneficeret. Sed cur voluit benefacere? an non quoniam bonus. Igitur postremus rerum faciendarum finis, vt effector beneficeret, secundum quod bonus est. Is autem finis est in ipso principio, sua gloria. Deus igitur ipse est finis vltimus rerum omnium. Dico vltimus quia singularum rerum, sunt singuli fines proximi. nam res ipse sunt aliæ propter alias, postremò verò omnia deuoluuntur ad vnum finem. Porro eisdem argumentis quibus effectum est, vnicum esse rerum omnium principium, omniâque ab vno fluere efficitur vnicum etiam esse finem: nimirum ex vnitatem & perfectione vniuersi: multo enim magis dissoluit vnitatem & perfectionem multitudo finium vltimorum & qui non ordine feruntur in vnicum, quàm principiorum. Esse enim & perfectio rei ex fine magis

*Cur res à
Deo factæ
sint.*

pendet,quàm ex vlla alia caufarum.Necesse est igitur, siquidem mundus est vnus,pulcher,ornatus (vnde & nomen accepit)& perfectus,vnicū esse rerum vniuersarum finem.Vnicus autem,omnium non potest esse vlla rerum effectarum.Nam aut ipsius esset alius finis, aut nullus.Si nullus,ea res esset facta temerè,quod nō minus est absurdum,quàm ita esse facta omnia. Sin esset alius,is alius esset vltimus finis omnium. Si enim est finis proximus eius,quod est finis aliorum omniū, est simpliciter vltimus omnium. Ille igitur,aut esset res creata , aut ipse Deus;si creata, redit eadem dubitatio,& in infinitum ibitur.Necesse est igitur stare in fine in creato,qui est ipse Deus.Si igitur alia omnia facta sunt propter hominem , ipsum hominem necesse est factum esse propter Deum,atque ordine quodam extitisse alia propter alia, postremo verò omnia propter Deum,vt prata irrigua propter pabula,hæc propter pecora,hæc propter hominem, hominē propter Deum. Igitur si mundum oportet esse perfectum, & vnum,opportet etiam ab vno principio fluere , & in vnum finem ferri. Non potest autem differre ille finis,ab illo principio. Nam cum indicatum sit seorsum,neque principium,neque finem posse esse creatum; fieret vt essent duo æterna. Indicatum autem est antea,quod & nunc ponitur,quod æternum,esse vnicum & simplicissimum: necesse ergo est idem , esse vniuersorum principium & finem. Sed & ipsa forma aspectabilis mundi,ob ipsam rerum necessariam concinnitatem, hoc idem indicat. Velut enim ipsum mundi corpus,quod conspiciamus,perfectissima figura,hoc est circulari,est,& incessanter circumuoluitur, ita necesse est ipsam rerum seriem, non in rectum ferri,

*Homo
propter
Deum factus.*

ferri, sine fine, vt quæ imperfecta sunt, sed circum-
 lum imitari, finiri que vnde cœpit. Nam quòd hu-
 iusmodi, est perfectum & infinitum. Perfectum qui-
 dem, quia finitum suo ipsius principio, infinitum ve-
 rò, quia nullibi intercisum, & pendens, vt quòd recta
 producit. Indicatum verò antea est multis argu-
 mentis, Caput quod de Philosophia Pythagorea in-
 scripsimus, in hac vniuersitate rerum, quæ ab æterno
 fluxit exemplari, quod penes Deum est ipse Deus,
 concinnitatem habere perfectam, & ad se singula, &
 inter se, Arithmetica, Geometrica, Physica, & Meta-
 physica entia, ex eaque concinnitate nasci mirabilem
 quandam perfectionem, quæ est ipsa forma & ratio v-
 niuersitatis, Eloquamur igitur iam, vt in libri calce
 decet, aperte principia & causas totius vniuersitatis,
 & rerum singularum. Cum sint generatim quinque *Quinque*
 causarum genera, efficiens, materia, forma, finis, & *causarum*
 exemplar: vniuersitatis totius creandæ materia, nulla *genera.*
 fuit ex qua, siquidem ex nihilo est facta, nunc autem
 immanens materia sint eius partes: efficiens verò, &
 finis, & exemplar, est ipse Deus. Forma quidem e-
 ius non est Deus (etsi aliquibus veterum id quoque
 visum est) forma enim, essentia, & quod quid erat esse
 rei, est, mundus verò non est Deus. Neque verò
 est anima mundi, quam Plato inuexit, censens mun-
 dum animal quoddam esse perfectissimum, & sapien-
 tissimum. Nam ne animal quidem est, vt Arist. multis
 firmissimis que argumentis ostendit, & omnium iam
 philosophorum communis sententia est. Sed illa a-
 ptissima omnium ad omnia coaptatio, & ordinatissi-
 ma concinnitas, quæ facit ipsam verè vnā ac perfectā,
 ipsa illius forma est. Est verò non accidentalit, vt

lignorum, & lapidum dispositio talis est forma domus, sed substantialis. siquidem vniuersitas vna substantia perfecta est, vocarique potest illa, vniuersalis natura, quæ adeo est ipsum mundi esse, vt quin mundus deficiat, deficere illa vnitas, & coordinationis appetitus non possit. Hinc fluunt omnes motus, & quietes, ac denique omnes naturales actiones, & passionēs quæ communes æque omnibus rebus sunt. Moueri scilicet, & quiescere, vtcunque expedit ad retinendam continuitatem, & rerum ordinem: velut quæ cuique rei sunt propriæ, fluunt ex cuiusque rei peculiari natura, velut calefacere, aut calefieri, refrigerare, aut refrigerari, durare, aut durari, mollire, aut emolliri, trahere, aut trahi, repellere, aut repelli, aut quiduis aliud eiusmodi facere, aut pati. Itaque vniuersitatis totius hæ sunt causæ. Singulæ autem res ab vniuersitate discrepant: primùm quidem, quod eorum plurima habent materiam ex qua fiunt, non immanentem, quod vniuersitati repugnat. Nam cum vniuersitas constet ex omnibus rebus creatis, nihil potuit esse ante ipsam quod in eius creationem insumeretur, alioqui fiens desineret esse vniuersitas. Quare vel ipsa ratio vniuersitatis exigit, vt facta sit ex nihilo. Aliarum verò rerum, artificiales quidem omnes, siue homogeneæ, siue ætherogeneæ, fiunt ex materia immanente, & nulla (nisi per accidens, vt si sit ex arca mensa) desinente, hac in parte quodammodo similes vniuersitati, vt lectus ex cedro, mensa ex nuce, arca ex pinu, statua ex ære, domus lateribus, lignis, tegulis & calce: naus ex tabulis, trabibus, & ferramentis. Naturales verò, omnes quæ ætherogeneæ, habent materiam vtranque aliam ex qua desinentem, vt animal sit ex semine aut ouo desinentibus, & ex carne, osse, neruo, medulla & pel-

*Materia
immanē-
tia & de-
sinentia.*

& pelle, manentibus, arbor ex nucleo desinente, radice, cortice, ligno, fibrisque, manentibus. Ipse verò homogeneæ, quæ summe tales sunt, actu immanentem nullam materiam habent, nisi fortè potentia: fiunt verò aliæ ex aliis desinentibus, vt ex arena lapis, ex lapide rursum arena, accedente, & recedente humore. Discrepant etiam vniuersitas & res singulæ, efficiente & fine. Quòd vniuersitatis solus Deus est effector primus & proximus, & finis vltimus & proximus, quia inter Deum & vniuersitatem nihil potest interesse. Cū vniuersitas sit omnia præter Deum. Singulorum verò sunt aliæ causæ effectrices, & aliæ finales proximæ, nisi fortè hominis, qui hac ratione videtur conuenire cū vniuersitate, (ipse non alia ratione potius microcosmus nuncupatus) quòd propter solum Deum effectus est. Dico autem secundum speciem. Nam in singulari cuiusque generatione fuit proximus finis, speciei productio. Itaque Deus est prima & vltima causa omnium, proximus verò effector vniuersitatis, finis tamen & vltimus simul & proximus vniuersitatis, & solius hominis secundum speciem. Quod ad formam attinet nullum est discrimen. Nam & vniuersitatis, & rei cuiusque forma est sua ratio, & ipsum rei esse. Exemplaris causa eadem est vniuersitatis & rerum omnium secundum speciem, vt hominis, equi, & bouis puta Deus: singularum verò generationum non est causa vlla exemplaris. Neque enim α . ignis fecit β . ignem ad exemplar, sed naturaliter in nihil intuens. Homo quoque ab homine fit sine exemplari, sed naturaliter. Nam tametsi intuitus rei cuiuspiam, faciat id quod gignitur simile, vt de virgis Iacob differentes recipimus, causa non est in imitatione, vt cum transcribitur aliquid ab exemplari, sed in similitudine quam

cogitantis anima induit, vt illo loco explicauimus. En
finis totius Philosophiæ naturæ, cognitio scilicet cau-
farum quę omnes cum ad ipsum summum Deum de-
uoluantur, ipso existente, totius vniuersitatis & rerum
in ea omnium a quo primo fluunt, vt à principio &
exemplari, & in quem finem feruntur, constat, quam
recta via tendat, immo quam proximè accedat natu-
ralis contemplatio in Dei Optim. Maxim. contem-
plationem. Qui, vt est mundi totius, fuerit mihi hu-
ius operis principium sitque.

FINIS.

INDEX

TOTIVS OPERIS

A



<i>Blactationis tempus</i>		<i>Amyli utilitas</i>	312
<i>fo. 634. & seq.</i>		<i>Anacreontis mors</i>	334
<i>Abortus quando</i>		<i>Angelica salutatio</i>	74
<i>fiant</i>	165	<i>Angeli quid sint</i>	323
<i>Abyssus</i>	482	<i>Angelorum apparentia</i>	97
<i>Aceri in in nitro soluti vis</i>	469	<i>Angelorum cursus</i>	290
<i>Accipitrum natura</i>	444	<i>Ange'orum motus & locus</i>	322 &
<i>Achores</i>	186	<i>seq.</i>	
<i>Adamas</i>	373	<i>Angeli creatores Platoni</i>	500 &
<i>Adami status lutea</i>	91	<i>seq.</i>	
<i>Adamus sine morbo creatus</i>	29	<i>Animalium cognitio</i>	425
<i>Adultera maledictio</i>	145	<i>Animalium differentia</i>	169
<i>Aeris motus circularis</i>	474	<i>Animales motus</i>	338
<i>In aere nihil gignitur</i>	59	<i>Animalium morbi</i>	331
<i>Aeris materia proxima</i>	60	<i>Actiones & passionis animalium</i>	
<i>Aer pro celo</i>	39		197
<i>Aeris temperies</i>	59 & seq.	<i>Animalium gradus</i>	612
<i>Aequalitas</i>	517	<i>Animalia perfecta sanguinea</i>	
<i>Aqualitas arithmetica & geome</i>			17
<i>trica</i>	517	<i>Animalium nullum immortale</i>	
<i>Aequibilitas</i>	611		618
<i>Aestus consideratio</i>	419 & seq.	<i>Animalia ex excrementis</i>	28
<i>Aestus noxa</i>	334	<i>Animalia ante semina</i>	50
<i>Aestivi calores unde</i>	210	<i>Anima an ex Dei substantia</i>	66
<i>Aeternitas quid</i>	44	<i>Animarum transmigratio</i>	85
<i>Aeterna quae Platoni</i>	62	<i>Anima motus in morbis</i>	87
<i>Aeternum unum solum</i>	52	<i>Anima immortalis</i>	89 ex quo
<i>Aeternum pro longo</i>	115	<i>90 quid</i>	136 quorum princi-
<i>Agarici malignitas</i>	663	<i>pium</i>	91. 92. 97
<i>Albugo</i>	331	<i>Natura gemina</i>	
<i>Alfonsi regis tabula</i>	436	<i>95 inorganica</i>	96 omnia quo-
<i>Alexipharmaca.</i>	611	<i>dammodo</i>	136 quando imperfe-
<i>Alopecia</i>	187	<i>cta</i>	98 antiquior corpore
<i>Alteratio duplex</i>	112	<i>100</i>	an sanguis 101 quomodo in san-
			guine 105 vis 16

<i>Anima quomodo causa vite</i>	94	<i>Arborum ortus</i>	352
<i>Anima due Philoni</i>	102	<i>Ardea</i>	441
<i>Anime assistentis refutatio</i>	98	<i>Aristotelis laus</i>	18
<i>Animam quæ forma precedant</i>		<i>Aron</i>	441
135		<i>Ars naturam imitatur</i>	31
<i>Anima hominis & brutorum dis-</i>		<i>Arcturus</i>	382
<i>ferentia</i>	202	<i>Artis & naturæ progressus.</i>	31
<i>Anni climaterici.</i>	117	<i>Asclepiadis mors</i>	334
<i>Anni partes</i>	141	<i>Astra ignea</i>	41
<i>earum cum diei</i>		<i>in signa facta</i>	
<i>partibus comparatio. ibid.</i>		43	
<i>Anni decretorij</i>	626	<i>Astrorum creatio</i>	43
<i>Annorum supputatio.</i>	436	<i>stantia</i>	281
<i>Annus magnus</i>	288	<i>An astrorū substantia sit tenuior</i>	
<i>Antipathia naturalis.</i>	610	<i>cælo</i>	396
<i>Antipode</i>	28	<i>Astris nihil cum fortuna.</i>	284
<i>Appetitus peccati</i>	338	<i>Astra non necessitant</i>	285
<i>Apis taurus</i>	139	<i>De astris præclara</i>	395, &
<i>Apologus de lignis regē petenti-</i>		<i>seq.</i>	
<i>tibus.</i>	83	<i>Astrologia diuinatrix quid</i>	275
<i>Apoplectici</i>	335	<i>Astrologia iudiciariae repreh-</i>	
<i>Apolophones philosophus</i>	257	<i>sio.</i>	274. & seq.
<i>Aqua principium frigidiorum</i>		<i>Astrologia agricolarum nautorum</i>	
33		<i>& medicorum</i>	286
<i>Aqua generationis mater</i>	33	<i>Atheorum argumenta & eorum so-</i>	
<i>plex</i>	41	<i>lutio</i>	459
<i>Congregatio aquarum</i>		<i>& seq.</i>	
<i>ibid.</i>		<i>Atheorum reprehensio</i>	461
<i>Aqua maior terra.</i>	39	<i>Athlanticum mare</i>	408
<i>Aquarum dulcedo</i>	150	<i>Auctoris edita volumina</i>	6
<i>differen-</i>		<i>Auctoris protestatio</i>	7
<i>tia</i>	480	<i>Avaritiæ contraria</i>	
<i>Aqua cur fluxilis</i>	34 35	<i>Augurij exemplum in sacris.</i>	
<i>Facunda</i>		246	
<i>ibid.</i>		<i>Aurifera prouincia</i>	377
<i>Aque motus</i>	35	<i>Aurium consideratio</i>	456
<i>Aque false nocumenta</i>	305	<i>Aures purgantia</i>	469
<i>Aque sale iniecto curate</i>	306	<i>Aues in qua aeris parte volent.</i>	
<i>Aque salsa sæcundissima</i>	306	60	
<i>Aque supra firmamentum</i>	40. 41	<i>Auium temperamentum</i>	ibi.
<i>Aque frigide potus</i>	470, & seq.	<i>Siccitas</i>	58
<i>Aque, & terra globus</i>	42	<i>Aues ignea</i>	58
<i>Aque creatio</i>	ibi.	<i>Aues rapaces</i>	444
<i>Aquila</i>	444		
<i>Aquilarum genera</i>	445		
<i>Aquilo</i>	194. & 356		

Aues infausta 445
Auster 194. & 356
Auster cur calidus 644

B

Balnea quibus interdicta 23
Baptismus abortiuorum 622
Basiliscus 529
Beatitudo in quo sita 650
Bezazar lapis 610
Binarium rerum principium. 615
Binary imperfectio 173
Bonum 68
Bonus non inuidet 23
Boreas 386
Brutorum anima 102
Brutorum opera. 136
Bruta cur presentiant 269
Bruta libertate carent 338
Bruta quomodo rationabilia 339
Bruta quomodo intelligant 427 &
seq. & 429 & seq. quo à nostra
ratione differant 431

C

Cabalista 73 eorum reprehensio
 74
Cadmia lapis 376
Cebetis de anima sententia 93
Cælum quid 39 quando factum
 40
De cælo multa 395. & seq.
Cælum incorruptibile 398
Celi interitus 399. 634
Celi motus 276
Celi regularitas 44
Celi & astri differentia 43
Celi innouatio 497
Cælum cristallinum 41
Cernorum industria 441
Callionimi piscis natura 332. &

seq.
Eius forma 332
Caligines quæ 363
Calidum estuuium 232
Calidi metaphoricè qui. 643
Calor duplex 234 effectrix causa
 33 Vis 234 differentia 236 au-
 ibi.
Calor Solis quid 37. 38. 234
Calor celestis 278 & seq.
Caloris causa tres 210
Caluities 186 & seq.
Caluitici non obnoxij 187
Canicie causa 513
Duobus modis homo fit caluus
 188
Capparis virtus 513 *Ortus* ibid.
Caracteres nihil inferunt morbonec
sanitati 79
Caricarum vires 316 cataplasma
 317
Carmina Phrygia 238
Castor 82 *Astutia.* ibid.
Castori qui similes. ibid.
Causarum genera quinque 675
Causarum externarum vis 114
Causa prima fecunditas 20
Causa procathartice 575
Causonis generatio 471
Catacumba Nili 446
Catochus 224
De centro 466
Colore rubeo cur sanguis manetur
 639
Coturnicum natura 451
Cothurnicum nocumenta 452
Cothurnicum cibus ibid.
Cothurnices Hieroglyphicè quid
 ibid.
Chaos 32. 413
Chaldeorum reprehensio 283. 412
Chile 386

Chimista	374	Cor primo gignitur	49
Chimicus ortus	373	Coriza quid	809
De Chyromantia	248	Corpora cœlestia quorsum	27
Chiromantia exanen	291. &	Corporis partes trinae	612
seq.		Corporis frigus	232
Chiromantici astrologis vaniores		Corporis exsiccatio	112
292		Corruptibilia non aeterna	12
Sine cibo quousque vita duret	163	Corruptibilem communis natura	
Ciborum differentia	108.113	159	
Cicatrix depilis.184. rubet	185	Coruscationes	319
De circulari motu	472. & seq.	Corni nedificatio, & de eius pulli	
Circuncisio.	162	multa precara	438. & seq.
Cynocephalus cur sacrificij nota		Creata sex diebus	30
162		Creata an erunt aeterna	499. & seq.
Colochintidos natura	311. & seq.	Creata in suis principiis quae	30
Cogitationis principium	97	Creata duplicia	613
Cognoscentis & cogniti similitudo		Creare quid	22
137		Creare duplex	22
Cometa	457	Cucurbita deserti	311
Cometa anni	46	Cultura vis	312
Conceptio qua die perfecta	163	Cutis vitia	175
Concoctio à quo	33	Cause	176. & seq.
Concupiscentia non est peccatum			
344			
Copernici reprehensio	436.475		
Congressus matutinus	140		
Contagia	190		
Continui diuisibilitas	12		
Continentis & incontinentis ratio			
666. & sequenti.			
Continens & incontinens qui	667		
Contrariis sublati generatio tollitur			
26 & sequenti.			
Contagia	190. & seq.		
Contrariis sublati generatio tollitur	26		
Contraria quae	607		
Contrarietas omnis ad unam reducitur	697. & seq.		
Conservatio rerum	79		
Cordis motus	47		
Cor vitae radix	353		
		Dæmones cur dicantur filij Dei.	
		121. An mulieres ament & cō-	
		grediantur	121 & seq.
		Dæmones an sint corporei	154
		Dæmones an generare possint	123
		Dæmones nulla voluptate corpora	
		li fruuntur	124
		Dæmones quos inuadant	231
		quibus illudant	ibidem
		Dæmones Dei Simiae	252
		Dæmonum responsa	252
		Dæmones religantur.323.includuntur	329
		Dæmones non sentiunt	155
		Dæmones quas res fugiant	229
		Dæmo	

<i>Damones quibus alliciantur</i>	157	<i>Disciplina quæ principes</i>	604. quæ
<i>Damones quibus fugentur</i>	159	<i>ministra</i>	ibid.
<i>De demonibus</i>	122. & seq.	<i>Diuinantium dispositiones</i>	267
<i>De congressu demonum cū mulieri</i>		<i>Diuinatione est merè naturalis</i>	250
<i>bus</i>	120	<i>De diuinatione opiniones</i>	239
<i>Quale semen demonum</i>	127	<i>Diuinationum genera</i>	ibid.
<i>Dare an beatius quā accipere</i>	649	<i>Diuinationo populo Dei interdictur</i>	
<i>& sequenti</i>			245
<i>Deus principium & fin.</i>	672. & seq.	<i>De diuinatione per somnia</i>	241
<i>Deum esse probatur</i>	453	<i>De diuinatione multa</i>	239. & seq.
<i>De Deo opiniones</i>	ibid.	<i>Dolores cur die tertia grauissimi</i>	
<i>Dei thronus</i>	67		143
<i>Deus inalterabilis. 67. potentia in</i>		<i>Draco disruptus</i>	627
<i>finitus 19. Quibus delectari dica-</i>		<i>Dualitatis natura</i>	614. & seq.
<i>tur</i>	157	<i>E</i>	
<i>Deus liberrimè agens</i>	502	<i>Ebrietatis ex antiquis cōmendatio</i>	
<i>Deus quid ante mundum faceret</i>			218
<i>21</i>		<i>Efficiens causarum prima</i>	54
<i>Dei nomina</i>	146	<i>Efficiens æternum</i>	52
<i>Deus causa libera</i>	45	<i>Elegiaci qui</i>	514
<i>Deus indefinibilis 146. Omnipoten-</i>		<i>Elementorum confusio</i>	32
<i>tus</i>	460	<i>Elementa quando creata</i>	39
<i>Deus omnia eminenter continet.</i>		<i>Elementa actū nullibi</i>	32-33
<i>455. & sequenti</i>		<i>Elementorum impuritas</i>	31. 347
<i>Dy gentium</i>	122	<i>Elementorum nomina 32. motus 33. di-</i>	
<i>Deleteriorum diuersitas</i>	627	<i>uersitas 350. forma</i>	32
<i>Dentes cur nobiscum non nascantur</i>		<i>De Elementis. 346. & seq. & 473</i>	
<i>510</i>		<i>Elementis sublati tollitur mixtio</i>	26
<i>Deriuatiua</i>	79	<i>Elephantia</i>	186. & seq.
<i>Dextri definitio. 57. perfectio</i>	343	<i>Elephas cur viso colore sanguineo</i>	
<i>Diaphanum quid</i>	417	<i>irritetur</i>	628. & seq.
<i>De Dieta multa. 574 & seq. &</i>		<i>Ens & unum conuertibilia</i>	16
<i>578. & sequenti</i>		<i>Entis analogia</i>	148
<i>Diei naturalis partes</i>	141	<i>Ente quæ priora</i>	147
<i>Dies decretorij</i>	118	<i>Epidimie causa</i>	198
<i>Dies clymaterici</i>	117	<i>Epilepsia. 222 signa. 224. manife-</i>	
<i>Distillandi ratio</i>	349	<i>statio.</i>	230
<i>Diarrhea maligna</i>	310	<i>Epileptici quando magis affician-</i>	
<i>Dyonisius Areopagita</i>	257	<i>tur</i>	573
<i>Disciplinarum adiumenta ex sa-</i>		<i>Epoches</i>	491
<i>cris litteris</i>	6	<i>Equi natura</i>	443
		<i>Esse pulchrum ac perfectum</i>	18

tionē	28.	Hiena, & ex ea remedia	332
De gemmis.	372	Hierosolymorum excidium	255.
Generatio in quo.	22. 213		566
Generatio à simili & dissimili.	24	Hirundinis sterco	330. & seq.
que ad materiam referantur.		Hydromantia	299
ibid.		Hypericon	153. 230
Generationis animalium triplex		Hypocrita pessimi	671
modus.	24	Homo ex terra	22
Generationis pater & mater.	33	Homo ex elementis. ibid. cur ultimo	
Genita non necesse est interire.	19	creatus. 49. an sola anima.	
Generationis tempus. 131 materia.		65.	
132		339. cur natura iners	76
Efficiens	ibid. & 139	Hominis ortus quid imitetur	163
Generatio ad fœmora refertur		Hominis & Dei cōtrarietas & si-	
145		mitudo	335. & seq.
Generationem antecedit corruptio.		Hominis differentia propria	339
542.		Homo ex quo primum.	351
Generationes finiendæ.	660	Hominum communis ortus	ibid.
Genealogia Christi	561. & seq.	Homogeneorum forma in homine	
Generum per oppositū diuisio.	615	91	
Geomantia	299	Honoris gradus in Repub.	603
Gigantum ortus.	122	Horologia artificia.	44
Gigantes cur pessimi.	127	Humeditas materialis causa.	33
Glaciei consideratio.	421. & seq.	Humores quomodo nutriant.	122
Grandinis generatio.	380	Humoris christallini agitatio vi-	
De grandine	421. & seq.	sum impedit	227
De gravitate & leuitate.	367. &	I	
seq.		Ibi cum natura	440
H		Idee	62
Harmonia celestis	281. 437	Idiomatum origo	77
De celesti harmonia contra Py-		Iecur cuius rei symbolum	159
thagoram	446. & seq.	Iesu nominis efficacia	86
Habitus & natura differentia.		Ignis an sit & quando creatus	30
341		Ignis an sit elementum	235
Hebraicarum vocum usus in sa-		Ignis motus	33. 36
cris	72	Ignis anima mundi. 33. genera-	
Hebdomadarum principium	45.	tionis pater. ibid. per omnia fu-	
200		sus.	34
Hemitritei cūctatio.	72	Ignis est spiritus ille incubans a-	
Hepatis egestio	321	quis	34. & seq.
Herodius	441	Ignis necessitas. 35. natura insensi-	
Heroes	122	bilis	35. 36

<i>Ignis usus quando ceperit</i>	36	<i>Intemperantes</i>	124 eorū vitia	669
<i>Ignis nullibi separatus ibid. & seq.</i>		<i>Intestini ieiuni concretio ex inedia</i>		
<i>Solem sequitur 38. 47 4 quomodo</i>			163	
<i>do nutriat & urat ibid.</i>		<i>Intestinum cecum</i>		612
<i>Ignis diuini amoris symbolum</i>	39	<i>Ira cur data</i>		666
<i>duplex</i>	41. 233	<i>Iris semen</i>		26
<i>In igne animal non gignitur</i>	59	<i>De iride multa</i>	128 & seq. &	620
<i>Ignis semper calidus 94 aternus</i>		<i>Quomodo Iris generetur</i>		129
110		<i>An iris diluuium fuerit</i>		128
<i>Ignis usus in sacris</i>	160 imputribi-	<i>Tres Iridis colores quomodo fiant</i>		
<i>lis</i>	198		129	
<i>Ignobilia primo creata</i>	31	<i>Iubilei consideratio</i>	199 & seq.	
<i>Ignorantia</i>	640 & seq.	<i>Iudeorum opinio de sapientia</i>		66
<i>Imaginationis vis ad morbos tel-</i>		<i>Iurisprudentia & medicina compa-</i>		
<i>lentos 87 ad formandum factum</i>		<i>ratio</i>	601 & seq.	
135		<i>De iustitia eiusque partibus</i>		516
<i>Imbres estate largiores quam hye-</i>		<i>& seq.</i>		
<i>me</i>	381	<i>Iustitie partes tres</i>		516
<i>Immortalitatis argumen. 433-505.</i>		<i>Iustus nimis quis</i>		516
114				
<i>Immunditiei vitanda precepta</i>				
174				
<i>Impij cur prosperentur</i>	462	<i>Lac ex quo & quomodo generetur</i>		
<i>Inanimatorum motus</i>	361		351 & 614	
<i>Incantationes 70 & seq. Incubi</i>		<i>Lac suggere quandiu puer debeat</i>		
122			633	
<i>Incorruptibilia non ab aeterno</i>	12.	<i>Lachrymari quibus lethale signum</i>		
14. 15			614	
<i>Indivisibilitatis perfectio</i>	354	<i>Lamiarum cum Demonib. fami-</i>		
<i>Individuatio</i>	543	<i>liaritas</i>		125
<i>Infans sine doctore quo idiomate lo-</i>		<i>Lapis Lazuli</i>		373
<i>quuturus</i>	76	<i>Largitio liberalis</i>		651
<i>Infinitum in multitudine quomodo</i>		<i>Lasern ortus</i>		25
<i>12. 13 actu impossibile ibid. in</i>		<i>Leguminum noxa.</i>		193
<i>successione</i>	12	<i>Leonis natura</i>		438
<i>Infinito nihil maius</i>	13	<i>Lepra 176 & seq. indicium ibi. ex-</i>		
<i>Inflammationum malignitas</i>	319	<i>ploratio 180 vestiendi & vine-</i>		
<i>Influentie celestes</i>	280	<i>di ratio 189 curatio</i>		
<i>Inisio rerum tria</i>	29		315	
<i>Insomnia</i>	260 & seq.	<i>Lex naturalis quid</i>		435
<i>Insufflationis utilitas</i>	329	<i>Lex maris</i>		411
<i>Intelligendi modus</i>	225	<i>Liberalitatis contrarium</i>		609
				Libe

<i>Liberalitas beatissima</i>	653	<i>Magi cibos quosdam cur interdi-</i>	
<i>Liberum arbitrium</i>	96.337	<i>cant</i>	230
<i>Libri plumbæ</i>	378	<i>Manna consideratio</i>	449 & seq.
<i>Ligna cur supernatent</i>	36.619	<i>Manna diuersitas</i>	450
<i>De ligno vitæ disputatio</i>	17 & se.	<i>Manus consideratio</i>	298
<i>De ligno à Moſe in aquas miſſo</i>		<i>Mas perfectior ſæmina</i>	54
149		<i>Mare fecundiſſimum</i>	34
<i>Lingua uſus</i>	75	<i>Maris aſtus</i>	407. & seq.
<i>Localis motus primus</i>	277	<i>Mare cur non creſcat</i>	479 &
<i>Locorum naturalis ordo.</i>	367	<i>ſeq.</i>	
<i>Logos quid</i>	433	<i>Cur agitur</i>	482 <i>motus cauſa</i>
<i>Loquella inuentio</i>	77	410 <i>Termini</i>	<i>ibidem</i>
<i>Lumen celeſte an cauſa</i>	277	411	
<i>Luminis conſideratio</i>	414 &	<i>Marè ſodome</i>	306
<i>ſeq.</i>		<i>Marcor</i>	353
<i>Luminis definitio</i>	419	<i>Materia prima</i>	536
<i>Lumen gloria</i>	420	<i>Materia immanencia & definitia</i>	
<i>De Luna multa</i>	570 & seq.	576	
<i>Luna plenitudo</i>	571	<i>Materia mera potentia</i>	19
<i>Luna lumen ibid.</i>		<i>Materia ſine forma nec eſt, nec in-</i>	
<i>Lune macule</i>	47	<i>telligitur</i>	20
<i>Luna Hieroglyphicè quid</i>	574	<i>Materia æterna Platoni & Pyth.</i>	
<i>Lunaticorum conſideratio</i>	569 &	10	
<i>ſeq.</i>		<i>Materia propter formã 8 Imperfe-</i>	
<i>Lux</i>	418	<i>ta</i>	<i>ibi.</i>
<i>Lux an omnis à Sole</i>	48	<i>Mathematici Italia pulſi</i>	282
<i>Lux ante Solem</i>	44.47	<i>Mathematicorum vituperatio</i>	<i>ibi.</i>
<i>Lux cauſa vitæ</i>	48	<i>Maturatio</i>	350
<i>Luci creatio</i>	40	<i>Medicina pars Ethica</i>	579
<i>Luci definitio</i>	414	<i>De Medicina</i>	585 & seq. & 319
<i>Luci diuiſio ibid.</i>		<i>Medicina eſt neceſſaria</i>	589
<i>Lux non eſt ſubſtantia</i>	416	<i>Varie de medicina opiniones</i>	589
<i>Lux accidens corporale ibid.</i>		<i>Medicine & iuriſprudentia colla-</i>	
<i>Lycanthropia</i>	223	<i>tio</i>	601 & seq.
<i>Lymphatici.</i>	244	<i>Medicorum honor</i>	587
		<i>Medicina ſubieclũ & finis</i>	600
		<i>Medicorum præmia</i>	587
		<i>Melancholicorum genera</i>	625
		<i>Melancholici cur triſtes</i>	218
		<i>Melancholia remedia</i>	219 <i>vis</i>
		225.231 <i>Ad animi morbos trans-</i>	
		<i>latio</i>	343
<i>Maiæ</i>	215		
<i>Magi 87 Marſi.</i>	80		
<i>Magorum conſultatio</i>	72.229		
<i>Magorum princeps Zoroaſtes</i>	73		

- Mellis usus.* 158. ortus 30
Meninx, 514
Mens. 83. cur dicatur oculus 638
Menstrua. 131. quibus sistantur. 132
 fluant. 132. 133. & sequenti &
 236. tempus. 133. malignitas.
 528
Mensura quid. 547
Mercurius fures facere creditur.
 285.
Metalla quid. 370
Metallorum generatio. 24
De metallis. 370. & seq.
Metallorum genera. ibid.
Metallorum mistio. 375
Metallorum sol causa efficiens.
 ibid.
Meteorologicorum utilitas. 394
Mictu quandiu carere contingat.
 515.
Michael archangeli pictura. 567
Microcosmus 65
De mineralibus multa. 360. &
 seq.
Mineralium nomina & genera.
 ibid.
Miraculorum ratio. 305
Miraculosa curatio. 316
Monarchia. 564. translatio.
 567.
Montium & collium in equalitas.
 466.
Monstra. 258
Morborum etas. 118. circuitus. 143
 Symptomata. 264. curandi ratio.
 309. contagia. 190. & seq.
Morborum superstitiosa curatio-
 nes. 71
Morbi patrum. 194
Morbi à demonibus quomodo cu-
 randi. 219. & seq.
Morbi diuini 320
Morbi ex peccatis nascantur. 594
Moribundi prophetant. 263
Mortis necessitas. 109
Morum differentia unde. 296
Motus contrarij inter que 26
Motus celeritas non mutat speciem.
 29
Motus animalium duplex. 105
Motus difficultas & facilitas. 112
Mulier propter virum. 49
 non ex semine. 56
Mulier quando concipere desinat.
 131. & sequen. excrementosa,
 ibid.
Mundi exordium scire cur omnes
 cupiant 10
De mundi ortu philosophorum sen-
 tentia. 10. & seq.
Mundus ex rudi materia 10
Mundi aeterna emanatio. 10
Mundi creatio per reuelationem
 habita. ibid.
Mundus ex nihilo. 11. 18. 20. an
 totus instanti. 45. Aeternus à
 parte post. 12
Mundi ortus probationes. 11. &
 seq.
Mundum esse ab aeterno contradi-
 cit. 14
Mundi partes duplices. 11. 31. 47.
 473
Mundi mensura. 403
Mundi necessaria dependentia à
 quo. 15
Mundi partium diuersitas. 46
Mundi pulchritudo. 402
Mundus iussione factus. 20. eius
 perfectio. ibid. atates 199. firmi-
 tas. 357. cur non prius factus. 21
Mundus intelligibilis. 66
Mundus aeternus & factus. 69
Mundus enigma dicitur. 488.
 dispositio-

disputationi datus	497	Natritionis necessitas	107 & seq.
De mudi fine egregia	654. & seq.	Nutritio quid	107. 108. 111.
Mundus nouus	661		O
Munditiae vis	194	Oculi natura	278
Musices vis 210. eius in sacris u-		Oculis medentia	331
sus	272	Oculorum fabrica.	457
Mutationis multiplici causa	281.	de Oculis multa	637
N		Oculus metaphoricè quid	638
Nabuchodonosoris metamorphosis		Oculorum vires ad mala inferen-	
625		da	531
Nabuchodonosoris morbus tunc	626	Oculis medentiam	331
Nascuntur non sata antiq. opin.	24	Oinelei ortus	30
Natatilia ex mari orta	60	Olinarum ubertas predicta	288.
Natura nihil frustra	29	Oleum quomodo noceat aut profit	
Naturalia in scripturis sacris &		ulceribus	646
miraculis multa. 6. & toto opere		Operatio à natura & esse	115
Nebule	361. & seq.	Ophryasis	187
Necromantia.	289	Ophthalmia contagium	531
Necromantia confutatio	301. &	Orbis regiones	203
seq.		Orbis totus habitabilis	210
Necromantie exemplum in sacris		Orchis herba	526
247		Ordinis resolutioni utilitas	10
Necessaria non omnia	568	Organorum consideratio	295 &
Nervi cuius instrumenta	515	seq.	
Numbi presagia	645	Orphei cythara	89
Niuis generatio	380	Orus Apollo	162
Nympha virginea	206	P	
Nomina an effectricia	70	Pallij nigri vsus interdictus	230
Nomina ab Adamo imposita.	88.	Palingenesia	340
Nominis octauo die imponendi ra-		Pannus	215. & seq.
tio	162	Paralysi obnoxij	515
De Nominum significatione	70.	Parasimonie utilitas	580. & seq.
& seq.		Partum iuuantia	441
Nomina an suis rebus respondeant.		Partus multiplicitas	632. & seq.
70		Passiones corporum duplices	174
Non ens entis principium	17. 19	Pediculorum generatio	195
Nubes	361	Peccatum	640 & seq.
Nubium lumen	39	Peccatorum medella	670. cognitio
Nubium eleuatorum signum.	645	ibid.	
Nubis & nebula differentia	361	Pelei & Thetidis connubium	
de Numeris & mensuris	548		351
Nutritio quorum sit	103. 111		

<i>Perfectum imperfecto prius</i>	53	<i>Potentia sublatatollitur omnia</i>	52
<i>Pestis prænuntiationes</i>	194. & seq.	<i>Potionum genera</i>	215 multis.
<i>Pessimus qui</i>	677	<i>Potus quæ utantur</i>	61
<i>Phantasmata</i>	225	<i>Præfæ</i>	514
<i>Phlegmon</i>	197	<i>Præensionis ratio</i>	260. & seq.
<i>Philosophia naturale desiderium</i>	489	<i>Primum æternum simplex, & unum</i>	17
<i>Philosophorum de mundi exordio</i>		<i>Principia rerum tria</i>	23. 29
<i>opiniones</i>	9. & seq.	<i>Principium rerum quod optimū</i>	52
<i>Philosophorum secta</i>	480	<i>de libro Problematum Arist. authoris iudicium</i>	266
<i>Philonis de hominis creatione sententia</i>	65	<i>Prodigalitatis contrarium</i>	609
<i>Physiognomia ars</i>	294	<i>Prodigalitatis & Avaritiæ comparatio</i>	652
<i>Physiognomiæ consideratio</i>	293. & seq.	<i>Propheta</i>	271
<i>Physica cur ignorentur</i>	495	<i>Prophetarum ad vaticinandum præparationes</i>	272
<i>Physicorum utilitas</i>	496	<i>de Providentia multa</i>	435. & seq.
<i>Phrenitis</i>	433	<i>Pruina generatio</i>	380
<i>Phthisis duplex</i>	321	<i>Psittacorum regio</i>	386
<i>Pilorum temperamentum</i>	61. materia	<i>Pueri fascinationi obnoxij</i>	532
	626	<i>Puerperarum vacuatio</i>	171
<i>Piscium temperamentum</i>	60	<i>Puella quinquemestrîs</i>	169
<i>Pisces an sub terra</i>	203	<i>Putei 489 Puteorum ætus</i>	486
<i>Platonis & veritatis de mundi ortu discrimen</i>	11	<i>Putredine orta</i>	28
<i>Platonici à demonibus delusi</i>	125	<i>Purescentiæ Analoga</i>	29
<i>Plantarum generationis modus triplex</i>	24	<i>Pyrites lapis</i>	377
<i>de Plantarum seminibus questio.</i>		<i>Pyromantia</i>	299
<i>23. 25. 50.</i>		<i>Pythagorica Symbola</i>	106. 159
<i>Plantis quæ aquæ noceant</i>	308	<i>Pythagoricorum dogmatum examen.</i>	45. & seq.
<i>Plumarum temperamentum</i>	61	<i>Pythagorica harmonia confutatio</i>	446
<i>Pluviam quæ prænuncient</i>	263	<i>Pythoniæ</i>	301
<i>Pluviarum consideratio</i>	358. & seq.		
<i>Polis mundi</i>	383	<i>Quadragenarij numeri ratio in factu</i>	165. & seq.
<i>de mundi Polis 207. & seq. & 383</i>		<i>Qualitates elementorum forma</i>	32
<i>Portenta</i>	256. & seq.	<i>Qualitates acutiæ & passivæ</i>	27
<i>Possibile quid</i>	20	<i>Quantitas discreta & numerus idem</i>	13
<i>Possibile & necessarium idem in æternis</i>	ibid.	<i>Quaternarij vis</i>	118
<i>Potentia prior actu</i>	100		

R

<i>Rabiē quæ animalia patiātur</i>	430
<i>Ratio an brevis</i>	429
<i>Raymundus Lulus</i>	540
<i>Recidive malum</i>	179
<i>Renes minguntur interdum</i>	321
<i>Repletionis mala</i>	581
<i>Resolutio</i>	348
<i>Resurrectionis probatio</i>	661
<i>Resuscitatus ab Heliseo</i>	308. & seq.
<i>Roma avis clamore servata</i>	258
<i>Rubeus color sanguinē monet</i>	629
<i>Feras incitat</i>	630. & seq.
<i>Ruta vis</i>	230. 526


S

<i>Sacri libri cur scripti</i>	5
<i>de Sacris libris antiquorum indicium ibidem eorum utilitas</i>	7
<i>Salius semen</i>	26
<i>Salis usus in sacris</i>	152. & seq.
<i>Sal cur terris aspergatur</i>	305
<i>Sal Hieroglyphyce quid</i>	308
<i>Sal cuius rei Symbolum</i>	157
<i>Salis pactum</i>	158
<i>de Sale copiose</i>	617. & seq.
<i>Saltus vis contra venenata</i>	530
<i>Salsago</i>	306
<i>Samuel an vere suscitatus</i>	302
<i>Sanguis non est pars viventis</i>	103
<i>Sanguis alimentum est ibid. natura frigidus calorem servat</i>	104
<i>Sanguine abundantia</i>	131
<i>Sanguinis differentia</i>	105
<i>Sanguinis & anime Sympathia</i>	106. contactus ibidem
<i>Sanguinis intuitus quibus noceat</i>	629
<i>Sapientia ab eterno</i>	63. quid. 434
<i>quis eius capax. ibid.</i>	
<i>Saporum contrarietas</i>	610
<i>Sara sterilitas</i>	131

<i>Sarcosis uteri</i>	206
<i>Satyrium orchis</i>	524
<i>Saulis morbus</i>	231
<i>de Scientia opiniones</i>	494. eius
<i>appetitus</i>	496
<i>Scientia naturalis an necessaria</i>	5.
<i>Scibile quid</i>	10
<i>Scire reminisci Platoni</i>	12
<i>Scabies</i>	175. remedia 178
<i>Scriptura inuentio</i>	77
<i>Scyphus auguratorius</i>	256
<i>Semen quo. ammodo omnia</i>	137
<i>Seminis differentia</i>	ibid. vis. 145
<i>ex quo & quomodo</i>	351
<i>de Semine quid Pythagoras</i>	51
<i>Seminalis vis in lachryma plantis</i>	25
<i>Senes calefaciendi ratio</i>	233
<i>Senes cur comprimant labia introrsum</i>	512
<i>Seneclutis descriptio & eius excellens declaratio</i>	508 & seq.
<i>Sensus an sine mente</i>	428. & seq.
<i>Sensus ad stellas accommodatio</i>	124
<i>Sensus est presentium</i>	431
<i>Sensus sensibilis, & organi communio</i>	505
<i>Sensus custodes corporis</i>	509
<i>Sensus an sine motu</i>	621. & seq.
<i>Sensus & motus ab eodem</i>	623
<i>Septenary ratio in vita</i>	162. 199
<i>Serma quomodo naturalis</i>	78
<i>Sermonis & scriptura comparatio</i>	77
<i>Sermitatus presagium</i>	643
<i>Serpentis astutia</i>	73
<i>Servi peccatores</i>	342
<i>Seseli herba</i>	440
<i>Sodoma interitus</i>	566
<i>Socrates</i>	489
<i>Siccitas</i>	58
<i>Silue ingentis ortus inusitatus</i>	25
<i>Simultane contrarietas quomodo ad</i>	

ad unum renocetur	641	T
Somniorum interpretatio	263	Tabularum plumbearum usus 378
Somni utilitates	140	Tagus aurifer 373
Somni abundi	270	Thaleis predictio 288
Sol cur non primus creatus	45	Thimi semen 26
Sol an calidus	211	Theologia & iurisprudentie com- paratio 604
De Sole multa 211. & seq. 278		Theriaca 610
Solis lux quousque pertingat	47	Thliba 204
Solis accessus & recessus 210. cir- cuitiones 476. & seq.		Tapsia 112. 113
Sol beatorum	47	Temperantia & intemperantia cir- ca qua 666. & seq.
Solstitia	210	Temperies quid & quorum causa. 297
Sollicitudo vitanda	577	Temperies multiplex 492
Sophiste Aegyptij de morte sen- tentia 161		Tempestas 383
Sortium consideratio. 259. & seq.		Tempestas à meridie oritur 390
Spado. 205		Tempus quid 44
Specilli quando vitandi 142		Tenarcus lapis 493
Spiritualis substantie creatio. 67		Tepidorum natura 662. & seq.
Spiritualium consideratio 201. & seq.		Tepidi metaphoricè qui 664
Spirituum natura 278		Ternary perfectio 118
Spiritus pro dono 202		Terra bases 404
Spiritus duplices 630		Terra magnitudo 529
Sphera recta & obliqua. 385		Terra vacuitas. 39. Globus 203
Spinalis medulla 514		Terra caua. 42. Solidior in centro ibid. cur partim latens partim detecta 365
Squammarum temperamentum 61		Submergenda tota. 366. immobilis. 465. & seq.
Stellarum nomine Angeli 290		Cur terra à mare non obruitur 405
Stella nulla de nouo 46		Terra & aqua consideratio. 400. & seq.
Stella anni ibid.		Terremotus predictus 259
Stranguria 515		Testes 145
Struthio cameli natura 441		Tonitruu consideratio 378. & seq.
Stulti serui 341		De tonitruu causis 378
Substantia quomodo fiat. 22		Tristitia 575
Succi quatuor. 286. quomodo nu- triant 103		V
Surdi ex vehementi sonitu 446		Vacuum vulgo quod 357
Surdi loqui docti 78		Vaticinia unde 226
Sus 160		De vaticinijs multa 238. & seq.
Suum differentia 161		Vna
Sybilla 244		
Syncope 309		

<i>Vena Azgyos</i>	575	118	
<i>Veneri motus</i> vide	127	<i>Vitalis facultas</i> in primo principio	
<i>Ventorum materia</i>	369	generationis à quo 49	<i>Vbi</i>
<i>De ventis multa</i> 383 & seq.		105	
<i>De ventorum naturis</i>	644	<i>Viteligo</i> 175 à lepra differentia	
<i>De ventorum temperie</i>	387	186	
<i>Verbum omnium Idea</i>	64	<i>Vitia duo an uni virtuti contra-</i>	
<i>Vesica</i> 498 carentia 61 habentia		ria 609 & seq.	
<i>ibid.</i>		<i>Viventium consumptio</i>	108
<i>Vestium infectio</i> 192 putredo 195		<i>Vlcerum exacerbationis causa &</i>	
<i>usus</i>	322	tempus 143. 144 locus 184 mali-	
<i>Via lactea</i>	46	gnitas 319. curatio 317	
<i>Vini ortus</i>	29	<i>Vlcera quid desiderent</i>	<i>ibid.</i>
<i>De vino multa</i> 215 & seq.		an oleo vngenda	646. 647
<i>Vinum cur latificat</i>	218	<i>Vlmi semen</i>	26
<i>Vini natura</i>	217	<i>Vmbilici & hepatis prima forma-</i>	
<i>Vini robur</i>	235	tio	49
<i>Vinum senibus interdicitur</i>	237	<i>Vnguinem materia</i>	626
<i>Vinum ulceribus aptum</i>	646	<i>Vnitatis perfectio</i>	173. 354
<i>Vir ante foeminam quare</i>	50	<i>Vocum significatio</i>	79
<i>Vir est gloria Dei</i>	56	<i>Volatilia aquea</i>	57. & seq.
<i>Viragines</i>	133	<i>Voluntas duplex</i>	336
<i>Virginis exploranda ratio</i>	205	<i>Voluntatis libertas</i>	<i>ibid.</i>
<i>Virginis aperienda ratio</i>	206	<i>Vomitus utilitas</i>	584
<i>De Virginitate multa</i> 205 & se.		<i>Vomitum incitantia</i> 662 & seq.	
<i>Virtus infinita incommunicabilis</i>		<i>Vrbs intelligibilis Philonis</i> 65 e-	
creature	68	ius reprobatio	67
<i>Vita quomodo in sanguine</i>	103	<i>Vteri gestationis exacta consideratio</i>	
<i>Vite longitudo</i> 308 productio 115		& seq. 631	









SIMILITVDINVM AC
PARABOLARVM QVAE IN
Bibliis ex Herbis atque Arboribus
desumuntur dilucida explicatio: In
qua narratione singula loca expla-
nantur, quibus Prophetę, obserua-
ta stirpium natura, conciones suas
illustrant, diuinęque oracula ful-
ciunt.

LEVINO LEMNIO

*Sacrarum Literarum stu-
dioso auctore.*

PASCHASII OENII HEL-
CRVCINI IN AVTORIS ET
- operis commendationem Carmen.

Venturo quotquot Medicus clarissimus aeo
Sacrauit, Genium constat habere libros.
Hic tamen imprimis docti suffragia cætus
Promeritus, nullo fines superstes erit.
Res magnas, res difficileis, res denique sacras
Eruit eximium candide lector opus.
Auctor enim sylvas inter reptando salubres.
Cælestis Sophiæ largiter hausit aquas.
Quando vel arboribus, vel humi serpentibus herbis
Accessit prisco tempore tantus honos?
Ecquis crediderit sacri tot mystica Verbi,
Clausula sub extremo cortice sensa tegi?
Si non assiduo diuinæ Pallados vsu
Lemnius occultas explicuisset opes.
Nullos innoluet posthac Labyrinthicus error
Flexibus ambiguis, multiplicique via.
Seu per odorato vestitos gramine colles,
Seu per frondosum te iuuat ire nemus:
Non secus, ac Theseus Ariadnes fila sequutus,
Quò te cunque feres, hoc duce tutus eris.
Si incunda igitur, si quæris idonea vitæ,
Hanc propera in syluam ferre subinde gradum.
Fatidicæ stirpes, pleno quasi Copia cornu,
Pascendis animis pabula lata dabunt.



EXIMIO SVMMÆQVE
VIRTVTIS AC DIGNITA-
tis viro D. Thomæ Thieldio Diui
Bernardi in confiniis Antuerpianis
ad Schaldam, Antistiti cum primis
reuerendo Leuinus Lemnius Medi-
cus Zirizeus sacrarum literarum stu-
diosus. S. P. D.



*Q*UVM mihi nuper amplissimè de prædica-
ret virtutis tuæ decus, & mentis præstā-
tiam, Antistes spectatissime Iacobus Su-
sius vir, præter antiquæ nobilitatis insi-
gnia, omni disciplinarum genere excultis-
simus: cæpit ilico animus noster in tui nominis amorem
ac venerationē incitari. Quis enim erga illum non afficia-
tur, qui in pacificandis optimatum dissidiis, in dirimendis
sopiendisq; controuersiis hæreditariis, de fundis ac subur-
banis prædiis singulari pollet dexteritate ac prudentia?
Quis non vnice illum diligit, veneretur, suspiciat, qui in-
stitutis erectisq; aliquot palæstris literariis, artes inge-
nuas ac liberales disciplinas fœuere nō desinat? qui rebus
tā exhulceratis, tantisq; opinionū dissidiis distractis ac di-
uulsis sana consilia adhibere curat, ac propositis præmiis

doctos quosq; ad cōcionādi munus exstimulare, quo famelica ac dissipata multitudo salutaris doctrinæ pabulo saturetur, mētēsq; aridæ ac siticulosæ verbi Dei irrigatione reuiuiscant ac reficiantur. Nullum profecto excogitari potest opus, quod plus solidæ laudis promereatur, & quod humano generi sit vtilius, magisq; frugiferū aut salutare. Quocirca excogitatum est à me argumentum vir præstantissimæ, tuæ dignitati aptum, tuòq; tam salutari instituto accommodum, quo omnibus innotescat laudatissimus tuus iste conatus, ac longe latèq; propagetur nominis tui honos, tuòq; exemplo complures ad illustrandam fouendāque religionem Christianam, ac sincerum Dei cultum stabiliendum exstimulentur. Eo autem magis gratum acceptūmq; Amplitudini tuæ munusculum hoc literarium fore confido, quod tale quiddam à nullo hætenus tractatum sit, ipsāque rei narratio non minus habeat vtilitatis quàm oblectamenti. Tametsi non defuturos ominor, qui vbi conspexerint Medicum tractare argumentum Theologicum, confestim exclament, Ne sutor vltra crepidam, tum id, Quam quisque norit artem, in hac se exerceat.

Quod Medicorum est,

Hor. l. 2.

Episto. 1.

Promittunt medici, tractant fabrilia fabri.

Verū hæ voces non sunt tanti, vt ab harum rerum tractatione me deterreant: quum par sit vt omnes qui Christo nomen dederunt, ea consecantur quæ maximè salutaria, sunt illiusque doctrinam cum primis illustrent. Quod præter alios spectasse obseruo virum illustrem Ioachimum Hopperum iurisconsultum, Hispaniarum regi Philippo à consilijs secretioribus, in enarrando Decalogo. Quamobrem non decet id mihi fraudi esse quum sacrosancta religio à Regibus etiam atque magnatibus (quorum plerique non semper res prophanas tractant) exulta sit ac propagata, diuinòq; afflatu in commentarios redacta.

Documento sunt Abrahamus, Isaac, Iacob, Moses, David, Solomon, Esdras, à quibus primum profluxit ac dimanavit cultus & doctrina cœlestis, ac quum scripto, tū viua voce posteris per manus tradita. Eo autē minus vellicari aut arrodi meretur nostra hæc lucubratio, quòd pro dimidia parte sit professionis Medicæ. Siquidem ad Medicum potissimè spectat herbarum tractatio, etsi quæ ex his sumitur Metaphora, Similitudo, Exemplum, Comparatio, non alienum est ab eius professione dilucidè ea explicare. Quum autem professores sacri minus fere exercitati esse soleant in herbarum cognitione, ac vix vulgatas passimq; obuias herbas cognitās, perspectāsq; habeant, fieri nequit vt omnia exactè atque adamussim perspiciant aut interpretentur, suāq; dignitate singula exornent destituti notitiā stirpium, aut minus explorata earum natura. Quocirca boni consulet æquus rerum æstimator nostram hanc qualemcumque industriam, quum ea tractem quæ magna ex parte ad Medicum spectant, quem naturæ inuestigatio, cui sedulo incumbit, ad contemplandas etiam res diuinas erigit, ad Opificis notitiā eiusque amorem atq; admirationem inflamat. Spero autem candidum Lectorem minus alienum futurum erga opusculi huius autorem, vbi eius gustu se expleuerit, ac nonnihil fructus ac commodi ex illius lectione conceperit. Hac enim commendatione Genium consequi libri solent, ac plausibiles esse, summæque auiditate à studiosis expeti, præsertim vbi viri alicuius excellentis patrocínio in lucem prodeunt: Quæ res hoc apud me effecit Antistes cum primis obseruande, vt passus sim hoc nostrum commentariolum tuis auspicijs, tuique nominis fauore in vulgus efferri, multorumque iudicijs ac censuris subiici. quod vnum nonnunquam viros quamlibet eruditos ad lucubrationem suarum editionem retardare solet ac remorari. Quis est enim ea

Rom. I.

dicendi peritia imbutus, eaque rerum cognitione instructus, ut censores passim tam rigidos Aristarchos, tam oculatos non pertimescat ac reformidet? aut quis sua scripta omnibus approbare, omni que ex parte calumniam abs se depellere posse confidat: præsertim in argumento quod detegit vitia, erroresque hominum qui ferè salutaria monita respuunt, eosque aut odio prosequuntur, aut vellitant, qui illis ad virtutem, ad decus, ad probitatem, ad sinceram religionem sunt incitamento. Quod ipsum nusquam non deplorant sacri vates its locis quæ illustranda suscepi, qui in eo toti sunt, omnemque suam operam atque industriam conferunt, ut quum omnes, tum illos potissimè officij sui commonefaciant qui Ecclesiastico munere funguntur, ac diuinis ministeriis sunt addicti, quo subditis absolutum virtutis ac pietatis exemplar expriment, summòq; studio enitantur, ac rationem ineant, quæ collapsæ atque inclinatæ Religioni medelam adferre queant, eamq; erigere atque instaurare. Illorum enim interest, ac immunus delegatum exposcit, ut deuias balantesq; ac dissipatas oves ad Christi ouile dirigant, atque ad saluberrima cælestis doctrinæ pascua reducant, ut egenis ac calamitosi, omniq; præsidio destitutis subueniant, atq; illis aliquid solatii, nonnihil subsidij adferant, ut ingenuos ac bonæ indolis adolescentes in quibus elucet ac se profert aliquod viuidæ erectæq; ac generosæ mentis indicium, liberalibus disciplinis institui curent, quo aliquando Patriæ vsui sint atq. ornamento: ut virgunculis maturis ac coniugio aptis dotem conferant, ne quâ pudicitiam expugnari contingat, ac publicè ut mercenarias prostitui. Hac enim ratione obtinebimus ne passim tot existant validi errores ac grassatores nocturni qui aliena inuadant ac deprædentur, nec tot contaminatæ integritatis puellæ quæ in lustris ac fornicibus extra legitimam vitæ societatem

Pastoris
officium.

tē, corporis sui vsum omnibus promiscuē concedunt. Quod dedecus sēdāque vitæ consuetudo ne inter Christianos inolefceret in fragilem illum sexum sua beneficia ac munificentiam liberaliter contulerunt veteres illi Ecclesiæ proceres, qui quod ceteris virtute morūque integritate prælucere ac subditorum vsibus commodis que sedulò prospicerent, Episcopi, præsules, antistes vocabantur. atque à paterno piōque affectis ac propensione in gregem suæ fidei ac tutelæ commissum Abbates ac Cænorbiarches; sic ut dignitati & honori sollicitudo & cura coniuncta esset. Cōsopiebant illi tumultus ac dissidia quæ in magnum Reipublicæ detrimentum erant euasura, refarserunt lacera- tam ac diuulsam ciuium ac popularium concordiam. omniāque reddiderunt tranquilla ac pacata: mitigabant, Regum ac Principum irritatos animos qui sinistris parum- que auspiciis nonnullorum consiliis inflammati, grauio- ra quam pro æquitate, onera subditis inferre meditaban- tur. Quale exemplum editum est in Roboam Solomonis fi- 3. Reg. 12.
 lio, qui quum in paternam hereditatem ascitus atque in-
 auguratus imperio, iuuenum potius quam senum consilio
 acquiesceret, florentissimum regnum abs se diuulsam alie-
 nauit. His ac plerisque aliis præclaris virtutibus eni-
 tuere veteris Ecclesiæ ministri, atque iis se potissimum e-
 exercuerunt in quibus situs est præcipuus Charitatis fru-
 ctus, totiusque pietatis ac religionis summa consistit, ut Ia-
 cobus Apostolus palam testatur. Nā erigere operosa pa- Cap. I.
 latia, magnis que sumptibus extruere porticus, panimēta
 xystos, ambulachra peristylia conuiuari lautius ac magni-
 fico splēdidōque ferculorum apparatu aut denique exqui-
 sito cultu opes profundere subleuandis tenuioribus desti-
 natas alienum prorsus esse decet ab illorum conditione, na-
 tura, moribus, quorū professio atque institutū frugalitatē
 ac moderatum rerum vsum exigit, ab omni luxu, pompa,

fastu, ambitione, strepitu, aliâq; mundana ostentatione remotum. Hæc vir humanissime libere quidem, at amanter ac sincero affectu à me amplificata sunt, quo pleriq; exstimulentur, vt Spartam suam exornent, suâmq; minam aut talentum auctione conduplicent, illi inquam, qui in clarissima luce hominum versantur, ac velut in totius orbis theatro constituti omnium ora atque oculos in se conuertunt. Sic enim futurum confido, vt qui nunc multorum animos abs se habent auersos atq; alienatos, sibi magna veneratione ac reuerentia deuotos deumetôsq; experiantur. Est enim virtus vitæque integritas fauoris ac beneuolentiæ, totiûsq; humanæ societatis conciliatrix. Quæ de re quum nuper in amænissimo tuo secessu serio simus philosophati præsentē clarissimo ac Senatorij ordinis viri Nicolao de Voocht Iurisperitissimo, ac multa vltro citroque agitata sint, nō visum est operæpretium diutius huic argumento in hære. Deus Optim. Maxim. cui, Christi fiducia, vota præcësque nostras deferimus, te diu nobis seruet incolumem, ac tuos conatus promoueat, magnâq; incrementa ac progressus conferat. Zirizæ ex Museo nostro Nonis May, Anno M.D.LXVI.

Honor vir
tutis præ-
mium.

A M-



AMPLISSIMOS REGES

AC SACRATISSIMOS

*vates herbarum cognitione exactè
fuisse imbutos, desumptæ ab iis
tot Metaphoræ ac parabola
declarant: quæ hic spe-
ctandæ exhi-
bentur.*

CAPVT I.

Pæstantissimos Reges ac magnanimos
illustresque Heroas in ipso etiam armo-
rum strepitu tumultuque bellico, stu-
diosè olim excoluisse rem Herbariam,
ac stirpium cognitione cū primis fuisse
delectatos, præter veterum historias, Bibliorum co-
dices abunde testantur. Quum enim harum rerum in-
uestigatio amœnissima varietate exornata sit, nec mi-
nus habeat vtilitatis, quàm oblectamenti, non visum
est Regum amplitudini, nec Imperatoriæ maiestati
indecorum huiusmodi occupationibus distineri, præ-
sertim vbi ab vrgentissimis negotiis, ac functionibus
publicis respirare, atque aliquid sibi laxamenti impe-
trare licuit. Hac enim quum animi, tum corporis cul-
tura non minùs celebris facta est illorum memoria,
non minùs illustratus nominis splendor & magnifi-
centia, quàm rebus aliis præclarè gestis, aut hostib. vel

*Reges her-
barum cul-
tores.*

subactis, vel ad internecionem deletis. Sic Mitridates Ponti atque vndeuginti regnorum Rex, propter eximiam herbarum notitiam, & singulare antidoton contra venena morbósque omnes contagiosos præsentaneum, illius nomine insignitum immortale nomen est consequutus. Lyfimachus Eupator, Gentius Illiricorum rex, Artemisia Mausoli Cariæ regis vxor, multique alij, præter belli gloriam, herbarum cognitione illustres sunt. Marcus Curius imperator Romanus post deuictum Pyrrhum Epirotarum regem, Lucius Cincinnatus, Marcus Valerius Coruinus plantarum amœnitate allekti procul à strepitu & ambitione ciuili ruri consenuerunt. Solomon verò regum amplissimus, qui præter immensas opes eam consecutus est à Deo Optim. Maxim. sapientiam, ac rerum cognitionem vt nullus regum illi sit comparandus, in herbarum notitia mirificè excultus, exactèque versatus legitur, ac disseruisse non solum de piscibus, alitibus, quadrupedibus, astris, sed de arboribus etiam & stirpibus à cédro Libani vsque ad Hissopum qui egreditur è pariete, hoc est, à minutissima herba ad procerimas, celsissimásque arbores vsque, omnia habuisse cognita & explorata. Sunt præter Solomonem proceres aliquot vatésque Hebræi qui passim vaticiniis suis herbarum nomina effectúsque interserunt, ac comparationes ex iis mutuantur. Quum enim stipes aliæ aliis rebus adhiberi soleant, ac nonnullæ alimentum vsu præbeant, aliæ medicamenti, plerèque vtrumque, nonnullæ noxiæ sint ac naturæ infestæ, aliæ salutare morbísque expugnandis accommodæ: ex iis Prophetæ appositissimas similitudines, scitásque & concinnas comparationes desumunt, quibus conciones exornant, ac fidem narrationi adstruunt. Quum

*Solomon
herbarum
studiosus.*

3. Reg. 4.

Sapien. 7.

*Varij her-
barum effe-
ctus.*

autem

autem multa sint in humanioribus disciplinis ac politioribus literis, totaque philosophia humana quæ hominum animos affatim oblectant, illorumque mentes exemplis ac morum integritate imbuunt, tum nulla ad hæc perficienda maiorem vim atque efficaciam obtinent, quam ea quæ sacri vates quorum nemo non diuinitus adflatus, concionibus adhibent, adeo ut quivis vel in naturæ operibus vel diuinis contemplationibus mediocriter exercitatus, facile perspexerit, quam non sit sterilis & ieiuna illorum narratio, quam non prorsus infæcunda illorum doctrina, sed utilis salutaris, fructuosa. Siquidem scriptura sacra à cœlesti patre diuini Spiritus afflatu promanans, mentes hominum suauissimo pabulo pastuque salutare reficit.

Quod ipsum Dāuid rex indicat, desumpta peratmæna *Davidis se* similitudine à viridante floridoque prato ac saluberri *lestissima* mis aquis, quibus armenta maxime pinguescunt & fa- *similitudines.* ginantur. *Dominus regit me, nihil mihi deerit in loco pascuæ ubi me constituit, super aquas refectiois.* Sic quum *Psal. 23.* sibi gratularetur ac plauderet, quod Dei munere in diuidenda hereditate, vberima pecora, solumque ac fundum maximò fecundum fortitus esset, *Funes,* inquit, *Psal. 16.* *ceciderunt mihi in præclaris,* Solent enim olim funibus extentis metiri iugera, suosque limites cuique assignare ac partiri prata: quod apud nos nunc decēpeda perficitur. Huius generis quum innumera exempla in veteri nouoque instrumento se proferant, non solum in vitæ usu & consuetudine, sed ex natura rerum quæ nihil non suppeditat, de prompta: operæpretiū visum est ista eruere, atque auido lectori spectanda exhibere, quo illi innotescat, quantus scientiæ ac sapientiæ thesaurus reconditus sit in arcanis literis, quæ non tam dulcia, quam salutaria hominibus proferunt. Nec sanè

quisquam ex yllis Philosophorum aut Rhetorū Poëtarumque scriptis tam vberem & copiosam doctrinę frugem, tam salutare animę mentisque pabulum est percepturus, quàm ex vberissimo atque in ex hausto Diuinitatis fonte, illorumque oraculis quę diuino adflatu sunt prodita. Quòd si cui libeat attentè considerare atque intimè excutere diuina eloquia, quantaque vñ sint sapientia qui tam salutaria documenta nobis prodiderunt, mentemque ac voluntatem Dei mortalibus indicant, dilucidè perspecturus est, quid diuina prophanis præstent, & quàm sint res æternę ac solidę caducis ac momentaneis præstantiores. Sacros verò

Sacra prophanis potiora.

Propheta omnium rerum cognitione instructi.

vates præter exactam diuinitatis cognitionem in naturę reb. exquisitè versatos, nec vllius disciplinę fuisse rudes, vel illud argumento est, quòd ex intimis atque arcanis naturę similitudines & comparationes desumant, denique ab animantibus, herbis, arboribus, elementis, igni, terra, aquis, aëre, fluminibus, riuis, fontibus, cisternis, Oceano, astris, gemmis, lapidibus, à fulmine, pluuiā, rore, æstu, frigore, flatibus, grandine, niue, gelu, glaciē, à satis & semente, à sale, à fermento, à fæcena, verriculo, nassa, retibus, ab humoribus qui corpori humano subsunt, vel ab eo promanant, sanguine, lacte, semine, menstruis, à pariente & partu, à scoria, ferro, auro, argento, aliisque innumeris Tropos ac figuratas elocutiones, Metaphoras seu Translationes, parabolas, collationes, exēpla, Schemata, hoc est, ornamenta verborum & Sententiarum, & quę quasi aliquo gestu orationem illustrent, narrationibus suis accommodant, quibus multum lucis atque intelligentiæ, plurimum dignitatis ac splendoris cōcionibus adferunt, mentesque ac animos socordes atque oscitantes, suique oblitos ad veritatis cognitionem incitant atq;

atque inflammant: improbos adducta ex iis rebus similitudine, à maleficiis deterrent, atque ad virtutem ad solidam felicitatem, ad Dei metum & fiduciam extimulant, illisque, omni adhibita industria, diuinitatis notitiam insignunt: probos verò & qui vitę integritatem conſectantur, ſtabiliunt, vtque perfeuerēt atque in ſuſcepto negotio perſiſtant, ſedulò exhortatur: obiter, quod & Paulus præcipit, inordinatos, intractabiles, incompoſitos officiij ſui cõmonefaciūt, ac ſalubri placidæque monitione increpant: puſilanimos & mœrentes ſolantur, imbecilles ac labantes fulciūt: collapſos erigunt: lenitate & elementia vtuntur erga omnes, lenti ad iram, ad vindictam ac violentiam tardi, medentur iuxta Eſaiæ ac Chriſti vaticinium contritis fractisque mentibus atque animis deiectis mœſtis, afflictiſque ſalutarem medelam adhibent prædicant captiuis remiſſionem & indulgentiam, occæcatis viſum: ita vt diuinæ lucis efficiantur capaces, calamitoſis ſolatio, vinctis ac diaboli tyrânide oppreſſis relaxationem ac libertatem: eaq; omnia elegantiffimis parabolis & collationibus in ſuis paſſim ſcriptis perficiūt. Quum autem nemo non prophetarū, inter quos multi regia maiestate, exiſtunt, harum rerum ſpecimē exhibeat, atque etiam Ieſus Chriſtus quique eius nomine apoſtolicæ legationis munere fungūtur, in eodē doctrinæ genere verſentur: opei æpretium me facturū ſum arbitratus, ſi obiter commonſtrem quanta ſit eruditio, quàm recondita ſapientia, quæ rerum cognitio ac naturæ inueſtigatio, quantus ardor propagandæ religionis atque expulſa omni ſuperſtione & idolatria proferendi cultus diuini in iis hominibus qui diuino ſpiritu cœleſti quæ afflatu imbuti tam ſalutaria nobis prodiderunt, accita ad orationis decus & ornamen-

*Deus vñ
cogit &
blandimē
tis allicit.*

1. Theſſ. 5.

*Eſaiæ 61.
Luc. 4.*

tum vniuersa rerum natura : quod ipsum patefacere iam meditor.

DE CONDITIONE ET NATURA

*Mandragoræ, quam à Lia Sorore e-
blandita est Rachel.*

CAPVT II.

Genes. 1.

*Mandragora
duæ
species.*

INTER herbas virentes ac floridas, quarum innumeras naturæ ac rerum omnium conditor Deus in vsum hominum è terra produxit, Mandragora non infimum locum obtinet, nec prorsus ignobilis est. Cuius quum in sacris Bibliis extet mentio, atque in deliciis habita sit, in e-
dendique vsum expetita : de hac instituti argumenti sumetur exordium. Constituuntur huius stirpis duæ species : quarum vna est foliis lactucæ æmulis, sed angustioribus saturati vmbrosique viroris. Pomum verò emergit è centro imoque stirpis meditullio, quod herbaceo stilo incumbit, auellanae nucis, nonnunquam iuglandis aut castaneæ magnitudine. Hæc species feminæ nomine insignitur. Mas verò speciosa magnaque foliorum amplitudine ac pompa luxuriat, lacteo virore perpolita. Pomum verò quod ex passis patulisque quaquaersum foliis è media stirpe prodit orbiculatum ac circinata rotunditatis, oui gallinacei vitello aut luteo prorsus affine est, odore non sine gravitate quadam soporata, iucundo, radice crassa, pilosâque ac bifida, atq; in humanæ coxendicis aut cruris formam bifurcata. Qua occasione circumforanei quidam impostores ex huius & brionia radice imagunculas confingunt humana specie, atque vtrumque sexum emolliuntur, ac credulae turbæ persuadent ea forma ac specie è terra enatas. Nonnulli serio prædicant vitalem

ralem fuisse subterraneum hunc foetum , atque ex
 locis quibusdam funestis eruisse, quibus supplicio af-
 fici solent fontes ac facinorosi , qua persuasione rudi
 atque imperitæ plebi imponunt, atq; huiusmodi im- *Pomum*
 postura argento illos emungunt , Belgæ Mandragoræ *Mandra-*
 poma *Deolappelen* vocant, quo nomine & radicem de- *goræ blan-*
 signant , quod mentem amatorio quodam fascino in *dimentum*
 errorem pertrahant, & quodam modo incantent. Hu- *amoris.*
 ius pomi fuisse auidam Rachaëlem , summoque eius *Gen. 3.*
 desiderio occupatam sacri codices referunt. Quum e-
 nim triticeæ messis tempore Ruben in rus digres-
 sus, Liæ matri attulisset Mandragoras , Rachel sterilis
 ac sororiæ fecunditatis æmula, eas sibi concedi of-
 ferrique postulauit. Lia exasperata importuna inter-
 pellatione , poma illi denegauit: tandem sopita alter-
 catione hac lege ac conditione res transacta est, vt Lia
 subsequente nocte mariti concubitu frueretur (nam
 id alternis vicibus , duabus sororibus vni marito de-
 dicatis perfici solet) Rachel verò potiretur Man-
 dragoris , quas ea mente atque animi intentione à
 sorore eblandita creditur , quò amabili ac gratioso
 cum patriarcha Iacobo congressu , esu illius pomi,
 conceptui effici posset idonea. Quum enim inuidia
 in sororem permota sterilitatis probrum à se depel-
 lere atque amoliri cuperet, expostulauit cum ma-
 rito , quòd sterilis degeret, quum soror numerosa
 prole ferax esset & fecunda. Iacobus indignatus se
 perfunctum maritali munere profiteretur, ipsumque
 nec culpari posse, nec ignauix argui. cæterùm fœ-
 cunditatem ac conceptum Dei donum esse , illius-
 que arbitrio negotium istud perfici. Cæterùm an Man-
 dragora fœtificandi vim mulieribus conferat, atque
 vtero retinendi seminis efficaciam conciliet, in

dubium vocari posset. Quum enim soporifero effectū prædita sit, & impensè frigida, hæc qualitas ad tale quiddam præstandum prorsus inefficax censerī solet & inidonea. Quod tamen ita dilui posse video, ut in frigidis humidisque regionibus, atque in vtero humecto & algido tale quiddam perficere nequeat, sed in torrido æstuantique & exusto. Sic in Africa, Hispania, Iudæa, Mauritania, Numidia, Aegypto, in quibus ferè regionibus mulieres adustos arentesque habent vteros ac feruidos, tum squallidos ac strigosos: non incommode hoc pomum adhiberi posse crediderim. Si quidem eius esu corpus ad temperiem reduci posse existimo: quum post amplexum & congressum maritalem soluto in somnum corpore, vterus retinendi vim feminis asciscat, nec id in fumos ac fuliginem euanescat, ut in calido atque æstuantē vtero assolet, in quo vtriusque semina minùs coalescunt aut vniuntur, sublata omni posteritatis spe. quod multis usu venisse obseruavi etiam in Belgica, qui ob plus satis calidam vteri intemperiem effætæ extiterunt, tametsi mariti sedulo illis suam operam præstarent, suoque officio alacriter fungerentur: quin & viri ex frequenti illorum concubitu aliquando pudendarum partium vitia contrahunt à falsuginosa atque acri mordacique vligine, quæ genitali virus infert ac contagione inficit. Huiusmodi mulieribus quæ fere sunt indomitæ libidinis ob ignitos vrentesque locos, poma Mandragoræ inoffensè, imo magno commodo exhiberi possunt, cum pepones, cucumeres, cucurbitæ, melones, portulaca, lactuca, solanum, aliæque refrigerantia, quibus intensus ille feruor ac vitiosa vteri qualitas retunditur, & quò minus concumbenti deleteria sit, cohibetur. Scio equidem multa esse stirpium genera apud Belgas &

& Septentrioni obuertas regiones quibus quum sub-
 sit noxia vis & pernitiōsa, valetudinem deteriore[m] ef-
 ficiunt ac depopulantur, nisi illorum effectus in de-
 struenda naturæ temperie coërceatur. Sic omnes her-
 bæ quæ frigida qualitate imbutæ sunt, pipere, zinz-
 bere, & grano paradisi, quod nōnulli inter species car-
 damomi statuunt, condiuntur, quibus refrenatur illa-
 rum malitia, & obtunditur hebescitque ferocia. Sic
 fungi, boleti, tubera, aliæque excrementa terræ Ital-
 iæ ac Transalpinis innoxia sunt: Cisalpinis verò ac Belgis
 nocentissima ac venenata, nisi condimentis caloricis
 mitigetur venenosa illorum qualitas. adde quòd in ca-
 lidis regionibus, quæque Sole affatim illustrantur, &
 incalescunt, omnia melius maturescunt. quæ vis efficit
 vt illa fercula vtpote libidinis incitamenta à delicatis
 ac ganeonibus in deliciis habita, atque in excitanda
 tentiginis vsum expetita, minus incommodi cor-
 poribus inferant. Cæterum Mandragoram odoris fra-
 grantia ac suauitate recreasse olim Hebræos, Epitha-
 lamium siue Canticum Solomonis indicat, sic vt ex-
 istimem in Iudæa illam in ratione expetitam, ac mani-
 bus contractari solitam, quòd suauis quodam odore
 imbuta sit non sine vi somnifica & soporosa, quæ las-
 sos & languidos recreat: vt ferè esse solent qui amo-
 ribus dediti sunt, aut aliquem depereunt, tanquam a-
 matorio philtro incantati. Mihi verò quid de Man-
 dragora accidit, obiter enarrabo. Quum autem æ-
 stiuus mensibus (nam eo tempore poma Mandragoræ
 se proferunt) semel atque iterum in museo nostro a-
 mabilem ac speciosum eius stirpis fructum negligenter
 collocassem, ita somnolentus sum effectus, vt e-
 grè sopor excuti possit. Quum autem obnixè oblu-
 ctarer somnolentiæ, illamque excussisse conarer,

*De Mā-
 dragora
 pomo hi-
 storia.*

egrè id obtinui, nec rationem tanti veterini inire potuit: tandem quum quaquauerfum dimouissem oculo, obtulit se à tergo pomum Mandragoræ, quo amotos atque in alium locum translato, factus sum alacrior, atque torporem depuli, omnemque oscitantiam disculsi. Ceterum ab hoc suavi olenti mirèq; odorato pommo quod gratiam fauoremque gestanti apud amaliū conciliat, Sponsus captat occasionē exspatiandi. Quū enim vernis æstiuisque mensibus omnia frondeant ac nitescant, ac Mandragora stirpèsque aliæ odorem suauiter in auras diffundant, Sponsam extra limen & cōclauē euocat, quò relicta vrbe ruri atque in suburbanis prædiis se oblectet, ac tot passim florentibus herbis & arboribus, nardo, viola, liliis, malo punica, mandragoris, ipsaque florescente vite se reficiat. Quum autem singula quæ è terra emergunt verno tempore frōdescant, ac florum quum amœnitate, tum fragrantia homini blandiantur, tum ipsa vitis præ cæteris fragrantissimum odorem exspirat, ac naribus suaues halitus effundit: profert hæc sub finem veris flosculum minutum & stellatum festucis ramentisque orbiculatis oblitum, vt lichen, vulgo vsnea, colore subspiceo aut flauescente, eximieque suauitatis, quo in alterisci formam deciduo, confestim specimen racemorum exhibetur. Odor huius flosculi cerebrum & cor mirifice recreat, sic vt mihi gratissimum sit florescente vite sub vinea pergulata ac pampinis concamerata fornice ac testudine prandium cœnamque absolvere, aut cum æqualibus cruditis fabulis temporis tedium fallere. Huius autem flosculi odor, tanti effectus prædicatur, vt venenatas bestias abigat adeo vt serpentes, colubri, bufones hunc per se nequeant, sed remotissime ab eo se subducant. eruocirca florescente vite
non

non solum salubris est & peramœna ambulatio, sed etiam secura & tuta: licet enim in herbido thoro ac viridante gramine decumbere, ac sub arbore patulis diffusa ramis opacum frigus captare, atque æstum propulsare, vel apricatione Solis radiis incalescere & illustrari, nullo metu aut trepidatione serpentum qui aliquando latenter in herba delitescunt, atque improviso obrepunt, hominique terrorem incutiunt. Quam autem sponsus (quo nomine Christus à Ioanne baptista designatur, qui erga suam Sponsam nempe Ecclesiam, cœtumque illi fidentium vnicè afficitur) nusquam non speciem, & venustatem, decorémque Sponsæ amplificet, atq. è diuerso Sponsa mutua compensatione illi paria faciat ac vices rependat, quidquid præclarum est, & admiratione dignum in natura vniuersi, cœlo, fide ribus, montibus, siluis, nemoribus cāpis, herbis, flosculis ex quibus suavis odor emanat, arboribus quæ non minus salubres quam spectabiles & speciosos fructus proferunt, vino generoso ac saporis eximij quod ex lectissima vite exprimitur: huc vterque congerit, ac similitudines appositissimas pro vtriusque dignitate producit. Sic nardo Sponsus comparatur herbæ cum primis odoratæ, fasciculo mirrhæ, botro aut vux Cypriæ ex generosissima vite decerptæ. Sponsus verò amicam lilio comparat ob eximium candorem, atque odorem suauissimum, adeo ut si pedissèque & quibus stipari solet, Sponsæ cōferantur, Spinæ sint nulla specie, nulla formæ dignitate commendabiles, hoc est, puellæ quæ illam comitantur velut hybridæ parumque ingenuæ, nihil habent amabile aut speciosum; nihil spectabile aut vlla gratiosa venustate visendum. Huiusmodi metaphoris ac figuratis elocutionibus sciatet non solum hoc, canticum, sed

tota passim scriptura sacra, ita vt amplissimus se campus aperiat, quo studiosus lector possit oblectari, tota mente ac cogitatione à naturæ præstantia, in Opificis admirationem erecta. Sumuntur in hoc Cantico elegantissimæ similitudines ab iis rebus, quæ syncopi atque animi deliquio collapsos erigunt ac spiritus sopitos labantésque instaurant: vt sunt vinum odoriferum, fasciculi inuales & olfactoriola ex redolentibus herbis concinnata ac congesta. Sic sponsa quum languescit ac iam defectura videtur immodico Sponsi amore, puellari clientelæ imperat, vt aliquid fomenti adferât, vt odorata quæque naribus admoueât:

Cant. 2. Fulcite me, inquit, malis, sustentate odoribus, ne deficiam. Sic etiam nostrates, defectu animi periclitantibus, cinamomum, gariophyllos, acetum sambucinum, poma citria, & quæ sub eodem genere comprehensa limones dicuntur, myrtum, saluicam, aliæque odorifera olfacienda exhibent, quibus passim Scriptura vtitur, ac salutarem doctrinam designat, quæ mentes languidas refocillat ac reficit.

DE MANNA COELITVS DELAPSA, tum ea quæ Medicis in vsu est.

CAPVT III.

*Exod. 16.
Dente. 8.*



*Num. 11.
Psal. 77.
Exod. 15.
Exod. 17.*

Vòd Hebræi in vasta illa ac siticulosa solitudine Manna pasti sunt, non prorsus naturali causæ adscribi potest, sed Diuinæ potentia, quæ tamē naturæ vñ sit ministerio, vti etiam coturnicibus, gregatim in castra delatis, aut quum percussa petra, refocillando populo aqua proflueret, lignoque aqua amara dulcesceret, tū etiam quum Euri violentissimo flatu rubrum mare exiccatum transitum Hebræis pate

patefaceret, ad internecionem deletis insequentibus. *Num. 20.*
 Similis est ratio de farina multiplicata & adaucto oleo *Exod. 14.*
 Helix & Hælisæi precibus, de Coruo illi adferente pa- *3. Reg. 17.*
 nem & carnes: quod etiam de Antonio & Paulo He-
 remita refertur, si Ecclesiasticæ historiæ habenda fi-
 des: de angelo ministrante Helix panem subcinericeñ
 & aquæ poculum, quibus corroboratus quadraginta
 dierum ac noctium iter emensus, peruenit ad mōtem
 Dei Horeb, in cuius spelunca tutus erat à Iesabelis ty-
 rannide, quæ omnes prophetas in mortem crudeliter
 venabatur. Hæc atq. alia admirāda quæ passim in sacro
 codice memorantur, Deus iussu nutuq; suo perficere
 potuisset nulla adhibita materia, sed tamen vti voluit
 rerum naturalium (quarum ipse effector est & m-
 derator) adminiculo ac velut instrumento, eaq; ratio- *Ezec. 38.*
 ne suis prospicere visum est; atq; afflictis mentibus so-
 latia adferre. Quod etiam in Ezechia moribundo ac
 Dei sententia morti destinato obseruari potest, cuius
 apostema, admoto cataplasmate ex ficibus contusis
 quæ maturandi facultate pollent, ad sanitatem perdu-
 ctum est: quo argumento declaratur, morbis vrgenti-
 bus, non respuenda medicamentorum præsidia, sed ea,
 implorata Dei ope, alacriter adhibenda, quibus vita
 in aliquot annos producitur. Eodem vsus est medēdi *Ioann. 9.*
 modo Christus in dispellenda cæcitāte mendici, con-
 fecto collyrio ex luto & salina, eaque abluta extersa-
 que in piscina Siloë. Similiter in discutienda surdi- *Marci 7.*
 tate, digitos in aures inseruit, immissoque in linguam *Matth. 9.*
 spūto, loquelam, muto restituit. Cuius generis mira- *Mar. 10.*
 culo aliās solo tactu, aut verbo peregīt, ab iis tantum *Luca 18.*
 stipulatus impetrandi fiduciam, quam quum inter a-
 lios clamosus ille cæcus Bartimaus inter turbæ fre-
 mitus testaretur; confestim nullo adhibito visibili ex-

ternóq; signo, visum recepit. Quñ autē Deus pro im-
 mēsa erga genus humanum bonitate ac fauore, multis
 magnisq; rebus munificentiam suam declaret, tum
 præcipuē inauditis stupendisq; miraculis mirādam
 potentiā patefecit: quod inter innumera Manna demō-
 strat. tā affluēter ex aēre in terrā effusum, vt numerosis-
 simā multitudinē satiaret. Dū enim fremeret confusa
 multitudo sexcētorum milliū, Deoq; ac Mosi obstre-
 peret, quòd ex Aegypto in tā vastā solitudinē perdu-
 cti inedia conficerentur. Deus vespere incredibile co-
 turnicū vim & copiam in castra coēgit, manē autē ros
 vndique diffusus est per castra, solique planiciem:
 quūq; operuisset superficiem terræ, apparuit in so-
 litudine minutum quiddam, rotundum, tenue, perian-
 the ac si pruina esset constrata humi similitudine semi-
 nis coriādri, specie bdellij, gustu saporēque similagi-
 nis, melle confectæ. Quum autem tam subita innoua-
 tio, atque insolita rerum facies admirationi esset tur-
 bulento populo, ac nonnullis stuporem incuteret, ple-
 risque (vt quidam opinantur) contemptum & irrisio-
 nem adferret, *Manhu*, inquit quid est hoc? Similis est
 illa Chremetis ironia & subfannatio in Clitiphonem
 filium personatæ atque ementitæ probitatis. Sed ipse
 egreditur, quā seuerus rem quū videas, censeas. Cē-
 terū Māna quæ medicis in vsu est, calida & humida
 abscessu primo, huic non prorsus dissimilis est, coligi-
 tur enim in calidis regionib; aëreum rossidūmq; mel,
 quod æstiuis mensibus, feruescente interdiu Sole, no-
 cturno frigore in grummos coit, atque in ramenta cō-
 globatur ex defluxu rotulenti humoris ac madore aë-
 reo, omnib;que passim arboribus, herbis, lapidibus
 incumbit mellita ista colore flauescente, quæ singu-
 la agitata zaccari more liquefcit ac palatum faucēsq; dul-

*Heaut.
 scena 5.
 actus 3.*

dulcedine imbuat: quo fit vt gulæ & faucium asperitatē leniat. verum quum illi sublit medicamentosa quædam facultas, zaccaro minùs alit: ventrem autem vt cassia fistularis & Cylindracea emollit, sed paulò clemētius. quocirca tutò impuberibus, seniculis, prægnatibus, pauperis exhiberi potest, vnciæ pondere, obseruata cuiusque natura ac corporis constitutione. Mannæ autem vel mellis ærei nomine insignitur, quoniam ex halitu ac vapore terræ, calore solis sublato, ex aëre defluit, atque æstiuæ noctis frigore concreta plantis insidet ea propemodum forma ac saporis dulcedine, qua in Bibliis Manna describitur, cuius esu multis annis pasti sunt Israelitæ, ita vt assiduo eius vsu nauseam illis pareret, ac Dei donum fastidirent. Exemi ergo aliquando vulgare hoc mannæ genus aut rossidum mel ex plantarum foliis, quum antelucanis horis Academia Louaniensis pomæria egressus, perquirendis herbis essem occupatus, desinente potissimum vere, aëre tranquillo ac placido, nullisque ventis incitato. Diuenditur autem adulterinum mel æereum ex Sena incrustata, zaccaro confecta: verum vbi id ore vo-

*Adulteri
na Manna.*

lutum liquefcit, proditur dolus. Colligunt quidem nonnulli circa aluearia, illaque loca in quibus apes mellificant ac faueum consingunt, excrementa quædam flauescere colore, sapore melleo, quæ nonnulli existimant ex aëreo concretu coaluisse: quum nihil aliud sint, quàm excrementiceus liquor & salua quæ à vespis fucis & culicibus prodiit. Siquidem insecta apum laboribus insidiantur, & mel exugunt: quo obseruantes apes in illa insiliunt, ac turmatim conficiunt: quod indicat Virgil.

Prima fauis ponunt fundamina: deinde tenaces

Suspendunt ceras: aliæ spem gentis adultos

Educunt fœtus, aliæ purissima mella

Georg. li. 4

*Aen. li. I Stipant, & liquido distendunt neſtare cellas.
Aut onera accipiunt venientum, aut agmine facto
Ignavum fucos pecus à præſepibus arcent.*

DE LACTUCA SILVESTRI
CAPVT. IIII.

*Exodi 12.
Núm. 9.*



VVM Deus pro inexauſta ſua bonitate erga homines afficiatur, omnibus modis illorum commodis proſpicit ac ſaluti inuigilat, ſuamque munificentiam cumulatè illis impendit, non aliud pro tam obuia ac benigna promptaque liberalitate ac gratuitis muneribus exigit, quàm ſummum amorem ac venerationem ſolidamque fiduciam, qua illi innitimur, atq; indubitata certamque ſpem concipimus, de eius promiſſis. Commonefacit Deus ſedulo oſcitantēs ac ſocordes ſui officiij, ſuamque beneficia ſubinde illis in mentem reuocat, ne vel excidere contingat, vel obliuione obrui: atque huius rei cauſa certos ritus ac ſtatas ſolennēſque ceremonias inſtituit, non ſolùm in veteri lege, in qua omnia de Chriſto eiùſque regno typis adumbrata ſunt, ſed etiam in Euangelio in quo promiſſa exhibita ſunt, atque omnia ad vnicum uſque apicem, vt Chriſtus expirans teſtatus eſt, conſummata peractaque. Sic ſignis quibuſdam, certis ſymbolis ac ſacramentis quæ ſub ſenſum cadunt ac ſunt viſibilia, promiſſiones ſuas, atque erga homines gratiam & reconciliationem teſtificatur. Siquidem Baptiſmus ſignaculum fidei, ac primus in Eccleſiam aditus, Circumciſione ac maris rubri tranſitu adumbratus nos Deo conſecrat, eo que illi inferimur, impetrata per fidem peccatorum reconciliatione. In agni verò Paſchalis eſum
furro

*Sacramen
ta in quē
uſum ex
hibita.
Baptiſmi
effectus.*

furrogata est Synaxis, hoc est, Corporis & sanguinis Christi communio, quam palam exerceri voluit, atque in cœtu Christianorum publicitus peragi, ne unquam intermoretur aut exolesceret mortis & resurrectionis eius memoria, sed continenter in mentem

*Symbolū
corporis
Christi in
quē usum
exhibitu.*

reuocetur insigne illud beneficium, quo genus humanum Diaboli mortisque tyrannide oppressum, gratuito ac nullis meritis libertati assertum est, atque impetrata per IESVM CHRISTVM, pacificatorem omnium scelerum remissione, salutem adeptum,

Siquidem *Lex per Moſen prouulgata, gratia autem & veritas per Ieſum Chriſtum exorta eſt.* Exhibitum est

Ioan. 1.

olim huius mysterij, quod in Christo expressum est specimen quoddam atque adumbratio, dum Abrahamus filium unicum Isaac victimæ destinat, dum Moſes ex Dei præſcripto, agni immaculati ac masculi eſum instituit, eumque veſcendum cum agreſtibus lactucis quæ inſigni amaritudine ſunt imbutæ, præſcribit, quò aſſiduè in recenti memoria verſaretur miſeranda ſeruitus qua olim ſub Pharaone oppreſſi ſunt: excuſſoque intolerando iugo, in libertatem reſtituti.

Quocirca inſtituta ſunt agni Paſchalis anniuerſaria ſacrificia, vt memoriam ſibi renouarent eius diei qua olim apud Aegyptios agni ſanguine poſtibus illito à periculo angeli exempti ſunt, qui in primogenita Aegyptiorum graſſabatur, atque incolumes mare rubrum tranſierunt: quem diem cum primis celebrem & ſacroſanctum à tranſitu angeli, qui illos intactus præteriiit, denique à mari rubro feliciter magnoque ſucceſſu emenſo appellabant Phaſe, qui nobis dicitur Paſcha, Gallicè *paſſage*, apto appoſitoque ad huius æui decurſum vocabulo. quia nobis in hac mundi impedita ac vaſta ſolitudine, ad immortalitatem ac cœle-

*Phaſe qua
re inſtitu-
tum.*

stem patriam sedesque beatas sit transitus. Præcipitur autem edendus agnus cum lactucis siluestribus, siue herbis amaris. Siquidem in huius seculi curriculo omnia amara sunt, acerba, tristitia, calamitosa, & quæ plus aloës quam mellis habeant. Sunt qui lactucæ nomine Seridis species designari credunt, & Intyba, hoc est, Cichorium & quæ corrupta voce Scario-la dicitur, Belgis à candore *v vitte*, hoc est, candida *En diuia*, ceruleo flore eaque in lascinias dissecto spectabilis, hanc fabulo obrutam hybernis mensibus inter acetaria primis mensis inferunt. Hoc siquidem artificio tractata amaritudinem exiit, atque eximium candorem adsciscit, vt sunt interna *Brallixæ* capitatae folia. Commodè autem magnoque successu adhibentur huiusmodi herbæ hepatis obstructionibus: habent enim amaritudinis ratione abstergerendi vim, qua meatus recludunt, atque opilationes expediunt. Tertianas quoque febres expugnant, atque iæterum seu morbum regium, discutunt. fellis enim atque hepatis intemperiem, cui ferè Iudæos esse obnoxios color mustellinus indicat, mitigant. Sunt autem istæ stirpes Virgilio decantatae in Georg. *nec amaris intyba fibris officiunt.*

*Cichorium
hepatis
lubre.*

Geor. li. 1.

Rurfus:

Geor. li. 4.

*Forſitan & pingues hortos quæ cura colendi
Ornaret, canerem, biferique roſaria Paſſi:
Quoque modo potis gauderent intyba riuſ,
Et virides apio ripæ: tortiſq; per herbam
Creſceret in ventrem cucumis.*

Lib. 10.

Commendat hæc quoque Columella in hortulo, eaque excolenda præcipit tanquam alteram succidiam (sic enim prouentum hortensum nominat Cicerone)

De Senect.

Spar-

*Spargite quæq; viros acuunt, armantq; puellas
Iam breue Cerephilum, & torpenti grata palato
Intyba, iam teneris frondens lactucula fibris.*

Congeneres istis que sunt affines Chondrilla, Sonchos siue Cicerbita, & quæ vulgari voce Dens leonis, & rostrum porcinum vocatur, hieracium, quæ omnia lacteo succo madescunt, ac flavescenti flosculo conspiciuntur, leporibus cuniculisque gratissimum pabulum. Siquidem earum stirpium esu minus hydropæ hæc animalcula turgescunt, amaritudine exiccante humiditatem. Quocirca earum nonnullæ quæ non intentius amarescunt, ineunte vere ibi folia tene- rescunt, acetariis immiscuntur, in pratis obuiæ equi- no generi pabulationem suppeditant, aliæ lacte tur- gescunt, inuitis hortorum cultoribus erumpunt at- que eruncandæ eruendæque sunt, ne salutare herbas strungulent. Cæterum lactucam illam siluestrem quæ Endiuia nomine insignita est, in edendi agni Pascha- lis vsum adhibitam, velut condimenti loco, non faci- lè mihi persuaderi potest: quum ob insignem vren- tæmque amaritudinem quæ linguam vellicat, non sit esculenta, nisi quum primum emergit, nec adhuc spi- nis in dorso partæque auersa armata sit: vincit enim Endiuia vulgaris quæ germana est lactuca siluestris, amaritudine reliquas stirpes quæ succo lacteo ma- descunt. Quocirca medici nouellam ac teneram in v- sum medicamenti adhibent, non adultam quæ acu- leata est ac spinulis horret, tum vetustate amarescit: Intybæ verò species cocto elixoque agniculo condi- menti vice adhibitam prorsus crediderim, nempe Cichorium & Seriolam, ex quorum non solum fo- liis, sed radicibus etiam acetaria conficere Belgæ didi- cerunt. Siquidem radix ad sesquicubiti ferè longi-

*Quæ vera
lactuca si-
ue stirps.*

tudinem se porrigit, quam autumnō enatam in talco-
las ac testiclas dissecant, vt rubram pastinacam, quam
Carotam vocant, eamque ex aceto & oleo, insperso pi-
peris polline, esitāt, vt etiam cucumeres, crithmum,
rapistrum, vulgò *Raiponse*, complurāque alia quę tem-
pestiuē suāque anni parte hortus profundit.

DE OLEA, OLEASTRO,
oliua, oleo.

CAPVT V.

Apos. 7.



T palma quę ponderi non cedit, victo-
rię insigne, ita Olea pacis index: cuius
rei specimen columba ex arca Nohe e-
missa edidit, quum desinente diluuiō de
fluxisq; ac subsidentibus aquis, oliuę

Gen. 8.

fruticem attulit, mitigatę irę Dei argumentum. Folię
autem est hęc arbor salicis aut ligustri, supernē viridi,
auersa imāque parte qua terram spectat, albescente at
que incano vt alba populus, flosculo minuto sed fo-
lioso, colore luteo, non sine grauitate odorato: fructi-
fera verō est fecundāque numerosis baccis, oblonga
forma atque ouali, quę vbi maturescunt, atque ingre-
scere incipiunt, oleoso pinguique succo turgescunt,
ex quibus oleum exprimitur articulis firmandis, fo-
uendisq; membris, tum mitigandis doloribus ac-
commodum. agilitatem enim vigorēque iis pręstat
foris adhibitum potius. quā in corpus admissum: eo
siquidem corpora perfusa non solum nitescunt, sed ro-
bur etiam concipiunt atque ad obeundos labores red-
duntur habiliora: Quod indicasse Dauidem obseruo
atque Deum ob huius aliarūque rerum munificen-
tiam

Psal. 103.

tiam in immensum extulisse. ipse est enim qui germinare facit fœnum & gramina iumentis, herbas in vsum hominum, panem ut vires augeat ac confirmet, vinum ut cor hominis latificet, oleum ut corpus eo niteat ac vires concipiat. Quò spectat illud Plinij: Duo liquores corporibus humanis saluberrimi, intus vini, foris olei. Quin & Samaritanus quo Christus designatur, duo hæc fomēta vulnerato adhibuit: vinum, quod abstergit & emundat: oleum, quod lenit, quod dolorem mitigat, quod vulnus ad sanitatem perducit: quo indicatur Christum secus quàm sacerdotes Leuitasque officij sui negligentes, salubri doctrina afflicti ac sauciatis mentibus mederi animique vulnera obligare, ac cicatrice ita obducere ut nullum vestigium appareat, hoc est, nihil eorum quæ antè commisit, illi imputetur. Oleum autem intus exhibitum, aluum mollit ac lubricum efficit, aspera quæque mitigat, venena paulò antè hausta retundit atque hebetat, eaque innoxia facit, ac ventriculum ad vomitum incitat, quo ferè noxia ac perniciofa quæque excutit, efficitque lubrica vi, ne venenatae portiones venas subeant, mortemque inferant: qua facultate hoc etiam adfert commodi, ut præsumptum temulentia obstat, & ne quis confestim ebrietati succumbat. Præter artis rationem faciunt qui ruptis, luxatis, contusis, collapsis, ruinæque oppressis oleum vel butyrum exhibent, ut membra afflicta consolident atque instaurent nisi omphaceum oleum, hoc est, immaturum quod nondum maturescente oliua exprimitur. Nā id adstrictionis est particeps, qua vi corporis partes hiantes ac dissolut coalescunt atque vniuntur. Butyrum verò & oleum maturum inter initia, incisa primùm vena, si ætas patitur, non incommodè exhibetur ad dolorem mitigandum, ac dissoluendum con-

Luce 10.

Quomodo
ruina op-
tractandi,
presit.

Potio con-
solidans.

Oliuarum
usus.

Capit. 15.
& 17.
Similitu-
dines ex o-
lea.

Cap. 6.

globatum concretumque sanguinem, in quem vsu-
potionem conficio ex ramentis rubiæ internis ac nu-
ce muscata: postmodum consolidantia propinari cu-
ro millefolium, rosas rubras antequam prorsus dehi-
scere incipiant aut folia dilatare, myrti baccas, omnes
symphiti, hoc est, consolidæ species, succinum mari-
num, quod sperma Ceti, vocatur gnesiam ac germa-
nam muniam, rhabarbarum, ac nucem muscatam to-
stam, eaque omnia decocta in vino rubro stiptico at-
astringentis naturæ: baccae quæ omni ferè nationi oli-
uæ dicuntur, ante maturitatem lectæ, quum adhuc vi-
rescunt in muria asseruantur ad pellenda ciborum
fastidia, ac nauseam, acuunt enim appetentiam, atque
vt amigdalæ amaræ, ebrietati obsistunt. Sumuntur au-
tem ab huius stirpis fructu & floribus à scriptoribus
sacris similitudines concinnæ cum primis & elegan-
tes. Sic Iob quum improbo cuique & facinoroso præ-
maturum interitum denunciat, *Antequam* inquit, *dies*
ius impleantur, peribit, & virtus illius arescet: lade- tur
quasi vna florens botrus eius, & velut olea proiiciens
florem suum: hoc est, ante diem ac properata subitaque
mortè conficietur, nec ad ætatem maturam aut ad sta-
tutum legitimumque vitæ tempus est peruenturus si-
militudine desumpta ab arboribus ac florentibus her-
bis, quæ ineunte vere spectatissimè prodeunt, ac flo-
rescunt: sed quarum flosculi vel vrede pcreunt, vel
ab Aquilone seu Borea decutiuntur. Deus enim
non finit nefarios diuturna prosperitate frui aut opta-
tum suecessum consequi, adeo vt quum multum vi-
tæ superesse possit, atque illud produci longius, præ-
maturam mortem illis accelerat. Sic legimus in Ge-
nesi acceleratiùs oppressisse homines diluuium, quòd
moniti nen resipiscerent, nec ad frugem se conuerte-
rent, sed in dies in deteriora prolaberentur. Et quum

Deus Sacerdotibus & optimatibus Effraim minitatur atque inopinatum exitium denunciat ob religionis neglectum, in quem propter ebrietatem ac temulentiam erant deuoluti sic in illos per Esaïam iram suam exacuit ac vaticinium fulminat: *Væ Coronæ super* Cap. 28. *ba, flori decidenti & defluo, & erit flos deciduus & quasi tēporarius ante maturitatem.* Quo indicat illos cum omni fastu & arrogantia, vt flores decussum iri, vt ficus primas & præcoces quæ confestim deceptæ deuorari solent) & æstiuu fructus qui in hyemem asseruari nequeunt. Non dissimile argumentum amplificat cōtra Aegyptios, obita Dei nomine legatione Esaïas: *Ante messem totus effloruit Aegypti populus, & præmatura perfectione germinauit, & præscidentur ramusculi eius.* Cap. 18. Quo designat Aegyptiis tale quiddam obuenturum quale præcocibus fructibus ac primitiuis baccis, ip sisque segetibus & vitibus quæ festinantius erumpunt, atque intempestiuè ac præter temporis rationem maturescunt. Citissimè enim huiusmodi fructus corrumpuntur, nec ad conseruandum vsui sunt. Quo denunciat illorum felicitatem non fore diuturnam. Per Oleam etiam aliàsque arbores indicatur piorum successus, rerumque omnium affluentia, & præter hæc progressus & incrementa virtutum: Quod ipsum omnibus testatum esse vult Dauid, qui virum piū ac Deo addictum arbori frondosæ & fœcundæ æquiparat, quæ Psalm. 1. non otiosa est & sterilis, sed fructuosa & fertilis, suosque ramos latè diffundit, & fructus edit salutare, quibus non tã ipsa, quàm alij se oblectant ac reficiūt. Hieremias quoque idem argumentum amplificat atque improbis qui nulla habita Dei ratione humanis præfidiis innitantur, ac rebus caducis fidunt, omnia aduersa pollicetur : *Maledictus, inquit, qui confidit in homine & à Domino recedit cor eius* Cap. 17.

erit enim velut mirica quæ in siticulosa ac ieiuna terra posita, nullum bonum, nihil sentit commodi ex aeris clementia. Felix & beatus qui confidit in Domino, in eoque omnem spem & fiduciã collocat. is arbori similis est quæ in irriguis locis confita est, suasque radices ad humorem diffundit, nec æstum pertimescit, quo ferè ex crescere solet quæ in arido solo sita sunt: & erit folium eius viride, frödosum, & tempore siccitatis fructum proferre nõ desinet.

Cõmendatur huiusmodi Metaphoris fiducia in Deũ, nec alio deflectendam mentem, alio dirigendum cor, quàm ad illum à quo õmne bonum promanat, & qui hominibus nihil non præstare sit paratus. Hinc Dauid Deo potius quam rebus fluxis, caducis, momen-

Psal. 51.

taneis innixus, secus quam impij, Ego, inquit, sicut oliua fructifera florebo in domo Dei, quoniam confido in misericordia eius. Rursus quum indicat homini minimè otioso, & qui se in Dei eloquiis exercet vberem rerũ

Psal. 128.

prouentum, vxori numerosa prole fœcunditatem, Beatus, inquit, qui timet Dominum, & ambulat, in viis eius, prosperabitur manuum suarum labore, felix & beatus ipse erit. Vxor tua, sicut vitis fœcunda, in lateribus domus tuæ: Filij tui, sicut plantula oliuarum, in circuitu mensæ tuæ. Ecce sic beari ac ditescere solet homo qui timet

Cap. II.

Dominum. Similiter apud Hieremiam Deus illum cui vnice afficitur, quo se oblectat ac reficit oliuam pulchram vocat, vberem speciosam fructiferam, hoc est, nõ en eius apud illum gratiosum est amabile. Huic Oseas consonat qui ex eodem fonte oracula sua hau-

Cap. 14.

sit, eodem spiritu conciones suas perfecit. Et erit quasi oliua, gloria eius, & odor eius vt Libani, Quo designat illos qui Deo indiuulsi adhærent illiusque placitis se oblectant fauorabiles esse illique gratos & acceptos. Vt enim suauis halitus & fragrantia, spiritus

*Sim le à
rebus odo
ratis.*

fouet

fouet ac recreat: ita Deum reficit & oblectat odor hominis, qui salutarem illius doctrinam amplectitur, ac Diuinæ voluntati se præbet obsequentem. Sic Paulus quò ostendat illos apud Deum gratiosos esse & fauorabiles, qui eius Euangelium propagant, ac fide alios instruunt, *Christi*, inquit, *bonus gratusque odor sumus in omni loco*. Et Patriarcha Isaac, *Odor filii mei, tanquam odor agri pleni, cui bene dixit Dominus*, Deniq; in Cantico Sponsa, *Curramus in vnguëtorum suorum*, hoc est, id quisque efficere studeat, vt pasci possit ac refici salutari illius doctrina, quæ lassos ac labantes fulcit ac recreat, non secus quam suauissimus odor naribus ob latus collapsos animique deliquio sopitos instaurat atque erigit.

2. Cor. 2.

Gene. 27.

DE RHAMNO ACULEATO FRUTICE
CAPVT VI.

Rhamnus vbi adoleuit, validis robustisque quaquauerfum vallata aculeis, homini si manum incautiùs admoueat, infesta est: adherent illi racematim exiguo minimoque petiolo numerosæ baccae colore croceo, orbiculatæ, magnitudine vel myrthi vel iuniperi, sapore acidissimo, quas qui improuiso de cerpere tentat, crebro infixio aculeo ac mucronata cus pide manum vulnerat. baccae vbi dentibus linguæque atteruntur, vel prementibus digitis cōtrectantur, croceo succo manus inficiunt: sunt enim flaccidæ & vliginosæ. Quum autem tres sint Rhamni species, ista Zelandicis fabuletis, dumosisq; colliculis copiosè innascitur, Oceani accolæ *Dunen* vocant, quæ vox corrupta an à Dumo ac dumeto deducta sit, nō ausim certò statuere. Sunt tamen arenosi isti, maritimiq; tractus pas-

sim multis densisque virgultis, viminibus, spinosisque; ac senticosis fruticibus, atque aculeatis stirpibus sœcundi ut sunt Rhamnus rubus, Halimus, paliurus, oxyachata carduus stellatus, iringiū, Onouis siue resta bouis, præter insignes alias herbas, quas affatim ea loca suppeditant. Bellonius qui Palestinam ac Syriam peragrauit, existimat CHRISTI Seruatoris sertum, seu spinam coronam illius capiti implicatam, ex Rhamno fuisse confectam, quod in iis regionibus nulla alterius generis

Psal. 57. spina se proferat. Desumit autem David ex spinoso hoc frutice appositissimam similitudinem contra factum ac tyrannidem, contra factiones & sæuitiam improborum qui innocentibus insidiantur atque infesti sunt, damnæque inferre meditantur, quorum conatus & molimina irrita fore prædicat & inualida, *Antequam spinæ vestrae, inquit, indurescunt in Rhamnum, vllōsque aculeos infigere possint. Dominus velut tempestate quadam exorta conteret & conficiet vos, infringitque vires vestras, & robur imminuet.* Quibus verbis indicat illos frau-

Locus Davidis explicatus.

des, imposturas, technas, sycophantias, cædes, omniæque hostilia comminisci ac meditari, sed antequam vires illis suppetant ad perficienda quæ animo conceperint, conficientur ætate immatura, hoc est, priusquam adolecant ac vires ad inferenda incommoda sint consequuti. quibus verbis hæc quoque sententia subest, ut ex hac vitæ statione, in qua in tenuiores tyrannidē exercent, exturbandi sint, ut ex olla aut lebetē eximi solent carnes semicrudæ, quæ non satis elixatæ esui sunt inidoneæ, quum vix calorem conceperit ab igne qui ex spinoso atque aculeato stridentique rhamno extruitur. Solent enim strues lignorum aut fasciculi ex paliuro, rhamno, iunipero, rubo, vepribus, ac sentibus confecti non solum manibus tractantium vulnus infligere, sed

sed fœco immiffi crepitantibus flâmis ac ftridore quodam horrendo affidentes territare fic vt etiam fauillas fcintillantes atque ignitas facultas in obuios quôſque eiaculentur. Hic itaque ſenſus ex prophete verbis erui debet, Quamlibet illi ſœuiant atque innocentes, opprimere tentent: nihil illis ex voto aut animi ſentëtia ſuccellurum, ſed inopinato ac repentino illorum interitu inſontes periculo eximendos. De Rhamno ac deſumpta ex hac ſtirpe ſimilitudine nonnulla tractata ſunt lib. 4. Cap. 9.

DE CUCURBITA SILVESTRI,
vulgò Colloquintida.

CAPVT VIII.



Olocynthis ſeu agreſtis cucurbita Medicis vſui eſt in expugnanda pituita, & bile tum flaua tum atra: quos humores violenter & validè extundit non ſine virium detrimento, & reſeratis venarû fibris, ſanguinis eductione, quôcirca cœrcetur illius ſerocia maſtiche, & aliis quæ vêtriculo robur cœciliant. Fructus huius ſtirpis orbiculatus eſt, vbi maturuit, cãdidus pilæ magnitudine, vel vt malum Medicum ſeu citrium, quod ab auri colore *aurangium* vulgò vocât, ſi extima putaminis pars ſuaueſcens cultro adimatur, eximie nec prorſus ferendæ amaritudinis: quod indicatur in Regû hiſtoria. Quñ enim Helifæi famulus in rus digreſſus herbas colligendo pulmento collegiſſet, inter alias cucurbitam ſiluatîcam quam vulgus *Colloquintidam* vocat ignarus quid eſſet, in ollâ coquinariâ cœniecit, illiſque edêdum appoſuit, vbi deguſtaſſent, *Mors in olla*, conclamât hoc eſt, venenû nobis exhibitum eſt. Helifæus nō imperitus rerum naturæ, confe-

4. Reg. 4.

Farina
qua ra-
more pul-
mentis e-
ximat.

stim inita ratione qua amaritudo eximi posset, farinā ollæ immiscuit: quo factō pulmentarium esculentum perfecit,abolito exorico atque alieno sapore quo erat imbutum. Subest huic rei ratio Physica habet enim farina polentaria eam vim, vt extraneum atque amarulentum saporem diluat atque aboleat,præsertim ordeacea,ex qua polenta conficitur,tum cremor massæque polentaria,zythi aut ceruisiæ materia, maceratis aqua frugibus,auena,ordeo,ac lupi salictarij floribus quæ triuiali voce lupus dicitur, quo fit, vt quoniam ceruisiæ potus ex istis ferè conficitur, qui ex hoc liquore vuidi sunt, ac zytho madidi, quod identidem vsuuenit inferioris Germaniæ populis, lupulo & auena perfusi. Cæterum quotidiano experimento comprobatum habemus falsam atque amaram aquā dulcescere admixta polenta siue ex ordeo confecto cremore qui ex hac stirpe est concretus liquor, vt etiam lomentum ex farina fabacea, adeò vt duarum horarum spatio mitescat ac poculenta efficiatur, citràque offensam in corpus admitti possit.

D E S A L I C E.

CAPVT VIII.

SALIX nota arbor à saliendo nomen fortita, quòd celeriter affiliat ac confestim arborescat,Belgis à simili etymologia *vwillige* dicta, quoniam prompta est ac voluntaria in crescendo. Quum autē huius stirpis plures sint differētix,ea Belgæ æstiuis caloribus coenacula adornant,atque etiam virenti hac fronde ac pampinis,egrotantium lectos velant, quæ

quæ Virgilio *glauca* dicitur, quòd ad albedinem vergat: hæc liquidem gratum odorem in auras diffundit, atque aëris feruorem æstûmque mitigat. Ex hac Deus per Esaiam similitudinem cum primis elegantem desumit, qua pollicetur piis omnibus qui illi fidunt, rerû omnium affluentiam, vberem annonæ ac rei frumentariæ proyētum, prosperum in omnibus negotiis successum, nec solûm externa bona & quæ corpori inserviunt, se exhibiturum confirmat ac pollicetur, sed solida & æterna, quæque mentes quamlibet aridas & siticulosas vberimo Spiritus diuini pabulo foueant, atque inexhausto Diuini tatis fonte perfundant, qua irrigatione mœrentes arêtésque animi in optimâ spem eriguntur, atque vberimos fructus amoris & charitatis erga Deum & proximum proferunt. Sic enim cōcionem suam orditur Vates eximius, atque huius seriem prosequitur, *Ne timeas aut metu concutiaris serue mi Iacob quem eligi: nam effundâ aquas super sitiētem & fluenta super aridam, perfundâ spiritu meo semen tuû, & benedictionem super stirpem tuâ, ita vt graminû more germinent, & quasi salices iuxta profluentes aquas.*

Cap. 44.

Simile à
fructuan-
tibus ar-
boribus.

Vt enim stirpes in locis irriguis consistē spectatissimè frondescunt ac foliorum pompa luxuriant: ita animus humanus salutari doctrina perfusus ac Diuini spiritus fonte irrigatus, omniû virtutû splēdore nitescit, ac solida viuiddq; fide fultus fusissimè ramos diffundit, ac solidis Deoq; acceptis operib. exornatur, vt arbor fecunda fronde & fructibus. quæ alios etiâ reficit ac fructibus fatiat. Iudei abducti in Babylonia, omni solatio destituti, suspenderunt in salicibus citharas suas quib. modulari solent diuinos hymnos ac cantilenas gratulatorias Deo viuenti, omniâque queruntur in tam tristi exilio, lamentosa, lugubria, funesta, amara, lu-

Psal. 136.

Et uofa, ita ut nulla ratione induci potuerint; quod uilum latitiæ argumentum proferrent, fcitè tractandis organis. Appositè in falicibus suspendiffè describuntur à Psalmographo instrumenta Musica; quum hæc arbor sterilis fit & frugiperda, & quæ ut polluti, semè ante maturitatem obiciat. his accedit quòd amara fit, nec admodum spectabilis & amœna uti platanus, palma, cedrus, cupressus, therebinthus, quocirca huic arbori accommoda aptæque exilij comparatio, & quòd eius ramis cytharæ affixæ sint. Ut enim falix amaritudine imbuta est, nec admodum speciosa aut aspectu grata: ita exilium & transmigratio in Chaldeam fuit acerbissima, tristis, amara, calamitosa Iudeis, eoque magis quòd identidem recrudesceret dolor, & acerbitas renouaretur. continenti recordatione Sionis & urbibus Hierosolymæ; ipsiusque angustissimi templi, in quo sacris carminibus Deum soliti sunt honorare.

Tantus siquidem mœror illorum animos occupauit ob conculatam sacratissimam religionem, atque abactos prophetas, urbemque dirutam ac solo æquatam ut nulla oblectamenta, nulla solatia admitterent, nec ullis blandimentis percelli potuerint, ut sacris Deoque dicatis cantionibus alienas profanasque aures demulcerent, quum ad irridenda sacra modulamina essent arrecti, quæ petulantia victis dolor non sopiri, sed recrudescere cœpit ac redulcerari. Si quidem ut habet Prouerbiū, *Musica in luctu, importuna narratio.* scitè itaque ab iis responsum.

Quomodo cantabimus canticum Domini in terra aliena, atque inter illos qui nostræ miseriæ & calamitati non indolescent, sed insultant ac subsannant cum cultum quem exhibere consueuimus Deo immortalī? itaque frustra fatigant nos, ut illos ob-

lec-

lectemus citharis nostris, quum & nos, & Deum
Hebræorum despiciant, ac dentatis dicteris exa-
gitent.

DE SALIVNCA.

CAP. IX.

SALIVNCA quam nonnulli Celti-
cam nardum existimant, pusillus est fru-
tex non in eam altitudinem assurgens,
in quam nostra *Lauendula*. Siquidem ab
humo se nō attollit: quod Virgilius an-
notauit, ducta comparatione à nonnullis stirpibus in
commendationem eius qui scitè calamum tibiā-
que inflare nouit, atque æmulo peritiorem pronun-
ciauit.

Lenta salix quantum pallenti cedit oliuæ,

Eclog. 5.

Puniceis humilis quantam saliunca rosetis:

Iudicio nostro tantum tibi cedit Amyntas.

Digeritur autem Saliuncula in fasciculos manuales &
olfactoriola, quæ subinde naribus admoueri solent,
vel instaurandis fouendisque cordis viribus, vel abi-
gendis tetrīs odoribus, ne spiritus contagione aliqua
inficiantur. Est enim eximiæ suauitatis, sic vt vesti-
bus ac tegeticulis lodicibûsque interposita, gratissimo
illa odore commendet, ac tineas blattâsque abigat:
quod etiam Belgæ moliuntur pseudonardo siue *Lauen-
dula*, quâ passim scatēt excultrique sunt apud Belgas hor-
ti, spicato ceruleoq; aut cæsis flore, caloris tā intensi vt
caput grauedine inficiat. Non defuerūt nostra memo-
ria hospites & caupones quidam, qui aquam laeudu-
læ è turbine aut meta stillatoria, quâ *Alēbicum* vocant,

Isaia 55.

Galat. 5.

Etam vino immiscerent, quò generosius vid eretur, minúsq; dilutum, & facilius inebriaret: qua impostura id incommodi consequuti sunt conuiuæ, vt postridie acerrimo capitis dolore sint affecti, qui vix vllis remediis discuti aut mitigari potuit nisi adhibita somnifica potione, aut aqua frigida, vel sero lactis affluenter hausto. Cæterum Deus qui suis amplissima quæque pollicetur & præstat, ex hoc exili ac minuto frutice comparationes desumit: *Montes & colles*, inquit, *cantabunt vobis laudes, & omnes arbores plaudent manu*, hoc est, omnes gratulabuntur & applaudent vestræ felicitati; singuli vobis honorem deferent, & magnificè laudes vestras deprædicabunt, quòd excusso iugo, Dei beneficio salutem sitis consequuti, atque illius munificentia ad amplissimam dignitatem euecti, tantisque donis ac muneribus exornati, finito tam tristi atque acerbo exilio. *pro saliuunca assurget tibi abies, pro spina pinus, & pro vrtica crescet myrtus*: Quibus verbis designat omnia istis futura incremento, atque optatos prosperosque successus habitura, ita, vt pro minutis abiectisque herbis aut etiam noxiis spectatissimæ arbores ac fructiferæ sint emerfuræ. Hæc autem non solum ad externas ad temporalia bona, sed ad externas doctes, atque animi mentisque decus & ornamenta referenda sunt: vt pro ferocia, violentia, sæuitia, fastu, arrogantia, superbia, atque animi elatione quæ (vt Paulus testatur) non dubia sunt carnis opera, succedat clementia, humanitas, mansuetudo, lenitas, comitas, placabilitas, beneuolentia, benignitas, ac pleraque alia quæ inter fructus spiritus ab Apostolo referuntur, sic vt expulsa iniustitia, iniquitate, nequitia, æquitas, iustitia, probitas elucescant: pro luxuria, libidine, prodigalitate, pudicitia, moderatio, frugalitas, temperantia se proferant:

ferant: pro ignauia, desidia, torpore, somnolentia, alacritas, fortitudo, magnanimitas, infirmarum rerum contemptus & despicientia, præstantia virtutis substituantur. Sic inuerso rerum ordine pro vitiosis ac deprauatis affectibus vel potius perturbationibus quæ mentem à ratione, à naturæ & Dei lege auertunt: pax & tranquillitas quam parit fiducia in Deum, animum placide ac secure regat ac moderetur.

DE HERBA BORITH, QUÆ MEDICIS veteribus *Struthion* vocatur, Mauritanis Arabibusque scriptoribus *Condisi*, cui affinis recentioribus vocata *Saponarin*, & *herba fullonia*, Belgis *zeep cruiid*, quod vt smigma eluendis maculis adhiberi solet.

CAPUT X.



VVM populus Iudaicus paulò ante vrbis excidium inquinatissimis esset moribus, multisque horrendis flagitiis ac sceleribus contaminatus, sic vt ad summam impietatis nihil esset reliqui, Deus eleganti similitudine illos perditos ac profligatos pronunciat, nec vllis quamlibet præsentaneis remediis ad sanio rem mentem, ad integritatem vitæ, ad decus virtutis posse perducì. Quum enim à sacratissima religione, Deique cultu ad idolatriam defecissent, aliunde quàm à Deo viuenti salutis præsidia conquerere cœperunt, aliundè responsa petere atque oracula scitari, quum etiam hoc accederet ad impietatis cumulum, vt infantes non clanculariis insidiis conficerent, sed aperte ac passim in triuiis, nulla iustitię reuerentia, nullo legum metu, adeo vt nihil se commississe haberent persuasum, ac ne tantillum mali perpetrasse, aut siquid

Caput secundum
Hieremias
explicat.

patratum est, ac scelus admissum, persuadent sibi à veritate deuij atque errore impediti, faciliè abstergi atque elui posse maculas & sordes contractas cultu quodam alieno ac superuacaneo, qui Deo ingratus est & detestabilis. Quocirca quum Deus videret illos contempto suo præcepto, inanes spes fouere, ac fallaces rationes ac modos comminisci, quò se puros præstare conentur, iisque sibi plaudant ac sedulo persuadent omnia salutaria consequutos: Deus, ne illi percat suus honor & magnificentia, expostulat cum populo suo, quod aliò se conferat, alias cisternas ac scrobes eruat, quòd aliò properet quam ad fontem aquæ viuæ, quæ non cœnosa est, non feculenta, non exitiosa, sed suavis & salubris. Sic autem instituit cum defectoribus expostulationem, ita vt singulatim quemque illorum appellet: *Ego, inquit, te plantavi vitem electam & generosam, atque lectissimo semine, præstantissimis malleolis ac sarmentis conseui: qui sit vt in prauam. hoc est, alienam ac degenerem spuriamque vitem conuersa sis?* Et quò ostendat non faciliè elui posse maculam aut næuum aspersamque animò labem. *Si laueris te, inquit, nitro & multiplicaueris tibi herbam Borith, maculata tamen eris coram me in iniquitate tua:* Quo indicat, tametsi in speciem primæque frontè excussisse sordes atque eluisse maculas videaris superstioso quodam cultu quam tuipse tibi fingis, & obscuras Dei gloriam, fictæque religionis vmbra nunquam tibi persuadeas Deum tali ratione posse placari, aut te pristinū nitorē consequi: alia ineunda ratio, alius excogitandus modus, quo posses nitescere, & factori tuo reconciliari. excutiēda prorsus ex animo idololatria, hoc est, adulterinus, ac fictus cultus, alteri quam Deo attributus, amplectēda vitæ integritas, extirpāda è mēte

Hier.2.

te omnis nequitia, vni Deo firmiter inherendū, illiq;
 omni fiducia stabiliter innitēdum alioqui externis re-
 bus cultūque commēticio ac superstitioso quē Deus
 non exigit nec præscripsit, sibi salutē atque animi pu-
 ritatem polliceri, non solum inane est & superuaca-
 neum, sed etiam damnosum & Dei maiestati iniuriū,
 abstergit quidem atque emaculat sordes Sthruthion
 siue lanaria quæ laneis vestibus candorem adfert cu-
 tem expolliunt ac lentigines nāuósque abolent sme-
 gmata, verū nihil excogitari potest tanta abstergen-
 di vi ac facultate præditū, quod animæ tuę sordes pos-
 set eximere, quod plus satis inolitam penitūsque infi-
 xam labem possit eluere. Qui enim morbum suum
 non agnoscit ac salutarem doctrinā à fido medico
 oblatam respuit, insanabilis est & desperatus, cui me-
 dicinam adhiberi Hippocrates vetat illóque dignior *Cap. 3.*
 Christus deserēdos præcipit vbi omnem operam stu-
 diūque illis conseruandis impensum est. Cæterum *Math. 11.*
 Deus apud Malachiam se Angelum missurum polli- *Marc. 1.*
 cetur qui viam præparet quo vaticinio Ioannem Bap- *Luc. 7.*
 tistam designari Euangelium testatur, ac statim ventu- *Esaiæ 40*
 rum Dominatorem, hoc est, Christū qui multa inno-
 uabit multāque operam insumet corrigendis illo-
 rum vitiis formādisque moribus quorum interest po-
 pulum salubri sanāque doctrina imbuere *Ipsē enim*
quasi ignis conflans, & quasi herba fullonum & sedebit
conflans & emundans argentum, & purgabit filios Leui,
& colabit illos quasi aurum argentum, hoc est, puros
 reddet, nitidos terfos expolitos adempta omni rubi-
 gine & scoria vitiorum vt in fornace aut officina ar-
 gentaria expoliri metalla solēt, Itaq; primū visum est
 ministerio, absterfis sordib⁹, ornatū ac nitore adferre;
 nequa culpari possēt tanq̃ cōtaminari sceleribus qui

Dei munia obeunt sacrisque functionibus destinantur. quocirca similitudinem desumit à rebus externis eamque ad animum transfert. Siquidem fullonia herba siue Struthion incredibilem vim obtinet in eluendis maculis, atque imbuendis candore lanis. pollet enim vi absterforia adeo vt etiam pituitam è capite eliciat, ac sternutamentum moueat tanta violentia, vt partum emortuum excutiat.

DE COCCO VERMICULO, CONCHYLIO, Murice, Ostro.

C A P. XI.



R V T E X est pusillus exilibus ramis, folio aculeato, cui annascitur coccus seu granum tinctorium, quod colorem rubrum ac rutilantem exhibet aspectu gratissimum, oculisque amabilem: Cuius tinctura aut succo imbuta lana aut bisfus, exuberantissime mirèque splendido rubore illum inficit. Inuenitur etiam in aquifolio vel acrifolio potius, qualis est arbor Belgis vulgaris, folio lauiore perpolito, quaquaersum aculeato, perenni virore, vt cui nunquam folia decidant. Ex hoc grano Coccinea vestis nomen obtinet, cuius in bibliis sæpe fit mentio, vermicula, muricata, qualis est rosis rubore perfusus, ostrina, quisquiliata quæ purpureo colore flagrat, atque amabili rubore collucet, oculisque blanditur, qui color Imperatorum ac regum paludamentis dicatus est, ac purpuratorum apud Romanos pallis ac galeris. Sic in Cantico sponsæ rubicunda labra, vittæ coccineæ comparantur. Sic puellæ Belgicæ

gicæ venustatis studioſæ labella corallina & coccinea
 moliantur. Iosue defuncto Moſe, dux Iudæorum con- Ca. 2. &
 ſtitutus, pallium coccineum geſtaſſe legitur. Sic Chri- 7.
 ſtus in ludibrium affectati regni chlainide purpurea Matt. 27.
 indutus deſcribitur. In Apocalypſi verò mulier illa Ca. 17. &
 ſcortatrix quæ domum ſuam patetacit omnium cupi- 18.
 ditati, inſediſſe deſcribitur beſtiæ coccinæ, eaque mu-
 lier induta erat purpura, coccino, auróque deaurata,
 & gemmis & margaritis, habens poculum in manu
 ſua plenum abominationibus, & immunditia libidi-
 nis ſuæ. Et fronti inſcriptum erat myſterium Baby-
 lon, Romanæ vrbis typus & figura, vt Hieronymus in-
 terpretatur: quibus inſignibus factum indicat, ſuper-
 biam, arrogantiam, mentem ſanguinariam atque inno-
 centem cæde cruentam. Diuitem verò illum epulo- Luc. 16.
 nem præter ſumptuoſas menſas atque apparatus fer-
 culorum, indutum fuiſſe purpura & biſſo hiſtoria E-
 uangelica teſtatur, nulla humanitate, nullo pietatis in-
 egenos & miſeros affectu. Ex huius ſucci rubicundo
 colore deſumitur apud Eſaiam comparatio, atque in- Cap. 1.
 ſtituitur concio contra illos qui innocentum ſanguini
 inbiant, atque innoxios opprimere meditantur, eoſq;
 Deus ad ſaniorẽ mentem reuocare, atque vt reſpi-
 ſcant, vt à ſcleribus reſiliant, amanter extimulat. quod
 ſi obtineri poſſit, pollicetur amneſtiam, hoc eſt, om-
 nium ſclerum obliuionem, quamlibet horrenda fue-
 rint & enormia, adeò vt culpari ſuſtineat, ac violatę fi-
 dei, ruptique ſœderis crimen ſubire non recuſet, niſi
 ſtet promiſſis, ac præſtet quod ſit pollicitus. Sic enim
 cum illis concionem inſtituit, *Abluite manus veſtras*
ſanguinolentas, mundos vos præſtate, auferte malum co-
gitationum veſtrarum ab oculis meis, deſinite agere per-
uerſe, ſtudete æquitati, ſubuenit oppreſſo, pupillos ſuble-

uate, viduis patrocina mini. Si fuerint peccata vestra ut coccinum, fient nunc candidiora, & si rubra ut vermiculus; hoc est, purpureus & conchyliatus color, qui ex marina concha eximitur, velut lana alba erunt. Quod indicat quamlibet scelera vestra cruenta sint cæde & sanguine innocentum, facile expiari posse atque elui pœnitentia ac fiducia in Deum, conceptoque emendationis vitæ proposito. Cæterum vestes coccineas seu muricatas ac purpureas, denique & bombicinas, quas Belgæ ob exquisitissimam lini lanæque texturam *kespen* vocant & *bombazim*, & præter hæc sericas & holosericas, quæ in Asiatica Scythia olim confici solent, in usu fuisse Hebræis, easque ad decus & ornamentum corporis, ad honestatem, nonnunquam ad luxum & pompam inanemque ostentationem adhibitas Bibliorum codices passim testantur. Vnde apud Hieremiam Israel insultat ac dira minatur, quod deserto Deo à quo omnis salus dependet, se idolis prostituat tanquam adultera, alienis se oculis exponit, ornatumque exotico se comit ac polit, ut illos in sui amorem alliciat. *Quum* (inquit Dominus) *magna sit ubique strages ac vastitas, omnesque fontes in fugam versi, ad loca ardua atque hostibus inaccessa se conferant: Tu vero perditæ & vastatæ quid facies? Etiam si vestiæris te coccino, & ornata sis monili aureo, & pinxeris stibio seu fuco oculos tuos, frustra componeris, despiciunt enim ac despuunt te amatores tui, nihil prorsus afficiuntur ornamentis politisque tuis vestibus, sed in animam vitamque tuam sunt intenti.* Ezechiel quoque Dei nomine non minus acerba denunciât Samariæ & Hierusalem, quos adulterij insinuat, quo nomine Idololatriam atque à Deo defectionem designat. Ut enim inexpiabile scelus est & detestandum violatum coniugium, hoc est, legiti-

hoc est, legitima & indissolubilis vitæ societas contaminata adulterio: ita etiam execranda res est idolatria, qua Deo viuenti suus honor, suum decus & gloria adimitur, atque in alium transfertur, eò autem in illos incandescit acerbius, quòd non solum in lucis ymbrosisque vallibus gentilium more suas aras, statuas, delubra adornarèt, magnâq; pōpa & vitulorū apparatu sacra sua peragerèt. ita vt legitimus cultus videri possit, in eoque salutis columen consistere; sed quòd accitis ac conuocatis etiam exteris in æde Deo dicata nefaria sacra perficerentur. *Et quòd (inquit) spectatoribus omnia magis augusta sanctâque viderentur, in illorum gratiam lauisti te & depinxisti sibi seu fuso oculos tuos, ornatâque mundo muliebri sedisti in lecto pulcherrimo, instructa mensa ante te, super quam thymiama siue suffimen vnguentumque meum posuisti, adhibito tanquam in solenni festo exultantium strepitu.* Itaq; is cultus qui mihi offerri debuit, exhibitus est idolis ac dæmonibus astante confusa multitudine ex gentibus cōflata, qui eadem qua tu, fruuntur insania.

DE PALIVRO ACULEATA STIRPE,
cui sanguinarij comparantur atq; insidiosi, quiq; ad inferenda damna prompti sunt.

CAPVT XII.



Vum nusquam non prophetæ vitia infectentur, illorūque rabiem ac ferociam reprimant, qui hominibus infesti sunt, atque ad iniuriam damnâque inferenda prompti: horum nonnullos lupis, leonibus, pantheris, colubris, aliisq; infestis beluis, denique vulpibus & mustelis insidiosis animalcu

Cap. 7.

lis componunt: nonnullos aculeatis ac senticosis stirpibus assimilant. Sic Micheas vates deplorat extinctā religionem pietatem proculcatam, cultumque diuinū prophanatum, omnes ab integritate collapsos nec aliud, quā fraudes, sycophantias, technas, imposturas insidias, omniaque hostilia meditari. In hunc itaque modum scelera illorum amplificat, ac singulorum improbitatem exaggerat in immensum, à spinosis aculeatisque stirpibus desumpta similitudine: *Periit ex terra sanctitas, exultat probitas, & rectus atque integer, inter homines non est, omnes sanguini inhiant & vir fratrem suum ad mortem venatur, & malum manuum suarū dicunt bonum*, hoc est suis erroribus blandiūtur. Princeps postulat, & index in reddendo est. hoc est in omnibus acquiescit & obsequitur illius postulatis, nullāq; habita aut obseruata iuris æquitate, finit illū omnia pro arbitrio ac volūtatis imperio agere, vel tenuem plebeculam arrodere atq; exactionibus opprimere, vel tyrannidē in tenuiores exercere. *Qui optimus ex eorū numero, est quasi Paliurus, & qui probus & integer tanquam spina in septimentis*. Quocirca huiusmodi hominibus in imperio constitutis, eum rerū statum futurum indicat, vt delatoribus passim inquirentibus in ciuium vitam, mores ac studia, non satis tutum sit cuiquam fidere, aut sua arcana cōmittere, ne familiari quidē atq; intimē notō. Ingruēte enim huiusmodi tumultu, atq; habita de ciuiū opinionibūs quæstione exploratisq; illorū sentētiis, labascūt multorū animi, atq; amicos nō solum deserunt, sed nonnunquā produnt. quod euēturum Christus etiam vaticinatus est. Itaque in tam dubia ac vacillante multorū fide, *Ab ea*, inquit *Propheeta, quæ cubat in sinu tuo, custodi claustra oris tui*, hoc est, ne vxori quidem mentem tuam patefacias, *quia filius contumeliam*

Matt. 10.

Marc. 13.

contumeliam facit patri, & filia consurget aduersus matrem, nurus aduersus socrum suam. Et inimici hominis domesticæ eius: In tanto rerum humanarum æstu, ac tam turbulento Reipublicæ statu, quo præsidio quisque se fulcire debeat obiter. commonstrat, *Ego autem Dominum respiciam, expectabo Deum seruatorem meum: Exaudiet me Deus meus.* Propter summam fiduciam erga Deum, & quod totus in illo conquiescit, ab eo pendet, salutem sibi pollicetur, ac præsentaneam auxilium contra potentiam, ac fastum ac superbiam, contra seuitiam ac nocendi rabiem. Quum enim Deus mansuetus sit, placidus ac mitis: illi rabidi sunt, feroces, crudeles, inhumani, atque ut sentes tribuli, spinæ, atque arbores aculeis armatæ, quibus innocentibus damna atque detrimenta inferunt. Quamobrem desumitur in hac Concione ab arboribus validis firmisque aculeis vallatis Similitudo, quod hominum improborum naturam & conditionem adamussim exprimat. Siquidem paliurus, spina alba quæ mense Maio, candido ac suauiter olente flosculo passim in dumosis locis ac sepibus conspicitur, sentes, rubus, Crespinus quæ pharmacopœis *Berberis* dicitur, foliis floribus, baccinis vel acinis racemisque oculis blandiuntur, atque aliquem in eduliis vel medicamentis usum habent: sed manibus tractantium noxiæ sunt, si incautius ac parum consideratè præhendas: ita fucati homines & fallaces in speciem blandi sunt, amabiles, sed qui arrepta vel obseruata leuissima occasione pungant ac vulnus infligant. Est autem Paliurus Theophrasto, Virgilio, Plinio, Dioscoridi, Columellæ decantatus, sed non omnibus eadem facies exprimitur tametsi omnes fateantur sepibus minuendis accommodam, quod minacibus aculeis pecus atque homines qui hortorum fructibus insidiantur arceat, non pror-

*Nusquam
tuta fides.*

sus dissimilis oxyachantæ, siue acutæ spinæ, quod mē-
se Maio spectatissimè floreat, exiguo quidem & mi-
nuto flosculo, cui in medio rubicundæ quædam festu-
cæ insident, sed quæ candore & suauitate eximia com-
mendabilis sit, adeò vt nemo non apud nostrates hæc
fronde ædium vestibula exornet, ramis in vrceis asser-
uatis, atque aqua indentidem irrigatis: vbi verò arbor
hæc deflorescere incipit, bæccas exhibet, primum vi-
rides, oblongas, maturitate rubentes, ossiculo intus la-
pidoso quod ambit membrana, intus pingui vnctoque
sapore imbuta, quo vtimur in atterendis calculis, ac
leniendo vesicæ meatu.

DE GITH (QVÆ AE. G. R. AE. C. E. M. E. N.
lambhion vulgò à nigrore Nigella dicitur, Belgi-
cè *Svarte*, Nardus ob odoris suauitatem, tum aliis
stirpibus desumpta Comparatio.

CAPVT XII.

ESaias quem aliàs testati sumus rerum
naturæ peritissimum, in illustrandâ suâ
concione ac vaticinio, quasdam stirpes,
earumque & flores & semina narratio-
ni accommodat, nempe Gith siue Me-
lanthion, Cuminum, Triticum, Hordeum, Milium, vi-
ceam, speltam vel zeam, quæ vulgò notissima sunt, &
quum armentis pabulum, tum hominibus alimētum
suppeditant, Gith vulgò Nigella passim in hortis ob-
uia est, frutex cubitali altitudine, aliquando maiore
pro folij vbertate, vt Zelandicis agris assolet, foliis fe-
niculareis, tenuiter dissectis, flore cæruleo, quo eua-
nescente capitulum se exhibet in summitate papate-
raceum

raceum corniculare, oblongum membranarum septis ac loculis distinctum, cui semina includuntur nigerrima, porri seminis non absimilia, sed odoris fragrantissimi, quod olim panis crustæ inspersum, antequam is furno immitteretur, grato sapore illum commendabat, verum is usus nunc apud Cisalpinas nationes in dissuetudinem venit atque exoleuit, ipsoq; semine Medici ad catarrhos discutiendos vtuntur, ad necandos lubricos ventri admodum infestos, ad detum dolores leniendos, ad menstrua vrinasque ciendas, ad abolendas lentigines, naevos, maculas, tum foeda vitia quæ extimam cutem deformant. Cuminum Belgis nomen retinet *Comiin*, vulgo semen, vulgatissimum, quo plebeij in discutiendis flatibus, in sopiendis intestinorum doloribus ac torminibus, in hernia flatuosa reprimenda vtuntur, cui ego nigellam & lauri baccas commiscere soleo, & milij farinam, cuius etiam in hoc capite propheta meminit. Hordeum, fruges nota, quinto generi gratissimum pabulum, quo etiam in annona penuria ac tritici raritate, plebecula vititur. Medici huius decocti cremore & ptisana vtuntur in æstuosis febribus, ac pulmonis atque vocalis arteriæ vitiis, præsertim quum ex salsa pituita, aut flauabile illæ partes vel exasperatæ vel exulceratæ sunt, admixtis violarum aut buglossæ flosculis. Ex huius quoque frugis polenta aut nazza Belgæ sapidissimum liquorem eliciunt, qui iis Ceruisia dicitur, colore vt Coctori visum est, fuluo, croceo, luteo, flauescente, rubicundo, spiceo, præsertim vbi fex & spumofum excrementum quo Belgæ in pinfendo pane vtuntur, subsederit. Tunc enim gratissimum coloré adsciscit, vt vinum Creticum, vel illud exoticum quod *Bastardum* vocant, ac saporem vinosum, qui non secus quam vinum, temulentiam excitat.

Cuminū.

Hordeū.

Triticum. Triticum, inter frumentacea præcipuè nobilitatis, ex cuius farina, similia, similagine multiplices differentia panis conficitur, syncerus, secundarius, nauticus, furfuraceus, & aliquot adhuc genera quæ recense fere superuacuum.

Milium. Milium frumenti genus, cuius quum plures sint differentia, Sarmaticum, Indicum, Hispanicum, omnes apud Zelâdos spectatissimè crescunt, Saracenicum vel Indicum, grano vel rubro vel flavescente, Ex his nostrates & pultes & panem conficere didicerunt.

Vicia. Vicia leguminis genus, iumentorum pabulum est, vt lens, pisum, faba. Hæc obiter indicare visum est, quò prophetæ mens exactè ac dilucidè possit explicari, quæ in hoc versatur, vt declaret Deum nihil temerè aut fortuitò, nihil inordinate aut confuse, sed omnia distinctè aut distributè, certaque ratione ac lege perficere, nunc pœnas infligere coercendis hominum sceleribus nunc plagis & vulneribus mederi, afflictisque mentibus solatium adferre, quod aliquando materiùs nonnunquam seriùs peregit, sic vt ultionem differat, ac lentè ad vindictam progrediatur, quod etiam in præstanda salute euenit: aliquando subitò potentiam suam vtrobique exerit, vt expedire illi videtur, atque occasio se offert. Quocirca commonefacit vates illos qui Dei iudicia non satis pro æquitate interpretantur, vt modestè, ac reuerenter de illius Maiestate & prouidentia sentiant, vt magnificè & syncerè de illo loquantur, ne quid culpent, aut calumnientur in eius factis, quum vident scelerosos rerum omnium prosperitate frui, pios calamitatibus atque ærumnis esse expositos, quum pro incredibili sua sapiëntia, atque inscrutabili cõsilio res mortalium rectè & legitimè regat ac morderetur. Desumitur autem in illustranda hac concione appositissima

ſima ſimilitudo de agricolarum ſtudio & occupatione, ipſâque arandi ac ſerendi trituranâque ratione. Si- quidem colonus tempeſtiua anni parte, ſubacta terra, atque æquata ſoli planicie, certo modo & meſura ſe- mina ſuis quæque locis, atque agrorum dimenſioni- bus humo committit, obſeruatoque ordine atque ad- hibita ratione telluris, aliâ agri partem tritico & hor- deo deputat, aliâ pro frumenti aut leguminum natu- ra nigellæ, lupino, ſpeltæ, milio designat. neque enim indiſcretè & permixtè grana ſolo mandat ac ſulcis cõ- mittit, ſed ſingulis diſcriminata iugera agrôſque pe- culiaries accommodat. Peracta autem ſatione, ara- tor non ceſſat nec conquieſcit aut otioſus eſt. ſed poſt ſementem meſſi inhiat. quocirca antequam ad matu- ritatem deueniant ſegetes, frugêſque Cereales flaueſ- cere incipiant aut maturitatem conſequi, lolium ziza- nia inutilêſque herbas eruunt extirpântque famuli, cu- rât ne ſata ſtrangulent, illiſque alimentum depopu- lentur, quò tẽpeſtiuè metat, atque annonæ prouẽtum maturè in horrea cõuehat: demeſſa ſegete, eâq; recõ- dita, iam alius illi labor, alia opera peragenda obori- tur, Siquidem trituræ atque excutiẽdis granis è locu- lis, illâq. ex gluma, acere, paleis eximere ac purgatiora efficere meditatur: in quo opere cum delectum ha- bet, vt ſingulatim cum iudicio quæque aggrediatur, nec vlla ratione confundi ſemina ſuſtineat. Itaque alia cura adhibetur minutis puſilliſque ſeminibus, alia ro- buſtis, alia tritico, ordeo, ſiligini, auena, farri, lupinis, phaſcolis, viciæ, lenti, cumino, Gith. Sic quũ agricola induſtrius omnibus laborem impendat, omniâque certa ratione & modò pro rei natura exequitur, ſedu- lo operi inſiſtit, ac rerum ſuarum ſatagit, quo emo- lumentum vberèmq; fructum ex ruſticatione per-

cipiat. Ita Deus in hoc mundi theatro, tantâque ac
 tam confusa hominum multitudine, omnes ad fru-
 gem perducere tentat. Et quemadmodum agrico-
 la profcissa vomere terra, occationi intentus est & con-
 fringendis glebis, vt ferit, vt metit, vt triturat ac fusti-
 bus semina excutit, vt paleas vanni flabello ventilatas
 à granis secernit, vt arbores truncat ferróq; coërcetne
 luxurient, ac latiùs, quàm par est, ramos diffundant: vt
 denique inserit atque ex alièna arbore germen inclu-
 dit, solidóque docet inolescere libro. Ita Deus ho-
 mines tractat ac suo arbitratu nonnullis damna ac de-
 trimenta infert, seuerúque iudiciù in illos exercet
 alios calamitatibus exercet & explorat constantiam:
 nonnunquam malos tolerat ac manum à feriendo
 suspendit in spem emendationis vitæ. Nec est quod
 quisquam illi obloquatur, aut obmurmuret, quum sin-
 gulari sua prouidentia omnia moderetur, illique
 constet consilij sui ratio. Quocirca si quid aduersi
 inciderit, aut infligatur, si morbi ingruant, si clades,
 calamitates, pestes, aliâque vitæ incommoda infeltēt,
 omnia hæc à Deo inferri cogitemus, quò castigati ad
 illum confugiamus, illius opem ac subsidium implo-
 remus, in illo omnem spem ac fiduciam consequen-
 dæ salutis collocemus. Quòd si prospera obuenant
 omniâque ex voto atque animi sententia decurrant,
 si affluant opes, si accrescant latifundia, si offerantur
 honores ac dignitates, si res domestica bene aucta sit
 & stabilita, si corpus validum sit & inculpatè consti-
 tutum, ad eundem omnem successum rerum nostra-
 rum referamus, atque res prosperas & aduersas ab il-
 lo administrari habeamus persuasum illiúsque ductu
 & auspiciis omnia perfici. Quod non solum apud
 Esaiâ Cyro Persarum regi in mentē reuocat, cui Dei

virtute, idque in gratiā ac fauorē gentis Iudaicæ, res feliciter gestę, subactęq; nationes sed nulli non mortalium testatum esse vult, Deum onium rerum autorem esse vult, Deum omnium rerū autorē esse, illiq; omnia attribuēda, quā vim & potētiā quū aliās, tū potissimē apud hunc prophētā ipse asserit, quū inquit, *Ego Dominus & nullus præter me, formās lucē & creās tenebras faciēs pacē & creās malū: ego Dominus faciens omnia hæc.* Quo indicat prosperos successus illius esse muneris: damna verò, detrimenta, aduersitates, yastitatem, pestem, famem, bellum, in vindictam scelerum ab illo inferri. Ipse enim efficit, vt qui ab illo dependent, illi fidunt, atque innituntur, pacatē viuant: e diuerso vt ij qui sceleribus se contaminant, omni calamitatum genere diuexentur. Cæterum Dominus Hieremix quoque agricolæ officium assignat adnotaque manu ori illius. *Ecce ego, inquit, dedi verba mea in ore tuo, Ecce constitui te hodie super gentes & super regna, vt euellas, destruas, perdas & dissipēs, vt plātes & ædificēs.* Quo indicat illū munitū & vallatū potētia verbi sui, virtutē habiturū ad extirpanda vitia, ad eximēdos errores, ad euellendas ex animo enormes cupiditates atq; inferenda semina pietatis, ad instillandā salutarē mentēq; inflā mandā solida fide in amorem ac venerationem Dei viuētis. Simile argumentum tractat *CHRISTVS*, quum desumpta à vite & palmitē similitudine, *Ego sum, inquit, vitis vera, pater meus agricola est omnem palmitē in me non ferentem fructū,* hoc est, qui fidem suam nō declarat per opera Charitatis, amputat, atq; vt inutile sarmētū igni destinat, *omnē verò surculū ferētē fructū purgat,* amputatis resectisq; cupiditatib. *quo plus fructus proferat.* Ab hac nō est aliena Pauli similitudo de oleastri in olcū insitionē auulsis

Esai. 45.

Ioan. 15.

Rom. 1

*Pauli lo-
cus expli-
catus.*

ramis ex natiuo oleæ trunco. Quo indicat alios à felici statu delapfos, atque à salute excidisse, alios ascitos esse & cooptatos in numerum fidelium, nullo ipsorum merito, sed singulari Dei fauore & gratuita bonitate, quam nisi agnoscant, impensique beneficij sint memores, ac constanter in fide persistant, rursus excidendos pronunciat, atque ob ingratitudinem à Dei consortio alienandos, assumptis insertisque postliminio iis qui mutata vitæ consuetudine, excussaque mentis cæcitate & caligine, ad frugem, ad morum integritatem, ad veritatis cognitionem se conferunt, ac Christum à quo desciiuerunt, amplectuntur. Hac autem ratione Deus partim reprimit ferociam insatiumque hominum atque insolentiam compescit, ne quis inani sanctimonix persuasione intumescat, sui que fiducia sibi blandiatur, aut calamitosus & abiectis insultet: partim fouet atque alit illorum spem qui ab alienati à Deo, per fidem rursus sunt in natiuam oleam inferendi, atque in consortium cæterumque fidelium assumendi.

DE LENTISCO, QUÆ GRÆCE
Schinos dicitur, & Ilice.

CAPVT. XIII.



VVMhabita esset quæstio in Senatu adstante consertissima populi multitudine, de prostituta Susannæ pudicitia, ac commisso adulterio, in quo illam depræhensam criminati sunt veteratores duo fraudulentis & mendaces, Daniel prudenti ac diuinitus immisso consilio explorata rei veritate, excussa que facti causa, in fontem mortis periculo eximit, ac pate-

patefacta calumnia, suspitione criminis illam liberat: Quum enim ad supplicium raperetur pudica matro- *Dania. 13.* trona, nullius sibi criminis conscia, & quæ ad Deum suam causam referret, Daniel Dei spiritu impulsus, elata voce conclamat, nullo suo merito illam morti ad iudicatam, ac rei causam accuratiùs excutiendam. Itaque conuocato seniorum confessu & populi frequentia, calumniatores semotos asseruari iussit, ac separatim constitui, deinde accito altero eorum, sciscitatur sub qua arbore mœchus cum illa sit congressus: *Sub lentisco*, inquit: Daniel dira illi comminatus ablegat, atque alterum produci iubet, cui quum similis interrogatio proponitur de inito congressu ac perpetrato illegitimo concubitu, *Sub Ilice* inquit: itaque vterque, & mendacij & illatæ calumniæ conuictus, ex lege Mosi *Dent. 9.* morte sunt mulctati. Cæterum vt lentisci natura obiter explicetur, arbor est patula, & sic satis procera, acinis rubentibus, maturitate nigris, quæ vt Terebinthus resinarum ac gummosum liquorem fundit, quem Medici *maslichem* vocant, Belgis eodem nomine cognitam, quæ vetustate coit in globulos candidos ac spissatur, catarrhos autem exiccat ac fluxiones sistit, suffitu sincipiti admotum, vel ramentis aliquot ore conuolutis, dentes mobiles ac vacillantes, atque vligine vitiatos firmat, ac gratum oris halitum efficit. Ex hac arbore cuspides conficiuntur ab Italis, vt apud Belgas ex Iuniperi & leuri sarmentis, extergendis poliendisque dentibus accommodæ, Sic vt prouerbiali figura dicantur *Lentiscum mandere*, qui eius rei curiosi sunt, ac plus nimiam operam dentibus poliendis adhibent. Nostrates nunc ardeæ stellaris ex auro, argento, ebo- re, vngue, quam alitem *Putoir* Belgæ vocant, ex pastinaca marina vulgo *Piilsteert*, ab aculeato telo sic dicta,

à Galco pisce Zelandis *Haye*, conficiunt: verum ex lentisco confecta dentiscalpia minus gingiuas vulnerant, sed condensant potius attrictionis ratione. Hunc veteribus in usu fuisse Martialis indicat,

In Apophoretis. *Lentisco melius, sed si tibi frondea cuspis*
Defuerit, dentes penna leuare potest.

Ilex.

Cæterum alter qui mendacij colore calumniam adornare atque obtegere meditatur, sub pruno, hoc est, illic patratum scelus impudenter constringit. Hæc inter glandiferas arbores refertur, foliis pereuni virore, nec deciduis, cui fruticulis viscum innascitur, quo medici vtuntur in expurganda epilepsia, morbisque aliis qui ex turgidis spumosisque humoribus excitantur. Est vna ilicis species quæ coccum granum præbet, vulgo *Vermilion*, *Cramezün*, *Scaerlaken*, quo infectores vtuntur illustranda lana, bisso, ac bombice exuberantissimi ruboris colore. Eximitur non dissimile granum ex acrifolio arbore foliis quaquauersum aculeatis, læuore perpolitis, quæ quum apud Brabantos circa fepes & compita proueniat, raro in iustam magnitudinem assurgit. Vidi tamen in municipio quodam *Zirizeæ* contermino magnitudine pruni arboris, eamque cultoris industria & crebra stolonum amputatione in summam proceritatem fastigiatam, profert autem eunte autumno baccas orbiculatas pisi magnitudine, insigni rubore perfusas, quales etiam exhibet rufcus, quæ nostratibus *buxus* aculeata vocatur: tum taxus arbor quæ folio est laricis aut piceæ vel abietis, vt superioribus annis Londini mihi conspecta est, cuius umbra apud Britannos non est mortifera, nec baccæ letiferæ: in Hispania enim illis venenati quiddam subesse prædicant, nec temere in alimenti usum assument indigenæ, tametsi gallinas illis saginari ac pinguesce-

Acrifolium.

guescere nonnulli experiantur; exuta opinor nativa
infatigabile ferocitate.

DE HYACINTHO, VESTEQUE HYA-
cinthina, vel à viola colore Ianthina.

C A P. XV.



ITTA S, tegmina, fimbrias, chlami-
des, pallas, velamina, operimenta, stra-
gula Hyacinthino vel Ianthino, hoc est,
violaceo colore imbuta, ad decus & or-
natum adhibita, ad oblectandos pascen-
dosque oculos olim, vt etiam nostro seculo in deli-
ciis habita Bibliorum codices passim demonstrant. *Hier. 10.*
Sic Pontifici Iudaico eius coloris indumenta regali *Exod. 28*
splendore præscripta sunt ex auro, Hyacintho, pur-
pura, cocco iterato, hoc est, bis tincto, bisso, atq; opere
Phrygio, quo cultu ac nitore populus rudis olim of-
ficio continebatur, quò esset in religionem propen-
sior: nunc verò, hoc est, coruscante Euangelij luce, in-
terna potius & spiritualia ornamenta spectanda sunt,
atque erigenda mens ad ea quæ magis salutaria sunt,
eâmque inflammant in amorem & fiduciam omni-
potentis Dei. Siquidem externus ornatus ac vestium
pompa imperitæ plebis superstitionem nonnunquam
fouet, atque oculos perstringit earum rerum admira-
tione quas Deus aut contemni voluit, aut in modera-
tum vsum adhiberi, vt sunt tegmina ac palle auro gem-
misq; rigentes, ac chlamides Hyacintho ac purpura a-
lisq; operosis coloribus picturata. Desumitur autem
coloris huius appellatio partim ex Hyacintho spe-
ctabili gemma, aut Ianthina, hoc est violacea tinctura: *ma.*

*Hyacin-
thus hier-
ba.*

*Hyacin-
thus gem-
ma.*

Cap. 16.

partim ex amabili eius nominis flosculo qui exuberanti ceruleo purpurascit, qualis conspicitur in Amethisto gemma, in Cirsio seu vulgari buglosso, aliisque herbis passim obuiis, quarum flores purpureo colore collucent atque oculis suauiter blandiuntur. Insectatur autem nonnunquam Deus illorum luxum fastumque ac superbiam, qui operosis sumptuosisque huiusmodi tegumentis magnificentiam suam aliis inani ostentatione venditant, atque Ianthino purpureoque amictu elati, infimos quosque despiciatos habent & fastidiunt. Nonnunquam ex his desumit concinnas Metaphoras ac similitudines, easque ad internas dotes transfert, ad animi decus mentisque ornamenta accommodat. Talibus enim exemplis homines socordes commonefacit sui officij, & quid Deo præstare, qualem illi cultum exhibere, & quam sollicitè expulsa omni superstitione & idololatria, in ipsius religione consistere debeant, accuratè demonstrat. Quod ipsum quum aliàs, tum disertè apud Ezechielem in hoc capite exprimitur. Primum enim in mentem illis reuocat, quanta, quamque immensa beneficia in hos contulit, quæ usus sit erga illos bonitate, quibus illustrauit tum animi tum corporis muneribus, quam salutaria præcepta tradidit, quam sacra religione mentes illorum cognitione Diuinitatis imbutas, instruxit. Deinde expostulat cum desertoribus atque ingratis, quòd omnibus istis in probrum ac dedecus abusi sint, atque in profanum usum, cultumque alienum ac nefarium transtulerunt, sic ut mentem, rationem, intelligentiam, animi præstantiam, acumen ingenij, omnesque vires non in illustranda illius maiestate, non in obseruanda tuendaque sacratissima ipsius religione: sed in erigenda stabiliendaque idololatria, in superstitionis & commenciis

ticiis cultibus inducendis conferrent. Sic enim profertur concionem obiurgatoriam ad Hierosolimam conuerso sermone: *Quum, inquit, nuda esses, inops, egena, omnique subsidio ac solatio destituta, velut infans recens in lucem editus, sordibus & sanguinolenta illuue involutus cui nondum umbilicus præcisus est, nec materni uteri inquinamenta abluta, ego præteriens, te conspiciatus in sanguine tuo volutatâ, multiplici incremento, tâquam stirpem & germen, terrestris te auxi adeo vt cêsim tacitisque auctibus adolescere cœperis atque progredi, vt comi & poliri, mundôque muliebri exornari possis, id esse tempestiuum vbera indicant iam prætumida, & germinantes densi vndique capilli. Et quanquâ in hac ætate esses constituta, nuda tamen eras & deiecta, oculisque spectantium (contra quàm illius sexus pudor aut decus patiebatur) exposita, quod ego dum hac iter ingredior conspiciatus, obseruaui te pubescere, atque in ea ætate constitutam, quæ esset amoribus idonea, & à procis atque amasiis ambiri posset tanquam nubilis maturâque viro, & cui sponsus designari debet. Ego verò expandi amictum meum super te, & velaui quæ parum pudenter & verecundè oculis spectantiû exhibentur, ac decentiùs obteguntur ac data fide initoque fæderis te mihi desponsaui, atque vnitam assumptamque in legitimam vitæ societatem obblui à sordibus, ita vt nulla labes, nihiil inquinamenti tibi inhæreret: deinde vnguento delibutâ ornaui veste variegata calceavi hyacintho, torque armillis, corona capitis illustraui te: Tu verò tam insigniter cōpta, tâ operosè culta prostituisti te alienis omniâq; ornamenta nostra nulli quâ mihi cōsecrata in profanos vsus conuertisti. Quo indicat, vt mulierē impudicâ adultério, ita illam idololatria contaminatâ eumq; hono-*

Cap. Eze
chi. 16. p. a
raphrafi
cè enaria
tum.

rē & cultū, quē Deo impendi par erat, dāmonib. exhibitum, quū omnes cogitationes, vōta, desideria spes & fiducia in Deū essent referēda, à quo vno depēdet hominum salus. Tunc autem maximē Maiestas & amplitudo supremi numinis imminuitur; ac contumelia ignominiaque afficitur, quum illi adimitur, atque in alium transfertur, quod nulli prāterquam ipsi attribui debet. hac enim ratione debita illum laude, iustoque honore fraudamus, & nos deserto sincero eius cultū ad perniciosum rapimur magno salutis nostrā detrimento.

DE CARICE, SCIRPO, IUNCO
palustri, papyro.

C A P. XVI.

Carex.



A R E X Scirpi modo fruticat locis palustribus & vliginosis, forma triangulari, utroque latere secandi vi prædita, qua virenti fronde Belgæ & Britanni triclinia ac cœnacula ædēsque sacras æstiuis mensibus consternunt, quod æstum propulsent, ac

Scirpus.

suauī gratōque halitu reficiantur. Scirpus iunco palustri affinis frutex est læuore perpolitus, orbiculatus, stilo enodi, nullisque geniculis aut internodiis distincto: fungosa intus candidaque medulla, quam nostrates in amentis aut crassioris filii modum exemptam in multos vsus accommodant. Siquidem in nuptiali pompa ex hac ornamenta & supellectilem fictam & commentitiam confingunt, nempe calathos, vrceos, discos, pectrines, scopas, sedilia, crumenas amentatas, quales mulieribus vsui, cestos, seu cingula, zonāsque virgineas: multaque alia miro artificio ac concinno contextu elaborata conficiunt, quibus in gratiam sponsa laquearia adornant, peractisque nuptiis pro apopho

phoretis ac strenis singulis distribuunt. Quoniam au- Prouer-
 tem huic stirpi culmus est læuis ac minimè genicu- bium.
 latus aut nodosus, prouerbio locum fecit, *In scirpo no-*
dum quærere. Quod in hōs quadrat qui plus nimio an-
 xij sunt & scrupulosi, quique frustra ac nullo fructu se
 fatigant. Belgæ fruticem hunc qui aliquādo in medio-
 crem altitudinem assurgit, *Biesen* vocant, ex quo sto-
 reas nostrates contexunt, stragula, nassas, quallos, fis-
 cellas, quoniam viminosus est flexilis, naturāq; tam se-
 quaci, vt quiduis ex hoc elaborari possit. Sunt passim
 obuij in sabuletis Zelandicis ac colliculis arenosis, Iun- Iunci ma-
 ci non admodum proceri, cacumine aculeato, ita vt in ritimi.
 ambulantium furis infesti sint, ac puncturas infigant,
 cuius fruticis frequens est apud nos plantatio in eum
 vsum excogitata, vt arenam & puluerulenta quęq; æ-
 stu quodam vento agito agitata remoretur, ne agros
 & noualia sementi destinata obruant, quocirca nostra-
 tes *Helm* vocant, quod vt galea caput, ita iste fruticu-
 lus agros muniat ac tueatur ab arenæ impulsu. Ex iūci
 forma ac specie adolescentulæ quæ gratiosæ videri af-
 fectant, ac teneritate commendari, iuncce apud Tereñ-
 tium dicuntur, quod etiam nostratibus vsuuenit, quæ
 vt gracili corpore spectabiles sint, se arctius pressiusq;
 astringunt ac salem liguriunt. Hac enim ratione se
 reddunt iunceas, ne siqua paulò sit habitior, magisque
 opima aut obesa, athleta censeatur. Sic Chærea Tereñ-
 tianus quum miro affectu esset erga amicam, cui erat
 decora oris figura, color verus nec ascititijs, corpus
 solidum ac succi plenum, in ipsaq; flore ætatis consti-
 tutum, illudit alijs quæ student operosa cura gracile-
 scere, itaq; Parmenoni mentem suam aperit, atq; indi-
 cat in quam oculos coniecerit, & qua potiri cupiat,
 quum præ hac omnes quotidianæ formæ illi vilescant

Eunuch. ac sint sint despicatae, Siquidem, ut is ait.

Act. 2. *Scena 3.* *Haud similis virgo est virginum nostrarum quas matres student.*

Demissis humeris esse, victo pectore, ut graciles sint. Si qua habilior paulò, pugile esse aiunt deducunt cibum. Tametsi bona est natura, reddunt curatura iunceas.

Itaque ergo amantur.

Papyrus frutex.

Ut autem apud nos Scirpus, iuncus, arundo, typha palustris ita in paludosis Nili aquis papyrus nascitur, ex hac olim in tenuissimas membranas dissecta chartae confici solent, ut nunc in Europa ex linteolis minutim contusis, atque aqua maceratis quæ quum eundem cum veterum papyro usum & commoditatem obtineant, vetus nomen reseruant. Assurgit autem papyri frutex nonnunquam in octo aut decem cubitorum altitudinem, ut arundo in Hispania, internodiis distincta, forma triangulari ea crassitudine quæ manuum complicatam impleat, ex quibus ubi inarescunt, scipiones conficiunt læuore perpolitos colore spadicio, qualis est castanearum extimus cortex. iis enim Patricij ingrauescente atque inclinata ætate, se fulciunt, ac gressum labantem firmant. Exhibet se hac stirpe esculenti quiddam, ut in nostræ arundinis radice candida & geniculata, sapore mellito, sed expressio tantum succo dentibus reiecto cortice. Ex papyro olim lembos, scaphas, cymbas, aliaque nauigia pice oblita construxisse Aegyptios præter Plinium Esaias vates indicat,

Lib. 13. c. 11.

Cap. 18.

qui minatur terræ quæ transflumina Aethiopie sita est, hoc est, Nili accolis qui per mare legatos mittunt in vasis papyri, hoc est iunceis ac scirpeis nauibus, ut inito foedere ac coniunctis copiis cum aliis nationibus Israëlitas opprimant. Cæterum ut argumentum suspectum prosequar, desumuntur in Bibliis à iam commemoratis

moratis stirpibus concinnæ similitudines & Meta-
 phoræ. Sic quum Iob disceptaret cum Satrapis ali-
 quot, quibus visum est officij causa, atque humanita-
 tis impulsu illum adire, quò tam afflicti hominis cala-
 mitati condolerent, tantàmque cladem commise-
 ratione dignam deplorarent, multa inter hos vltro ci-
 troque agitata, atque in controuersiam vocata, de hu-
 manæ vitæ cursu, de Dei erga homines prouidētia, de Iob. 8.
 afflictione hominum, quæ bonis non minus, quàm
 malis impendet, de prosperitate & successu rerū, qui-
 bus æquè mali ac boni fruuntur, vnus adstantium, nē-
 pe Bildad Suites qui solitis rationibus ex natura re-
 rum petitis argumenta sua fulcire nititur, conuincere
 tentat impios, infames, nefarios, facinorosos, impro-
 bos, calumniatores, hypocritas, quique ficta & simula-
 ta religionis specie hominibus imponunt, ac Deo fu-
 cum faciunt, non diu subsistere, illos quidem ad tem-
 pus spectatissimè florere, verum qui ingruente Dei iu-
 dicio citissimè exarescant & cōterantur, vt Carices,
 vt scirpi, vt iunci, vt gramina virentēsque herbæ aqua-
 rum irrigatione destitutæ. Impij enim in afflictioni-
 bus, periculis, calamitatibus imminente morte, desti-
 tuti fiducia ac solatio Dei labascūt, nec habent quo se
 fulciant, sed in desperationem ac diffidentiam deuo-
 luuntur. Non dissimile est Esaia vaticiniū contra Ae-
 gyptios, quos ad egestatem redigendos pronunciat, Cap. 19.
 ac primū mentem atque animum, deinde omnia il-
 lis adimēda, quorum vsu & commoditate negotiatio, Esaia lo-
 piscatura, aliæque opificia subsistebant, atque vberri-
 mum quæstum præbere consueuerunt. cus expli-
 Arescent, inquit, aquæ à mari, & fluius exiccabitur, exhaurientur catus.
 & siccabuntur riui, calamus siue arundo, papyrus &
 iuncus inarescent, & omnes virentes herbæ circa fluuios,

aut riui ripam peribunt. Quo maximam sterilitatem fore denunciat, ac nullam piscatorum frequentiam, nullos commeatus, nullum ementium concursum. Nonnunquam Deus successum piorum hominum, progressus & incrementa pietatis, omnium rerum salutarium affluentiam salientibus aquis & fluminibus, denique virentibus herbis, floridisque pratis & viridariis cōparat. Atque Esaïas fecunditatem pollicetur squalidis, incultis, siticulosis agris, eosque irrigandos saluberrimis ac scaturiendis aquis pronunciat, multisque speciosis herbis decorandos. Quo indicat aridas atque ieiunas mētes irrigandas verbo Dei, ac saluari eius doctrina. eiusque spiritu perfundēdas. Sic autē eius rei vaticiniū prosequitur. *Latabitur deserta & inuia, & exultabit solitudo, & florebit quasi liliū, vertetur locus aridus in stagnum, & scaturient siticulosa aquis, in cubilibus in quibus prius dracones habitabāt, orietur viror calami & iunci.* Hoc est, Expulsis profligatisque vitiorum monstris, proferēt se virtutes ac pietatis semina emergent Amor & Charitas erga Deum & homines, erigetur in animis hominum Spes & Fiducia consequendę salutis, sic vt mentes ante steriles, fote atque irrigate verbi Dei scaturigine, ac fidei robore fultę vberriimos fructus proferre incipiant non secus, quē ager benē cultus lætas segetes ac spectabiles herbas profundit.

DE ABSTINTIO,

CAPVT XVII.



Res spectantur apud Belgas maritimos Absynthij species Ponticum vulgo Romanum, quod in hortis colitur, non insuauiter odere: Marinum in Oceani crepentine passim obuium: Vulgare insigni amaritudine, expugnandis vermibus cum primis effi-

cax & præsentaneum, quod tamen in hortos translatum mitescit adeo, ut non solum sapor, sed foliis etiam color immutetur. Ex incanis enim & cinericeis virorem adsciscunt, nec odorem prorsus ingratum aut fastidiosum. Ex hoc amarissimo frutice Scriptores sacri passim similitudines desumunt, easque impiis accommodant. Sic quum Deus apud Hieremiam improbis tristitia, acerba, amarulenta minitatur, ac calamitates denunciat, *Ecce ego, inquit, cibabo populum istum absynthio, & propinabo aquam fellis, & dispergam eos in gentes ignotas, & gladio illos persequar.* Rursus ad prophetas mendaces qui Dei verbo abutuntur, & adulterant verbum eius, *Ecce ego, inquit, saturabo illos absynthio, & porabo eos felle, quoniam à Prophetis Hierusalem progressa est impietas, & pollutio diffusa est in totam regionem.* Amos autem vates quum inuehitur in pseudopphetas qui in speciem blanda magis, quam salutaria proferunt, ac prætextu religionis, sincerum Dei cultum superstitionibus contaminant, deinde quod proceres & optimates, quorum interest æquitati studere, atque administrare iustitiam, *Conuertam, inquit, iudicium in amaritudinem, & fructum iustitiæ in absynthium,* hoc est, deflecent se ab æquitate, nec rectè perfungentur iudicis officio, quod prorsus amarulentum est & acerbum homini innocenti, qui ab iniuria vindicari cupit, ac subleuari, iniqua causa non opprimi. Insectatur autem Esaias pluribus locis huiusmodi iudices corruptos, qui dicunt bonum malum, & malum bonum, qui ponunt lucem tenebras, & tenebras lucem, ponentes amarum in dulce, & dulce in amarum. Rursus alio loco illos exagitat qui muneribus occæcati opprimunt innocentes, quorum causam tueri deberent, illisque suum ius eripiunt. Sic e-

Cap. 9.

Hieremie loca explicata

Cap. 23.

Cap. 5. & 6.

Cap. 5.

Cap. 10.
Ez. ec. 22.

nim insurgit aduersus huiusmodi nomophylates, hoc est, legum conditores, *Væ qui condunt leges iniquas, & scribentes iniustitiam scripserunt, vt opprimerent in iudicio pauperes, & vim facerent causæ humiliū populi mei, vt essent viduæ illis prædæ, & pupillos diriperent.* Apud

Cap. 5.

Hieremiam non minus acerbè in illos incandescit, *Inueniuntur, inquit, in populo meo impij insidiantes quasi aucupes, ponentes laqueos ac pedicas ad capiendos homines, sicuti decipula & cauea plena auibus, sic domus eorum referta dolo & fraudibus, causam viduæ non iudicant, pupillis non patrocinantur, & iudicium pauperibus eripiunt.* Cæterum vbicunque in Scriptura Absynthij fit mentio, maximam atque acerbissimam calamitatē,

Cap. 3.

animique tormentum subesse indicat. Sic in clade illa funestoque ac luctuoso Hierosolymæ excidio Hièremias ciuium suorum personam sustinens queritur se felle circumfusum, & oppletū amaritudine, & Absynthio inebriatum. Quo indicat ad summū luctum atq; angorē animi nihil esse reliqui, nec quid amplius posse adiici. Non dissimilis est deploratio ac querimonia

Psal. 49.

Dauidis quum in dubio belli euentu constitutus esset, ac illi ab hostibus periculum immineret. Sic enim ad Deum sua vota dirigit, *Deus repulisti nos, & destruxisti nos, & misertus es nobis: commouisti terram, & cōturbasti eā, obiecisti populo tuo dira potasti nos vino cōpunctionis, hoc est, ea spectacula oculis nostris obiecisti, quibus non sumus exhilarati, sed in mœrorem & mœstitiam in anxietatem & mortis horrorem deiecti, vt ii quibus mortifero aliquo poculo, aut venenato lethaliq; potione vitalia perfusa obstupeſcunt.*

Cap. 51.

Cap. 23.

Cap. 25.

Eadem vsi sunt Metaphora Esaias, Hieremias, Ezechiel, qui propinatum vini furiosi calicem describunt quum regibus, tum promiscuæ plebi, quo gustato in
rabiem

rabiem atque insaniam stuporémque acti sunt, prorsusque orbatim mente, ratione, iudicio, rerumque gerendarum prudentia & concilio. Nec prorsus clemētius tractatur qui meretricum consortio assuescit, illarumque blanditiis, fallaciis, illecebris, lenociniis capi se ac deliniri patitur. Quod quum à Solomone sit obseruatum, studiosè commonefacit filium ineuntis ætatis inscitæ, ut longè ab alienis se subducatur, nec vlla ratione earum blanditiis mentem incantari sustineat. *Fauus* Prov. 5.
enim (ut inquit) *distillans labia meretricis*, hoc est, sermo et 7. blādus & mellitus, eiusque fauces & guttur nitidius molliusque oleo: *novissima verò ac rei exitus amarus ut Absynthium*, & *lingua eius acutæ ut gladius anceps*. Siquidem omnia agit insidiosè, simulatè, fraudulèter, atque incredibili astutia, venationi & aucupio intenta omnes ingenij vires ad emungendum confert. Cæterum quum fellis & Absynthij nomine tristitia quæque, noxia, amara, terra, calamitosa denunciari soleāt, tum tale quiddam etiam in Apocalypsi designatur. Si quidem Cap. 8. clangente tuba Angelo, cecidit de cælo magna stella; facis in morè ardens, qua ira Dei accensa in impios denotatur (erat autem stellæ nomen Absynthiū) eaque delapsa in terram, fluuiorum partem, & aquarum fontes: conuersa est tertia pars in absynthiū, multique hominum in aquis interierunt, quòd amaritudine imbutæ essent. Ut autem naturalis siderum concursus, aspectusque, & (ut vocāt) constellatio astrorum feralis aliquando est & noxia magnamque stragem hominibus & brutis animantibus, satisque ac sementi infert: ita vis ista cœlestis exitialis fuit humano generi, magnaque detrimenta intulit, vindicta Dei in reprobos inflammata.

DE CARDVIS, SPINIS, VEPRI-
bus, Tribulis, Rubis, Lappis, Sentibus, & quibus hæ
stirpes in Scriptura accommodari solent, & quid de-
signent.

CAPVT XVIII.



Tirpes istæ quæ spontè ferè atque in-
uitis colonis nusquam non erumpunt,
nihil propemodum commodi homi-
nibus adferunt, sed aculeis infestæ sunt
ac sementi officiunt. Quocirca quum
Deus maledictionem Adamo transgressori, atque æ-
rumnas vitæque laboriosam impendere denunciat,
Maledicta terra, inquit, in opere tuo, in laboribus come-
des ex ea, in sudore vultus tui vesceris pane tuo, spinas
& tribulos, sentes & carduos germinabit tibi, & come-
des herbas terræ. Sic Deus accensus furore in popu-
lum Israeliticum, qui nulla grati animi argumenta er-
ga ipsum proferebat, sub vineæ nomine dira illi mina
tur, quòd post tantam culturam, pro sapidis vuis la-
bruscas produxerit: *Ostendam, inquit, vobis quid factu-*
rus sim Vineæ meæ: auferam sepem eius, & erit in dire-
ptionem, diruam maceriem eius, & erit in conculcationem,
& ponam eam desertam, non putabitur, nec fodietur, &
ascendent opprimētque eam sentes, vepres, & spinae.

Qua figurata loquutione indicat se extremam
impendisse operam fouendis erudiendisque Israëliti-
tis salubri doctrina, mentēsque illorum verbo suo
continenter irrigasse, nec quidquam præternis-
se eorum quæ ad animorum cultum spectant, sed
frustra insumpsisse laborem, nec quidquam se
pro-

Genes. 3.

Cap. 5.

Osea 10.

Esaiæ &
Osea &
locus ex-
plicatus.

quam se p̄ rofecisse deplorat: quapropter illos pro de- Rom. I.
 fertis habet, ac patitur ruere in omne probrum ac de-
 decus in cupiditates ignominiosas, & fædas, in mores
 improbos & vitiosos, sic vt mēs illorū inculta, nullis-
 que ornata virtutibus, vitiis vndique scateat vt solum
 neglectum & cultura destitutum, herbis noxiis. Rur-
 sus alio loco sterilitatem illis denunciat, ac rerū penu-
 riā, nullasque futuras fruges aut annuos prouentus, sic
 vt terra maledictioni obnoxia, humus situ & squallore
 obsita non aliud quàm spinas, vepres, ac tribulos pro- Esa. 5.
 fundat. Sic vt quocunque loco fuerint, mille vites æ-
 stimatæ mille argēteis ibi in vepres & spinas locaq; sc̄
 tificosa vertentur, adeo vt in vniuersa terra nullus ager Cap. 32.
 victum suppeditet, sed tota regio in solitudinem eaq;
 vastitatē sit redigenda, vt fruges vt alimēta, vt cibaria
 defutura sint, omniāque in agris horrida se proferāt,
 squallida, siticulosa, inculta, omni nitore atq; amabili
 viriditate destituta Paulo autē inferius atrociora ma- Esa. 34.
 gisq; horrenda impiis obuentura denunciat. Sic enim
 contra Idumæos, hoc est, Dei & Ecclesiæ hostes vati-
 cinium instituit: *Conuertentur eius flumina & torrentes*
in picē, & humus eius in sulfur, & erit terra in picē ar-
dētē nec exstinguetur in sempiternū & desolabitur in per-
petuū nullo per eā trāseunte. vlula, ericius noctua, ibis &
coruus: quæ alites & animātia hominū cōsortia fugiūt.
Nobiles eius erunt absque regno, & principes ad nih-
lū redigētur, hoc est, nullus erit Reip. status, nulla po-
 litia nullus principi honor aut dignitas, nulla imperij Esaie lo-
 maiestas nullus ordo vel consularis vel senatorius, sed cus inter-
 mera inter plebe & optimates confusio oppressis pretatus.
 legibus, ac iuris æquitate sublata: quum hoc etiam ac-
 cedat ad malorum cumulum, ac miserandam re-
 rum faciem, vt Regum palatia solo sint æquanda

*Esaiæ 13.
Sopho. 2.*

omnēsque ædes splendidae atque operosius ædificatae diruendae sint, atque ad nihilum redigendae, sic ut hominum frequentia vacuae, feris & alitibus lustra & latibula praebeant. Sic enim haec quum isto, tum aliis locis amplificat, ac regionis vastitatem exaggerat in imensum: *Et orientur in domibus eius spinæ, vrticæ, sentes, cardui, vepres: & paliurus in munitiōibus eius*, ut ferè conspici solet in ruinosis palatiis, bellōque dirutis arcibus. Et erit inibi latibulum draconum, & struthionum statio, & occurrent in desertis iis locis inter se dæmonia, onocentaurus, Syluani, pilosique Fauni & Satyri, nocturnaeque Striges ac Lemures. In iis etiam habitaculis residebit Lamia, nidulabitur bubo, vultures & rapaces milui. Quarum rerum cōmemoratione horrendā vastitatem ac solitudinem, ruināsque celebrium locorum oculis obiicit, eoque funesto spectaculo acrius percellit hominum animos, quod nulla in florentissima regione spectabitur negotiatorum frequentia, nullus populi concursus, nulla commean-
tium turba, nulla nundinatio aut mercatura, sed tantum monstra, harpyiæ, & Chimærae se oculis spectantium offerent, immanēsque belluæ & nocentes ferae, quarum aspectus vel fortissimo cuique terrorem ac trepidationem incutit. In has deformes horrendāsque bestias se nonnunquam dæmones & mali Genij transformant, variis-
que, spectris ac præstigiis pauidas mētes territant, præsertim illas quæ cognitione Dei non admodum imbutæ sunt, illiusque verbo fultæ. Huiusmodi etiam imagines monstro-
sas, ac simulachra inaudita animo mentēque concipiunt melancholici, maniaci, phrenetici, deliri, ebrij, febricitantes, aut qui conscientia scelerum furiis agitantur. Istis enim variae rerum species, & absurda phantasmata animo obuersan-
tur

*Dæmon se
in monstra
transfor-
mat.*

tur affecto cerebro, ac spiritu animali terris densis-
que vaporibus offuscato: sic ut illis ex vitiosa capitis
affectione mentem, rationem, iudicium, memoriam
eripi contingat, ac perturbata imaginatione confusè
de rebus obuiis iudicare.

DE FICU, CARICA, GROSSO.

CAPVT XIX.



ICVS apud Belgarum et iam extre-
mos atque oceani accolae aliquando bi-
fera, hoc est, bis in anno fructifera, quæ
æstate feruida fructus prorsus maturos
profert: Sic anno redempti orbis 1540
desinente mense Iulio quum imperator Carolus eius
nominis quintus peragrata Belgica Selandiam, tra-
ctusque maritimos perlustraret, ac Zirizeam inuise-
ret, oblata sunt illi melones inusitata magnitudinis,
miræque saporis & succulenti, ac ficus turgidæ adeo
maturæ, ut Cæsar rei nouitate delectatus (quod tale
quiddam in frigida regione non speraret) assereret ne
in Hispania quidem melius potuisse maturefcere. ve-
rùm id nobis non est perpetuum, quod aliquando æ-
stiuis mensibus calor languidus sit, & remissior, quàm
ut possit huiusmodi fructus ad maturitatem produce-
re. Fici arboris fructus duplicis est differentia. Nam
Caricæ ficus sunt tempestiuæ, quæ ab arbore eximun-
tur antequam prorsus siccescant, deinde exiccata in
fiscellas ab Hispanis reconduntur. Grossi primitiuæ fi-
cus succosæ, præcoces, & intempestiuæ, quæ non ma-
turefcunt, vel seriùs maturitatem assequuntur, unde
ferotinæ dictæ. Quum autem ficus flore destituta
sit cæteris florentibus arboribus, ista grossos pro-

*Ficus fru-
ctus dupli-
ces profert,*

Carica.

Grossi.

ducit. Sumuntur autem ex hac stirpe eiusque fructu
 similitudines & exempla in arcanis literis cum primis
Mat. 24. elegantia. Sic quum Christus vaticinatur Iudæis ob-
Marc. 13. uenturas calamitates, & deuastrandam Hierosolimam
 ne quem dies Domini inopinato opprimat multis e-
 xemplis ad excubias ac vigilantiam omnes extimulat,
 sumptaque similitudine à germinante ficu, quibus in-
 diciis aduētus Domini obseruari possit, cōmonstrat.
 Vt enim quum huius arboris rami tenerescunt ac frō
 descere incipiunt, suosque grossos parturiunt, instare
 æstatem indicant: ita prodictiones, pestes, bella, fames,
 terræ motus initia sunt dolorum atque in foribus esse
 iudicij diem testantur. Cæterum ficus maturandi ac
Cap. 38. leniendi facultate pollere Esaias etiam commonstra-
 uit. Siquidem cataplasma illum confecisse legimus ex
 contusis ficubus atque Ezechix regis apostemati ad-
 mouisse eoque præsidio illum sanitati restitutum, sic
 vt Deus singulari suo beneficio, quo Regi vita in quin-
 decim annos prorogata est externam medicinā adhi-
 buit quæ illius munere corporibus humanis efficax
 est & præsentanea. Naum propheta quum omnia hu-
 mana præsidia inualida pronunciat atque infirma, nec
Simile à las munitiones, turres, propugnacula contra Dei vim
matura si subsistere, ficubus maturis illa cōparat, quæ leuissimo
cu. motu atq; agitatione arboris decidunt. Itaq; Assyrio-
Naum. 3. rum gēti sic insultat, *Omnes munitionis tue sunt ficus cū*
grossis suis, si concussæ fuerint, cadunt in os comedentis
 Quo indicat omnes illorū vires, robur, potētiam cor-
 ruere atque ad nihilum redigi extenta exporrectaque
 manu sua. Deus autem per Oseā ex suauissimis huius-
 modi fructibus sumpta similitudine expostulat cū po-
 pulo Israelitico, quod à tā amabili propēsoq; Domi-
Cap. 9. no desciuerit, atq; idololatria se cōtaminarit. Sic enim
 fauorem

fauorem erga ipsum, animiq; propensionem exprimit:
Tanquam vuas in deserto inueni Israel, & quasi prima
ficulneæ poma, Quo designat non secus se affici erga Is-
 raelem, quàm viator lassus ac siticulosus afficitur erga
 sapidam & succulentam vuam quæ ex insperato se ob-
 tulit in vasta aliqua solitudine ac loco sterili, aut præ-
 maturo ac præcoci ficus fructu, quo nihil illi ad refi-
 ciendas vires obtingere potuit gratius magisque ac-
 ceptum. Atqui quum tanto illum amore complectatur,
 eoque se oblectet vt fructu aliquo delectabili, ipse
 non respondet amore mutuo, sed ad *Baalphegor*, hoc
 est, Priapi idolum rapitur, illiusque abominando cul-
 tu se contaminat. Sumuntur autem ex ficu eiusque fo-
 liis & fructu innumeræ passim apud Prophetas simi-
 litudines, quibus nonnunquam vbertatem rerumque
 omnium affluentiam designant, priorumque succes-
 sum & incrementa: nonnunquam sterilitatem, rerum
 que necessariarum inopiam atque improborum inte-
 ritum. Sic Christus execratus est ficum frondosam
 quidem, sed minimè fructiferam: qua denotauit fuca-
 tam quandam speciem & ostentationem religionis o-
 peribus solidis fructuque fidei destitutam. Similiter
 Micheas vates sumpta metaphora à terra horrida &
 inculta atque ab arboribus spoliatis suis fructibus, vt
 finita messe, peractaque vindemia assolet, in hunc mo-
 dum deplorat præsentis sæculi statum, in eaque se inci-
 disse tempora quæritur, quæ nullos probos aut inte-
 gros exhibeât: *Væ mihi qui factus sum sicut qui colligit*
in autumno racemos vindemiae, non est botrus ad come-
dendum: præcoquas & maturas ficus desiderauit anima
mea periit sanctus de terra, & rectus hominibus non est.
 Quo designat profligatam esse iustitiam & equitatem,
 exulare pietatem, extinctam religionem, cultumque

*Osee locus
 explica-
 tus.*

*Matt. 21
 Marc. 11.*

Ioelis 1.

Esaie 34.

Hierem. 5

& 8.

Amos 4.

Dei, inundasse, impietatem, omnia passim plena esse crudelitatis & nequitie. Sunt autem huius generis multa in sacris literis obuia, quæ hic congeri possent, sed non visum est lectorem iis excutiendis defatigare.

DE PALMA ARBORE EIVSQUE FRV-
ctu, & quid in scriptura sacra illis designetur.

CAP. XX.



PALMA arbor est trûco valido ac pro-
cero, folio arundinaceo, gladiolo affi-
ni fructus fert sapore dulci, Græci da-
ctylos, vocant à digiti forma, Latini pal-
mulas, quibus medici vires instaurant
exhaustis & extenuatis. Humorem enim nutricium
quem *radicalem* vulgo vocant, fouent, ac corpori ari-
do alimentum conferunt. Cæterum quum hæc arbor
oneri renitatur, nec prementibus vrgentibusque ce-
dat, hoc insigne in certaminibus victori decerni solet,
quòd inuictum animi robur palmæ naturam referat,
ac sit rei fortiter atque animosè gestum symbolum ac
trophæum. Sic martyres qui inuicto infractoque ani-
mo aduersus Tyrannorum sæuitiam subliterunt, ami-
cti stolis albis palmis manibus gestasse leguntur in vi-
ctoriæ argumentum. Similiter qui iustitiam colunt &
æquitatem, qui Dei hostibus se intrepidè opponunt,
palmæ aliisque speciosissimis arboribus sunt similes.
Vnde David, *Iustus vt palma florebit, vt cedrus in Li-
bano, multiplicabitur.* Quum enim impij, vt herba, con-
festim arescant, tum pietatis cultores, vt palma, diutis-
simè vigent & subsistunt, ac fructus suaues proferunt:
denique vt Cedrus celsa arbor & odorata, nulloque
æuo putredini aut cariei obnoxia, gratissimam vni-
bram

Palma vi-
ctoria in-
dex.

Apoc. 7.

Psal 91.

bram ministrat. Hoc ipsum designat Iob, quum rectè *Cap. 29.*
 administratę iustitię sibi conscius, confidenter pronũ
 ciat, *In nidulo meo moriar, & sicut palma multiplicabo*
dies: quibus verbis pollicetur sibi vitę diuturnitatem,
 annosque florentes ac senectam viridem magna cum
 animi tranquillitate. In Cantico verò Sponsi comę & *Cap. 5.*
 cesaries palmę elatę assimulantur, quę comparatio *Palma elat*
 desumitur à tenello termite ac cauliculo, ipsoque ger *ta quid.*
 mine quod è palma prodit, vel ab ipso inuolucro at-
 que integumento ex quo fructus emergit, qui *Phœni-*
cobalanus, Coriota, palmula vel dactylus dicitur, qui co-
 lor phoeniceus, hoc est, spadiceus subest, sic vt designet
 illum rutilanti esse capillo, eoque firmo nec deciduo,
 quum palmę folia non defluant. Huiusmodi autem
 coloris crines spectantur in Pannoniis, hoc est, Hun-
 garis & Austriacis, quorum capillitium ferè fuluescit
 atque aureo colore perfusum est. Cæterum quum
 Deus indignanter ferat populum suum vitiis occæca-
 tum & obtupefactum obsurdescere ad omnia saluta-
 ria monita, ac nullis afflictionibus, nullis calamitati-
 bus expergisci ac resipiscere, nec vllis plagis induci
 posse, vt à Deo inferri has plagas agnoscat, sed in res
 fortuitas eas reiiciat, atque in ordinarium naturę cur-
 sum referat, longè acerbiora magisque atrocia illis ob-
 uentura denunciat, ita vt præter bruchum, & locustā,
 erucam, rubiginem, quę fruges vitiant ac depopulan-
 tur, vineas per Iohalem excindendas pronunciet, om-
 nisque spectabiles ac fructiferas arbore extirpandas *Cap. 1.*
 ita vt nusquam alimenta suppetant, nusquam vlla fru-
 gum spes affulgeat, quibus fames posset sedari. Sic e-
 nim prodigiosam sterilitatem, terręque vastitatē ad-
 esse indicat, atque ingruente præsentanea clade, som-
 no vinoque sopitos excitat, *Expergiscimini ebrij, flete*

& ululate omnes qui bibitis vinum in dulcedine, quia perit in ore vestro. Posuit vineam in desolationem, ficum decortauit (ablato enim cortice arbores emoriuntur) vitis exaruit, & ficus elanguit, malogranatum, palma, & malus, omnesq; arbores exaruerunt.

DE HEBENŒ, ET ALIIS QVIBVSDAM
exoticis quorum in scriptura fit mentio.

C A P. X X I.



Cap. 27.

VANTA olim fuerit in Tyro totius Asiae emporio celeberrimo negotiatio, quæ hominum frequentia, quæ mercium apparatus, præter illustres Historicos Ezechiel vates amplissimè describit. recenset enim singulatim multorum regnorum ac prouinciarum mercimonia rara & exquisita, quibus explere solent negotiatores hanc urbem, quòd omnibus facilem aditum, accessumque commodum præberet, nulla natio hunc locum non frequentabat, eratque commeantium incredibilis concursus, antequam ab Alexandro Macedonum rege in ruinam esset redacta, quod futurum hoc capite Ezechiel vaticinatus est. Inter innumeras autem merces quas hic recenset vates, Hebenum, ebur, resinam, stactem, calamum balsamum, corallum, cristallum, & præter preciosissima aromata, aurum, variâsque gemmas commemorat. Hebenus lignum est nigerrimi coloris adeo ponderosum, ut etiam in tenuissimas laminas dissectum in aqua demergatur nec fluitet. Qui autem duæ sint huius arboris species, vna indica, altera Aethiopica: ex postrema elaboratam vidi fistulam incuruam sesquicubiti longitu-

Hebenus.

gitudine, elegante nitore expolitam, vt ferè conſpici
 ſolet Gagates, dūritie lapidoſa ac pluſquam buxea:
 vbi contrectaui, non ſatis diſcernere potui, an in li-
 gnum aut ſaxum, an etiam duriffimum cornu referri
 deberet. Eſt huic affine exoticum lignum gentili no-
 mine *Gaiacum* appellatum, quòd in ſcobem ac ramen-
 ta limæ attritu redactum, atque in aqua ad tertias de-
 coctum ſalubriter exhibetur morbidis ſiſcoſiſque cor-
 poribus, & qui labe venerea ſunt contaminati. Vſus
 ſum autem magno ſucceſſu aqua ſceniculi in qua hu-
 ius tritura macerata eſt, ad diſcutiendas oculorum cali-
 gines ac glaucomata ſiue ſuſſuſiones. Ad ſudores vere
 prouocandos huius decoctum exhibeo cum ſumaria,
 Calthæ floribus, melyſſa, ficubus, atque ad exigen-
 dos variolos, ac puerorum exanthemata in extimam
 cutem euocanda. Ebur ad ſtringendi ſpiſſandiq; eſt na- *Ebris na*
 tura: quocirca pectines qui ex hoc conficiuntur ca- *tura.*
 pillorum deſluuium prohibent & caput confortant.
 Quoniam autem eximij ſit candoris, præſertim vbi
 dentes primum ex elephantis mandibulis eximuntur,
 ideo Sponſa in deſcribendo Sponſi corpore, ventrem *Cant. 5.*
 illi eburneum attribuit, propter candorem & purita-
 tem, ſaphiris diſtinctum. Quo caſtitem deſignat: ea
 enim gemma caſtos commendat. Sponſæ verò collum
 turri eburneæ aſſimulatur, quòd candidum ſit, fir-
 mum, & erectum, nec obſtupo capite progrediatur.
 Hieremias autem Nazaræos Deo conſecratos ebori
 componit, quod vetuſtate rubefcit. Sic enim deplorat
 illos ita deformatos, vt agnoſci nequirent: *Candidio-*
res Nazaræi eius niue, nitidiores lacte, rubicundiores *Treno. 4.*
ebore antiquo, Saphiro pulchriores, denigrata eſt ſuper
carbones facies eorū. Ex quo coniice in quā calamitatē
 erāt deiecti. Myrrha quæ ex arbore deſtillat Terebin- *Myrrha.*

Stacte. tho affimili, corpora à putredine asseruat, *Stacte* liquor resinofus & stillicidium myrræ eiusque pinguedo quæ vulgo *Styrax* liquida creditur quum Medicis etiam in vfu *Styrax* calamita. Thus Deo dicatum fuffimè à fumanti vapore vbi igni iniicitur, *Gutta* thimiamma ammoniacum ex arbore in arenam defluit, vnde nomen sortitum Cyrenaicus vel Syriacus, hoc est, concretus succus, quem *Benzoi* vocant, ad fuffitus & odoramenta præcipui effectus & olfactoriola in peste, vt zibetum ambræ, seu succinum Orientale, muscus, *Cassia* cinamo affinis effectûque par, quæ cor recreat, animique deliquio oppressos erigit, vulgo *Caneel*.

Aloe. Aloë concretus liquor ex arbore smaragdini coloris, quam nostrates ex Hispaniis allatam laquearibus affigunt, ac biennio amabili virore absque vlla aquæ irrigatione conseruant. Expressus ab hoc frutice succus putredini obsistit, ac vermes enecat, morbosq; contagiosos impugnat. Lignum quoque aloës quod *Agalochum* vocant asphaleto nō dissimile, Hæbræis etiā in vfu fuisse constat, quoniam halitus suauitatem commendat, vt lignum Rhodium. His omnibus iam memoratis, vt etiā balsami nobili lachryma, scriptura decus & virtutis præstantiam designat ac suauē gratumque halitū salutaris doctrinæ, qua mens hominis affatim perfunditur, Sic quum Dauid Solomonis nomine Christi splendorē, amplitudinē, magnificentiā maiestatem amplificat, *Myrrha*, inquit, *gutta*, & *Cassia* in vestimentis tuis à domibus eburneis. Quo indicat gratissimum esse odorem & fragrantiam quæ ab ipso promanat, ac longè latèq; se diffundere, ita vt omnes mortales reficiat ac recreet. Tale quiddam obuium est in

Can. 5. 3. Cantico Sic Spōsa mirificè delectata suauissimo Spōsi colloquio *Labia eius*, inquit, *lilia distillantia myrrhā primam*

primam & electam. Quo designat sermones eius & eloquia plena esse gratia & veritate, quæq; pios fulciât *Ioan. 1.* atque ab omni vitiorum corruptela conseruent, impios verò amari tudine imbuant, atque illos vel conficiant vel ad pœnitentiam impellant, metaphora sumpta à myrrha, quæ tametsi mirè odorata sit, insigniter tamen est amara.

DE TEREBINTO.
CAPVT XXII.



TEREBINTHVS ARBOR IN

SYRIA ac Palestina spectabilis & a- *Terebin-
thi natu-
ra.*

micena, folio ferè lauri, flore oleæ, coloris punicei, baccis primum herbaceis, mox rubris, maturitate nigris. fūdit hæc

arbor ætliuis caloribus Terebinthinam resinarū præstantissimam, mirè odoratam, adeo pellucidā, vt fundum poculi in quo asseruatur, cōspici queat. medetur hæc vulneribus, ac dolores mitigat. intus verò humorum collectiones discutit, ac calculos atterit, meatūsque vrinarios peruios præstat, ac saniem omnēsque purulentas concretiones in stillicidio vlceroso, cui ferè ficcosi obnoxij sunt, expurgat, atque vrinæ librum trāsitus, atque expeditum facilēmq; decursum perficit. Sumuntur ex hac arbore ac plerisque aliis insignes cōparationes & similia. Sic Esaias post illatam cladē Israelitis aliquid consolationis afflictis mentibus adfert illōsq; in spē emergēdi erigit, qui à calamitate sunt re-

dui, *Multiplicabitur, inquit, quæ derelicta erat in medio* *Esa. 6.* *terra, & adhuc in ea decimatio, & conuertetur, & erit in ostentationem vt Terebinthus & quercus quæ expandit* *Esaia lo-
cus expli-
catus.* *ramos suos, semē sanctum erit id quod steterit in ea. Quo*

indicat tale quiddā obuenturū populo Iudaico quale arboribus quibus Aquilonio hibernoq. frigore folia decidunt, aut icta fulmine, vel turbine cōuulsæ extinctioni videntur proximæ, tanquam omni vitali succo destitutæ, quū tamen aliquis vigor nōn nihil insiti humoris illis subsit, quo ineunte vere ac recurrentis anni amœnitatem reuirescunt ac postliminio frondescere incipiunt. Itaq. denunciat Israelitis excidium ac vastitatem, qua vix decimus quisq. superfuturus sit, sic tamen vt non omnia penitus in nihil sint redigenda aut extirpanda funditus, sed futuræ sint aliqua reliquæ, atque homines aliquot à clade residui, qui tametsi visi sunt internecioni dari, sublata omni emergēdi spe, reuiuiscunt tamen, ac verbi Dei semine fulti in pristinū statū ac dignitatē reducentur, non secus quā stirpes aliquot speciosæ vt tilia & terebinthus, quæ brumali frigore concussæ exaruisse visæ sunt, rursus nouo vere repubescunt ac pullulare incipiunt, secundaque stirpe spectatissimè se propagant. Cæterum æterni patris sapientia Christus Terebintho multisque aliis speciosissimis stirpibus se cōparat: & quā auide quisq. illius doctrinā amplecti debeat, obiter cōmonstrat. Sic enim

Ecc. 24. nim Sapiētia sui cōmendatrix omnibus quibus propria salus curæ est, se approbat. *Ego ex ore altissimi prodij primogenita ante omnē creaturam. ego feci vt in cælo orietur lumen indeficiēs: quasi cedrus exaltata sum in Libano, & vt Cupressus in Sion, quasi palma in Cades, vt plantatio rosæ in Hiericho, vt platanus expandi ramos iuxta aquas in plateis vt cinamomum & balsamum odorem diffudi, quasi myrrha electa, quasi storax, galbanum; onyx, hoc est, blatte Bizantinæ, seu onyx & staete, suauem odorem expirauit, Ego quasi Terebinthus expandi ramos meos, & rami mei honoris & gratiæ.* His omnibus

nibus & si quid ampliùs huc congeri posset, amplissimè cōmīendatur Dei patris Sapientia Christus, quò certatim omnes eò se conferant, atque ab hoc vberri-
mo fonte aquam viuam, hoc est, salutarem doctrinam depromant, nec aliò diuertant, aut ad cisternas dissipatas se conferant, hoc est, aquas turbidas & cœnoscas quæ arida corda non refocillant aut reficiunt, sed potius veneno imbuunt; vt testatur apud Hieremiam Dominus. Cæterum de Cedri & Cupressi natura & Cap. 2.
viribus superuacuum est multa hic referre; quum apud Dioscoridem & Plinium, complurèsque alios copiose earum natura & vires explicantur, hoc tantum indicasse sufficiat multiplices desumi similitudines in arcanis literis ex harum arborum radicibus, trunco, ramis, foliis, floribus, semine, ab earum specie & deo-
ro aspectu, ab odore & fragrantia, à durabili æternaque ligni materia, ab vmbra salubri quam viatoribus lassis præbent, à suauissimis fructibus quos in hominũ vsus proferunt, quibus passim designatur decus & virtutis præstantia dignitas & excellentia piorum hominũ mentisq. integritas & mores inculpati, qui profunt omnibus, nocent nemini: Nonnunquam indicant factum improborum & superbiam, animi elationem, arrogantiam, tumorem, ferociam. Sunt enim celsissimæ arbores, summæq. proceritatis, atq; in immensum fastigiatae, quarum pleræq. humilibus infirmisq. arbutis detrimenta inferunt, vt opulenti tenuioribus. Vt autem Deus concitata aëris intemperie altissimos montes & procerissimas arbores fulmine deiicit, vt iuxta Dauid, *cōfringit cedros, quercus, ilices, robora*: ita superbos & elatos, fastuq. turgidos qui se aduers⁹ Deũ erigũt, atq. hominib. sũt infesti cōuellit, deiicit, cōminuit. Quò spectat illud Esaia. *Dies domini exercitũ super o-*

mnem superbum & excelsum & arrogantem, quem humiliabit, super omnes cedros Libani sublimes & erectas, & super omnes quercus Basan: quò declarat Deum minimum negotio fortissimas quasque munitiones & propugnacula deiicere, opes & potentiam elatorum hominum comminuere, nec quidquam tam validum esse & firmum, quod contra illius vim possit subsistere. Quod ipsum etiam Zacharias populo suo inculcatum esse voluit, ne temere fidant humanis praesidiis, quum nullae munitiones quantumvis vallatae illi possint obsistere, sed confestim exporrecta eius manu cedant ac collabantur. Quocirca in hunc modum tamquam per fecialem (*Arault* nostri vocat qui Principis sui nomine vel pacem vel bellum denunciat) figuratè Israellem alloquitur: illique dira minatur. *Aperi Libanè portas tuas, & absument ignis cedros tuas, Vlula abies* (quo designat potentiae interioris proceres) *quia cecidit cedrus*, quonia magnifici vastati sunt. *Plulate quercus Basan* (quo denotat duros & intractabiles) *quia succisus est saltus minutus*. Simili cladi subiicit pastores qui superbia elati imperabant plebeculae cum austeritate & potentia, quod Ezechiel alias deplorat, denique perfectos & optimates populi, qui tanquam leones seuitiam ac tyrannidem exercuerunt in subditos.

DE MYRICA SIVE TAMARICE ET
erica quae vulgo à solitudine & loco arido Heyde vocatur, ex qua Belgae extergendis pauimentis scopas conficiunt.

CAPVT XXIII.

Bucol.
Eglog. 4.



Myrica quae Tamarice, humilis est pusillusque apud nos frutex, quod Virgilius etiam obseruauit, folio scabro, scabinae non adsumili, flore purpureo, concretu muscoso, quo

quo apes impense delectantur, Huic affinis Erica, sed improcerior, flosculo ex candore purpurascens, quo *Erica Heyde.* passim scatent solitudines Brabanticæ, à quibus, quoniam nihil preciosi profundunt, herba hæc nomen sortita est. Belgæ siquidem loca squallida, strigosa senta, atque situ horrentia, nullis consita arboribus, nullis frequentata hominibus, raris ac prope nullis culta ædificiis, aut exornata villis, *Heyde* vocant, quasi dicas solitudinem & desertum, solique vastitatem. ingruente enim æris tempestate, exortaque pluuiæ, tonitru, fulmine, coruscatione, ne minima quidem domicilia aut gurgustia se offerunt, in quibus possis diuertere ac delitescere. nihil autem in iis locis spectatu visuique dignum, quaquauersum dirigis oculos, nisi humiles abietique frutices & squalore obducta, à quibus Prophetæ passim similitudines desumunt, si quando hominibus calamitates & tristitia quæque obuentura denunciant. Sic Hieremias, *Maledictus qui confidit in homine, & ponit carnem brachium suum, & à Domino recedit cor eius.* *Cap. 17.* Quibus verbis detestatur illū qui in re corporea ac fragili spem & fiduciam suam collocat, & in periculis aliunde potius, quam à Deo subsidium ac salutis præsidia cōquirit *hic enim myrica erit similis in deserto* *Hier. locus explicatus.* quæ ex æris temperie & clementia nihil boni aut cōmodi consequitur, sed in terra horrida, ieiuna, siticulosa, falsa constituta, non diu subsistit, *Benedictus vero* *Psal. 1.* *& felix qui confidit in Domino,* erit enim ut arbor circa riuos aquarum plantata, quæ continentur humore irrigata, radices & ramos longè latèque diffundit, sic ut folium eius semper existat viride, & tempore siccitatis fructum ferre non desinat. Rursus quum Deus excidium imminere denunciat Moabitibus qui ex Iudæis oriundi nempe Loth Abraham fratre, infestissimi il- *Hier. 47*

lis hostes erant. *Fugite*, inquit, & *salutare animas vestras. eritis enim quasi myrica in deserto.* Quo illos comouet, ut maturè se ex suis stationibus subducant ut salutis suæ prospiciant, ut celeri fuga vitæ suæ consulant. quoniam eorum ciuitates deuastandæ sint, ac futuræ desertæ, nullòsque habituras incolas, tum ciues spoliandos omni honore ac dignitate, nulliusque futurus existimationis aut nominis, sic ut non pluri aestimandi sint, quàm Myricæ in vasta solitudine.

DE RESINA, Belgicè *Hers*.

CAP. XXIIII



Resina est omnis illa Oleagina pinguedo & gummosa concretio, quæ incalescente Sole, ex pino, picea, abiete, larice, lentisco, Terebintho profluit, apud nostrates etiam Cerasus & prunus mellei coloris resinam profundunt at terendis calculis idoneam, populus quoque alba, quæ vulgò *Abeel boom* vocatur succini modo gummosum liquorem ex hiantē cortice exhibet. Terebinthina ex omnibus principatū obtinet, proximum locum sortitur Lentistina, hoc est, *mastiche*, cui succedit pinea & abiegna, picea, strobilina verò & Colophonia postremum locum occupant. Est autem Resina duplicis differentiae, ut & pix, liquida & sicca quæ ad nos ex Noruegia aduehitur: illam *Hers* nostri vocant, Hispani *Herpens*, alteram nempe concretam à speculi nitore, quoniam pellucida est & splendescit, *Spieghelaere*, Harum vis effectusque est dolores mitigare, vulnera astringendi glutinandi que vi cicatrice obducere, præsertim resina Terebinthina cuius vires & effectus Hieremias Metaphoricos ad animi

Resina
quid.

Resina
multa species.

nimi vulnera transfert, quæ verbi Dei lenimento faneſcunt ac ſanitatē conſequuntur. Itaque in hunc modum expoſtulat cum Iſraëlitis: *Nunquid Dominus non eſt in Sion, aut rex eius non eſt in ea? Nunquid reſina non eſt in Galaad aut medicus non eſt ibi? Quare igitur nõ eſt obducta cicatrix populi mei? & cur valetudo eius tam ſegniter procedit?* quaſi diceret, Obuia eſt hæc paratâq; medela quæ mente animumque lacerum ſanet, ſed filia populi mei, ſalutis ſuæ oblita, non adhibet remedia vulneribus ſuis ſordidis & purulentis, non admittit ſalutaria verbi Dei fomenta & cataplaſmata ſed putreſcit in vitiorum ſuorû ſordibus, nec vomicas ſuas exercitato expertoque Medico nempe Deo detegit, aut curandas offert, penes quem præſentanea ſunt remedia medendis exulceratis mentibus, adhibito vino & oleo conſolationis & miſericordiæ, vt Chriſti parabola indicat de Samaritano, cuius ipſe typum gerebat & viatore ſaucio ac vulneribus conſectio, quo designatur genus humanum aſtu & malitia Satanæ, integritatis & innocentia integumentis ſpoliatum omni vitiorum genere afflictum & deſperationi proximum, Quum autem Deus in ſcederum vindictam vulnera nobis infligat, hoc eſt, in edias calamitates, clades, infortunia nobis immittat, vult vt ab eodem inſtaurandæ valetudinis præſidia petamus. Qua de re extat ſuauiſ cum primis & conſolatoria apud Hieremiam concio, in qua Deus indignè ac dolentè fert quòd homines aliunde quàm ab ipſo ſalutis ac ſanitatis præſidia conquirant & venentur, quòd idololatriæ, ſuperſtitioni, ac ridiculis vaniſque cultibus dediti, deſerto tam liberali ac munifico Domino, tyranno fallaci inſidioſo, noxio ſe dedant.

Hier. lo-
cus expli-
catus.

Luc. 10.

Cap. 2.

Quocirca non ſine cauſa ad hunc modum

Hier. lo-
cus expli-
catus.

cum suo populo expostulat, *Nunquid solitudo factus sum Israeli, aut terra serotina, quæ vel nihil prorsus vel malignè aliquid profundit? Cur ergo populus meus à me deficit, & se reuersurum negat?* Similitudine desumpta à solo sterili & infœcundo, ab agris ieiunis aridis, siticulosis, squallidis, qui sementi inidonei sunt, nec vllas fruges aut fructus in vsum aliquem effundunt quum longè absit hæc sterilitas à cœlesti patre rerum opifice, apud quem est omnium quæ excogitari aut mente concipi possunt, copia & abundantia summa vbertas & affluentia, nulli non obuia & exposita sic vt liceat si visum est, amplè & inculpatè illius munificentia frui illius exornari muneribus ita vt omnibus modis culpandi sint, qui à tã munifico Domino desciscunt, quum nulla subsit legitima defectionis causa, nec quidquam in eo possit desiderari. Quocirca rei indignitate permotus, adducto alio exēplo, scelus exaggerare pergit. *Nūquid, inquit, obliuiscitur, virgo ornamentis suis, aut sponsa fasciæ pectoralis suæ? qua redditur oculis spectantium commendatior? nulla certè ratione tam erit sui negligens, vt tale quiddam in animum induxerit.* *At populus meus nulla habita dignitatis suæque salutis ratione, oblitus est mei diebus innumeris.* Caterum quum Deus saluberrimā ac maximè salutaria remedia afflictis mentibus adhiberi velit, insultat Aegypti populo, quod sinistra parūque appositā medicamentā vulneribus applicat, quibus exasperatur potius malum, quàm mitescit, Proinde commonstrat vnde petenda sanitas, à quo salus expetenda: *Ascende, inquit, in Galaad, & tolle resinam virgo filia Aegypti frustra multiplicas medicamina, sanitas non erit tibi.* Erat autem Galaad vna ex sex oppidis, in quam vt in asy-

Galaad,
Leuitarū
statio, &
homicida-
riū asylū.

in asylum & perfugium se recipiunt qui fortuito atque imprudenter, nulla destinata malitia alicui vitam eripuerant, eaque ciuitas Leuitis & Sacerdotibus assignata erat, apud quos vigeat lex & verbi Dei ministerium. Siquidem vt Malachias ait, *Labia sacerdotis custodiunt scientiam, & legem ex ore illius requirunt, quoniam fit angelus Domini exercituum*, hoc est, Dei legatus & interpres cui incumbit docendi munus & doctrinae studium. Quocirca propheta huc affectum conuocat, atque à Deo eiusque ministris petendum auxilium demonstrat, alioqui non solum irrita fore remedia aliunde conquisita, sed etiam damno-
 sa quod iis vsuuenit qui in alium, quàm in Deum defigunt oculos, aut conualescendi spem & fiduciam collocant. Sic idem Vates contrita & conuulsata conuulsaque Babyloni quæ est velut scelerum quædam officina, refinam adhibendam conclamat, si forte sanetur. Sed quum salutaria monita respuat atque auerferetur, quum ad Dei verbum eiusque monita & vellicationes obsurdescat, vt insanabilem ac morbo deplorato implicitum omnes certatim deferunt, atque aliò se conferunt. Qua metaphora indicat Hieremias Concionatores sacros ac Dei ministros nulla non remedia adhibuisse sanandis eius vulneribus, medendis animi vitiis, atque extremam impendisse operam eximendis menti erroribus: sed non successisse curationem, omnemque medendi operam frustra insumptam. Quocirca visum est illam relinquere suæ cæcitati, & subiicere Dei iudicio, à quo illi miseranda clades & acerba calamitas, concitatis in illam hostibus ferocissimis, imminet, quod Christus etiam Iudæis euenturum denunciat, qui tot prouocati beneficiis, in Phrophetas ac Seruatorem, eiusq. affectatores immaniter sequerunt.

Num. 35.

Dent. 19.

Ios. 20.

Cap. 2.

Hier. 50.

Matt. 19.

DE VITE SEU VINEA, CUIUS PARTES atq; appendices, farmenta, palmites, malleoli, pampini, clamiculi vel capreoli, vua, racemus, botrus, acinus, vinaceus, seu acinorum granum: Et quàm appositè horum pleraque Concionibus ac vaticiniis adhibetur.

CAPVT XXV.



QVVM multè passim in sacris Bibliis ad stabiliendam veritatem, ac rei dubiè vel obscuræ faciendam fidem Parabolæ, hoc est, rerum notissimarum similitudines narrationibus adhibentur, tum nullà magis vel vaticinia, vel conciones illustrent, quàm quæ ex vite eiùsque sobole desumuntur. Primum enim se offert insigne illud vaticinium Iacob Patriarchæ de Messia, qui ex Iudæ semine oriundus salutem & reconciliationem, reditumque in Dei fauorem & gratiam mortalibus attulit. *Non auferetur sceptrum de Iuda, nec dux de femore eius, hoc est, non desinet nec abolebitur imperium, donec veniat qui mittendus est,*

Gen. 49. nempe Sospirator ac salutis autor **I E S V S C H R I S-
de Christo. T V S,** Et ipse erit expectatio gentium, hoc est, ad illum gentes se conferent, illius doctrinam amplectentur, illi fidet atque innitentur, illius imitabuntur vitam, mores, & studia, *Ligans ad vineam pullum suum, & ad palmitem vitis asinam suam, Lauabat in vino stolum seu indumentum suum, & in sanguine vuae pallium suum.* Quo crucis & effusi sanguinis mysterium exprimitur, cuius virtute expiati sumus, atque à Diaboli mortisque tyrannide per resurrectionis efficaciam in libertatem asserti. Tale quid designat Esaias, quum inquit, *Erit in illa die radix Iesse, Qui stat in signum populorum, ipsum*

Cap. II. gen-

gentes conquirent & deprecabuntur. Allusit ad cre- Simile à
 ctum vexillum aut signum aliquod quod eminus con vexillo e-
 spici possit, quale nautæ *Baken* vocant, in quod velifi- recto.
 cantes interdum continenter oculos defigunt, ut noctu
 in Cynosuram aut polum arcticum, quò cursum inof-
 fense dirigant, nec vsquam impingant, aut diuersi ra-
 piantur. Cæterum quum vitis aspectu sit amœna, pam-
 pinorum ac foliorum pompa, clauiculorum ample-
 xu, vuarum targescentium vbertate, in statu connubia
 li vxor numerosa prole fecunda huic stirpi compara-
 tur, quum David inquit, *Vxor tua sicut vitis abundans*, Psal. 127
 quæ longè latèque palmites diffundit, *in lateribus do-*
mus tuæ. Sapientia verò sui commendatrix. Ego, in- Eccle. 24.
 quit, *quasi vitis fructifera, gratissimum vndique odorem*
diffundo, hoc est, suauissima eloquia & salutarem do-
 ctrinam omnibus profero, quo refici possint, tãquam
 succulenta ac sapida vua. Quisquis enim huius sermo-
 nes amplectitur, prosperos successus est habiturus,
 magnaque in virtute progressus & incrementa. Quam
 felicitatem Deus per Oseam præclaris aliquot meta-
 phoris Israeli & quisquis in gratiam cum Deo redie- Osee. 14.
 rit, pollicetur: *Sanabo*, inquit, *contritiones eorum &*
diligam illos spontaneè, quo indicat liberalem, & spon-
 taneam, gratuitamque peccatorum veniam, *Quia auer-*
sus est furor meus ab eis, *Ero quasi ros Israeli, & germi-*
nabit quasi lilium aut rosa, & erumpet radix eius ut ar-
bores Libani, & propagabunt se rami eius, & erit quasi
oliua gloria & decor eius, & odor ut libani. Et germina-
bunt quasi vinea, & auferent ut triticum, quo etiam
 affluenter fruuntur. Horum commemoratione om-
 nium rerum affluentiam ac prosperitatem indicat, ac
 florentissimum fore Reipublicæ statum, nec quid-
 quam etiam defuturum eorum, quæ ad internum ani-

Cap. 24.

mi decus, mentis que ornamentum spectant: iis verò qui munificentia diuinæ immemores, deliciis ac voluptatibus dediti sunt, ac luxuria diffluunt, contraria omnia euentura Esaias denunciat, nempe vineas extirpandas, nullam fore vindemiam, defuturum vinum iis qui se inter pocula cantilenis, ac Musicis instrumentis oblectare solent, ac plus nimio lasciuiare atque inolescere, illam denique subsequuturam cladem & vastitatem, vt populus quo ciuitates maximè illustrari solent, ad nihilum ferè sit redigendus, sic vt pauci futuri sint residui. Nam tale quid illi euenturum prædicit, quale decussis Oliuis assolet ex olea, & racemis peracta vindemia. Vt enim in huiusmodi stirpibus non ita omnia decerpuntur, quin aliquid restet: ita ex ingenti clade quam perpeffi sunt, exiguus aliquis numerus erit reliquus, In eodem argumento versatur per Hieremiam Dominus qui improbos non solum vastandos, pronunciat, sed etiam fame ac ærum omnium inopia opprimendos adeo, vt defint vix vitibus, & non sint ficus in ficulnea, sic, vt decidentibus foliis, nihil ex his sperari possit. Quo designat nullam fore sedandæ famis solatia, quibus corpus possit subsistere, nulla afflictæ mētis fomenta, quibus possit fuleiri denique illos ad vnum omnes, sicut ficus & vvas colligendos vt nullæ restent reliquæ: quemadmodum si finita messe aut peracta vindemia nihil supersit spicilegij nulla racematio. Vt autē maturescentes vix sapidæ sunt & succulentæ palatūque & fauces sapore grato reficiunt: Sic doctrina sana & salubris, sermo graciosus & suauis mentes hominum fouet ac refocillat. Quocirca Moses doctrinam perniciosam & noxiam improborum hominum commercia eorūque vitam mores & studia vix venenatis comparat quæ animos hominum no-

Hiere. 8.
Cap. 48.

Hieremia
locus expli-
catus.

Deut. 32.

noxio ac prauo succo imbuunt, mentesque bene institutas, à Dei cultu & religione auertunt: *De vite, inquit, Sodomorum vinea eorum, & suburbanis Gomorra: vna eorum vna fellis & botrus amarissimus, Fel & vitrus draconum vinum eorum, & venenum Aspidum insanabile, hoc est, sermo illorum tam pestilens & venenatus est, vt confestim inficiat & perimat.* Quò spectat illa apud Oseam subsanatio in hos qui superstitiosa doctrina imbuti, ac cultu pernicioso dementati, respe-
Mosi loc. cui expli- catus.
Cap. 3.
Osea loc. explica.
Esaiæ. 17.
Cap. 49.
Hier. loc. cui expli- catus.
stant ad Deos alienos, vt ebriosi ad vini pocula & lagenas, ipsi, inquit, respiciunt ad Deos extraneos, & diligunt vinacea vuarum. Comparat enim illorum vesaniam qua rapiuntur ad idololatriam, temulentorum conditioni, qui semper ad calices & pateras vinique nidorem oculos ac nares habent intentas, ac conspectis poculis, vel temulentorum sodalities exultant ac gestiunt. Cæterum quum in vineæ mentionem incidimus, illud obiter indicandum, Prophetas vitis vuarumque & aliarum stirpium nomine, nunc rerum abundantiam ac fertilitatem, nunc inopiam & penuriam, nonnunquam populi raritatem vel interitum, aliquando frequentiam, & qui ex paucis in numerosam stirpem sunt propagandi. Sic Deus apud Hieremiam eleganti Metaphora Idumæos ita spoliandos pronunciat, vt nihil ex illis sit reliqui, adeo vt hostes futuri sint illis paulò clementiores, quàm ipse: *Site, inquit, vindemiatores aggressi fuissent, reliquissent forte racemum,* hoc est, non prorsus te expoliassent, aut omnibus tuis bonis exuissent. *Et si fures nocturnique oppressores aedes tuas inuasissent, rapuissent quod visum illis fuisset satis,* non tamen omnia forte conuastassent, sed passi fuissent aliquid superesse: *At ego, ait Dominus, ita spo-*

Esaie. 7.

Esaie. 1.

taphora

expl.

liaui Esau, ita abdita quæque detexi, vt excussis omnibus angulis, nihil celari potuerit, nec vlla supellex sit relicta, Quum autem prorsus odiosa sit & detestabilis Deo superbia & fastus ex rerum affluentia ac prosperitate ortus, qua dulci fortuna ebrii insolescunt ac ferociunt, illam tamen acriter contundit ac reprimat, & tales quamlibet inultos prosternendos pronunciat, vt segetes quas mellores plenius vlnis exporrectisque brachiis vellunt, atque in manipulos complicant, sic vt etiam ij qui ex paucis futuri sunt reliqui, colligendi sint, vt spicæ finita messe. interim plerisque superfuturos pollicetur, allata aliâ similitudine, vt vna in vitibus, & oliuæ in olea. Quemadmodum enim nusquam tam exactè perficitur vindemia, quin aliqua supersit racematio, nec tam diligens oliuarum excussio, quin vel sub foliis aliquid delitescat, vel in cacumine aliquid se proferat: ita à clade & vtilitate aliqui superfuturi sunt qui in spem misericordiæ sunt reseruandi, In die illa, inquit, attenuabitur Gloria Iacob, & pinguedo carnis eius emarcescet. Et erit sicut congregans in messe quod restiterit, (vt in spicilegio assolet omnibus manipulis sublatis) & brachium eius spicas leget. Interim relinquetur in eo velut racematio, & sicut excussio oleæ vel duarum vel trium oliuarum in summitate rami, & sicut quatuor aut quinque in cacumine arboris. Quo indicat opulentos atque optimates fastu & arrogantia turgidos deiiciendos: ex tenui verò plebecula nonnullos superfuturos, quemadmodum exacta vindemia aliquot botri aut acini, quibus tenuiores se fouent ac recreant.

DE HYSOPO.

CAPVT. XXVI.



HYSOPVS. hortensis herba eodē etiam nomine Belgis cognita condimenti vice iuri innatat, quod eximij sit odoris, ac sapore non ingrato, sic vt elixa quæque non minus salubria efficiat, quàm sapida. nam pectus & pulmonem expurgat, capitisque pituitam extergit. quocirca in expugnando pleuresi ac morbo quouis laterali singularem effectū obtinet. Quā ratione visum est Deo herbam hanc solenni sacrificio adhibere, quum vel leprosi lustrandi sunt, aut scelus aliquod piaculare expiandum, intincto Hysopi fasciculo in sanguine passerulorum vel vitulorum. Quocirca Dauid adulterij atque homicidij scelere contaminatus, aspergi expiarique hysopo cupit, quò absterfa omni macula, animi mentisque puritate nitescat, respexit is ad veteris testamenti ritus & sacrificia. quæcunque enim purificabantur iuxta præscriptum legis Mosaicæ, sanguine cum lana coccina & hysopo aspersa, puritatem sunt consequuta. Quæ omnia vmbra quandam & figuram exhibebant, vt Paulus ad Hebræos testatur, Christi cuius sanguine omnia nostra scelera expiata sunt, ac fidei accessu obliuioni data. Cæterum quum Hysopi mentio incidat in libris Regum, ac Solomon disseruisse memoretur de arboribus à Cedro Libani vsque ad Hysopum quæ erumpit è pariete: non videtur mihi nostra designari, quæ non est exilis & minuta herba, sed aliquando spicato purpureoque flosculo in sesquipedalem magnitudinem assurgit. Quocirca Adiantum siue capillum veneris illum intellexisse interpretor, cirratis crispisque fo-

Hysopi effectus.

*Leuit. 14.
Num. 19.*

Salm. 50.

Exod. 24.

Cap. 9.

3. Reg. 4

liis, quæ nisi murorum aspergines persequitur. & quoniam rutæ foliis affinis est, hanc Belgæ *Steenruyte* vocant, hoc est, murariam rutam. Huic *Trichomanes* affinis iisdem semper locis proueniens, quæ recto stilo eoque iunceo assurgit medij digiti longitudine, foliis minutis, utroque latere distincta serie concinnoque ordine digestis, virore perenne, utraq; herba eodem habet effectus, atque ut Hyssopus tussiculosis & anhelantibus, pulmonisque vitiis medetur. Vocantur autem nunc polytrichi nomine nunc callitrichi, ab effectu, quo capillum confirmant, & nigredine imbuunt, illumque crispum & densum perficiunt. Quoniam itaque exiguus est humilisque fruticulus, vix palmari altitudine, atque è parietinis erumpit, hunc pro Hyssopo designari arbitror. Nam hic illius dicti sensus est, A celsissima quauis arbore ad minutissimam herbam quæ parietinis innascitur, omnia illum exactissime habuisse explorata.

DE ARVNDINE QUÆ GRÆCIS CALAMUS, Belgicè Riet vocatur, eiusque differentiis, de lino, stipula, quisquiliis & plerisque aliis ex quibus similitudines desumuntur.

CAPVT XXVII.



ARVNDINIS plures sunt differentiarum. vna species est leuore perpolita, enodis, nullisque distincta geniculis aut internodiis, quæ Typha palustris vocatur, qualis Christo pro sceptro regali in manum tradita, in affectati regni ludibrium. Est huic stirpi sceptri regalis aut imperatorij forma cuius

Matt. 27.
Typha pa-
lustris
quid.

cacu-

men duarū ferè palmarum altitudine, ac crassitudine pollicari, densa compactaque lanugine stipatur, quam si manu aut digitis demulceas, holosericum aut villosam quandam congeriem contrectare te credas, quæ tamen post dies aliquot dissoluitur in pappos, atque in diffusam lanuginē euanescit. Alia in locis humectis atque irriguis passim conspicitur, quæ *Canna palustris* *Canna palustris.* aut *Donax* vocatur, culmo geniculato, terete, fistuloso, lanuginosa in cacumine congerie, eaq. diffusa non compacta. Scatet hac passim vrbana fossæ quæ moenia ambitu muniunt, & in pomeriis paludosa loca ac stagnantia. Plebecula apud nos æstiuus mensibus radicem huius stirpis certatim eruit, quod habeat esculenti quiddam non sine nauseosa quadam dulcedine, quæ qualitas efficit vt apostemata ad suppurationem perducant, ac spicula spinasque atq. aculeos corpori infixos extra hat. Quoniam autem arundo nutanti est cacumine, auraque leuissima hinc inde impellitur, ob id illi assimulantur inconstantes, mobiles, lubrici, vacillantes, volubiles, & qui in dictis factisque, atque in omni vitæ actione non satis sibi constant, aut in sententia firmiter persistunt, nempe arundine magis volubiles. A quo vitio quum Ioannes Baptista esset alienissimus, *Luc. 7.* Christus in laudem eius constantia, & quod illius doctrina ac de Messia testimonium veritati forent consentanea, prolixam concionem habuit, qua persuasum esse voluit promiscuæ multitudini, illum arundini vè to agitatæ prorsus dissimilem, vt qui nusquam vacillet, aut aliud stans aliud sedens loquatur, vel leui momento à paulò ante probata sententia dimoueatur, sed constantem esse, stabilem, veracem, & cuius verbis nulla subsit vel leuitatis vel constantia suspicio. quocirca æquum esse, vt quiuis magnificè de tanto præ-

Arundinis radix esculenta.

Christi de Ioanne præconiū.

cone sentiat ac loquatur, illūque non ex vulgata hominum opinione, sed ex rei veritate estimet. Ceterum ut reliqua persequar, ex Arundinis conditione desumitur Prouerbiū, *Scipioni vel baculo arundineo inniti*, de eo qui spem suam ac fiduciā collocat in illo qui non solum nō fulcit aut præsidiū est, sed etiam nocet ac detrimenta infert. Eadem vtitur Metaphora Esaia teste Rapsaces in obsidione Hierosolymæ, qua inuitum Deoque fidentem Ezechix regis animum labefactare vtitur, omnibūque machinis ac minis ac deductionem sollicitare. Apud Ezechielem quoque Dominus eadem vsus similitudine insultat regi Aegypti, illique internecionem minatur. Quum enim Israelitas illius præsidiū innixos fulcire studuit, *ipse velut baculus arundineus confractus*, & sibi vulnus inflixit, & illos scedē lacerauit, lateribus humerisque vndique dissolutis ac perforatis. Quo indicat omnes illorum vires attritas & collapsas esse, omnēque belli robur conuulsum & dissipatum. Sic enim Deus, ut Dauid testatur, increpat feras arūdines, hoc est hastatos ac lanceis armatos milites conuellit, labefactat, prosternit ac decit, Metaphora desumpta à longis firmisque arundinibus, quales etiam brachij crassitudine spectamus, quas in acie vibrare solent, atque eminus cuspidem hosti obicere: quod nunc Turcas in Palestina factitare audio ab iis qui ea loca religionis ergo frequentant. Similem cladem Deus stirpi Hieroboam intulit, atque Israelitas idolorum cultui deditos concussit more nutantis in aqua arundinis, eosque euulsit è terra vberē & foecunda quam à progenitoribus Dei munere erant consequuti. Quo designat illos ad nihilum redactos, atque opibus, potentia, honore, dignitate spoliatos. Ut autem Deus desumpta ab arundine similitudine,

he, inani fiducia inflatos, & qui rebus caducis & momentaneis innituntur, nonnunquam conuellit & deiicit: Sic ediuerso fragiles, imbecilles, pusillanimos, vacillantes, mœstos erigit, consolatur, fulcit, animúmque; *Esaia 42*
 ægrotum ac labantem salubri doctrina fouet, instaurat, reficit. Quo referri debet insigne illud vaticinium *Lucæ 1*
 apud Esaïam de Christi lenitate & mäsuetudine, quæ *Cap. 42*
 afflicta quasque mentes in spem salutis erigit. *Mal. 21*
Esauus meus quem elegi, dilectus meus in quo sibi complacuit anima mea. Ponam spiritum meum super illum, & iudicium gentibus annuntiabit, non contendit neque clamabit, neque audiet quisquam in plateis vocem eius, arundinem comminutam non confringet, & linum fumigans non extinguet, non erit tristis nec turbulentus, & in nomine illius gentes sperabunt. Duabus hisce metaphoris nempe Arundinis conquassatæ seu contracti Calami, & lini fumigantis declarat, quanta Christus *Esaia 61*
 erga contritas afflictaque mentes mansuetudine & clementia, quàm salubri doctrina in ruinam inclinat, erigit, labentes fulciat, mœrentes soletur, imbecilles & vacillantes in fide instauret, & si quid aliunde accesserit damni atque incommodi refarciat, adeo ut plagas menti illatas leniter tractet & placidè, nihil agat *Esaia locutus explicatus.*
 vi, minis, terrore, sæuitia ut nonnulli feroci & turbulento ingenio, qui lapsos sublata omni resipiscentiæ spe, sæuius tractant, quàm mansuetudo Christiana exigit. Similiter nec linum fumigans extinguet.

Quæ similitudo desumitur à lychno pensili, siue e-lychnio, vel stupa, vulgo *Lement*, quod oleo imbutum flammam alit nonnunquam subobscuram, & fumidam minúsque luminosam, ubi vel pinguedo desit, vel parcius illa fouetur. itaque hac compara-

tione designat fidem modicam, debilem, vacillantē, inclinatam, quæ tamen non p̄ rorsus extincta sopitæque est, licet aliquando sit extinctioni proxima. quam Christus, & quisquis eius ministerio fungitur, nec extinguit, nec opprimit, sed tantisper dum aliqua pietatis scintilla emicet, & subsit mēti vel exiguus igniculus, nutrit, fouet, exuscitat, atque animum Spiritus sancti flabello accendit & illustrat, vt discussa omni caligine, lumen fidei & pietatis perspicuè eluceat ac longe latēque in vsum proximi se diffundat. Ita autem Deus doctrinam suam quæ est velut fomentum animæ, mentisque pabulum, temperat & moderatur, ne quis nimia seueritate possit ab instituta professione resilire, atque ab Ecclesia alienari, nec etiam lenitate & mansuetudine nimia, tanquā molli educatione corrumpi, ac seueritate quadam oscitante ac supina ad omnem virtutem obtorpescere. Siquidem iudicii seueritate in officio continentur impij, imbecilles lenitate & mansuetudine. Sic in Euangelio quo cuique salus denunciatur. *Dulcia permixta amaris*, hoc est, consolationes minis, & amara dulcibus, hoc est, minæ consolatione mitigatæ. Per fumum & vaporem nebulas: per scenum festucas, paleas, stipulas, fauillas, pulueres, quisquilias, aliæque reiectamenta designantur in Bibliis quum homines, tum res viles, leues, inanes, futiles, minutæ, nihili, nauci, nulliusque momenti vel pretij, & quæ plus detrimenti, quàm commodi adferunt. Ex his variæ & multiplices similitudines à sacris scriptoribus sumuntur, quibus narrationes suas exornāt. Sic Deus impios vt paleas dissipādos pronunciat, exurendos vt stipulas, vt puluerulenta quæque discutiēdos, vt quisquilias aliæque ventiludibria dispellendos.

Quò spectat illa apud Iob sententia. *Lucerna impio-*

*Doctrina
Christi
quid mēti
præstet.*

*Quisqui-
liæ quid
designet.*

*Psalm. 1.
Esaiæ 17*

Cap. 21.

rum extinguetur, hoc est splendor eorum, gloria, honor, decus, magnificentia obscurabitur & exolefcet. Et erunt improbi velut paleæ ante faciem venti, & sicut fauilla quam turbo dispergit, hoc est, repentino funditus comminuentur. Sic Esaïas tritrandos pronunciat Moabitas, & quicumque Dei verbo obsistunt, vt teri solent paleæ in plauastro, & non minore negotio absumuntur, quàm ignis deurit stipulam aridam. Non minus atrocia minatur iis quibus consuetudo peccandi in naturam abiit, & vitiis suis iam domesticis atq; assuetis occaluerunt. Si mutare potest Aetiops pellē suam & pardus varietates suas, hoc est, tegmē maculosum illi natiuum, & vos poterit benefacere quum malis estis assueti. Quocirca ego vos dissipabo tanquam stipulam quę vento rapitur in deserto. Simili clade perituros denunciat apud Esaïam illos qui cultus adulterinos stabiliant, & omne pręsidium ac fiduciam in idolis constituunt: Eritis, inquit, sicut quercus defluentibus foliis, & sicut hortus absque aqua. Et erit fortitudo vęstra, hoc est, Deus ille ficulneus, cui innixi estis, vt fauilla stupe, & opus vęstrum quasi scintilla, & succendetur vtrumq; simul, nec erit qui extinguat, hoc est, Omnis illa pompa ac spectaculum fictę religionis abolebitur incendio, vt purgamenta lini & stupea congeries accęsa face deflagrant. Cæterum vt reliqua persequar, Amos propheta acriter insectatur negociatores frumentarios, quod quum granaria habeant onusta frugibus, in annonę penuria famelicam turbam deglubūt, ac præter stateras dolosas, trutinamque accisam ac parum æquā qua populares defraudant, tenui plebeculę pro sincero tritico quisquiliās, paleas, glumam, acus, hoc est, peripsemata seu purgamenta fursuribus deteriora obtrudunt, ac carius diuendunt ac fallaci astu, inopia reddunt sibi oberatos atque obnoxios, vt non liceat alio

diuerſi, etiamſi merces vilis proſtent. Quoniam nemo debitorum Græca fide, hoc eſt, prompta numerataque pecunia emptionem cum creditoribus tranſigit. Quod ſi cui libeat hanc prophetæ Satyræ excutere, quam contra hos inſtruit, qui plus nimio quæſtui inhiant, magnoque inopum detrimento præcia rerum intendunt dilucidè perſpecturus eſt, quàm graphicè atque ad viuū noſtræ ætatis homines ſuis coloribus depingat, & quid Deus illis minetur, qui pauperes abſorbent, atque egeſtate oppreſſis victum vitæque ſubſidia ſubtrahunt. Verùm iis miſſis, ſermonem referamus ad Metaphoras, quæ ex inutili ac volatili hac cōgerie deſumuntur ad illuſtrandas res veras ac ſolidas. Deus quum apud Hieremiam verbum ac doctrinam ſuam cum primis ſalutarem, efficaciffimam in erigendis paſcendiſque famelicis mentibus prædices tritico illam comparat, quod ſolidum alimentum corpori præſtat, vt illa animæ doctrinam verò inanem ſuperſtitioſam, adulterinam, fucatam, inſtabilem, fallacem, noxiam infrugiferam ſomno ac paleis, *Quid tritico*, inquit, *cum ſtramentis & paleis*, hoc eſt, quid vanitati cū veritate? quid ſomno inani ac fallaci cum re vera, certa & indubitata? quid denſiſſimis tenebris cum clariffima Euangelij luce? Paleæ etiam metaphora Ioannes Chriſti præco vitur quum acriter inſtigat ſocordes ad amplectendam ſalutem. adeſſe enim Meſſiam qui accepto in manu vtilibro, *expurgabit aream ſuam, & congregabit triticum ſuum in horreum: paleas verò exuret igni extingibili* Quibus verbis indicat pios recipiendos in æterna tabernacula poſt exactos huius æui labores: impios verò æternis incendiis deſtinandos. Vt autem Ioannes magna ſeueritate commonefacit populum officiij ſui, & hortatur ad reſipiſcentiam adhibitis

2. Cap. 6.

Mat. 3.

Simile à
tritico &
paleis.

hibitis parabolis de securi arbori admota mox excindenda de secernendo tritico à paleis: ita Christus *Matt. 7.* cui semper fuit odiosa ac detestabilis hypocrisis, hoc est simulata sanctimonie species, fictaque pietatis umbra, adducta trabis & festucae similitudine, acriter castigat illos qui plus nimio sunt oculati in alienis vitiis ac minutissimos errores curiosius observant, eosque exaggerant in immensum, quum vitiis suis maxime blandiantur, eaque ita extenuent, ut in nihilum recidere partiantur. Quo autem huiusmodi vitiosi affectus & complures alij, nempe phantasia, hoc est cæcus amor, suique fiducia & fastus arrogantia animi elatio, proximi despectus odium, ira, vindictæ cupiditas hominum animis eximantur, sacri vates ac sapientie professores mentes illorum ad modestiam suique cognitionem ac naturæ notitiam reuocant, ut observare condiscant æui huius brevitatem, & quam sit inanis, fugax, fragilis, caduca, evanida vita mortalium: & quum innumeris malis exposita, tum angustis arctisque finibus terminata, breuissimis spatiis circumscripta, sic ut ab his appositè spiritus ipsaque vita quæ homo subsistit, somnium censeatur fumus, vapor, halitus qui confestim evanescit, atque in aëra diffunditur, umbra, bulla fœnum & herba cito arescens, flos & folium mox deciduum & *Iacob. 4. Psal. 36. 67. 101.* ut Iob ait, ventus qui per aëra voluitur, Quibus metaphoris designant sacri vates gloriam, decus, magnificentiam, & quidquid est humanæ sapientie, quidquid fortitudinis & prudentie, vanum esse, fluxum caducum, *103. Iob. 8. 14. 13. 7.* ruinofum, nisi stabili atque æterno Dei verbo fulciatur, nisi cœlesti virtute sustentetur. Hæc omnia scripturæ testimoniis abunde stabiliri possent, sed opus *Esa. 9. 45. Osee. 13. Esa. 40. Iacob. 1. 1. Pet. 1. Eccle. 1. 1.* in immensum cresceret. Quocirca quædam in margine designasse sufficiat, quæ studioso auidoque le-

tori, si perquirere velit, omnium specimen sunt exhibitura.

DE CUCUMERE ET PLERISQUE ALIJS herbis quarum in Bibliis fit mentio.

CAPVT XXVIII.



CUCUMIS vel cucumer notior est, quàm vt describi debeat. Hunc autem & pleràsque alias herbas Hebræis atq; Aegyptiis fuisse vsui Bibliorum historia commonstrat. Quum enim Mosès vexaretur a populo Israelitico, ac vulgus proniscuum flagraret desiderio carniū: *Quis, inquit, dabit nobis carnes ad edendum?* recordamur piscium quos in Aegypto comedimus. In mentem venerunt cucumeres, pepones, porri, cæpe, & allia. Istis autem non solum plebeij vtuntur, sed etiam patritij partim in obsoniis & condimentis, partim in acetariis cum oleo, aceto & pipere ad acuendam cibi auiditatem. Erexerunt olim in vinetis & cucumerariis casas & tuguriola, quod etiam hodie Galli & Belgæ faciunt, in quibus custodes excubabant, ne quis alienos prouentus inuaderet. peracta autem videmia, ac sublati cucumerum acernis, subducebant se excubitores, ac gurgustia deseruerūt, nullaque amplius conspecta hominum frequentia. Ab hac solitudine desumit similitudinem Esaïas contra Hierusalem, quam pronunciat desolandam ac redigendam in vastitatem, vt vix tenue vestigium supersit futura sit velut in deserto vineto & cucumerario tugurium vacuum. *Et erit, inquit, filia Sion, vt umbraculum in vinea, & sicut tugurium in cucumerario, & sicut ciuitas obsessa quæ vastatur*, Baruch autem statuas, delubra

Exod. 11.

Cap. X.

lubra & simulacra idolorum non plus terroris incutere ait, quàm tugurium in cucumerario. Nam quale est, inquit, formido aut terriculamentum in cucumerario nihil custodiens: Tales sunt istorum Dij lignei, aurei & argentei, aut qualis est in horto Rhamus aut spina alba cui auicula insident. Alludit ad Priapi statuam quæ in hortis collocari solet ad abigendos terrendosque nocturnos fures. Quod huiusmodi versibus indicat Horatius qui Baruch verbis prorsus consonat, ac pari irrisione vulgi superstitionem exagitat.

Olim truncus erat ficulnus, inutile lignum,
 Quum faber incertus, scamnum faceretne Priapum
 Maluit esse Deum: Deus inde ego furum auiumq;
 Maxima formido nam fures dextra coercet,
 Obscenôq; rubet porrectus ab inguine palas.
 Ast importunas volucres in vertice arundo
 Terret fixa, vetatq; nouis considere in hortis.

DE IUNIPERO.

CAP. XXIX.



VT Cucurbita umbraculum & velut opus topiarium Ionæ præbuit, atque à Solis æstu liberauit: Sic iuniperus Helia^{Cap. 4.} ex itinere lasso ac defatigato umbram^{3. Reg. 19.} exhibuit. Quum enim vates hic profugus cessisset furori Iesabelis, ac loca deserta peragraret, sub quadam Iunipero resedit. Hoc siquidem arbutum quum densius frutificetur, ad arcendum solis calorem non est incommodum. Quocirca mæsto & delassato fuit is secessus molesti itineris solatiū, quum autem his paululum respirat inædia tædiôque confe-

*Helias
profugus.*

Etus, finem vitæ sibi imponi cupit. Cæterum quum
somnia (vt sic constitutis assolet) obreperet, ac ille pau-
lulum obdormisceret, ecce aderat genius, & illum ad
cibum capiendum inuitauit, oblato pane cinericeo,
& aquæ poculo, quo refocillatus rursus iter ingressus
prouenit ad montem Oreb in cuius spelunca noctem
illam secure pereggit tutus ab insidiis illorum qui furi-
bundæ mulieris mandato Dei prophetas ad mortem
rapiebant. Quæ documento cuique esse debet, Deum
in vitæ huius stadio miris modis suos exercere, verum
non prorsus destituere, quos tametsi calamitatibus
premi patiatur, nonnunquam tamen illos opprimi su-
stinet. Job quum ex tanto opulentia & felicitatis gra-
du in extremas calamitates esset deiectus, deplorat se
irrideri ac subfannari à sordidis infimæque fortis ho-
muncionibus, qui præ egestate atque alimenti inopia
victum in syluis venabantur, ac Iuniperi rubique bac-
cis, atque herbarum radicibus famem sedabant, vt con-
spicimus hodie validos vagosque nebulones, quos no-
stri à liguriendis ollis (nam encenia festaque Genialia
passim consecretantur) *Pot boenen* vocant, radices Irin-
giorum, dauci, pastinacæ syluestris eruere, atque aci-
nos rubique mora ex sentibus & virgultis decerpere.

Cap. 30.

DE LABRUSCA.

CAP. XXX.



LABRUSCA vitis est sylvestris, v-
uam proferens gustatu per acerbam,
quæ non maturefcit. Hunc fructum quo-
niam nihil gratû palato proferat, Deus
moribus & naturæ hominum deprauatæ
apud

apud Eſaiam accommodat. Quum enim formandis Cap. 5.
 colendiſque Iudæorum mentibus nihil non operæ,
 nihil non laboris impēdiſſet, omnis labor & induſtria
 fruſtra inſumpta eſt. Quantumuis enim ſtudioſè atq;
 accuratè vineam ſuam excoluerit, nihil effectum eſt,
 nec vuas vllas ſapidas produxit, ſed labruſcas, hoc eſt,
 acerbas & immaturas vuas. expeſtauit ex tam diligen
 ti cultura iudicium, æquitatem, mores inculpatos, vi
 tæ, integritatem, gratitudinem erga tam ſedulum atq;
 induſtrium cultorem: ſed vice verſa, prolata ſunt acer
 biſſima quæque, iniquitas iniuſtitia, virtutum negle
 ctus, odium, ira, indignatio, ingratiſſimo erga tam mu
 nificum animi mentisſque cultorem: Eandem vocem Eſaiæ. 17.
 accommodat impiis quibus Deus in obliuionem &
 contemptum deuenit, quorum irritum fore conatum
 indicat, ac fruſtra illos laborem inſumpturos excolen
 dis vineis, Sic in die, inquit, plantationis tuæ labruſca
 proueniet. plantabis plantationem amœnam, ſed ger
 men alienum conſeres, hoc eſt, tamenſi amœna plâta
 ria humo commiſeris ex generoſa vite deſumpta, ſic
 vt omnia tibi ſpem optimam polliceantur opimę vin
 demię, vbi aduentare incipiet maturitatis tempus,
 pro ſuauiſſimo fruſtu labruſcas percipies. Similiter in
 ſegete quæ maturius ad meſſem deueniſſe tibi videbi
 tur, peribit tibi ſperatæ annonæ prouentus. eo ſiqui
 dem die quo demetendæ erunt fruges, ac meſſi inſi
 ſtendum, alieni ſubito irruent ac depopulabuntur ſe
 getem, nec quidquam in horrea conuehes eorum qui
 bus tam ſedulam curam impenderis. De his paulò fu
 ſius ſuperius quædam enarrata ſunt.

DE MENTHA, RVTA, ANETHO, CVMINO, quæ Christus parabolis adhibet in insectanda Pharisæorum auaritia, & fucata Religionis sanctimonia.

CAP. XXXI.



Herbarum istarum in crebro usu sunt apud omnes quum plebeios tum patricos, ac passim in compitis & triuiis prostant venales. Quoniam autem holitores visi sunt aliquem quæstum ex iis consequi, Pharisæi decimarum exactiõibus etiam hæc grauare ceperunt, atque aliquid lucri ex iis corradere. Quocirca cum CHRISTO inuisa esset simulata Religionis species, atque auaritia Scribarum detestabilis & odiosa, insectatur illos acriter & seuerè, qui omnia ad compendium suum rapiunt, ac minutissima quæque consecantur, quum illa quæ multum habent momenti ad summam pietatem & in quibus consistit columen Religionis, negligant, nec ad ea magnopere sint intenti. Sic in extorquendis decimis adeo sunt supersticiosi, ut è vulgaribus holeribus mentha & anetho quæ Belgis *Dil* vocatur, decimas exigant, quum pro nihilo dicant iudicium, misericordiam, fidem, quæ virtutes illos commonefaciant, ne quem afficiant iniuria, ut egenis subueniant, ne quem fallant periurio, sed cuique fidem seruent. itaque iis neglectis quæ sunt in Religionis præcipua, suum negotium agunt, suumque quæstum ac commodum plus satis spectant: in maximis cæcutientes, in minimis mirè oculati.

DE SINAPIS VI ET NATVRA, CUI fides ac Dei verbum comparantur.

CAPTT XXXII.



Vò omnibus innotescat ac persuasum sit, quàm salutaris sit doctrina Evangelica, quæ mentes hominum, in Deum eiusq; notitiam erigit, ac fide solida, imbuuit Christus multis variisque parabolis ex rebus passim obuiis desumptis nulli non mortalium ad hanc amplectendam autor est & instigator. Comparat autem regnum cœlorum, hoc est, doctrinam Evangelicam quæ fidem alit ac fouet semini margaritis, fermento fagenæ, siue ferriculo, grano Sinapis minuto quidem illi & exili, sed quod vi efficaci & adurente torpentem linguam vellicet ac palato languescenti saporem gratum excitet: Sic omnes nationes huius semine cōminuto, attritōque manuarum vel trusatili mola affuso aceto vel omphacio cōdimenti vice vtuntur. Quēadmodū autē Sinapis minutissimū semē solo cōmissum vbi adoleuit in stupendā proceritatem assurgit, ac longē latēque ramos diffundit adeo vt alitibus & umbraculum & nidulandi commoditatem præbeat: ita verbū Dei & fides minimē otiosa tametsi in speciem humilis videtur & exilis, se tamen sensim propagat, atque vt fructifera frondosaque arbor, vires, incrementa suscipit. Rursus vt Sinapismus, hoc est, cataplasma ex contuso sinapis semine, membris stupidis vel letargo, vertigine, apoplexiā paralyti epilepsia oppressis motum sensumque excitat, atque in hūlcerata non nihil cute, sanitati restituit. ita fides Dei verbo fulta stupidas torpentesque mentes erigit, & instaurat, atque ad omnia pietatis officia agiles reddit & expeditas. Quocirca ardor & acrimonia. Sinapis, saporq; feruidus & ignitus, qui non sine nariū vellicatione lachrymas elicit, ac caput sternutamento

Math. 13.

Luc. 13.

et 17.

Marc. 4.

Par effe-
ctus verbo
Dei & si-
napi.

à pituita expurgat, appositè verbo Dei assimilatur, quod etiam mentes concutit, vrit & inflamat, atque animos languidos & oscitantes ad pietatis studia incitat atque accendit, & nonnunquam pœnitentię lachrymas extundit. Quum sollicitudinem ac curam rerum terrenarum, quæ ferè discrucari solent anxix mentes, *Matth. 6.* Christus animis hominum eximit, lilia nos contemplari vult non hortensia quibus cultus adhiberi solet, sed agrestia ac sponte nata. Itaque horum exemplo in munifici patris fiduciam nos excitat, qui nobis de pabulo & com meatu affluenter prospicit, vt alitibus: de victu, de nitore cultuq; vestium, vt liliis agri, quæ tam nitidè tamque operosè exculta sunt, vt ne Solomon quidem Regum amplissimus conspici potuerit vel cultior vel ornatior etiam quum in summo splendore esset constitutus. Quamobrem Christus summo studio inhiare nos vult doctrinæ Euangelicæ, ac rerum cœlestium contemplationi insistere, adeo vt nihil nobis defuturum polliceatur earum rerum quæ in hac fragili vita & caduca necessariæ sunt, vt etiam vltro ac spontanea Dei liberalitate sint accessuræ.

DE HEDERA QUÆ ARBORIBVS AC
parietibus tenaci amplexu adhæret.

CAPVT XXXIII.

Cap. 4.



HEDERA quæ Ionæ prophete aduersus Solis æstum vmbra culum præbuit (quanquam alij Cucurbitam satis appositè verterunt) ab hærendo nomen sortita est: quod natura sit sequaci, omnibusque se affigat. Hinc Persius.

Hilico-

Heliconidâsq; & pallidam Pirinen.

*In proa-
mio.*

Illis relinquo, quorum imagines lambunt

Hedera sequaces.

Quum autem hæc arbor Baccho poetarum præfidi sit *Hedera*
consecrata, ut olea Mineræ, ob id poetæ hac coronari *Baccho sa-
cra.*
solent quemadmodum lauro victores.

Sic Virgilius,

Pastores hedera crescentem ornate poetam.

Et quum Augustum orbis domitorem suo poemate *Ecloga 7.*
celebraret, allegoricos petit suo quoque carmini lo-
cum esse inter eius triumphos, ac patiatur hedera *Laurus*
qua poetæ exornari solent, inter lauros Imperato- *Victorie*
ribus victoriosis dicatas, nonnullum locum obti- *sacra.*
nere.

At e principium, tibi desinet. accipe iussis

Ecloga 8.

Carmina cepta tuis, atq; hanc sine tempora circum

Inter victrices hedera tibi serpere lauros.

Quum autem superstitiosa gentilitas Bacchi orgia,
hoc est, sacra Liberi patris tertio quoque anno (unde
Trieterica dicta) solenni ritu celebraret, ex hac virente
fronde ferta & coronas confecit. Sic in libris Macha- *Lib. 2. Ca-*
bæorum Antiochus Iudæos coëgisse legitur, ut dete- *6.*
statis patriis legibus, contemptisq; diuinis institutis,
bacchantium more hedera redimiti orgia celebrarēt,
& qui id facere recusaret, morte plecteretur. Quod au- *Hedera*
tem hæc arbor quæperpetuo frondet, nec vnquam fo- *cur Bac-*
liis destituta est, Baccho sacra sit, hinc ortum puto, *cho sacra.*
quod ebrietati obsistat, ac discutiendis capitis dolori-
bus ex temulentia contractis sit accommoda, foliis e-
tiam aut ramusculis foris capiti admotis, sic, ut videri
possit huius arboris umbra Ionæ vati non incōmoda,
ut quæ capitis grauedinem ex estu & lassitudine con-

De re
rust.

Hedera
vino obfi-
stat.

Cucurbi-
ta.

tractam discutiat. Mira autem describitur à Catone vis & natura Hederae. Si enim poculum ex ligno eius conficiatur & vino impleatur, si id dilutum sit atque aqua mixtum, continuo vinum effluit, atque inferne per lignum diffunditur. Tanta est enim inter hæc *antipathia*, hoc est, discordia, ut alteri alteri admisceri non sustineat, sed vasculum hederaceum vinum respuat. Cæterum an hedera fuerit quæ Ionam ab ardore Solis tutata sit, & quā indignanter tu lit exarescere, radice à verme erosa, nonnulli interpretes, tum etiā Augustinus ambigit quā Cucurbita in eum usum sit accommodatior, quam vox Hebræa designare videtur, quod amplissima folia proferat, atque clauiculorum amplexu in sublime nitatur opusque topitiariū citissimè perficiat, sub quo capturae opacū frigus, atq; æstus solisque ardorem propulsare liceat. quum enim infrigidatis sit naturæ, feruido cœli statu foris corpus à colore tuetur: intus etiā atque in corpus admissa intemperiem ex æstu contractam mitigat, ut acetaria ex cucumere, milone, pepone, citrullo, lactucis, atriplice, portulaca confecta, quæ primis mensis inferri solent, atque etiam eorum nonnulla naribus admoueri, quo spiritus collapsi recreentur.

DE MORO ARBORE ET FRUCTU eius.

CAP. XXXIIII.



Orus arbor Belgicæ nationi notissima æstivis mensibus in usum refrigerandi expetita caudice est vel trunco valido, cortice ubi adoleuit, scabro, nec ullo laetore perpolito. ligno intus colore buxo & subflavo, foliis in expansæ manus modum
dis

dum dissectis, ficui non adsimilibus, fructu oblongo, ouali, granoso, primum candido, quum pubescit, rubro, maturitate nigricante arborum omnium postremo floret, nec in folia floresq; se expandit nisi ver stabile sit, quasi nolit ullam hiemis iniuriam aut aëris inclementiam perpeti, at quæ omnium primò fructum maturum & esculentum edat. Inficit Morum manus sanguinolento colore ubi maturit: eluit extergétque maculas ac næuos immaturum, hoc est, album ac nondum rubicundo colore perfusum, sic ut nihil necesse sit aquam aut quid aliud extergendis manibus adhibere, sed succum tantum mororum quæ adhuc virescunt. Fructus huius arboris salubriter expetitur in refrigerandi usum æstiuus præsertim mensibus quibus potissimum viget, idque in prima mensa atque ante cibum assumptus, nā peracto prandio aut cœna in corpus admissus putrescit, ac morbis ex corruptione excitatis seminaria ministrat, ut Cerasia, pruna, corna, persica, vuæ recentes, &c. quæ ante cibum refrigerant, sitimque sedant, ac calidam hepatis intemperiem mitigant ac reprimunt. nec verò grauati post cibum admittere soleo, modò horum fructuum succus deglutitur non admissio in corpus cartilagineo illo stamine quod à pediculo cui fructus adhærescit per morum se porrigit. sic enim vino exhilaratis fumos reprimat, ut poma succulenta, punica, arengia, limones, & mala Citrea quæ absoluto prandio hoc efficiunt, ut quis minus ebrietati succumbat, & mens illi minus fumo ac vapore vini obnubiletur. Sic enim à naturali ratione non videri possit alienum, nec valetudini contrarium quod Horatius cecinit.

*Mora
quando eē
denda.*

Ille salubres

Aetates peragit, qui nigris prandia moris

Hh j

Finit.

Alioqui si affluentius deuorantur mora, vt à lasciuiis ac petulcis puellis assolent, substituendum est, *Incipiet.* Conficitur ex mori arboribus fructu, tum ex eo qui ex Rubo colligitur medicamentum aut ἐκλεῖσμα quod *Diamoron* vocatur, reprimendis vuulæ ac tonsillarum fauciumque tumoribus aptum. Adimi autem aliquando hæc solatia ac naturæ fomenta improbis qui vel Dei munificentiam nō agnoscunt, aut eius donis abutuntur, David passim testatur, inter hæc alias quoque vitæ delicias complexus. *Consumpsit, inquit, bruchus & locusta fruges illorum, grandovites, & pruino moros eorum.* Sæpius enim contingit aëris inclementia atque in tempestiuo gelicidio florescētes vineas, moros, segetem, oleas ita confici, ut nullus prouentus ex illis percipiatur. Caterum quum in Mori mentionem incidimus, obiter enarrandum quod in Machabæorum historia scriptum est. Quum enim Antiochus Syriæ rex Iudæis esset infestus, atque omni armorum genere illos oppugnaret, duos & triginta Elephantos, in illorum dorso turribus ligneis erectis, armatoque milite instructis, in aciem produxit, & quò belluæ efferatæ in pugna essent ferociores, obiecerunt illis rubicunda velamina mororum atque vuarum rubentium succo perfusa. nam sanguinolento colore exasperantur elephantes, atque in hostem sunt atrociores maiorique impetu feruntur.

2. Mac. 6
Historia
ex libro
Machab.

Elephanti
rubro colore
effe-
rantur.

DE SYCOMORO ET CAPRIFICV.

CAP. XXXV.

Syco-



Sycomorus vtriusque partis nomen *Sycomori*
 exprimit adscito à ficu & moro non *descriptio*
 mine, Cuius fructus est Sycaminos.
 Arbor adscribitur à Dioscoride & Pli-
 nio amplissima, ficus similitudine, fo-
 liis moro proximis, quæ fructus edit ignavi gustus,
 insipidos & immaturos, quos non ramis vt ficus,
 sed caudice ipse gerit, caprificis similes, & qui non
 maturescunt, dulciores tamen præmaturis ficubus
 quas *Crossulos* vocant, nulla intus granorum con-
 gerie. Præbuit hæc arbor Zachæo qui Christi vi-
 dendi erat avidus, suggestum. quum enim statu-
 ra pusillus esset, in Sycomorum se subduxit, velut
 procul à sordidis ac caducis rebus, vt illi Iesus esset
 conspicuus, sic vt in Zachæo typus sit expressus gen-
 tium, quibus fastus est aditus in cœtum confessum-
 que fidelium per fidem in Christum, cuius quanta sit
 vis & efficacia, ficus arefactæ portetofum ostentum
 declarat, cuius exemplo Christus exstimulat Apo-
 stolos, vt illam in mentibus suis foueant, eaque pol-
 licetur tantum accessurum roboris & potentiæ, vt si
 Sycomoro imperent vt eradicetur, & in mare se trās-
 ferat, illorum iussis obsequuntur: tum etiā, si visum
 sit, montem loco dimouere, atque id exigat profectus
 Euangelij, confestim atque absque mora perficiet
 quod facere iussus est, modo adsit in Deum fides mi-
 nimè vacillans, eamque vim habeat quam granum
 Sinapis: quod tametsi minutum sit, tamen attritum
 exerit acrimoniam suam, ac nares vellicat, to-
 tumque corpus excitato sternutamento concutit:
 itaque appositè fides & doctrina Euangelica huic gra-
 no comparatur, quod mentem hominis inflammet,

Luc. 19

Matt. 21.

Lucæ 17.

Mat. 17.

Marc II.

Lucæ 13.

Cap. 9.

atque in Dei amorem ac venerationem rapiat, qua de re superius. Cæterum vt ad Sicomorum oratio recur-
 rat, Esaias acriter insurgit in populum Ephraim & Sa-
 mariaë incolas, quòd superbo atq; elato animo Deo
 insultarent atque illuderent. Quum enim illos cladib.
 ac calamitatibus afficeret quò ad resipiscientiam reuo-
 caret, contemptui illis fuit Dei manus, & pro ludibrio
 habita: sic vt nihilo facti sint emendatiores, vt pueri
 insolentiores qui à parente flagris cæsi, obstinatè per-
 sistunt ac se deteriora facturos pollicentur. Quum au-
 tem plagæ illos ad sanio rem mentem reuocare debe-
 rent, facti sunt obstinatiores, magisque præfracti, cal-
 citrosi, refractarij. Sic enim allegoricòs ac figurata lo-
 cutione ludibrio habent illatas clades incēdia, ruinas
 ædibus suis immissas: *Lateres ceciderunt & collapsi
 sunt quadrato lapide eoque expolito ædificabimus. Syco-
 mori succisæ sunt, Cedros substituemus.* quasi diceret, E-
 xiguum est, nulliusq; momenti damnum ac detrimē-
 tum quod perpeffi sumus minimo negotio paruisque
 sumptibus refarcietur: imò omnia magnificentius in-
 staurabūtur ac spectabilius. pro lateritiis marmoreas
 ædes erigemus. pro Sycomoro hoc est, vulgari passiq;
 obuio ligno Cedrina laquearia erigemus, omniāq; o-
 perosius perfici curabimus. Quamobrè quum obsur-
 descerent ad Dei vellicationem ac monita, omniāque
 illis essent non sine irrisione despicata, Deus irritatus
 scelerum continuatione, extenta manu atrociora illis
 inferre meditatur, quod moniti atque acerbi castigati
 non referrent pedē, atque ad percussorē confugerent.
 Huius arboris mentio etiam fit apud prophetā Amos
 qui quum neq; propheta esset, nec ex propheta oriū-
 dus, nullisq; artibus liberalibus institutus, sed rustica-
 nis negotiis ac pastoralis vitæ assuetus, adscitus est à
 Deo

Esaiæ lo-
 cus expli-
 catus.

Cap. 7.

Deo in prophetici muneris functionem, illique mandatum est, vt contra Hieroboam Regem & Amasiam Sacerdotem horrendum vaticinium fulminaret. cuius conatibus quum obsisteret Amasias, Amos primum excusatione se purgat, quò cogatur hanc functionem obire, tametsi nec propheta sit, nec prophetici institutis ab incunabulis imbutus. Quocirca quum hoc omnis illi à Deo sit impositum, illi potius quàm Regi & Sacerdoti obsequendum. Amasias instat & suadet, ne pergat vaticinium in Regem proferre, sed in Iudæam se subducatur extra Israeliticos limites, suæque vitæ fuga consulat, ne illum ad vincula, mox ad supplicia rapi cõtingat. Amos exertè ac palam vocationem suam tuetur, nec in animo sibi esse testatur vt eam deserat, aut ab imperata legatione sit discessurus. Itaq; Amos ingenuè fatetur se non esse prophetam, nec prophetæ filium, sed armentarium seu bubulcum aut pecuariũ qui Sycomoros vellicet, hoc est, Caprificos decerpit & colligat. *Verum abduxit me (inquit) Dominus Deus* (quemadmodum etiam Dauid de post fœtantes ad regni solium euectus *quum sequeretur gregem, & dixit ad me: Vade propheta ad populum meum Israeliticum.* Itaq; neglecto Regis & Amasie Sacerdotis mandato vaticinium suum liberè exequitur, atque vtriq; internecionem denunciat. Qua fiducia etiam vsi sunt Apostoli, quum interdictum illis esset à Phariseis, additis minis ne omnino loquerentur neque docerent de nomine I E S V. Petrus enim & Ioannes confidenter, sed citra contumeliam responderunt, An iustum sit in conspectu Dei vestris potius iussis obtemperare, quàm Dei vos qui legis præcepta tenetis, iudicate. non enim possumus quæ vidimus & audiuius, non loqui.

*Amosi
locus explicatus.*

Psalm. 77.

Act. 4.

CAP. XXXVI.



Malus Punica à Punica Carthaginensi regione, & à corticis colore nomen obtinet *Granata*, quòd mala rubentibus granis scateant. In illa Hispaniæ parte quæ *Betica* dicitur, nunc *Granata* à Mauritantis aorum nostrorum memoria occupata, (nam illos Ferdinandus Arragonum rex expulit) frequentissima. Arbor est non admodum procera, folio angusto nitidi læuioris expolitique viroris, flore qui Citinus puniceo, siluestri qui Balaustium dicitur, rubicundo, pomo quod duro cortice seu tegmine aut putamine coriaceo integitur, *Sydion* Græci, *malicorium* Latini vocant, perficiendis coriis idonea astrictiōis ratione, & quod atro colore illa inficiat, granis intus exuberantissimi ruboris, succulentis, & angulosi numerosa cōgerie arctissime in se compactis, aut velut septis aut loculis, tenuique ac flauescenti intus membrana distinctis, sapore aliquando dulci, mitigandę siti idoneo aliquando acido ac vinoso hepatis refrigerando accommodo, & quum astrictiōis sit particeps, cohibendis, cruentis ac dissentericis fluxionibus. Sistunt enim acida dysenterie apta. da poma omnium profluuia, ac partem affectam corroborant. Mali Punici in sacris Bibliis frequens mentio, eoque designatur decus & ornamentum virtutis, vitæque integritas, tum etiam dulcia, puraque ac casta eloquia. Sic Spōsus cōuocās spōsam suā, ac blādimētis verborumq; lenociniis alliciēs, *Dabo tibi*, inquit, *poculum ex vino condito*, hoc est, aromatibus cōfecto, quale nostrū *Hypocraticū mustū*, hoc est, succū suauem mali Punici

Arboris
mali punici
descriptio.

Granata
acida dys
senterie
apta.

Cant. 8.

recēter exprellum quo nihil palato gratius: hoc est, re-
 focillabo te suauissimo meo colloquio, reficiam te sa-
 lubri doctrina, & spiritali computatione te exhilara-
 bo. Rursus alio capite. Quum Spōsus incredibili amo- Cap. 4.
 re sponsam amplectatur, hoc est, mirē afficiatur erga
 Ecclesiam suam Christus, cui Sponsæ aspectus, oculi,
 genæ, palpebrę sint visu gratissimæ, *Vt fragmen inquit,*
mali Punici, ita & genia tuæ, hoc est, Sicut dimidiatus
 cortex mali granati cōfracti aut dissecti, qui fragrātis-
 simi ruboris grana spectāda exhibet, sic malæ tuæ quę
 nō enormiter extumescūt, aut sunt inflatę aut indeco-
 rē protuberāt, sed decenter cōstitutæ, amabili ac gra-
 tioso rubore perfusæ. Quo castitas designatur, mode-
 stia, pudor, probitas, quibus rubicundus color attribui-
 tur. Deinde paulò inferiūs, *Emissiones tuæ* siue propa-
 gines, aut *plantaria tuæ, paradisus malorum Punicorum,*
cum pomorum fructibus aliisque fragrantissimis herbis
 quæ quòd proximè assistant, omnia efficiunt suauiora,
 magisque odorata. Quibus designat gratissima quæq;
 omniāq; mentis solatia, ac fomenta quæ nunquam sa-
 tiant, & quibus animus maximè reficitur. Quum au-
 tem in hoc Cantico Sponsus & Sponsa singulis ferē
 momentis vltro citròque suauissimo colloquio se re-
 ficiant, quo languorem qui amoris ipse solet, excu-
 tiant, alter alteram identidem ad inuisendos hortos
 inuitat, quò spectent an vineæ florescant, an mala Pu- Cap. 6. 7.
 nica germinare incipiant, an aliqua ex floribus oble-
 ctamenta possint concipere. non enim patitur alter ab
 alterius amplexu se diuelli, sed indiuisè sibi mutuò
 adhærere cupiunt, atque alter alterius suauissimo col-
 loquio ac consuetudine frui. Quoniam autem mala
 Punica seu *granata* miris modis oculis blandiuntur, ac Ecod. 28.
 gustum saporémq; suauissimū salubris succi exhibēt, 9.

3. Reg. 7. ideo Deus præcipit ad horum similitudinem confici
 4. Reg. 25 orbiculata poma, ac tintinabula foraminosa in for-
 2. Para. 3. mam mali Punici, in quibus se spectandum exhibet ru-
 Hier. 52. bicundum illud granorum blandimētum, quò in men-
 Agg. 2. tem reuocaret obliuiosis Iudæis durum legis corti-
 Ioelss I. cem, sed postmodum coruscante Euangelij luce sub-
 sequuturum suauissimum Euangelicæ doctrinæ suc-
 cum.

DE CITREO AC MALO MEDICO,
Limonibus & Aurangis, vulgo
Aracii in appelen.

CAP. XXXVII.

Malum
Medicū.



Citreama
la.

ON defuit etiam genti Hebrææ quum
 in oblectamentum, tum condimenti v-
 sum malum Medicum seu pomum ci-
 treum, cuius generis sunt vocati *limones*
 & *aurangia*, aureo croceoque colore,
 quorum pleraque orbiculata sunt nonnulla oblonga
 atque ouali forma, præsertim citrea & quæ *limonis* no-
 mine passim innotescunt, eximij odoris, & quæ cor mi-
 rè recreant. ex horum corticibus in laminas aut taleo-
 las dissectis, ac melle conditis aut etiam zaecaro incru-
 ftatis conficiuntur tragemata ac bellaria, quæ non so-
 lum palato grata sunt, sed cor etiam reficiunt ac vires
 instaurant. in quem vsum etiam huius arboris flores
 melle condiuntur, antequam prorsus dehiscunt aut se
 in folliculos expandunt. Spiritus enim extenuatos e-
 rigunt, ac tabidis aridisque corporibus fomenta mini-
 strant. Est alia ab hac arbore *Citrus* etiam vocata, sed
 quæ huiusmodi mala aurea non proferat, siluestri Cu-
 presso aut Cedro non absimilis, sic vt nonnulli existi-
 ment

ment ipsissimam esse arborem quam lignum *Sethim* Citrus lignum Sethim. Exod. 35. Biblia vocant, ex quo confici præcipit Deus trabes, mensas, contignationes, tabulata, laquearia, tigna. Est enim lignum à carie ac teredine vermiculisque alienum, nec vllò æuò corruptioni obnoxium. Vbi autem ascia perpolitum est ac dedolatum, crispanti venarum discursu picturatum conspicitur, vt apud nos vestes polianthicæ ac variægatæ, siue polimiticæ, hoc est, vario & versicolore filo contextæ quod in vulgari cameloto, atque etiam in byssina, sericæque textura perpicimus, quæ *Damascena* vulgo appellantur. Spectantur apud nos ex hoc ligno elaboratæ mensæ ductiles ac versatiles, tum vt nunc passim conficiuntur in hospitum inopinatum aduentum emissitiæ & extractiles, quo plures accumbant, spectabili ac peramœna colorum varietate, læuore perpolitæ, quorum nihil non natium est & genuinum, nec vllò pictoris pigmento fucatum. Quocirca existimo Deum ex hoc Exod. 35 37. & 38. splendido atque incorruptibili ligno voluisse construi ea quæ vsui erant Sacerdotibus in templo, sic vt arca fœderis & quidquid in sacris Hebræorum spectabile erat, ex Cedro & Citreo ligno confectum fuerit. Quum enim rebus externis afficerentur Iudæi secus quàm Christiani, omnia in illorum sacris splendida esse voluit sumptuosa, magnifica, atque operosius elaborata, quò omnia essent angustiora, maiórque religionis cultusque diuini veneratio, ac populus meliùs in officio contineretur.

CAP. XXXVIII.



CROCUS radice bubosa ac cepicea in capillamenti exilitatem spargit folia iuncis multo tenuiora è quibus flosculus emergit, tametsi is aliquando ante folia conspiciatur, cerulei coloris, in cuius medio velut crocea stamina ac filamenta se proferunt fragrantissimi odoris, adeoque intensi, vt cerebro vi soporosa officiat. Cor verò Crocus ita recreat vt digito annulari sinistrae manus affrictus confestim ad Cor penetret. tanta est illi cum corde societas, vt vel foris vel intus adhibitus absque mora per arterias illuc perferatur. quo fit vt corpori venustatem adferat, & colorem floridum conciliet, modò ne sit immodicus eius vsus. nam immoderatus risum perpetuum homini excitat, & (vt tradunt medici) nimio gaudio hominem conficit, si trium dracmarum pondere exhibeatur. Quum itaque tantopere Croco hominis correficiatur, non sine ratione Sponsæ hortulo ac viridariis Crocus odoratissimis aliis herbis interferitur, vt sic fragrantiam suam tanquam in vnum fasciculum coactæ inter se conferant Cyprus, nardus, crocus, calamus, & cynamomum cum præstantissimis Libani arboribus herbisque cum primis odoratis. Quibus designatur decor atque omnium virtutum ornatus, oratio quoque Ecclesiæ & piorum hominum qui suauissimum odorem Dei naribus offundunt, sic vt oratio ad Deum feratur, iuxta Dauidem, *tanquam incensum & sacrificium in odorem suauitatis*. Ceterum quum Crocus succos, liquores, lintea, vestes, lanâ, colore vel luteo

Dioscorid. lib. I.

Cant. 4.

Psal. 40.

Eccles. 45.

luteo vel flauo vel fuluo imbuat, aut si exuberantiùs
 affusus est, rutilanti, rubentiq; ac rubicundo, fit vt isti
 colores rebus in quibus apparent, atq; se proferunt, ex
 Croco nomen fortiantur. Sic Medici in æstuosis febr-
 bus & feruida hepatis intemperie lotium obseruant
 croceum, vel luteum, vel flauum, vel crocatum: quòd
 festucas & filamenta Croci referant quæ ad rubedinē *Ex Croco*
 deurgunt, ac rubenti colore perfusa sunt. ita intēsi- *colorū no-*
 est color crocatus & croceus qui crocum ipsum emu- *mina.*
 latur, quàm flauus aut luteus, aut quē à Citreo pmo
 Citreum vocant, nam isti colores dilutiores sunt. Sic *Caltha fls*
 Caltha vulgo *Calendula* ab auri fulgore luteo & sub- *luteus.*
 croceo colore spectatur. sic viola lutea & muraria quę
 Mauris *Chieri* dicitur, Sic vnguentum quod Croci co-
 lorem æmulatur & eum recepit, Crocomagina voca-
 tur & Crocinum. Sic Oxycroceum à croco & aceto no-
 men obtinet. Quod verò ad vestes attinet croceo co-
 lore, tum coccineo ac purpureo imbutas: multa eius
 generis in sacris literis obuia sunt, quemadmodum e-
 tiam apud alios Scriptores paludamentum Imperato-
 rium coccineum legitur, Hyanthinum & vestis Croca-
 tula crocei coloris, Belgæ *Rouvaens* vocant à Roto-
 mago Galliæ ciuitate, vbi lana eo colore inficitur. Sic
 etiam Hieremias lamentatur redactam esse in nihi- *Thren. 4.*
 lum Hierusalem, omne decus & ornamentum ciuita-
 tis sublatum, nec in ea quidquam esse spectabile, aut
 visenda specie, sed omnia deformata: inductam extre-
 mam calamitatem, sordes, miseriam, inopiam. *Qui*, in-
 quit, *delicatè ac voluptuose vescebantur, atq; deliciis af-*
fluebant, in via conculcati sunt, Qui nutriebantur in cro-
ceis, hoc est, crocei coloris velamentis vel rubenti coe-
 cino, *amplexati sunt stercora.*

DE MYRTO QUAE APUD OMNES
nationes nomen retinet. & de Myrto syluestri.

CAPVT XXXIX.

Myrti de
scriptio.



Myrtus arbuscula, aut potius apud nos
frutex & virgultū perpetuò virens, Ve-
neri dicata est, ac sacrata cōiugio in quo
exigitur castitas & concordia. folia pro-
fert oleæ aut ligustro angustiora satu-
rati viroris baccas nigras Iunipero affines sapore vi-
noso ex quibus vt etiam ex molissimis eius foliis o-
leum exprimitur: quo Hester delibuta Regi Assuero
in matrimonium assumpta est. Conficitur etiam ex
baccis vinum myrtites quod pollet vi astrictoria, ac
stomachum dissolutum confortat. id etiam ruptis at-
que ex alto delapsis commode exhibetur. Huius ar-
busti ramis Hebræos adornasse ædes suas ac vestibula
in Enceniis, hoc est, solennitate festorum quæ cele-
brari solent ob templum post Persarum exilium in-
stauratum: in *Scenopegiæ* hoc est tabernaculorum fe-
sto à fingendis tabernaculis nomen sortito Scriptura
passim testatur. Sic Neemias vrbis ac templi legis-
que instaurator præcepit populo reduci ex captiuitate
atque exilio in Hierusalem, vt velut in publica læ-
titia ac triumpho conferunt se in montes ac syluas, at-
que ex nemoribus adferāt Oliuæ, Cupressi, Citri pal-
marum ac Myrti ramos, quo conficerent ex virēti frō
de umbracula, passimque inter se exhilarescerent atq;
essent Geniales. Hic mos etiam Belgis vulgaris, est si-
quando solennis aliqua annuæque pompa exhibetur,
aut Regem vel Principem inaugurari contingit, aut
parta ex hostibus victoria, longæque obsidione libera-
ta Ciuitate triumphus per vicos ac compita agitur. Id
etiam Troianos factitasse absoluta longa vrbis ob-
sione

Cap. 2.

Hester o-
leo myrti-
no vsa.

3. Esdr. 4.

7. Mach.
10.

Ioannis 7.

2. Esdr. 8.

dione, pulsisque (vt iis persuasum erat) Græcis Virgilius testatur,

*Nos delubra Deum miseri quibus ultimus esset
Ille dies, festa velamus fronde per urbem.*

Aenei. 2

Cæterum Esaias (quem aliàs testati sumus in illustrandis vaticiniis stirpes, herbâsque suis narrationibus accommodasse) illos pronunciat felices fore, omniâque illis ad prosperitatem ac successum optabilem futura adiumento, qui Deo fidunt, eiûsque bonitati & clementiæ innituntur, ita vt nihil incommodi sit accersurum, adeo vt quæ nocitura videbantur, rebus mutatis, fructum non exiguum sint allatura, quod sic indicat, *Pro saluunca asurget abies à proceritate dicta & Cap. 55.* quod in sublime abeat. *pro vitica mordaci & contempta herba, vulgo Netel, myrtus*, suavis, speciosus & odoratus frutex. Quo designat pro noxiis infestisque fruticibus fecundos, amabiles, salutare, frugiferos substituendos, hoc est, pro vitiis virtutes, pro seruitute libertatem, pro exilio reditum regressumque in celestem patriam. Rursus quum ostendit se non defuturum afflictis ac desperationi proximis, sed in extrema calamitate, clade, angustiis subuenturum, *Irrigabo, inquit, scaturigine aquarum terram aridam, ac siticulosam. ponam in deserto abietem, vlinum, cedrum, myrtum, cupressum ponam in locis incultis ac squallidis pinum & buxum* arbores quæ perenni sunt virore, & quibus folia non defluunt. Quo Deus indicat se præter naturæ ordinem, præter spem atque hominum opinionem, rebusque deploratis adfuturum populo suo, sic vt in regione deserta speciosissimæ arbores se proferant, hoc est, hominum mentes ieiunæ ac siticulosæ florentissima virtutum germina sint allaturæ. Paulò inferiùs idem argumentum prosequitur, ac pollicetur conso-

Esaiæ 41

Esaiæ 60

lationem ac mentis tranquillitatem, futurum enim esse ut instauretur Ecclesia ac cœtus dispersus sit colligendus, ac pristino cultu ac nitore postliminio illustrandus, quod hoc tropo confirmat: *Gloria Libani ad te veniet, abies, pinus, buxus simul ad decus & ornatum sanctificationis tuæ.* Quibus verbis indicat non solum Ecclesiam ædificandam eximiis arboribus quas sylua Libani suppeditat, sed quidquid in hominum societate excellens, magnificum, heroicum est, huc allatum iri, non solum plebeios atque infimæ fortis homines quos minus despicit Christus, quàm sublimes, sed Reges & principes, satrapas atque heroes in hanc societatem conuocandos. Cæterum quum myrteti apud Zachariam prophetam mentio incidat oblataque inter hæc Prophetæ visio, de illo pauca disseram,

Cap. 1.
Myrteti
& ex eo
Allegoria.

Cap. 3.

Nam omnia adamussim exequi nimis quam operosum, & ingenij nostri captum superat. Sortiuntur ab herbis atq; arboribus nomina Syluæ ac nemora quòd huiusmodi stirpibus consita sint, ab arundine Arundinetum. Vnde in libro Sapientia, *Fulgebunt iusti, & tanquam scintillæ in arundinetis discurrent:* hoc est, Sanctorum fulgor & claritas impios, ut stipulas crepitantibus flammis deuret. Palmeta quæ palmis scatent, Myrteta loca myrto & vrbano & syluestri fœcundissima.

Zacharia
visio quid
designet.

In hoc autem vireto exhibita est Zachariæ visio quam populo indicat, quò prophetia visioni coniuncta maioris apud illos sit autoritatis ac pōderis atque acrius oscitantes fœcordesque mentes stimulet. *Vidi, inquit, noctu, & ecce vir insidens equo rufo, hoc est, spadiceo colore, vulgo Castaenne brijn, & ipse stabat inter myrteta in profundo, & post eum equi, rubro, varij, & albi: & dixi, qui sunt hi? & respondit vir qui stabat inter myrteta* (quo Christum designari puto qui Ecclesiam obscura

tam

tam ac deformatam vitiis emendatam cupit) *isti sunt quos misit Dominus vt perambulent terram*, Quibus verbis commonstrat in valle huius mundi vmbrosa atque opaca, in qua mali bonis permisti sunt, Deum singulari sua prouidentia curare res humanas, atque hominum commodis consulere ac prospicere, ipsam que Ecclesiam per Christum & Apostolos aliosque verbi Dei ministros, qui in tanta ac tam confusa hominum multitudine ac diuersitate, suis quique officiis funguntur, vt illis partitus est Deus, erigere, de madata illis prouincia, vt tacite explorēt quid rerū geratur in terris, in quo statu consistant res mortalium, sic vt ea cura pastoribus incumbat ac munus delegatū sit vt salubri exhortatione, (quod Paulus Timotheo præcipit) additis minis extimulent homines quò respiciant atq; ad Deū vnde profugerunt, se conferant, quod ipsū si obtineri possit desituras afflictiones, nec futuras diuturnas nec perpetuas. itaq; Propheta obiecta populo sua hac visione ad respicientiā ipsum prouocat, sic enim futurum vt Deus illi factus placator, pœnas atque vindictas remittat, omniāque in pristinum statum restituat. Hæc de myrto amabili atque odorato arbusto sufficiant. Est huic affinis myrtus memorialis, cuius baccis turdi, *liislers* vulgo & merulæ *meerlen* impense delectantur, ita vt earum caro saporem baccarum referat odoratum. sic ficculæ vnde nomen adeptæ vulgo *Sneppe* ficubus saginantur. Huic syluestri myrto affinis est frutex aut virgultum Pseudomyrtus odore non sine grauitate iucundō, cuius folia & frutices exiccatos vestibibus interseruēt quo grato odore perfundatur. Refertur etiā inter syluestres myrtos Ruscus foliis quidē myrti, sed latiorib. mucronata cuspidē munitis, sic vt incautiùs attrectata digitis aculeū infigat vt vespe. inherēt foliis nullo petioli ap-

*Myrtus
syluestris.*

*Pseudo-
myrtus.*

Ruscus.

pendice baccae pisi magnitudine, myrteis minores, corallino rubentique colore perfusae, cuius radice utimur in ciendo lotio, & atterendis calculis.

D E P I N O

CAPVT XL.



IN V S arbor etiam Belgico solo assuescit, sed non assurgit in vllam proceritatem, folio existit tenui, rotundo, aculeato. Fructum seu nucem nihil necesse est describere, quum passim obuia sit, ac nucleus in alimenti & medicamenti vsu omni nationi veniat. *Pomum* Belgae vocant, quum nux sit, sed quae in hostem emissa ac capiti illisa illum prosternat. Vnde extat apud Macrobiu iocus vrbani Casellij Iuriconsulti, Lapidatus à populo Romano Vatinius quum gladiatoriu munus ederet, obtinuit vt Aediles edicerent, ac proclamari per praconem iuberent, ne quis in arenam nisi pomum mitteret: forte iis diebus Casellius consultus à quodam an nux pinea pomum esset, respondit, *si in Vatiniu missurus es, pomum est.* Tanto ac tam acerbo odio flagrabat populus in perniciosum ciuem, vt illum extinctum potius quam saluum cuperet. Caeterum Prophetas pinum atque alias memorabiles herbas concionibus accommodare, aliàs demonstraui. Esaias enim in detestandis statu is Ethnicorum atque idolorum simulachris miro artificio plerasque arbores narrationi accommodat, ac monstrat quanta cura ac solitudine ea studeant effingere atque elaborare fabri quae nulli vsui sunt, nec vllam salutem conferunt, adeo intenti illi rei, vt lima, malleo,

*Li. Satur.
cap. 6.*

Esaia 44.

malleo, calenti foco iis efformandis ad lassitudinem se exerceant, ac siticulosi efficiantur antequam opus perficiant. Artifices verò lignarios (vt concionem prosequitur) normam, & perpendiculum, amussim adhibere, securim, ferram seu runcinam, circinum & si qua alia sunt instrumenta tornandis poliendisque lignis idonea, sic vt pars eorum succidat Cedros, ilicē, quercum, pinum, ex quarum assulis segmentisque ac scandalis ferra dissectis ignem excitet coquendis panibus atque eduliis, aut vt iis incalescat, ex reliqua arboris parte sculpsit Deum, & incuruatus adorat illum. Hæc Propheta Esaias toto hoc Capite prolixè enarrat, ac semel atque iterum repetit, quo homines meminerint, vnde petenda auxilia, cui incuruanda genua, ad quem manus, oculi, corda erigenda, nempe ad Deum cui soli honor & gloria, & qui per Christum seruatorem nostrum Spiritu suo abundè nos imbuat, & contra omnia aduersa reddat inuictos.

DE BVXO, ERRORE VVLGARI

Palma dicta.

CAP. XLI.

M Iris modis hallucinari contingit plerisque in herbarum & arborum cognitione. Sic sunt qui Anethum vulgo *Dille*, *Mat. 23.* quam Christus concioni adhibet, *Anijs* credant, quum *Anisum* sui generis sit, & Belgis nomen retineat, semperque proferat discutiendis flatibus aptissimum, sic vt Anethi foliis vtamur in condimentis, in oleraceis, in carniū elixarum liquamine, verum non illius semine: at Anisi semen & feniculi in condiendo instaurandoque liquore Ceruifario, in placentis, in bellariis, in pomis assis salubrem

Abietis vsuū obtinet. Sic Abies arbor celsa ac procera, ita vt
descriptio hinc nomen sortiatur, quòd abeat atq; assurgat in im-
 mensum, non est populus alba vulgo *Abeel* dicta, vt
 nigra populus *popelier*, sed arbor Prophetis sapiùs in
 concionibus ad populum erudiendū adhibita, si quā-
 do fastum deprimunt, ac superbiam elatòsque ac sub-
 limes deprimendos prædicant, ac etiam deiectos eri-
 gendos. Abies perpetuò virescit, foliis pinnatis pecti-
 num modo resectis, flore croceo, specioso atque ama-
 bili. Huic picea, vt larix, pino, prorsus assimilis, ex qua
 mali nauium & antemnæ eriguntur. Còspicitur huius
 generis arbor in immensum fastigata in Cœnobio A-
 nachoritarum quos *Carthusianos* vocant, Zariceę con-
 termino quæ fructum profert pino non absimilē tur-
 binata specie, sed qui nucleum exhibeat non esculen-
 tum. Cæterum vt ad Buxum deueniam, in magno er-
 rore versantur qui buxum palmam esse existimāt, quū
 ab hac per omnia dissideat, nisi quòd vtraque perpe-
 tuò viret, nec foliis spoliatur. Hunc errorem ex eo ex-
 ortum opinor, quòd nostrates hac fronde vtantur die
 ante Paschæ solennitatem octauo, qui Dominica Pal-
 marum dicitur: nam eo tempore apud Belgas reliquę
 frondosæ arbores desiderantur. Spectatur hæc arbor
 in singulis ferè apud non hortis folio myrti exiguo,
 concavo, subrotundo, læuore perpolito, perenni viro-
 re, flore, herbaceo, odore graui, & quem non solum a-
 nimantes, sed etiā homines auersentur, ligno autē du-
 ro ac ponderoso ita vt in aqua demergatur, calore pal-
 lido ad flauū inclinato, sic vt ij qui colore mustellino
 sunt ac giluo, minúsque amabili, buxæo vultu esse di-
 cantur. Non desunt qui huius arboris scabem ramen-
 ta lima attrita morbidis corporibus exhibeant, &
 luem Veneream seu morbum Gallicum iis expugna-
 re

retentent, eaque pari effectū censeant cum ebēno seu Guaiaco ac ligno Indico, qui mihi toto cōelo errare videntur. Lignum enim Indicum odoratum est, succo oleoso ac resinato imbutum, sapore non ingrato. at Buxus arida est, exarcta, tetro virosōque odore, sapore insuauī, & qui venenosā qualitatis sit particeps, si modō gustare libeat, Conficiūtur autem ex tornatili hoc ligno acrasili materia pectines, pugillares, manubria, foratiles fistulæ, capuli, pyxides, trochi: in quem vsum quā in medicamēti accommodatior. Noui enim sacrificum quendam apud nos, sed non admodum firmi cerebri aut mentis sanæ, qui cineres buxi deustæ atque in Palmarum consecratæ quem ritū Romana Ecclesia dominica Palmarum obseruat, cuidam adolescentulo ebibendos propinaret aqua lustrali immersos, adhibito inani ac ridiculo quodam exorcismo, ad dispellendas, vt adstantibus persuasit, febres, & vermes exigendos: non ita multō post febris quidem depulsa, sed adolescēs morte sopitus est, sic vt autor fuerim meis ciuibus, ne quis tāle quiddam iterum attentaret, quum buxæ frondes deletoriæ sint & exitiales, corporique humano noxiæ ac perniciosæ, quod odor grauis etiam & virosus indicat, & sapor abominabilis atque amarulentus, quem palatum respuit atque auersatur.

*Buxina-
tura.*

*Rei gesta
narratio:*

Iam verō vt susceptum argumentum prosequar, hoc est, desumptas à Prophetis similitudines explicem, cōmonstrabo obiter Buxum etiam adhibitam concionibus, eāque arborem scitè atque appositè suis narrationibus Prophetas accommodasse. Quū enim huius arboris lignum cornea sit ferreæque duricie, sic vt si quid illi insculpatur, non facile oblitteretur aut exolescat. Dominus præcipit Esaïæ vt peccatum Iudæo-

Cap. 3.

rum qui Aegyptiis fidebant, amplifcet atque exaggeret in immēſum, omnibúſque palam faciat, quàm fecēdē à Deo deſciuerint, & aliunde potius, quàm ab ipſo ſalutem ſint venati: obiter hoc illi dat in mandatis vt ita deſcribantur eorum ſcelera atque aſſeruentur in monumentis publicis, vt ne vnquam in obliuionem poſſint deuenire. Sic enim vult irritatus ſcleris indignatione. *Nunc ego, inquit, vade & ſcribe hāc prophetiam ſuper buxum* vel in tabula aut pugillari buxeadiligenter & accuratē exaratam, *vt ſit in diem vſque nouiſſimum in teſtimonium & vſque in æternum*, hoc eſt, iſtud effice vt tam accuratē hoc ſcelus obſignetur, vt ſit indelebile, nec vlla vetuſtate contingat obliterari aut exoleſcere, ſic vt & illorum oculis poſſit continēter obiici, & aliis in memoriam reuocari elapſis iam aliquot ſeculis, omnibúſque teſtatum eſſe illos deſtabiles eſſe ob patratum ſcelus, edito exemplo atq; exhibito ſpecimine, ne alioſquoque eo impietatis deuolui contingat. Hieremias quoque ſimili vtitur Metaphora, & proclamat, *Peccatum Iuda ſcriptum eſſe ſtilo ferreo, vngue adamantino exaratum in tabula cordis eorum, & in cornibus ararum ſeu altarium eorum, quibus continentur adſtant, & in quibus ipſi & filii eorum ſacrificia peragunt*. Stilo ferreo & cuspide adamantina ſcribitur, (nihil enim adamante durius, ſic vt acutiſſima in ſtrumenta exigat, quo perpoliri poſſit) quod indelebile eſſe vult, nec annorum decurſu interire, ſed perpetuò ſubſiſtere, nec vllō æuo obſcurari. In Cornibus ararum, tanquam in veſtibulo primóque aditu & ingreſſu templi, vt ſemper habeant in recenti memoria, vt continenter verſetur ob oculos. Sic Dauid, *Et peccatum meum contra me eſt ſemper*, hoc eſt, oculis iugiter obſeruatur, mentique aſſiduē incumbit, ſic vt nunquam

Eſaie locus explicatus.

Cap. 17.

Hierem. locus explicatus.

Pſal. 50.

quam has furias & ærumnas, has animi carnificinas excutere possim, nisi scelus pœnitentia expiatum sit, ac Dei misericordia expunctum ac deletum, Iob etiã tot calamitatibus pressus, tantãque mole ærumnarum obrutus, concepta emergēdi fiducia, ab huiusmodi rebus desumpta similitudine, cupit id quod dicturus est in omne æuum perdurare, esse enim indubitatum certumque ac fixum, nec se quidquam ambigere aut desperare, quin felicem atque optatum successum res sit habitura. *Quis, inquit, mihi tribuet, vt scribantur sermones mei? Quis mihi det, vt exarentur in libro stylo ferreo & plumbi lamina, vel celte sculpantur in saxo vel silice? Quo perpetuò extent, omniumque animis possint infigi, omniumque oculis obiici. Scio enim quod Redemptor meus viuit, certòque persuasum habeo me in nouissimo die de terra surrecturum, & in carne mea visurum Deum Seruatorem meum, quem visurus sum ego ipse, & non alius, reposita est hæc spes & fiducia in sinu meo.* Cap. 19.

Quibus verbis præter veram corporis resurrectionem (quæ vt in Christo peracta, ita in nobis, hoc est, Iobi locus explicatus eius mēbris perficienda est) hoc agit apud amicos qui illi plus attulerunt molestiæ quàm solatiij, vt omnibus testatū sit se aliquando ex iis malis ac miseriis emergsurum. tametsi enim à Deo adflactus sit atque in nihilum redactus, tamen certam se habere spem, eam cōcipere fiduciam, vt vindex & instaurator suus Deus hanc cladem ac calamitatē in quā deiectus est, a se auferat, & erecturus sit ex sterquilinio in quo voluitur in pristinam dignitatem, sic vt res ex luctuoso ac funesto initio latam Catastrophē seu exitum sit habitura non siue numerosæ proles accessu, ac rei familiaris Iobi 42. amplissimo prouentu. Quæ res indicat Iobi historiam

Cap. 5.

Cap. 14.

non esse commentitiam aut fabulosam, sed veracem
& cui fides derogari non debeat, sic ut ex re gesta pro
ponatur nobis patientia ac malorum tolerantia, ut te-
statur Iacobus Apostolus & illo prior Ezechiel.

D E N U C E,

C A P. XXXII.



VVM Sponsa (quo nomine & Ecclesia
& pii cuiusque anima quæ Christo insita
est, designatur) omnes confectetur & ca-
p'tet odorum suauitates quæ è speciosis-
simis fructibus emanant, hoc est, nulla nõ

Cant. 6.

requirat oblectamenta virtutum quibus se reficiat:
descendit in hortum nucum, ut longè latèque prospectet
atque inspiciat, an vineæ florescant, an mala Punica ger-
minent, an se poma proferant in conu allibus. Quibus Me-
taphoris indicatur, omnium virtutum chorus. In-

Nucis ar-
boris des-
criptio.

telligi autem hic debet non nux auellana vulgo *Hæ-*
ze note, ex Corylo, sed iuglans, quæ est arbor, procera
& ramosa, foliis non sine grauitate quadam odoratis,
latis & oblongis, fructu multis inuolucris ac tegumē-
tis munito, calloso foris atque herbaceo cortice ut Pli-

Lib. 15. c.
22.

nus eleganter describit intus compactilicarum locu-
lo. Sunt enim huic nuci bifidæ putamini carinæ, nu-
cleis verò quadripartita distinctio, lignea interniref-
cente membrana. Nux autē hæc *Basilica* vocatur, hoc
est, regalis, quòd à Regibus è Perside in Europā trās-

Nucis E-
tymologia

lata sit, communi nomine *Iuglans*, quasi Iouis glandē
dixeris, quòd eam primus hominibus Iupiter com-
monstrarit. Eduntur hæ nuces salubrius, minori-
que incommodo recentes & succulentæ, quàm a-
ridæ.

ridæ. Nam rufcescunt vetustate & capiti grauedinem inferunt, unde Græcis nux *Caryon* dicitur, quòd capiti noxam inferat. Ex hac Medicamen *Diacaryon* Medicis in vfu est, quod è nucibus confectum faucium vitiis adminiculatur reprimendis ratione. Virides autem decerptæ antequam putamina obdurescunt, melle & Zaccaro condiuntur, diùque aseruari possunt, roborando stomacho vtilis, atque ori palatòque non ingrata, sic vt mensis inferri possint, etiam inter bellaria vt cortices Citri aliàque tragemata hoc est, delicata quæque edulia quæ secundis mensis atque alio cibo saturatis apponi solent. Elicitur etiam ex nucibus virentibus necdum interno cortice induratis in turbine ac meta distillatoria aqua ad multos vsus efficax nempe ad pestis contagia, ad faucium ac palati hulcera ac pustularum eruptiones ad eluendas maculas, neuos, lentigines in facie: quod etiam præstat aqua quæ ex vitis sarmentis verno mense incisus profluit, qua de re nullum veterum mentionem fecisse memini. Cæterum quum nux Regia foris ligneo sit duròque cortice, atque intus suauem sapidumque nucleum contineat, appositè nec incommodè illi accommodari vita humana vel potius Christiana potest, atque Ecclesiæ decursus. In hac enim nubila serenis, dura mollibus, aspera lenibus, acerbis mitibus, dulcia amaris, solatia castigationibus immista sunt. Durum aliquando est & operosum Nucem frangere quod ipsum si dentibus tentes, periculum imminet ne, si imbecilles sint, illos frangas. Quo spectat illud Plauti, *Qui è nuce nucleum esse vult, frangat nucem* Quo denotat, illi qui dulcia degustare velit, amara degustanda, qui aliquid commodi sectetur aut aliquod malorum solamen conquirat, ne laborem

Virtus aquæ nucis.

Nux aduersuatis & prosperitatis symbolum.

Gargul.

fugiat, nihil non faciat ac patiat, quo salubria assequi posset.

DE POMIS IN GENERE E QUIBVS
Sacri vates similitudines desumunt.

CAPVT XLIII.

*Præcocia
poma quæ.
Scrotina
pomaque.*



OMORVM differentia & species apud Belgas innumeræ sunt, sic vt superiorem, nostra ætas vincat. nam insitio & inoculatio plurima genera peperit. Inter hæc sunt præcocia quæ præmaturè maturefcunt, sed fugacia, vt omnes fructus verni & æstiuui qui asseruari nequeunt. Hiberna verò & Autumnalia in multam hiemem, imo in ver insequens illæsa intactaque seruantur. Horum alia dulcia, alia acida, acerba, austerà, vinosa, mitia, diluta, aquosa, alia varij mistique saporis. Præbent autem hi fructus amabiles nulli non hominum oblectamenta, atque oculis, palato, naribus blandiuntur, vt etiam pirorum infinitæ differentia, sic vt si quis vllius generis mala conspiciat, contrectet, odoretur, degustet, mirè hoc blandimento afficiatur, sic vt etiam eo conspecto in mentem veniat Dei munificentia, qui tanta rerum varietate nos cumulatissimè instruxit. Inter poma referuntur quæ orbiculata sunt, nam pira ferè oblonga sunt & turbinata forma. Horum differentias enumerare non est huius instituti, quum omissis Cotonæis, mespilis, Cirriis, aurangiis, Persicis, & volemis sic dictis quòd manus volam impleant, Punicis, Armeniis, &c. hoc tantum ad mouere visum est, Deum has delicias homini indulgere partim in alimenti vsum, partim in sanitatis conseruan-

seruandæ tutelam, eumque nonnūquam adimere hæc vitæ solatia, si quando erga illius munificentiam sunt ingrati. Desumitur apud Amos prophetam elegans Metaphora ex pomis æstiuus quæ cito quidem maturescunt, & vt res nouæ, homines afficiūt, sed quæ confestim putrescunt, nec asseruari possunt. Ostendit, inquit, *mihi Dominus Deus vicinum*, hoc est, corbem seu canistrum pomorum æstiuorum, & dixit, *Quid tu vides Amos?* & dixit, *canistrum pomorum*, (quibus designat fructus præcoces & primitiuos) Et dixit Dominus ad me, *Finis super populum meum*. Hac Metaphora pomorum quæ non possunt diu subsistere, indicat imminere populo interitum, instare corruptionem vt pomis maturis, quæ si diu asseruantur, putrescunt, vt sunt pruna, cerasia, persica, corna quæ perennare non possunt, aut in hyemem perdurare, sic vt appositissima similitudine pronunciet, maturos esse vt consumantur, atque intereant, aut proximos esse internecioni: eò enim peruenisse illorum nequitiam, atque vt æstiuos vt æstiuos fructus maturuisse, vel desituri sint, nec amplius possint subsistere. Id ipsum vrget Apocalypsis, ac Babyloniæ hoc est, qui Ecclesiam contaminant, extrema minatur, atque auferendas pronunciat omnes eius delicias, decus, magnificentiam, splendorem. Inter alia autem *Recesserunt* inquit, *animo tuo desiderata poma, & præclara quæque & omnio pinguina perierunt à te, nec amplius illa inuenies*. Quo indicat omnia quibus oblectare se solet, & palatum reficere, ablata esse, pomam, strepitum, ferculorum apparatus, bellaria, ac melita repotia, in quibus suauissimi fructus mensis inferri solent, vt poma sapida ac fuculenta, pruna, Persica, aliæque secundæ mensæ deliciæ.

Cap. 8.

Amosi locus explicatus.

Cap. 18.
Apocal.
locus explicatus.

DE QVERCV, ET ALIIS GLANDIFERIS arboribus.

CAPVT XLIIII.



MULTA sunt in sacro Codice stirpium genera quæ seriatim recensere immensi esset operis atq; infiniti laboris. Quocirca boni consulet æquus lector, si non omnia ad amussim sum exequutus. Quæ autem Prophetæ arbores concionibus adhibent, non modò fatiuas quibus hortus excolitur, sed etiam syluestres quæ fere vrbaniis sunt proceriores, earum nonnullas obiter attingam. Sunt etiam nostris regionibus cognitæ fagus vulgus vlmus, Quercus. Robur, Ilex, Acer, Suber, cuius cortice suffulta sandalia & calceamenta frigus & aquam arcent, aliæque glandiferæ arbores, quæ olim ante inuentas fruges alimentum hominibus suppeditabant. Vnde prouerbium, *Stultum est inuentis frugibus glande vesci*, Prophetæ per has arbores, validos & robustos designant, qui inopes opprimunt, ac tenuioribus sunt infesti, quos tamen Deus minimo negotio conuellit ac deiicit. *Ipsæ enim tangunt montes, & fumigant, ipse Cedros in immensum fastigiatas prosterunt & confringit*, sic vt vix tenuè vestigium tanti fastus appareat. Sic Deus apud Amos, *Ego exterminaui à facie eorum Amorraeam, cuius altitudo vt altitudo ac sublimitas Cedrorum*. Quo designat & denotat fastum, superbiam, arrogantiam ac Dei contemptum. Similiter Zacharias mentem eripit fastuosis, & tanquam rebus desperatis ad lamenta, eiulatus ac fletus prouocas, *Vlulate*, inquit, *quercus Basan, quia succisus est saltus munitus, ac magnificentia vastata est*, hoc est,

ablatum est omne robur, omnis vis & potentia, omnis munitio qua substiterunt. appositè illis quernis arboribus comparat. Vt enim maxima duritia robori & quercui est, ita vt eorum nonnulla vix findi queant, vel cuneis, vel securi, vel ferra diffecari: ita vt isti muniti ac vallati opibus ac numerosa clientela, ad eas opes ac dignitates honorèsq; vt sublimes arbores, euecti sunt, vt nunquam deprimi potuisse viderentur. verum Dei potentia nihil obstat. Superiùs fusiùs de iis tractauimus.

DE ROSA, ET EX ILLA DESUMPTIS Metaphoris.

CAP. XLV.



ROSA apud omnes nationes flos spectatissimus, mirèque odoratus Cor & Cerebrum odoris suauitate recreat. Intus verò adhibita, affectarum patium dolores mitigat, & confortat astrictio-
 nis ratione, Succus tamen aut earum delutum clementer ac placidè aluum proluit, flauam bilem expurgat, iecoris obstructioni auxiliatur, in quem vsum conficitur apud nos *Rhodopharmacum*, hoc est, Syrupus rosaceus solitiùs qui citra noxam aluum deiicit, & biliosa excrementa quæ febres tertianas excitant, expurgat. Huius amabilis floris multæ spectantur differentia. Vulgatissimæ sunt quæ albescunt, quibus succedunt rubentes & muricata, hoc est: quæ purpureo colore collucent, inter quas flagrantissimi ruboris *Milesiæ*. Sunt etiam apud nos Puniceæ quæ prænestinæ dicuntur, vulgo *Provinciales*, colore qui Belgis incarnat

Rosa virens.

Rhodopharmacum.

Rosarum differentia.

dicatur, quòd viuæ carnis colorem referant, ac subflo-
ridum aut rutilantem. Sunt etiam Damascenæ, sunt
musculatæ minutiore flosculo candido, odoris eximij,
vt Cynorhodus vrbanus & satius vulgò *Negellentier*,
quæ Plinio videtur Rosa Græca & *Lychnus*, alia à Co-
ronaria, flore roseo vel subrutilo, minuto, odorato,
quæ dos etiam foliis aculeatis inest secus quàm vulga-
ribus rosis quarum folia inodorata sunt, Quum autem
Rosa nihil sit fugacius, nec quod citius marcescat, a-
ptissimè huic vita humana fragilis, caduca & momen-
tanea comparari potest, tum omnis splendor eius, glo-
ria, decus, magnificentia, fastus superbia, quæ omnia
vt flosculi citissimè euanescent. Notantur autem in
Scriptura sacra qui luxum fouent & odoratis rebus
abutuntur. Sic enim compellant se lasciuui homines ac
deliciosi, qui à morte nihil hominis superesse sibi per-
suadent, *Quum ætas nostra imbecilla sit æui breuis, &
vt fumus & vmbra euanescat, agite fruamur bonis præ-
sentibus, & vtamur rebus naturæ: dum iuuentus adest.
Vino precioso & vnguentis nos impleamus, & non sina-
mus elabi florem temporis*, hoc est, non frustra patia-
mur præterire amcenissimam æui partem nempe ado-
lescentiam, quæ Genialiter nullòque nubilo est tran-
sigenda. *Coronemus rosis antequam marescant, nullum
pratium aut viridarium sit quod non pertranseat luxuria
nostra, vbique relinquamus signa lætitiæ, nemo vestrū
exors sit insolentiæ nostræ, quoniam hæc est pars, hæc
est sors & conditio nostra. Hæc, inquit sapiens cogitaue-
runt & errauerunt, Excæcauit enim illos malitia sua, nec
Dei arcana cognouerunt, itaque illorum conceptum im-
probat, quòd non vsum rei spectent, sed luxum & pro-
digalitatem rerum naturæ, nulla habita Opificis ra-
tione. Ceterum apud Ecclesiasticum comparatur ani-*

Li. 2. Ca.
4.

Cynorbo-
dus odora-
tus.

Sapien. 2.

Sapientia
locus exp.

Ecclesiast.
locus ex-
plicatus.

mæ puritas, candor, integritas, decus, & virtutis præstantia Rosæ aliisque odoratis stirpibus. Sic Sapientia *Ecd. 29.*
 æterni patris, sui commendatrix, Ego, inquit, *quasi Cedrus exaltata sum, quasi palma in Cades, & quasi plantatio Rosa in Hiericho.* In iis enim locis erant præstantissimæ. Rursum quum ad amplexandam Sapientiam exhortatur, *Audite me diuini fructus*, hoc est, Pij filij *Ecd. 39.*
& quasi rora plantata super riuos aquarum fructificare, fructificate, vt lilium flores emittite. Paulò inferiùs quum Simeonis Pontificis laudes prosequitur, easque amplificat in immensum comparatione desumpta à naturæ rebus, *Ipse est, inquit, quasi stella matutina in medio nebulae, quasi luna plena quum suis diebus lucet,* *Ecd. 50.*
 hoc est, vel tota, vel media sui parte à Sole illustrata: *quasi flos rosarum vernis diebus, & quasi lilia apud aquæ riuos, &c.* Ex iis conuicito studiose lector, quàm illi frigeant Metaphoræ aut collationes qui ignorat herbæ aut fruticis naturam, ex qua similitudo desumitur, atque ad ornandam concionem adhibetur. Cæterum quum inter scribendum id Horatii in mentem mihi venisset,

Omne tulit punctum, qui miscuit vtile dulci, *In ar. Poe*
 lectorem delectando, pariterque docendo, visum est vulgare quiddam de Rosa adicere, quò iucunda seriis mista minus fatient. Inoleuit apud Belgas ac plerasque alias nationes consuetudo, vt si quando lepidi sodales inter se conuiuia agitant ascitis inter hæc præstantioris formæ aliquot puellis stipulentur peracto symposio silentij fidem, *ne fidos inter amicos sit qui dicta foras eliminat,* eaque de causa, vt id ratum habeatur, *sub Rosa hæc peracta dictitant.* Vnde passim in cœnaculis Rosa lacunaribus supra mensæ verticem affixa conspicitur, quo quisque sit secreti tenax, ne quid te-

Horat. lib

1 Epist.

Rosa cur mensa affigatur.

merè effutiat, sed omnia reticenda meminerit. Ita si quid licentiùs, parùmque verecundè aut reuerenter dictum vel actum sit, aut si in Geniali accubitu inter se cantillent, lusitent, basient ac figant oscula, lasciuient, titillent, insolescant, ante digressum *omnia sub rosa transacta* contestantur interposita stipulatione silentij ac pactione reticentiæ impetrata, ne quis disseminare audeat vel minimum eorum quæ in hoc sodalicio peracta, Quo spectat Prouerbiũ, *Odi memorem compotorem*, in eos qui liberiùs dicta, postridiè in mentem reuocant atque effutiant, quum vino sint inscribenda atque obliuioni danda quæ in conuiujs incautiùs exciderunt. Ita Lacedæmonij ex Lycurgi præscripto in foribus primòque aditu atque ædium vestibulo inscripserunt, *HAC NON EGREDITVR SERMO*. Vnde autem hæc mos receptus sit, vt Rosa in cœnaculis erecta silenda imperaret, quæ inibi agitari solent, Carmen istud graphicè exprimit.

*Est rosa flos Veneris, cuius quo furti laterent,
Harpocrati matris dona dicauit Amor.
Inde rosam mensis hospes suspendit amicis,
Conuiuæ vt sub ea dicta tacenda sciant.*

Est autem myrtus & rosa Veneri dicata. his enim herbis odoratis exornari debet Coniugium ac totus Genialis, in quo, excluso tumultu ac dissidio, omnia decet esse placida, quieta, sedata, & si quid inciderit, silentio inuoluendum. ob id Cupido Veneris filius Rosam Harpocrati silentij Deo qui digito labellum cõpescit, consecratam esse voluit, eoque munere illum decorauit, quo exhiberetur hominibus loquacibus Rosa velut silentij symbolum. Vt autem Harpocrates apud Græcos, ita Angerona Dea apud Romanos silentio præfecta est.

Rosa silentij symbolum.

DE ZIZANIA, ET LOLIO ALIIS-
que herbis frugibus inimicis.

CAPVT XLVI.



Izaniorum nomine designatur omnis in- *Quid zi-*
 nutilis vitiosa, noxia fruticatio quæ se- *zaniorum*
 menti ac frugum incremēto officit quæ *mine defi-*
 que salta strangulat ac necat, succum- *gnetur.*

que quo nutriuntur depopulatur, sic
 ut legetes aliæque herbæ salutare aut malignè emer-

gant, aut profus suffocentur Quum autem lolium

tritico intestum sit, ac noxam inferat inter Zizania,
 hoc est ea quæ extirpanda sunt, principatum obtinet.

Lolium fru-
gibus no-
xium.

Conspicitur autem in segetibus folio angusto, pingui,

oleoso, hispido, semine in spica exili, flosculo purpu-

rascente ut phœnix cuius meminit Dioscorides, huic

Phœnix
herba.

prorsus affinis, quæ lolium sylvestre vel murinum vo-

Lib. 4.

catur quod à muribus erodatur, est autem spuria at-

que adulterina tritici species, quæ aliquādo à puro di-

Melan-
thium adul-
terium.

scerni nequit. Huic ferè sociari solet inter segetes Gi-

thago vel pseudomelanthium siue nigellastrum, foliis

porri prælongo culmo, flore purpureo, semine in lo-

culo papaueraceo, nigro, subrotundo, inodoro, farina

intus candida si dentibus atteratur, Lolium autem

Theophrastus prouenire testatur ex tritici ac ordei

corruptis vligine seminibus aut iis gelido imbri dilu-

tis. Semen eius panibus admistum, capiti dolorem, o-

culis caliginem adfert, quod vaporosos humores in

cerebrum deferat. Vnde manauit Prouerbiū in cæ-

cutientes quique sunt caligantibus oculis, *Lolio victi-*

Lolio vi-
ctitare
prou..

tare. Sic Plautus.

In Mili-
te.

Mirum est lolio te victitare tam vili tritico.

Quidnam? quia lusciosus. Verbero. Aedipol, tu quidem

cæcus, non lusciosus.

Cæterùm quum zizaniorum nomine nullæ peculiares herbæ designentur, sed omnes illæ frugum & herbarum pestes quæ extirpandæ sunt, ne frugiferas herbas opprimant, Belgæ communi nomine hanc inutilium herbarum congeriem *vviet* vocant, & *vvien* eruncare atque eruere, fundumque à noxiis fruticibus purgatum reddere. Quocirca ineunte vere antequam fata adolescant, maturè ac tempestiuè euellenda curant omnia frugum detrimenta. Virgilius autem obiter complectitur quæcunque Zizaniorum nomine compræhensa sint & satis noceant.

Geor. li. I.

*Prima Ceres ferro mortales vertere terram
Instituit, quum iam glandes atq; arbuta sacræ
Deficerent sylvæ, & victum Dodona negaret.
Mox & frumentis labor additus, ut mala culmos
Esset rubigo, segnîsq; horreret in arvis
Carduus, intereunt segetes, subit aspera sylva,
Lappæq; tribuliq; interq; nitentia culta
Infelix lolium, & steriles dominantur avenæ.*

Ouidius quoque agros & noualia culta præstari vult.

Li. I. Fast.

*Vt careant loliis oculos vitiantibus, agri,
Nec sterilis culto sugat avena solo.*

Matt. 13.

Hinc appositè Christus per Zizania, hoc est, agrorum pestes & vitia, doctrinam noxiam, perniciosam, insinueram designat, denique improbos & perniciosos doctores qui hæresi pestifera mentes hominum imbuunt, ac peruersa subdolâque interpretatione, instigante Diabolo, coelestem ac salutarem Evangelij doctrinam deprimunt, ac falsa veris, vitiosa sinceris, dubia certis immiscentes Verbum Dei ac pabulum animæ inficere student & contaminare, quos tolerari quidem vult Deus in spem emendationis, & quò moniti resipiscant

piscant, non tamen prohibet, vt Chrysostomus ait, hæ *Cap. 13.*
 reticorum conciliabula dissipare, ora obstruere loquē *in Matt.*
 di audaciam concidere. Quo spectat illud Pauli ad Ti-
 tum, *Hæreticum hominem*, hoc est, qui pertinaciter in- *Cap. 3.*
 hæret prauę opinionī ac destinata malitia pēgit tueri
 falsa, *post vnam aut alteram monitionem, velut insana-*
bilem ac deplorato fugito, sciens quod euersus est, quo
 niam ipse suo iudicio damnatus est suęque culpa pe-
 rit, quod monitus in errore persistat. Et quanquam
 Zizania extirpanda nolit Christus, factiosos tamen &
 qui Reipublicę tranquillitatem excitatis tumultibus
 perturbant, Magistratus imperio subiicit. *Rom. 13.*

DE LIBANOTIDE CORONARIA
 quę vulgo Rosmarinus dicitur.

CAP. XLVII.



Quum Bibliorum interpretes non sem-
 per exacta herbarum cognitione sint
 imbuti, viri alioqui linguarum peritia
 ad miraculum instructi, sit nonnunquā
 vt stirpiū aliam pro alia substituant, *Lib. 7. ca.*
 ambiguitate vocis Hebręę decepti. Sic non desunt *27. de Hæ.*
 (inter quos est Franciscus Georgius Venetus recon- *mundi.*
 ditę eruditionis vir) qui Libanotida, hoc est, nostratē
 Rosmarinum Coronariam pro Hissopo vertendam
 censeant, quę vox à thuris odore nomen sortita est,
 quem fruticem aut virgultum Iudæi in fasciculos ma-
 nuales coactum ac complicatum, scoparum more, cō-
 spargendis lustrandisque hostiis immolatiiciis accom-
 modabant. Nominis autē vicinitatē decerpti (nā La-
 tinam vocem refert Esop) Hissopum transtulerunt.

quum vt isti censent, Rosmarinum fuerit interpretandum. Quum etiam Iudæi nostra hac ætate (vt audio) fruticis huius fasciculo vtuntur, vbi sacrificia sua peragunt, ac cæsis hostiis peccata expianda sunt, imbuto in tinctoque hoc fruticulo animantium sanguini, quo adstantes conspergunt, Quod ipsum olim Ethnici factitabant (mutuato à Iudæis expiandi ritu) vt Iuuen. Persius, Horatius passim testantur ramusculo Oliuæ, cuius rei exstat luculentissimum exemplum apud Virgilium, qui pompam funebrem describit, qua Misenus Aeolides generosi hominis more effertur. Sic enim rem prosequitur.

Aenedi.
6.

*Postquam collapsi cineres, & flamma quieuit,
Reliquias vino, & bibulam lauere fauillam,
Ossaq; lecta cado, textit Chorineus abeno.
Idem ter socios pura circumtulit vnda,
Spargens rore leui, dixitque nouissima verba.*

hoc est manibus eius optima quæque precatus est, quo officio etiã nostrates mortuos prosequuntur, vbi sepulchro inferri contingit. Nostri autem sacrifici ex veteri instituto in hunc vsus manipulo vtuntur ex ceteris confecto, atque aque sacrata adstantes conspergunt, nulla quidem, vt mihi persuadeo, superstitione gentili sed vt Dominicis diebus hoc symbolo baptismus in mentem reuocetur, quo is ritus ac ceremonia sit instauratio ac velut repræsentatio eius Sacramenti quod semel adhibitum, nunquam iterari debet: cæterum vt ad Rosmarinum referatur oratio, scatent passim omnium horti viuaci hac fronde, folio tenui, crebro, oblongo, crassiusculo, colore intus candido, superne viridi, suauiter odorato, flore ceruleo, oleoso, ita vt si in vasculo distillatorio ex hoc aqua eliciatur, oleum innatare videas, Quod ego paralyticis & apoplectis

*Aque
cōsecrata
aut lustra
lis origo.*

*Aque
Rosmarini
vi.*

salubriter admouere soleo, ceruicè ac nuca illo inuncto. Odor fruticis animum reuocat. præsentaneam autem vim obtinet in expugnando morbo Regio qui vulgo Ictericus appellatur perfusa extima cute flauo felleoque colore: sic ut hæc vis etiam ad animum transferatur vitiorum neuis ac maculis deformatum. Rursum morbum comitalem qui menti vim infert, impugnat. sic omnibus auctor sum ut in elixarum carniū liquamine crebro eius vsum admittant. Odor accensi fruticis pestis contagia fugat, atque ædes suavis odoris fumigio à vitioso halitu tutas præstat. Conficitur ex eius floribus medicamentum, quod quoniam diu subsistit, *Conseruā* triuiales Pharmacopolæ vocant, cuius vis cerebrum mirè confortat, si nimio humore oppressum est, memoriā collapsam erigit, & ne quis morbo caduco, apoplexia, paraly si, spasmo corripiatur, aut caligantibus oculis efficiatur, singulari vi ac efficacia instructa est. Quum autem thuris odor ac suffimentū Deo offerri solet, eoque homines illi litare, non alienum à ratione est Iudæos thurificis fruticibus odoribus esse vsos, ac Rosmarini ministerio (quæ singulari vi pollet in expugnandis cerebri morbis, vbi mentis sedes est & herba grato odore imbuta est) sua sacra per egisse: ut nunc Christiani viuida ac feruenti per fidem in Christum oratione se Deo reconcilient, qui cultus illi omni thure ac suffimento est gratior magisque acceptus: quanquam nihil vetat Basilicas atque ædes sacras odoribus perfundere ac virente fronde, herbisque redolentibus vel suffitu, odoratas præstare, modò absit superstitio, nec columen pietatis in iis ut plerisque aliis constituatur.

*Morbi
Regij re-
medium:*

*Oratio sa-
crificium
Christia-
num.*

Adhibentur enim huiusmodi adiaphora, hoc est, indifferentia ad decus & ornatum religionis,

Ioan. 12. atque ut habeat populus aliqua honesta oblectamen-
Matt. 21. ta quibus reficiatur. Sic passus est Christus sibi deferri
hoc honoris, ut impuberes ac promiscua multitudo
faustis acclamationibus se prosequerentur, sibi que cō-
gratulantes Palmarum aliarumque arborum ramos
passim per vias ac compita prosternerent.

DE AMYGDALO ARBORE, CVIVS
passim in sacris Biblijs fit mentio, & de qua desumitur
insignis Metaphora seu collatio à Solomone Ecclesiast.
cap. 12.

C A P. XLVIII.



Mygdalus arbor caudice procero assur-
git multis ramis quaquaversum, ut no-
stras persica, brachiata, foliis salici pro-
ximis aut ligustro, aut ut ea quæ Belgis
Persica & volema profert, flosculo can-
dido, foliis distincto, quæ tametsi mense Ianuario aut
paulò serius statu cœli adhuc rigido florescat, apud Zi-
rizæos tamen fructus qui nobis *Amandel* dicitur, præ-
coei partu maturescit. Vidi enim ante sesquiannum in
nuptiali pompa generosi viri *Brunonis vviingaerds*, in
quem Socer *Hieronymus à Seroskerka* Zelandiæ Ori-
entalis eis Scaldem Quæstoriæ dignitatē transtulit,
Amygdala ex arbore recens decerpta ea maturitate ut
cum Italicis vel Hispanicis certare possent sic ut effra-
cto lignoso putamine nucleum intus exhiberent can-
didissimum, denique succulentum, miròque sapidum
adeo ut Procures aliquot Bataui qui illuc acciti erant,
obstupefcerent atque incredibili admiratione affice-
rentur quum spectarēt in tam despicata maritimi tra-
ctus

*Amyg-
dala Ze-
landis nō
denegata*

etus regione tam speciosos fructus enasci. Muniti au-
 tem erant fructus amygdalini gemino tegumento at
 que inuolucro puluinati primum cabycis, mox lignei
 putaminis, cui suberat nucleus membrana obductus,
 qui in aqua egelida aut tepescenti maceratus, mēbra-
 nam totam exuit, & se edendum zaccaro insperfo ex-
 hibuit. Amygdalus non prorsus nostrati Persicæ absi-
 milis, nisi quod huic folia maiuscula sint & flos puni-
 ceus, illi candidus, fructus Persicæ orbiculatus, carno-
 sus, succulentus, sapidus, vinosus, foris languinosus, du-
 ra intus ac scabra nuce, amygdalis prorsus affinis, nisi
 quod maiori læuore sit nux amygdalina, nec ita fora-
 minosa: fructus amygdalini cortex nihil habet quod
 edi possit, sed tantum nucem ambit membranofum
 tegmen puluini forma, intus verò exhibet nuclum
 nunc amarum, nunc dulcem, quorum prior ebrieta-
 tem arcet præsumpta, exiccandi ratione, nam humidi-
 tatem vini ac vaporem consumit, cumque prohibet
 ad cerebrum efferri. cæterum amaritudinis ratione, &
 quod incidendi extenuandique vi pollet viscerum in-
 ternorum obstructions amolitur, hoc est, hepar, lie-
 nem, renes à crassis humoribus expurgat, vrinam pro-
 uocat, calculum atterit, ut etiam nuclei Persicorū. næ-
 uos, lentigines, maculas in facie cutēque extima eluit
 abstergendi efficacia. Quum autem vulpes calidis &
 siccis tabescant, vsu amygdalorum amarorum emo-
 riuntur, nisi aquam confestim lambant, atque amari-
 tudinem quæ vitalem succum illis depopulatur, miti-
 gent ac diluant. Dulcia amygdala (quo commeatu Ia-
 cob patriarcha filios instruxit, quum famis tempore
 in Aegypto illos amandaret) corpus alunt ac saginant,
 pectus expurgant, tabidis conferunt, somnum placi-
 dum conciliant, delatis ad cerebrum suauibus ac so-

Amara
Amyg-
dala quid
præstent.

Amara
amygda-
la vulp
noxia.

Genes. 43

*Gummi
amygda-
linum.*

poriferis vaporibus: gummi verò eâ que resinosa concretio, quam fisso per æstatem, hiantéque cortice arbor exudat, astringit atque inspissat humores tenues, ac sanguinolentas excretiones cohibet. Ex hac speciosa atque fructifera arbore quæ præmaturè floret, atque aibescente flosculo spectabilis est, desumit Solomon insignem Metaphoram in Ecclesiaste capite ultimo, adiectis aliis quibusdam verbis translaticiis tam obscuris & intricatis, ut non cuius sint explicabilia, & quæ Oedipo opus habeant coniectore, quibus tamen pro virili atque ingenij nostri tenuitate aliquid lucis adferre conabor. Toto autem hoc Capite desumpta ex rebus nouissimis, passimque obuiis collatione comonefacit hominem officij sui, utque in ætate iuuenili salutis suæ innigilet, cohortatur, antequam ætas ingrauescat, & corpus senectutis incommodis opprimatur. Itaque Deum ante oculos constitui vult atque in eum mentem continentur defixâ, nec villo more committendum, ut in virescente ille in obliuionem deueniat, sed viget ætas atque adhuc in flore æui consistit omniâque membra suis officiis funguntur, Deum vitæ integritate ac moribus inculpatis demereri studeat, Eleganti autem periphrasi indicat, quo modo homo in ætate florida constitutus sensim deflorescat, atque ut Iob testatur, conteratur, & velut vmbra aut fumus euanescat, sic ut singulis momentis detrimenta concipiat, atque in deterius rapiatur, omniumque membrorum usu & functione priuetur. Accessu enim annorum (nâ singula membra Solomō persequitur) caligant oculi, aures obsurdescunt, lingua titubat & efficitur impedita, nares odorandi facultate destituuntur, tremunt manus, labascunt pedes, dorsum incuruescit, totaque corporis compages pedentim dissoluitur. In hunc autem

Cap. 12.

Cap. 14.

autem modum (vt autoris verba enarrem) concionē suam prosequitur. *Memento Creatoris tui in diebus iuuentutis tuæ, antequam veniat tempus afflictionis* hoc est, antequam te circumuallent senij incommoda & morbi, *de quibus dices, non mihi placent, antequam tenebrescant Sol & lumen & stellæ & Luna reuertantur* *nubes post pluuiam, hoc est, caligo & nebula oculorum cum lachrymosa lippitudine, quando commorabuntur* *custodes domus, hoc est, costarū propugnaculū quod in terna viscera munit ac tuetur, & nutabunt seu vacillabunt viri fortissimi, hoc est, pedes qui corpus librant ac fulciunt. & otiosi erunt molentes in minuto numero, hoc est, quum edentulus eris, cibūque ægrè conficies mandibulè: & tenebrescant videntes, hoc est, oculi, & claudentur ostia in platea, hoc est, via & meatus quo cibus in stomachum defertur in humilitate vocis molentes. & consurgent ad vocem volucris. Et obsurdescent omnes filiæ carminis, hoc est, aures quæ sonorum modulatione affici solent. Excelsa quoque timebunt & formidabunt.* hoc est, quum pedes labant editiora loca non conscendent, vel aliquid ex alto delapsurum metuant *In via florebit Amygdalus, & impinguabitur locusta, hoc est, pedes intumescent ob debilem concoctionem nam locustæ exporrectis pedibus saliant, quod senibus est denegatum. Et dissipabitur Capparis. Antequam rūpatur funiculus argenteus, & vita aurea recurat, & conteratur hydria super fontem & confringatur rota super cisternam & reuertetur pulvis interram vnde venit, & Spiritus redeat ad Deum qui dedit illum.* Hæc partim Allegoria qua Solomon aliud

Locus Solomonis
Allegoricus.

Caput Ecclesiastæ
12. explicatum.

minē oscitantē suæque salutis negligentē, vt Opificis ac Creatoris sui memor sit, illūmq; idētidē ob oculos constituat, nec vnquā in obliuionem deuenire patiatur: atque id præcipuē in adolescentia atque ætate iuuenili quę minūsprouida, segniter salutipropriæ inuigilat, suisq; cōmodis prospicit. quod ipsum eō magis amplificat, quod successura sint deteriora, quib. id perfici nō possit. Quocirca acriter stimulat mētes ignauas & socordes, vt ab incunte ætate in Deum mentem habeant erectam, antequam senium ingrauescat, & accelerari contingat dies malos ac tempora, annosque ple nos incommoditatis, molestiæ afflictionis. Nam sili-
cer nio ac capulari seni omnia sordescunt vitæ oblectamenta, voluptates, deliciæ, tripudia, cantilenæ, risus, ioci, lepores, omniāque fastidiuntur edulia, cupedię, condimenta, bellaria, nec vllis rebus quamlibet suauibus afficiuntur, quibus fere iuuentus occupari ac detineri solet. Hanc autem occasionem redimendæ salutis eō magis arripiendam prædicat, quod in ætate decrepita & inclinata animus vnā cum corpore flaccescat, mens obnubiletur, memoria, ratio, intellectus, omnesque animæ facultates extinguantur, extincta luce, insitoque naturę lumine sopito. Etenim (vt ordine ac continuata serie Solomonis caput illustrem) senio confectis oculi cæcutiunt, ac præter caliginem lippitudine vitiantur, vt Sol & Luna illis vix conspici possint. Tunc manus quarum in perficiendo opere vtimur agilitate ac ministerio tremulæ efficiuntur, atque ad opera manuaria inutiles. Tunc pectus anhelosum est, ac spiritus propter costas subsidentes agrè ducitur. Tunc pedes qui corpus vt basis ac columnæ fulciunt, labant ac incuruescunt sic vt in ingressu scipionis adminiculo indigeant. Tunc dentes qui cibum molunt ac conficiunt,
operá-

operæque mandibularum alimenta conterunt, imminuti officio suo perfunguntur, ut edentulis assolet. Tunc visus imminuitur, atque oculi qui velut ex cauernulis atque animi fenestris prospectant, deficiunt & obscurantur, aut conuiuentibus ac collapsis palpebris earumque musculis minutim ac velut per nebulam vident, ut ij qui vix in platea obuium discernunt. Tunc fauces ægrè cibum deglutiunt, occluso ob siccitatem gulæ meatu ac tramite per quem alimenta in stomachum deferuntur, dentibus etiam inualidis, exessis, infirmis qui cibo elaborando atterendoque non gnauiter insistit. Tunc somnus tenuis est & exilis ob cerebri siccitatem, ut senex ad auiculæ sonitum expersgiscatur. Tunc offuscatur vox, & stridet ariditate exasperante vocalem arteriam, prorsusque ad cantillandum est inidonea. Tunc ad leuissimum strepitum expauescit, totusque meticulosus ac pavidus semper aliquid sibi imminere, ac è sublimi delapsurum metuit, sic ut non temere per compita, & plateas ingrediatur, nisi subinde respectet. Tunc florescit *AMYGDALVS*, hoc est, Caput albescit canicie sic, ut eminus conspici queat, quemadmodum Amygdalus arbor quæ candidos in summitate flores producit, ac longissimè se spectandam exhibet. Tunc vox exilis erit, imminuta, ac stridula. Tunc læuissima quæque illi erunt oneri ita, ut ne muscam quidem perferat. Tunc peribit appetitus qui ferè Capparidis condimento irritari solet, totumque rerum carnalium desiderium abolebitur. Hæc aliaque incommoda homini obuentura commemorat Solomon, ingrauescente ætate ac deuexa, antequam mutua animi concordia ac confœderatio, qua hæc conglutinata sunt, dissoluetur, & priusquam ex hoc corpore animum emigrare contingat in sedes illi desti-

*Amygdalus
li meta-
phora.*

natas. Quocirca homini has ærumnas in mentem reuocat, quò in ætate florida ac virenti in Deum defixos habeat oculos, illique suam vitam, mores, ac studia approbare studeat. *Antequam* (vt concionem prosequitur) *rumpitur funiculus argenteus*: quo designat Spinalis dorsì medullam, quæ ex Cerebri substantia argenteo splendidoque colore producta (vt etiam in brutis animantibus conspicitur) à basi occipitis, hoc est, capitis parte postica vno productu per quatuor & triginta vertebrae (qui & spondyli dicuntur) ad os caudæ quod ad anum definit, porrigitur. Quum autem istæ spinæ seu dorsì contextus cui costæ velut curuatæ trabes adhærescunt, atque affixæ sunt, sit velut Carina, (nautæ *kiel* vocant) cui totius nauigij moles incumbit, tota vis, robur, fortitudo, munimentum humani opificij ac structuræ in spina eiusque medulla consistit, sic vt scitè Solomon homini imminere interitum pronunciet, quando illam conuelli vel rumpi, vel dissolui contingat, sub confracti argentei funiculi Metaphora, quod instante morte euenit. Cæterum quod sequitur, *Frangitur aut quassatur fons aureus*, ea figurata loquutione Cor vitæ fontem designat, à quo arteriarum riui (vt ab hepate venarum propagines) producuntur, qui & spiritus vitales, & rubicundum sanguinem secum deuehunt, membræque fouent & irrigant. Per Hydriam autem vel quæ conteritur iuxta fontem vel scaturiginem Renes intelligit & vesicam meatûsque vrinarios, qui ferè in senibus collapsi & in angustum contracti non præstant officium suum, sic vt accelerati interitus causam præbeant. Sequitur, *Et confringatur rota super Cisternam, vel conquassatur & corruet currus fractis rotis in foueam*. Quibus verbis denotat Caput quod ferè moribundis

Spinae dor-
si carina
nauis as-
similis.

dis inclinari solet & in humeros deuolui. Est autem caput rotundum & globosum, quod vt rota versatilis quaquauersum mouetur dextrorsum, sinistrorsum, nunc in pronam, nunc in supinam partem, cui mouendi & sentiendi facultas attributa, ex eoque spiritus animales orti per corpus diffunduntur, ac motum sensumque neruis impertiunt: imminente autem morte Caput primum ferè labescit ac corruit (vt in oculis perspicui potest qui omnium primò moriuntur, aut mortis indicia proferunt) ac totum corpus in præceps rapit, fractisque omnibus membris, vt axle currus aut vehiculi, omnem corporis structuram in foueam deiicit. Hunc itaque subesse sensum Solomónis verbis, testantur subsequencia. *Nam tunc, inquit, puluis in terram ex qua desumptus est, & Spiritus ad Deum qui dedit illum, reuertetur.* Cæterum vt ad Amygdalū regrediar, Iacob Patriarcha, cui post à videndo Deo Israeli nomen inditum est, à focero Laban parum ciuilitate aut pro æquitate rei tractatus, miro vsus est astu ac stratagemate, subdolo quidem ac fraudulento, nisi industriam interpreteris atq; ingenij dexteritatem, qua mercedem auaritiæ prætextu denegatam: atq; hæreditatem fraude retentā ad se deriuaret, ratione Physica ad id perficiendum vsus accepit enim virgas ex Amygdalo, Corylo, populo, castanea, easque decorticatas in alueo ac canali posuit ante ouium oculos, vt quum potum uerent, in earū conspectu conciperent, cū autē omnibus animantibus atque etiam fœminis formæ ac species rerum imaginatarum concipiuntur ex rebus obiectis, illæque fœtibus imprimuntur, factum est vt pedes fœtus ederent versicoloreſ ac variegatos, maculisque distinctos, sic vt Iacobus non pœnitendam sortē sit con-

Gen. 30.

Imaginatio conceptū fugit.

Nam. 16.
& 17.

sequutus. Cæterum extat in Bibliis insigne miraculum de virga Aaronis Amygdali in morem spectabili florum ac fructuum amœnitate germinante, qua Deus perfracto populo voluntatem suam testatam esse voluit, & palam facere omnibus, quem præfici velit diuinis ministeriis ac sacerdotis munere fungi: Absorptis itaque terræ hiātu, soloque dehiscente Dathan & Abyron vna cum primariis aliquos conspirationi contra Mosem & Aronem consociatis, qui se diuinis rebus ingerere tentabant nullo Dei mandato aut vocatione cæsis interim ex promiscua plebe ac gregaria multitudine quatuordecim millibus & septingentis, demandauit Deus Mosi vt acciperet duodecim virgas inscriptis singulis virgis Principum nominibus inter quas erat Aaronis Leuiticæ tribus. Et posuit singulas Moses in tabernaculo testimonij postridie ingressus Moses tabernaculum oraculi, vnde à Deo responsa peti solebant, inuenit germinasse fruticis in morem virgam Aaronis Leuiticæ familiæ, ac turgentibus gemmis flores emerfisse, qui foliis dilatatis Amygdala protulerunt. proferens autem Moses virgas omnes de conspectu Domini, spectandas illas exhibuit vniuersis filiis Israël, qua re visa, acceperunt suam quisque virgam. Aaronis autem in signum rebellionis in tabernaculum relata est: quo sedato sopitoque murmure ac fremitu inconditæ multitudinis, ea virgo exemplo sit, ne amplius contra Deum eiusque ministros insurgant. Historia hæc illustre documentum omnibus exhibet, nempe vt nemo sibi usurpet aut vendicet vllam functionem, aut vltro se illi ingerat, nisi Dei iussu & vocatione accitus vel etiam communi consensu ac suffragio eorū quibus ea res

Documen-
tum ex hi-
storia Aa-
ronis.

res per Dei Spiritum demandata est. quemadmodum *Cap. 5.*
 Paulus ad Hebræos testatur Christum non sibi arro-
 gasse eum honorem ac dignitatem, vt constitueretur
 Pontifex qui peccata abolet effuso suo sanguine,
 sed hac perfunctum legatione iussu Patris qui illum
 constituit perpetuum Sacerdotem secundum ordi-
 nem Melchisedech. Cui itaque virga, hoc est, regendi
 docendique munus commissum est, ac delegata fun-
 ctio propagandi Euangelij, ille se alacriter operi de-
 stinato accingat, suæque vocationi gnauiter insistas-
 Atqui vt Aaronis virga prius arida, virtute diuina vi-
 rescere incepit, ac præter fructumque salubrem pro-
 ferre: ita quoque par est vt ministri verbi Dei germi-
 na virtutum proferant, ac salutari doctrina illos, quo-
 rum cura iis demandata est, imbuant, vt fructus bo-
 norum operum per fidem in ipsis cõspiciantur. Quod
 Christus sedulo inculcauit Petro ter ab illo stipulatus
 amoris confessionem, & pascendi gregis diligentiam.
 Videtur autem mihi admodum appositè ac conue-
 nienter Nux Amygdalina posse statui vitæ Christia-
 næ symbolum, in qua vt superius de Juglande dixi-
 mus, aspera mitibus, amara dulcibus, dura molli-
 bus ac suauibus mista sunt, nam per ligneum durum-
 que putamen aduersitates, labores, ærumnæ, incom-
 moda designantur: per nucleum dulcedine imbu-
 tum suauitas & solatium, dolorumque fomentum &
 mitigatio.

Hortatib

*Amygda-
 lina nux
 vitæ Chri-
 stianæ sym-
 bolum.*

DE PLANTANO EIVSQUE NA-
 tura, à qua Similitudinem desumunt
 sacri scriptores.



PLATANVS arbor est externa at-
que aduēticia, vmbrarum gratia ex Asia
in Europam aduēcta, sic vt Plinius testa-
tur ad Morinos vsq; Belgarum olim ex-
tremos Romani imperij tributarios esse
delatam. Diffundit hæc arbor amplissimè ramos, corti-
ce crasso, folio vitis aut Ricimi, hoc est, eius stirpis quæ
vulgò *Palma Christi* dicitur, ob folia in expansæ manus
effigiem articulata, Catapotia maioris etiam nomine
cognita, quòd semen cui inest vis purgatrix, pilulis
quæ Græcis *Catapotia* dicuntur, ab orbiculari forma,
fit inclusum. verum Platano, quàm huic frutici folia
paulò minora sunt, lōgo pediculo, hoc est, petiolo quo
folium aut fructus dependet, rubicūdo, flosculo paruo
ac pallido, baccis rotundis atq; orbiculatis, scabris ac
lanuginosis. Præbet hæc arbor, quòd patulis sit diffusa
ramis, ac quaquauersum exporrectis, scenas & vmbra-
cula, vt apud Belgas fagus, vulgo *Buecken*, laxatis ac de
flexis expansisq; in omnem partem cultoris industria
ramis, eaq; elegantius *Tilia* seu *Philyra* Belgis *Linden*,
cuius apud Brabantos ramosa illa arboris propago, &
natura & arte exulta vmbra exhibet & exclusio So-
lis æstu opacum frigus adfert sic, vt subsidentes mirè
afficiat frondosa concameratio, ac lassos languidósque
suauiter reficiat. Non desunt qui quum *Tiliam* hæc
præbere commoda videant, ac salubri vmbra astantes
recreare, Platanum existiment, Alij fagum; quòd Vir-
gilius cecinerit.

Li. 12. 6. 1.

*Palma
Christi si-
ue Ricci-
mus her-
ba.*

Fagus.

Tilia.

Eclog. I.

*Tityre tu patula recubans sub tegmine fagi
siluestrem tenui Musam meditaris auena.*

Verum magno errori inuoluti sunt, quum illis nulla
in

in foliis cum Platano sit affinitas. Arcent quidem illæ arbores, vt Platanus, Solis ardorem, ac caput ob densam foliorum pompam ab æstu tenuentur, sed non conspicitur ea species & forma foliorum in nostratibus arboribus, non emanat ex fronde ea suauitas & exspiratio quæ salubri halitu proximos afficiat. Est enim Platanus ea vi imbuta, vt venenata quæq; arceat, ac Serpentes longe abigat adeo vt vespertilionibus hæc arbor aduersetur, nec facile sub ea nidulentur, eiusque umbram ferre sustineant.

Platani
vis & na-
tura.

Quocirca sacri scriptores hanc etiam narrationibus suis accommodant, ex eaque similitudines desumunt. Sic Sapientia sui commendatrix, atque in enarrandis propriis encomiis occupata, commemoratione excellentium arborum, indicat se omni virtutum genere exornatam, ita, vt sibi adsit decus, honor, dignitas, amplitudo, sublimitas, fauor, gratia, venustas, quibus dotibus suos sectatores etiam illustrat. fateatur se frondescere ac fruticare, vt Platanum arborem speciosam, quæ irrigata aquarum affluentia augefcit, atque incrementa suscipit. Arbor enim hæc impensè humore delectatur, ac sitibunda est adeo, vt vini irrigationem non respuat, quod ipsum factitasse Hortensium Macrobius refert, quò viuacior esset ac magis spectabilis. Vt autem Platanus ramos ac propagines longè latèque diffundit, ac tam gratam umbram exhibet, vt Xerxes Persarum rex totos dies illa se oblectaret: Ita sapientia quæ ab Altissimo promanat, omnes qui eò confluunt, ac sub eius umbra se reconducunt, suauissimo Diuinitatis afflatu fouet ac recreat, illorum curam ac tutelam suscipit, illòsque ac omni iniuria atque incommodo defendit. Sic orat Dauid, *Sub ymbra alarum tuarum protege me.* Et Hie-

Eccle. 24.

Lib. Sat. 3

Xerxes
platani
umbra de-
lectatus.

Psal. 16.

Thren. 4.

remias plorabundus quæritur se hoc solatio destitutum populi Iudaici personans sustinens. *Spiritus oris nostris Christus Dominus captus est in peccatis nostris, cui diximus, in umbra tua uiuemus ingentibus*, hoc est, illius præsidio fulti subsistemus & tuti erimus ab omni insultu. Cæterum quum sint in Palestina ac Syria totóque illo felicitis Arabiæ tractu amœnissimæ summæque proceritatis arbores ob soli vbertatem atque aëris temperiem, Propheta ex rebus obuiis ducta similitudine Regum atque Imperatorum magnatûmque splendorem, magnificentiam, sublimitatem potentiam, maiestatem celsissimis arboribus vt Cedris cõparant. Et si qui aliis sunt paulò inferioris notæ Principes vel Satrapæ quorum non tanta est potentia, vt cum summis certare possint, aut cum illis paria facere: sed tamen in aliquo numero censeri possint, & qui bus obtigit non pœnitenda dominatio, non Cedro sublimi atque immensæ altitudinis arbori sed Abieti vel Platano aliisque minus proceris aut speciosis arboribus comparantur. Itaque Deus apud Ezechielem amœnissima vtitur Metaphora in describenda amplitudine ac sublimitate Pharaonis quantóque vta tur successu ac prosperitate quid incrementi florentissimo Regno accesserit, quos progressus acceperit, sic vt pronunciet nullum Regem illi parem, nec quẽquam illius magnificentiam, adæquare: illum tamen ex tanto fastigio ac gloria minimo negotio deiectũ iri, quemadmodum celcissimæ arbores securi deiici solent ac conuelli. Sic enim propheta narrationem prosequitur, qua Deus superbo elatóque Regi, cui vt nunquam Deus in mentem venit, ita eius populo fuit infestus exitium minatur: *Factum est*, inquit Ezechiel, *verbum Domini ad me: Fili hominis dic Pharaoni Aegyptiorum*

Magnates celsis arboribus comparantur.

Ezec. 13.

ptyorum Regi & populo eius, Cui nam *assimulatus es in*
magnificentia tua? Ecce *Assyrius Cedro similis est in Li-*
bano, pulcher ramis, frondibus vmbrosus, tanta proceri-
tate & altitudine vt inter condensas frondes sit cacu-
men eius. aquæ nutriuerunt eam. Abyssus seu terræ pro-
 funditas qua radices aluntur, in altum illam euexe-
 runt, quumque extendisset ramos suos, hoc est, vires &
 potentiâ assequutus esset Pharaonis dominatus, in ra-
 mis eius fecerunt nidos omnia volatilia cœli & sub
 frondibus eius genuerunt omnes bestię saltuū, & sub
 vmbaculo illius habitabant plurimarum gētium cœ-
 tus. Qua Metaphora indicat Pharaonis imperio mul-
 tas nationes esse subditas, illique tributarias ac vecti-
 gales. Erātque pulcherrimus in magnitudine sua, in di-
 latione arbustorum suorum, hoc est, propagando im-
 perio, ac dilatandis proferendisque finibus. Erat autē
 eius radix iuxta aquas multas, quę affluenter illam ir-
 rigabant. Quibus verbis designat opes illi accreuisse
 in immensum ob negotiatorum frequentiam, atq; vl-
 trò citroque commeantium turbam. Cedri non fue-
 runt altiores in paradiso Dei, Abietes non adēquaue-
 runt summitates eius, & Platani nō sunt æquatæ illius
 frondibus. Quo indicat nullam prouinciam ei parem,
 nec Iudæam quæ sanctissima religione exornata est,
 nec vllas alias nationes quæ Dei cultum amplectun-
 tur illi conferri posse. Ob tantam autem inquit, pul-
 chritudinem & eminentiam emulata sunt eam omnia
 ligna voluptatis quæ sunt in paradiso Dei, hoc est, in-
 uidia quadam & æmulatione moti sunt finitimi qui
 Deum colunt & venerantur. Vrit enim aliquādo pios
 felicitas & successus impiorum, ita, vt improborum
 prosperitas illos propemodum vacillare faciat, atque
 a studio recti dimoueri. Quod ipsum testatur Dauid,

Locus E-
zechielis
explica-
tus.

Successus
impiorum
pios ali-
quādo v-
rit.
Psal. 72.

Cap. 12.

Cap. I.

Cap. 21.

Psal. 36.

Davidis
locus ex-
plicatus.

quum inquit, Mei autem penè moti sunt pedes, penè effusi sunt gressus mei, qui zelaui super iniquos, pacem peccatorum videns. Huius quoque rei indignatione motus Hieremias cum Deo disceptat, & quodammodo cum illo expostulat, quòd via impiorum prosperetur, & benè sit omnibus qui prauaricantur & iniquè agunt. In eodem argumento versatur Abacuc, & cum Deo propemodum rixatur, Quare respicis contemptores & taces, conculcante impio iustiorum se? quasi diceret, Cur conuiues? cur dissimulas, & quodammodo mussas ad scelera & iniquitates improborum? Iob quoq; indignatur impios in tantam felicitatem euectos, vt reliquos habeant contèptui. Quare, inquit, viuunt impij, subleuati sunt & confortati diuitiis? Domus eorum securæ & pacatæ, & non est virga Dei super illos, &c. Hæc autem tametsi in speciem inter felicitates referenda videntur adeo vt piorum animos fatigent, & velut in lubrico constitutos ad ruinam propemodum impellant exitus tamen declarat, quam sint fallacia, incerta, momentanea, caduca, fluxa temporaria quibus illi fruuntur, quum Deus subito & repente omnia euertat, ac in nihilum redigat, vt ne vestigium quidem tanti fastus & potētiae appareat. quod etiam alio loco indicat Dauid, *Adhuc pusillum, & non erit peccator, & quæres locum eius, & non inuenies.* Et paulò inferius, *Vidi impium super exaltatum & eleuatum sicut Cedros Libani, & transiui, & ecce non erat: quæsiui & non est inuentus.* Quo denotat improbos in maximam sublimitatem attolli, sed ex florenti rerum statu, exquieta possessione deturbari, illorúmque pōpam ac strepitum euanescere vt fumum, sic, vt ne posteritas quidem in vllam regni partem aut hæreditariam possessionem admittatur, sed euertatur florentissima familia, & aboleantur ædes & palatia splendidi-

da, à quibus ferè Reges & magnates nomen fortiantur. Exempla quotidie suppeditant Belgarum aliquot proceres gestamine Regio decorati, quorum opes, decus, magnificentia defluerunt, & nominis celebritas extincta est, quòd in tanto splendore in quo erant constituti, nulla habita sit Dei ratio, nec suam felicitatem Supremo numini acceptam referre studuerint: Quò spectat hæc Ezechielis Metaphora, qua Deus Regi amplissimo interitum minatur, eò quod Cor eius elatum esset contra Deum sic ut aliis prædæ sit futurus, atq; ad internecionem delendus, ipsis etiam cõfœderatis in eandem calamitatis sortem deiectis, quibus accedunt multa alia detrimẽta quæ Ezechiel hoc Capite multis Metaphoris amplificat. Huic prorsus affinis est illa apud Esaiam Dei comminatio cõtra fastum, superbiam, tyrannidem, crudelitatem, sæuitiam Regis Babylonis, super cuius interitu etiã lætatae sunt Abietes & Cedri Libani, ut propheta differit. Qua Metaphora indicat Duces ac Satrapas, omnesque illius iugo oppressos exultare atque exhilarescere ruina atque interitu Tyranni suauissimi. Comparatur ille ob magnificentiam ac splendorem Regni, Lucifero sideri argentei ac clarissimi splendoris, qui Planeta nocturnis horis atq; inclinata iam die, Solẽ subsequutus, Vesperugo & Hesperus dicitur, Belgis *Auont sterre*, de quo Virg. *Ite domũ saturæ, venit Hesperus, ite capellæ.* *Eclog. vi* Matutinis autem atque antelucanis horis, primòque diluculo Solem præcedens Lucifer vocatur Phosphorus, denique ab amabili venustate ac splendore, lucidòque colore Venus, à qua & dies nomen fortitur. Cui rei hæc subest ratio, quòd veneris stella ratione epicycli morã ac retardationem faciat in signorum spatiis, quo fit ut tardius progressa, post occasum So-

*Esaiæ loc-
cus expli.*

Eclog. vi

lis appareat, velut itineris eius comes, mox tamen maturans iter, ocyore ambitu vtitur, ac transfiliendo se eripit à necessitate moræ, iustumque cursum perficit, ac Solem matutino tempore præcedens radianti splendore cælum illustrat. Huic syderi quum Rex Babylonius memoratur assimilis, successu rerum magnarum elatus, suæque fragilitatis oblitus diuinos honores sibi deferri passus est, oppressâque Dei religione, ac profligatis eius cultoribus pro numine coli voluit, cuius insolentiam ac superbiam, læsæque Maiestatis crimen indignè ferens Deus, illum ex sublimi imperij solio deturbauit, omni que gloria ac decore spoliavit (quemadmodum angelum Satanæ qui Diuinitatem affectabat, Deoque proximas sedes ambiebat) & ea ignominia affecit, vt etiam sepulturæ honor illi sit denegatus, illata etiamnum memorabili clade regno Babylonico, eiusque incolis, atque indigenis vndique prostratis. quæ ruina ac tam magnifici Regis interitus passim prouocauit populares & finitimos, qui eius pompam ac strepitum vel inuiti spectare ac venerari soliti sint, ad dicacitates, scommata, dicteria sic, vt mortuo cadaueri insultarent, quod opulentissimus Rex qui solo nutu omnes territabat, ex tâta sublimitate ac fastu in tâ acerbâ ac seruilē conditionē sit præcipitatus adeo, vt non sit inferendus sepulchro more Regio, sed (vt Hieremias Ioachimo Regi Iudaico minatur) sepultura asini sit humandus. Quo indicat corpus, vt asini & equi, feris & alitibus palam obiciendum. Quo spectat illa Esaiæ Ironia & insultatio. *Omnes principes nationum dicent, Detrahta est ad inferos superbiatua, hoc est, fastus, strepitus, magnificentia voluptates, deliciae desierunt: concidit cadauer tuum. Subter te sternetur tinea, & operimētum tuum erunt vermes,* hoc est,

Cap. 22.

Esaiæ 19.

Esaiæ loci explicatus.

est, corpus demortui nullo erit oblitum vngueto aut
 aromate, vt Regibus assolet, quò à putredine corpus
 conseruetur: sed à lumbricis ac vermiculis arrodetur,
 vt infimo cuique cerdonum contingit. *Quomodo de cœ*
lo cecidisti Lucifer qui oriebaris mane ante coruscantem
Auroram? Corruisti in terram qui vulnerabas gentes, qui
dicebas in corde tuo, In cœlum cōscendam, supra astra Dei
exaltabo sedem meam, & sedebo in montē testimonij in la
teribus Aquilonis, Tu verò in sepulchrum detractus es
in profundum lacus.

*Ambi-
tio ruina
obnoxia.*

Quo denotat eum vita, opibus, potentia exutum, &
 morte absorptum, qui humanæ conditionis oblitus,
 se efferre supra humanam conditionem studuit. Deiq;
 honorem sibi vindicare. Quæ rerum vices documēto
 sunt Regibus ac mortaliū cuique, vt se contineant in-
 tra limites, ac meminerint eas esse vices rerum huma-
 narum, vt minimo momento summa in imū aliquan-
 do deuoluantur, eoque magis si homo fastu ac super-
 bia intumescat contra homines, & cristas erigat ad-
 uersus Deum. Sic Paulus in felicem ac funestum exi-
 tum denunciat homini illi sceleroso ac perditio qui ef-
 fertur supra soliū Dei, & se extollit supra omne quod
 dicitur Deus aut numen religiose colendum, & à quo
 cuiusque salus & incolumitas dependet, adeo vt in tē-
 plo Dei sedeat ostentans seipsum pro Deo, & exercēs
 palam sæuitiam ac tyrannidem in sanctos qui volunt
 piè viuere in Christo Iesu: quem Deus suo tempore
 conficiet potenti spiritu oris sui, atque e mentita fal-
 sâque Diuinitatis specie iactantem abolebit claritate
 aduentus sui, quod detegetur omnis impostura, & e-
 uanescet (multis obstupescētibus, qui eius fraudulētis
 prodigiis & portētis demētati erāt) vt fumus eius do-
 ctrina, & fucata fictaq; religionis ac pietatis species.

2. Thes. 2.

EX FRVTICE, VIRGVLTO, SVRCVLO,
termite, malleolo, palmitē, germine, gemmā qui & oculus in arboribus ac plerisq; alijs, desumptæ similitudines quibus Prophetæ vaticinia illustrant.

CAP. L.

Frutex.

Virgultū.



Rutex appellatur quidquid ab radice multiplici caudice ac ramosum se profert, sed quod ad iustam arboris proceritatem non assurgit. Virgultū est è terra emergens fruticosa virgularum congeries, que cō pluribus ramulis ac lignosis surculis cōstat, nec vt herba emoritur. Hæc aliquando excolitur vt arborescat. Surculus est germen quod ex ramis simplex & indiuiduum oritur. qualis nobis in ramusculorum summitate ad infitionis vsum accommodatur, *Inte Belgæ vocant, quo efficitur, vt*

Surculus.

Virg.

Geor. 2.

*Aliena ex arbore germen**Includas: vudoque doces inolescere libro.*

Malleoli

Palmites.

Ioan. 5.

Est autem Surculus in arbore, velut succrescens soboles & propago, vt in familia nepotum & agnatorum successio. Vnde *Surculare*, hoc est, adnascentes arboribus surculos adimere. Malleoli & palmites à farmētis, hoc est, prælongis vitis virgulis porriguntur, nouellæ sunt vineæ germinationes, inter quas sunt pampinarij, qui nihil aliud quam pampinis ac foliorū pompis luxuriant. quibus nihil speres quam ostentamenta stirpis: vt ficus Euangelica Christo detestata. Sunt enim stolones & inutilis fruticatio ressecanda ferro, ignique destinanda. Qua Metaphora Christus impios atque improbos designat. Alij palmites fructuarij sunt, à quibus insequente æstate fructus speratur. nam ineunte vere palmites concepto humore, velut animati, protuberare incipiunt, ac velut parituri extumescere,

cere,

miscere sic vt gemmæ in iis se proferre incipiant, Quod Cicero indicat, In vitibus primo vere existit *Gemma* tanquam ad articulos farmentorum ea quæ gēma di- *in vite* tur vel oculos, quod extumescat. Vnde *Gemmare* vi- *quid.* tes dicuntur ac turgescere in spem futuri fructus, Indicauit id etiam Virgilius,

Iam venit æstas.

Eclog. 7.

Torrida, iam læto turgent in palmitæ gemmæ.

Germen est id quod ex ipsis arborum furculis primo vere exit, ex quo mox folium producitur. Sic vere nouo germinare dicuntur arbores & pubescere. Ex qua re post ver aduentare ætatem coniicimus: vt etiã indicat Christus sumpta similitudine à ficu germinante ac proferente grossos suos, quæ Metaphora superius *Mat. 24.* explicata est de ficu. Termes auulsus est ex arbore *Termes.* ramus foliis vestitus & fructibus onustus, præsertim ex Palma & Olea, de qua Paulus Apostolus similitudine desumit contra illos qui fastu tumidi ac factimonie specie inflati alios despiciunt, ac concipiunt de se opinionem quàm pro humana fragilitate maiorem. Hec præfari visum est Lector candide, quo plus lucis adferret plantarum cognitio ex quibus cōcinnæ similitudines & Metaphoræ desumuntur. neque enim solum ex arboribus, herbis & fruticibus sacra historia Similitudines mutuatur, sed etiã ex earum partibus & appendicibus, radice qua alimentum alliciunt, trunco per quem diffundunt, cortice quo muniuntur ramis, fronde, foliis, flore quibus exornantur: fructu, semine quibus propagantur. Sic Esaias, vt rem aggrediar, quum de Christo, eiusque ministerio vaticinatur, atque illum oculis hominum spectandum exhibet, describit tam salutarem summi patris legatum nulla specie, nulla formæ dignitate fuisse, sed abiectum despiciatum, ita, vt

Mat. 24.

Termes.

Rom. 11.

Cap. 53.

Ioan. 16

Rom. 10

*Esaie lo-
cus expli.*

nullus propemodum illo afficiatur, aut illum vt gratiosum hominem ac fauorabilem complectatur, Similem dicit Christum virgulto aut furculo qui emergit ex terra arida, ieiuna, squalentique ac siticulosa sic, vt nullam spem pollicere posse videatur hominibus (nam coram Deo nihil illo sublimius) vt in vllam sublimitatem possit euehi, suamque propagare doctrinam, aut vlla ratione efficere vt aliquam spem de eo quiscumque concipiat instaurandę salutis, vel aliquid magni ab illo sperare, adeo vt quum multi abiecti hominis specie offenderentur, eò res deuentura videatur, vt vix decimus quisque fidem sit habiturus tam magnificis promissis eorum qui illum prædicant, ac testatum orbi volunt Christum esse Seruatorem, salutisque humanę vindicem, & assertorem. Quum enim in eo nihil fuerit spectabile aut visenda specie (nisi deuicta morte, exhibito resurrectionis triumpho, ac consummato salutis humanę mysterio) profecto non mirum cuiquam aut absurdum videbitur tam paucos amplecti eius professionem eiúsque doctrinam arripere: quum vix dignum deputent in quem defigant oculos, ac spectare sustineant: & abiectior sit quam vt eius consuetudine ac familiaritate vti cupiant. Longum autem esset omnia persequi quę in hoc Capite Esaia commemorat de propagatione regni Christi, propterea lectorem ad huius Prophetę interpretes relego Hieronymum Rupertum Tuicensem, Adamum Salsboudum recentiorem, & si qui alij in illustrandis Esaia vaticiniis fuerunt occupati. Omnium autem Christianorum interest locum huius Prophetę accuratè erũere, in eoque identidem immorari, ac singula meditando excutere: quoniam in eo nobis proponuntur quibus maximè illustratur Christi & humilitas & gloria,

& quid nobis contulerit, quantaque passus sit, ut excussa seruitute ac tyrannide Diaboli, in libertatem damnatos assereret. Reuocat nos ad Christi exemplum Paulus Apostolus rigidus Christianæ religio- Philip. 2.
 nis assertor & propugnator, atque hortatur, ut ita simus affecti, sic animati, ut Christus Iesus, *qui quum esset in forma Dei, non se rapinam arbitratus est, ut esset æqualis Deo, sed seipsum exinaniuit, ut assumpta serui forma, factus sit homini similis, & in forma repertus ut homo, factus obediens usque ad mortem Crucis ignominiosam, quapropter Deus illum extulit in summam sublimitatem & donauit illi nomen quod est supra omne nomen, ut in nomine Iesu se flectat omne genu, cælestium, terrestrium, & inferorum*, hoc est, nulla vis, nulla potestas Pauli locus illustratus.
 tanta quæ non submittat se illius imperio. Sic Paulus Matt. xlv.
 ut etiam Esaias duplicem Christi naturam complexus est, humanam qua obnoxius fuit & expositus calamitatibus & miseriis hominum: & diuinam ob consequutum imperium, quo deuicta morte & Diaboli tyrannide, extinctoque peccato, mortales omnes in libertatem asseruit, sic ut nemo non illi assurgat, nemo non caput inclinet, nemo non genua incuruet, ubi tam sacrosanctum Iesu nomen vel proferri vel inclamari audit. Cæterum ut in argumento suscepto progrediar, quum Esaias nusquam non Christi gloriam illustret, atque illius regnum, hoc est, Euangelicam professionem propagandam prædicet, Consolatur afflictos & mœrētes qui se destitutos omni præsidio existimant, ut concepta spe & fiducia in Deum mentem Cap. II.
 erigant. Futurum enim indicat (assumpta Metaphora surculi vel fruticis) instauratum iri spiritale Davidis regnum per Christum, omnesque pios qui se desertos credunt, propugnatorem habituros & vindicem, ex-

cussóque tyranni iugo, libertatem assequuturos, quod hoc vaticinio confirmat: *Egredietur, inquit, virga seu virgultum vel furculus ex radice Iesse & flos subsequente fructu ex caudice eius. Et requiescet super eum Spiritus Domini, Spiritus sapientiæ & intellectus, Spiritus consilij & fortitudinis, Spiritus scientiæ & pietatis, & replebit eum spiritus timoris Domini.* Quo indicat Christum omnibus donis cumulatissimum, quibus suos instruit ac locupletat. Eandem similitudinem paulo post repetit *In die illa radix Iesse*, quæ inclinat natis rebus Iudaicis propemodum extincta videbatur, vt aridus truncus *instaurabitur & erigetur* ita vt omnes nationes tanquam in scopum oculos habituræ sint defixos in Christum, qui stat erectusque est in signum ac velut vexillum populi, atque illum requirunt. eò se conferent, illum certatim gentes deprecabuntur. Cæterum ex radice quæ humorem è terra elicit, ac vitalem succum per ramos vndique diffundit, sumuntur in Bibliis similitudines perelegantes, quas partim rebus prosperis ac secundis prophetæ accommodant, atque vbi successum pollicetur Deus, vel etiam incrementa virtutum: partim rebus deploratis applicant, quum scilicet improbis extinctionem atque interitum denunciant. Sic Iob quum floreret opibus & potentia, ac frueretur rerum omnium affluentia, omnesq; procures illum passim honore prosequerentur, *Radix mea*, inquit *erat humore perfusa.* Metaphora sumpta ab arboribus aqua salubri irrigatis, quæ non arescunt, sed florum & frondium pompa spectabiles sunt. *Et ros morabitur in messione mea.* Quo denotat omnia felicissimè successisse, nec quid detrimenti aut iacturæ accessisse rebus suis. Quum autem

Esaia loci illustratus.

Ex radice stirpis desumptæ similitudines.

Cap. 29.

radix

radix fundamentum sit quo arbores fulciuntur & alimentum percipiunt, Deus apud Oseam pollicetur Cap. 14. resipiscentibus atque iis qui illi fidunt, vberissima quæque, opesq; stabiles & diuturnas, *Ero, inquit, quasi ros Israeli, & germinabit sicut rosa aut lilium & erumpet, hoc est, dilatabit, diffundetq; se radix eius, & propagabunt se rami illius.* Quo designat non facile morituram illorum felicitatem, sed vt validas arbores, stabilem fore & diuturnam, Solomon autem quum inanem atque euanidam impiorum spem indicat, qua frustrandi sunt votis suis, nec sunt consequuturi ea quæ animo conceperunt, *Desiderium inquit, impij, monumentum est pessimorum,* hoc est, ea cogitant ac meditantur quæ interitum adferunt: *Radix autem iustorum proficiet,* hoc est, pullulabit fructumq; salutarē proferet. Vnde Sapientia Prouer. 12. radicatā se dicit, seu firmas defixisse radices, ac propagatam in populo honorifico, sic vt assurgat in immensum, vt Cedrus & Cupressus, hoc est, longè latèque diffundat virtutes suas, quibus sui studiosos obumbrat, ac saluberrimo halitu fouet ac recreat. E diuerso quum Deus interitum minatur improbis, ac confirmat non fore stabilem aut diuturnam illorum potentiam, quantumuis illa vallata sit & munita, Radicem illorum eruendam pronunciat. Quo spectat illud Iobi, *Ego vidi stultum firma radice, & maledixi ac* Cap. 5. *deteſtatus sum pulchritudinem eius.* Cui & illud con- Iob. 15. sonat, *Cunctis diebus suis superbit impius, & numerus annorum & tyrannidis illius incertus est, Non ditabitur nec perseuerabit substantia eius, nec mittet in terram radicem suam,* hoc est, non erit diuturnus: ramos eius arefaciet flamma, & auferetur spiritus oris eius ab eo. Hæc omnia indicant omnem fa-

- fastum, strepitum, superbiam ad nihilum redigenda. Non mitiora denunciat Dauid homini scelerato ac nefario qui rebus fluxis ac caducis físus, innocentes opprimit. *Psal. 51.* *Deſtruet te, inquit, Deus in æternum, & euellat de tabernaculo, & radicem de terra uiuentium:* Quo indicat illum radicitus extirpandum, ac funditus erudendum, sublata omni spe propagandæ familiæ. nam extincta radice nulla amplius est posteritatis spes. Ea dem Metaphora Christus vsus est, quum os obturat Phariseis, & discipulos libertate dicendi offensos placat. *Matt. 15.* *Omnis plantatio quam non plantauit pater meus cælestis, eradicabitur.* Quo indicat, Omnem doctrinam aut institutionem vitæ quæ non innititur Christi solido fundamento, & quæ plus habet superstitionis, quàm veræ pietatis extirpandam. Solent ferè in nihilum redigi & aboleri quæ humanis conciliis, nec adhibito Deo statuuntur, omniâque dissipari atque obsolescere, quæ non Scripturæ immobili autoritate fulciuntur, vel ad ostentationem & quæstum excogitata sunt. *Spruyte.* De Germine, hoc est, rudimento florecentis plantulæ ineunte vere, par est ratio. nam ex eo defumuntur similitudines vel in bonam, vel in deteriorem partem. *Esa. 5.* *Sic vinea Domini exercituum Israel est, vt Esaias testatur, Et viri Iudæ germen eius delectabile.* Rursus eodem Capite in deteriorem partem, *Radix impiorum sicut fauilla erit, & germen eorum vt puluis ascendet,* hoc est, improbi perdentur, nec in vllam magnitudinem assurgent. Rursus quum idem propheta consolatur populum & pollicetur gratiam Seruatoris non defuturam, *In illa die, inquit, erit germen Domini in magnificencia & gloria, & fructus terræ sublimis* seu honorificus. Quo ostendit plurimum ornatus ac dignitatis accessurum iis qui in fide persistunt ac salutem Christi

sti fauore & munificentia consequuturos. Quò spe- Esaia 61.
 ctat illa exultatio qua sibi tacitè ac velut in sinu plau-
 dit ac gratulatur homo pius, quod tot tantisque do-
 nis sit cumulatus. Sic enim omnia sua dona ac munera
 quibus affatim ornatus est, ad Deum cum gratiarum
 actione referens, *Gaudens, inquit, gaudebo in Domino,*
& exultabit anima mea in Deo meo quia induit me ve-
stimentis salutis, & indumento iustitiæ circumdedit me,
quasi sponsam ornatam monilibus suis. Sicut enim terra
 profert germen suum, & sicut ortus semen suum ger-
 minat: sic Dominus Deus germinare facit iustitiam &
 laudem coram vniuersis gentibus. Quibus verbis indi-
 cat se omni virtutum genere excultum, atque id Dei
 beneficio, cui vni debetur laus & gloria. Vt enim terra Hier. 33.
 fertilis & fœcunda virentibus herbis exornata testa-
 tur Dei erga inferiora hæc munificentiam: ita iustitia,
 pax, tranquillitas, ac cæteræ virtutes quibus mentes
 humanæ exornatæ sunt, declarant summam Dei erga
 homines beneficentiam & amorem, sic vt meritò
 hæc Dei munera nos ad gratitudinem prouocare de-
 beant.

Palmites vitis qui se longè latèque diffundunt, ex- Palmites
 plicant, dilatant, atque vmbracula contra Solis æstum quid desti-
 præbent, felicitatem, honorem, dignitatem, magnifi- gnent.
 centiam, decus amplitudinem, successum in Scriptura
 designant. Sic Dauid eleganti allegoria vitis & palmi- Psal. 79.
 tis, Hebræorum res secundas commemorat, quas, ca-
 lamitates postmodum sunt subsequutæ. Sic enim cum
 Deo sermocinatur, *Vineam de Aegypto transtulisti,*
Quo designat populum Iudaicum, eiecisti gentes, &
plantaſti eam, hoc est, curam adhibuisti illis excolen-
 dis & instituendis. *Quæ vitis extendit palmites vsque*
ad mare, vsque ad flumina propagines suas, hoc est, ex-

porrexit imperij terminos. *Vt quid diripuisti sepem eius, & vindemiant eam omnes qui hac iter faciunt?* hoc est, diripiunt, conuellunt, lacerant, dilaniant potentiam populi Iudaici, quod destituti sint protectione tua, tuoque praesidio orbat. Idem argumentum tractat Esaias, à vinea ac palmitibus desumpta similitudine. Extat autem insignis locus apud Ezechielem exhibita parabola Aenigmatica, qua declarat Deus producta in concione Aquila praegradi ac rapaci, qua Regem Babyloniae regno Israelitico inhiantem designat cui talia insignia attribui solent, ac vinea frondosa, multisque palmitibus exporrecta, nihil stabile esse aut diuturnum nec temere hominum potentiae fidendum, esse enim Regum ac Principum foedera, amicitias, pacta, societates infidas, florentissima regna ruinae obnoxia. illa enim Deum dissipare & excindere, ut vineam foliorum ac frondium pompa luxuriantem: erigere autem humilia, abiecta, despiciata, Quod ipsum in postrema Capitis parte his verbis indicat, *Et sciēt omnia ligna vel arbores regionis, hoc est, superbi, elati, sublimes, Reges, quia ego Dominus humilio lignum sublime, & ex alto lignum humile, & siccaui fecique, exarescere lignum viride & succulentum, ac frondere ut virentem arborem, lignum aridum. Ego Dominus loquutus sum & faciam.* Quo indicat erigere se humiles & despicabiles, atque è sublimi deturbare arrogantes. Quod ipsum agnouit Diua Virgo, & cātico illustri testatum voluit omnibus, Deum clementia uti erga illos qui eum reuerentur: deiicere autem illos & profligare qui animi fastu contra Deum & homines insolescunt, diuites famelicos pati, esurientes autem affatim saturare & implere bonis. Paulo post idem argumentum prosequitur Ezechiel vaticinio fulmina-

Cap. 5.

Cap. 17.

Luc. 1.

Cap. 19.

Ezech. 21.

to contra Ioatam, Eliachim, & Sedechiam periurium
 & foedifragum. Sic enim primò illos suis depingit co-
 loribus, & indolem illorum exprimit, *mali scilicet cor-
 ni*, vt habet prouerbiū, *malum ouum*, *Quare mater* *Prouerb.*
tua leana inter leones cubauit? in medio leunculorum nu- *in impro-*
triuuit catulos suos, & eduxit vnum de leunculis, & leo *bos.*
factus est, didicit prædam capere homines deuorare, eo
 capto è gentibus non absque vulneribus, nec sine sangui-
 ne, ita vt victoria non fuerit incruenta. Mater frustrata
 sua expectatione & spe sumpsit alterum è leunculis suis
 Ioachimū scilicet, & leonem, hoc est, tyrānum consti-
 tuit eum, qui incedebat inter leones, & factus est leo, ac
 didicit prædam capere, atq; homines deuorare, didicit vi-
 duas facere, ciuitates depopulari, atq; in desertum redi- *Tyranni*
 gere, qui etiam vincētus catenis abductus est ad Regem *descriptio.*
Babylonis. Quò autem magis exaggeret rei atrocita-
 tem, atque amplificet Regis crudelitatem, quæ etiam
 illi ab vtero materno adfuit, repetit Capitis initium,
 vsus Metaphora Physica in hunc modum, *Mater tua*
quasi vinea in sanguine tuo super aquas plantata est.
 Quam Metaphoram & quæ subsequuntur, nemo ni-
 si Physicus & qui in re Medica sit exercitatus rectè in *Locus*
 terpretari poterit. Alludit enim ad infantis gestatio- *Ezechie-*
 nem in vtero. nam rubicundo ac sanguinolento san- *lis Physi-*
 guine foetus alitur, ac sensim incrementa capeſſit. itaq; *cus.*
 indicat matrem à qua crudelitatem fuxit, mirè foecun-
 dam esse, & sanguine in quo foetus voluitur, redun-
 dantem, vt vineam fertilem in locis irriguis: eoque e-
 uenit vt materno sanguine affluenter paſtus & fagi-
 natus vires validas & robustas conceperit. Quod in-
 dicat, quum inquit: *Fructus eius & frondes eius creue-*
rūt in aquis multis, hoc est, humorū in vtero abūdiātia.
 Et factæ sunt illi virgæ solidae in sceptro dominatiū. Quo

designat imperatoriam dignitatem & regalem pompam ac strepitum. *Et vidit altitudinem suam in multitudine palmitum suorum.* Quo indicat illius potentiam ac magnitudinem longè exsuperatam, & exaltatam staturam eius inter comantes frondes. Quo designat illum longè superasse magnificentia sua vicinos reges & Satrapas, ac latiùs propagasse ditionis terminos.

4. Reg. 23. *Quum autem in tanto regni fastu ac strepitu constitutus capisset alienari à Domino Deo suo, ipse vt speciosa ac dif-*
 Hier. 59. *fusa vitis, auulsus est, & emarcuerunt atque arefactæ*
 & 52. *sunt virgæ arboris illius eaque vinea transplātata est in*

Zede- *desertum loco arido & siticuloso.* Quo designat exilium
 chias in *& captiuitatem, in quam abductus est, ac priuatus ho-*
 Babylonē *nore dignitate, dominatione, magnificentia Regia,*
 abductus. *Quod iis verbis indicat, Non est in ea (nam persistit in*

vineæ Metaphora) virga fortis, nec sceptrum dominatiū,
 hoc est, nulla est imperij maiestas, nulla magnificentia,
 nulla autoritas quæ illum extra contemptum possint
 vindicare. Hactenus de palmitibus ac vitis propagine,
 à quibus Christus etiam similitudinem desumit, atq;
 homines qui illi per fidem infiti sunt, ac bonorum o-
 perum fructum proferunt fructuosis palmitibus assi-
 milat. Improbos verò omni ornati destitutos, nullò-
 que fidei ac Charitatis succo imbutos, aridis & infru-
 giferis, qui vt inutiles frutices & sarmenta igni desti-
 nātur. Qua de re vberiùs in Capite de Vinca, vbi Ioā-
 nis Euangelistę locus explicatur. Cæterum Rami qui
 multiplices ex caudice atque arboris trunco, velut e-
 rectis brachijs se diffundunt, simili Metaphora vt pal-
 mites concionibus adhibentur, Designantur autē hac
 voce robur, potentia, firmitas, incolumitas, decor, &
 ornatus familiæ, totiùsque posteritatis propagatio, ac
 soboles, denique consanguineorum affinium cognato-
 rum,

Cap. 15.
 Ex Ra-
 mis Me-
 taphora.

torū, nepotūmq; series. Sic Sapiens quum illi felicitatem ac florentes annos pollicetur qui Sapientiā amplectitur. *Radix sapientiæ, inquit, timere Deū, & rami* Ecccl. I.
ius longæui, hoc est, in multos annos illi vita prorogabitur, & longum habiturus est æui decursus. Extat autē insignis apud Paulū. Concio Metaphorica de ramis auullis ex olea, & in illorū locū aliis insitis, in qua Rom. II.
solidis argumentis ac demonstrationibus Iudæos nō ita excisos ac diffractos ostēdit ac cōvincit, vt sublata sit omnis recuperadæ salutis spes: sed illos denuo inferendos, si fidē amplectantur. *Si enim primitiæ, inquit, sanctæ, & conspersio sancta est. Si fermentū sanctū, oportet & totā massam statui sanctam, quæ fermento vndique imbuta est. Si radix sancta, & rami sancti erunt.* Si Abra Pauli loci excus-
sus.
hā primus credētū pater fidē amplexus est, & illi im Rom. 4.
Gal. 3.
putatū est ad iustitiā: quid vetat & nepotes ac poster Iacob. 2.
ros stirpis suæ authorē exprimere, ac fidē eandē amplecti, vt superius fufius à nobis explicatū? Ceterum vt comātes ac longius expositi rami aliquando felicitatē denotāt, ac rebus latis ac secundis, adhiberi solent: ita nonnunquā illos reb. aduersis sacri Scriptores accommodāt, eoque nomine calamitates, obuēturas denunciant, nec improbos diuturna prosperitate vsuros quod huiusmodi verbis indicatur apud Iob, *Cūctis die* Cap. 15.
bus suis superbit impius, sed nec diu abitur, nec perseuerabit substantia eius, nec mittet in terra radicē suā, ramos eius arefaciet flāma, hoc est, omnia cedent in deterius, & abolebūtur, & si videātur ad tēpus florere improbi, suosque ramos diffundere, omnia tamē sublapſa confestim dilabentur. Id ipsum Sapiens obuenturū pronūciat generationi peruersæ, quū inquit, *Adulterina plātationes non dabūt radices altas, nec stabile fundamentū collocabunt.* Et si rami tēpestinè suōq; tempore germi- Cap. 4.

nauerint, infirmiter positi, à vento concutientur, suis-
 que sedibus commouebuntur. *Confringentur enim ra-
 mi inconsummati*, hoc est, imperfecti & qui nondum iu-
 stum robur ac firmitatem sunt consequuti, & *fructus
 illorum inutiles, & acerbi ad manducandum*, nec ad vllū
 vsum idonei. Quo indicat, vt ex orationis serie intelli-
 gi potest, nec progenitores, nec filios, nec nepotes v-
 sui esse Reipublicæ, nec aliquid cōmoditatis aut sub-
 sidij adferre rebus humanis quandoquidē vt concio-
 nem prosequitur, *Ex iniquis & nefariis progenitoribus
 prognati filii, testes sunt nequitie aduersus parentes.* In
 Ecclesiastico seu concionatore prorsus idem argumē-
 tū tractatur, quod instituitur contra adulteram quæ al-
 teri quā viro legitimo corporis sui vsum concessit,
 seseque mœcho subiecit, ac præbuit (vt Plautus ait) v-
 surariam. Quod crimen ita exaggerat vt primū de-
 claret illā publicitus infamia notādā, & proles quas
 putat hæredes posse constitui, patri putatiuo, nullo ho-
 nore, nullāque dignitate habendas. quibus etiam hoc
 incommodi atque infelicitatis accessurum pronūciat,
 vt huiusmodi proles non figant radices, nec rami earū
 fructum proferant, hoc est, non propagabitur vlla po-
 steritatis, nec erit illis vlla sobolis spes. Cui sententiæ
 ista eius auctoris consonet. *Nepotes impiorum non mul-
 tiplicabunt ramos, & radices immūde super cacumen pe-
 træ*, siue in summa rupe se extendent. Quibus verbis in-
 dicat (vt Christus de semine concionatur quod incidit
 in loca aspera ac petricosa) illos impuros non posse ra-
 dices figere, nec in vllā spē posteritatis emergere, sed
 mox vbi quid ex eorū stirpe exortū sit, emarcescere at-
 que in nihilū redigi. Tale quiddā etiā Elaias exprimit,
 quum inquit, *Ante messē totus effloruit. & immatura
 perfectio germinauit. Et præscinduntur ramusculi eius fal-
 cibus, & quæ relicta fuerint, abscindētur.* Qua Metapho-

Eccle. 23.

Ex adul-
 terio pro-
 gnati in-
 fausti.

Eccle. 40.

Matt. 13.

Mar. 5.

Cap. 8.

ra declarat impiis omnia prosperè succedere ad tēpus aliquod, accelerari iis annonā, mēse p̄maturè adesse fructus properè maturefcere; verū quū iā omnia maturuisse visa sunt, ac fructu fruiturū vidētur, segetes, ramī, farmēta, palmites, propagines excindūtur, hoc est, tota felicitas, successus, prosperitas corruiť, ac vana spe illusi sperata vindemia, mēsisque desiderio, atq; auide expēctata iā flauescēte segete frustrantur. Flos ex quo fructus speratur, gaudiū est & amœnitas seu blandimēť arborū, quod vernis mensib. oculos hominū oblectat, ac suauī odore nares reficit. Herbæ autē aliæ aliis tēporibus florescūt, nunc vere, nūc æstate, nūc autūno nonnullæ etiā hieme, vbi cœlū clementius est, nec omnia gehu rigescunt. Indicatur nō solū in sacris literis, sed etiā apud alios scriptōres, floris nomine quidquid p̄stanti excellentiq; specie est. Sic prima indoles, adōlescētia, iuuentus, ætas florida & pubescēs floris nomīne designatur, tum etiā decōr & species, venustas, pulchritudo, blādicies, ac pleraque alia sagacia in homine, & quæ cito euanescent, nec stabilia sunt aut diuturna licet ad tēp⁹ spectatu grata ac peramœna. In eodē significatu adhibētur cōcionib. foliū, herba, omnisq; nitor & herbescens viriditas, tū fœnū, stipula, ac pleraque alia quæ cito languescunt, nec diu subsistūt. Sic Paulus doctrinā inanē, fucatam, adulterinā, infrugiferam, supersticiosam, nōxiā, damnosam ligno, fœno & stipulis cōparat. Qui enim huiusmodi doctrina minus salutari imbuti sunt, nec solido fundamento inniuntur, primū omniū ingruente tētationū procella labascūt ac corruūt, nec prorsus in aduersitate subsistūt, vt nec arida nutrimenta ac fomites cōtra ignis vim. Ceterū floris nitor spectabilis in Scriptura passim accommodatur reb. caducis, fragilib. momētaneis, ruinosis,

Metapho-
ra ex flo-
re.

I. Cor. 3.
Pauli lo-
cus expli.

- Sic Iob, *Homo natus de muliere repletur multis miseriis*
Cap. 14. qui quasi flos egreditur, hoc est, se expandit, se dilatat,
Psal. 102. sed conteritur, & fugit velut umbra. Cui illud Davi-
sic effloreat. Quibus verbis indicat rem mox periturā
quālibet speciosa sit, aspectūq; amabili & gratiosa.
Quo autem sua cuique fragilitas idētidem ob oculos
versetur, atque ex aduerso verbi Dei vis & efficacia,
Cap. 40. Eſaiæ elata voce exclamandum præcipitur, Omnis ca-
ro fœnum, & omnis gloria eius quasi flos agri. Exiccatum
Eccle. 14. est fœnum, & cecidit flos, quia spiritus Dei sufflauit in
eo. Verè fœnum est populus, exiccatum est fœnum, &
cecidit flos. Verbum Domini manet in æternum. Quo pa-
lam facit omnem pompam, fastum strepitum, splendorem,
magnificentiam, denique quidquid in homine ex-
cellens est, & magnificum, seu externa seu interna spe-
ctes, scilicet, prudentiam, ac scientiæ coniunctam sa-
pientiam, & si quid aliud humanæ menti insitum est,
flatu Dei euanescere. Quapropter nemo rebus tam ca-
ducis & momentaneis inniti debet, aut illis fidere, si-
bique inaniter harum rerum possessione blandiri, sed
fulcire se verbo Dei quod stabile est, firmum, diutur-
num, & mentes hominum solida ac salutari doctrina
imbuit. Reuocant nos ad æternas has opes Petrus &
I. Pet. 1. Iacobus Apostoli, ac sectanda præcipiunt non fluxa,
Iacob. 1. non temporaria, non euanida, quæ tanquam flosculi ad
Aquilonis flatum, aut Solis ardorem emoriuntur: sed
celestia ad quæ Christo duce, eiusque verbo perduc-
Solida spe etanda. nos contingit. Plures sunt eius generis apud Prophe-
tas Metaphoræ, atque ex foliis floribusque desumptæ
similitudines, quarum commemoratione ob ocu-
los ponit mortalium res fragiles & caducas, prorsus-
que instabiles, quibus tantopere intumescunt homi-
nes.

nes. Sic Esaïas fastum ac superbiam Ephraim, quorum nomine designat omnes iisdem vitiis obnoxios, foliis ac floribus mox euanescentibus, ac defluis comparat. Sic enim illis interitum minatur: *Væ coronæ superbiæ, ebriis, Ephraim & flori decideti: Pedibus concalcatur corona superbiæ ebriorū Ephraim, & erit flos deciduus exultationis eius, Et sicut fructus temporaneus & præcox.* Vt enim nec fructus nec præcocia poma diu subsistunt. ita nec illorum fœlicitas diuturnâ prosperitatem est habitura. Naum quoque propheta declarat

Cap. 28.

eadem similitudine nihil tam speciosum ac spectabile nihil tam blandū & amabile, quodd Deus non concutiat ac cōterat, vbi exarserit in nefarios atque improbos ira illius, sic vt flores & germina elatorum hominum discutiantur, hoc est, omnis illorum pompa, & splendor ad nihilum redigatur. quod iis verbis indicatur, *Infirmatus est Basan & Carmelus, & flos Libani elanguit.* hoc est, virtus, robur, potentia ruinosæ est, omnis nitor, decor, species, venustas deflorescit ac deformata est. Floribus succedunt fructus & semina, de quibus quoniam similitudines desumuntur, hoc obiter indicandum, Semen duobus modis vt & fructum, vsurpatum in sacris literis, pro tribu atque illustri familia vel prosapia, pro sobole ac totius posteritatis propagine, pro successione hæreditaria, pro stirpe genere, cognatione, quæ omnia pollicetur Deus in humanæ vitæ decursu optatum felicemque successum habitura, vbi quis mandatis eius obsequitur, atque morum integritati insistit. Quod indicat Dauid in Psalmis, quum inquit, *Iunior fui, etenim senui, & nō vidi iustum derelictum nec semen eius quærens panem. Semen illius in benedictione erit, & iusti hæreditabunt terram.*

Cap. I.

Semen in
Biblijs
quid designet.

Psalm. 36

Semē verò seu generatio impiorum peribit. Sic Elephas

Cap. 5.

Semen stir-
pium.Cap. 30.
Esaie lo-
cus excus-
sus.Fructus
stirpium
quid de-
signet.

vnus disceptantium cum Iob commendat Dei casti-
gationē, eaque sic erudiri hominem pronunciat, vt to-
tū se committat eius arbitrio, eiūsq; volūtatī se sub-
iciat, quod sciat se castigari vel ad emendationem, vel
vt exploretur illius constantia, qua ratione cōsequitur
homo, vt omnia illi prosperē succedant, & accedat o-
pima benedictio, *Spectabis*, inquit, *multiplex semen tuū*
& *progeniem tuam*, hoc est, proles, nepotes, & poste-
ros, & *herbam terræ numerosam*. Ingredieris in abundā-
tia sepulchrum, sicut infertur aceruus tritici in tempore
suo, hoc est, generosi hominis more & magnificē te ef-
ferri continget comitante magna procerū multitudi-
ne. Rursus quoniā semen herbis ac arboribus inest, at-
que id similem speciem producit, seseque ex alia in a-
liā stirpem propagabat, Prophetæ quoque & isto in
concionibus illustrandis vtuntur. Designat autē Semē
successum, vberem prouentum, annonam fructiferam
benedictionem, beneficentiam, vberimos fructus. Ita
quum Deus apud Esaia pollicetur fœlicitatē ac re-
rum omniū affluentiam iis qui illi fidunt, illiūsq; mā-
datis insistant, *Dabitur*, inquit, *pluuia semini tuo vbi-*
cunque seminaueris in terra, & *panis frugū terræ erit v-*
berrimus & pinguis. *Pascetur in possessione tua agnus*
spatiosē, & *tauri tui & pulli asinorum qui operantur vel*
colunt terram, commistum migma, hoc est, ordeum pu-
rūmq; pabulum comedent, sicut in area ventilatum est,
hoc est, vtilibro vānōq; accuratē expurgatū à paleis.
Quibus verbis designat rē familiarē amplissimē augē-
dā, omniāq; ex vcto atque animi sententia successura.
De Fructu par est ratio. nā & herbarū arborūmq; fru-
ctus in Bibliis designat vbertatem rerū, abundantiam,
fertilitem, beatitudinem, prosperum successum, ope-
ra bona & mala, incipiā, annonæ caritatē & penuriam,
iustitiam vitæq; integritatē, impietatē, nequitia mores

improbos: quæ etiam frumenti ac frugum nomine designantur. Sic Oseas quum ad optimam frugem, ad Cap. 10.
decus, probitatem, iustitiam exhortetur homines suæ salutis oblitos, qui rebus improbis assuescere cœperunt, *Seminate vobis*, inquit, *iustitiam, & metite in ore misericordiæ*, hoc est, Misericordia, clementia, bonitas vobis cordi sit, & in ore versetur, *innouate vobis nouale, dum tempus inquirendi Dominum*. Quo suadet immutandum vitæ institutum, quo possint vitam, mores, studium approbare Domino Deo. *Etenim Haftenus*, vt Propheta inquit, *arastis impietatem, iniquitatem messuistis, comedistis frugem mēdacij*. Qua Metaphora indicat nihil illos aliud quam fraudes, sycophantias, perfidiam, imposturas, dolos machinari, quibus innocētes opprimunt. Quocirca monet vt excussis atq; extirpatis vitiosis fruticibus ac Zizaniis in exulto nouali puræ mentis, probitatem, mansuetudinem, iustitiam, humanitatem inferant. Quod etiam apud Hieremiam accurate Dominus præcipit, *Nouate vobis nouale, & nolite sere* Cap. 4.
re super spinas, hoc est, reddite corda vestra exulta optima semente integritatis, iustitiæ, innocentiae, bonitatis, extirpatis spinis ac sentib. nequitiae. Hac enim ratione omnia prosperrimè homini succedunt. Quod Deus apud Esaiam palam testatur insigni consolatione qua pij hominis mentem in spem ac fiduciam erigit consequendæ salutis. Sic enim securitatē reb. afflictis ac desperatis denunciat, *Dicite iusto, quoniam bene il* Cap. 3.
li erit, quoniam fructum adinventionum seu manuum suarum comedet. Quo illum commonefacit vt securo sit animo, bene speret, optimam spem concipiat: quoniam ingruente calamitate & afflictione famis aut belli, fruetur securè rebus quas sua manu, suoque labore à Deo Optimo maximo sit consequutus. *Impio verò, vt*

idem ait, *malè erit, quoniam secundum opera manuum eius reprehendetur illi.* Cæterum Fructus pro sobole etiam & posteritate sumitur hæc liberorum propagine. Quod munus David Deo acceptum refert, quum inquit, *Ecce hæreditas Domini filij merces fructus ventris.* Quo indicat prolium propagationem Dei donum esse. Rursus quum Deus sub Davidis nomine Christi regnum fore sempiternum pollicetur, *Iuravit Dominus David veritatem, & non frustrabitur eum, de fructu ventris tui ponam super sedem tuam. Illuc producam & germinare faciam cornu David: paraui lucernam Christo meo. Inimicos eius induam confusione. Super ipsum autem effloreat sanctificatio mea, vel diadema meum.* Quibus verbis amplificat fortitudinem, decus, magnificentiam imperij, quod longè latèque sit propagandum, & sub Davidis typo Christo Seruatoris regnum spirituale, eiusq; Ecclesiam, hoc est, cœtum fidelium, nunquam extinctum aut oppressum iri, nec vlla vnquam vetustate, vlla temporum iniuria abolendum: quamlibet sæuiant inimici, quantumvis doctrinæ Evangelicæ insultent, illamque lucem extinctam cupiant, atque omnes machinas ad illam opprimendam admoueant.

Matt. 16. Quò spectat illud Christi de inconcussa fide, & inextinguibili solidaq; professione nominis eius, *Et portæ inferi non præualebunt aduersus eam.*


Quisquis enim tã immobili ac tam firmo fundamento nititur, nõ est quòd metuat se ab illo posse dimoueri aut diuelli. Quòd Christus etiã aliàs testatus est, similitudine adducta ex viro prudẽte ac sagaci, qui ædificiũ suum construit non in fluida arena aut fundo palustri & vliginoso, sed in solido saxo aut firma rupe, ne ingruentes tempestates, fulmina, tonitrua, imbres, venti, flumina & concursus aquarum tõtã molem conuul-

sam

sam dissipent ac discutiant. Qua similitudine designat *Fiduciam*
illum qui fidem solidam ac viuam, non umbratilem *Deum.*
amplexus est, eamque factis exprimit, Inconcusso in-
fractoque animo subsistere aduersus imminentes tem-
pestates quæ nullis non momentis homini Christia-
no impendent. Quam securitatem Dauid etiam illi *Psal. 91.*
pollicetur qui Deo confidit, illiusque præsidio totum
se committit, atque omnem suam spem ac fiduciam
in Dei misericordia per fidem collocat. Hac enim ra-
tione fit ut ab omni quantumuis exitiosa peste & pe-
riculis tutus sit, & secure subsistat, seu illa noctu, hoc
est, tacite & latenter ingruant, vel interdiu, hoc est, pa-
lâm & apertò Marte grassentur. Quòd Altissimus cui
fidit, umbra alarum suarum illum muniat, suæque pro-
tectione tutum præster.

F I N I S.

CAPITVM HVIVS OPE- RIS INDEX.


- Cap. I. mplissimos reges ac sacratissimos
vates herbarum cognitione exacte
fuisse imbutos, desumptæ ab iis tot
Metaphoræ ac parabolæ declarant
quæ hic spectandæ exhibentur fol. 9
- 2 De conditione & natura mandragoræ, quam à Lya so-
rore eblandita est Rachel. 14
 - 3 De Manna cælitus delapsa, tum ea quæ Medicis in vsu
est. 20
 - 4 De Lactuca siluestri. 24
 - 5 De Olea, Oleastro, Oliua, oleo. 28
 - 6 De Rhamno, aculeato frutice. 33
 - 7 De Cucurbita siluestri vulgo Colloquintida. 35
 - 8 De Salice. 36
 - 9 De Saliunca. 37
 - 10 De herba Borith, quæ Medicis veteribus Struthion vo-
catur, Mauritanis, Arabibusq; scriptoribus Condisi,
cui affinis recentioribus vocata Saponaria, & herba
fullonia, quod vt smigma eluendis maculis adhiberi
soleat. 39
 - 11 De Cocco vermiculo Conchylio, Murice, Ostro, ac colore
purpureo. 42
 - 12 De Paliuro aculeata stirpe, cui sanguinarij comparan-
tur atq; insidiosi, quiq; ad inferenda damna prompti
sunt. 47
 - 13 De Gith quæ Græcè Melanthion, vulgo à nigrore Ni-
gella dicitur, Nardus ob odoris suauitatem, tum a-
liis stirpibus desumpta comparatio. 50
 - 14 De Lentisco, quæ Græcè Schinos dicitur, & Ilice. 56

- 15 De Hyacintho, vestēq; hyacinthina, vel à viola colore
Ianthina. 59
- 16 De Carice, scirpo, iunco palustri, papyro. 62
- 17 De Absynthio. 66
- 18 De Carduis, Spinis, Vepribus, Tribulis, Rubis, Lappis,
Sentibus, & quibus hæ stirpes in Scriptura accommo-
dari solent, & quid designent. 70
- 19 De Ficu, Carica, grosso. 73
- 20 De palma arbore eiusque fructu, & quid in scriptura
sacra illis designetur. 76
- 21 De Hebeno & aliis quibusdam exoticis quorum in scri-
ptura fit mentio. 78
- 22 De Terebintho. 81
- 23 De Myrica siue Tamarice, & Ericæ quæ vulgo à soli-
tudine & loco arido Heyde vocatur, ex qua Belgæ ex-
tergendis pavimentis scopas conficiunt. 84
- 24 De Resina. 86
- 25 De vite seu vinea, cuius partes atque appendices, sar-
menta, palmites, malleoli, pampini, claviculi, vel ca-
preoli, rua, racemus, botrus, acinus, vinaceus, seu aci-
norum granum: Et quæ appositè horum pleraq; Con-
cionibus ac vaticiniis adhibentur. 90
- 26 De Hysopo. 95
- 27 De Arundine, quæ Græcis Calamus, eiusque differen-
tiis: de lino, stipula, quisquiliis, & plerisque aliis, ex
quibus Similitudines desumuntur. 96
- 28 De Cucumere & plerisque aliis herbis quarum in Bi-
bliis fit mentio. 104
- 29 De Iunipero. 105
- 30 De Labrusca. 106
- 31 De Mentha, Ruta, Anetho, Cumino, quæ Christus pa-
rabolis adhibet in insectanda Pharisaorum auariti,
& fucata religionis sanctimonia. 108

- 32 De Sinapis vi & natura, cui fides & Dei verbum comparantur. 109
- 33 De hedera, quæ arboribus ac parietibus tenaci amplexu adhæret. 110
- 34 De Morò arbore & fructu eius. 112
- 35 De Sycomoro & caprificu. 115
- 36 De malo punico. 118
- 37 De citreo ac malo medico, limonibus & Aurangis. 120
- 38 De Croco. 121
- 39 De Myrto quæ apud omnes nationes nomen retinet, & de Myrtò sylvestri. 124
- 40 De Pino. 128
- 41 De Buxo errore vulgari Palma dicta. 129
- 42 De Nuce. 134
- 43 De Pomis in genere, è quibus sacri vates similitudines desumunt. 136
- 44 De Quercu, & aliis glandiferis arboribus. 138
- 45 De rosa & ex illa desumptis Metaphoris. 139
- 46 De Zizania & Lolio, aliisque herbis frugibus inimicis. 143
- 47 De Libanotide Coronaria, quæ vulgo Rosmarinus dicitur. 145
- 48 De Amygdalo arbore, cuius passim in sacris Bibliis fit mentio, & de qua desumitur insignis Metaphora seu collatio à Solomone Eccl. Cap. 12. 148
- 49 De Platano eiusque natura, à qua Similitudinem desumunt sacri scriptores. 158
- 50 Ex frutice, virgulto, surculo, termite, malleolo, palmitè germine, gēma, qui & oculus in arboribus, ac ple-risque aliis desumptæ similitudines, quibus prophete vaticinia illustant. 166

RERVM ET MATERIA- RVM HVIVS OPERIS Index.

A

Ex  Aronis Historia documentum.	156	animo tuo desiderata poma, &c. ex plicatus	ibid.
Abietis descri- ptio.	130	Apostemata maturat arundinis radice	97
Ex Absynthio simile.	64	Aqua nucum qua virtute	135
Acrifolium.	58	Aqua Lustralis origo	146
Adulterio comparatur idololatria		Aqua rosmarini vis,	ibid.
47		Arboris mali Punici descriptio	118
Ex adulterio progenerati infans	151	Arebus odoratis simile	32
Allegoria ex Myriheto.	126	Arundine mobilior prouerbium	98
Aloe.	80	Arundinis radice esculenta	97
Aloe lignum.	ibi.	Asylum homicidarum Galaad	63
Amarorem pulmentis qua ratio- nes farina eximat	35		
Ambitio ruina obnoxia	165		
Amygdala amara vulpi noxia & quare.	149		
Amygdala amara quid præsentent ibid.			
Amygdala Zelandus non denega- ta.	148		
Amygdali metaphora.	153		
Amygdalina nux. vite. Christia- ne symbolum	157		
Amygdalinum gummi	150		
Amos locus, verum abduxit me Dominus Deus, &c. explicatus	117		
Amos locus, Ostendit mihi Do- minus Deus vnicum pomorum estimorum, &c. explicatus	137		
Apocalypsis locus. Reverserunt			

B

Baccho hedera sacra, & cur	111
Baptismi effectus	25
In Belgas vndos prouerbium	36
Buxus color	130
Buxi natura	131
De Buxo rei gesta narratio	ibid.
Calitha flos luteus	123
Canna palustris	97
Carex graminosa fruticatio	62
Carice	73
Cerebrum vitiate imaginationis causa	72

<i>Christi doctrina quid menti præ-</i> <i>stet.</i>	100	<i>Ecclesiastica cap. 12. explicatus.</i>	191
<i>Christi de Ioanne præconium.</i>	97	<i>Ecclesiastici locus, Ego quasi ce-</i> <i>drus exaltatus sum, &c. explicatus.</i>	141
<i>De Christo prophetia.</i>	90	<i>Effectus par verbo Dei & sum-</i> <i>pi.</i>	109
<i>Cichorium hepatis salubre.</i>	26.	<i>Effectus Baptismi.</i>	24
<i>Citrus lignum Sethim,</i>	121	<i>Effectus herbarum varij.</i>	10
<i>Cynorhodus odoratus.</i>	130	<i>Elephantum rubro colore effertur.</i>	114
<i>Color Buxus.</i>	140	<i>Eryca, heyde.</i>	85
<i>Colorum nomina ex Croco,</i>	123.	<i>Esaia locus, Arescent aqua à ma-</i> <i>ri, &c. explicatus.</i>	65
<i>Conceptum fingit imaginatio.</i>	155	<i>Esaia locus, Ecce servus meus qui</i> <i>elegi, explicatus.</i>	99
<i>Christi Corporis symbolum in quæ</i> <i>osum exhibitum.</i>	25	<i>Esaia locus, Nobiles eius erunt abs-</i> <i>que regno, &c. explicatus.</i>	71
<i>Ex Croco colorum nomina.</i>	123	<i>Esaia Lateres ceciderunt, & colla-</i> <i>psi sunt, &c. explicatus.</i>	116
<i>Cucurbita.</i>	112	<i>Esaia & Osee locus, Ostendit vo-</i> <i>bis quid facturus sum vinea mea</i> <i>&c. explicatus.</i>	71
<i>Eumini vires & natura.</i>	51	<i>Esaia metaphora, Letabitur de-</i> <i>serta & inuita, explicata.</i>	66
D		<i>Esaia locus, Nunc ergo vade, scri-</i> <i>be hanc prophetiam super Buxum,</i> <i>&c. explicatus.</i>	170
		<i>Esaia locus, Egredietur virga de</i> <i>radice Iesse, &c. explicatus.</i>	170.
<i>Davidis locus, Adhuc pusillum</i> <i>& non erit peccator, &c. expli-</i> <i>catus.</i>	162	<i>Esaia metaphora de regis Babylo-</i> <i>nis scuitia explicata.</i>	163
<i>Davidis selectissimæ similitudines</i> <i>de salutarum hominum pabulo.</i>	11	<i>Esaia locus, Omnes principes na-</i> <i>tionum dicent, explicatus.</i>	164
<i>Davidis locus, Deus repulisti nos,</i> <i>&c. illustratus.</i>	68	<i>Esaia metaphora, de messe expli-</i> <i>cata.</i>	94
<i>Davidis locus, antequam spina ve-</i> <i>stra &c. explicatus.</i>	34	<i>Esaia locus, Multiplicabitur que</i> <i>devicta erat, &c. explicatus.</i>	81
<i>Damen se in monstra transformat.</i> <i>72.</i>		<i>Esaia locus, De Virgulto aut sar-</i> <i>cuto explicatus.</i>	168
<i>Descriptio arboris mali punici,</i>	118	<i>Ezechiel caput 16. paraphra-</i> <i>stici</i>	
<i>Deus vi cogit, & blandimentis a-</i> <i>licit.</i>	13		
<i>Discrimen inter verbum Dei, &</i> <i>nugas hominum.</i>	102		
<i>Dysenteria granata acida apta.</i> <i>118.</i>			
<i>Doctrina Christi quid menti præ-</i> <i>stet.</i>	100.		

E

Eboris natura & ex eo simile. 79

ficcè enarratum 61
Ezechielis locus. Factum est ver-
bum Domini ad me, &c. expli-
catus. 160
Ezechielis locus, Mater tua qua-
si vinea, &c. physicus. 175

F

Ficus fructus duplices profert. 73
Ficus inusitata magnitudinis o-
blata Carolo quinto, Casari in
zelandia. 73
Fiducia in Deum quo designetur.
 158.
ex Flore metaphora. 152
Fructus pro herede sumitur. 157
Fructus stirpium quid designet. 155
Frutex quid. 166
in Fuitiles prouerbiū. 142

G

Galaad Lewitarum statio & ho-
micidarum Asylum. 88
Gemma in vite quid. 167
Gemmare quid. ibid.
Germen quid. ibid.
Grossi. 73
Gummi Amygdalium. 150
Gutta. 80

H

Harpocrates silentij Deus 142
Hebenus. 78
Hedera vino obsistit. 112
Hedera Baccho sacra & cur. 111
Hedera natura. 110
Heide, erica. 85
Heliās profugus. 106
Herbarum effectus varij. 10

Herbarum cultores olim fuerunt e-
tiam reges & qui. 1
Hester oleo Myrrhino vsa. 124
Hyacinthus gemma. 29
Hyacinthus herba. ibid
Hieremia locus, Peccatum Iuda
scriptum, &c. explicatus. 132
Hieremia locus, Maledictus qui
confidit in homine, &c. explica-
tus. 85
Hieremia locus, Nunquid solitudo
factus sum Israeli &c. explica-
tus. 88
Hieremia locus, Nunquid Domi-
nus nō est in Sion, explicatus. 87
Hieremia locus, & si fures ades
tuas inuasissent explicatus. 93
Hieremia loca diuersa explican-
tur. 67

Hieremia cap. 8. & 48. explica-
tum. 92

Hieremia caput secundum explica-
tum. 36

Hysopi effectus. 95

Hordei natura & vires. 51

Hortatio ut quisque suum ministe-
rium exequitur. 157

I

Idololatria adulterio compara-
tur. 47

Imaginatio conceptum fingit. 155

Impiorum successus pros aliquan-
do vrit. 161

in Improbos prouerbiū. 175

Iobi locus capite octauo de huma-
ne vita cursu, &c. explicatus. 65

Iobi locus, Scio enim quod re-
demptor, &c. explicatus,
 133,

Iunci maritimi. 63

Iunco scripius affinis.

62

L

Lacedemoniorum institutum de silentio.

142

Lachrima ex vitis sarmentis.

135

Lactuca Hebræis in usu & quæ.

26

Lactuca silvestris vera quæ.

27

Laurus & historia sacra.

111

Leuitarum statio Galaad.

88

Lignum Aloës.

80

Loca diuersa Esaiæ explicata.

65

Locus sapientiæ, Quam etas nostra, &c. explicatus.

140.

Locus Pauli de sano & stipulis explicatus.

152

Locus Ezechielis, Factum est verbum Domini ad me, &c. explicatus.

160

Locus Pauli, Si enim primitiæ, &c. explicatus.

150

Locus Solomonis, Memento Creatoris tui, &c. allegoricus explicatus.

151

Locus Mosi de vite Sodomorum, &c. explicatus.

93

Locus Pauli, De Oleastri in Oleâ insitione explicatus.

56

Locus Pauli, Qui cum esset in forma Dei, &c. explicatus.

169

Lolio visitare pronerbium.

143

Lolium frugibus noxium.

ibid

M

ex Machabeorum libris Historia.

114

Magnates celsis arboribus comparantur.

160

Mala Citrea.

120

Malleoli & palmites quid.

166

Malum medicum.

120

Mandragora duæ species & quæ.

14.

De Mandragora pomo Historia.

17.

Mandragora pomum blandimentum amoris.

17

Manna adulterina quæ.

23

Amatura sicut simile.

74

Melanthium adulterinum.

143

Metaphora ex ramis.

149

Metaphora ex flore.

151

Mily natura & vires.

52

Myrrha.

79

De Myrrheto Zachariæ visio quid designet.

126

Myrtherum & ex eo allegoria.

126

Myrthi descriptio.

124

Myrtus Sylvestris.

127

Mora quando edenda.

113

Morbi regij remedium.

143

N

Natura & vires Cuminum Hordei, tritici, mly & viciorum.

51.52

Natura Terebinthi.

81

Nuces virides condite.

135

Nucis etymologia.

134

Nucis arboris descriptio.

ibid.

Nucum aqua qua virtute.

135

Nusquam tanta fides.

49

Nux amygdalina vite Christianæ symbolum.

157

Nux aduersitatis & prosperitatis symbolum.

135

O

ex Olea similitudines.

30

Oliuarum usus.

30

Oratio sacrificium Christianum.

147

Origo à qua consecrata.	146	Reges olim fuerunt herbarum cul-	
Osee locus, Ipsi respiciunt ad deos		tores, & qui.	9
extraneos, &c. explicatus.	93	Resina quid.	89
Osee locus, Tanquam uas in de-		Resina terebinthina.	81
serto, &c. explicatus	75	Resina multa species.	86
		Ricinus herba	158
P.		Rodopharmacum	139
Palma elata quid	77	Rosa cur mensa affigatur.	141
Palma victoria index.	76	Rosa silentij symbolum	142
Palma Christi herba.	158	Rosarum differentia	139
Palmites & malleoli quid.	166	Rosa vires	139
Palmites quid designent.	172	Ruina oppressi quomodo tractan-	
ex Papyro scipiones.	64	di	29
Papyrus frutex.	64	Ruscus	127
Phase quare institutum	25		
Phoenix herba.	143	S	
Platani vis & natura.	159	Sacramenta in quem usum exhi-	
Platani umbra delectatus Xer-		bita	24
xes.	ibid.	Sacra prophanis potiora	12
Poma precocia qua.	136	Seimen stirpium quid designet	155
Poma serotina qua.	ibid.	Semen in Biblijs quid designet	154
Potio consolidans ruina oppressos.		Sycomori descriptio	115
30		Simile à vexillo erecto	91
Propheta omnium rerum cognitio-		Simile à fructuantibus arboribus.	
tione fuerunt instructi	12	35	
Prouerbiu in impios.	148	Simile à sinapis cataplasmate	
Prouerbiu Planti de Nuce	135	109	
Prouerbiu in stirpo nodum que-		Simile à sinapis vi ignita	110
rere	63	Simile à tritico & paleis	102
Pseudomyrtus.	127	Solida spectanda	153
		Solomon Herbarum fuit studiosus.	
		10	
Q		Spectra qui sibi obuersari fingunt	
Quisquilia & alia reiectamenta		72	
quid significant.	100	Spina dorsi cariea natis assimilis.	
		154	
R		Spruyte	172
ex Radice stirpium desumpta simi-		Stacte	80.
litudinas	170	Styrax	ibid
ex Ramis Metaphora	149	Surculare quid.	166
		Surculus quid	166

T		Virgultum quid.	
Termes quid	166		166
Typha palustris quid	96		
Thus	80	X	
Tritici natura & vires	52	Xerxes delectatus umbra Pla-	
Tyranni descriptio.	148 & 175	ni	159

V		Z	
Verbo Dei & sinapi par effectus.	109	Zacharie visio quid designet	126
Viciorum natura & vires.	52	Zedechias in Babylonem abdu-	
Victoria Laurus sacra	III	ctus	146
		Zizaniarum nomine quid designe-	143
		tur.	

FINIS.



DE GEMMIS

ALIQVOT, IIS PRÆ-
sertim quarum divv's
Ioannes Apostolus in sua Apocaly-
psi meminit: De aliis quoque, qua-
rum vsus hoc æui apud omnes per-
crebruit, Libri duo: Theologis non
minùs vtilis quàm Philosophis, & o-
mnino felicioribus ingeniis periu-
cundi, è non vulgaribus vtriusque
philosophiæ adytis deprompti.

AUTHORE FRAN-
cisco Rueo, Doctore medico
Insulano.

*AUTHORES IN HIS
libris citati.*

Aëtius	Ioannes Manardus
Albertus Magnus	Marbodeus poeta Gallus
Antonius Lodoicus	Marfilius Ficinus
Apuleius	Nicolaus Florentinus
Aristoteles	Numenius
Arnoldus à Villa noua	Paulus Aëgenita
Auerrois	Petrus Aponensis
D. Augustinus	Petrus Crinitus
Aulus Gellius	Plato
Carollus Bouillus	Plotinus
C. Plinius	Rafes
Dioscorides	Solinus
Galenus	Theodoretus Cyrensis episcopus
Georgius Pictorius Villingen sis	Theophrastus
Halyabbas	Thomas Aquinas
Hermolaus	Vincētius in Speculo naturalis historiæ.
Hieronymus Hungestus	
Iamblichus	



LIBRI PRIMI CAPITA.

- | | |
|--|---|
| 1. <i>Lapidum & Gemmarum generationis causæ.</i> | <i>Gemmarum proprietates occultæ.</i> |
| 2. <i>Quid sint, & unde vim sortiantur.</i> | 3. <i>De ratione & causis virium in Gemmis.</i> |

LIBRI SECVNDI PARS
 prima, De Gemmis XIII.
 in D. Ioan. Apocalypsi
 memoratis.

- | | |
|---|----------------------------|
| Cap. 1. <i>De Iaspidis differentiis & viribus</i> | 7. <i>De Chrysolitho,</i> |
| 2. <i>De Sapphiro.</i> | 8. <i>De Beryllo.</i> |
| 3. <i>De Carchedonio.</i> | 9. <i>De Topazio.</i> |
| 4. <i>De Smaragdo.</i> | 10. <i>De Chrysopraso.</i> |
| 5. <i>De Sardonyche.</i> | 11. <i>De Amethysto.</i> |
| 6. <i>De Sordio.</i> | 12. <i>De Hyacintho.</i> |
| | 13. <i>De Margaritis.</i> |


PARS II. DE CÆTERIS
 aliquot Gemmis &
 lapidibus.

- | | |
|-----------------------------------|--------------------------|
| Capite 14. <i>De Carbunculis.</i> | 16. <i>De Achate.</i> |
| 15. <i>De Adamante.</i> | 17. <i>De Aleſtorio.</i> |
| | 18. <i>De Torcoide.</i> |

- | | |
|--------------------|----------------------------|
| 19. De Corallio | 24. De Magnete. |
| 20. De Corneolo. | 25. De Hæmatite. |
| 21. De Cyaneo. | 26. De Succino. |
| 22. De Chelidonio. | 27. De fictitiarum à veris |
| 23. De Aetite | Gemmis differentia. |

His subiicitur.

P *ASCHASII* Balduini Canonici Phalempinensis ad
Fran. Rueum Epistola erudita: qua super his duobus
Ruei libris iudicium continetur primum: deinde de
Hebraicis Gemmarum nominibus, deque earum admi-
 ratione, usu, abusu & viribus tractatur.



DE GEMMARVM

ORTV, LIBER

PRIMVS.

*De lapidum & Gemmarum generationis
causis diuersis.*

CAP. I.

VNumquenq; lapidem ex altero maximè duorū elementorum, terra scilicet vel aqua, conflare apud omnes rerum naturalium peritos, tam in confesso est atque naturali rationi peruium, vt nullus, ni vel leberide cæcior, addubitarit. Porro qui lapides non perspicui sunt, ex terrea crassiorēque quadam substantia, humido tenaci persuasa, generationis materiam mutuati sunt: Qui verò pellucidi visuntur, ex aqua præsertim consistunt, cui subtilis quædam terrea nec obscura materies immixta est, vt & in crystallo ac beryllo glaciei speciem planè referentibus videre est. Quanquā & hæc intelligi velim, nō quòd duo reliqua rerum principia, ignem dico ac aërē, ab illorum mixtura separem. Apud principes nanq; philosophos complures conuenit, Omne mixtum ex quatuor elementis constare. Verumenimuerò ita quæ diximus accipienda sunt vt alterum illorum, terram nimirū vel aquā, in quouis lapide præcellere intelligas, etiamsi aliter Plotinus sentire videri possit, de quo alibi fusiùs egimus.

Non perspicuorum lapillorum causa. Pellucidarum Gemmarum causa.

Lapillorum causa efficiens duplex.

Quòd autem ad effectricē vocatam causam attinet,

duplicem eam vtriusque philosophiæ principes nume-
 rarunt: altera namque suprema, altera verò inferior.
Deus. Princeps causa est Deus ipse Optimus Maximus, re-
 rum omnium creator & seruator, in quo, cum quo, &
 per quem sunt omnia, & sine quo (diuo Ioanne Apo-
 stolo teste) nihil factum est. Quem & Aristoteles Ens
 entium, supremamque vocabat intelligentiam, asse-
 rens omne opus naturæ, opus esse intelligentiæ. Illum
 itaque Deum, vt omnium rerum creatorem, ita singu-
 lorum primariam & simpliciter necessariam causam, vt
 etiam lapidum gemmarumque, Christiani omnes
 norunt. Quandoquidem sapientis est oraculum: *Qui vi-
 uit in æternum, creauit omnia simul:* quod equidem bi-
 fariam interpretatum inuenio: Quibusdam quod dici-
 tur simul, non ad creationis instans referentibus, ve-
 rum ad instans propositi diuini, vt scilicet sit sensus,
 quòd Dominus Deus decreuit ab æterno omnia
 creare.

*Simul
 creata om-
 nia, quomo-
 do.*

Ita enim librum Diuo Augustino relatum, qui de
 mirabilibus sacræ scripturæ inscribitur, habere repe-
 rio. Simul itaque Deus vniuersos lapides singulasque
 Gemmas creauit, dum videlicet vnica solaque sua vo-
 luntate multiformem quarumvis specierum ac indi-
 uiduorum diuersitatem fieri voluit: in qua volūtate v-
 nica simplicissimæque singula simul fecit, quæ ab eo-
 rum ortus principio per tempus dispēfare nō desistit.
 Quāuis & hīc accedere possit germanior forsā intel-
 lectus, cui philosophi complures & non obscuri, ipsa
 quoque ratio subscribunt: scilicet quòd Deus omnia
 simul creauit, dum omnium formarum ac rerum fu-
 turarum rudimentum, principium ac seminarium
 quoddam materiæ primæ, ante generum, specierum
 atque indiuiduorum discretionem, infudit. Illa siqui-
 dem

dem materies, diuisionis adhuc & productionis ex-
pers, moles erat quædam informis, omnium tamen
formarum feminio ab ipso creatore perfusa: vnde tan-
dem aliquando, & iis mediis quibus supremus opi-
fex ab æterno præscit & vult, perfecta rerum produ-
ctio & foetura extimularetur. Ideoque & hi admit-
tunt omnia quidem simul esse creata, non autem si-
mul esse facta. Confirmat & id sententiæ diuus ille
Augustinus super Genesim, adserens, quod quæ à na-
tura generantur, secundum rationes seminales in ma-
teria consistentes, producantur: quod & multo copio-
sius disseruit tertio de Trinitate cap. 9. vt scilicet inau-
dias materiam in se habere, & quasi fouere cunctarum
formarum rationes seminales sibi à primæua consti-
tutione ingenitas insitasve: ex quibus tandem, agentis
actionem, pro modo, expertis, educantur extimulen-
tisque formæ naturales, elementorum commixtio-
nem essentialiter consequentes, vt & hinc quæ in po-
tentia materiæ tantummodo inerant verè, & (vt di-
cunt) in actum ab agentis actione producantur. Ve-
rùm de his alibi fusius. Nunc verò hæc de principe
illa causa & Gemmarum plasmatore sufficiant. Quæ
tametsi cunctis sat esse queant: quia tamen pulchrum,
decorum atque vtile est homini haud vsquequaque
indocto, nosse quibus secundis mediisque causis, vn-
de cuncta de quibus disceptatur, originem capeflunt,
non pigebit hoc loci aliarum quoque inferiorum cau-
sarum commemorasse. hoc namque pacto fiet vt ab-
solutior de his nostra sit traditio. Quamquam enim
Deus omnium sit causa immediata, quædam tamen:
solus, & citra alicuius coagentis admissionem, efficit
ideoque (vt aiunt Theologi) eorum causa est tota,

*Causæ in-
feriores se-
cundæ, vel
mediæ.*

Nonnunquam, sua liberalissima bonitate, cooperantes alias secū adsciscit affouétque causas, & hoc propter connexionem vniuersi: ita tamen vt nulla alteri aduersetur. Proinde (vt inquit Bonauentura libro secundo, quæstione secunda, circa finem) *quia diuina voluntas non cognoscitur, nec ipsa ab actione excludit operationem causæ creatæ: nec etiam ab earum cognitione humanam capacitatem arcet. Ideoque bonum & perutile est, sese exercere in cognitione causarum creatarum.* Ante hunc item multis seculis Pindarus asseruit, quòd quicquid intra se terra occultat, & vltra cælum positum est, homo contemplatur. Nec id infructuosum putes: quoniam, diuo Paulo autore, inuisibilia Dei à creatura mundi per ea quæ facta sunt, intellecta conspiciuntur, sempiterna quoque eius virtus & diuinitas. Verum vnde digressi sumus, pedem referre libet. Prætermisiss itaque nunc superioribus causis, in sequentium duorum capitum gratiam, non vulgarium philosophorum placita narraturi dicimus, quòd à primario illo omnium principio, inferior humiliórque Gemmarum causa dici potest, facultas cœlestis orbis moti, ab ipso Deo transfusa, pro ipsius orbis diuersarum partium varia positione. quam astrorum periti aspectum appellant. Porro quid sit cœli orbium, planetarum, syderumve aspectus, situs siue configuratio, non est huius instituti: quamobrem Mathematices peritis relinquo. Hoc vnum præfatus quòd pro variorum aspectuum ratione & materiei multiunga præparatione diuersas in subiecta hæc corpora cælum creditur transfundere virtutes. Qua de re philosophi illi propinquiore sensibilesque causas scrutati, cœlo ipsi extenso vim illam mineralem lapidificam tribuendam

cenſuerunt,mediate vel immediate, vt dicunt, hoc eſt intercurrente alia cauſſa vel non. Mediate quidē, quòd tametſi corpora cœlica loca non rarò mutant, apparet tamen ſedes eas lapidificas facultatem illam, ſemel ac efficaciffimo cœli conatu conceptam tam contumaciter retinere, vt lapides per multum æuum gignendo, iam dictæ potentiæ fidem propalàm teſtentur.

Hinc fieri arbitror quiddam mirabile & ſilentio minime premendum. Relatum mihi iam pridem eſt à domina quadam fide digna, quòd Domina Heuerenſis è Luxemburgorum illuſtri genere oriūda, duos habet ſeruétque hæreditarios Adamantes, qui alios crebrò, tanto naturæ miraculo, producant, vt eos quicūque ſtatis temporibus intueantur, *συγγενῆς* id eſt congenerem ſibi prolem eniti, palàm iudicent. cuius cauſſam, ſiquidem in naturæ tam raro opere nobis philoſophari licebit, putauerim eſſe, quòd vis illa cœleſtis parentibus tenaciter inſinuata (quam adamantificam quis nominauerit) aërem circumfuſum in aquam primum, congruamque ſubſtantiam, demùm in Adamantem gemmam durauerit transformaueritque. Quod ne iuſtò plus admiretur quiſpiam autor eſt Theophrastus eſſe lapides qui pariant: nimirum quòd virtus illa cœleſtis tenaci materiæ, vt præſtruximus, ſemel tranſfuſa ſubiectæ contumaciùs cohæret ſubſtantia: quæ videlicet quò vehementiorem cœli actionem experta eſt, eò pertinacius hanc retinere intelligitur.

Adamantes ſibi ſimiles parere.

Inſtrumentalis Gemmarum cauſa.

Vicina autem & coniuncta ſeu inſtrumentalis lapidum cauſſa duplex annumeratur. Vel enim calidum

quoddam est, (si ex elementis corpora substantialiter fieri statuamus:) aut caliditas, (si solas in mixtis qualitates asseruari sentiamus) in materia terrea persistens, & humidum tenax per terræ molis tenuissimas quasque partes diducens, digerensque: hac ratione singulorum elementorum, terræ præsertim & aquæ portiones tam aptè & ad amissum confundens atque conglutinans, sed & ab omni excrementosa sæce despu-mans, ut pro lapidis Gemmæve forma producenda materiam ipsam rectè præparet. Aut demum ea causa frigidum quoddam est, siue frigiditas, in aqua substantia terrestris & siccæ materiæ actionem perpessa consistens, sua constrictione (frigidi namque est constringere) omnem superabundantem humorem adeò exprimens, ut etiam impendiò induret, adeoque tantum eius relinquat, quantum ad decentem partium connexionem sit necessarium, ut & hinc invitandæ formæ materia disponatur excolaturque. Qua de re non dissitentur philosophi illi, quòd quamvis lapilli hi à frigido coaluerint, à calido tamen, citra alterius humoris appulsum, liquari contumaciter recusant: quod videlicet tanta in illis humidi siccique naturalis cōmixtio, germanitas & necessitudo, ut suo omni ex parte contrario affici renuant: necnon, nisi familiaris qualitatis illicio affecti, ad externæ qualitatis actionem conniueant. Quanquam non deesse comper-tum habeamus qui duo tantum elementa recipiant: ac frigidum ut à natura, ita ab omni actione secludat, qui debile calidum Gemmarum causam constituent: de quibus aliàs.

Quid sint, & vnde vim sortiantur, Gem-
marum proprietates occultæ.

C A P. II.



Vtor est Galenus non simplicium phar-
macorum libro, quòd Gemmæ vires ha-
beant partim secundum substantiæ to-
tius proprietatem, partim secundū sub-
stantiæ totius proprietatem, partim se-
cūdum qualitates effectrices, hoc est manifestas: quas
cum potententiis hic emananti bus ea medicinæ pars,
quam Græci *φαρμακωτικὴν*, Latini medicatiuam appel-
lant, in primis contemplatur. cuius considerationem
præsens institutum non amplectitur. Porro substantiæ *Cuius virtus*
totius proprietatē philosophi vocant occultam, quòd *occulta di-*
substantia virium, quibus stupenda illa munia absoluū *catur.*
tur, humanæ rationis fugiat captum: vt ne summis qui-
dem viris illarum aliquā penitus assequi cōtigerit ali-
ter quàm multo vsu. Nimirum quòd omnis propieta-
tis vera ex methodo cognitio colligēda sit, ab eius cau-
sis proximis euidentibusque quæ bifariam discrimi-
nantur: vel enim ex mixtionis modo, vel ab ipsius for-
mæ specificæ ratione. Porro commixtionis modus mi-
scibilium, mixtura & cōglutinatione perficitur, quæ e-
xactè peruestigari humana diligentia nequeat, vel eo
maximè nomine quòd infinita sit illorū cōmiscendo-
rum proportio. Eius verò quæ speciē adfert formę ra-
tionem, vel ideo imperscrutabilē intelligere est, quòd
ipsam prodire autumat, partim quidem (vti præstruxi-
mus) ex potētia mat erie, formarū rudimentis seu semi-
niis à primæua constitutione pērsusæ, partim autem (vt
magne philosophorum illustriū turbæ placet) ab ideis
in

*Dua pro-
prietatis
causæ.*

in mēte diuina cōsistentib. (quas diuus Augustinus pri-
 mordiales vocat) id est, ab ipso Deo, hinc ab anima mū-
 di (si Platonice consentimus) & aliis inferioris ordinis
 cælicis corporibus, in elementa primum influentibus:
 deinde & per ea media ad formam iampridem infe-
 minatam & ceu inchoatam (tanquā scilicet mentis a-
 liquius & voluntatis diuinæ ministris) disponentibus:
 Cuius præparationis absolutam considerationem, hu-
 mana etiam quantūvis diligens aut sublimis sagacitas
 nō assequatur. Cum itaq; reconditarum illarum facul-
 tatum causæ humano sensu nequeant prehendi, nemi-
 ni dubiū esse suspicor, quin omnibus peruiū, quod nul-
 la illarum proprietatum rationabili, hoc est, per ratio-
 nem humanam deducto inuentōq; experimento, sed
 casuali duntaxat euentu comperta exploratāq; dici pos-
 sit: vel omnino aliquo reuelationis modo, vti per som-
 nia nonnunquā legimus contigisse. Quo modo scitum
 est syluestris rosæ radicem aduersus canis rabidi mor-
 sum, aquæ pauorē omnisq; potus metū & graue fasti-
 dium adferentem, præstare. Matre scilicet, cuius filius
 in Lacetania Hispaniæ finitima belligerans, morsus pe-
 riclitabatur, per somnum (visa in fruteto illius radice
 sibi suauiter applaudente) præmonita: quam & deinde
 qua potuit diligētia filio misit, ex lacte potandam, filiū
 obsecrās vt religioni parens matri obsecundaret bibe-
 retq;. Quo vnico simpliciq; remedio, miles ille præter
 omnem expectationem seruatus, occasionem præbuit
 cognoscendæ eius radice occultæ contra illum affe-
 ctum facultatis. Est igitur mixti latens occultæ ve-
 prietas, facultas quædam per ea, vnde ipsum essentia-
 liter consistit, insita: perq; priuatas operationes, multo
 vsu periculōse solo, vel aliqua reuelatione, citra ratio-
 nem cognita. Quod demum mixtionis ac congluti-
 natio-

*Quid mix-
 ti recondi-
 ta proprie-
 tas.*

nationis meminimus, illud obiter lucidioris doctrinae gratia his quoque connectere libet (forsitan enim tantę diuersitatis occasionem scisciteris ac libenter audias) quod tam discrepatis mixturę & coaptationis causam philosophi sunt arbitrati esse, vim quandam cœlestem subiectę materię partes, varias licet, pro sua virtutę permiscentem: adeoque vel vario huius permixtionis tenore, eam materiam ad nouam formam decenter apparentem, in quam tandem ad amussim dispositam & excultam mirificę illę transfunduntur virtutes, formas consequentes specificas. Porro hac dicendi consequutione eodẽ tandem deuenimus, vnde earum quę in Gemmis sunt proprietatum facultatumque reconditarum causę, quas antę præstruximus, nobis sese vltro ac præter expectationẽ diligentius perscrutandę, ac in conspectum reuocandę, insinuent. Celebris est itaq; philosophorum sententia, quod omnis causarum turba ab vna eadẽq; principe pendet, ducitur atq; conseruatur: ad quam & propter quam, ceu ad communem omnium finem causę omnes sua munia tanquam communi quodam & insito consensu dirigunt: Deinde & omnia fieri desuper à summo bono, hoc est, Deo ipso: eadẽque esse & optima & ordinatissima. Proinde non irent inficias, Gemmas & earum virtutes à Domino Deo esse, eumque etiam solum cunctorum causam dici posse veram, alias autem causas improprie & ceu per analogiam nominari non diffiterentur. Verumtamen quanquam philosophis illis cognitum id & optime perspectum esset, nihilo tamẽ magis conqueuit mira infatigabilisq; illorũ auditas discendi, & in suis operibus creatorem admirandi contemplandique desiderium: Quinimò insito

*Omnium
Causarum
unicaprin
ceps.*

quodam cœlesti ardore vigoreque ad propinquiores rerum causas ceu videlicet primæ illi ac veræ vtcunque instrumentarias animorum suorum penè diuinâ atque perspicacissimam sublimitatem intenderunt. Hinc itaque, cum bono, mentem, hoc est, primam sapientiam, quam & boni verbum illorum quidam nominant: & cum mente, intellectum, totû vtrumq; mûdum (intelligibilem dico & sensibilem) statuere sunt opinati. Quum verò bonum, ipsum, mentem & intellectum vnum quid esse, ac vnica simplicissimâq; substantia persistere adstruunt, vnicum esse rerum omniû & singularum principium profitentur, semper omnibus adstans, cuncta fouens, viuificans, excitans, complens & roborans, De quo sacer ille Orpheus ita cecinit:

Cuncta fouens atque ipse ferens super omnia sese.

Hinc & diuinus ipse Plato diuino Sole collustratus ita in Sophista ait: *Animalia cuncta mortalia plantasq; & quæcûq; terra ex seminibus radicibusve nascuntur & quæcunque inanimata in terra consistunt, siue liquefieri possint siue non, nunquid ab alio quodâ opifice fabricata quàm à Deo facta esse, cum prius non fuissent, dicimus? An multorum doctrinam sermonesque sectabimur dicentium ista, natura ipsa, gigni à causa quadam fortuita sine mente hac agente: vel cum rotatione potius scientiâque diuina, quæ ab ipso Deo sit orta?* Nos enim vero Christiana fide ac veritate edocti, primum hoc rerum omnium principium, singulari substantia, & tribus personis, conformi, simplicissimâque voluntate, vnitatem, maiestatem, æqualitatem, ac omnipotentiam comprehendimus & veneramur, Patrêq; vocamus, quæ illi bonum simpliciter: Filiû & verbû patris, nos mētē, primâq; sapiē-
tiam

tiam, illi. Spiritum quoque sanctum nos appellamus, quem illorum diuiniore boni intellectū & amorem nūcupant, vel animam cuncta viuificantem & animātem alij. De quo Plotinus libro de intellectu ca. 2. ita infit: *Quisnam est potissimum qui tradit, animo sapientiam? hic profectò necessario est intellectus (inquam) qui de Deo non aliās quidem intellectus sit, aliās verò expers intelligentiæ: sed verus potius intellectus, qui hanc ob causam seipso sit pulcher. Sed nunquid hoc velut primo, nobis est quiescendum, an potius super mentem quoque progrediendum? nempe mens ipsa nobis in altum progredientibus prior occurrit quàm principium omnium primum, quasi in ipsius boni vestibulo constituta, omnia in seipso nunciāns & significans, velut quædam ipsius boni figura.* Deinde & eiusdem libri cap. 3. *Eadem quoque (inquit) transferens ad vniuersum, in eò similiter perueniet ad intellectum, cognoscens eum effectorem reuera totiusq; artificem.* haec Plotinus. Porro in intellectu mundum quendam intelligibilem haberi voluerunt, hoc est omnium rerum, idearum plenitudinem, sed & in mente omnium iuxta & singularum creandarum, gignendarum ac producendarum, id est, futurarum rerum ideas, æterna, simplici congenearumque substantia, solis relatiuis rationibus ab inuicem dispescitas, persistere intellexerunt, Easdemque ideas principes esse rerum omnium causas arbitrati sunt, ab eisque ceu quosdam actus, pendere & esse animas omnes intellectuales, intelligētiās, corpora, cœlestia, & quicquid in inferiori hoc mundo est vspiam. Proinde proximam creati mundi causam. item & cunctarum proprietatum, mēti & intellectui, hoc est verbo Dei & spiritui sancto detulerunt: quanquam ne ipsum quidem bonum ab hac creatione separarint, vt ex locis iam iam

Egregia
de Deo
Plotini sē
tentia.

citatis & aliis non raris philosophorum a ut oritatibus
patere liquidò potest: quemadmodum sacras etiam
litteras legere est Deo patri per verbum & in spiritu
sancto, tanquam vni principio mundi creationem tri-
buere. *Qui fecisti* (inquit Sapiencia) *omnia verbo tuo: &*
Psaltes, Verbo Domini cæli firmati sunt, & spiritu oris
eius, omnis virtus eorum. Verum enimvero omnibus

*Idea quid
sint.*

exploratum velim, Ideas illas in mente diuina nihil
esse ab ipsa Dei substantia & præscientia, id est omniũ
præcognitione & voluntate æterna, discretum. Quæ,
inquam, Deum certum est non tantum singulorũ ge-
nerum, verum etiam specierum ac indiuiduorum om-
nium exactissimam propriissimamque & constituere
& ab æterno præscire substantiam compositionem,
formam ac vires tum proprias tum communes, & si
quid præterea illis insit. Vt & hinc accipias diuinas il-

*Diuina
Idea, id
est, Deus
ipse om-
nium re-
rũ causa
princeps.*

las Ideas cuiusvis speciei ac indiuidui principes esse
causas: non modò quod sint, verum etiam cuiusq; ea-
rum potestatis tam communis quàm propriæ. Cui &
id mihi pulchrè arridere videtur quod plerisque phi-
losophis placere inuenio: Nèpe quòd virtutibus cer-
tis, id est, certam stabilèmq; rationem habentibus,
non fortuitis, sed efficacibus, potentibus, indeficienti-
bus, nihil frustra inuanumque ex sese mouentibus,
moueantur vires in rerum omnium natura consisten-
tes, sed de his in alio nostro opere fusiùs ac synceriùs

*De ani-
ma mudi
secundum
philosophos
plerosque.*

diis fauentibus differemus. Porro à mente ipsa & in-
tellectu illorum plurimi volunt effusam creatamve
animam vnã intellectualem, vniuerso orbi commu-
nem, quam idcirco mundi animam vocant. Eandẽ-
sub mente illa mundi regina rectoricẽ, toti mundo
præesse, atque per eum totum diffundi: vt scilicet tan-
quam primæ illa causæ ministrans, cuncta per eam &
sub

sub eius imperio moueret, cogeret, foueret, moderarent, efficeret, primariæ illius causæ, Dei videlicet ipsius, præcepto parens obsecundansque. Quapropter & in animam illam mentem impressisse senserunt rerû omnium primarias principésque rationes seminales, tantum ab Ideis diuinis nobilitate distitas, quâ tum ignobiliori subiecto ad obsequiû infusæ hærent. Quas forsitan intellexerit quispiam rationem esse omnium producendarum rerum, ac mediorum, quibus Deus ipse eas producere ac præferre voluerit constitueritque cum facultate quâ media illa promouere ipsa possit anima: si tamen similis quædam anima pio aliqui Christiano admitti debeat. Verum philosophorum quorundam placita narramus, nō approbamus. Illam præterea animam sentiunt per omnia in omnibus diffundi: & omnia menti obedientem, eique ministrantē promouere ac vegetare, vt & hinc non ab, re dici possit instrumentum primum eorum quæ Deus ordinato communique euentu, hoc est, secundum naturam efficit: qua de re hanc animā à mente & intellectu primam vitam nuncuparunt. Cui quoque mentem substantiam ac rationem: intellectum verò vt esset intellectualis, impartiuisset in literis fecerūt. Eā denique per omnia flatum spirare vitalem spiritualémque proderunt, dum suo scilicet spiritu per omnia penetrans omnia videt, tangit sentitque: & id quidē modo quodam suo, nostris sensibus longè impari, incognito & multis nominibus descriminato. quo denique vnico flatu spiritûque actu lucido, vi calido & omnis generationis fomite; ceu scilicet interioris vitæ quadam propagine, atque veriùs tanquam diuinæ virtutis vehiculo semper vbique pullulare animam illam vniuersalem mundi existimarunt: quum & forsitan in-

*Spiritus
mundi
philosophi.*

tellegerunt sub Deo ipso, principium esse intrinsecum, quo formarum in materia rationes seminales ad sui scaturiginem promotionemque moueantur ac emergant. Sed hæc missa fiant. Discaueo nanque longius me fortassis euagatū vela ventis præmaturè cōcedere.

*Cūcta &
à Deo &
ad Deum
ex ordine
constituta
sunt.*

† Sapientissimum.

† Clementia plurima.

Iam itaque quæ diximus paucis perstringentes addamus, Deum Opti. † Maxi. † omnipotentem, summum denique bonum, ac liberalissima sua bonitate, rebus cunctis pro sola sua voluntate, harmoniam, concentum ordinemque & à se & ad sese præstituisse: quem stabilem ac incōcussum eatenus esse vult, quatenus aliter non disponere decreuit. Harmonico præterea illo consensu, sibi omnium creatori ministrare voluit: primum quidem (quòd ad hunc materialem inferiorémque mundum spectat) secundum philosophos illos, ipsam mundi animam ac eius spiritum: deinde cœlum ipsum extensum orbibus, figuris, astris maximis, planetis, stellis & luminibus consistens. Illam itaque animam, hoc quoque cœlum, principij causæque sub cœlo formarum generatarumque rerum & transfusarum proprietatum rationem quandam iniisse, ideo philosophi illi putarunt, quòd ad mundi dispensationem, tametsi non ex necessitate, vberissima tamen Dei bonitate, quadatenus admittuntur. Quod & Auicenna ipse in suis Metaphysicis sensisse videtur: *Quæcumque* (inquit) *hic fiunt, oportet præexistere in motibus & conceptionibus stellarum & orbium. Ab ijs enim ipsa etiam elementa, nonnunquam & artes quadam, similiter & res artificiosæ accidentalis saltem vel externæ causæ quadam sibi denominationem vendicant.* Placet itaque philosophis illis formam & ex ea vim occultam omnis mixti esse, primū quidem ab Ideis illis diuinis, id est, à Deo ipso omniū creatore & plasmatore, ministran

ministrantibus ei anima mundi (si Platonice consentimus adferimusve) deinde & ipsis orbibus cœlicisque corporibus, planetis, syderibus, figuris, luminibus, & si quid præterea cœlo extenso similis rationis insit: post hæc & elementorum temperaturis cœlicis influxibus affectis, causis inquam præparantibus, & materiã ad novam formam coaptantibus. Habent itaque (iuxta philosophorum illorum sensum) virtutes illæ reconditæ suam originem ab expressis specificis determinatisque formis, à cœlo tamen materiali per vires præparatorias, in archetypo per Ideas ac formas exemplares quæ omnes causæ ad cuiusvis rei generationem absolutam (quod ad communem ordinatamque Dei constitutionem pertinet) convenire illis videntur.

Vnde tandem id esse verum commonstretur, quod iam iam dicebamus, quod Deus scilicet rebus omnibus pro libera sua voluntate, altissima ac præstabilissima bonitate, harmoniam, concentum & ordinem à se & ad sese quendam instituit, indeque rerum omnium cum prima causa, Deo ipso, sympathia, connexio, correspondentia consensuque, Divinum de singulis decretum natura sequens, non ineptè statuatur: hoc est, ut omnes vires creaturis rebúsque artificiosis insitas, à Deo ipso (qui omnium est actus primus, & actionis omnis principium creaturis impermiscibile) ministrantibus eis iam dictis causis, quæ ideo secundæ vocantur, pendere ac esse intelligas. Quo tamē pro libera & omnipotenti sua voluntate (omissis quandoque iis quorum meminimus mediis ac ministris) immediatè ex se ipso ea facit quæ vult, quibus quoque miraculis nomē est. Cæterum ex his luce meridiana clariùs patere mihi persuasi, diuersos in rebus effectus pendere non solum à materiæ varia alteratione seu præparatione, sed

Proprietatibus occultarum causarum unde sunt.

Effectus varietas est partim ex materia præparatione, partim à cœlo.

à diuerso cœli afflatu, maximè autem à discriminatis formis:discrimine,inquam,non solùm speciem consequēte, sed & cuius indiuiduo proprio. Tametsi materiæ apparatus rebus gignendis ac perficiendis non obscuri esse momenti certum sit. Qua ratione videre est indiuidua eiusdem etiam speciei, alia aliis etiā esse clariora, vel viribus ignobiliora, pro videlicet symmetria, puritate vel cōfusione eorū substantiæ. Nemini nā que rerum naturalium gnaro dubiū esse suspicor, cœlicos influxus impediri posse vel omnino minui propter ineptitudinem materierum in quas suas exerceant potēcias. Cui & illud subscribit Virgilianum:

*Ignæus est ollis vigor & cœlestis origo,
Seminibus quantum non noxia corpora tardant.*

*Democri
ti egregia
sententia*

Cui etiā pulchrè & id Platonium adstipulatur, secūdū merita materiæ infunduntur vires cœlestes. Proinde ex cūctis his diuinioribus meditatīs, multis nominibus claret Democriti illius extollenda multū sententia, qua diis, id est diuinis virtutibus omnia esse plena, constanter asseuerabat. Is quidē cœlestium vires cū inferioris huius mundi generū, specierū ac indiuiduorū naturis ac proprietatibus cōferens, sed & eorum cum superioribus, maximè verò cū bono ipso, connexionē perpēdens, à summo ipso bono singula & esse, & priorum muniōrum exercēdorum potestātē adipisci doctus, in iis ipsis Dei vires adeoque Deū ipsum clare cernebat. Quas virtutes nonnulli diuinas illices vel idcirco appellarunt, quod contemplantium animos ad Deum alliciant tam insignem opificem, vel quod potentiæ illæ diuinæ omnem in omnibus promoueant functionem, quod & Ouid. præsensisse videtur hoc carmine.

*Est Deus in nobis agitante caleſcimus illo,
Impetus hic ſacræ ſemina mentis habet.*

Porro, neſcio quo tandem ſuggerentē Mercurio, à propoſito ſcopo dilapſus quodammodo forſitan videbor: præſtat itaque eò recurrere vnde diſceſſi. Inchoatam tamen iam dudum hanc diſputationem in medium comunēq; theatrum adductam prius libet abſolvere. Quædam enim digitulo tantū tegimus quæ dilucidiori enodatione egere fortassis videbūtur, quā ſic accipias velim. Vulgata multum eſt Ariſtotelis ſententia quod neceſſe ſit mundum hunc contiguum eſſe ſuperioribus lationibus, hoc eſt cœlo extenſo, vt in de viſ omnis illius gubernetur, vt & hinc plurimis creditum conſpiciam quod cœlum omnium gignendorum ſit cauſa effectiua. Quapropter vt pro philoſophorum celeberrimorum tantum non diuinis meditationis rem hanc omnem explicemus opere præcium fa-
cturus videbor, ſi his quoque adiiciam duplex philoſophis ſublimioribus eſſe cœlum, primarium videlicet & princeps, cœlum cœlorum, quod & ſpirituale à quibusdam nūcupatur: idemque illis eſſe intelligitur: atque anima illa mundi, quæ aſcita ſibi quadam ſimplici plurimū, ſed congenea conſentaneæve ſubſtātia, ſpiritus euadit per omnia diffuſibilis, omnium poſt Deum ipſum & ab eo ſun-
ctionum primarium miniſterium. Neq; deſunt qui ſynceriùs exiſtimāt cœlum illud eſſe in mente diuina ceu omnium rerum prototypum quanquam & intelligentias quaſdam eſſe creatas cœlo extenſo mouendo atque dirigendo non inſi-
ci-
ctur. Quod & diuus ille Auguſtinus ſentire videtur ſuper Ge-
neſim dicens, quod Deus ſic mundum ordinauit, vt ſpiritum omni creaturæ præficeret.

Cœli duplex.

Cui etiam ſubſcribere videtur Bonauentura

lib. 2. dist. 14..2, Art. 3. his verbis: *Sicut congruum est angelos deputari ad ministerium hominum, sic etiam congruum est ipsos deputari ad motum & regimen cœlorum, cum in hoc ministrent homini viator & diuinę subseruiant maiestati. Et hæc positio est magistrorum tam in theologia quàm in philosophia: quia concors pietati & fidei rationi plurimum esse videtur.* Hæc ille. Alterum cœlum velut prioris vmbram quandam & instrumentum statuunt, & in eo sphaeras situ disponi pro earum excellentia naturis & viribus senserunt. Quas omnes & vicissim singulas ad primam cōmunemque mundi illam animam, veriùs autem ad spiritualem illam intelligentiam: & hinc ad Deum ipsum, ineffabili quodam ac obsequentissimo consensu conspirare sunt arbitrati. Item signa planetas, sydera, & quicquid præterea in cœlo hoc extenso constitutum est, vt superioribus seruire, ita inferioribus & submissis potentias suas transfundere, vt & hinc sub terra quædam quasi cœlica gigni cernere sit: dum videlicet corpora illa cœlestia propriis lumine radiis ac viribus, id est afflatibus, materiam formarum auidissimam dispumant contemperantque, in ea seminariam introducendæ formæ rationem ad sui propagationem extimulant, atque ad formæ susceptionē psalmatori ritè præparant. Sicuti nanque hæc illa, virtute præcellunt, nobilitate ac situ: ita & in inferiora vires suas, ipsa transfundere superiora præstabilioræque vniuersi ordo poscere videtur, & benignitas creatoris voluisse perspicitur. Nimirum vt quæ ratione est mouens aliquod nō mobile, similiter & alterans sit quoddam non alterabile, iisdem dico qualitatibus. Neque enim quòd varios afflant influxus, est (vt plerique putarunt) quod qualitatis diuersæ participes sint

Cœli alterum.

sint, sed quod illa viribus à creatore donata sint mul-
tiugis. Quum namque instituta sint incorruptibilia il-
la cœlestia vt vrgerent, regant, & sub creatore tucan-
tur adferantque infima hæc, multimodæ transmuta-
tioni obnoxia, æquum fuit vt multiformes eis impar-
tirentur virtutes, quibus scilicet iuuent extimuléntque
subiectæ naturæ vim: non profectò vt sibi simile quic-
quam producant, sed vt Deo pareant atque submini-
strent. Quod reuera præstare cœlica corpora philo-
sophari putarunt cùm vi luminis, tum virtutibus pro-
priis speciem totam consequentibus, per radios lu-
mémque in inferiora hæc demissis. Deum scilicet cœ-
licorum corporum radij ad terrâ (quæ ceu punctum ac
centrum ad cœli ambitum & capacitatem existima-
tur) transmissi, assumpta etiamnum forsitan quadam
tenuiori & sibi consentanea elementorum, per quæ pe-
trant, substantia, arctantur: proindéque densiores
effecti & potentiores, materiam ritè & ad portionem
æquant coaptántque, & præinfusas in eam seminales
rationes ad actum inuitant, donec ad formam tandem
materia illa ad amissim, hoc est pro diuinæ ideæ ratio-
ne, disponatur, vt & hinc non paucis sensualibus phi-
losophis (vti præscripsimus) visum sit atque receptum,
cœlum illud extensum cunctorum quæ hoc in inferio-
ri mundo generantur causam esse effectricem: quod
tam rationi profectò alienum est, quàm si instrumen-
tum non autem artificis intelligentiam, operis alicui-
us formam artificialem efficere putarent. Quamob-
rem vt cœlica illa corpora ministratoriæ, vel si mauis
instrumentariæ, causæ speciem quandam à Deo iniis-
se eorum quæ stata naturæ consuetudine producun-
tur, primoribus illis & ferè diuinis philosophis iudi-
centur, nunquam tamen veræ, hoc est creatricis aut

plasmaticis causæ rationem illis concesserint.

Caterum pro Christiana nostra verâque philosophia hoc loci non pigebit subnectere verba diui illius Augustini, summi profectò & diuini philosophi & doctoris nomen meriti, quibus Deum formarum omnium specificarum & proprietatum singularum autorem esse & causam veram principemque propalam testatur. *Inuisibilem* (inquit) *seminum creator, ipse creator est omnium rerum, quoniam quæcunque nascendo ad oculos nostros exeunt, ex occultis seminibus accipiunt progrediendi primordia: & incrementa debite magnitudinis, distinctionemque formarum ab originalibus tanquam regulis sumunt. Et mox subdit: itaque Apostolus Paulus discernens interiùs Deum creantem atque formantem, ab operibus creaturæ quæ admoventur extrinsecus, & de agricultura similitudinem assumens, ait: Ego plantavi, Apollo rigauit, sed Deus incrementum dedit.* Hactenus Augustinus. Atqui pro huius capitis suprema manu subnectendum duximus, quòd proprietatis effectus bifariam discriminatur: aut namque utilis est, aut nocuus. Utilis censetur quo homini quippiam inuitatur adferturve emolumenti, vt verbi gratia) eius functiones aut vires conseruet, vegetet, roboret, reparet, absoluat, & ab internectione vindicet: Vel etiam ad meliorem facilioremque vitam quicquam adferat utilitatis. Nocuus autem huic ex diametro contrarius iudicatur. Deinde utilis inutilisve dicitur proprietas vel toti corpori, vel priuatim cuidam parti. Toti siquidem corpori venenato, singulis item sigillatim eius particulis, theriaca ex usu est. speciatim verò Hyacinthus, Granatus, Margaritæ, Aurum, cor sedesque virtutum: Corallium autem & Achates stomachum & ventrem solantur, & à noxiis causis asserunt. Simili modo

Proprietatis utilis effectus.

modo Napelli vis deleteria toti iuxta ac singulis quibusque partibus inimica cognoscitur. Cæterum proprietatum quæ ab aduersis defendunt, quædam hoc moliantur noxium, ad se primum quidem conuellendo, deinde immutando. Qua ratione Amethystus umbilico admotus vini vaporem cum primis allicit, & Scammonium bilem reuellit. Alia verò quod flagitiosum est deturbant, ac tandem propellunt, veluti iam dictæ theriacæ cum aliis medicamentis aduersus venena valentissimis contingit, quod & Smagragdo, lapidi Cyaneo & aliis nonnullis familiare esse perpetuo euentu cûspicitur. Alia denique præsentem esse vel imminuere causam duersam certo indicio commonstrant, uti Electro atque Adamanti coram toxico maderere contingit & Torchois vel findi vel omnino ruinam aut maculam quandam efferre dicitur appetente periculo. Eorum rursus quæ viribus occultis nituntur, quædam ad actionem corporis extimulatione egent, quemadmodum pleraque pharmaca in actum (ut physicis vulgatum sermonem vsurpemus) reduci necessum est, priusquam ad opus proprium emergât. Alia verò citra omnem à corpore immutationem propria munia exercent quibus exercendis sola debita applicatione opus est, quòd scilicet vires suas actu, vel habitu saltem solam accidentalem potentiam constituyente nacta sunt: ideoque sola egent conuenienti ad obiectum admotione. utque impediens nullum ad sit. Qua de causa Corallium etiam si stomacho diutius adhæreat, nihil à corpore detrimenti admittit: pariter nec Sapphirus anthracem sanando vires vel tantillo perdit, quanquàm & id ei quidam falsò adscribant.



Ognationem certè non obscuram ea quæ huic capiti inferenda sunt, cum iis quæ nouissimè disleruimus habere videntur. vtriusque enim capitis idem ferè obiectum, eadem penè ratio, idem propemodum argumentum, vt & hîc quoque bonam eorum quæ præstruximus partem adiectam intelligi velim: quam & adiecissem profectò nisi prolixitatis nimix καὶ τὸ πολὺας, id est, repetitionis accersi metus fuisset. Institutum itaque adgressi dicimus præclaras multum in Gemmis excellere virtutes. Ideoque & iam magna illas antiquitus fuisse maiestate tam conspicuum est, vt eum nihilo consultius facturum existimem, qui illarum dignitatem multis encomiis commendare niteretur, quàm qui solis lumē leuiculo quopiam fulgore clarius efficere, aut luxuriantibus aliquot (longè tamē imparibus) pictorum more coloribus illud assequi cōnetur. Sed enim tantarum virtutum tamque verè stupendorum muniorem causas persequi non omnibus ex æquo facilè fuerit. Quare, paucis libet de illarum potentiarum ratione quædam recensere, non floccipendenda. fuerunt enim qui Gemmas viuere, & à sua anima speciales adeoque ferè diuinas functiones exercere crediderunt, quorum iudicium receptum hætenus non est. Aliter Alexander ille Græcus sensit. namque quod illarum proprietates elementis vnde constituuntur referuntur acceptæ, nimirum quòd hæ in mixto alia edant opera quàm extra ipsum, in quo qualitatem elementalem, id est, innatum temperamentum, tanquam instrumen-

Alexander
Græci
opinio.

tum ad opus moueri ratus est. Cuius sententia, etiam si plerisque placeat, multis tamen non mediocribus philosophis vel ideo absurditatis expostulatur, quod instrumentariæ tantum causæ recordatus, effectricem, quæ princeps est, prætermisisse videri potest, quam peruestigare præsentis est negocij. Hermes autem ille *Hermes de Gēmarum uirib.* Trismegistus Cælum Gemmis occultas proprietates transfundere perhibet: è quo gignendorum seu pro-
ducendorum omnium facultates tam singulæres quā *sensus.* vulgares in hæc inferiora transmitti non dubitauit asseuerare, duplici (vt inquit) modo. Aut videlicet nobiliter & ex amissi, quoties materia in quam cælum vim suam exercet, eius orbis ac luminis quandam speciem seu cognationem refert: ad quam scilicet quo propius accesserit gignendus lapillus, in hunc felicius ac abundantius propter materiæ symmetriam, connexionem, atque consensum, cælum fuisse operatum intelligatur. Sed & ideo multa admiratione dignas Gemmis esse proprietates inditas asserit, quod lumine & perspicuitate cælo quadantenus patentiores demonstratæ, eius actionem perfectius admiserunt conceperuntque. Vnde scilicet tandem hominis spiritus effecti specificis pateant Gemmarum proprietatibus, qua ratione Topazium, Carbunculum, Adamantem, occultis gratiarum proprietatibus præditas esse confirmant viri non pauci nec incelebres, vt non deuoratis tantum, sed & etiam gestatis suas edere liceat cælicas potentias: primum quidem in hominis spiritus, demum in in humores & solidiores eius partes, quibus à peste ac venenis defendatur. Sed enim à cælo hoc ipsum, quicquid recondita vi possunt, Gemmas accepisse, vel hoc argumento confirmant, quod magnos parua mole mirificosque promant effectus. Nulli namque elementa

concessum volunt paruo corpore plurimum subito præstare, vti nec ignem pusillum magnam vnico impetu lignorum congeriem vrere, vel aquæ pauxillum terræ plurimum perfundere. Quæ verò cœlica vi nituntur, ex haud multa materia (ceu scilicet vim eam in non magnoperè reluctantiâ obiecta, facili opera, diffundant) admiratione etiamnum dignas suas functiones absoluunt. Nimirum quòd contrariis aduersantibusve causis non agunt, & à validissima cœlesti potentia in actionem extimulantur. Quo modo (vt physiologi quibusdam non vulgaribus placet) Corallium, Carchedonius, Chrysolythûsque Gemmæ, ab Ioue præsertim ac Venere id sunt indeptæ virtutis quo ab atræ bilis melancholiæve symptomatis vel ferentem adserere valeant. Deinde & Mercurio Achaten sacram perhibent, ideóque & facundiam inuitare, & homini contra venena amuletum esse testantur. Aduersus quæ etiam è Creta collectam dictamnum à Phœbo (qui Pythonem transfixisse fingitur) id est, à Sole omnis vitæ & propaginis fomite mutuata esse profitentur facultatem. Sed & herba Pentaphyllon cœlica vi palàm prædita creditur non venenatis modò auxiliari potens, sed vnico folio diariam febrem, si bis in dies singulos sumatur: ternis, tertio quoque recurrentem: quatuor autem foliis quartanam febrem pellere atque cōficere posse laudata. Nec iniuria profectò, quum nempe febres hæ variis pugnent tum naturis tum intemperantiis, haud facile fuerit (si me non omnia fallant) explicare quam ob causam naturalem, vnico simplicissimoque hoc remedio, Pentaphyllo scilicet, tam dissimilis rationis affectus abigi queant, si non virtutem hanc cœlum ipsum illi impendisse causeris. Quid præterea Phœbo sacræ Pæoniæ, à comitiali morbo vel

*Remedia
in febrim.*

por-

portantem vindicare posse. præter cœlum, concesserit naturalis sensualisque philosophus? Neque enim pauca reperiās medicamenta quæ similis caliditatis, siccitatis ac modicæ adstrictionis conformes promāt qualitates, quarum ratione tametsi germanas edant operationes manifestas, aduersus tamen illum affectum tam præstabilia esse minimè experiaris. Sed hæc quorsum? nempe vt mirum non sit, quòd philosophi illi arbitrati sint, cœlum Gemmis occultas profundere potentias: quum præsertim similes potestates in obscurioris substantiæ herbas palam sit illud insinuare creditum. Quid præterea? Nónne à veteribus obseruatum est quarundam arborum, Oleæ inquam, Populi albæ, & Salicis folia solstitiali tempore conuerti: fieri etiam vt ipso brumali die frondes quædam reuifescant? Vt & hæc Marcus Varro stupenda discrimina nominarit, quibus videlicet anni tempus discernatur, & ex foliorum versura solstitium, ex recens autem erumpente quarundam herbarum virore brumalis dies internoscatur. Quæ ne iustè quis miretur, non pigebit & hîc quoque contexere quæ M. Cicero ex Stoicorum placitis refert. *Probatum est*, inquit, *à Stoicis in ipsa bruma musculorum iecuscula augeri, pulegium aridum florere brumali die, item inflatas rumpi vesiculas, & semina malorum quæ in iis mediis inclusa sunt, in contrarias partes se vertere: Ostreis & conchyliis contingere vt cum Luna pariter crescant & decreſcant.* Vnde manifestum esse puto (vti etiam præstruximus) quod &

philosophis diligenter probatum receptumque inuenio, quòd rebus supernis vis quædam insita est vehemens, quæ maxima ex parte cum inferioribus conuenit: indèque sympathia quædam & ceu consensus e-

Conclusio.

mergit, quo animantium motus tacitique concentus
 cœlicis corporibus (in rebus quæ statuta natura fiunt)
 concordare videntur: Quo nomine hæc quoque infe-
 riora cœlicis suis numinibus adscripta reperio, Apol-
 lini namque Aries, Leo, Gallus, Crocodillus, Cantha-
 rus, à Chæremone Porphyrioque tribuuntur. Ex ar-
 boribus verò Palma, Lotus, Laurus Soli feruntur ac-
 ceptæ.

*Lotus hæc
 herba No-
 li est, non
 arbor.*

Nimirum quòd coram intuearis † Loti folia
 prius quàm sol emergat contrahi, & eo exorto sensim
 explicari. Mirto quæ de Heliotropio, & aliis non raris
 herbis, vt literis proditum est, ita re ipsa quiuis non
 negligens explorator proprio obtutu cernere potest.

Porro de lapidibus multa nec tamen dissimilia à
 Philosophis Aegyptiis ac Magis perhibētur, qui quos-
 dam lapillos syderum imagines planè repræsentare
 adstruunt, quos & ideò ab iis virtutes in sese conce-
 pisse crediderunt, & experimento comprobasse testati
 sunt. Quid namque philosopho naturali mirum exi-
 stimare similitudinem Gemmarumque cum cœlo co-
 gnationem maiorem, efficere vt eius viribus obnoxius
 pateant atque hinc valentiores emergant, quum ma-
 ximè similitudo & extimulata tandem germanitas ma-
 terici aptam præparationem, & cœlo obnoxium con-
 sensum non obscurè subindictet. A cunctis siquidem
 phisiologis receptum est quòd agentium actus fiunt
 in patiente disposito (libet enim eorum vulgatam mul-
 tum sententiam ad verbum referre) quòdque singulæ
 similitudines sese nativo quodam affectu appetunt.
 Verùm ne hæc quidem absurda iudicauerit, qui mo-
 nimentorum magicorum astrologicorumque non in-
 uitus meminerit. hi quippe in rebus similitudinem
 non mediocriter ad effectus naturales habere robur cer-
 ta veluti hypothese statuere. Sed vt magica omitta-
 mus,

mus, quibus vel solo nomine multi terrêtur, astrologicum aliquod adferemus exemplum. Inter omnes a-
strorum peritiores conuenit (quibus etiam medico-
rum non vulgarium bona pars factò periculo subscri-
bit) Leonis imaginem aduersus calculum amulentum,
esse: si tamen statò tempore, hoc est, Sole Leonis pri-
mum gradum occupante in auro sculpta, à collo por-
tetur. Cuius rationem nemo, crediderim, aliam facile
attulerit saltem naturalem, quàm consensum appeti-
tùmque quendam rerum cœlestium cum congenea
figuratione, in conuenienti materia ab ista saltem har-
monia inuitatum procuratùmque. Propter quem vir-
tus illa cœli, quæ constituto illius configurationis tē-
pore pollebat, à iam dicta parilitate, & materiæ, id est
auri, ad mensuram præparatione, in aurum iam dicta
imagine figuratum allicitur, transfunditur: com-
meat: quæ proximum, gestantis scilicet, corpus sua vi afficit,
quæ a calculo ipsum tueant. Veruntamen nolim intel-
ligas, philosophos illos, vel etiam me sentire virtutē
hac esse imagini, sed auro tali effigie figurato & effor-
mato transfusam, vt scilicet subaudias illos existimare
quòd præparatio, qua per sculpturam dictæ imagini
fabricandæ necessariam, aurum cœlicis radiis & influ-
xibus concipiendis abundè disponitur, efficit vt ma-
teria hæc patentior reddatur cœlicis afflatibus admit-
tendis, & (vt ait M. Vitruuius li. i. de Architect. ca. 6.)
de latentibus cœli rationibus, artificiosis rerū inuen-
tionibus, diuinitatis exprimere veritatem rerum pe-
ritus vir posse credatur. De quibus fusiùs suprà disser-
timus. Sed enim ne philosophorum illorum placita
absurdiora putes, quàm vt humanam apparentemque
saltem aliquam non habeant rationem: Maximè autē
quo feliciora, sublimioraque ingenia oblectemus

*Mundum
esse ani-
mal vñ
sensu Pla-
to.*

(non vero quòd ita esse statuamus) annotanda in pri-
mis & hìc nobis videtur Platonis illius celeberrimi, &
multorum non mediocrium philosophorum celebra-
ta vulgataque sententia, quòd scilicet mundus est ani-
mal vñum, vna quadam anima intellectuali (ea est de
qua paulò antè disceptauimus) sub mente principe o-
mnium creatrice vita donatum, quæ (menti obsecun-
dans) congeneo suo spiritu per omnia diffuso vniuer-
sum orbem alit, fouet, moderatur. Cui & id Maronis
egregij illius non minus philosophi quam poetæ sub-
scribit:
---Omnia.

*Spiritus intus alit, totàmque infusam per artus,
Mens agitat molem.*

*Vñ in o-
mnibus
vita, om-
nia inui-
cem cons-
pirare &
compaßio-
ne quadã
communi-
care.*

Quibus non obscure ostendit naturam hanc transmu-
tationi obnoxiam à natura stabili ordinatricéque re-
gi: singula etiam artus & particulas esse quasdam mû-
dani illius ac magni animalis, eadèmq; saltem com-
muni vita viuere, adde & communi quodam spiritu in
propria munia extimulari. Ideòque & illorum est cõ-
siliium, vnam in omnibus vitam sub mente ac vigere,
quæ cuncti eius vi & imperio peragat. Ita & tamen vt
ad suas functiones obeundas tũ coelicis, tum nonnun-
quam etiam rudioribus instrumentis vtatur. Quapro-
pter & in hac communi omnium vita sentiunt singu-
las formas cùm inuicem, tum per animam illam vni-
uersalem ad omnium vltimum finem, hoc est supre-
mum ipsum bonum, tandem conspirare, vt & quæ-
cunque fiant mundi opera, sigillatim mûdi partes sint
vel ad eas spectent, vt & ad totum. Quod & ipse Py-
thagoras suis numeris demonstrare contendebat, dũ
vnitatem omnem numerum constituere, dualem pri-
mum, atque ex vnitatem & binario ternarium, (id est
Trinitatem quandam) comprehendi, deinde & in sim-
plicem

*Pythago-
ra de Tri-
nitate per
numeros
cõpendio-
sa senten-
tia.*

plicem vnitatem alium omnem numerum resolui, multa ingenij dexteritate differebat. Verum vnde digressus est noster tandem redeat sermo. Senserunt item & philosophi illi, quod citra substantialem proximamque causam non possit in hoc inferiori mundo naturaliter produci substantia, nec sine viuente causa viuens quippiam generari; deinde & duce quo dam communi diuersa quæque conciliari. Proinde & per substantialem illum mundanæ animæ ubique præsentem spiritum, omnia consensum, cuius nunc commemimus, participare volunt. Adde, quod & inter philosophos conuenit, quod lumen intelligentiæ est actus: intelligentias quæ & superiora lumine & spiritu non modò communi, sed & proprio agere. Quid igitur illis arduum fuit opinari spiritum illum vniuersalem, cœli vim materiæ ad eam ritè paratæ admouere, vnde rationis eius seminalis virtus ad opus pridem à creatore infeminatum exfusetetur. Præstat tamen Chimericam illam animam, Christianis incognitam, philosophis in hanc persuasionem ductis relinquere: & attendere iis quæ ratio diuinis oraculis subnixæ sua det, & quotidiana naturæ consuetudo commonstrat. Naturam autem sic operari videmus vt cœli lumen non desit, & rationum seminalium elementis, id est, in ipsa materia, latentium per id excitetur fecunditas. Quemadmodum quippe prudens agricola terram sementemque, sic sua arte ac diligentia præparat quò speciem rei cuius in semine rudimentum aliquod à natura delitescere scit, cœlum omnibus numeris feliciùs absoluat: Ita & solertissimam providissimamque naturam, vel hominem artificiosum aurum lapillumve sic aptare posse putant, vt quæ in iis per creationem cœpta est vir-

*Quòdque
pro.*

*Cur pro-
prietates
occulta re-
bus à Deo
indita
sunt.*

tus, vel insita, per naturam, vel artem eius quamproxime æmulam, ad perfectionem tandem extimuletur. Proindeque nulli iam mirum sit, quòd philosophi illi senserunt, cœlum & artem sese inuicem non rarò iu-
uare cœlicis concipiendis viribus, & materiis decen-
ter adparandis, cœlestium motiones & situs obserua-
re docuerint, vel ideo saltem, quòd hæc ad materiam
pertineant, aliter vel aliter aptandam. Nempe quòd
elementa pro illorum motu, positione, propinquitate
aut distantia qualitates euariant, quas non pauci rerù
naturalium proximas effectricésve causas existimant,
vel saltem in hoc superioribus ministrare quòd pro
eorum mixtura & temperamento formam quandã e-
dant quæ ad specificam quàm plurimum disponat: Vt
& id sit euidens, quod superiore capite prætexuimus,
Deum ordinem quendam constituisse omnium rerù
& à se ad se. Quem Deum credi non ab re potest, su-
pra ea quæ ab vniuersali rerum naturalium confluxu
quæque species & quoduis indiuiduum recepit, pro-
prietatem quandam humano captui, non ratione, sed
solo experimento peruiam, ad hominis vsum, libera-
lissima sua pietate infudisse atque impartiuisse. Vt &
vtilitatem inde homo capefferet, & tanti tamque re-
conditi operis admiratione illectus, ad Dei & Domi-
ni sui omnium creatoris contemplationem amorém
que raperetur, conuolarétque. Hic nanque ordo vni-
uersi, & hæc rerum proprietatùmque admiranda va-
rietas, dum ab intellectu diligentius auidiusque intro-
spicitur, illuminatis tandem mentis oculis, principiũ
suum, quod est bonum ipsum, id est Deum, refert, in-
comprehensam sublimitatem, ac maiestatem simpli-
cissimam, sapientissimam, potentissimam, benignissi-
màmque virtutem atque bonitatem esse. Sed insti-
tutum

tutum tandem absoluamus. forſitan enim longius palati diſceſſimus. Itaque tametſi Trismegiftus ille non abſurdè videri poſſit ſenſiſſe, quòd cœlum lapillis vires abditas impertiatur, proximæ tamen earum cauſæ non meminit, quam inter philoſophos conuenit in materia conſiſtere, & inde ſuas promere functiones.

Qua ratione patet, cœlum ipſum materiale ac extenſum non eſſe principem proximamque, vel ſi mauis, coniunctam cauſam earum quæ in Gemmis latent potentiarum. Quamobrem quû ſuperiùs oſtenderimus, reconditarum virium cauſas à nulla fieri complexionali qualitate: ſed nec ab aliquo elemento aut forma elementorum temperiem primariè atque eſſentialiter conſequentem, voluit Albertus ille Magnus cum numeroſa non mediocris literaturæ ac iudicij virorum turba, quòd ſpecies ſeu ſubſtantialis Gemmarum forma ſit deliteſcentium, quæ ex iis experimur, facultatum cauſa effectrix atque immediata. Quanquam nec illi fortè negarint ſubſtantiali illi formæ vim aliquam adiici cœleſtem, quæ vel ſciſa, nonnunquam autem Gemmarum adiuta temperaturis elementalibus, præcipuæ illi cauſæ ſuffragetur. His autem non de nihilo ſubtexendum videtur, quòd quæ Gemmæ natura puriſſimæ naſcuntur, & ab omni ſorde defecatæ, nullam artis præparationem ambiunt, niſi vt ritè corpori admoueantur & nihil obſtet. Quæ verò terra aut cruſta obductæ, precioſum intrò condunt theſaurum & gratam pulchritudinem, mangonum officio, abiecta cruſta, & virtutibus & illecebris diffundendis idoneæ redduntur, Neque etiam tibi perſuaſum velim Gemmas æqualiter ſuis functionibus corpora quæuis etiam humana efficere. Quandoquidem pro corporum cum cœlicis orbibus & afflatibus, vnde vim lapilli mutuati

Alberti Magni de proprietatibus eſſentiali cauſa ſenſus.

Nos in quæuis corpora Gemmas æqualiter operari.

sunt non modicam, maiori vel minori consensu, aut eorum corporum conueniente vel aduersante temperamento & innata proprietate, efficacius aut segnius Gemmas operari contingit.

PRIMI LIBRI FINIS.



DE GEMMIS XIII. QVAVM
Diuus Iohannes in Apocalypsi meminit.

Liber Secundus.

ARGVMENTVM.



Ictis instituti nostri fundamentis, ab ipso secundi huius libri limine prætexdum videtur, quòd diuus ille Ioannes Apostolus *Ἀποκαλύψεως*, id est, Reuelationis libri capite penultimo, dum ciuitatis sanctæ Hierusalem de cælo descendens, ac Dei claritate illustris structuram describeret, tredecim Gemmarum non sine magno sacramento (quod ne in aliena messe metamus, in præsentiarum prætermittimus) commemorat. Quas non pigebit, ex ordine eo loci seruato, hîc quoq; recensere. Neque enim video quâ meliori ratione, Dominus omnium Deus nobis commôstrauerit, diuinas quasdam Gemmas inesse naturas & proprietates, quàm iis ipsis cæli muros, hoc est, eius virtutes, vel (si mauis) Christi Iesu cū duodecim eius Apostolis, Ecclesiæ videlicet capitis & columnarū amplitudinē, maiestatem, cumulatā deniq; nobilitatem & inuincibilē virtutem per Gemmas designando. Sunt itaq; omnes hæ: Iaspis, Sapphirus, Carchedonius, Smaragdus,

ragdus, Sardonyx, Sardius, Chrysolithus, Beryllus, Topazius, Chrysoprasus, Hyacinthus, Amethystus: nouissimas verò fecit Margaritas. De singulis autem his hoc libro primùm ex ordine differere consilij est.

De Iaspidis speciebus & viribus.

C A P. I.



Iaspidis plura ab autoribus enumerantur fastigia. Ea tamen quæ apud Indos nata Grammatias, aliis Polygrammos vocata est: quæque virens, Smaragdo quadantenus similis pellucet (vt & hinc sola substantiæ crassitie ab hoc desciscere ferè videri possit) supremam obtinuit maiestatem. Ab hac verò diuersa multum Cypria visitur, colore glauco, substantia pingui, Gallis Iaspis alba dicta. Persica æri similis, Aerizusa nominata, conspicitur. Thermodontiaca autem Iaspis, cærulearum optima est. Cappadox ex purpureo cæruleum refert in materia opaca, ideòque nō fulget. Phrygia ruboris non nihil admisit, Thracica Indicæ æmula, Chalcidica turbulenta ac variæ multum substantiæ, omnium minimè iucunda. Cunctarum vulgò præstantissima est, quæ purpuræ quippiam complectitur. Secundum habet locum quæ roseum quiddam nacta est. Tertiam obtinet dignitatem, quæ Smaragdum: quartam, quæ Autumnale matutinum serenūque cælum imitatur. Est & quædam Iaspiachates ceu Iaspidem & Achaten quoque complexa, vires vtrarūque perstringere credita. Sunt & aliæ (autore Vincentio) peregrinæ Iaspidis species ex Thetel enumeratæ. *Nam inuenitur (ait) in Iaspide scutum habens in*

Thetel.

collo, & cuspidem in manu, & sub pedibus serpentem, qui habeat contra omnes inimicos virtutem. Item & alius in quo sit homo habens fasciculum herbae in collo, cuius virtus sit omnes discernendi morbos ac sanguinem restringendi: quem Galenum in digito gestasse referunt. Deinde & cruce signatum viridem reperire est, ne quis submergatur efficacem. Haecenus ille. Hic itaque ferè indigitauimus optimam principemque Iaspidem. virentem illam & Indā quā (quod prae ceteris amuletum esse credatur) Polygrammos nuncupata existimatur, quā tamen celeberrima asseritur, si ex viridi purpureum quiddam complexa, alba praecingatur. lineā. Vncius vn decim magnam vidisse Plinius testatur, indeque arte cōsculptam Neronis thoracatam effigiē. Porro quod ad vires attinet, omnes pro singulari aduersus perniciosissima quāq; venena amuleto toto Oriente deferri, idem Plinius in scriptis reliquit. Verū enimuerò eā quā Grammatias dicitur, alba insignem lineā praeferrunt, quā si geminata candidā efferat crucē à nonnullis firmiter praedicatur ferentē adeò contra aquae iniurias adserere, vt & hunc à submersione vindicare, Gal. medicinā vsui illas esse cōfirmat, quod suo adhæsu stomachū firmēt, quē ventriculi os esse idē autor dixit, illiusq; rei se periculū fecisse profitetur totq; videlicet ex Iaspide à collo ita suspenso vt stomacho è directo responderet. Affirmatq; sibi corā exploratū esse sculpturae expertes nihilominus prodesse, quā si dracōne radiato figuratae fuissent: quales Nechepsus rex in sculpi instituit, vt idem Gal. refert. Adde quod Iaspis mulieribus menses cohibet drachmē pōdere deuoratus sanguinē sudorēq; cōpescit, hydropē & febres arcet, oculorū aciem suo virore reficit, Venerorum petulantem appetentiam retundit: partum proprietate qua-

*Iaspis quae
optima.*

*Iaspidis
vires.*

re quadam occultiori moderari creditur. Sunt qui ab aduersis casibus gestantem liberare, phātasma pellere, conceptioni aduersari, & oculos ab omni sorde purgare Iaspidem dicant.

De Sapphiro. CAP. II.



OVI Phœbóque antiquitus sacram sapphirum in duo partiuntur præcipua discrimina. Sunt namque quæ Orientales seu Indæ, sunt & quæ Podiæ, à loco scilicet suæ generationis, appellantur.

*Sapphiri
differētia
& nomina*

Inuenio quoque illam & Syrtitem, ab inuentionis loco, vocari. Quamquam non eam putauerim esse, cuius Plinius meminit libro 37. hist. natural. cap. 10. his verbis: *Syrtitæ (inquit) in littore Syrtium, iam quidem & in Lucania inueniuntur, è melleo colore refulgentes, intus autem stellas continent languidas.* Tamen si namque nomine & originis loco conuenire videantur, color tamen huius syrtitis, è melleo croco refulgens, manifestius reclamationem quàm ut à quoquam suspicari deceat hanc syrtitem esse sapphirum. Sapphiri namque cœlesti colore conspicui sunt. Porro earum quæ apud Medos reperiuntur, supremam sibi maiestatem vendicarunt, quæ serenissimi vernique cœli colorem effe-
rentes, cæruleæ conspiciuntur, & ceu transfusas nubes (immixta etiamnum leui quadam purpura) representant: ut videlicet sulphuris primum accensi colorem referant, aureis insuper punctis colluceant scintillæque, ita tamen ut visus aciem materie crassitie retundant, ut & ad motarum rerum imaginem speculi instar minimè reddant. sunt itaque hæ optimæ sapphiri. Multæ tamē alię visuntur quę quo magis ab his vel substantia vel colore descuerint, eo viliores censebū-

Syrtites.

*Sapphiri
descriptio.*

tur. Inter quas tanquam subcandicantes quasdam nubeculas ostentant, præferuntur, vt ab optimis primum sibi locum occupauerint. Supremam olim Sapphirum auctoritatem habuisse, vt apud diuos gratiam ipsa perhibet antiquitas. Tam quippe diis, Phœbo maximè, gratam hâc Gemmam causantur, vt tum præcipuè sua huic sacra placuisse creditū sit, cum inter hæc sapphirum (tanquam videlicet concordia signaculum) etiam si non citra fastum superstitionemque, ostentarent. Qua de causa Pontificibus in primis, dein etiam regibus, summis denique viris, præ cæteris dignam, ob propemodum diuinas illius facultates, philosophi iudicarunt. Venereos compescere affectus creditur, ideòq; castis præcipuo vsui esse perhibetur: deinde animi in Deum propensionem, deuotionem, pietatem, constantiam, pacis ambitionem, deorū munera optimaque (quod ad hanc vitam spectat) beneficia inuitare conciliareque fertur: vt vel hinc ecclesiasticis præsulibus omnium maximè dignam rude etiā vulgus profiteatur. Addunt & contra iracundiam, & inuidiā, fraudes & tristitiā pollere. Adeò scilicet contra effrenes animi mores efficax est credita. Verū hæc ad animam pertinent.

*Sapphiri
vires.*

*Supersti-
ciosè credi-
ta.*

Corporis præterea incrementū moliri, solidas principēsque fouere & asseruare partes, cordis oculorūque vires reficere, horum excrescentias & pustulas inhibere: ruptas quoque membranas cogere Galenus & Dioscorides autores sunt. Addunt & aduersus scorpionū ictus & intestinas exulcerationes bibi venenis etiā pestiferis resistere, & cōtra veneficia omnia, adde etiā & incantamēta præsidio esse, febrientes cordis venis pulsantibus admota iuuare, sudorē arcere, sanguinē cōtinere carbūculis abscessibūsque calidis, pestiferis præfer

tim, mirum in modum aduersari tradunt. Commem-
titium puto quod à plerisque dicitur Sapphirum Car-
bunculo extincto viribus destitui. Sunt & qui falsò ia-
cēt sensisse Dioscoridem quòd Sapphirus araneam
in pyxide repositam occidat, si diutius supra animan-
tem pendula ad moueatur,

Mitto præterea quæ de hoc lapillo superstitioso-
rum Magorum præstigiola vanitas nugatur.

De Carchedonio.

C A P. III.



Archædonium è Carbunculorum esse
generibus Plinius inter Latinos phi-
losophos locupletissimus testatur.
Quanquam & hîc præmonitum te ve-
lim ferè omnia tam Græca quàm Latī-
na Apocalypsis exemplaria Calcedonium habere:
quum tamen de hoc nomine vocato lapide nihil apud
authores classici inuenerim: de Carchedonio autem
multa. Vt & hinc non ab re putem scriptorum in-
curia vtraque exemplaria iam olim vitata esse, quæ
præstruere visum est ne sacri textus veritatem ac di-
gnitatem neglexisse videremur. Porro Carchedoni-
os putant imbre diuino generari. Luna plena maxi-
mè reperitur. In Nasamoniis montibus nascitur, dein-
de & apud Thebas in Aegypto: verū quàm prædicti
obscuriores ac magis fragiles, venosi & moriētis car-
bonis haud absimiles. Neq; etiā defunt viri nō incele-
bres qui iuxta Basileā Argentināq; claras multū & insi-
gnes Germaniæ ciuitates quosdā Carchedonios reperi-
ri adstruāt. Præterea autor est Symphonianus Cāpegus


*Carchedo
nij genera
tio.*

*Carchedo-
nis descri-
ptio.*

in Lotharingia quoque Carchedonios oriri miræ magnitudinis, & si ferro percutiantur sonoros, quos & vi præditos scribit aduersus raucedinem: vocemque clarificare, Ego verò absolutissimo Carchedonio cum Lotharingo collato, hunc non putauerim (tanti viri pace dictum sit) esse verum Carchedonium. Quandoquidem optimus colore conspicitur medio inter Beryllum & Hyacinthum, accedente etiam leuicula quadam & subardente purpura, ut & proinde facilis sit suspicio cõiisse, Beryllum cum Hyacintho. Ideoque Carbunculis pallidior & subobscurior visitur, quamquam & Sole vel igne acrior excitetur. Dicunt etiam Carchedonios umbra purpureos ostendere, sub dio verò flammeos videri, & soli expositos scintillare. Qui autem à Lotharingis passim circumferuntur rubri semper æqualiter conspiciuntur, tantum abest ut prædictos gratia & proprietatibus adsequantur. Quamobrem spurium potius Lotharingum Carchedonium esse iudicauerim, vel omnino ignobiliorem eius quamdam speciem. Præterea commune omnibus Carchedoniis inuenio, quod ceram signandam suo contactu ita quidem liquefaciant, ut eius adhærentem partem conuellant Carchedonij (ut in omni Gemmarum genere) Masculi acrius, fœminæ languidius fulgent. Scalpturæ contumaces esse Carchedonios inuenio. Cæterum facultates eis tribuunt non obscuras contra Cæcodæmonas, & atræ bilis symptomata, hoc est tristitiam timoremque. Neque desunt qui victoriam ei promittere audeant qui illum secum gestauerit. Fertur & festucas calfactus trahere. Præcipuæ autem dignitatis sunt mares qui stellas intus ardenteis ostentant, vel cœlesti hoc schemate diuinis ferè eius vires attestante.

*Mas &
fœmina.
Carchedo-
nij vires.*

De Smaragdo. CAP. IIII.


 Iridium Gemmarum iucundissima primaque habita Smaragdus. Nullus namque color oculis æquè placuit, quòd horum acies virore maximè demulceatur, ut & eapropter viridaria visus & animi recreandorum gratia petantur. Ideòquè fit ut nullis lumina nostra lapillis quàm Smaragdis plus oblectamèti consequantur. Nihil quippe cum herbis de viriditate meliori ratione certauerit, quum etiam quarundam virorem non rarò Smaragdus superet. Porrò optima apud Scythas in altissimis montibus ac in metallis aureis nascitur, unde non sine magno discrimine ac negotio solet adipisci: Gryphis alitibus ferocissimis in iis auro nidificantibus, & illas tutantibus ab Arimaspiis unico in fròte media oculo insignitis, viris armatis eò auri & Smaragdorum cupiditate nimia consuetis accedere. Ceterum quantum reliquas virentes Gemmas Smaragdi superant, Scythicæ cum substantiæ puritate tum viriditatis illecebra reliquas sui generis species antecellunt. Secundam verò sibi dignitatem Bactrianæ vendicant. Ab his autem Agyptiæ. Quanquam & in Britannia maiore (quam nunc Angliam vocant) reperiri non ignobiles, autor est Albertus Magnus. Post generosissimas itaque quæque pro sui puritate & virore constanti pertinacia, superior aut inferior æstimanda fuerit. Porrò præclarissima Smaragdus virenti iucunditate amœnissima prata proximè repræsentat, solâque præ omnibus aliis intuitum vbertim explet, & multo labore hebetatam oculorum aciem reficit: ut vel hinc apud scalptores maximam inierit gratiam. Quinetiam è longinquo sese efferunt Smaragdi quòd vici-

*Smaragdæ
genesis.*

*Arima-
spi.*

*Optima
probatio.*

nū circumfusūve aërem suo inficiāt tinctū. Tāmet-
 si verò duodecim eius enumerantur omnia fastigia,
 principis tamē & absolutissimę descriptionē hīc adno-
 tasse sat nobis fuerit. ea siquidem cognita reliquas pro-
 fuls metiris meriti ac æstimare haud difficile fuerit.
 Selectissima itaque Smaragdus ea est quæ viridissima
 lucidissima ac purissima existens, suo quidem virore
 oculos constanter explet, satiatve: ita vicinum aërem
 proprio tinctu inficiens, vt neque soli neque vmbri-
 ſeu lucernis cedat: quin potiùs perpetuo contumaci-
 que virenti fulgore ſemper irradiat, ſui ſemper præbet
 conſpectum, ſubſtantia pertinaci ac durissima. Porro
 Smaragdorū quæ planæ ac læues ſunt, ſpeculi ſpecie
 referunt, & imagines rerum adinotarum ſupinæ repre-
 ſentant. Ideoque in ſcriptis eſt. Neronem gladiato-
 rum certamina Smaragdo conſpexiſſe. Vires huic ad-
 ſcribunt præſtantiffimas aduerſus venena omnia vt: &
 hinc octo granorū hordei pondere in polline deuo-
 rata, venenatos à morte vindicare potens iam pridem
 explorata ſit. Affirmant etiam ſerpentis oculos diſſue-
 re, ſi optimam Smaragdum diutius intueantur. Comi-
 tiali præterea morbo vel à collo pendulam vel annu-
 lo geſtatam, ceu amuletum generoſum prodeſſe, He-
 mitritæumque ſanare, confirmant. Iam verò apud om-
 nes conuenit lapidem hunc rerum Venerearum impa-
 tientem eſſe. Vt etiam Albertus ille Magnus ad ſeuera
 re non dubitarit, regi Hungariæ cum vxore rem ha-
 bentī, Smaragdum quam annulo portabat, in tres di-
 uiſum fuiſſe parteis. Proinde palàm eſſe creditum
 comperio, ad caſſitatem non mediocrem hunc lapil-
 lum habere proprietatem, Addunt denique & ipſum
 memoriam fouere, viſum recreare, opes augere. Mit-
 to quæ de lapillo hoc ſuperſtitioſorum magorū nu-
 ciſſi-

*Smaragdi
vires.*

gacissima impostura mentitur. Porro qui non usque adeo virent, vino & oleo abluti (autore Plinio) emendantur.

De Sardonyche. CAP. V.



Sardonychas olim Romanis in magno fuisse precio autor est Demonstratus.

Porro numerosa specie visuntur: quarum India parens est, celeberrimæ habentur, Post has Arabicis laudem detulerunt, circuli præclaro candore, nec tamen nimis gracili, verum in umbonibus nitido. Optimæ autem iudicantur quæ colore constant veluti carnibus humanis vngue interfuso (qualem audio vulgus incarnatum vocare) utroque nihilo secius colore utcumque pellucido atque languido, ceu scilicet quis rubricam visum transmittere intelligat affuso etiamnum colore utcumque glauco. Itaque Indicæ præstant. Colorum quoque varietate suam ostendant dignitatem, ut vix in alia Gemma depingenda naturæ diuina sagacitas magis reluceat.

Ex his namque generosiores, radice tanquam à basi quadam nigricante (quam quis non iniuria, è nigro ad cœruleum deciscere crediderit) (Onychas primum quadantenus repræsentant: hinc imitante Sardinium subrubente zona præcinguntur, à qua deinde linea alba in gyri modum ambiuntur: Tandem verò lata atque diuersa intercapedine in ampliorem, nec minus artificiosum ac candidum circulum meant. Postrema omnibus zonis, veluti basis quædam altera subternitur: quæ ut Arabibus nigerrima est, ita Indis ceræ vel cornea conspicitur: quasi videlicet in candido pingui vnguis humanus transfundi, accedente etiam

*Optima
deliniatio.*

subobscura quadam nubecula, existimetur. Ideoque nemini mirum esse debeat. si quis Sardonychas ex Sardij, Sardæ & Onychis coitu fieri suspicetur, quū Sardonychas palam sit trium illarum Gemmarum referre colores ac substantias. Præferuntur quibus candidę vel purpureę zonę sese ex ordine, citra alterius rei intermixtionem, recipiunt, & albicantes circuli, immixta leui purpura, cœlestis arcus anhelationem quādā referunt. Melleæ verò & fœculentæ reiiciuntur, cum iis etiam quibus circulus aliquis sese quidem diffundit, non autem recipit. Aduersus venerea pollere, & animi fastum item nocuos effectus arcere creditur.

De Sardio.

CAPVT VI.



Sardij de
lineatio.

Probatio.

Virtutes.

Onychiū.

Ardium à Plinio Sardam vocari inuenio. tamen non desint viri non incelebres qui ab hac Sardium multum discriminar iudicent, quòd videlicet hic ruber, illa verò alba visitur. Forsitan vò cum vicinitas Plinio imposuit, fuit autem Sardius apud antiquos non infimi nominis: nunc autem nullus aut minimus eius vsus. Porro colore cōspicitur rubro, verum suboscuro, vt si quis imaginetur terram rubicam pellucere quidem, sed subobscura offundi nubecula. Adeoque is sui generis optimus censetur, & quò latius ab hac perfectione reliqui abibunt, hoc minus nobiles iudicabuntur. Timorem pellere, audaciam præstare, à veneficiis maleficiisque gestantem adferre, sanguinem è naribus fluentem compescere, animo lætitiā, ingenio quoque acumen inuitare, perhibetur. præterea retundere iniurias creditur: vt vel hinc Sardonychas innocuas esse confirment, quòd Sardium complectuntur. Sardij item mares acrius fulgent

gent, ideoque præstantiores habentur, quod & aliis
ferè Gemmis commune est.

De Chrysolitho. Cap. VII.

Chrysolithos multiplici discrimine partiuntur, quarum ignobiliore Arabicæ dicuntur, quòd vario colore ac turbulento conspectu sunt. Reperio etiam & Chrysolithos in Germania nasci, in iugis scilicet Mysinacis & locis conterminis, splendore tamen ad candidum languido, quàm aliæ magis fragiles. Selectissimarum India nutrix, quæ quadantenus cœruleæ sunt, marinæ aquæ virorem ita præ se ferentes, vt aurum in collatione quadam veluti argenti facie cogant albicare. Porro partibus respirationis adeoque asthmaticis Chrysolithum conferre tradunt. Aduersus pusillanimitatem, & contra melancholicos metus stultitiámque pro amuleto defert. Dæmonas præuos pellere sapientiam, animi quoque cōstantiam promouere creditur. Nocturnis itē pauoribus, & molestiis inter somniis aduersari crebrò sum expertus. Addit & Thetel Iudæus philosophus Chrysolithos reperiri insignitas scēmina, vna manu auem, altera verò piscem continente: mercatoribus vtilis quòd stultitiám pellant, inuitent autem solertiam, qua illi suis negociis bene absoluendis maximè egent. Quanquam & id suam abundè redoleat vanitatem.

De Beryllo. Cap. VIII.

Beryllorum India parens est, ita vt rarò alibi orientur. Est autem Beryllus ex virentibus lucidisque Gemmis. Probatissimæ sunt quæ limpidi maris virorem proximè referunt. Ab his Chrysoberylli paulò languidiores, fulgore in aurum vergen-

Chrysolithi species & genesis.

Optima descriptio

Facultates.

Berylli probatio.

te, laudatur. Sculpuntur singulae forma sexangula, quò color alioqui hebes & languidus angulorum excite-
 tur percussu: vix nanque aliter politae fulgent. Porro
 quamuis decem eius faciant genera sat tamen nobis
 esse putamus principem indicasse, vel hoc praesertim
 nomine quòd hac cognita, facile cuius fuerit reliquas
 species ad iam indigetatae Berylli faciem metiri. Ocu-
 lis humentibus, ructibus, suspiriis, iocineris quoque
Vires. malis, illius ex qua dilutum (infusionem nostri Sep-
 tianij vocant) non mediocriter auxiliatur. Inuenio &
 hanc Gemmam aduersus hostium iniurias, & contra
 segnitiam pollere, ingenio prodesse & coniugatos in-
 uicem conciliare.

De Topazio. C A P. IX.



*Duplex
 Topazij
 genus.*


Væ de Topazij inuentione varia adfe-
 runt, tamquam à nostro instituto aliena
 (quod & in singulis ferè capitibus obser-
 uare adnitimur) omittimus. Porro To-
 pazium Gemmarum amplissimam tra-
 dit Plinius, vt etiam Arsinoæ Philadelphi vxori statuâ
 præbuerit quatuor cubitorum in delubro aureo sa-
 cram. Duplex eius differentia est, priorem Prasoiden,
 id est porraceam, alteram autem Chrysopteron: re-
 ctius autem Chrysopterin (hoc est ad filicis herbæ vi-
 rorem inclinantem) nuncupant. Neque enim è voce
 Græca πτερόν Latinis alam significante aut pennam,
 verum à voce πτερίς filicem herbam indicante, Chry-
 sopterin deriuari putauerim: est nanque filicis viror
 quam porri dilutior. Vt sit Chrysopteros, vel si maior
 Chrysopteris Topazius aureo colore, transfusa insu-
 per blanda quadam viriditate ad glaucum accedente.
 Qualem

Qualem Topazium mihi ætate superiore common-
 stratum fuisse reminiscor, substantia quidem non me-
 diocriter tenui, multum autem pellucida, colore tamē
 ex flauo in pallidum languido, immixto etiamnum a-
 queo quodam virore, adeoque filicis foliorum viridi-
 tatem repræsentante. Solæ autem hæ præcellentium
 Gemmarū limam admittunt vsūque atteruntur. To-
 pazij laus non vulgaris profectò : quandoquidem vi-
 res ei aduersus sanguinis eruptiones tribuuntur: ideo-
 que vulnere admota sanguinem è vestigio compesce-
 re: iracūdiam præterea ac venerea cohibere creditur.
 Nec desunt qui facto periculo audeāt affirmare, quòd
 manus Topazium habens, ab aqua bulliente citra ia-
 cturam eripi possit: vt quæ aquæ feruorem vsque adeo
 temperet vt ab ea omnem bullam mox pellat & ca-
 lorem nocuum. Mirū verò quòd vires pro Lunę aug-
 mento aut decremēto euariet: vt & hinc lunaticos iu-
 uare perhibeatur. Sunt qui hunc lapillum stultitiam
 pellere, delirium auertere, à momentanea morte fe-
 rentem vindicare, & phrenitidi obnoxiiis amulentum
 esse prodant.

Faculta-
tes.

De Chrysopraso.

CAP. X.

hrysoprasum & Chrysoprasium Plinius
 scribere videtur. nam libr. 37. ca. 8. To-
 pazij genera discriminatim narraturus
 in hunc modum scribit: *Duo eius gene-
 ra faciunt Prasoiden atque Chrysopteron
 similem Chrysoprasio.* Nec ita multo post subdit: *Vilio-
 ris turbæ est Prasius, cuius alterum genus sanguineis pū-
 tis obhorret. Tertium virgulis tribus distinctum est
 candidum.* Præfertur his Chrysoprasius porri succum
 & ipsa referente, sed hæc paululū declinans à Topazio
 in aurū. Eiusdē verò li. c. 5. Beryllorū discrimina descri-

pturus *Vicinum* (infit) genus huic est pallidius, & à quibusdam proprii generis existimatur, vocaturque *Chrysoprasus*. Item & eius libri cap. II. *Colos* (inquit) appellavit *Chrysolithum aureus*, *Chrysoprasum herbaceus*. Puto tamen vel scriptorum vel typographorum oscitantia *Chrysoprasio*, pro *Chrysopraso*, & *prasius* pro *prasus* substitutum esse, vel hac ratione quòd vtranque asserit porri succum referre, cui *Chrysoprafi* & *prasi* voces longè melius respondent: sicuti & ibidem his pro is, & *Chrysopterin* pro *Chrysopteron* reponendum censeo, vt scilicet in hunc modum *Pliniana* lectio castigetur. Et duo eius genera faciunt *Prasoidem* atq; *Chrysopterin* similem *Chrysopraso*, & demum *viniana* *lior*is turbæ est *prasus* (nisi tamen *prasius* vocem adiectiuum quoddam esse censeas) cuius alterum genus sanguineis punctis obhorret. Tertium virgulis tribus distinctum est candidum. Præfertur his *Chrysoprasus* porri succum & ipsa referente. Palàm enim est *Plinium* eò loci *Chrysoprasum* tribus *Prasi* generibus conferre, eundemque præstantiorem haberi velle. Sed hæc missa.

Emenda-
tur *Pli-*
niana le-
ctio li. 37
cap. 8.

Descri-
ptio.

Chrysoprasus itaque lapis porri viriditate ad aurum inclinante conspicitur: ideoque herbaceum colorem imitatur. Optimus itaque est qui aureis guttis còspargitur. Mirum quòd lumini tam importunum scribunt quidam, vt genuinum decorem per solas tenebras ostentet. Vires ei tribuunt contra sacra auri fitim. Cordis vires reficere, & oculorum imbecillitatē finire creditur.

Virtutes.

De *Amethysto*.

Cap. XI.



Ræcipua inter violaceas Gemmas *Amethysto* laus & autoritas: eius autem plura enumerantur fastigia. Porrò *Indicæ* supremam sibi

vendicarunt maiestatem: Post has verò Arabicæ, Armeniacæ, Aegyptiæ & quæ in Galatia reperiuntur. Infimæ omnium quæ in Thaso aut Cypro gignuntur. Singulæ tamen violas vtcunque referunt, fulgent quoque, sculpturæ vt si quæ aliæ faciles. Absolutissimam purpuram Indicæ repræsentant: inter quas eæ quidē præcellunt quæ veluti ex carbūculo irradiant is in murice rosei cuiusdam nitoris iucundam anhelationem effundunt. Quarum, quæ blando quodam aspectu tanquam ignitā eiaculantur scintillam generosissimæ atque efficacissimæ putantur. Neque etiam hīc adnotare pigebit quòd accedunt quidem Amethysti omnes ad vini ruborem, verūm eo non adepto in violaceū finiuntur, vt purpuræ videlicet fulgor vsque adeò igneus non sit: sed vt vini colorem euariet. Quanquam inueniam & Amethystos quosdam ad Hiacynthos de ficere, alios verò ad vinum magis: nullæ tamen vinosi coloris expertes omnino laudantur. Quæ verò ad crystallum ceu subalida quadam ac leui purpura desciscunt, cunctis ignobiliores habentur. Veneris gemmæ coloris luxus & illecebra vocari fecit. Aristoteles autor est amethystum vmbilico admotum vini vaporem primum ad se trahere, deinde eum discutere: proindeque à crapula & ebrietate ferentem vindicare. homini præterea contra topica amuletum esse comperio. Addunt & alij malas illum arcere cogitationes & præcox foelixque ingenium efficere. Ad hæc vigilantē & principibus gratum reddere eum à quo portetur. Sunt qui grandinem auertere & omnia prospera inuitare illum tradant. Mitto hīc quæ de hoc lapillo superstitiosi impostores credulis nimium auribus infusurrant, tanquam videlicet Christiano instituto in digna, qualia ferè sunt etiam quædam ex iis, quæ par

Delinca-
tio.

Probatio.

Potentia.

tim paulò antè, partim etiam & in aliis huius libri capitibus, è certis tamen autoribus, retudimus, cuius te vel deo monitum cupimus, ne qua egregio illi cenfōri, aut alij finilis farraginis homini calumniandi anfa relicta videatur: quæ ea venia à nobis prodi posse iudicauimus, qua ab aliis prodita fuisse vidimus, quam ea omnino prætergressi fimus quæ præstigiofam illam Magiam plus redolere cernebantur, quàm Christianam eruditionem deceret admittere.

De Hiacyntbo.

CAP. XII.

*Delinea-
tio.*



Yacynthus à sui nominis flore nomen habet: eius nanque colorem quàmproximè repræsentat. Est itaque Hiacyntus colore quidem fuluo, ab Amethysto (Plinio teste) differens quod quæ in hoc emicat viola, in illo dilutior cōspicitur, vt quis scilicet ab Amethysto ad aurum immixta etiam leui quadam sed subobscura purpura, desciscere dixerit Hyacinthum. Triplicem eius inuenio differentiam. est enim qui ad rubrum plus inclinat, ignique purpurascit magis, cui nonnulli primam adiudicarunt autoritatem. Est & alius, è fuluo croceum repræsentans, quique ignè obscurior redditur. Tertium è fuluo ad cœruleū non ingratam præ se fert anhelationem, inde sapphirini nomen habet, cui alij supremam maiestatem adiudicant, vel hoc nomine quod Hyacinthi, Sapphirique naturas complecti, ex vtriusque tinctura videatur.

Genera.

Probatio.

Hic præ omnibus aliis aëra sentire perhibetur, sereno scilicet cœlo ceu gratulabundus, impensius superbiēs nubilo aut aut omnino obscuro iniucūdior, humiliór que adparēs. Probantur qui nec obscuriores nec clariōres sunt, quique igni admoti vtcūque purpurascūt.

Mirum

Mirū quod temporū cōstitutionibus quāque affici vi-
deantur vt cœlo placido pelluceant: ingrato verò tan-
quam eius iniurias ægrè ferentes, tristi aspectu com-
pareant, vt vel hinc cœlestis illum esse naturæ, non ab
re quis asseueret. Probatissimus quisque frigidissimus
ore sentitur, & sculpturæ contumax vix tandem cedit.
Porro quod ad facultates spectat, pertinaci frigidita-
te corpora densare atque reficere, somnum concilia-
re, virtutes (cordis præsertim) tueri, à popula tim sœ-
uiente peste, cū manifesta sua qualite, tum recondita
quadam proprietate gestantem adserere, creditur. I-
deoque pro amuleto collo suspenditur è regione cor-
dis, vt cutem contingat. Nec desunt qui Hyacinthum
confirmant. diuitias augere, & animi alacritatem effi-
cere; prætereà & à fulguribus portantem defendere.

*Proprie-
tas.*

De Margaritis. CAP. XIII.



Mnibus certè notiores sunt Margaritæ,
quàm vt earum delineatione opus esse
suspicer. Porro quod ad earum originē
attinet, varia est autorum sententia, cu-
ius tamen diuersitatem dissimili earum
genesi acceptam tulerim non autem illorum aut igna-
uiæ aut oscitantia. nec enim oscitantia nec enim vi-
deo cur cuiquam mirum videri debeat, si pro diuersa
cœli constitutione illarum generatio variet. Quid nā-
que prohibet aliter nasci eas quæ ab Erythræo mari,
quæ à Taprobane & Toidis, vel etiam ab Arabiæ
petuntur littoribus? secus autem quæ à Paria vicinif-
que Austrinis vel etiam occiduis Septentrionalibus-
que Oceanis ab edoctis vrinariis solertissima petuntur
arte. Proinde Plinium rerum naturalium peritissi-

*Genesis
Margarit-
arum.*

mum nullius infcitiae aut negligentiae infimulandum
 cenfeo, quòd de Margaritarum natalitiis aliter scripse-
 rit quàm Austrinarum, Occiduarumque nuper inuen-
 tarum regionum lustratores literis prodidere, quo-
 rum monimèta prætereo ne prolixior fiam. Sat nam-
 que nobis in præsentiarum fuerit apud omnes conue-
 nire, Conchas pro sua ætate ac magnitudine maiores,
 pro roris verò (appetente genitali tempore) concepti
 puritate vel obscuritate generosiores vel ignobiliores
 eniti. Qua ratione vberiore cum cœlica natura,
 quàm cum æquorea consensum & cognationem ob-
 tinuisse manifestum puto. Flauescere deinde has vel
 igne, vel omnino senecta, atque etiam crassescere, læ-
 uoremque sensim deponere omnibus in confesso est.
 Inuenio præterea & concham præuisa manu apprehen-
 sura, sese continuò comprimere, utpote suas operi-
 turam diuitias, gnaram scilicet quòd harum causa im-
 petatur, inimicam quoque manum si fortè compre-
 henderit, amputare: iustissima (vel Plinio autore) tantæ
 temeritatis, luxus & avaritiæ pœna. Est & præterea a-
 pud Vogesum in Lotharingia montem amnis Marga-
 ritarum ferax: verum non usque adeò splendida sunt.
 Mirum tamen quòd quæ per genesim gratia in eis de-
 sideratur, per columbas refarcitur: quæ scilicet deuor-
 ratas puriores tandem eas cum fecibus reddunt resti-
 tuuntque Præferuntur quæ candidissima, lucidissima,
 rotundissima, leuissima & minimi ponderis sunt, ma-
 ximè autem si natura perforata sint. Porro præcipua
 margaritis laus est, quòd siccitate innata corporis re-
 dundantias absumunt: ut vel hinc vires, spiritus, cor &
 principes corporis partes recreent. Ideoque contra
 cardiacos & melancholicos affectus plurimum cele-
 brantur, magnoque usu commendantur. Adde quòd
 à vul-

à vulgaribus pestiferisq; morbis defendunt, & diarrhœis magnoperè conferunt, hac tamen ratione, vt vel in polline vel alio quouis modo insumantur. Oculorum præterea abundantem humorem finire, ideòque & visui prodesse, oculis scilicet quàm tenuissimo earum pulvere immisso, traduntur, Neque enim solo gestatu quippiam illas posse reperio, quàm inexplabili humano luxui arridere.

De Carbunculis. CAP. XIII.

Posteaquam de tredecim illis, quarum sacra Apocalypsis meminit, Gemmis, sermoni coronidem imposuimus, pro nostri absolute institutione, de aliis qui nunc passim in vsu sunt lapillis operæpretium fuerit differere, à preciosissimisq; Carbunculis ordiri. Carbunculos itaq; (ab igniti carbonis colore ita vocatos) inter arduentes igneasq; Gemmas supremam sibi vindicasse maiestatem, apud omnes conuenit. Porro in numerosas diuariantur species: sunt namque qui Garamantici, Indici, Aethiopici, Alabandici nominantur, singuli scilicet à suæ generationis loco. Persuasum autem habeo præsentī huic costro argumento abundè facturum me satis, si Carbunculorum quatuor genera explicauero. Itaque verissimo generosissimòque, imò & imperatoribus dignissimo propriè vocato Carbunculo, Balagium, Rubinum, ac Granatum Gemmas vulgatissimas annumerabimus: hæ siquidem inter arduentes ignem à certissimo Carbunculo propiùs repræsentant. Porro selectissimorum carbunculorum multiplicem inuenio differentiam. Quidam enim colore vehementer igneo in mo-

dum ardentis prunæ translucent, ita tamē vt extremus earum igniculus in Amethysti violā definere videatur: sed & per tenebras lumen diffundunt non inlucundum: sunt & alij qui pinnato fulgore pellucunt. Alij alba præincti venula, qui coloris præstantia atque illecebra nullis aliis cedant, quibus etiam familiare esse perhibent inter ignitas prunas ceu mortuos languidósque comparere: supereffusa autem aqua, carbonibus extinctis, è vestigio priori gratia ceu rediuino colore gloriabundos resplendere: tanto naturæ miraculo, vt hinc Carbunculi genus hoc præcipuum nonnulli reputent. Hunc Carbunculum Apyrotum nuncupari comperio, quòd ignem non videatur sentire. Demum & hunc sequitur qui sandraustos quibusdam, alijs Garamantites vocatus est. Hic ex India vel Arabia, qua meridiem spectat, petitus superiorum splendore atque igneo colore nobilis, aureas insuper guttas continet veluti stellantes: intro quidem semper, nunquam tamen in facie conspectas, hoc etiam ordine difseminatas, vt Hyades cum guttarum numero tum ferre iudicari valeant. Ideoque & hoc Carbunculi genus viri quidam non incelebres cæteros albis (quod aiunt) equis præire confirmant, quòd præ aliis longè vberius cœlestes complectatur virtutes, syderumque concepisse similitudinem videatur. Qua de re & Chaldaeis sacrum quibusdam æstimatum est. Gemmarum omnium carissimæ sunt Carbunculi, vt eadē sit earum cum reliquis comparatio quæ auri ad metalla quævis analogia. Incundiores tamen existimantur quæ Amethystizontes dicuntur: quarum scilicet extremus igniculus in violam definit ac pupuræ quandam effert anhelationem. Porro in omni carbunculo- rum genere, mares foeminis excitatiùs fulgent,

*Apyro-
tus.*

foemi

fœminæ autem ceu pinguiores crassiùs nitent. Quòd autem ad vires attinet, Carbunculi singulis quibus *Carbunculi vires.* Gemmæ omnes aliæ præditæ sunt virtutibus commendantur, vt vel hinc omnium nobilissimæ sint habiti. Soli siquidem eiaculato igne fulgorémve rutilo solem imitari vel hoc schemate palàm conspiciuntur. Vt & hinc præ cæteris Phœbo dicari creditum sit, quem cunctis syderibus tanquàm regem præesse adstruunt philosophi. Ideoque & solum hunc lapillum suàm in reliquos posse figuram imprimere, quàm tamen alius nullus in idem præstādo sit, Aristoteles autor est.

Cæterùm Carbunculis proximam sibi gratiam dignitatemque Balagius coloris iucunditate & illecebra fecit: Lapis quidem colore rubro & prælu- *Balagij delineatio.* cido, sed qui superaffuso sublanguido quodam fulgore eramesinum vulgò dictum colorem quadantenus referat. Sequitur deinde Rubinus lapis ita vocatus, laudatus maximè si per tenebras in speciem blandæ cuiusdam scintillæ micare videatur & simplicissima consistat substantia. Illis denique Granati succedunt longè obscuriore ac minus grato colore, tanquàm videlicet opaca quadam umbra vel nubecula Rubinum offundi iudices. Lapis certè non rarus, proinde & hoc *Granati delineatio* cui in minimo precio habitus. Porro harum Gemmarum vt quæque magis minúsve ad verum carbunculum accedit, ita commendatior aut ignobilior & clavioribus aut obscurioribus proprietatibus donata cense- *Probatio.* tur. Balagio itaque similes ac Carbunculo facultates, sed imbecilliores tribuunt. Rubinum aduersus pestilentem aërem pro insigni amuleto portant & contra terrentia somnia. Granatum præterea melancholiæ aduersari & cor reficere credunt. Adulterantur autem omnes vitro rubore infecto: sed & elanguidos

Balagij vires.
Rubini vis.
Granati vis.

foliis bracteisque quibusdam rubicundissimis substratis excitatiores reddunt, vt non sit facile à spuriis veras fecernere. Scalpturæ verissimæ contumaces sunt, Adulteratæ cote deprehenduntur. quòd fragiliore ac molliore sint compareantque materia, sed & centrosa scribe dinoscuntur, nonnunquam etiam pustulis argenteis intus nitentibus.

De Adamante.

CAPVT XV.



Aximam in rebus humanis sibi gloriam asciuit Adamas, multo quidem æuo solis regibus & iis paucis agnitus. Nunc autem tam creber vt omnibus penè in deliciis sit & luxu. Est autem generosissimus Adamas colore ferro candenti haud absimilis. Fatiscit hircino sanguine, maximè si aliquot ante dies hircus petroselino, silere montano & vino sit educatus: plumbo item dissolui reperio.

Adamantis descriptio & genera.

Porro in sex Adamantem partiuntur genera. Indicus non in auro nascitur, sed quadam cum Crystallo cognatione, candore placido translucet. Huic proximus est Arabicus, minortantum, nec alibi quàm in syncerissimo auro generatus. Incudibus & ferreis malleis vterque deprehenditur: ita nanque iis vterque resistit vt indomitus citra omnem iacturam, à ferro & incude sese explicet. Quinimò pusilla tametsi mole, ignibus etiam vastissimis iniectus medius pertinax atque illæsus ita permanet, vt nullam prorsus ignis actionem admisisse (etiam si multos dies ibi perfe-

Probatio.

perseueret) palàm ostendat, vnde & indomitam anti-
 quis vocari Gemmam inuenire est. Est & alius Ada-
 mas Cenchros nominatus, milio magnitudine respon-
 dens. Alius deinde Macedonicus cucumeris semen æ-
 quans. Hunc sequitur Cyprius in sulphureum descen-
 scens, qui licet à prioribus fulgoris languore deficiat
 præcipui tamen in medicina vsus est Plinio. Postremus
 verò Siderites ferreo fulget nitore. Hunc ab antiqua
 petito minera passim dici audio, atque ideo ab iner-
 ti vulgo reliquis præferri. Sic vulgus ignauum suo du-
 citur sensu, vt crebrò vtilissima quæque pro optimis
 reponat. Hic namq; siderites ictibus cedit & malleis,
 adeò videlicet ab adamantis natura palàm degene-
 rans, vt vel hinc solam apud eos nominis gratiam v-
 surpasse credatur, qui rebus externis contenti ad om-
 nem veritatem oscitare consueuerunt. Neque pigebit e-
 tiam secundò recensere, non sine magno naturæ mira-
 culo fieri, vt vis illa Adamantis indomita, qua scilicet
 suarum partium integram contra ferri ignisque iniu-
 rias connexionem pertinaciter tuetur, ab hirci sangui-
 ne calido quidem & recenti ita afficiatur, vt tandem
 conuiueat & atteri patiatur. Indèq; seposito omni su-
 perbo, quo antea gloriabatur, fastu, malleis & incudi-
 bus cedat, vt sese in minimas etiam partes frangi, man-
 gonum vsui, permittat, qui iis postea fragmentis nul-
 lam duriciem non superant. Porro maxima Adaman-
 tis quantitas auellanæ nucis magnitudinem & for-
 mam æquare perhibetur. Generosissimus itaque & se-
 lectissimus iudicabitur Adamas, qui iam narrata def-
 criptaque inuicta natura præditus, crytallo paulo ob-
 scurior, ferrum candens nitore refert, cæruleoq; quo-
 dam interfuso splendore, ita quidem refulget vt flammæ
 meum solarémque quendam radium transmittere vi-

*Mira A-
 damantis
 ad hircini
 sanguinis
 vim diffen-
 sio.*

Probatio

Proprietates.

deatur: quasi scilicet vario translucentique suo fulgore quādam cœlestis arcus anhelationem repræsentet. Porro vires Adamanti ferè diuinas tribuunt philosophi, efficaciores tamen in auro, quanquam quibusdam placere inueniam ferream quandam tenuissimā bracteā subterni debere. Contra venena & incantamenta amuletū esse præsentaneum testantur, qui Adamantem præsentē toxicò madere confirmant. Ideoque pestiferis causis resistere creditur: negantq; ferentem fascinari posse, adeò scilicet cacodæmonibus inuisus esse perhibetur. Insaniam, metus quoque vanos, ac terrentia inter somnia arcere fertur. Gēma recōciliationis prædicatur quòd hostilem demulceat furorem, & viri cum vxore necessitudinē foueat. Ab incubis & succubis eum adserunt qui adamantem portat. Vanū omnino & præstigij quandam præ se ferēs imaginem eorum nugamētum puto, qui adamātem dicunt vxoris insciæ ac dormientis capiti suppositum statim prodere sit pudica, necne. Vel hac ratione quòd ipsa à mariti consortio quasi fugibunda statim excidat, si quidem fideli toro iniuriam impudica fecerit: Adamante scilicet marito castoq; toro indignam mulierculā hoc schemate palàm ostendente. Huic lapillo natura rerum omnium parens tale cum Magnete diffidium ingenuit, vt illo præsentē omnem vim tractricem à magnete direptam planè conspicias. Quin magis tractum ab hoc ferrum feroci quadam vi ab admoto Adamante reuelli cernere est: Vt & hinc multis visum esse suspicer Adamantem aliis Gemmis iunctum ipsarum ad se virtutem omnem trahere, quòd non crediderim. Cæterum num reconditas illas verèque admirandas proprietates ad dæmonum imposturas demandabimus, quòd earum causam naturalem nemo (ve puto)

Dissidium.

puto) adferat exactam, vti censori nostro ac similibus viris parum circumspectis, nihilq; suæ ignorantiae concedere volentibus forsitan videtur? absit non ab hoc tantum vno, sed & à quouis alio verè docto & piè Christiano. Quinimò capropter in Dei & Domini nostri omnium creatoris propensioem admirationem feramur, eiusque magnificentiam ardentiori studio ac necessitudine efferamus.

De Achate. CAP. XVI.



Aximam tempus auctoritatem ademit Achata, non quòd viribus minùs quàm antiquitùs polleat, sed quòd copiosior sit: qua enim occasione solet in rebus humanis elationem fastumque raritas adferre: eadem etiam multitudo, & crebrior familiaritas contemptum parere consuevit. Plinius auctor est Pyrrhum Epirotarum regem Achaten habuisse, nouem Musis cum Apolline citharam manu tenente insignem: nulla arte, sed sola naturæ solertia ac virtute, sponte maculis ita discurrentibus, vt Musis quoque singulis sua redderentur insignia.

Porro tam est vulgaris Achates vt delineationem eius & genera scribere omnino superuacaneum arbitrer. Probatissime verò sunt perspicuæ, quæque leoninæ pelli similes sunt, vel etiam nigre albis intersecte lineis. Mercurio sacram Achaten radis nimirum anti-

Probatio.

Virtutes.

tuna tutari, visum fouere, cor recreare, sitim ore contentam arcere adstruunt. Nec desunt qui tum maximè efficacem scribunt, cum fetis leoninis inuoluta deferatur, quod quàm à vanitate quoque absit, iudex esto.

De Aleſtorio. CAP. XVII.

*Genesis et
delineatio*



Probatio.

Aleſtorius lapis in ventriculo capi reperitur, obscuri cryſtalli ſimilis & colore & ſubſtãtia, niſi quòd paulo craſſior apparet, non excedens fabę magnitudinem. Probatur quæ intus velut ſtagnantem ingeſti cibi micam, modicam nec uſque adeò obſcuram oſtentat. Sunt quoque qui audeant affirmare caponem in quo Aleſtorius ſit abſolutus, bibere nunquam: ideòque ſtrenuis militibus ex uſu eſſe creditur. Proinde Milonem Crotonienſem eius Gemmæ in ore contentæ præſidio, nullo vnquam certamine ſuperatum prædicant. Porro Aleſtorio vires tribuunt non incelebres contra pericula quæuis. Præterea Venerem ciere, homini conſtantiam, mulieribus virorum gratiam conciliare, ferenti quoque ſacundiam præſtare, potens creditur. Sed & ſitim ac cordis æſtum arcere ore incluſa experimento non raro conſtat.

Virtutes.

De Torcoide. CAP. XVIII.



*Genera et
delineatio*

Torcoidẽ tam in magno precio eſſe ferè apud omnes conſpicuum eſt, vt multi ſuo tunc demum luxui aliqua ex parte ſatiſfactum putèt cum præclaram quandam naſti fuerint.

Duo itaque ſunt eius ſaſtigia, à ſuæ ſcilicet propagationis

gationis loco nuncupata. Inferior siquidem Hispanica: Altera Indica seu Orientalis nuncupatur. Vtraque tamen consimili, crassa & minimè perspicua substantia. Porro Hispanica colore vtcunque virente, subobs-
curo adeoque ingrato conspicitur: adeoque respuitur
ceu vilissima. Indica autem ex herbaceo, cyaneo quo-
dam lactescente nitore gratiam init non vulgarè. Co-
lorem igitur præbet ceu in ceruleum ex viridi, lacteum
quiddam perfusum imageris: Rarò citra rimam ve-
nulamue reperta. Probatissima tamen est quæ simpli-
cissima, & persimili substantia, purissimoque & citra
omnem labem colore suam commendat iucundita-
tem. Mirum quod de diuinis eius virtutibus caussantur.
Noui reuera virum quendam insulanum, mihi quidè
multa necessitudine deuinctum, qui dum viueret Tor-
coiden in deliciis habebat annuloq; aureo perpetuò
gestabat. Is cum fortè, ex sæua ægritudine in fata con-
cederet eundem quoque retinuerat. Tumque naturæ
quodam veluti miraculo contigit, vt Torcois illa, quæ
superstite etiamnum suo domino cum numerosis sui
generis myriadibus de pulchritudine ac integra puri-
tate certare potuisset, tanquam heri sui necem lugens,
longè tum obscurior adpareret, adeoque continuò
rimam per medium porraceam efferret, vt & hinc tum
maximam suæ maiestatis partem deposuisse videretur.
Proinde de ea mihi aliquando comparanda auiditatè
abegi. a Ego nanque cum ob periucundas lapilli il-
lecebris, tum ob ingentes vires quibus idem vir, fa-
cto periculo, Gemmam eam pollere constanter asse-
uerare solebat: eam si quando liceret, quauis etiam ra-
tione comparare constitueram. Sedenim meus me
fefellerit error, nam dum in auctione venui exposi-
tam, eandem illam litura & viciis conspersam con-

Probatio.

temno, hanc alter cuius vili coemptam è vestigio mihi ostendit. At cum illam ego pristina, ceu postliminio rediuiua synceritate & maiestate (renouato domino) perspicio, occœpi mecum vehementer mirari, inopinatum naturæ ac admiratione dignissimum portentum; deinde & è re nata, meam damnare infelicitatē. Vel hoc euentu coràm edoctus diuina quadam lapillum illum facultate donatum esse. Porro ostendendis prodigiis illustis plurimum est Torcois, vt & vix credibili virtute ferentem ab imminente periculo (tanquam videlicet innato contra aduersa quæque quodam amuleto medicamentoque) fortiter vindicare celebretur. Adde quòd cor & oculos recreare, & hilaritatem prosperitatēque adsciscere creditur.

Vires.

De Corallio.

C A P. XIX.

Genesis.



Corallium & Lithodendrum appellari inuenio, quòd arboreus lapis adpareat. In mari mollius primum crescit, inde verò duratur. Cùmque sub aqua quidē vireat, statim atque hanc superarit, rubescit. Adstruunt candidas illud intra aquam proferre baccas, quæ extra eam in sanguineas degenerent: easque & forma & magnitudine ad hæc, & colore corna satiua repræsentare. Mirum quòd tactum lapidescit si viuit, proinde restibus primum reuellunt, aut ferramento acri præcidunt: qua de re Theophrastus, à radendo, Græcæ voci alludens, illud appellauit. Porro arboreum esse Corallium

vel

ipsius rami palàm ostenderint. Diuersam præterea à ferro ignito naturam Corallium exhibet: illud nanque vt aqua, ita & hoc molliore aëre illico duratur. *Probatio:*

Commendatissimum est quod rubicundissimum, vel albissimum, equabili vsque quaque concremento, forma fruticis, ac terenti faciliè cedens. Quod autem in lapidis exactam duriciem coit, scrupulosum, inane, lucinosumque est, damnatur. In magna antiquità, apud Indos præsertim, fuisse autoritate Corallium in literis comperio. Hi nanque pro eo suos olim consueuisse Vniones permutare traduntur.

Nunc autem quòd crebrius est, in magno adeò non *Vires* est precio. Dæmonas insensos arcere perhibetur. Vt & hinc suspicandum sit prudentem vetustatem, Collario per diuersas formas (nō sine licet fastu quodam aut illecebra nunc vsurpetur) effigiato, & ex ordine infilato, preces Marianas docuisse numerare. Magnus illius in medicina vsus percrebuit. Quandoquidem refrigerat siccatque mediocriter: Ideoque sanguinis reiectionibus & eruptionibus prodest. Album verò corallium à collo suspensum vt stomachum vel pectus contingat, è naribus consuetum fluere sanguinem rarò compescuisse vidimus. Cor præterea & ventriculum, vel ingestum, vel extra, vt adhæreat admotum, roborat. Surculos eius pro amuletis infantulorum collis appendunt: fulminibus & marinis æstibus tempestatibusque resistere æstimatur. Proinde Ioui Phœbòque sacrum putatum est. Religiosum præterea gestamen esse amoliciendis periculis comperio, vt decore ac religione gaudeat. Ad hæc & contra vesicæ tormina & calculi mala, in puluerem vstos surculos & ex aqua potos auxiliari fertur: item & lienem absumi, si id medica-

mentum sapius potetur. Oculis deinde prodesse, vlc-
cerum caua explere, cicatrices tenuare, denique & sur-
culos ex vino potos vel ex aqua (si febris vrgeat) som-
num conciliare Plinius autor est. Nec defunt qui af-
firmant illius pollinem erosio dentibus infarctum, æ-
gros dentes radicitis eruere, demum & gingiuas fir-
mare. Commentitium omnino puto quod Coralli
pulvere fruges euadant vberiores. Quanquam & Co-
ralli puluerem inueniã amaras aquas dulces efficere.

De Corneolo. CAP. XX.

*Delinea-
tio.*

Probatio.

Vires.



Orneolus Gemma est vulgaris minij co-
lore, sublanguido tam en, ceu videlicet
in humanam carnem perspicuitas per-
fusa sit. Rheno frequentissima est. Proba-
tur quæ purissima iuxta ac nitidissima
consistit substantia, colore carneo translucido. Sangu-
inem propalãm cohibet, liuentes dentes suo polline
emendat omnem ab eis detergens sordem. Iracun-
dum animum placare creditur.

*De Cyaneo Græcis, Cæruleo Latinis, vulgaribus autem
Lazuli vocato lapide. CAP. XXI.*



Agnam profectò autoribus peperit ob-
scuritatem legentibus verò perplexio-
nem, cærulei seu cyanei nominis diuer-
sa significatio: aliis scilicet sub hac voce
cæruleam arenam cum cyanea Gem-
ma confundentibus: aliis autem solam eadem dictio-
ne metallicam arenam complectentibus Plinius nan-
que naturalis Historiæ libr. 33. capite ultimo ita infir-

Cæru-

Cæruleum arena est, huius tria genera fuere antiquitus: Aegyptium quod maximè probatur: Scythicum, hoc diluitur faciliè, cumque teritur in quatuor colores mutatur candidiorem, nigriorem, crassiorem, tenuioremve. Præfertur huic etiamnum Cyprium. Accessit his Puteolanum & Hispaniense, arena ibi confici cæpta. Dioscorides item libro 5. cap. 97. sic habet ad verbum, Cærulei origo ex ærarijs metallis est. In Cypro copiosus ex arena litorali, secundum quosdam sub cauatos specus maris inuenitur, quod & magis probatur. Galenus verò Simplicium pharmacorum libro nono, inter metalla Cæruleum reponit. Deinde Paulus Aegineta de cæruleo, Dioscoridis sententiam penè ad verbum refert: quam etiam Plinius, eo quo diximus capite, imitatus palàm ostendit non de Gemma sermonem se facere, sed de metallico cæruleo: quod ærofa quadã substantia, non tamen lapidea, consistere ad oculum videre est: ut vel hinc in confesso esse debeat, iis locis autores illos Dioscoridem Galenum, Paulumque (dico) non de Cæruleo, lapide Cyaneave Gemma deseruisse, verum de metallico illo Cæruleo quo ad generosas imagines pectores uti consuevere, Galli azurum vocant. Sed enim Plinius idem ille li. 37. quem Gemmis dicauit ita habet. Reddetur & per se Cyanos accommodato paulo antè Iaspidis nomine colore cæruleo. Optima Scythica, dein Cypria, postremò Aegyptia. Adulteratur maximè tinctura, idque in gloria regis Aegypti ascribitur, qui primus eam tinxit. Diuiditur autem hæc in mares fæminasque. Inest aliquando & aureus puluis, non qualis in Sapphirinis: Sapphirus enim & aureis & punctis collucet, Cæruleæ & Sapphiri raròque cum purpura. Optima apud Medos, nusquam tamen pellucida. Quibus verbis statim ab ipso lumine videtur Plinius vtrunque

confundere, Cœruleum scilicet metallicum Gemma cœrulea. Primum quidem vel hoc maximè, quòd Scythicæ, Cypriæ & Aegyptiæ rationem habuerit, quemadmodum etiã superiore lib. 33. de arenoso Cyaneo singulariter agens Cyanci Aegyptij, Scythici & Cyprij meminit. Hinc reuera non mediocrem hos locos video imposuisse difficultatem viris etiã doctissimis, aliis videlicet de vtrisq; confusè Plinium intelligentibus, aliis de solo arenoso cœruleo hos torquentibus sermones, autorem insinulatibus damnatibûsq; tanquam hanc inter Gemmas arenam malè collocarit. Inter quos Hermolaus ille Barbarus, vir aliòqui peritissimus ac de re medicâ & Plinio optimè meritus (pace tanti viri, pro veritate tamen, dixerim) nescio qua iudicij adumbratione perculsus, non veretur Plinium negligentiae calumniari. Mihi verò (absit omnis arrogantia) Pliniana lectio rectius consultiusque hoc loco, id est li. 37. cap. 9. castiganda videtur, & in hunc modum suo auctori reponenda. Reddetur & per se Cyanos nomine, accommodato paulò ante Iaspidi colore cœruleo. Vt his scilicet verbis & Iaspidis & Cyaneæ Gemmæ substantias conuenire quidem, sed colore alterum ab altero discriminari declaret ostendâtque, vt & quis ex Iaspide Cyaneum lapillum ementiri posse intelligat si illi colorè cœruleû addat. Cui & id optimè adstipulatur quod mox subnexuit: Adulteratur (inquit) maximè tinctura. Quòd demum hoc loci Plinius non de cœrulea arena disserat manifestât hæc eius subiecta verba: Inest aliquando & aureus puluis, cû iis quæ sequuntur quæq; suprâ retulimus. Nā & ea nō arrosæ illi arenæ, sed Cyaneæ) vulgato nomine Lazuli vocatæ) Gemmæ ita adamussim còsentanea esse cõstat, vt nemini dubium (meo tamè iudicio) esse

Castigatur Pliniana lectio li. 37. cap. 9.

debeat Pliniū hoc loci de sola Cyanea gemma agere: neq; etiā facilē credendū fuerit tā celebrem autorē, ac rerū naturalium tam indefessum acrem ac peritū indagatorem scriptorēque, vulgatissimā hanc gemmam latuisse. Neq; etiam vel leuiter suspiciādum puto quod agnitæ nusquā meminerit, quum præsertim diligentissimum sese naturæ mirabilium perscrutatorem, præconem, promulgatorēq; semper exhibuerit. Sed neque huic nostræ opinioni refragatur quod iam citatis locis Aegyptij, Scythici, Cypriique Cœrulei meminerit. Quid namque impedit vtramque, cœruleam arenā dico ac Gemmam Cyaneam, tribus iam indigetatis locis oriri? Sedenim libri 33. cap. vltimo Aegyptiū maximē probari scribit, secundo loco Cyprium, nouissimo verò Scythicum reponit: quibus accessisse adnotauit & Puteolanum & Hispaniense. Vbi verò de Cyanea gemma (quæ ei Cyanos per se vocatur (hoc est libri. 37. ca. 9. scribit omnibus Scythicam præferri dicit. Dein Cypriam commendat, nouissimam autem Aegyptiam æstimat. Ecce quam hīc vltimam facit, illic primam effert: Vt & hinc noui de iisdem Plinium diuersis his locis scribentem intelligere debeas. Quinimō Sapphirum hunc capite cum Cyaneo lapillo postea complexus, ita inquit: Cœruleæ & Sapphiri rarō (vbi etiam coniunctionem quæ semouendam puto) cum purpura, &c. His ego certē rationibus eō sum adductus, vt Plinium illis locis non de arena Cyanea aut Gemma tantum, sed libro trigesimotertio de arenoso Cœruleo, libro autem trigesimoseptimo de Cyanea Gemma capiendum existimē. Quis enim (obsecro) tam inerti, aut in Plinium alioqui grauissimum autorem tam insensu ingenio fuerit, vt ea quæ Cyaneæ Gemmæ) e-mendata licet lectione) Plinius propalā tribuit ar-

rosa illi arenæ quadrare inaudiat: quam nemo lapidea substantia vel puluere aureo gloriari rectè quidem dixerit? Pòtius itaque Lazuli vulgò nuncupatæ Gemmæ consentire hæc profectò videbuntur: cum ea substantia sit lapidea, Iaspidi scilicet germana, aureumque puluerem coram ostendet. Qua de re subinde vehementer mirari subiit, hoc loco Plinij sensum tot tamque celeberrimos authores Plinianæ lectionis etiam studiosissimos hæcenus (quod lægerim) ita fugisse, vt vtrumque confuderint, magno humanæ cõditionis detrimento: dū nēpe apud omnes ferè seplasiarios harena pro Gemma in medicandis corporibus quàm ineptissimè vsurpatur. Sed hæc quorsum eò nempe vt melioris doctrinæ gratia omnem de medio tolleremus implicationem, & aliquam Pliniano sensui adferremus restitueremus lucem. Est itaque Cyanos Cæruleæ Gemma lapillus substantia quidem Iaspidi haud absimilis colore Cæruleo. Probat-
 tur aureo puluere conspersa. Vnde & stellatum lapidem dici inuenio, quòd stellis similiter lumini expositus aureo puluere scintillet. Præfertur quæ Cæruleum sui nominis præstantissimum (quem nostri Azurum vocant) colorem assequitur, consimili vndeque substantia & concremento. Lapis est sculpturæ non vsque adeò contumax. Vidi ego ex eo Cantharidem tam affabrè tamque graphicè conflata vt eminus veram iudicarem: puluere nimirum aureo tam appositè, quod in animante fuluum natura fecit, imitante, vt cum lapillum ad id muneris procreatum quicvis sanæ mentis non immeritò iudicasset.

Descriptio.

Probatio.

Proprietates.

Porro quod ad vires attinet. Aduersus melancholicos affectus eius pollen toties ablutus dum eius dilutum peregrinū nullum præ se ferat saporē efficacissimè

cissimè ingeri, literis & experientia confirmatur. Melancholicum enim humorem per inferna deponit. non lotus verò, cum infernis superiora, non citra magnum laborem, commouet. Nec desunt qui pueris à collo gestatum nocturnos arcere pauores testentur. Oculorum aciem reficit atque demulcet. Collo appensus prægnautes ab abortu adserere perhibetur. Volunt autem appetente partu semoueri.

De Chelidonio.

CAP. XXII.



Chelidonium vel Chelidonia (vtrouque enim genere dicitur) lapillus est parvus, perspicuus minimè: è iuèncularum Hirundinum ventre exectus. Mense Augusto, Luna crescente, reperiuntur optimi, magnæque ex parte bini, aliquando autem singuli, in earum scilicet vètriculis aut iecusculis. Dicuntur namque (autore Plinio) matres exclusis pullis hunc dare lapillum deuorandum. Inuenio & hîc quoque solertissimæ naturæ non suppressendum miraculum: nempe quòd illarum pulli per coniuncta rostra in sese reconditas has gemmas prodant. Dicunt etiam & has debere erui priusquam primigenius pullus terram contingat. Quanquam ne hoc quidem sua vanitate carere putem. Hanc bifariam discriminari tradit Plinius: aut enim est ruffa, aut nigra, vel potiùs ex pullo nigricans, hirundinum vel pauonum colore, minimèque pellucet, sed aspectu ingrata visitur. sunt & earum aliquæ, parte quidem vna nigricantes, altera verò purpurascens, nigris intercurrentibus maculis. Proba-

*Generatio
nis locus.*

Differètie

Probatio.

Vires.

tissimas esse comperio quæ substantia purissima ac simplicissima, & aureis guttis insigniuntur. Porro singulæ tametsi incudæ sint & pusillæ magnis tamen virtutibus præditæ adstruntur, vt & de ipsis rectè id ocini possit:

Regnat in exiguo præcellens corpore virtus.

Ruffam siquidem subala sinistra gestatâ lunaticos, hoc est, comitiales, insanos, & languidos sanare perhibent. Præterea & facundiam, & apud homines gratiâ, promouere cõfirmât. Nigricantē verò similiter portatam testantur reges & principes conciliare, & cœpta negocia pro animi sententiâ absoluerè, omniūq; gratiâ inuitare. Eius verò ex aqua dilutū, oculorū acie reficere dicūt. Neq; superstitione vacare putē quòd ruffam in panno lineo mundo, nigrā autem in croceo tantum inuolutas suis præstare potestatis nugantur, cui & id accedit quòd parentibus præsentibus erutis vires effluant.

*Contra
Amstelre
damum.*

Hic magna mihi profectò incessit admiratio de vi-
ri cuiusdam de literis alioqui bene meriti, non leui o-
scitantia qui in scholiis suis in Marbodeū vbi agit de
Chelidonia autorem citaturus quò Chelidoniā Gē
mam oculis ostendere proficeret, Plinium adduxit li-
bri 8. cap. 27. & libri 25. cap. 8. & 12. quibus in locis nō
de Gemma sed de eius nominis herba palām est Pli-
nium disseruisse, Siquidem, vt rem per capita ex ordi-
ne recenscamus, ita habet dicti iam capituli 27. titulus:
Quæ animantia quas herbas ostenderint cerui, lacer-
ti, &c. Demum in contextu de Chelidonia agens ita
infir: *Chelidoniā vsui saluberrimā hirundines mon-
strauere, vexatis pullorum oculis illa medentes.* Deinde
libro vigesimo quinto vbi constat Plinium de herba-
rum viribus disceptationem ex professo instituisse,
capite

capite octauo sic habet: *Animalia quoque inuenere herbas, in primis Chelidonium: hac enim hirundines oculis pullorum in nido restitunt visum, ut quidam volunt erutis etiam oculis.* Capite denique eiusdem lib. 12. posteaquam Centaurium vtranque, maiorem scilicet & minorem oculos iuuare tradidit, ita subnectit: *Iam Chelidonia supradictis omnibus mirè prodest.* Ex quibus luce meridiana clarius esse constat Plinij locos hos ab Amstelredamo nostro citatos non posse ad Chelidonium Gemmam torqueri, verum de similis nomenclaturæ herba tantum debere intelligi. Quæ ideo annotauimus ne quis eius autoritate falsus, in similem errorem impingat.

De Aetite.

CAP. XXIII.



AETITE quatuor genera refert Plinius, vulgato tamen nomine singuli, Aquilæ lapides vocantur. Vidi ego cinereo colore Aetiten, alterum albo, tertium pullo. Sonitu dignoscuntur si quantiantur: tum enim in sese conceptum lapillum manifestè produnt. Lapis est cortice duro, scabro & minimè læui. Sunt qui aquilam in nido marem & fœminam habere adstruunt, negantque illam sine eis oua parere: ideoque solis iis quæ è nidis eius alitis erutæ fuerint vim medicam concedunt. Nihil igne hic lapis deperdere creditur. Porro Aëtites grauidis, quæ ob vteri imbecillitatem fœtū ægrè continēt, brachio sinistro alligatur magno earum vsui, parturientibus autem brachio admoueri debet: fœminibus item alligata citra dolorē (notatu dignū) fœtum dicitur extrahere. Nec desunt qui hanc velint statim à partu auferri,

Genera.
Probatio.

Delineatio.

Virtutes.

ne vterus sequax partum vitiet. Mirum quòd furem
prodere fertur si quis in pane conditum offerat: neque
enim māsū, vel etiam cum ea decoctum quicquam,
furem deuorare posse cōfirmant. Tritum & cerato
exceptum comitiales strenuē iuuare comperio. Mitto
quæ de hoc lapide præstigiosi illi ac toto cœlo aber-
rantes magi nugantur: neque enim vxorum furta de-
prehendere, vel futura præfagire hunc citra incanta-
menta posse crediderim. Quò ego quæ de furis pro-
ditione prænotauī, referrem, si non autorum ridicula
& non digna fide grauitas & fides reclamaret.

De Magnete. CAP. XXIIII.



Atura, vt faxis vocem homini obloquen-
tem, immò & Echo resonantem dedisse
videri potest: ita & Magneti sensum ma-
nūsque tribuisse quodammodo non in-
eptè existimetur. Ferri namque indomi-
ta propemodum pugnacissimāque natura trahenti illi
extemplo cedit, vtque propius accessit ab eo contine-
tur & quodam veluti complexu cohæret. Sunt qui ab
inuentore, ita vocato in India pastore, nomenclaturæ
illius rationem adferant; quibusdam autem Siderites,
aliis Hercules nominatur. Hic tametsi in Ida primum
reperitus sit, passim tamen apud Hispanos & in aliis
quoque locis nascitur. Qui verò à Troade petitur, qui
& albus pumici haud absimilis comparet, scæmineus
est, & non vsque adeò efficacis potentia, ideoque re-
spuitur. Aethiopicis laus & præcipua commendatio,
iis præsertim qui ad cœruleum magis inclinant, qua-
les maximè in Aethiopia Zimiri regione arenosa re-
periri inuenio. Aethiopici argumētum est, quòd Ma-
gne-

Nomina.

Genesis.

gnetem quoque alium trahit. In metallis ferreis oritur. Hunc Germani atque Itali habent, ferrugineo tamen seu pullo magis colore: qui qua parte cœruleum propinquius refert, acrius trahit. Autor est tamen Diogenianus, probatissimum Magnetem argenti adeo similem esse ut incautos facile fallat, quem & ad maleficia præstantiorem esse testatur. Porro omnibus præfertur qui maximè trahit, & qui vltus Hæmatiten ferè repræsentat. Quod autem ad vires attinet; Potus tribolorum pondere ex succo sceniculi hydropicis aquam detrahit: ferro item intoxicato vulneratis præfenti remedio subuenit, oculorum medicamentis imponitur, præterea & ad epiphoras: adusta verò crematus tritusque sanat. Commentitium puto quod de Magnete quidam nugantur: Nempe quod in somnis ignorantis sceminæ capiti subditus, adulteram lecto deturbat: fidelem verò probamque uxorem ad mariti amplexus, etiam dormientem, proleçtet. Vanum insuper nec è re publica esse iudico, quod quidam Magnetem furibus suo fumo atque nidore vsui esse narrant: quasi scilicet ad furta lapis natus sit. Hic subit vehementer mirari, admiratione non vulgari dignam huius lapidis tractricem virtutem, qua videlicet ferrum non solum quod contingit coram trahere, verum etiã & suo contactu similes in id transferre vires trahentes unde & aliud quodcunque congenium ferrum conuellere possit, ut vidèrim non rarò plures acus hac ratione sese suspendere, tanquam scilicet mutuis sese manibus inuicem comprehendissent. Quinimo non desunt qui facto periculo affirmare audeant, ferrum à Magnete in libra posito tractum nihil Magneti ponderis adiicere, ceu nempe ferri grauitas vi lapidis absorbeatur. Porro tractricem hanc virtutem ab vrsa cœ

Probatio.

Virtutes.


lesti Magnetem mutuatum esse coniectant, argumen-
to quòd arcus hoc affricta liberè in solaribus horo-
logiis pendens ad Vrsam saltem minorem ferè mo-
ueatur, Magnetis potentiis acum sequacem trahenti-
bus: vrsa verò vtrumque acum & lapilli in ea virtu-
tem, ceu sibi affinem cõgeneamve, conuellente atque
alliciente, eadẽque vi fidus hoc appetente. Quod si
ita est, facultas illa Magneti cum ab initio perfusa est,
tum perpetuo Vrsæ radiis & influxu vegetatur. Pro-
inde si quis eorum quæ de lapilli huius trahente po-
testate diximus, rationem expetat, non inscitè respon-
deri possit virtutis eius causam esse cum lapilli specifi-
cam formam, tum eius germanitatem cum ferri natu-
ra, & eorum quidem vtriusque consensum cum Vrsa
illa cœlesti, cui & obnoxior sit lapillus ipso ferro. Qui-
bus & id adstipulari video, quòd solum ferrum Ma-
gnetis viribus patere palàm conspiciatur, easque con-
tumaciùs retinere perpendatur: Ad hæc, quòd (autore
Plinio) vulnera asperiora fiunt ferro Magnete conta-
cto. Porro huic lapidi contrariam inuenio Theame-
dem Gemmam, omne à se ferrum respuentem profligantemq;. Est & Plinio genus aliquod Magnetis, vitri
liquorem alliciens. Lapillo item illi cum allio discordia est non obscura: is siquidem allio illitus tracti-
cem omnem facultatẽ perdere fertur. Dissidet etiam
cum Adamante, qui & iuxta positus illum trahere non
finit, quinimò conuulsum iam ferrum admotus ilico
reuellit. An autem vires hæ occultæ mirificæq; Ca-
codæmonum imposturis adscribi debeant: an potiùs
inde auidiùs admirandus atque laudandus Dominus
omnium creator Deus, ac per ea quæ in hoc lapide fa-
cta sunt, sempiterna eius virtus & diuinitas magis
cognoscenda, & in mirabilibus suis operibus benedi-

*Theame-
des Lapis.*

Discordia

enda, tuum esto iudicium Lector.

De Hæmatite. CAP. XXV.

 Vando superiore capite Hæmatitis meminimus, nō ab re quædam & hîc de eo recensere operæ precium videtur. Duo itaque Hæmatitis genera Plinius facit: Alterum à Magnete cognominatum, sanguineo exterius colore, ideoque tritus is sanguinem refert, ferrum tamen Magnetis modo minimè trahit. Hunc pro vero Magnete à non paucis pharmacopolis damnofo errore venundari vidimus. Alterum autem Hæmatiten dicit idem Plinius venis rubentibus discerni, hoc est ab optimo descivisse iudicari: ita enim Plinium intelligo. Hic siquidem Dioscoridi probatissimus est, non qui intermixtas habet venas rubentes, sed qui puro colore (vt eius verbis utar) niger est, durus, in se æqualis, & nulla infectus sorte nulloque zonarum excursu. Itaque duæ nobis præcipuæ hæmatitis species relinquuntur: Altera exterius rubens, interior autem nigricans, vt Magnetis colorem quadantenus imitari videatur: altera verò omni ex parte nigra. Quanquam nec me fugiat alia etiam à Plinio numerari illius fastigia, verum duo hæc nostro instituto suffecerint. Neque enim de singulis Gémis sed de selectissimis vulgatissimisque differendum suscepimus. Porro quod ad vires attinet: oculis cruore suffusis mirè prodest, muliebre profluvium sistit, & cum mali punici succo iis qui sanguinem reiiciunt confert. Vesicæ præterea utilis est, & serpentium ictibus. Ex lacte oculos à lachrymis vindicat. Imò & ipsos procidentes ingenita vi continet cohibetque.

Probatio.

Virtutes.



*Genesis.
Plin. lib.
37. cap. 3.*

Genera.

Probatio.

¶ Res.

Ariæ multum de Succini ortu autorum sententiæ sunt. Prætermisissis tamen de eius origine & natura opinionibus diuersis, sed & de eo ridiculis Poëtarum fabulis, in India atque Germania Plinius tradit nasci defluente medulla arboris è pincarum genere: quemadmodum è Ceraso, gummi, & ex Picea, resina redditur. Erumpere namque humoris abundantia, succosumque primum esse, dein vero vel rigore vel tempore autumnii densari atque durari confirmant, & intumescantibus tandem marinis æstibus rapi, ac in litora nonnunquam transportari aduersa. Indèque succino nomen, quod pini arboris succus esse credatur, argumento quod attritum pineum refert odorem, accensumque tedæ modo nidore flagret. At liquidum primo stillare indicio quidem sunt quedam intus translucencia. Porro succinorum tria esse præcipua genera literis proditum est. Primum, quod melleo colore conspicitur: secundum, quod Phalernum vinum: tertium, quod candidum refert, quod & odore præstantissimum est. Præferunt quidam Phalernum, fuluum scilicet ac translucens consimili vnde quaque substantia & concremento, ea tamen lege ut non nimio ardore flagret, sed leuem tantum ignis ostendet anhelationem, non autem igneum fulgorem adsequatur. Apud multos autem album odoris illecebra commendat. Rude quidem primum & austum legitur, tandem vero adipe latentis suis incoquitur, deinde expolitur. Porro quod ad succini virtutes spectat, in-

fanti

fantibus pro amuleto ligari, lymphationibus prodesse, ac lotij difficultatibus, inuenio. Præterea in polline exhibitum albos menses, stomachi fluxiones, ventusque profluvia sistere, crebro didicimus experimento. Cor & cerebrum vel odoris præstantia propalàm recreat. Ex melle teritur ad oculorum finiendas humiditates. Attritum & calfactum festucas, quisquilias & leuissima quæque allicit & trahit, præter Ocimi tamē furculos, quos autore Plutarcho, reiicit repellitque, vnà etiā cū iis quæcūque oleo perfusa fuerint. Succinū seplasiariorū officinis charabe barbara Arabū voce dicitur. Lyngurium. Hoc genere & Lynguriū vel (vt aliis placet) Lyncuriū cōtineri, coloris, substantiæ & proprietatū cōgenæ germanitas, multis persuasit: forsitan enim fuerit secundi generis, hoc est, Phalerni ruborem referentis species quædam ardentior. Fabulosum omnino esse suspicio est, quod plerisque Gemmarum perscrutatoribus videtur, Lyncurium ex Lyncis animalibus vrina harenā mox à deiectu contexta, Solis deinde ardore concreta ac durata consistere.

De fictitiarum veris Gemmis differentia & dignoscendi ratione. CAP. XXVII. & vltimum.



Non mediocrem fidei ac maiestatis partem Gemmis ademit de republica pessimè meritorū hominum pertinax avaritia & luxus. Quandoquidem inde factum est, vt tam subtili dolo ferè omnis generis Gemmæ adulterentur, vt à fictis veras dignoscere vix sit aliquis modus. Sunt quippe qui ex veris, at vilioribus, alterius generis lapillos ementiuntur: vti iam vsus percrebuit multo contumaciq; igne

Sapphiro Adamantem fingere, & tanta arte imitari, ut multis hic fucus non rarò imposturam faciat: vocantque album Sapphirum. Quibus longè perniciosiores sunt, qui nitro, vitro, ac aliis vilissimis materiis, adiecto coloris mendacio, optimas ita æmulantur, ut sua nequitia naturæ opus, sagacissimamque & inuincibilem artem, tantum non aſſequantur, qui utinam à republica amandarentur: suis nanque id genus fallaciis tam huic quàm autoribus qui solerti studio & diligentia de verarum Gemmarum natura & viribus doctissimè disseruerunt, ita quidem imponunt, ut dum qui e mentitis decepti, pro Germanis emerunt easque iis non esse præditas facultatibus deprehendunt, quibus philosophi naturales donatas esse confirmarunt, & Gemmas & de ipsis definientes auctores vel vilitatis vel mendacij atque temeritatis damnant, vel etiam plerumque malè audiant qui certissimas absolutissimásque commendant. Ut itaque impostorum vitari queant scelestissimi fuci, paucis Gemmarum probandarum rationem persequi libet, ubi primum te monuerimus & has multo æuo senescere, proindeque & gratiam & vires senfim multis seculis deponere. Pelluentes igitur lapilli sereno ac matutino cælo: omnino autem in horam quartam probari debent. Re nanque compertum est iis horis ac aëris constitutione penitus longè introspecti posse quicquid vicij habeant. Porro & pondere internosci cōperio, quanquam & hîc diuersas multum authorum esse sententias animaduertam. nonnullis enim placet generosas grauiores esse: aliis contrà sentientibus, eas scilicet leuissimas minimique pōderis esse, quod & factò periculo deprehendi. nec id citra rationem fuerit.

vel

*Gemmas
tandē se-
nescere.
Hora pro
bandis
Gemmis
opportuna*

Pondus.

vel hoc præsertim nomine quod fictitias cum ab igno- *Generose*
 biliori adeoque & minus efficaci gente, tum ex longè *minoris*
 obscuriori ac magis terrestri substantia fieri palam *ponderis.*
 fit, quibus etiam Plinius adlupulatur libr. 37. capi. vlti.
Experimenta (inquit) *pluribus modis constant.* Primum
 pondere graviorēs sentiuntur. Post hæc corpore: ficticiis
 pustulæ in profundo apparent, scabritia in cute & capil-
 lamento, fulgoris inconstantia, &c. Quibus coram osten-
 dere videtur, quod à falsis intelligat veras pondere su-
 perari. Cui & id suffragatur, quoque Margaritas præ-
 fert, quæ minus graues sunt. Examinantur denique &
 corpore. Ementitis quippe bullæ in profundo compa-
 rent, quas & scabra cute & capillamentis, itami. ū te-
 nuissimorum instar intercusantibus, conspicias: fulgo-
 re item inconstante atque iniucundo, nitore videlicet
 priusquâ aciem complectatur elâguido. Certissima-
 rum siquidem splendor colorve non in facie tantum
 (vt in adulterinis) sed & per omne corpus, quibusuis
 etiam forma & situ gratissimæ iucundissimæque vi-
 suntur, ceu scilicet ad sui decoris spectaculum blanda
 quadam oculos alliciant comitate. quò nâque diutius
 inspiciuntur, hoc magis delectant, ac gratiæ non ineffi-
 caci illicio obtutus explent. Laudatæ item limam non
 capiunt: vt vel hoc solo veras à falsis dispescere man-
 gonum magna pars norit. Sunt tamen qui Smaragdū
 & Topazium excipiant. Deinde & ignibus propinque
 non spuria, illæse euadunt: excepto tamen Chrysole-
 ctro ignium rapacissimo. Ad hæc duriores maxi-
 mē commendantur, nimirum quod lapidi propria sit
 durities. Quod autem ad optimarum delectum perti-
 net, æqualibus canas vel exturbantes postponunt. Ob-
 longas quadratis prætulit antiquitas: verum nunc an-
 teponunt quadratas, vt quibus angulosis mini-

*Bullæ e-
mentitis
ostendunt.
Fulgoris
inconstan-
tia.*

*Argumē-
tū à limā.*

*Experi-
mentū ab
igne.
Laudato-
rū electio.*

ma olim fuerit autoritas, nunc versa vice clarior sit gratia. Illas sequuntur quæ lenticulæ forma, deinde quæ triangulæ. Omnium verò nouissimæ æstimantur rotundæ, quamuis forsitan omnibus præferri deberent si figuræ rationem spectes.

Epilogus. Nostris verò his lucubratiunculis ad vmbilicum tandem perductis, postremò te quoque beneuole lector admonere visum est, nil tibi mirum esse debere, quòd Gemmas quandoque masculino, aliquando autem fœminino genero scripserim, nimirum cùm vtroque genere ac promiscuè illas collocari apud classicos autores crebrò legere sit. Cuius quidem rei vel vnicus mihi testis & autor est idoneus Galenus ille Medicorum ab Hippocrate abundè princeps libr. 9. simplicium pharmacorum.

FINIS.



CLARISSIMO AC ERVDI-
DITISSIMO VIRO FRANCISCO
Rueo Medico, Insulis artem Apollineam profitenti, frater Pas-
chasius Balduinus canonicus Phalempinensis S. P. D.

*Hac Epistola super his duobus Ruei libris iudicium con-
tinetur primum: deinde de Hebraicis Gemmarum no-
minibus, deque earum admiratione, usu, abusu, & vi-
ribus tractatur.*

Perlecto libello quem de viribus ac na-
tura Gemmarum nuper elaborasti, non
potui tibi non gratulari optime Fran-
cisco, hoc à te argumenti genus esse tra-
ctatum ac illustratum, tum quòd tuam
professionem non dedeceret eiusmodi studiorum in-
quisitio, tū quòd nos quibus potissimū sacris operā
nauare opus est, permolesta animi anxietudine atque
labore leuaueris. Ea enim non nihil ad sacra pertinere
nullus reor, inficias ibit, quū tā sedulò ac seriò illis in-
terferantur, ac ordine disponantur. Atque penitus i-
sta exquirere, quia per varia prophanorum scripta dif-
perguntur, atque ea mente ab eis explanantur vt ad tē-
porale commodum proficiant, per ocium nobis non
conceditur. Sed & pontificiis decretis plus nimio eis-
dem incumbere vetamur, cogimur quòque præscri-
ptis diuinis sacras euoluere literas. *Scrutamini scriptu-
ras*, inquit ipse sacrosanctorum oraculorum conditor
Quia vos putatis in ipsis vitam eternam habere, &c.
Quòd verò Ioannis Αποκαλυψιως locum tibi potissi-
mum delegeris, ibique traditum ordinem tenueris,

guam nostram translata variant, aliis alia suspicanti-
 bus, Vnde non satis compertum habetur an idem idē
 diuus Ioannes sacris illis gemmis antiquitus per Mo-
 sen proditis alludere vel conuenire voluerit quando-
 quidem in nominum descriptione cum interpretibus
 antiquis non plurimum dissentit, hoc est tantum in
 carbunculo, achata, Ligurio & Onychino, quarū vice
 Chalcedonium siue Carchedonium, Sardonychen,
 Hyacinthum & Chrysoprasum, constituit, vt non satis
 liquidum sit de interpretum fide, quum iam omnis il-
 lorum versio in dubium à nonnullis vocata sit. Arbi-
 tror. tamen illum non eosdem lapillos adiicere voluis-
 se, quū onychis, qui apud Mozen inter duodecim Gē-
 mas memoratur nullam mentionem fecerit, quē ple-
 riūque omnes in eo nomine ab Hebraica voce scōham
 tralatum vocitant: nisi fortē Sardonychem idem Ioan-
 nes pro illo statuerit quod Iosephus facere videtur,
 Cuius onychyni lapilli in tuo opusculo vix recorda-
 tus es. quum tamen præ cæteris in veteri instrumen-
 to eius mentio frequentius repetatur. Arbitror id cō-
 sultō tibi accidisse, quod malignioris sit naturæ, nec in-
 ter celebriores Gemmas supputetur, neque tantæ sit
 dignitatis & vsus vt curæ tibi fuerit illum enucleatiū
 explicare. Quod idem in Lyncurio, quem nostrates
 theologi aut physiologi Ligurium appellitant effice-
 re visus es nisi quod succini naturā demonstrans eius
 aliquantulum memineris. Porro cæterorum qui sacris
 libris continentur, quos tamen Apocalypsis non ha-
 bet, gaudeo te non fuisse oblitum, quatenus non mi-
 nus è re theologica fuerit, hos noscere quàm illos.
 Carbunculum & Achaten. Exodus liber cap. 28. at-
 que Ezechiel inobis exhibēt, adamas quoq; ab eodem
 Ezechiele cap. 3. & à Zacharia vsurpatur, quamuis hoc

Probatio

potius interpreti Latino quàm veritati tribuerim. Neque enim Hebraicus sermo ibi permittit Gemmam omnium nobilissimam intelligi: quum durities indidem tantum, non præ signis eminentia petatur, ut etiam fit è filice illic memorato. Intellexerim itaq; pro illo aliquod saxi genus: quod etiamnum Græcus interpres ostēdit, in petram eam vocem vertendo. Sūt qui in Exodo ac Ezechiele loco Iaspidis adamantem collocent, tanta est Hebræorū oculis offusa caligo. Nec non sunt alij qui pro vitro, quod Iob cap. 28. ab interprete positum est vocem Hebraicam Zecucith, in adamantem certendam autument. Id ipsum penè in omnibus Gemmis reliquis vsuuenit Hebræis ut subinde nouam vel aliam pro alia excogitent: sic sunt cæci errorum magistri, quibus illæ diræ à sacro Psalte profusæ imputantur. Obscurentur, inquit, oculi eorum ne videant. Est quoque eodem cap. Iob vocabulū, quod in Corallium trahunt quum nusquam in sacris habeatur: id autem est pro quo, excelsa, traduxit interpres Latinus, minus consideratè vocem Hebraicam pro altera sumens. Inuenimus quoque alteram vocem, in eminentia, in eodem capite versam, quam etiam volūt esse cuiusdam Gemmæ symbolū, Gabis ea dictio scribitur. Hæc autem dixerim ut tuum consilium approbem, qui diui Ioannis Gemmis explanandis, reliquas etiā vsu & dignitate celebriores nō omittendas cēsueris inqueis eas quæ sparsim in diuinis literis legūtur, tametsi clarū nō sit quæ sint verissimile fuerit cōtineri. Non abnuerim tamen illud primū seculū, quo sacre cōditæ sunt scripturæ, hoc est Mosis ætate, nō vsque adeò fuisse edoctū ut omniū Gēmarum pernouerit naturas & vires, quū inficiari non queamus illud tunc primū omnē ruditatē exisse, & perspicuum sit ab ætate

ætate Plinij non parum immutatam esse earum Gem-
 marum æstimationem, & quibusdam non parum pre-
 cij accessisse, quum eo tempore primum vel secundū
 dignitatis locum obtinerent vniones, nunc autem vix
 quartum fortiantur, H-s, id est sestertium centies vna
 Cleopatrarum Aegypti reginæ Margarita: quæ summa nō
 minus æstimatur ducētis & triginta quatuor milibus
 trecētis quoq; & septuaginta quinque ducatis. Potuerūt
 itaq; eo rudi sæculo Adamantes & nonnulli alij lapil-
 li primæ nunc indicaturæ fuisse ignoti: & qui maximè
 tunc dignitatis fuere, temporis accessione, nobiliori-
 bus cedere cœperunt. Ecce quò me protraxit tuus de
 Gemmis & lapillis operosus labor. Cernis quis tandē
 Epistolæ finis erit, si cuncta examussatim pergam edi-
 cere quæ scœcundum hoc tuum argumentum parere
 possit, si mysticas à singulis Gemmis significationes e-
 ruere parem: si duodecim fundamenta his lapillis or-
 nata, portasque singulis Margaritis extructas, theolo-
 gorum more, ad morum fabricam & sacramentorum
 expressionem trahere velim, Quem hæc contēplati-
 tio, atque tam decori habitaculi adumbratio, ad vitæ
 purioris splendorem non pertrahat? quis prauos mo-
 res ad rectitudinis lineam huius ciuitatis tam specio-
 sæ desiderio non corrigat? quis tam obesæ mentis &
 hebetis ingenij, qui nō ex his perpendat, quanta mū-
 dicie præpollere debeant ciuitatem tantis ornatā mi-
 raculi ingredi cupientes, quum nihil coinquinatum,
 vt palàm diuvs ipse Ioannes asserit, in illam recipien-
 dum sit. Iam paulisper non pigebit animum attende-
 re in eos qui horum lapillorum gestaminibus gaudēt
 onerari, vel vt se ad exercitia spiritalia inde promo-
 ueant, quod in illis mirificis vestibis quas sacerdoti
 magno apparatus legimus, factum credimus: vel vt

*Gemma-
rum adu-
ratio.*

*Gemma-
rum pre-
cium.*

*Cōra l-
xii in
mis gest-
dis.*

corum fulgoribus sese venditent apud vulgus igno-
 bile gloriolam quampiam ex his captantes, & quid-
 dam diuinum sibi arrogantes, quod Tyrio regi impin-
 git propheta Ezechiel, quem in medio ignitorum la-
 pidum ambulasse suggillat: de quo paulo antè dixe-
 rat, *Eò quod eleuatum cor tuum quasi cor Dei.* Et post,
Omnis lapis preciosus operimentum tuum. Eiusmodi
 homines quis non fateatur degeneris esse animi, qui
 propriis ornatibus priuati, hoc est virtutibus denu-
 dati, exóticos & externos cultus asciscunt, tīaras, digi-
 talia, cingulos, & quid non, frequentissimis lapillis in-
 farciunt? perinde ac si in illos vertendi essent, animi na-
 tiua ornamenta fastidientes. His hominibus si vel mē-
 tis mica inesset, cura diuersa, ea nimirum quæ omne
 facticium & commentitium aspernatur, in primis ap-
 peteretur, qua honestos mores illis ipsis lapillis desi-
 gnatos induere satagerent. Excellens quidem naturæ
 opus & non exiguum miraculum est. Gemmarum na-
 tura & vis, si spectetur materiæ temperamentū & quæ
 dam lucis cū elementari crassitie copulatio, & eo præ-
 cellētius quo durabilius: & tam est mirabile, vt ipsa na-
 turam suam totam vim in earum opificium collegis-
 se ac effudisse videatur. Quamobrē has gestaturis, quia
 summopere intuentium oculos alliciunt, expedit, vt
 in cuiusdam insignioris operis symbolum aut signum
 adsumantur, quo mens haud in paucis naturæ gradi-
 bus illas antecellens vegetior, & ad suæ operationis
 promptitudinem accommodatior reddatur: & ad æ-
 ternam beatitatem, ad quam benignus conditor il-
 lam destinauit, compendiosius perueniat. Hoc præ-
 cipuum horum lapillorum munus crediderim, quod
 si defuerit, indignum prorsus celsitudini humanæ
 gestamen poterit iudicari, ne vnde corpus quod

*Admira-
 tio earum
 rursus, &
 gestatio li-
 cita quæ.*

corumpitur ornatum aucupatur, inde maius dispen-
dium animus cœlestibus natus incurrat, & ne nimio
lapillorum fulgetris addictus, lapideus etiam ipse a-
nimus euadat, ac proinde à sua conditione decidat;
nec ab iis honoris subsidium quærat, quibus ipse opi-
nionem honoris elargitur. Hac ratione agnoscant re-
ges & pontifices, & quicunque horum gestiunt adia-
centi luce gloriosiores apparere, eorundem vires, il-
lâsque ad animi vegetationem transferant, vt in Sap-
phiro sit castitas & cœlestium amor, in Carbunculo
ardens charitas, in Adamante iustitiæ constantia, in
Smaragdo facilis humanitas, & in cæteris simile ali-
quid quod menti virtutem tribuat: ne quiddam simia-
ticum referant, hoc est, ne sicut simia in purpura fa-
stû quendâ ostentent & se ridendos præbeant. Nolim *Vires na-*
tamen salubres Gemmarum vires attenuare, corpo- *turales.*
ribus humanis oppidò quàm profuturas, si commodè
illis applicentur. Quas vires & proprietates vt reliqua
rum rerum, corpori humano conducibiles, fuerit phy-
sicorum vestigare: illa verò signa quæ mentem mo-
ueant, theologorum: vt in eadem re tractent medica
physici, & diuina theologi, atque sic vnumquodque
membrum in mystico Christi corpore, suo munere di-
gnè perfungatur. Vides optime Francisce, tui libelli
lectione me non parum fuisse delectatum, qui tot ver-
bis gaudiû testatum reliquerim, & affectus hos velut
cestro percitus vel potius numine afflatus ediderim,
ne prorsus perditum laborem tuum autumes. Nam si
eiusmodi fructus neutiquam sequantur, frustra fuerat
à sacris tuum argumentum petisse. quandoquidem
luce clarius est in his Gemmas esse memoratas non
vt corpori decorando seruirent, sed animi virtuti-
bus vel conquirendis vel conseruandis profice-

rent. sed neque alioqui plurimum decuisset eundem libellum cuius *ἑυρουρπρόντων* dicare, quibus sacra tractare semper incumbit: sed neque me censores statui oportuisset, cuius vires tantæ rei expediendæ impares sunt. Non pauca etenim è philosophorum adytis, nonnulla è theologorum placitis in medium deduxisti, de quibus certum ferre iudicium difficile fuerit, quando nec summus philosophus possit omnibus his sufficere, & theologus interdum connivebit, nonnunquam dissimulabit, modò nihil sit oraculis cœlestibus ac ecclesiasticis dogmatibus repugnans. Eiusmodi sentimentorum nonnunquam narratorem non assertorem suspicio, quòd habeas non infimos autores quibus acceptum feras quod expromis & quibus te tuearis, quum liberum sit in plerisque vtranque partem fovere. De quibus nunc esset longius quicquam disserere, præsertim quum probè calleas quid intus habeam. Relinquo sua astrologis apotelesmata, theologorum turbam non modo refragantem, sed manibus pedibusque illo adrepentem interim dissimulo, de quibus nihil mihi libet nunc scribere, quando prolixior ipse fuerim quàm putaueram, præsertim tibi occupatissimo, cuius seria interpellare, piaculi quiddam refert. Vale.

FINIS.



LARDVS RVEVS ETIAM-

num puer, Patris obseruandissimi libellum
Lectori commendat hoc
Elegiaco.

*Qui legis inuisi conuiuia cruda Thyesta,
Discerptumq; vagis curribus Hippolytum.
Oedipodemq; oculis captum: structamq; venenis
Medeam, regum bellaq; ficta legis:
Qui legis Harpyias, Centauros, Gorgonas, Hydram,
Quid nisi monstra, precor, prodigiosa vides?
Talia quæ cruciant animum male sana facessant,
Quæq; virum sapiant perlege scripta Patris:
Hic vim gemmarum tractat, quæ cognita longè
Illarum vincit commoditate decus.*

Eiusdem ad patrem integerrimum,
Epigramma.

*Ecce pater volitant totum tua scripta per orbem,
Docta per aternos scripta legenda dies:
Nempe tuo exemplo me nostrum nomen in auras
Spargere vis: tutum nunc mihi pandis iter.*